

Ms. 7. 3251

Ms. 7.

and (1st. 1673)

most of American interest

Hayden Co. 1st 326



John Carter Brown
Library
Brown University

8 8613

Engel

564.



JOANNIS ADAMI WEBER
Præpositi Högelwerthenfis.

DISCURSUS
CURIOSI ET FRUCTUOSI.



DISCURSUS
CURIOSI ET FRUCTUOSI,

Ad præcipuas
Totius Litteraturæ Humanæ
Scientias illustrandas
Accommodati.

O P U S

Tam Lectu jucundum, quàm Fructu fecundum;

IN QUO
De Macrocosmo & Microcosmo

Sive
DE MAGNO ET PARVO MUNDO,

Sub Schemate univèrsalis Litteraturæ,
Non minùs accuratè quàm succinctè differtur.

AUCTORE
JOANNE ADAMO WEBER, Canonico

Regul. S. August. Collegij Cellæ Novæ in Tyroli Pro-
fesso, SS. Theol. Sacrorumq; Canonum Doctore, Sac. Ma-
jest. Cæsar. Consiliario, Præposito Högelyventensi.

EDITIO ALTERA.



16

90.

Impensis JOANNIS BAPTISTÆ MAYR, Ty-
pographi Aulico-Academici Salisburgensis.



*Reverendissimo Prænobili
Amplissimo*

DOMINO DOMINO

HIERONYMO,

DEI GRATIA

Insignis Ecclesiæ Collegiatæ
Canonicorum Regula-
rium

Ad S. DOROTHEAM
Viennæ Austriæ

PRÆPOSITO
dignissimo,

SAC. CÆS. MAJEST.

CONSILIARIO

Statuum Provincialium Inferioris
Austriæ

DEPUTATO

&c.&c.

Domino meo per quàm gratioso.

THE HISTORY OF THE

ROYAL

ACADEMY OF SCIENCES

OF FRANCE

FROM 1666 TO 1793

BY M. DE LA PONTAIGNE

PARIS

1793

DE LA PONTAIGNE

DE LA PONTAIGNE

DE LA PONTAIGNE

DE LA PONTAIGNE

DE LA PONTAIGNE

DE LA PONTAIGNE

DE LA PONTAIGNE

DE LA PONTAIGNE

DE LA PONTAIGNE

DE LA PONTAIGNE

DE LA PONTAIGNE

DE LA PONTAIGNE

*Reverendissime Prænobilis ac
Amplissime*

DOMINE DOMINE

PRÆSUL



AD S. DOROTHE-
AM, & Reverendis-
simum Celeberrimi
illius Asceterij AN-
TISTITEM Discursus hi festi-
nant, ad illum nimirum gra-
tiarum sinū, quem pridem,
diūquenon delibavit tantū
Operis hujus Author, sed

)(4

plenis,

plenis, ut ajunt, buccis ruminavit, plurimúmque frequentius mihi deprædicavit jure planè meritissimo, animoque, ut apparebat, gratissimo. Recurrit nunc post Ejus mortem ad hunc ipsum fontem Opus Ejusdem alterâ Editione Curioso, ac Studioso Orbi ulteriùs promulgandum, ac propagandum. Et quia mel ex ipsis DOROTHEÆ floribus suxisse videtur Apis nostra argumentosa, meritò gratiosissimum Auspiciu, ac Patrocinium ibidem quærit *Typus* hic *Succedaneus*. Opus curiosum est, ac fructuosum. Et quia

quia nunc de tempore est *le-
gere fructus* , liceat his *Au-
tumnales prægustus* sociare
Veri Dorotheano etiam in ri-
gidâ quantumvis hyeme de-
liciosâ florum varietate feli-
ci. Sensit asperam prô do-
lor! non adeò pridem hye-
mem Vienna, Turcis, velut
niviû floccis, ingruentibus;
at servavit suos **DORO-
THEA** flores dante incre-
mentum **DEO** , providâ
identidem directione Ri-
gante vigilantissimo horti il-
lius conclusi Custode, **TE**,
inquam , **REVEREN-
DISSIME** , **PRÆNO-
BILIS AC AMPLISSI-**

) 5

ME

ME D. PRÆSVL. Et
quia ex cultissimo illo Viri-
dario tunc etiam flores ap-
paruerunt in terrâ nostrâ,
qui meos quoque typos vi-
fere, ac gratiosissimâ pariter,
atque gratissimâ præsentîâ
beare dignati sunt, Fiduciâ
plenus hos ipsos Characte-
res sub TVVM auspiciis
remitto, *Patrone Amplissi-
me*, atque unâ tot vota in lon-
gævi, ac felicissimi Regimi-
nis omen, ac votorum Tuo-
rum apicem, quot apices
præfens hic liber numerat.

Admitte, quæ veniunt ex
corde bono & optimo, ac
parce brevitati meæ; nam
virtu-

virtutum Tuarum Elen-
chum texere, nec Modestia
Tua permittit, nec chartæ
hujus Angustia. Satis Vien-
na deprædicat, Austria su-
spicit, ego verò Spartæ huic
impar venerabundo silentio
interim conticesco.

*Reverendissimæ Prænobilis
& Amplissimæ Dominationis Tuae*

Salisburgi 28 Augusti
in ipso D. Augustini Festo

Servus humillimus

JOANN. BAPT. MAYR,
Typographus Aulico-Aca-
demicus.


APPROBATIO

*Reverendissimi Metropolitici Consi-
storij Salisburgensis, &c.*

Ibellum hunc, intitulatum,
*Discursus Curiosus & Fru-
struosi, &c.* de mandato Re-
verendissimi Consistorij diligenter
revidi: Qui cū Orthodoxæ fidei
ac bonis moribus sit per omnia
conformis, etiam publicâ luce di-
gnus, imprimi permittitur. Salis-
burgi, 17. Augusti 1673.

JOANNES JULIUS DE MOLL,
Provincialis Austriacus, Cel-
sissimi PRINCIPIS & Archiepi-
scopi Salisburgensis S. Sedis
Apostolicæ Legati, &c. &c.
Consiliarius Consistorialis &
Colleg. B. M. V. ad Nives
Canonicus.

SYLLA-



SYLLABUS DISCURSUUM,

Qui ex præcipuis humanæ Litteraturæ
Scientijs formati, & præsentis Opusculo
inserti sunt.

ISAGOGE

Sive

INTRODUCTIO

*Continens quatuor Scientias Proæmiales: Hexilogiam,
de Habitibus Intellectualibus, pag. 3. Technologiam,
de Habitudine ac Serie Scientiarum, pag. 12. Arche-
logiam, de Principiis Scientiarum, pag. 21. Didacti-
cam, de Modo studendi Scientiis, pag. 33.*

DISCURSUS.

- | | | |
|-------|---|------|
| | | pag. |
| I. | Ex Cosmologia, de Creatione Mundi, &c. | 36 |
| II. | Astrologia Complectens varias observationes de
Sole, Luna, alijsq; Sideribus. | 61 |
| II. | Stœchiologia, de quatuor Elementis. | 76 |
| IIIV. | Meteorologia, de variis Cometis, deque fune-
stis eventibus, qui eos plerumque consecuti
sunt. | 91 |
| V. | Lithologia, de Natura variorum Lapidum. | 101 |
| VI. | Metallosophia, de Natura variorum Metallo-
rum. | 108 |
| VII. | Mesologia, de Fossilibus imperfectioribus, ha-
bentibus mediam temperiem inter lapides &
metalla. | 118 |

VIII. Ex

DISCURSUS.

	pag.
VIII. Ex Botanologia, de Natura & qualitatibus variarum herbarum atq; radicum.	124
IX. Anthologia, de Natura & qualitatibus di- versorum Florum.	173
X. Thamnologia, de Natura & Proprietatibus quorundam Fruticum.	145
XI. Phryganologia, de Natura & proprietati- bus quorundam Suffruticum.	151
XII. Dendrologia, de variis Arboribus, earum- que naturis & proprietatibus.	154
XIII. Zoologia, de docilitate, solertia, & astutia variorum animalium.	166
XIV. Entomologia, de Natura & proprietatibus Insectorum seu animalium exanguinum.	173
XV. Ichthyologia, de Piscibus & Aquatilibus.	184
XVI. Ornithologia, de Volatilibus.	198
XVII. Tetrapodologia, de Animalibus quadrupe- dibus.	213
XVIII. Anthropologia, de Natura & proprietati- bus hominis.	228
XIX. Georgica, de Agricultura, & rebus cum ea connexis.	240
XX. Phyturgica, de cultura Horti & Vineæ.	249
XXI. Bucolica, de Oeconomia Animalium.	273
XXII. Architectonica, de modo edificandi.	284
XXIII. Logica, continens assertiones quasdam Lo- gicales anigmatico-paradoxas.	293
XXIV. Somatologia Physica, de Principiis Corpo- ris naturalis.	295
XXV. Musurgia, de Natura Musicae.	299
XXVI. Optica, de Visu, Visione, & Visibili.	305
	XXVII, Ex



DISCURSUS.		pag.
XXVII.	Ex Geographia, de Partibus Terræ.	318
XXVIII.	Historia, complectens varia Monita ad Historiam pertinentia.	337
XXIX.	Chronologia, de rebus memorabilibus, que variis temporibus gesta sunt.	343
XXX.	Ethica, de vitanda Curiositate.	369
XXXI.	- - de Gula & Ebrietate.	375
XXXII.	- - Instabilitati Fortuna non esse fi- dendum.	379
XXXIII.	- - de sustinendis patienter molestiis & difficultatibus Agamie.	384
XXXIV.	- - de variis Astutiis, Imposturis, ac Dolostratibus.	389
XXXV.	- - complectens brevem quandam totius Ethicæ Christianæ nu- cleum.	415
XXXVI.	Oeconomica, continens varia Monita Statum Conjugalem concernentia.	433
XXXVII.	- - - de administratione rei fami- liaris.	463
XXXVIII.	Medicina, de rebus ad Sanitatem Cor- poris spectantibus.	477
XXXIX.	- - de Signaturis rerum ad morbos pellendos deservientium.	511
XL.	Jure Canonico, de Institutione & Ele- ctione Summi Pontificis.	516
XLI.	- - de Cardinalibus.	528
XLII.	Jure Publico, de Electione, Officio, & Po- testate Imperatoris Romano Germa- nici.	536
	XLIII. Ex	



DISCURSUS.

	pag.
XLIII. Ex Jure Publico, de quibusdam Illustrum Europæorum Principum ac Statuum pretensionibus.	544
XLIV. - - de Circulis Imperii.	554
XLV. - - de Hansa Teutonica.	562
XLVI. - - de Nobilibus, Baronibus, & Comi- tibus.	566
XLVII. Politica, in quo traditur Regula generalis ad regendam Rempublicam de serviens.	576
LXVIII. - - completions Regulas particularis ad gubernandam bene Rem- publicam accommodatas.	674
XLIX. Polemica, varia Regula ad rem Milita- rem pertinentes.	747
L. Theologia, de Christo, & Benedicta Ma- tre Ejus Maria.	783
LI. - - de Anti Christo.	789
LII. Scientia Quodlibetica, de Rebus ad varias Scientias spectantibus.	810





ISAGOGE

SIVE

INTRODUCTIO

AD PRÆSENS OPUSCULUM,

In quâ breviter differitur de quatuor Scientiis Universalibus, HEXIOLOGIA, TECHNOLOGIA, ARCHEOLOGIA, DIDACTICA, quæ ad omnes alias scientias perfectè addiscendas præliminariter requiruntur.

PRÆFATIUNCULA.



Præliminares appello has quatuor Scientias, quia in antecessum addiscendæ sunt, ut iis animus discendus ad faciliorem reliquarum disciplinarum intelligentiam præparetur. Quapropter non ineptè quis hasce quatuor scientias quaternas Rotas appellaverit, quibus innixus Litteraturæ universalis currus, ad metam consummata Sapientiæ feliciter attingendam promovendus est. Porro Hexilogia nihil est aliud, quàm Doctrina præcognoscenda de Habitibus Intel-

A

telle-

2 PRÆFATIUNCULA.
*Intellectualibus. Technologia est doctrina præ-
cognoscenda de habitudine ac serie disciplina-
rum, sive scientiarum. Archelogia est doctri-
na præcognoscenda de principiis omnium disci-
plinarum. Didactica est doctrina præcogno-
scenda de ratione studendi in discipli-
nis sive Scientiis.*



PARS PRIMA.

DE HEXIOLOGIA.

CAPUT I.

Doctrina Proæmiales.

PRIMA. Omnis doctrina est ex præcognitis. Præcognita autem alia sunt *Thematica*, alia *Problematica*, alia *Systematica*. Præcognita *Thematica* sunt, quæ in tractatione Thematis simplicis præmittuntur; ut si differendum sit de Deo, necesse est, ut aliquid saltem sit præcognitum: Verb. grat. quid sit ens, bonum &c. Præcognita *Problematica* sunt, quæ in tractatione problematum, id est, quæstionum controversarum præmittuntur formationi argumentorum. Exempli gratia, si quæstio sit, An Philosophia & Theologia inter se pugnent; colligi debent præcognita quædam ex parte subjecti & prædicati. Præcognita *Systematica* sunt institutio præparans animum discantis ad facilius capeffendam disciplinam, quæ traditur. Hæc aliàs appellantur Prolegomena, Prodidagmata, Protheoriæ, Prænotiones &c.

SECUNDA. Principia, quæ dirigunt discitem, vel sunt habitualia, vel notionalia. Illa sunt ipsi habitus, qui sunt principia actionum: hæc sunt axiomata, ex quibus oriuntur conclusiones. Priora explicantur in Hexiologia, posteriora in Archelogia, de qua infra. Dividuntur insuper Principia in Theoretica & Practica: quorum illa dirigunt cognitionem veri, ista actionem boni moralis.

TERTIA. Deus nihil est aliud, quàm increata Lux, & omnia ejus opera sunt plena Luce; & in tantum sunt

opera Dei, in quantum Luce sunt prædita. Porro Lux illa, quam Pater Luminis; homini in prima creatione implantavit, appellatur Lumen naturæ, quod est radius quidam divinæ Lucis, fulgens in mente seu intellectu hominis, diciturque propriè *Intelligentia*, prout est in intellectu theoretico: *Lex natura*, prout est in practico. Atque hanc Naturæ Legem conservat synteresis, eique ancillatur Conscientia.

QUARTA. Lex est norma faciendorum, dividiturque in scriptam & non scriptam. Lex scripta pertinet ad Jurisprudentiam, de qua suo loco. Lex non scripta est ipsa lex naturæ, quam Deus omnium hominum mentibus insculpsit, ad percipiendum discrimen honestorum & turpium. Aliter appellatur *Ius Naturæ*, quia est iussus quidam naturæ: item *Ius Divinum*, quod habeat Deum authorem: *Ius* denique *Aeternum*, quia non est lex scripta, sed nata; quam (ut ait Cicero) non didicimus, accepimus, legimus, verum ex natura ipsa arripimus, hausimus, expressimus: ad quam non docti, sed facti, non instituti, sed imbuti sumus.

QUINTA. Encyclopædia est methodica scientia rerum omnium in hac vita homini discendarum, sive omnium scibilium. Itaque Encyclopædia non immeritò appellari potest Pandectæ & Universitas disciplinarum, atque systema omnium systematum, quibus res homine dignæ methodo certâ explicantur.

CAPUT II.

De Natura & objectis Hexilogia generatim.

Assertio Prima. Hexilogia derivatur à nomine Græco *Hexis*, quod significat habitum. Nam Hexilogia nihil est aliud, quàm scientia differens de habitibus: cujusmodi sunt sapientia, scientia, prudentia, Ars &c.

Affer-

Affertio Secunda. Objecta Hexilogiæ sunt 1. Habitus: 2. Intelligentia. 3. Sapientia. 4. Scientia. 5. Ars. 6. Opinio. 7. Fides. 8. Prudentia. 9. Synteresis. 10. Conscientia.

CAPUT III.

De Hexilogia Objectis in particulari.

A*ffertio Prima.* Habitus intellectuales (de quibus hic præcipuè sermo est) sunt qualitates determinantes intellectum ad faciùs percipiendum sua objecta, quæ sunt omnia intelligibilia.

Affertio Secunda. Causæ habituum intellectualium alia sunt supra hominem, uti est gratia Dei: alia intra hominem, uti sunt Natura, Doctrina & Exercitatio. Natura incipit, Ars dirigit, Exercitatio perficit. Natura facit habiles, Ars faciles, Exercitatio stabiles.

Affertio Tertia. Quidam habitum dividunt in tres Species: innatos, infusos, acquisitos; alii in duas: innatos & adventitios. Sed illa trichotomia in hac dichotomia continetur, ad eamque omnes habituum species revocari possunt.

Affertio Quarta. Amplè dividuntur habitus in tredecim species. *Primò* In veros & falsos. Illi disponunt intellectum ad assentiendum veris principiis & conclusionibus: hi disponunt intellectum ad assentiendum falsis principiis & conclusionibus. *Secundò* In rectos & pravos. Illi disponunt intellectum ad bonè: hi ad malè contemplandum verum & falsum. *Tertiò* In innatos & adventitios. Illi sunt homini à Deo implantati: hi forinsecus accedunt. Unde illi infusi, hi acquisiti appellantur. *Quartò* In liberales & illiberales. Illi ad intellectualia, hi ad corporalia munia obeunda hominem reddunt idoneum. *Quintò* In simplices & mixtos. Illi determinant intellectum ad cognitionem

unius, hi ad cognitionem varii objecti. *Sextò* In necessarios & contingentes. Illi disponunt intellectum ad cognitionem principiorum & conclusionum immutabilium: hi ad cognitionem principiorum & conclusionum mutabilium. *Septimò* In eos, qui sunt presentis, & eos, qui sunt futuræ vitæ. Illi hominem ad munia vitæ animalis in statu naturæ, vel spiritualis in statu gratiæ: hi ad munia vitæ spiritualis in statu gloriæ reddunt idoneum. *Octavò* In practicos & speculativos. Illi ordinantur ex natura sua ad productionem sui objecti. Hi sistunt in contemplatione objecti, illudque non efficiunt. *Nonò* In totales & partiales. Illi versantur circa integrum Systema alicujus scientiæ ex variis habitibus partialibus conflata: illi occupantur circa partem scientiæ totalis. *Decimò* In ordinarios & extraordinarios. Illi disponunt intellectum secundum ordinarium naturæ vel gratiæ cursum. Hi supra ordinarium cursum naturæ vel gratiæ ipsum elevant. *Undecimò* In perfectos & imperfectos. Hi aliquâ, illi omni ex parte intellectum disponunt. *Duodecimò* In noëticos & dianoëticos. Illi disponunt intellectum ad contemplationem non discursivam: hi ad discursivam. *Decimò Tertiò* In naturales & supernaturales. Hi vires naturæ excedunt, fecus illi.

Affertio Quinta. Intelligentia est habitus contemplativus, inclinans hominem ad firmiter & evidenter assentiendum primis principiis theoreticis. Aliàs dici solet intellectus principiorum speculativorum.

Affertio Sexta. Quia habitus intelligentiæ producit sine medio, sine discursu & sine arte, solummodò per naturale lumen intellectûs, ideo nomine *Intellectus* significatur, nomenclaturâ sanè augustissimâ.

Affertio Septima. Synteresis (vulgò Synderesis) est habitus practicus, quo homo redditur propensus ad firmiter

miter & evidenter assentiendum primis principiis practicis.

Assertio Octava. Sapientia propriissimè sumpta consistit in habitu versante circa prima, id est, generalissima principia, & illorum conclusiones.

Assertio Nona. Sapientia strictissimè sumpta sex sunt attributa. 1. Omnia scire: non quidem singulatum, & minutatum, sed quantum ad primos sciendi fontes, id est, prima principia. 2. Scire difficilia. 3. Versari in accurata demonstrandi ratione. 4. Maximam habere ad docendum aptitudinem: non quidem quoad modum docendi (ita enim Logica maximam habet ad docendum aptitudinem) sed quoad principia cognitionis. 5. Esse maximè expetendam: cum sit scientia rerum altissimarum & generalissimarum, scilicet primorum principiorum, quæ sunt cognitu dignissima. 6. Omnes alias scientias regere, præscribendo suum singulis objectum, & principia communia tradendo.

Assertio Decima. Scientia est habitus inclinans Intellectum ad assentiendum conclusionibus necessariis per proprias sive proximas causas, non autem per primas, quod proprium est Sapientia.

Assertio Undecima. Duæ sunt proprietates Scientia, evidenter & certitudo; per illam cognoscit Scientia suum objectum sine obscuritate, per hanc sine formidine & dubitatione.

Assertio Duodecima. Scientia alia est actualis, alia habitualis. Illa in assensu conclusionis scientificæ seu demonstrativæ, hæc in habitu ex prædicto assensu generato consistit.

Assertio Decima Tertia. Completa ratio scientia his tribus continetur: subjecto, proprietatibus & principiis. Nam primò requiritur subjectum scibile, de quo agat, & cujus proprietates demonstret Scientia. Deinde

de requiruntur ipsæ proprietates, cum subiecto necessario connexæ & de eo demonstrabiles. Tertiò, cum nihil demonstretur per se ipsum, necesse est, ut dentur principia, eaque proxima, per quæ demonstrentur passionibus de subiecto.

Affertio Decima Quarta. Prudentia est habitus practicus, respiciens bonum practicum, id est, honestum; quatenus illud ex principiis suis probatur. Quæmodum enim intelligentia in theoreticis est habitus noëticus, & scientia habitus dianoëticus: ita synteresis in practicis est habitus noëticus, & prudentia dianoëticus: ac proinde ex principiis practicis probat conclusiones practicas, quæmodum scientia conclusiones theoreticas probat ex principiis theoreticis. Hoc tamen interest, quòd demonstratio propriè dicta non detur in prudentia, sed latè sumpta. Nam prudentia non versatur circa res necessarias, in quibus proprietas demonstranda sit de subiecto: sed circa res contingentes, id est tales, quæ pendent à nostra voluntate; in quibus hoc quæritur, ut à nobis fiant, non verò, ut à nobis sciantur. Cæterum prudentia est in Ethicis habitus moralis; hoc loco est habitus intellectualis.

Affertio Decima Quinta. Ars est habitus cum recta ratione operativus, & ordinatur ad operationes non modò liberales, sed etiam illiberales & Mechanicas. Priori modo Logica v. gr. sortitur appellationem Artis: posteriori modo fabrilis, &c.

Affertio Decima Sexta. Quælibet Ars duas continet partes, docentem & utentem. Docens est, quæ tradit præcepta artis: utens est, quæ prædictis præceptis utitur.

Affertio Decima Septima. Scientiæ opponitur Opinio, ut perfectio imperfectum. Nam opinio est assensus pendulus, scientia assensus immobilis. Illa formidinem includit, hæc excludit.

Affer-

Affertio Decima Octava. Opinio alia est mediata, alia immediata. Mediata est, quæ nititur medio probabili: ut, *Luna pallet, ergo brevi pluët.* Immediata est, quæ assentitur objecto sine medio: ut, *Omnis mater diligit liberos suos. Noverca odit liberos mariti sui.*

Affertio Decima Nona. Duplex est formido Intellectualis, actualis & virtualis, sive radicalis. Actualis est, cum actu timeo, ne objectum, cui assentior, sit falsum. Virtualis est, quando possum timere, ne objectum sit falsum. Actualis formido non est de essentia opinionis, secus Virtualis. Ita in Universa Philosophia sunt permultæ opiniones, communi ferme totius Scholæ consensu approbatæ, quas sequimur absque ulla formidine actuali. His tamen opinionibus intrinseca & essentialis est formido Virtualis; quia cum nitantur motivo tantum probabili & non certo, non repugnat iis subesse falsum.

Affertio Vigesima. Fides est habitus inclinans ad assentiendum authoritati sive testimonio; quod quando est divinum, dicitur fides divina: quando humanum, humana.

Affertio Vigesima Prima. Conscientia est habitus in Intellectu practico, accommodans proprium factum ad Regulam à Synteresi suppeditatam.

Affertio Vigesima Secunda. Cum Synteresi conjuncta est Conscientia, quæ est testimonium, quod unusquisque in seipso sentit de officio facto vel neglecto: unde sequitur defensio, vel accusatio, lætitia vel tristitia. Quod sic declaratur. Synteresis in syllogismo, qui dicitur practicus, ponit Regulam generalem in Majori propositione, Conscientia de speciali facto assumit in Minori, & concludit vel defensionem, vel accusationem: unde spes vel metus exoritur. Exempli gratia: Synteresis dicat, Quod mihi nolo fieri. ne faciam al-

teri. Conscientia assumit, me nolle, ut alii me sub specie amicitiae fallant. Hinc concludit, me vel alium male facere, si fallam alium specie amicitiae. Sic hanc propositionem: *Qui hominem occidit, peccat; supeditat Synteresis*. Conscientia subsumit: *Atqui tu hominem occidisti*: & simul concludit accusationem, quâ te convincit peccasse, adeoque poenâ afficiendum esse. Et sic quidem accusat. Si verò Synteresis promat hoc principium: *Qui honorat Patrem & Matrem, benedicitur à DEO*: Conscientia pii filii ita subsumit: *Tu honorasti Parentes*: & demum concludit: *Ergo benediceris à Domino*.

Affertio Vigesima Tertia. Synteresis non fallitur, sed conscientia saepe, dum generalia principia non rectè applicantur ad singularia facta.

Affertio Vigesima Quarta. Conscientia non exorbitans est tribunal, quod erigit Deus in cordibus mortaliū: Imo est Judex, Actor, Scriba & testis in uno foro.

CAPUT IV.

Corollaria, ad illustrandam doctrinam de Hexilogia hætenus traditam, accommodata.

P*rimum.* Natura tribus modis aliquid dicitur: quædam dicitur necessario faciendâ: quædam necessario fugiendâ: quædam in medio relinquit. Quæ natura dicitur necessario faciendâ, ea cum fiunt, iusta sunt ubique & apud omnes: idque naturâ, non opinione. Hujus generis sunt omnium virtutum actiones propriæ, ex principiis naturæ demonstratæ. Quæ natura necessario cavendâ judicat, ea cum fiunt, iniusta sunt ubique & apud omnes, idque rursus naturâ, non opinione. Hujusmodi sunt omnes actiones, quæ vel minimum defle-

clunt

Et sunt à Virtutum propriis actionibus. Quæ verò in medio relinquit Natura, ea sunt libera, ita ut nec justus, nec injustus quis dicatur, sive ea faciat, sive omittat.

Secundum. Habitus mentis ordinarii in Regno Naturæ sunt intelligentia, synteresis, sapientia &c. prout vulgò se habent in plerisque hominibus: in Regno gratiæ est fides: in Regno gloriæ est Lumen gloriæ. Habitus extraordinarii in Regno Naturæ sunt Intelligentia, synteresis, sapientia &c. non in gradu vulgari, sed excellenti & heroico: in Regno gratiæ sunt dona quædam singularia, ut donum linguarum, donum Propheticum &c. In Regno gloriæ sunt accessiones illæ, quibus alii præ aliis ornabuntur in futura vita, exempli gratia Prophetæ & Apostoli præ aliis fidelibus.

Tertium. Scientiæ opponitur ignorantia, quæ duplex est, videlicet illa, quæ est simplicis seu puræ negationis, & ea quæ est præviæ dispositionis. Illa, est mera scientiæ privatio, qualis est in pueris & idiotis: aliàs vocatur ignorantia negativa. Hæc est falsa scientiæ persuasio, & dicitur ignorantia accersita, quæ errori suo prætendit rationem. Prior illa opponitur scientiæ ut privatio, posterior ut contrarium, cum sit aliquid positivum.

Quartum. Dubitatio est, cum hæret mens nostra ob contrariarum rationum æqualitatem; quia videlicet paria arbitramur esse rationum momenta. Unde dubitatio dicitur esse suspensio seu cohibitio assensus propter æquilibrium contrariarum rationum. Quam suspensionem & cohibitionem Aristoteles comparat vinculo, dum ait: *Qui dubitat, victo est similis.*

Quintum. Suspicio habet pro objecto aliquod factum, vel qualitatem personæ: unde differt à dubitatione, quæ pro objecto directo habet aliquam propositionem, non verò personam; cum suspicio respiciat dire-

directè factum vel qualitatem personæ, licet indirectè possit etiam respicere propositionem.

PARS SECUNDA.

DE TECHNOLOGIA.

CAPUT I.

Doctrina Preliminares.

P*Rima.* Quælibet Scientia debet habere certum, proprium & adequatum finem; quia nulla Scientia temerè & frustra fuit inventa. Unde dici solet: *DEUS, Natura & Ars nihil faciunt frustra.*

Secunda. Duplex est finis Artium, internus & externus. Ille semper obtinetur ab artifice: hic non semper. Sic finis internus Oratoriæ est tradere instrumenta persuasoria: externus, persuadere. Illum semper obtinet Orator, hunc non item.

Tertia. Ars est æmula & imitatrix naturæ, quæ imitatio in his consistit. 1. Quod utraque, tam Ars quam Natura, nihil faciat frustra, sed omnia certâ ratione certique boni gratia. 2. Quod utraque semper per se loquendo faciat id, quod est optimum. 3. Quod neutra deficiat in iis, quæ sunt necessaria, nec redundet in iis, quæ non sunt necessaria. 4. Quod utraque faciat omnia cum certo ordine.

Quarta. Eadem res diverso modo considerata potest esse objectum diversarum scientiarum. Ita operationes mentis quatenus sunt definitiones, divisiones & argumentationes, pertinent ad Logicam: quatenus sunt actus vitales, spirituales &c. spectant ad Animasticam & Pnevmaticam. Similiter Ens ut ens, sive in genere sumptum, à Metaphysica: ut naturale, à Physica: ut sanabile, à Medicina: ut numerabile, ab Arithmetica

metica: ut mensurabile, à Geometria: ut honestum, ab
Ethica: ut dissertabile, à Logica: ut ad finem superna-
turalis beatitudinis creatum, à Theologia confide-
ratur.

CAPUT II.

*De Natura & Objectis Technologia gene-
ratim.*

Assertio Prima. Technologia est Scientia disse-
rens de proprietatibus, ordine & numero scien-
tiarum.

Assertio Secunda. Tria sunt Technologiæ objecta
principalia, ut patet ex definitione hujus scientiæ jam
tradita: nimirum proprietates, ordo & numerus scien-
tiarum.

Proprietates scientiarum sunt in duplici classe:
quarum aliæ in convenientia, aliæ in differentia scien-
tiarum fundantur.

Ordo scientiarum est quadruplex: *Inventionis, Na-
tura, Dignitatis, Doctrinae.*

Numerus scientiarum in variis earundem speciebus,
per varias divisiones cognoscendis, consistit.

CAPUT III.

*De primo Technologiæ Objecto, hoc est, de pro-
prietatibus Scientiarum.*

Prima cujuslibet Scientiæ proprietas est, tradere me-
dia sufficientia ad finem illum, quem scientia inten-
dit, consequendum.

Secunda scientiæ proprietas est, ita considerare ma-
teriale, hoc est, rem illam, quæ dicitur objectum scien-
tiæ, ut non aberret à formali, hoc est à debito modo
obje-

objectum illud considerandi. Nam omnes scientiæ certum sibi vendicant modum de objectis suis dissecrendi. Ita Physica differit de corpore speculativè, Medicina practicè: Physica illud considerat ut naturale, Medicina ut sanabile.

Tertia est Subordinatio seu Subalternatio, quâ inferior scientia dependet à superiori, vel ratione subjecti, vel ratione principiorum, vel ratione finis. Subalternatio ratione subjecti est, quando subjectum unius scientiæ pendet à subjecto alterius. Subalternatio ratione principiorum est, quando principia unius scientiæ dependent à principiis alterius. Exemplum utriusque subalternationis cernitur in Metaphysica, à cuius subjecto & principiis omnium aliarum scientiarum subjecta & principia dependent. Subalternatio ratione finis reperitur propriè in scientiis & disciplinis practicis: in quibus illa dicitur subalternata, ratione finis, cuius finis est sub fine subalternantis; ita scilicet, ut subalternans dirigat practicè subalternatam eique præcipiat, ut ad superiorem finem suas actiones dirigat. Hoc pacto scientiæ Politicæ subordinatur Oeconomica: quia illa respicit finem superiorem, & præcipit Oeconomicae, ut in agendo ad finem superiorem sese accommodet.

Quarta est connexio & consensio, quæ à nonnullis vocatur vinculum sororium; de quo Cicero in limine Orationis pro Archia: *Omnes, inquit, Artes, quæ ad humanitatem pertinent, habent commune quoddam vinculum, & quasi cognatione quadam inter se continentur.* Consistit autem hoc vinculum consensionis & cognationis in tribus. Primò in veritate seu indagatione veritatis, quæ omnes scientiæ sibi propositam habent. Secundò in fine ultimo, qui est Dei gloria, & proximo, qui est sublevatio miseriæ humanæ. Tertiò in mutuo auxilio, -

auxilio, quod sibi præstant scientiæ, juxta receptum Philosophorum axioma: *Disciplina sunt conjuncta in usu.*

Quinta est traditio idoneorum præceptorum. Ut autem præcepta scientiæ reputentur idonea, necesse est *Primò*, ut sint vera. *Secundo*, ut sint perspicua. *Tertio*, ut sint facilia. *Quarto*, ut sint utilia. *Quintò*, ut sint sufficientia. *Sextò*, ut sint accommodata & proportionata ad finem à scientia intentum.

CAPUT IV.

De secundo Technologia Objecto, nimirum de Ordine Scientiarum.

Assertio Prima. Ordo inventionis in scientiis est ferè fortuitus. Quia inventores scientiarum diverso tempore vixerunt, & occasionebus variis sese offerentibus varias invenerunt scientias. Itaque hunc ordinem oportet discere ex Chronologia, quæ proinde consulenda est. Hoc tamen certum est, scientias generaliores posteriori loco inventas esse: quia hæc est natura inventionis, ut ex singularibus colligantur generalia.

Assertio secunda. Ethica est prima inter disciplinas practicas, Politica verò est dignissima, si Ordo Naturæ attendatur in Ethica, & excellentia atque præstantia consideretur in Politica: ad quam cæteræ disciplinæ practicæ, ut Ethica, Oeconomica &c. tamquam ad finem referuntur, & per eam ad civilem usum accommodantur; sicut enim cæteras scientias theoreticè ordinat Metaphysica, ita practicè illas ordinat Politica. Quòd verò Ethica ordine Naturæ in latifundio scientiarum practicarum primatum obtineat, patet ex eo, quia ipsa tradit fundamenta reliquarum Prudentiarum,

rum, quæ inter scientias practicas sunt primariæ considerationis. Agitenim Ethica de affectionibus animi, de Virtutibus earumque actionibus; item de summo bono & ultimo fine hominis: quibus rebus non ante cognitis atque perspectis, reliquæ disciplinæ practicae, v.g. Oeconomica, Politica &c. progressionem facere non possunt.

Affertio Tertia. Metaphysica est prima & nobilissima inter disciplinas theoreticas. Prima quidem, quia generalissima. Nobilissima verò, quia immediatè imperat aliis disciplinis theoreticis, constituendo illarum prima principia. Proximum dignitatis gradum obtinet Pneumatica: utpote quæ tractat de Spiritu increato & creato: quæ tamen scientia, quatenus de Spiritu increato sive de DEO tractat, nobilior est Metaphysicâ. Pneumaticam excipit Physica, quia post tractationem Spiritûs, proxima est tractatio corporis naturalis. Ultimo loco est Mathematica, quia tractat de quantitate, quæ est accidens: tractatio autem accidentis posterior est tractatione substantiæ.

Affertio Quarta. Inter scientias Philologicas, Lexica & Grammatica primas tenent; quia utraque tractat de Vocibus. Neceffe est autem, ut priùs voces sciântur, quàm res proponantur. Post Lexicam & Grammaticam sequitur Logica: quæ prior est quàm Rhetorica, quòd doctrina troporum, de quibus agit Rhetorica, omninò dependeat à Logicâ. Rhetorica tamen eatenus prior est Logicâ, quatenus est disciplina sermocinatrix, sicut Lexica & Grammatica. Post Rhetoricam statuo Oratoriam, quæ differt à Rhetorica; nam Rhetorica tantùm spectat ornatum orationis, Oratoria verò totum Eloquentiæ campum sibi habet propositum. Poëtica sequitur Oratoriam, quia oratio ligata poster-

rior

rior est solutâ. Logica verò inter scientias Philologicae est nobilissima, quia est directrix Rationis.

Affertio Quinta. Metaphysica est inter Scientias postrema ordine inventionis. Quia Metaphysica est disciplinarum generalissima : generalissima autem sunt ultima ordine inventionis.

Affertio Sexta. Philosophia practica est prior ordine inventionis quàm theoretica. Nam quia homo est animal politicum, & in Societate ab initio vixit, hinc impulsu naturæ conatus est primò mederi defectibus illis, qui accidunt in Societate; atque ita invenit Philosophiam practicam, utpote defectuum illorum accommodatum remedium. Postea cum homo beneficio Philosophiæ moralis commodè viveret in societate, cœpit animum adjicere ad contemplationem operum Dei: unde orta est Physica & Astronomia. Et quia in Artibus Mechanicis multi fuere defectus, Mathematicæ disciplinæ ad defectus illos tollendos excogitatæ fuerunt. Cum autem cernerent homines se minùs bene progredi posse in contemplatione rerum, neque sensa animi cum aliis communicare, instituerunt Logicam & artes fermocinatrices.

Affertio Septima. Metaphysica ordine doctrinæ exquisitæ est prima omnium disciplinarum: quia continet generalissimos terminos. Generalia autem sunt notiora naturâ, quemadmodum singularia sunt notiora nobis. Ordo autem accuratæ doctrinæ consentaneus est ordini naturæ.

Affertio Octava. Ordine doctrinæ accuratæ seu exquisitæ Physica est prior Mathematicâ. Nam entia Mathematica pendent in suo esse à rebus naturalibus, in quibus existunt; unaquæque autem res per ea perfectè intelligitur, à quibus pendet in suo esse.

Affertio Nona. Quia Moralis Philosophia multa de-

sumit ex naturæ fontibus, & Physicæ Veritatis contemplatione, v. g. quid sit anima, quid affectus &c. ideo Philosophiam Moralem seu Practicam ordine accuratæ doctrinæ Philosophiâ theoreticâ posteriorem esse necesse est.

Affertio Decima. In ordine melioris doctrinæ eum locum obtinent disciplinæ, quem requirit imbecillitas nostra. Hinc Metaphysica & Pnevumatica ordine melioris doctrinæ sunt omnibus scientiis postponendæ. Nam quæ scientiæ res maximè abstrusas & à sensibus remotas tradunt, eæ postremo loco propter nostram imbecillitatem addiscendæ sunt. Ita verò se habent Metaphysica & Pnevumatica.

Affertio Undecima. Philosophia moralis seu practica ordine melioris doctrinæ ultimo loco discenda est. Maturiori quippe opus est judicio ad eorum intelligentiam, quibus componendi sunt mores, regenda familia, instituenda Respublica, quàm ad capeffendum eruditionem physicam & penitus theoreticam. Deinde in iis, quæ ad vitæ disciplinam, & regendas, moderandasque hominum voluntates pertinent, fallacior est & incertior, magisque ardua experientia, quàm in theoreticis. Quò spectat illud Aristotelis 1. *Ethicor. cap. 3.* Juvenem haudquaquam esse idoneum moralis disciplinæ auditorem; quia nimirum in perturbationum juvenilium regno non potest esse firmum de rebus agendis judicium, dùmque reciprocante cupiditatum æstu animus fluctuat, quo pacto vitis imperandum sit, non capit, sed post adeptam quietem prudens fit.

C A P U T V.

De Numero scientiarum, seu divisione illarum in varias species.

Dividitur Scientia 1. in Archetypam & Ecotypam. Illa

Illa est causa hujus ; Hæc illius effectus. Potest autem eadem scientia esse Archetypa simul & Ecotypa. Ita v.g. Logica in mente Aristotelis existens fuit Archetypa : Logica, quam chartis mandavit, fuit ecotypa : sed eadem etiam dici potest archetypa, quatenus peperit Logicam ecotypam in mente discipulorum.

Dividitur 2. in Architectonicam & Subditam. Illa imperat Huic : Hæc illi ancillatur ; unde & ancillaris dici solet. Exercent autem disciplinæ Architectonicæ imperium in alias scientias, vel theoreticum, ut Metaphysica : vel Practicum, ut Logica, dum aliis scientiis tradit instrumenta, sicut Metaphysica principia sciendi.

Dividitur 3. in Subalternantem & subalternatam. Illa probat aliquid hujus : hæc ab illa sumit aliquid probatum.

Dividitur 4. in Acroamaticam & Exotericam. Illa est sublimioris indaginis : hæc vulgaris doctrinæ.

Dividitur 5. in docentem & utentem. Illa tradit præcepta : Hæc præceptis utitur.

Dividitur 6. in Naturalem & Supernaturalem. Illa discitur ab homine, ut est homo : hæc discitur ab homine, ut est Christianus.

Dividitur 7. in Totalem & Partialem. Illa completitur integrum systema scientificum : ut Physica. Hæc est integri systematis pars : ut Anthropologia, sive Scientia de homine, respectu totius Physicæ.

Dividitur 8. in Homogeneam & heterogeneam. Homogenea est unius objecti, sive materiæ. Heterogenea est, quæ compilat sua præcepta ex variis disciplinis homogeneis : ut *Mnemonicæ, Historica, Chronologia, Architectonica, Gnōmologia, Paradoxologia &c.*

Dividitur 9. in liberalem & illiberalem. Hæc hominem non reddit verè literatum & doctum : secus illa

*Corollaria ad prædictorum illustrationem
pertinentia.*

P*rimum.* Quemadmodum tria sunt, quæ in quolibet artifice, ut aliquid efficiat, spectantur: *Natura, Doctrina, Usus*; quorum primum ingenio, secundum scientiâ, tertium fructu dijudicatur: sic triplex à Philosophis inveniri debuit disciplina: *naturalis*, propter naturâ, *rationalis*, propter doctrinam, *moralis*, propter usum. Et quoniam homo procreatus est à Deo, ut per id, quod in ipso præcellit, pertingat ad id, quod in cunctis excellit: per hujusmodi tripartitam Philosophiam pertingit ad unum, verum, optimum Deum: sine quo nulla natura subsistit, nulla doctrina instruit, nullus usus fructuosus est.

Secundum. Philosophia dici solet patus ignorantia; quia ignoratio parit admirationem, admiratio inquisitionem, inquisitio scientiam Philosophicam. Hinc philosophari nihil est aliud, quàm effectorum, quæ admiramur, causas, quas ignoramus, inquirere. Nam quemadmodum in motu est terminus *à quo*, medium *per quod*, & terminus *ad quem*: ita in Philosophiæ studio est ignoratio causarum, à qua per admirationem & discursum provehimur ad notitiam causarum, quæ est vera Philosophia.

Tertium. Logicam veteres dixerunt esse septum universæ Philosophiæ contra insultus protervorum Sophistarum. Physicam compararunt horto, in quo flores & arbores omnis generis visuntur. Ethicam assimilarunt cælo, quod hortum istum fecundet. Dixerunt item, Philosophiam esse quoddam quasi animal, cujus ossibus similis sit Logica, carnibus Ethica, animæ Physica.

Existi-

Existimarunt denique Philosophiam esse veluti Urbem, in qua Logica vicem Murorum, Physica Civium, Ethica Legum tubeat.

Quartum. Quædam Philosophiæ partes interdum nomine Philosophiæ non appellantur, ob quinque causas: vel quia de rebus facilioribus, aut minoris momenti tractant: vel quia non sunt ipsa veritatis cognitione contentæ: vel quia non videntur pertinere ad benè beatèque vivendum: vel quia non agunt de rebus per se subsistentibus: vel quia non tractantur primæ omnino principia rerum, de quibus agunt. Propter primam causam, sæpè Mathematicæ disciplinæ non numerantur in partibus Philosophiæ. Propter secundam causam, nonnunquam solæ speculativæ seu contemplativæ disciplinæ nomē Philosophiæ sortiuntur. Propter tertiam, interdum solæ practicæ vocabulo Philosophiæ significantur. Propter quartam, sæpè solæ Physicæ scientiæ disciplinis Philosophicis accensentur. Propter quintam, non raro soli primæ Philosophiæ seu Metaphysicæ appellatio Philosophiæ tribuitur.

PARS TERTIA

DE ARCHELOGIA.

CAPUT I.

Doctrinæ Proæmiales.

P*rima.* Finis scientiarum alius est per se, alius per accidens. Finis per se est, qui scientiis est quasi internus, & ad quem illæ essentialiter referuntur. Finis per accidens est, ad quem scientiæ accidentaliter ordinantur: uti sunt gloria, opes, amici, &c.

Secunda. Causa remota scientiarum est partim sensus, partim recta ratio, seu lumen naturæ. Causa proxima est observatio sensuum & experientia: quæ posterior est plurium observationum collectio, & ad certum usum applicatio.

Tertia. Forma scientiarum consistit in earum unionne & connexione quoad certa principia, objectum & finem.

Quarta. Principiis scientiarum quatuor insunt proprietates: *Veritas, Necessitas, Claritas, Facilitas.*

Quinta. Principia immediata sunt, quæ non habent aliud medium seu principium, per quod à priori demonstrantur: ut *Deus est*. Mediata sunt, quæ possunt demonstrari ex principiis superioris scientiæ. Sic principia Optica demonstrantur ex principiis Geometricis.

Sexta. Principia scientiarum alia sunt confessa, alia dubia. Illa suâ luce coruscant: hæc lucem habent, sed non ostendunt primâ fronte.

Septima. Principia generalissima sunt, quæ ita sunt principia, ut non sint conclusiones. v. g. *Impossibile est idem simul esse & non esse*. E contrario principia subalterna vocantur, quæ ita sunt principia, ut etiam sint conclusiones.

Octava. Principia illa, quæ verè & in se sunt principia, censentur dignissima: unde & *dignitates* vocantur. His opponuntur principia *ex conventionem*, quæ disputandi vel docendi gratiâ supponuntur.

Nona. Tria continent scientiæ: *res, verba, conceptus*. Inter objecta intellectus *res* obtinent principatum. *Verba* sunt propter *res*. Notæ rerum & verborum in mente sunt *conceptus*.

Decima. Principium illud, *impossibile est idem simul esse & non esse*, est inter omnia principia scientiarum simpli-

simpliciter & absolute primum; quia est *certissimum, notissimum, evidentissimum.*

Undecima. Principium primum & summum dignitate est illud, *Deus est*, at primum & summum generalitate est hoc, *impossibile est idem simul esse & non esse.*

CAPUT II.

De Principiis regulativis scientiarum in particulari.

Principia Grammaticæ.

1. **N**omen & Verbum sunt principales partes Orationis.

2. Terminationes in nominibus & verbis studiosè sunt observandæ.

3. Octo sunt partes orationis : *Nomen, Pronomen, Verbum, Participium, Prepositio, Adverbium, Interjectio, Conjunctio.*

4. Ad Grammaticam pertinet habere rationem triplicis accentûs : *Acuti, Gravis, Circumflexi.* Acutus syllabam attollit, Gravis deprimit, Circumflexus partim elevat, partim deprimit.

5. Officium Grammaticæ est (inquit Tullius) & verba efferre, quæ nemo reprehendat, & iis casibus, temporibus, genere, numero, ne quid perturbatum ac discrepans inlit, aut præposterum.

6. Hostes Grammaticæ sunt I. *Solæcismus*, qui est fœdatio Latini sermonis : & qui hoc vitio laborant, Solæcistæ vocantur. II. *Barbarismus*, hoc est, dictio aut omninò barbara, aut latina quidem, sed vitiosa scripto, pronuntiatione, significatu; cujus rei causa non rarò est *Idiotismus*, ut vocant, seu consuetudo sermonis vernaculi; quæ vitia uno vocabulo *Scribligo* vocantur. III. *Cacophaton*, seu deformis literarum concursus,

curfus, ut *Rex Xerxes*; & alia complura. IV. *Tapinofis*, quando rei magnitudo aut dignitas humilitate verbi minuitur: ut *nequam* pro *parricida*. V. *Tautologia*, quando idem verbum, aut idem sermo, vel eadem litera ineptè iterantur, ut: *quidquam, quisquam, cuiquam, quod convenit, neget*? VI. *Macrologia* & *Pleonasmus*: quæ duo vitia fermè in idem recidunt, & consistunt in eo, quod utrumque supervacuis verbis oneret orationem, ut: *ego meis hisce oculis vidi*. VII. *Archaismus*, sive prisca constructio & obsoleta.

Principia Poëtica.

1. **O**fficium Poëticæ est rem quamlibet oratione metricâ per fictionem idoneam, accommodatè ad delectationem exponere. Quod si absit fictio, non tam erit Poëta, quàm Versificator.
2. Excellentia Carminis in ingeniosa potiùs inventione, quàm in metro consistit.
3. Pedes metrici (ut inquit Alstedius in *Encyclopædia*) sunt universim 124. sed non omnes sunt necessarii.

Principia Rhetorica.

1. **P**oëta & Orator multa habent communia: conveniunt autem præcipuè in *Inventione, Dispositione, Elocutione, Memoria, Pronuntiatione*.
2. Quatuor sunt instrumenta Rhetoricæ principalia: *Tropus, Figura, Vox, Gestus*.
3. Numerus Oratorius magnam conciliat Orationi gratiam.
4. Pronuntiatio sequatur res, & gestus sequatur pronuntiationem.
5. Maxima vis Oratoriis est in hominum mentibus permovendis, quod fit amplificatione.

Principia Logica.

1. **O**fficium Logicæ est dirigere alias scientias ad investigationem veritatis, adminiculo trium instrumentorum sciendi, videlicet *definitionis, divisionis, argumentationis*.

2. Principalis & ultimus finis Logicæ est demonstratio, quæ totam hujus scientiæ expetibilitatem adæquat.

3. Quæ affirmantur aut negantur de aliquo Universali universaliter, etiam affirmantur aut negantur de quolibet sub illo Universali contento.

4. Quando duo per prædicationem affirmativam tribuuntur uni tertio, tunc potest etiam unum alteri per similem prædicationem attribui. Quando autem duo distinguuntur in uno tertio, eò quòd unum illorum affirmetur de tertio, & alterum negetur, tunc illa duo pariter inter se distinguuntur, potestque unum negari de altero.

Principia Physica.

1. **C**orpus naturale quæ naturale pertinet ad considerationem Physicam.

2. Omnis natura est principium motus & quietis.

3. Materia prima est primum subjectum substantialiale, formarum substantialium receptivum.

4. Forma naturalis substantialis est prima radix proprietatum, qualitatuum, & operationum naturalium.

5. Compositum reipsa non distinguitur à partibus unitis, five simul sumptis.

6. Omnis causa est prior naturâ suo effectû.

7. Causa adæquata non potest esse ignobilior suo effectû.

8. Continuum est divisibile in semper divisibilia.

B §

9. Ani-

9. Animalia constant corporibus organicis, habentque apparatus partium heterogenearum, sive dissimilium.

Principia Metaphysica.

1. Metaphysica est virtualiter tota Philosophia.
2. Omne ens est unum, verum, bonum.
3. Substantia & accidens exhauriunt totam Universitatem rerum.
4. Principium rei constitutivum est ejusdem distinctivum.
5. Ubi Metaphysica desinit, ibi alia Scientia incipit.

Principia Mathematica.

1. Omne totum est majus sua parte.
2. Si ab æqualibus æqualia auferantur, quæ remanent, sunt æqualia.
3. Si in æqualibus æqualia addantur, tota sunt inæqualia.
4. Corpus habet longitudinem, latitudinem & profunditatem: superficies longitudinem & latitudinem: Linea longitudinem duntaxat: punctum nec longitudinem, nec latitudinem, nec profunditatem continet.
5. Lineæ parallelæ sunt, quæ ubique distant æqualiter, & ideo in eodem plano nusquam concurrunt.

Principia Arithmetica.

1. Unitas metitur quemlibet numerum.
2. Quoties numerus à numero subtrahi potest, toties in eodem est numerabilis.
3. Abacus Pythagoricus continet mera principia: qualia sunt *Bis duo sunt quatuor. Ter novena sunt viginti*

ginti septem &c. Et hic Abacus est fundamentum totius Arithmeticæ.

4. Algorithmus, id est, quinque illæ notissimæ Arithmeticæ Species & Rēgula de Tri (quæ est fecundissima multa regularum Mater) faciunt utramque paginam in Arithmeticis.

Principia Geometria.

1. Tres sunt species quantitatis continuæ : longitudo, latitudo, & altitudo sive profunditas.

2. Linea incipit à puncto, & desinit in punctum.

3. Ex concursu seu contactu linearum fit angulus: qui vel est *rectus*, ut quando linea recta rectam tangens æquales facit angulos, sive cujus crura sunt æqua ad perpendicularum; vel *obliquus*, cujus crura non sunt ad perpendicularum erecta.

4. Circulus est figurarum omnium capacissima ac simplicissima; qui fit ex unica linea ambiente, quam vocant Græci Peripheriam (vulgò Circumferentiam) à cujus medio puncto seu centro ductæ lineæ, sunt inter se æquales.

5. Diameter tertiam peripheriæ partem adæquat.

Principia Astronomia.

1. Stellæ fixæ hodie cognitæ sunt 1725. Planetæ sunt tantum septem.

2. Planetæ certis orbibus moventur, & nullus locum alterius ingredi potest.

3. Planetæ efficacius agunt in hæc inferiora, quam stellæ fixæ.

4. Quæ pendent à libera hominum voluntate & arbitrio, ea non subjacent astris: de quibus vulgatum illud circumferri solet, *Astra inclinant, non necessitant.*

Princi-

Principia Geographia.

1. Cœlestia sunt mensuræ terrestrium.
2. Aqua & Terra constituunt unum globum.
3. Terra est centrum mundi universale.
4. Uni gradui cœlesti respondent in terris milliaria Germanica quindecim.
5. Tota terra nondum est detecta.

Principia Optica.

1. Omne corpus radiat; radius autem perpendicularis est fortissimus.
2. Visibile splendidum lædit visum; & universim sensibile vehemens lædit sensorium.
3. Lumen congregatum est fortius disperso.
4. Inter visibile & visum legitima requiritur distantia.
5. Visio recta fit per unum medium, refracta per duplex, reflexa autem fit in speculis.

Principia Musica.

1. Musica est triplex: *Vocalis*, quæ modulatâ vocum varietate constat: *Instrumentalis*, quæ instrumentis arte ad id compositis perficitur: *Mixta*, quæ ex vocibus & instrumentis harmonicè temperatis componitur.
2. Quatuor sunt discrimina vocum musicalium: *Discantus*, *Altus*, *Tenor*, *Bassus*.
3. Intervalla Tonorum musicalium præcipuè concordantia sunt 1. *Ditonus*, sive perfecta Tertia, facile Princeps in Musica. 2. *Diatessaron*, vulgò Quarta, nimirum quatuor clavium distantia & comprehensio. 3. *Diapente*, seu Quinta. 4. *Diapason*, sive Octava, continens 8. claves & Tertiam, Quartam, Quintam includens harmonicè.

4. Quod est ori cibus sine condimento, hoc est auri Musica sine suavitate.

5. Cantus mollis est delicatior, durus præ se fert masculam gravitatem.

Principia Ethica.

1. Ethica quantum ad principia generalia, est inter scientias practicas, quod Metaphysica inter theoreticas.

2. Decalogus est perfectissima Ethica.

3. Virtus consistit in medio, vitium in extremis.

4. Cuilibet virtuti bina opponuntur vitia: *nimis parum, & nimis multum.*

5. Virtutes sunt inter se connexæ, sicut annuli in catena aurea.

6. Duæ sunt virtutes dirigentes, Prudentia & iustitia universalis.

7. Virtus versatur circa ardua. *Quod pulchrum, idem difficile.*

8. In qualibet societate quatuor ista considerare oportet: *foundationem, conservationem, amplificationem, curationem.*

Principia Oeconomica.

1. Felicitatem Oeconomicam oportet metiri potius qualitate, quam quantitate.

2. Familiæ benè constitutæ sunt bases utriusque Politicæ, tam Civilis, quam Ecclesiasticæ.

3. In perfecta Familia requiritur triplex societas: *conjugalis, patria, herilis.*

4. Acquisitio rei familiaris quatuor nititur columnis: *ordine, diligentia, prudentia, charitate.*

5. Acquisitio Georgica est omnium naturalissima & innocentissima.

6. Non minor est virtus, quam quærere, parta tueri.

Prin-

Principia Politica.

1. Regere & regi sunt actus naturales, ex jure gentium profecti.
2. Publica privatis anteferenda bonis.
3. Monarchia est optimus Reipublicæ status.
4. Jura Majestatis sunt individua.

Principia Medicinæ.

1. Medicina tribus constat partibus. *Prima* morbos avertit; *altera* sanitatem tuetur; *tertia* reficit valetudinarios; seu, quod idem est, *curat, præservat, reservat.*
2. Quatuor sunt columnæ Medicinæ: *Physiologia, Diata, Signa, Pharmaca.*
3. Peritus Medicus similia curat similibus, contraria contrariis.

Principia Jurisprudentiæ.

1. Tria sunt Juris præcepta principalia: *Honestè vivere, neminem ledere, suum cuique tribuere.*
2. Tria sunt objecta generalissima Jurisprudentiæ Civilis & Canonici: *Res, persona, actiones.*
3. Potestas, obligatio, Possessio, Dominium, Actio, utramque faciunt paginam in utroque jure.

Principia Theologiæ.

1. Theologia duobus potissimum libris utitur: *libro natura, & libro scriptura.* Ille continet asserta humana rationis, iste testimonia divina revelationis.
2. Theologia investigat Ens Increatum per creatum: & reciprocè per Ens increatum, velut per speculum reflexè cognoscit meliùs Ens creatum.
3. Attributa divina illustrent universam Theologiam.
4. Actiones DEI in tempore sunt speculum operationum ab æterno.

5. Crea-

5. Creatio, redemptio, sanctificatio sunt præcipuæ actiones DEI in hac vita.

6. Triplex est regnum DEI: *potentia, gratia, gloria.*

CAPUT III.

Corollaria ad prædictorum illustrationem pertinentia.

P*rimum.* Actio honesta refertur ad cultum divinum, quem spectat Theologus practicus, vel ad componendos mores, quod proprium est Philosophi moralis, vel ad Politiam conservandam, quod proprium est Politici, vel ad Oeconomiam prudenter instituendam, quod spectat paterfamilias.

Secundum. Instrumenta scientiarum alia sunt naturalia, alia habitualia, alia personalia, alia realia. *Naturalia* sunt sensus, observatio, experientia. *Habitualia* sunt attentio, lectio, selectio, exercitatio. *Personalia* sunt Magistri, muti & vocales, sive libri & Professores. *Realia* sunt artes instrumentariæ; Item bona corporis & fortunæ, quatenus sunt instrumenta virtutis intellectualis & moralis.

Tertium. Diversæ scientiæ uniuntur inter se triplici vinculo planè sororio. *Primum* vinculum est communium principiorum: dantur enim communes notitiæ, à quibus tanquam cardinibus dependent omnes scientiæ. *Secundum* est vinculum unius objecti, intellectûs nimirum & voluntatis: item veri & boni. *Tertium* est vinculum finis, qui est hominis perfectio. Propter hanc ærctissimam connexionem fit, ut disciplinæ sive scientiæ sibi mutuas operas tradant. Et hæc est illa Catena Homerica, in qua annulus annulum ita capit, ut si unum trahas, omnes continuò sequantur: si unum demas, tota catena dissolvatur.

Quare

Quartum. Inter principia scientiarum quædam vocantur principia essendi, quædam principia cognoscendi. Ac principia quidem essendi possunt etiam esse principia cognoscendi, sed non contrà. Nam principium, cur res sit, etiam est principium, cur res cognoscatur: quia cognitio rei debet esse proportionata essentiæ. Sed principium, cur res cognoscatur, non statim est principium, cur res sit: quia rei essentia non pendet à nostra intelligentia.

Quintum. Principia cognoscendi mole sunt parva, virtute maxima. Sunt enim veluti semina, quibus ipsæ res insunt virtualiter. Quemadmodum itaque semen minimum potest arborefcere: ita principium minimum infinitarum conclusionum potest esse feracissimum. Magni ergo facienda principia sciendi, neque quantitate sed virtute æstimanda sunt.

Sextum. Inter principia scientiarum quædam sunt, quæ primariò talia dicuntur; & hæc ex natura sua, non autem ex conventionem sunt principia. Et hujusmodi principia oportet esse vera, quia sunt regulæ veritatis; porrò quia verum vero non potest esse contrarium, ideo etiam hisce principiis uti falsitas subesse nequit, ita contrarietas inesse non potest. Unde ulterius sequitur, quod quidquid verum est in una facultate sive Scientia, non possit esse falsum in altera. Graviter proinde hallucinantur, qui semper in ore habent il-

lud: Hoc verum est Philosophicè, sed falsum est Theologicè.

PARS QUARTA. DE DIDACTICA.

CAPUT UNICUM.

In quo methodus discendi sive scientias comparandi per breves aphorismos exponitur.

1. Scientia Didactica nihil est aliud, quàm Methodus discendi, quæ omnibus Studiosis æquè necessaria est, atque nautæ cynosura, architecto norma & circinus, viatori herma.

2. Præcepta dirigentia discentiam ex tribus fontibus petenda sunt: nimirum ex fine discentiæ, ex impedimenti & mediis discendi.

3. Scopus studiorum debet 1. esse accommodatus discantis temperamento, dispositioni & inclinationi naturali. Neque enim ex quovis ligno fit Mercurius, ut est in proverbio. 2. fixus & stabilis; quia si scopus variet, media non possunt ab illo accipere ordinem, vires, perfectionem & mensuram. 3. excellens, idque ratione rei & propositi. Ratione rei, ut res discenda sit præclara, laudabilis, utilis. Ratione propositi, ut ille qui discit, cupiat excellere vel in uno aliquo scientiæ genere, vel in pluribus.

4. Tria sunt discentium impedimenta generalia: defectus iudicii, ignavia, impietas.

5. Inter omnia discentiæ principia principem locum obtinet Deus. Hinc Platonici scriptum reliquerunt, cognitionem nostram esse à Deo, sicut illuminatio est à sole.

6. Secundum principium discentiæ est præceptor vivæ voce docens. Quo principio ut rectè utamur, sex ista requiruntur. Primo eligendus est Præceptor doctus

C

& fide-

& fidelis. *Secundo* electus charitate est complectendus. *Tertiò* assiduè est audiendus. *Quartò* sæpius interrogandus. *Quintò* dictis illius fides adhibenda est. *Sextò*, in his quæ laudabilia sunt, imitandus est.

7. Tertium discentiæ principium sunt libri, qui à discente ex consilio Præceptoris parandi sunt.

8. Sumptus, locus & tempus sunt adminicula discentiæ per accidens.

9. Inter principia discentiæ non infimum locum obtinet firma Corporis valetudo. Quia bona corporis constitutio plurimum facit ad integritatem facultatum animæ. Non tamen requiro valetudinem corporis in summo apice constitutam, quæ facit, ut homo appetat potius voluptates & delicias hujus mundi, quam Literas & Sapientiam; sed Valetudinem firmam, quæ necessaria est ad obeunda munia vitæ literariæ.

10. Manum inter principia discentiæ referendam esse, non obscure indicavit Anaxagoras, qui solitus erat dicere, *manum esse causam sapientie*. In quam sententiam Cardanus ita scribit *in lib. de subtilitate*: Tribus armavit hominem Natura præfidiis: ingenio, ad inventionem necessariorum: sermone, ad auxilium: manibus, ad perfectionem omnium eorum, quæ vel ingenio excogitasset, vel sermone ab aliis didicisset. Et Scaliger *Exercit.* 356. ait, Rationem esse manum Intellectûs: Rationis, orationem: orationis, manum.

11. Ordo est anima studiorum; cujus proinde magna ratio habenda est. Id autem quàm rectissimè fiet, si observemus quadruplicem varietatem, seu multipliciter, ex qua solet oriri confusio in studiis. *Prima* est in causis finalibus, quæ sunt multifariæ. *Secunda* in rebus discendis, quæ sunt innumerabiles & propè infinitæ. *Tertia* in mediis, sive principiis discendi, quæ & ipsa sunt varia. *Quarta* est in circumstantiis loci & temporis.

ris. Oportet itaque ordinem certum in istis quatuor observare.

Ac primum quidem ordo in causis finalibus studiorum rectè adhibetur, si maturè cogitemus de vitæ genere, tanquam fine ultimo, ad quem studia nostra dirigere volumus. Et in fine illo excellere conemur, mediæque ad illum obtinendum accommodata usurpem?

Ordo in rebus discendis adhibendus est, alius totalis & universalis, alius partialis & particularis. Ordo totalis rectè adhibetur, si non eodem tempore plura tractemus, sed uni studio principali, principaliter incumbamus. Ordo partialis rectè adhibetur, si scientiam per partes, initio factò à facilioribus, addiscamus.

Media discendi certo ordine adhibentur, si media apprehendendi præmittantur mediis conservandi, & in cursu studiorum initium fiat ab acroasi seu auditione, & cum hac jungatur lectio, utraque verò condiatur & firmetur collatione, meditatione, repetitione & scriptione: quæ sunt veluti quatuor columnæ sustentantes auditionem & lectionem.

Ordo in studiis rectè adhibetur ratione circumstantiarum, si locorum delectus habeatur, & simul observetur, quando & quam diu studiis sit vacandum. Ad hoc postremum quod attinet, variorum varia est consuetudo. Gaspar Contarenus, post summariam eorum, quæ præcedenti die didicerat, repetitionem, tres horas matutino tempore studiis impendit: pomeridianum verò tempus confabulationibus cum amicis & aliis recreationibus tribuit. Jacobus Cujacius horas omnes matutinas, antelucanas etiam, studio tribuit, pomeridianas verò recreationi. Nonnemo Principi cuidam hanc temporis distributionem præscripsit. Cum dies civilis, inquit, in 24. horas distribuatur, octo ex illis tribuantur somno, totidem cibo capiendo, exercendo

DISCURSUS PRIMUS,
corpori, & aliis recreationibus indulgeantur; Reliquæ
octo studiis impendantur.

DISCURSUS CURIOSI ET FRUCTUOSI,

Ad præcipuas totius Litteraturæ huma-
næ Scientias illustrandas accom-
modati.

DISCURSUS PRIMUS. EX COSMOLOGIA.

PRÆFATIUNCULA.

Cosmologia est Scientia differens de iis, quæ
pertinent ad constitutionem mundi corporei.
Ejus objecta principalia sunt 1. Duplex mundi
regio, cælestis & terrestris. 2. Quatuor mundi car-
dines: Oriens, Occidens, Meridies, Septentrio.
3. Circuli Cosmographici, videlicet Equator, Zo-
diacus, Meridianus, Horizon, Coluri, Tropici,
Polares &c.

SECTIO PRIMA.

De Creatione Mundi corporei varia mo-
ventur Quæstiones.

QUÆSTIO PRIMA.

*An Deus totum Mundum corporeum simul, vel
successivè produxerit?*

Sensus hujus Quæstionis est, an Deus in creando
hoc mundo sit usus spatio sex dierum, vel potius
uno die aut momento produxerit omnia, quæ in Ge-
nelli

nesi seu primo Libro Moysis leguntur sex diebus producta esse.

Hoc posterius multi affirmant, præsertim Philo Judæus *Libro de allegoriis Legis Mosaica*, ubi scribit in hæc verba: *Rusticana simplicitatis est, putare sex diebus mundum esse conditum.* Item Procopius, Gazæus, & Cajetanus *in caput 1. Genes.* imò etiam D. Augustinus *lib. 4. de Genesi ad Litteram cap. 22. & sequent.* Item *lib. 11. de Civit. Dei cap. 9.*

Quòd si dicas, hanc sententiam repugnare sacro Textui, asserenti mundum sex diebus conditum esse; respondet Procopius, Sacrum Textum docendi gratiâ ita locutum esse, ut nos rem totam meliùs & distinctiùs perciperemus.

D. Augustinus aliter rem explicat. Putat enim Nominem diei hoc loco intelligi cognitionem Angelicam, ita ut sex illi dies non sint aliud, quàm sex cognitiones Angelicæ, quibus Angeli cognoverunt res illas, quæ dicuntur sex diebus esse productæ. Unde secundum S. Augustinum primus dies nihil est aliud, quàm cognitio illa, quâ Angeli cognoverunt ea omnia, quæ primo die narrantur esse facta. Similiter secundus dies non est aliud, quàm cognitio illa, quâ cognoverunt ea, quæ secundo die narrantur esse facta, & sic deinceps. Porro sicut in unoquoque die datur tempus matutinum & vespertinum: ita cognitio, qua Angelus unamquamque rem cognoscit, aut est matutina (inquit Augustinus) aut vespertina. Matutina est, qua cognoscit rem in Verbo divino; Vespertina, qua cognoscit illam in proprio genere.

Altera sententia, quæ inter Patres & Scholasticos est communis, & à Magistro sententiarum *in 2. dist. 12.* vocatur magis approbata ab Ecclesia, docet hunc mundum successivè conditum, ac formatum esse spatio sex dierum.

Probatur primò. Quia Moyses scripsit Genesim historicè: ergo propriè, & non metaphoricè intelligendus est, dum in Genesi ait mundum sex dierum spatio conditum esse; alioqui nihil certi haberemus.

Probatur secundo. Quia Scriptura dicit fuisse aliquando tenebras super faciem abyssi: ergo aliquando non fuit lux: ergo non omnia sunt simul facta in uno eodemque instanti seu momento. Dicit item, terram fuisse aliquando inanem & vacuam: ergo aliquando non habuit plantas & animalia, ergo plantæ & animalia non sunt simul producta cum terra.

Probatur tertio. Quia *Exod. 20. cap.* præcipit Deus sanctificari diem Sabbati, & adfert hanc rationem, quòd sicut Deus creavit hunc mundum sex diebus, & septimo die requievit, ita etiam Judæos oporteat sex diebus laborare, & septimo die quiescere. Hæc autem ratio non valeret, si Deus creasset omnia unico momento, & non successivè per sex dies.

In contrarium objici potest illud Ecclesiastici 18. cap. *Qui vivit in æternum, creavit omnia simul:* ergo non creavit successivè per sex dies naturales.

Responderi potest 1. Deum creasse omnia simul, non quidem in eodem instanti seu momento, sed in eodem tempore, nimirum in tempore sex dierum continuato & non interrupto. Nam quæcunque hoc tempore facta sunt, simul facta esse dicuntur. Hoc sensu *Marc. 10.* dicitur, Deum ab initio creaturæ fecisse masculum & fœminam. Et *Joannis 8.* dicitur Diabolus ab initio fuisse homicidam; cum tamen prædicta duo non contigerint ante diem sextum.

Responderi potest 2. Particulam *simul* non significare ibi tempus, sed collectionem, ut sensus sit Deum creasse omnia simul, id est, creasse omnia quæ creata sunt, & nihil esse creatum nisi à Deo. Atque in hoc sensu

su sæpe sumitur particula *simul* in Scripturis, ut Psalmo 13. *Omnes declinaverunt simul inutiles facti sunt, non est qui faciat bonum &c.* & Psalmo 48. *Simul insipiens & stultus peribunt.*

Objicitur præterea illud Jobi 40. *Ecce Behemoth, quem feci tecum.* Ubi per Behemoth intelligitur Diabolus. Itaque Diabolus & homo sunt simul creati: sed Diabolus dicitur creatus in primo instanti cum cælo Empyreo, & homo dicitur creatus sexto die: ergo illa distinctio dierum non est propriè intelligenda, sed figuratè.

Respondeo, in sententia eorum, qui per Behemoth intelligunt Diabolum, hunc esse sensum verborum illorum: *Ego & te & Diabolum feci: ambo estis opera mea.* Ex quo non sequitur Diabolum & hominem simul, hoc est, eodem die, creatos esse. Alii per Behemoth intelligunt Elephantem, ita ut sensus sit: *Ego & te & Elephantem feci eodem die.* Nam homo, & omnes bestię sexto die productę sunt.

QUÆSTIO SECUNDA.

Quid produxerit Deus primo die?

Respondeo, DEUM primo die in primo instanti Creationis produxisse cælum, terram & aquam. Patet hoc ex narratione Moysis, qui ait, Deum in principio creasse cælum, terram & abyssum; per abyssum autem intelligitur aqua. Nam abyssus, ut definit Boëthius, est copiosa aqua, ad cujus fundum non facilè perveniri potest. Nomine cæli hæc loco intelligitur solum Cælum empyreum, non autem alii cæli, ut sentiunt Beda, Alcuinus, Rabanus, & alii. Idque constat ex narratione Moysis; qui dicit Deum secundo die fecisse firmamentum, & quarto die posuisse, in firmamento Solem, Lunam & stellas: ergo ante secundum & quartum diem non erat firmamentum, nec ulla astra: ergo in pri-

mo instanti Creationis non erat aliud cœlum, quàm empyreum.

Postquam Deus in primo instanti creasset Cœlum, terram & aquam, voluit ea paulatim ornare. Itaque post primum illud instans seu momentum temporis (eodem tamen die, hoc est, primo) produxit lucem: secundo die fecit firmamentum in medio aquarum: tertio discooperuit terram, congregando aquas in unum locum, & produxit plantas: quarto produxit solem, lunam & stellas: quinto pisces & aves: sexto animalia terrestria & homines; de quibus singulis sigillatim agitur suo loco.

QUÆSTIO TERTIA.

An Lux illa, quam Deus produxit primo die mundi, fuerit spiritalis?

Respondeo contra Rupertum. Lucem illam non fuisse spiritualement, sed corporalem & sensibilem.

Probatur primò. Quia opinio ista est magis conformis sacre Scripturæ. Nam Scriptura dicit, ante creationem illius Lucis fuisse tenebras super faciem abyssi: sed illæ tenebræ non fuerunt spirituales, quia erant sensibiles: ergo etiam lux, quâ expulsæ sunt tenebræ debuit esse sensibilis, adeoque non spiritalis.

Probatur secundò. Per illam lucem distinguebantur tres primi dies, qui solis & astrorum productionem præcesserunt: illi autem tres dies fuerunt sensibiles, non minùs, quam lux solis & astrorum.

QUÆSTIO QUARTA.

An lux illa, quam Deus primo die mundi produxit, fuerit lux solis, vel aliquod aliud corpus lucidum?

Respondeo primò, Lucem illam non fuisse lucem solis.

lis. Quia sol fuit productus quarto die, ut testatur Moyses in Genesi; ergo lux illa, de qua agimus, non potuit esse lux solis; hæc enim quarto die cum sole producta fuit: Lux verò, de qua hic sermo est, non quarto, sed primo die producta fuit.

Respondeo secundo, Probabile esse, quòd lux illa primo die producta nihil aliud fuerit, quàm corpus quoddam lucidum, à DEO ex aqua præexistente productum. Nam sicut Deus tempore Moysis produxit columnam igneam, quæ filiis Israel de nocte per desertum prælucebat; ita probabile est, eum primo die mundi produxisse corpus quoddam lucidum, quod mundum illuminaret. Ita sentiunt Beda, Hugo Victorinus, Magister sententiarum, Bonaventura & alii complures. Et sicut columna ignis ab Angelo per desertum ferebatur, ita dici potest, corpus illud lucidum operâ Angeli ab Oriente in Occidentem, & ab uno hemisphærio in aliud motum fuisse: idque per tres dies, donec tandem sol quarto die produceretur.

Quòd si quæras, quid quarto die factum fuerit de illo corpore luminoso, quando sol producebatur?

Respondent aliqui, id redactum fuisse in nihilum, tanquam deinceps supervacaneum: alii, resolutum in aquam, alii solem ex eo formatum esse arbitrantur.

Probabilius tamen censeo, Deum primo die non produxisse corpus lucidum, à quo lux diffunderetur, sed potius produxisse ipsam lucem immediatè, eamque diffudisse à certa parte spatii per integrum hemisphærium, eo modo, quo nunc à sole diffunditur; ita ut cæperit successivè discurrere ab Oriente in Occidentem, & spatio 24. horarum suum cursum perfecit, sicut nunc sol facit. Ita sentiunt D. Basilius, Theodoretus, & aliqui moderni auctores.

Atque hæc sententia est magis conformis sacræ Scripturæ:

pturæ; hac enim testante Deus primo die dixit, *Fiat Lux*: at quarto die dixit, *Fiant Luminaria*: ergo signum est, quod Deus primo die produxerit lucem immediate, quarto autem die produxerit luminare, seu corpus luminosum, à quo lux effectivè diffunderetur. Unde primo die dicitur Deus divisisse lucem à tenebris, at quarto die dicuntur ipsa luminaria divisisse lucem à tenebris.

QUÆSTIO QUINTA.

Quid produxerit DEVS secundo die?

Respondeo, Deum secundo die mundi produxisse firmamentum in medio aquarum. Sic enim scribit Moyses: *Dixitq; Deus, fiat firmamentum in medio aquarum, & dividat aquas ab aquis. Et fecit Deus firmamentum, divisitque aquas, quæ erant sub firmamento, ab his, quæ erant super firmamentum. Et factum est ita, vocavitque Deus firmamentum cælum, & factum est vespere & mane dies secundus.*

Dubitat autem, quid hîc intelligatur nomine firmamenti?

Respondeo, intelligi aggregatum ex aëre, igne & omnibus cælis mobilibus.

Probatur primò. Quia in primo instanti creationis nihil aliud productum fuit, quàm Cælum Empyreum, terra & aqua, ut supra ex libro Genesis probatum est: ergo reliqui cæli, & reliqua elementa debent esse producta secundo die, debentque intelligi nomine firmamenti, cum ad nullum alium diem revocari possint.

Probatur secundo. Quia quæ Moyses dicit de firmamento, optimè conveniunt prædicto aggregato. Nam hoc aggregatum est, quod dividit aquas ab aquis: hoc aggregatum est, quod cælum appellatur, non solum quoad orbem planetarum, & octavam sphaeram, sed etiam

tiam quoad aërem, juxta illud Psalm. 8. *Volucres cœli, & pisces maris.* Et Genesis 7. *Cataracta cœli aperta sunt, & facta est pluvia super terram.*

Porrò hæc omnia, quæ nomine firmamenti intelliguntur, facta sunt ex aqua, quæ priùs implebat totum spatium à terra usque ad cœlum empyreum. Quia ante firmamentum conditum, non est verisimile fuisse spatium vacuum, sed plenum aquis: ergo ex aquis factum est firmamentum. Neque dici potest, aquas, quæ ibi erant, fuisse redactas in nihilum, quia communis Doctorum sententia est, Deum nihil eorum, quæ semel condidit, redigere in nihilum.

QUÆSTIO SEXTA.

Quid intelligatur per aquas, quas Scriptura Sacra dicit esse super firmamentum?

Respondeo, per aquas istas non intelligi nubes, ut censent aliqui, sed veras aquas, quæ sint ejusdem speciei cum his inferioribus. Ita sentiunt plerique Patres, teste Molina *disp. 10.*

Probat. Quia hoc est magis conforme Scripturæ Sacræ, quæ multis locis apertè asserit esse aquas super cœlum. Esse verò aquas illas veras & propriè dictas, patet ex eo, quòd illæ primo die non fuerint divisæ, sed conjunctæ, & sine dubio ejusdem speciei: ergo etiam post earum divisionem non potuerunt esse diversæ speciei, quia per solam separationem localem non mutatur natura specifica.

Obijcies primò. Aquæ elementares naturâ suâ sunt corruptibiles, & actu corrumpuntur, quando adest ali- quod agens naturale, quod possit illas corrumpere: atqui radii solâres pertingunt usque ad aquas supercœlestes, & habent vim corrumpendi aquas elementa-

rës:

res : ergo si aquæ illæ supercœlestes sint elementares, corrumpentur à radiis solaribus; absurdum est autem, ejusmodi corruptionem admittere supra cœlos : ergo etiam absurdum est concedere aquas elementares existere super cœlos.

Respondeo. Aquas illas supercœlestes esse quidem corruptibiles, sed tamen actu non corrumpi, vel propter qualitatem loci conservantem, vel propter summam resistantiam, vel propter qualitatem aliquam ipsis impressam : qualem etiam habent corpora gloriosa, & damnatorum : vel denique quia Deus denegat suum concursum ad omnem alterationem, quâ corrumpi possent.

Obicies secundo. Aquæ illæ supercœlestes essent penitus frustraneæ, & ad nullum usum deservirent: Deus autem & natura nihil faciunt frustra : ergo aquæ illæ supercœlestes non sunt concedendæ.

Aliqui respondent, aquas illas supercœlestes non esse frustraneas, eo quod ab initio fuerint illinc relictæ, ut tempore diluvii inundarent terram ad puniendam peccata hominum. Et hoc sensu interpretantur illud Gen. 7. *Cataractæ cœli apertæ sunt, & facta est pluvia super terram.*

Hæc responsio non placet. Tum, quia non est verisimile, Deum miraculosè fecisse foramina in cœlis, per quæ aqua decideret. Tum, quia si aquæ diluvii inde deciderent, fuisset ibi relictum magnum vacuum, à quo natura abhorret.

Dicendum ergo est, aquas supra cœlum non esse frustraneas, sed ob certos fines à Deo ibi relictas, tametsi nos eos fines ignoremus. Neque hoc mirum est; quia multa ignoramus, quæ quotidie præ oculis habemus, & multò plura, quæ in visceribus terræ delitefcunt.

QUÆSTIO SEPTIMA.

Quid DEVS tertio die mundi operatus fuerit?

Respondeo, quòd DEUS die tertio terram discooperuerit, congregando aquas in unum locum: ac deinde produxerit plantas, ut patet ex narratione Moyſis. Itaque duo sunt opera hujus diei: congregatio aquarum, & productio plantarum.

Porro congregatio aquarum duobus modis fieri potuit. 1. Ita, ut aqua, quæ prius totam cingebat terram, in unum locum sese receperit, & magnâ mole in altitudinem erecta fuerit. 2. Ut in magnis terræ cavitatibus collecta & recepta fuerit.

Probabilius est, non primo, sed secundo modo id factum esse. Nam si aquæ fuissent coacervatæ & congregatæ in unum locum super terram, jam essent altiores terrâ, & consequenter terra & aqua non haberent idem centrum, nec unum globum constituerent, quod tamen falsum esse, multis rationibus probat Clavius in sua Sphæra. Igitur dicendum est, aquas fuisse receptas in magnis terræ cavitatibus, & ex utroque elemento factum esse unum globum.

QUÆSTIO OCTAVA.

An DEVS tertio die mundi inter alias plantas produxerit etiam spinas & tribulos, plantas-que humano generi nocivas?

Divus Basiliius Homil. 5. Hexamer. asserit Deum tertio die mundi non produxisse omnes species plantarum, eò quod tunc non produxerit spinas & tribulos, sed primum post Adami peccatum. Et videtur id colligi ex illo *Genesis cap. 3.* ubi Deus Adamum hisce comminatoriis verbis alloquitur: *Quia comediſti de ligno, ex quo præceperam tibi, ne comederes, maledicta terra*

terra in opere tuo, spinas & tribulos germinabit tibi.

Unde etiam colligit D. Basilius rosam tertio die productam fuisse sine spinis, & postea in pœnam peccati Adæ spinas ei adnatas esse.

Sed dicendum est, die tertio productas esse à Deo omnes plantarum species, etiam spinas & tribulos, aliasque plantas noxias ac venenosas: neque Deum exspectasse, donec Adam peccaret. Estque hæc sententia communior, in quam inclinat D. Augustinus *Lib. 3. super Genesim ad litteram cap. 18.* & D. Thomas *quæst. 69. art. 2. ad 2.*

Probatur primò. Quia hoc est magis conforme Sacrae Scripturae, quæ dicit omne virgultum agri productum esse à Deo, & Deum die septimo quievisse ab universo opere suo, id est, non produxisse amplius novas rerum species, quas antea non produxerit, ut exponit D. Augustinus *lib. 4. cap. 12.*

Probatur secundo. Quia etiam spinæ & tribuli deferuiunt ad usum animalium.

Probatur tertio. Quia spinæ & tribuli non sunt magis noxii aut molesti hominibus, quàm serpentes: constat autem, serpentes fuisse ante peccatum Adami.

Probatur quarto. Quia peccatum Adami non mutavit naturales rerum proprietates: sed rosam nasci inter spinas, est naturalis quædam ipsius proprietates: ergo circa illam nihil mutatum est propter peccatum Adami.

Obijcies primò. Deus in pœnam peccati Adami dixit: *Terra spinas & tribulos germinabit tibi:* ergo si non peccasset Adam, terra non germinasset illi spinas & tribulos.

Respondeo, Deum tertio die non solum produxisse plantas in variis mundi locis, sed etiam in particulari quodam loco condidisse paradisum, in quo terra erat admodum bona & frugifera, cum extra paradisum esset

esset sterilior, & produceret spinas ac tribulos. Itaque hunt esse sensum verborum DEI: Audi Adame, quia peccasti, ejiciam te ex paradiso, & habitabis in terra sterili, quæ germinabit tibi spinas & tribulos: quod non fecisset paradisos, in quo eras positus.

Obijcies secundo. Moyses, quando narrat productionem plantarum tertio die factam, addit, Deum vidisse quod esset bonum: ergo non loquitur de plantis noxiis, aut venenosis, quia illæ non sunt bonæ.

Respondeo, omnes plantas esse bonas, tum quia sunt perfectæ in genere suo: tum quia sunt accommodatæ ad finem, ad quem productæ sunt. Finis enim ille (si de immediato & proximo loquamur) est homo, cui plantæ etiam venenatæ conducunt, non quidem ad cibum, sed ad Medicinam. Deinde profunt animalibus brutis, & hæc profunt homini, propter quem producta sunt; ac proinde plantæ venenosæ saltem mediatè profunt homini.

QUÆSTIO NONA.

Quid produxerit Deus die quarto?

Respondeo, Deum illo die produxisse omnia astra, id est, solem, lunam & stellas, ut patet ex narratione Moyse in Genesi.

Dubitatur autem, an Deus die quarto produxerit astra, non modò quoad substantiam, sed etiam quoad accidentia?

Respondeo, id esse probabile, quod sic declaro. Deus secundo die produxit orbes cœlestes ex aquis in æquali densitate, quarto die fecit quasdam partes rariores & alias densiores. deditque densioribus novas formas substantiales; figuram rotundam, lucem & motum. Cum itaque partes illæ densiores sint astra, sequitur astra quarto die producta esse secundum suas formas substantiales, & secundum accidentia jam recensita.

Hæc

Hæc Assertio probatur. Quia Scriptura sacra non aliter loquitur de productione astrorum, quàm de productione aliarum rerum: sed aliæ res non solum quoad sua accidentia, sed etiam quoad suam substantiam productæ sunt: ergo etiam astra.

Dices. Hæc sententia supponit, quod astra habeant formas substantiales distinctas à formis suorum orbium, ac proinde distinguantur specie à suis orbibus: quod non est admittendum.

Respondeo, id omninò esse admittendum, idque probari posse duplici ratione.

Primaratio est, quia quod suapte naturâ lucidum est, specie differt ab eo, quod suapte natura lucidum non est: sed probabile est, solem suapte natura lucidum esse, non autem orbem solis: ergo probabile est solem specie differre à suo orbe. Idem dico de cæteris astris, exceptâ lunâ, quæ suapte naturâ non est lucida, sed illuminatur à sole.

Secundaratio est, quia vis influendi in hæc inferiora convenit astris, non autem orbibus: ergo astra habent peculiares formas substantiales, à quibus illa vis oritur.

QUÆSTIO DECIMA.

Utrum Deus animalia volatilia & aquatilia (quæ quinto die producta sunt) ex terra , vel ex aqua produxerit.

Asserto, Deum tam volatilia, quàm aquatilia, hoc est, tam aves, quàm pisces, ex aqua produxisse.

De piscibus constat ex narratione & testimonio Moyſis, qui libro *Genesis cap. 1.* ait: *Dixit etiam Deus, producant aquæ reptile animæ viventis.* Per reptile autem intelligi pisces, constabit ex dicendis infra.

De Avibus est aliqua difficultas. Nam Cajetanus & Catharinus eas ex terra productas esse. Sed alii gravissimi

vissimi Auctores productionem avium attribuunt elemento aquæ: inrer quos est D. Augustinus *lib. 9. super Genesin ad litteram cap. 1.* S. Hieronymus *in Epist. ad Ocean.* Magister sentent. *in 2. d. 15.* aliique complures.

Idem sentit Ecclesia, quæ in Hymno vesperarum Feriæ quintæ sic canit: *Magna Deus potentia, qui ex aquis ortum genus, partim remittis gurgiti, partim levas in aëra.*

Atque hæc sententia est magis conformis Sacræ Scripturæ, quæ *cap. 1. Genes.* sic loquitur: *Producant aqua reptile animæ viventis, & volatile super terram.*

Accedit, quod pisces & aves in multis conveniant. Nam utrisque commune est ova parere, carere lacte, eminentibus auribus & vesicâ.

QUÆSTIO UNDECIMA.

Cur Deus produxerit pisces ante omnia alia animalia?

Respondeo, hoc ideo factum esse, quia Deus voluit incipere ab imperfectioribus. Constat autem pisces esse imperfectiores aliis animalibus. Imò hunc ordinem Deus servavit in omnibus viventibus. Nam primò produxit plantas, secundò pisces, tertio aves, quarto animalia terrestria, quinto hominem.

Quæres, unde constet pisces esse imperfectiores aliis animantibus?

Respondeo, id ex multis constare. *Primò*, quia pisces habent imperfectius temperamentum corporis, cum præbeant exiguum alimentum. Unde qui volunt jejunare, & corpus affligere, solent abstinere ab aliis animalibus, & comedere pisces. *Secundò*, quia pisces habent obscuriora organa corporis ac membrorum. *Tertio*, quia sensus habent obtusiores. *Quarto*, quia

D

non

non sunt tam dociles, nec possunt ab hominibus man-
suefieri, nec patiuntur se contrectari. Excipio Delphi-
num, de cuius docilitate, & amore erga homines mira
scribunt Plinius & Plutarchus.

Præter dictas causas, afferuntur duæ aliæ: quarum
una est Cajetani, altera D. Basilii. Cajetanus ait, totum
genus piscium esse oviparum, nec ulla ex parte vivipa-
rum. Basiliius asserit pisces carere memoria. Et hinc
Autores isti colligunt pisces esse imperfectiores aliis
animalibus.

Sed neutra ratio placet. Non prior, quia multi pi-
sces sunt vivipari, ut pristis, balæna, vitulus marinus,
Delphinus, teste Plinio *libro 9. cap. 13.* & Basilio *homil. 7.*
Nec posterior, quia experientia docet, pisces habere
memoriam. Idque etiam testatur S. Augustinus *lib. 3.
de Genesi ad literam c. 8.* Et ratio est, quia omnia anima-
lia, quæ moventur de loco in locum, oportet esse
prædita memoria, ne motus eorum sit vagus & incer-
tus.

QUÆSTIO DUODECIMA.

Cur pisces à Moyse appellentur reptilia?

Respondeo, quia simili ferè modo moventur in aquis,
quo reptilia in terris, nempe supra pectus & ventrem.

Dices. Sunt aliqui pisces, qui pedibus gradiuntur,
ut crocodili & equi marini: ergo non omnes pisces vo-
cari possunt reptilia.

Respondeo, ejusmodi pisces, quia amphibia sunt, ali-
quando versari in aqua, aliquando in terra; quando in
aqua sunt, natant supra ventrem, sicut ceteri pisces, &
suis pedibus tanquam remis utuntur: & hac ratione
possunt vocare reptilia; quando autem in terra sunt,
erigunt se in pedes, & gradiuntur more alio-
rum

rum animalium : & hac ratione non vocantur reptilia.

QUÆSTIO DECIMA TERTIA.

Quid intelligat Sacra Scriptura per cete grandia, dum ait Genes. 1. cap. Creavitque Deus cete grandia, & omnem animam viventem atque motabilem, quam produxerunt aquæ in species suas?

Respondeo, Scripturam per cete grandia non intelligere unam aliquam speciem piscium, sed promiscuè omnes pisces, qui sunt grandiori corpore.

Patet hoc ex voce Hebraica *Hataninim*, quæ significat Dracones. Cum enim Dracones terrestres soleant esse magni, ideo omnes magni pisces vocantur Dracones.

Dices. Si vox illa Hebraica significat Dracones, quare Latinus interpret vertit *cete*?

Respondeo, quia cete sunt magni pisces : omnes autem magni pisces vocari possunt dracones, ut patet ex usu Scripturæ *Psalm. 148. Dracones & omnes abyssi. Et Ezech. 32. Draconi, qui est in mari, assimilatus es.*

QUÆSTIO DECIMA QUARTA.

Cur Moyses lib. 1. Genesis peculiariter meminerit magnorum piscium, & non magnarum avium, aliorumque animalium grandiorum?

Respondeo, quia in nullo genere animalium reperiuntur tam magna, sicut in genere piscium. Nam balæna, teste Basilio & Theodoreto, cum super aquas dorsum efferunt, alicujus Insulæ speciem exhibent. Et Plinius *lib. 9.* scribit, balænas maris Indici quaternorum jugerum esse, pristres ducentorum cubitorum, anguillas verò in Gange trecentorum pedum.

DISCURSUS PRIMUS,
QUÆSTIO DECIMA QUINTA.

Quid Deus produxerit die Sexto?

Respondeo, produxisse animalia terrestria & hominem, ut constat ex Historia Biblica *Genes. 1. cap.*

Itaque certum est, Deum hoc die produxisse jumenta, reptilia & bestias; quia hoc expressè dicit Moyses.

Per jumenta intelligit Moyses animalia mansueta & domestica: ut canes, equos, boves &c. Per reptilia intelligit serpentes, vermes, lacertas, quæ aut pedibus carent, aut pedes habent parvulos. Per bestias intelligit animalia fera & silvestria: ut Leones, Urso, Tigrides, Pantheras, &c.

QUÆSTIO DECIMA SEXTA.

An Deus sexto die mundi produxerit etiam animalia adulterina, verb. grat. mulum ex equo & asina &c.

Esse productas à DEO sexto die omnes species jumentorum, reptilium & bestiarum, expressè colligitur ex his verbis Scripturæ Sacræ *Genes. 1. cap. Fecit Deus bestias terras juxta species suas, & jumenta, & omne reptile terra in genere suo.*

Dubitatur autem, an prædicta Verba intelligenda sint solum de animalibus legitimis, an verò etiam de adulterinis, cujusmodi est species muli ex equo & asina, Leopardi ex Leone & Pardo, lyncis ex lupo & cerva?

Multi negant hæc adulterina animalia die sexto producta esse, ut D. Thomas, Rupertus & alii. Et videtur colligi ex eo, quòd Deus in veteri Testamento prohibuerit, ne quis hujusmodi animalium productionem procuraret, juxta illud *Levitici 19. Jumentum tuum non facies coire cum alterius generis animantibus.*

QUÆS-

QUÆSTIO DECIMA SEPTIMA.

*Ex qua materia fuerit productus Adam
primus homo?*

Respondeo, fuisse productum de limo terræ, juxta clarum Textum *Genesis* 2. *Formavit Deus hominem de limo terræ.*

Dices. Adam fuit homo sicut cæteri homines: sed cæteri homines constant ex quatuor elementis, & non ex sola terra: ergo etiam Adam.

Respondeo, etsi negari non possit, hominem constare ex quatuor elementis, cum sit corpus mixtum, à Scriptura tamen non nominari nisi lutum terræ, id est, terram & aquam inter se mixtas; quia illa duo elementa prædominantur in corpore humano quoad substantiam. Ratio est, quia corpus mixtum ex iis præcipuè elementis componitur, in quæ per corruptionem primò resolvitur: constat autem corpus humanum primò resolvi in aquam & terram.

QUÆSTIO DECIMA OCTAVA.

Ex qua materia producta sit Eva?

Respondeo, esse productam de costa Adami dormientis.

Constat id tum ex *cap. 2. Genesis*: ubi dicitur, *Ædificavit Deus costam, quam tulerat de Adam in mulierem*: tum ex illis verbis *Ecclesiast. cap. 17. Deus creavit de terra hominem, & creavit ex ipso adiutorium simile sibi*. tum denique ex *epist. 1. ad Corinth. cap. 11. ubi S. Paulus ait: Non enim vir ex muliere, sed mulier ex viro.*

Objicies primò. Si Eva facta est ex costa Adami, ergo vel Adam habuit antea plures costas quàm nos, vel postea habuit pauciores: neutrum autem dici potest; quia vel fuisset prodigiosus, vel defectuosus.

Propter hoc argumentum putat Cajetanus, Evam non esse factam de costa Adami, & Scripturam, cum id refert, loqui Metaphoricè.

Sed errat Cajetanus, quia narratio Moyſis est historica, quæ debet secundum propriam verborum significationem intelligi; præsertim cum alia etiam Scripturæ loca id doceant, omnesque Patres & Scholastici in eo consentiant.

Porro duplex est objectionis allatæ solutio. Una Catharini, existimantis Adamum nec plures habuisse costas ante, nec plures postea; quia Deus illi unam abstulit, & alteram restituit. Nam Deus non solum costam, sed etiam carnem abstulit ab Adamo, ex qua Eva formaretur: ergo idem sentiendum est de costa, quod de carne: sed loco carnis restituit illi Deus aliam carnem, ergo etiam loco costæ aliam costam dedit.

Altera solutio est D. Thomæ, quod Adam habuerit unam costam amplius, quam ceteri homines, & quod ex ea facta sit Eva; quodque proinde post productionem Evæ Adam tot costas retinuerit, quot ceteri. Idque colligitur ex *cap. 2. Geneseos*, ubi apertè dicitur, Deum tulisse unam de costis Adami, & replevisse carnem pro ea. Unde sequitur pro costa ablata non esse restitutam aliam costam, sed carnem.

Replicabis. Ergo Adam fuit prodigiosus ante productionem Evæ, quia habuit unam costam superfluum.

Respondeo, quod Adam dupliciter spectari possit. *Primò.* Ut erat caput totius naturæ humanæ; & sic illa costa non erat ipsi superflua, sed necessaria, ut ex illa formaretur Eva. *Secundò.* Ut erat homo particularis; & sic erat illi superflua.

Obicies secundò. Corpus Evæ fuit multò majus, quam una costa Adami: ergo ex una costa non potuit fieri.

Respon-

Respondeo, Unam costam cum adjuncta carne non suffecisse, sed fuisse aliam insuper novam materiam necessariam: quæ vel de novo est creata, ut vult D. Thomas, vel sumpta ex aëre circumstante, ut alii censent.

QUÆSTIO DECIMA NONA.

Quo loco primi nostri Parentes, Adamus & Eva producti sint?

Responsio prima. Adam productus est extra Paradisum. Ita D. Ambrosius *lib. de Paradiso cap. 4.* Rupertus *lib. 1. ad Genes. cap. 2.* Magister sententiarum *in 2. dist. 17.* quem sequitur D. Thomas.

Colligitur ex illo *Genesis 2. Tulit Deus hominem, & posuit eum in Paradisum voluptatis.* Item ex illo *Genesis 3. Emisit eum Deus de Paradiso voluptatis, ut operaretur terram, de qua sumptus est.* Qui modi loquendi non obscurè innuunt, productionem Adami non esse factam in Paradiso, ut consideranti patebit.

Rationem hujus doctrinæ assignat D. Thomas; quia, inquit, Paradisus erat locus serviens incorruptioni: incorruptio autem non convenit homini naturaliter, sed ex supernaturali dono. Voluit ergo Deus producere hominem extra Paradisum, & postea ponere in Paradiso, ut sciret homo incorruptionem illam non esse ex natura, sed ex gratia.

Responsio Secunda. De loco, in quo extra Paradisum productus est Adam, nihil habemus ex Scriptura; communis tamen traditio est, productum esse in campo Damasceno, ubi terra est rubra: & inde ad Paradisum ab Angelo translatum esse, sicut Habacuc in Babylonem, & Enoch in Paradisum ab Angelo translati sunt. Alii volunt Adamum non esse raptum aut translatum, sed ductum ab Angelo, sicut Tobias ductus est.

Responsio tertia. Eva est producta in Paradiso, ut plerique

rique sibi persuadent, colligiturque ex Scriptura, quæ post narratam translationem Adami in Paradisum, subjungit productionem Evæ de latere Adami.

SECTIO SECUNDA.

Curiosa Observationes de magnitudine & figura mundi, aliisque nonnullis ad notitiam mundi pertinentibus.

ARTICULUS I.

Observatio prima de immensa mundi Magnitudine.

Mundi magnitudinem colligere solent Astrologi ex altitudine solis: qui à Ptolemæo ponitur semidiametrorum terræ 1210. à Copernico 1179. à Tychone 1182. Taxatur autem, sive æquatur semidiameter terræ milliariibus Germanicis 859. vel 860. circiter, diameter verò illius milliariibus Germanicis 1720. omnium Astronomorum & Geographorum consensu. Est igitur Solis altitudo secundum Ptolemæum, milliarium 1040600. juxta Tychonem 1016520. Suppositâ solis altitudine Ptolemæica, ejus circulus diurnus erit milliarium Germanicorum 6540914. ac proinde in singulas horas movebitur sol milliariibus 272538. Ex calculo Tychoniano solis motus diurnus est milliarium Germanicorum 6389554. horarius verò 266231. Firmamentum autem seu cælum stelliferum supra terram attollitur 14000. semidiametris terræ (teste Tychone) sive milliariibus Germanicis 12040000. Quare circulus magnus in firmamento extenditur semidiametris terræ 88000. vel milliariibus 75680000. & motus horarius stellarum fixarum prope Æquatorem sita-

fitarum est milliarium 3153333. sive trium millionum. Adhæc docent Astrologi, tantam esse Firmamenti à terra distantiam, ut lapis molaris è concavo firmamenti demissus, vix nonaginta annorum spatio ad nos decideret.

Francisci Maurolici Itali iudicio cœli quantitas continet milliaria Germanica vices quinquagies quater millena, novies mille centum & sexaginta.

Communi calculo eorum, qui cœlestium corporum quantitatem indagant, Luna distat à terra circiter quinquaginta millibus milliarium Germanicorum, numero rotundo, ut loquuntur. Interstitium verò inter solem & terram creditur esse 1000000. sive millies millenorum milliarium Germanicorum. Ex qua altitudine præsuppositâ & concessâ, quantitatem orbis sive circuli solis & lunæ: & ex hac quantitate orbis, quantitatem & magnitudinem totius globi mundani non difficili conjecturâ assequemur.

Est Theologorum nonnemo, qui de hoc argumento sic discurret. Si, inquit, Deus è singulis arenæ granulis, quæ littus marinum stipant, singulos crearet orbés terrarum, innumeri certè ac infiniti esse dicerentur, ii tamen immensa cœli spatia non implerent.

Sunt qui cœli empyrei (cujus ambitu atque complexu tota vastissimi mundi machina continetur) magnitudinem, milliariibus 10314085710. definiant, latitudinem verò 3600000000. milliariibus metiantur.

ARTICULUS II.

Observatio secunda de figura mundi.

Anaximander sensit figuram mundi esse columnarem, Plato vigint-angularē, nonnemo ad modum pellis planam & latè porrectam, quidam instar nucis pinæ pyramidatam. Anaximenes mensæ, Leucippus

tympano, Democritus disco, alii rebus aliis mundi figuram per similem esse crediderunt.

Schola peripatetica mundo, utpote corpori capacissimo, perfectissimo, elegantissimo, attribuit figuram circularem, quæ inter omnes figuras est capacissima, perfectissima & elegantissima, ut patet ex iis, quæ infra de Geometria dicentur.

Deinde eadem est figura mundi, quæ præcipuarum ipsius partium. Idem enim esse debet iudicium de partibus mundi præcipuis, & de ipso mundo: quia fieri non potest, ut partes mundi habeant figuram nobiliorem, quàm ipse mundus. Quare cùm cælum & elementa (quæ sunt primariæ mundi partes) sint figuræ sphericæ & circularis, necesse est ipsum quoque mundum talem obtinere figuram.

Porrò cæli rotunditas tum ex ejus motu, qui est sphericus & orbicularis, tum ex distantia à nobis innotescit. Si enim cælum alterius esset figuræ quàm orbicularis, stellarum (quæ sunt nobiliores cæli partes) aliæ nobis magis vicinæ forent, aliæ minùs: siquidem non in quovis cæli tractu pari intercapedine à nobis, sive à terra distarent: quod tamen repugnat experientiæ; quia intuemur omnes stellas fixas eadem perpetuò distantia à nobis circumagi.

Ad elementa quod attinet, licet ea inter se non sint continua, tamen cùm nullum inter ipsa vacuum intercedat, mutuò se tangunt: & terram, quæ rotunda est, aqua complectitur, aqua aër, aërem ignis, omnia circulari ambitu. Et verò si cœlestia, quæ hæc omnia complectuntur, sunt rotunda, oportebit quoque elementa rotunda esse.

Tandem etiam ex instrumentis Astronomicis, quæ in figuram rotundam efformantur, ut cæli rotunditatem imitentur, clarè colligitur, ipsum etiam cælum

rotundum esse. Si enim cœlum alterius figuræ esset, quàm rotundæ, nequaquam illa quoquo versum constituta, idonea essent ad altitudinem & distantiam siderum dimetiendam. Jam verò constat illa esse idonea ad hoc munus, prout in globo cœlesti, astrolabio, & similibus videre licet. Si autem cœlum est rotundum, ejusdem quoque figuræ mundus censeretur debet: quia deforme admodum esset, si mundus quadratus vel oblongus esset, cœlum autem orbiculare.

ARTICULUS III.

*Observatio tertia de parte Mundi dextra
& sinistra.*

Aristoteles docet partem mundi Orientalem esse dextram, propterea quòd inde fiat principium motûs; partem autem mundi Occidentalem esse sinistram, eò quòd vergat ad ipsam motus. Quemadmodum enim in homine cæterisque animantibus omnis loci mutatio à dextra incipit, eò quòd dextra ad impulsus sit expeditior ob calorem hepatis, & solidiorem ejus partis, firmioremque musculorum naturam? ita pariter illa pars, à qua cœlestes sphæræ moventur, denominationem partis dextræ fortiuntur.

ARTICULUS IV.

*Observatio quarta de duratione mundi præterita
& futura.*

Duratio mundi tam præterita, quàm secutura, à multis indagata, à nemine certo temporis spatio citra dubitationem definita fuit.

Ægyptii jam olim sibi persuaferunt mundum durasse annis 48000. Chaldæi 470000. Orientales 700000. Sunt, qui ab exordio mundi usque ad Christum natum numerent annos 3983. inter quos est Theophilus

lus Raynaudus; alii 3947. Henricus Samerius Soc. Jesu computat annos 3950. Baronius insignis Ecclesiasticæ historiæ scriptor 5199. Venerabilis Beda 5200. Nauclerus 5201. Regiomontanus 6984. Pererius 4022. Sallianus & Torniellus 4052.

Major de subsecutura mundi duratione dubitatio est. Macrobius 15000. annorum spatio eum definit: Orpheus 120000. Cassander ad tricies sexagies centena millia computat. Liborovius interitum mundi refert ad annum 1666. Rostius ad 1656. Cusanus ad 1700. vel saltem ad spatium antecedens annum 1734. Lactantius universam mundi durationem sex millium annorum spatio concludit. Sed mihi placet illud D. Thomæ Aquinatis: *Omnes, qui volunt determinatè de mundi fine loqui, tempus præfigendo, falsi reperti sunt, & repentur in futurum.*

ARTICULUS V.

Observatio quinta de septem Mundi ætatibus.

Prima Mundi ætas est quasi *Infantia*, & incepit ab Adamo Protoplasto, duravitque usque ad finem diluvii annis 1656.

Secunda ætas *Pueritia*, incepit à fine diluvii, & duravit usque ad egressum Hebræorum ex Ægypto annis 887.

Tertia *Adolescentia*, incepit ab egressu Hebræorum ex Ægypto, & duravit usque ad quartum annum regni Salomonis, quo condi cæptum templum Hierosolymitanum, annis 480.

Quarta *Juventus*, incepit à quinto anno regni Salomonis, sive secundo anno ab inchoato templo, & duravit usque ad destructum & exustum idem templum, vel potius usque ad finem captivitatis Babylonicæ, annis 452.

Quinta *Virilis*, incepit à relaxata captivitate Judæorum, & initio Monarchiæ Persicæ, duravitque usque ad adventum Messiæ, seu incarnationem filii Dei, annis 525. universi autem anni prædictarum ætatum conficiunt Summam annorum 4000.

Sexta *Senilis*, cœpit à primo Christi adventu, durabitque usque ad secundum ejusdem adventum, sive ad judicium universale, & interitum universi. De quo die nemo scit.

Septima ætas non jam in mundo, sed in cœlo inchoabitur à die extremi judicii, duratura, usque in perpetuas æternitates.

DISCURSUS SECUNDUS.

EX ASTROLOGIA,
Complectens varias Observationes
de Sole, Luna aliisque sideribus.

PRÆFATIUNCULA.

Astrologia, hoc est, Scientia de Astris, differt non modò ab Vranologia & Vranometria, sed etiam ab Astronomis. Nam Astronomia motus siderum, Astrologia siderum effectus & inclinationes è stellarum positione scrutatur. Vranologia verò considerat Cælum quatenus est cælum; per quod differt ab Vranometria, cujus officium est speculari cælum, prout est corpus mensurabile & mensurativum. Dicitur autem cælum mensurabile respectu nostri, quia nos illud metimur: mensurativum verò, quia ipsum etiam cælum metitur, tum tempus, tum res in tempore constitutas.

OB-

OBSERVATIO I.

De inequalitate & asperitate Planetarum, eorumque scabrosis & confragosis partibus.

EXperientia docuit Uranoscopos, Planetarum corpora esse minimè polita & terfa, sed maximè aspera, divisa, confragosa, variis maculis & umbris deturpata, ac proinde etiam non perfectè sphaerica. Cujus doctrinæ veritatem moderni Astrologi hoc Phænomeni solaris experimento demonstrare solent.

Si, inquiunt, helioscopio illius generis, quæ maximæ virtutis in astrorum contemplandorum usum fabricata sunt, diversis temporibus in solem directo, speciem ejus intra conclave clausum obscuratumque transmissam: candido plano exceperis; non sine admiratione subinde videbis totam solaris hemisphærii apparentis superficiem heterogeneam ex umbris & luculis constatam; eundemque solem tamquam mare fluctibus asperum ac veluti crispatum, diverso tamen, pro diversitate temporis, schemate intueberis. Nonnunquam in corpore Solari 50. aut 60. macularum umbrarumque veluti eclipses observantur: quæ sanè maculæ tantæ subinde magnitudinis sunt, ut Lunæ, terræque superficiem æquare videantur. Suetonius tradit, eo tempore, quo Julius Cæsar trucidabatur, circa solem materiam quandam crassam & fuliginosam conspectam esse. Tempore Justiniani Imperatoris anno integro Sol, ceu velamento quodam obseptus, adeo remissam ac debilem diffudit lucem, ut in Lunam conversus esse videretur. Apud Paulum Diaconum legimus anno 790. Solem 17. dierum spatio, cælo maximè sereno & innubi tam obscurè luxisse, ut penè tenebras mundo offunderet. Ante bellum Suecicum per annum integrum discus Solaris ingenti macularum ebullitione cooper-

coopertus, tum à P. Athanasio Kircher in Germania, tum à P. Christophoro Scheiner Romæ observatus fuit. Porro sicut aliquando Sol quodam veluti maculoso umbrarum tractu lugens procedit; ita nonnunquam è contrario, luctuoso velamine excusso, totus serenus, lucidus, placidus, & veluti ridibundus, modò flammæ, modò fuligines atras evomere videtur. Videatur Aldrovandus *lib. de prodigiis*, & Rosa Ursina P. Scheineri, opus subtilissimum, & reconditissimis observationibus refertum.

His addo experimentum phænomeni Lunaris, quod Mathematicus quidam sic proponit.

Lunâ plenâ, inquit, melioris notæ tubum Astronomicum accipe, quem nocte serena, & aëre vaporibus vacuo, in corpus Lunare dirige; & miram quandam Lunæ ex umbris & luculis conflata faciem deprehendes, non secus ac de experimento phænomeni solaris superius dictum est: hoc solum discrimine, quòd maculæ & faculæ in sole sint perpetuò inconstantes; in Luna verò perpetuò sibi ipsis similes & immotæ. Diceres te mare quoddam immensos terrarum tractus allambens, & in eo longè latèque circumfusas Insulas, & alicubi quasdam veluti Lacunas umbrosas intueri, ex quarum centro fulgentissimi radii diffundantur. Notabis quoque in extremo Lunaris disci Limbo nescio quid tremulum: fumosam diceres exhalationem. In eodem limbo non sine admiratione intueberis veluti præruptos quosdam scopulos, & concatenatorum montium ordines. Quæ omnia Neapolitanus quidam artifex, alii que Romani Mathematici excellentissimis tubis sæpenumero observarunt.

De insigni densitate & soliditate Solis.

Multi moderni Philosophi sentiunt, corpus solare ex materia constare omnium totius mundi densissima; eò quod intra ejus orbem tantum sit materiæ conclusum, quantum tota aurâ æthereâ per infinitam ferè solidæ mundanæ sphaeræ amplitudinem est dispersum. Esse autem densitatem corporis solaris in summo gradu, ex ejus calorificâ vi, tam acri, tamque longè porrectâ colligere licet. Nam inter corpora ignita ejusdem quantitatis, tantò quodlibet violentiùs urit & longiùs, quantò est densius: unde plus carbo quàm flamma, plus ferrum candens quàm carbo urit. Unde plerique veterum Orientalium, Hebræi, Arabes, Ægyptii, Persæ, ad declarandam solaris corporis densitatem, symbolicè asseruerunt, solem nihil aliud esse, quàm lapidem candefactum.

OBSERVATIO III.

De immodico & exotico Solis æstu.

Narrat Livius *lib. 4. Histor.* anno urbis Romanæ trècentesimo vigesimo secundo, tantum fuisse solis æstum, ut arescentibus defectu aquarum fontibus, rivis, amnibus, magna strages pecorum siti per-euntium consecuta fuerit. Anno Christi 1153. silvæ nimio ardore solis accensæ fuerunt, & gleba pinguis arsit, nec ulla exingui potuit pluvîâ. Anno 1573. Silva Bohemica æstu solis inflammata octodecim septimanis arsit, & Danubius penè exaruit: quodque mirandum est, nullum inde in segetes damnum redundavit. Anno 1584. autumnus tam fuit calidus, ut rosæ cum stirpibus floruerint. Anno 1225. mense Decembri malus Persica floruit. Anno 1186. mense Januario corvi &
alia

aliæ volucres pullos excluderunt. E contrario Anno Nongentesimo nonagesimo quarto in fine mensis Julii lacus & undæ fluminum tam constrictæ fuerunt glacie, ut pisces omnes fuerint emortui. *Jonston. in Thanmatograph. class. 1.*

OBSERVATIO IV.

*De inæqualitate dierum & noctium ex inæquali
Solis accessu & recessu ortâ.*

IN Arabia novi orbis Provincia perpetua est dierum & noctium æqualitas. Idem de Peru testatur Ovetanus in *Summa*. Sub siderum positi cardine, æquinoctio verno exortum solem, autumnali æquinoctio vident occidere. Hinc semestrem diem nox semestris subsequitur. Hollandi ad fretum Waygats à quarta die Novembris usque ad 24. Januarii, unam continuam sub septuagesimo primo gradu experti sunt nocte. *Bertius in descriptione freti Waygats.* In Laponia nox unica trium mensium spatium occupat. *Zieglerus in Laponia.*

OBSERVATIO V.

De influentiis Lunæ in res inferiores.

MUltiplices Lunæ in res inferiores influxus complura testantur experimenta.

Si Luna sub terra posita seratur allium, & rursus Luna sub terra latente vellatur seu eruatur, odoris fœditate carebit, si fides adhibeatur Palladio, & Cardano de varietate lib. 2. cap. 13.

Plinius de formicis agens, ait, eas esse Lunisequas, & opera sua ad lumen Lunæ disponere; si lumine vacua fuerit Luna, cessare ab opere; Laborare contra tantò vehementius, quanto majus illa incrementum sumit; à plenilunio verò ceu torpescens, & nimio la-

E

bore

bore fatigatas, ad cavernas veluti quietis quædam latibula se conferre.

Addit idem Plinius, filamenta Hepatis glirium mira quadam ratione ad normam luminis Lunæ crescere & decrescere.

Oculi catiorum notabiliter Lunaris luminis mutationes subeunt. Observatum quoque est, eorundem oculos multò esse majores tempore hiberno quàm æstivo: Neque absque ratione; cum enim noctes hibernæ longiores sint, Natura quoque plus luminis seu visivi Spiritus eis concessisse videtur ad quærendum venatione nocturna alimentum.

Panthera, si Alberto credimus, in pelle sua maculam habet, Lunæ phases exactè imitantem.

Omnia ostreacea, exanguia, mollia, crustacea pro Luminis Lunaris incremento, aut decremento, nunc macrescere, nunc pinguescere vulgò notum est. Videri possunt, quæ de natura Scarabæi, cynocephali, & aluri, Lunaribus animalibus P. Athanasius Kircher in sua Physica Hieroglyphica fusissimè & curiosissimè tradit.

Indubitata experientiâ huc usque innotuit, conceptionem hominis cum nativitate ejus maximum habere consensum, ob aspectum ætatemque Lunæ, ejusdemque in Zodiaco eodem temporis momento constitutionem; ita quidem, ut infantem tempore novæ, aut plenæ Lunæ conceptum, eodem penè momento alterius novæ aut plenæ Lunæ in lucem prodire videamus. Quò spectat Aphorismus ille 50. apud Ptolemæum: *Signum Zodiaci, in quo morabitur Luna horâ & momento conceptionis, erit idem quod ascendet supra Horizontem horâ & momento nativitatis; & signum, in quo est Luna tempore nativitatis, erit idem, quod ascendeat tempore conceptionis.*

*De variis Eclipsibus Solis & Luna, ac subsequis
calamitatibus.*

ANno mundi 3180. prima Eclipsis ab historicis ad-
notata, & memoriæ prodita fuit in Sole, versan-
te in 7. gradu Tauri, die Dominico (qui tunc dicebatur
dies Solis) quinta die Maji circa Meridiem, in ipso
ferme capite Draconis. Fuit autem hæc Eclipsis ad-
modum horribilis. Nam in Ægypto Sol ultra dimi-
diam partem est obscuratus: in Italia ad dimidiam
partem: in Æthiopia verò totus amisit lucem. *Diony-
sius Halicarnas. lib. 1.* Hoc tempore Romulus & Re-
mus sunt concepti, cœpitq; declinare Regnum Isrælis,

Anno mundi 3230. qui fuit annus primus Merodachi
Regis Babyloniorum (*Lib. 4. Regum Cap. 29.* appel-
latur hic Rex Berodach, Latine amara contritio, vel
Myrrha purissima) 19. Martii, feria secunda, Luna pa-
titur Eclipsin totalem. *Ptol. lib. 4.* Quo tempore de-
cem Tribus populi Isrælitici in perpetuam captivita-
tem fuerunt abductæ.

Anno mundi 3235. qui fuit annus urbis Romanæ 38.
paulò post mortem Romuli, 26. die Maji Sol pati-
tur horribile deliquium. *Dionys. Halicarnas. lib. 2.* Hoc
ipso anno Sennacherib, Rex Assyrius, cæcis 185000. suis
militibus, reliquit obsidionem Hierosolymorum. *Isai.
38. 2. Reg. 19.*

Anno mundi 3343. accidit Eclipsis Solis, à Thalete
Milesio prædicta. Paulò post cœpit captivitas Baby-
lonica, & decennio post excidium Templi Hierosoly-
mitani.

Anno mundi 3365. maximam eclipsin. patitur Sol,
quam etiam Thales prædixerat. Fuit hæc eclipsis ferè
totalis, in principio Geminorum die 28. Maji. *Herodor.
lib. 1.* Hoc tempore Judæi exulant in Babylone.

Anno mundi 3461. & 31. Darii Histaspis, Luna patitur eclipsin. Quo tempore Darius ad Marathonem ingenti clade fuit affectus ab Atheniensibus, duce Miltiade. Meminit hujus eclipsis Ptolemæus *lib. 4. cap. 9.*

Anno mundi 3470. Sol patitur eclipsin 19. Aprilis, cum Xerxes adversus Græcos exercitum duceret infeliciter: utpote victus ad Thermopylas, & Salaminem. *Vide de hac eclipsi Herodotum lib. 7.*

Anno mundi 3471. conspicitur eclipsis Solis, ante pugnam ad Plataeas; ubi Mardonius, Xerxis dux, iterum vincitur. *Herodotus lib. 9.*

Anno mundi 3520. 3. die Augusti fuit eclipsis Solis admodum terribilis. Nam totus propemodum Sol defecit, ita, ut etiam stellæ aliquot interdum videri poterint. *Thucyd. lib. 2.* Secuta pestilentia atrox, dicta Atica, quâ Atheniensium civitas ad interuersionem ferè deleta est.

Anno mundi 3621. eclipsis Lunæ totalis conspicitur, duodecimâ nocte ante pugnam Darii & Alexandri M. ad Arbelam, 20. Septemb. Quo die Alexander vicit ingentes copias Darii, interfectis 90000. hominibus; atque ita totius Asiæ imperio potitus est, Sole versante in quinto gradu Libræ, cum Persæ tenuissent Monarchiam annis 200.

Anno mundi 3733. eclipsis in Sole accidit, quæ tanta fuit, ut aliqui Astronomiæ ignari, pugnam Solis & Lunæ contigisse dicerent. *Livius decad. 3. l. 2.* Plurima verò mala hanc eclipsin secuta sunt. Nam Hannibal quindecim millia Romanorum trucidavit. Terra eodem anno septies & quinquagies formidabili motu concussa est. Denique Ptolemæus Philopator Rex Ægypti, Antiocho victo fugatoq; insolentior factus, Hierosolymam ingressus, Sanctum Sanctorum profanare conatus est: ubi à Deo graviter punitus, in Ægyptum reversus,

versus, supra modum miseros Judæos afflixit, ut patet ex lib. 3. Macchab.

Anno mundi 3748. Sol patitur eclipsin, subsequente postrema clade Hannibalis in Africa. *Livius decad. 3. lib. 10.*

Anno mundi 3749. eclipsatus est Sol, & secutæ sunt tres eclipses Lunæ: quas excepit bellum Macedonicum, inter Romanos & Philippum, ejus nominis ultimum Regem Macedonia.

Anno mundi 3760. Sol ingens deliquium passus est, quod Antiocho portendit horribilem cladem suorum, & amissionem ferè totius Asiæ minoris. Ita Monarchia Græcorum paulatim à Græcis ad Romanos inclinare cœpit.

Anno mundi 3761. visa est eclipsis Solis, postquam Antiochus Magnus, Antiøchi Epiphanis pater, à Barbaris horribili clade cæsus, vitam pariter cum exercitu amisit.

Anno mundi 3778. eclipsin Lunæ secuta est mors Seleuci Philopatoris, & persecutio Ecclesiæ sub Antiocho Epiphane, immani illa bestia.

Anno mundi 3782. tota Luna obscuratur. Atque hæc est horribilis illa eclipsis, quæ antecessit prælium illud acerrimum, quo L. Æmilius Paulus Consul Roman. Perseum ultimum Regem Macedonia vicit, & Regnum ad Romanos transtulit.

Anno mundi 3809. eclipsin Lunæ secutum est bellum servile, itemque Numantinum, quo Numantia deleta fuit.

Anno mundi 3905. accidit plenilunium eclipicum, quod Ovidius *lib. ult. Metamorph.* recenset inter prodigia, quæ mortem Julii Cæsaris antecesserunt.

Anno mundi 3982. Christi verò 33. vel (ut alii volunt) 35. Christus Servator noster crucifigitur. Quo

quidem die factæ sunt duæ eclipses: prima in sole circa meridiem, in undecimo gradu Arietis, ubi Sol non procul à capite Draconis, tempore plenilunii, contra naturam obscuratus est; altera autem in Luna, circa vesperam, sole occidente, paulò post sepulturam Christi; quo tempore Luna, naturaliter tamen, non procul à cauda Draconis, ad septem digitos, hoc est, ultra dimidiam partem defecit.

Anno Christi 59. factum est deliquium solis, & secuta prima persecutio Ecclesiæ sub Nerone.

Anno Christi 133. eclipsin Lunæ excepit ultima clades Judæorum, quorum quinquies centena millia in hoc bello sunt occisi, aliis pestilentia & fame sine numero pereuntibus.

Anno Christi 237. fuit horribilis eclipsis Solis, quæ, teste Julio Capitolino tanta fuit, ut nox crederetur, nec sine luminibus accensis quidquam agi posset. Secutus est terræ motus, quo magnæ Urbes corruerunt, & multi homines oppressi sunt.

Anno Christi 347. fuit eclipsis Solis; quo tempore grassati fuere Ariani hæretici, & Sapor Rex Persarum afflixit Imperium Romanum.

Anno Christi 360. fit defectio Solis maxima, ab auro usque ad meridiem. Secuta sunt tria memorabilia bella, Persicum, Civile, & Germanicum.

Anno Christi 404. Sol patitur eclipsin, & paulò post Roma capitur ab Alarico Rege Gothorum.

Anno Christi 654. fit eclipsis Solis postquam Saraceni aliquoties cum infello exercitu ingressi sunt fines Romanorum.

Anno Christi 764. Sol eclipsatur, & eodem anno tanta siccitas est secuta, ut etiam fontes exsiccarentur.

Anno Christi 891. eclipsis Solis facta est, quam secuta sunt varia bella, cum Imperatores & Reges Italiæ mutuis

mutuis armis concurrerent, atque ita Italia miserè aliquot annis affligeretur.

Anno Christi 1093. eclipsis Solis antecessit maximam pestilentiam, quæ totam Germaniam & Galliam afflixit.

Anno Christi 1274. eclipsis lunaris visa est: quo tempore tota Germania ardebat latrocinis, seditionibus, tumultibus ac bellis.

Anno Christi 1415. tam horrenda fuit eclipsis Solis, ut aves in terram deciderent. Circa illud tempus Huss hæreticus, qui ob crimen hæresis exustus est, cum suis sequacibus prævæ doctrinæ Zizania in agro Dominico seminavit.

Anno Christi 1544. quatuor fuerunt eclipses, una in Sole valde notabilis, & tres in Luna. Circa hoc tempus cœpit bellum Smalcaldicum, & orthodoxa Religio variè fuit jactata.

OBSERVATIO VII.

De Zodiaco, sive signis, & constellationibus celestibus, deque præcipuis mundi Regionibus, & Urbibus, quæ sub signis illis sitæ sunt.

Duodecim sunt signa cœlestia, ex variis conflata constellationibus. Primum signum est *Aries*, secundum *Taurus*, tertium *Gemini*, quartum *Cancer*, quintum *Leo*, sextum *Virgo*, septimum *Libra*, octavum *Scorpius*, nonum *Sagittarius*, decimum *Capricornus*, undecimum *Aquarius*, duodecimum *Pisces*.

Sub *Ariete* sunt hæ regiones, Anglia, Gallia, Germania, Silesia superior, Polonia minor, Burgundia superior, Dania, Syria, Palestina: & hæ Urbes, Neapolis, Capua, Ancona, Ferraria, Florentia, Verona, Lindavia, Trajectum, Patavium, Brunswicum, Cracovia.

Sub *Tauro* sunt istæ regiones, Polonia major, Islandia, Lotharingia, Campania, Helvetia, Franconia, Rhætia, Parthia, Persia, Cyclades Insulæ, Cyprus & maritima loca minoris Asiæ: & istæ Urbes, Bononia, Senæ, Mantua, Tarentum, Parma, Brixia, Tigurum, Lucerna, Nancejum, Metæ, Herbipolis, Lipsia, Posnania, Gnesna.

Sub *Geminis* sunt hæ Regiones, Sardinia, Lombardiæ pars, Flandria, Brabantia, Wirtebergenſis Ducatus, Hircania, Armenia, Cyrenaica & Ægyptus inferior: Urbes, Corduba, Turinum, Vercellæ, Lovanium, Brugæ, Londinum, Moguntia, Kitzinga, Bambergæ, Norimberga.

Sub *Cancro* sunt ex Regionibus, Scotia, Granata, Burgundia inferior, Hollandia, Zelandia, Prussia, Numidia, Africa, Bithynia, Phrygia, Colchis, & Carthago: ex Urbibus, Constantinopolis, Tunetum, Venetiæ, Genua, Luca, Pisæ, Mediolanum, Vincentia, Berna, Treveris, Eboracum, Lubeca, Magdeburgum, Witeberga, Görlicium.

Sub *Leone* sunt Regiones, Italia, Sicilia, Apulia, Bohemia, Pars Turciæ, Phœnicia, Chaldæa: Urbes, Dantiscum, Syracusæ, Roma, Ravenna, Cremona, Ulma, Confluentia, Praga, Lincium &c.

Sub *Virgine* sunt hæ Regiones, Achaia, Græcia, Croatia, Carinthia, Artesia, Creta, Rhodus, Pars Rhœni, Silesia inferior, Mesopotamia, Babylonia, Assyria: Urbes istæ, Corinthus, Novaria, Cumæ, Hierosolyma, Brundisium, Papia, Tolosa, Lugdunum, Lutetia, Basilea, Heidelberga, Erfurtum, Uratislavia.

Sub *Libra* sunt hæ Regiones, Austria, Alsatia, Livonia, Sabaudia, Delphinatus, Thuscia, Bactriana, Caspia, Thebais, Trogloditica: Urbes istæ, Ulyssipona, Arela-

Arelatum, Cajeta, Friburgum Brisgoiæ, Argentina, Spira, Francofurtum ad Mœnum, Hala Suevorum, Heilbrunna, Frisinga, Mosbachium, Landishutum, Vienna Austriæ, Antverpia.

Sub *Scorpio* sitæ sunt Regiones, Norvegia, Bavaria superior, Comagena, Cappadocia, Idumæa, Mauritania, Regnum Fessanum, Getulia, Catalonia: ex Urbibus, Valentia Hispaniæ, Trapezuntum, Urbinum, Aquileia, Pistorium, Tarvisium, Forum Julium, Messana, Vienna Galliæ, Monachium, Francofurtum ad Oderam.

Sub *Sagittario* numerantur hæ Regiones, Hispania, Dalmatia, Slavonia, Hungaria, Moravia, Misnia, Celtica & Arabia felix: Urbes autem istæ, Toletum, Volaterræ, Mutina, Narbona, Avenion, Colonia Agrippina, Stutgardia, Rotenburgum, Buda.

Sub *Capricorno* sunt Regiones, Macedonia, Illyrium, Thracia, Albania, Bulgaria, Græcia, Massovia, Lithuania, Saxonia, Hassia, Stiria, Thuringia, Orcades, India: Urbes, Juliæcum, Clivia, Berga, Mechlinia, Gandavum, Oxonium, Vilna, Brandeburgum, Augusta Vindelico-
rum.

Sub *Aquario* sunt hæ regiones: Media, Æthiopia, Moscovia, Russia, Magna Tartaria, Suecia, Pedemon-
tium, Wallachia, Tractus inter Mosellam & Mosam, Montferrat &c. Ex Urbibus, Tridentum, Hamburgum, Salisburgum, Ingolstadtum &c.

Sub *Piscibus* sunt, si Regiones spectes, Cilicia, Calabria, Portugallia, Normandia &c. ex Urbibus verò, Compostella, Hispalis, Placentia, Alexandria, Ratisbona, Wormatia &c.

OBSERVATIO VIII.

De Magnitudine Siderum.

TYcho Brahe celeberrimus Astrologus distinguit sex ordines Siderum, aitque terram à Sideribus *primi* ordinis superari centies circiter: *secundi*, vigesies octies: *Tertii*, undecies: *Quarti*, sexies: *Quinti*, paulò plus, quàm semel: *Sexti*, ter minores esse terrâ. Alii etiam sex magnitudines in stellis agnoscunt, sed alio modo explicant. Stellæ *prima* magnitudinis sunt, quæ terram centies & amplius excedunt: *Secunda* magnitudinis sunt, quæ octogesies septies: *Tertia*, quæ septuagesies bis: *Quarta*, quæ quinquages quater: *Quinta*, quæ trigesies: *Sexta*, quæ decies octies.

Magnitudinem solis declarat ejus diameter & perimenter. Diameter solis continet milliaria Germanica 9702. hoc est, novem millia, septingenta duo. Perimeter seu ambitus complectitur milliaria 30743. hoc est, triginta millia, septingenta, quadraginta tria.

OBSERVATIO IX.

De admiranda velocitate siderum in motu suo.

LUna, stellarum omnium, quæ terram integro circulo ambiunt, tardissima, quotidie cursu suo peragit milliaria Germanica 313543. nimirum trecenta millia, & insuper tredecim millia, quingenta, quadraginta tria. Idque colligunt Astrologi ex eo, quòd Luna spatium 24. horarum in sua sphaera perambulet gradus 348. Unius horæ spatium emetitur Luna milliaria Germanica 13064. hoc est, decies ter mille, sexaginta quatuor. De Velocitate cursus solaris agitur observatione sequenti. Stella aliqua Fixa sub æquatore, unius horæ spatium decurrit milliaria Germanica 4504761. videlicet quater millies

millies mille, quingenta millia, quatuor millia, septingenta, sexaginta, unum. Uno quadrante horæ conficit milliaria Germanica 1126190. hoc est, millies mille, centena & viginti sex millia, centum, nonaginta. Uno minuto quadrantis, hoc est, tantillo spatio, quo recitari potest salutatatio Angelica, peragrat milliaria Germanica 18770. sive, decies octies mille, septingenta, septuaginta. Momento denique, quo quis vel unicum pronunciare Verbulum queat, absolvit milliaria germanica 625.

OBSERVATIO X.

De Recessu Solis in horologio Achaz: ubi declaratur, quot milliaria Sol in recessu illo confecerit.

ANtequam declareretur, quot milliaria Sol, recedendo in horologio Achaz, decurrerit, notandum est, Solem, qui inter suos cœlivagos concurretores nec tardissimus, nec velocissimus est, unâ die percurrere milliaria germanica 6199303. id est, sexies millies mille, & centies mille, nonaginta novem millia, trecenta tria. Idque colligunt Mathematici ex eo, quod sol 24. horis emeritur circuli sui gradus 369. Unius horæ spatio permeat sol milliaria germanica 258304. sive ducenta millia, quinquaginta octo millia, trecenta, quatuor. Et hæc juxta calculum P. Petri Udri docti & accurati Astrologi, in Thefibus de stellarum Theoria Anno 1630. impressis.

Aliter sentit Cornelius à Lapide, juxta cujus opinionem, in commentar. cap. 1. Genes. traditam, Sol unâ horâ percurrit unum millionem, & centum, quadraginta millia leucarum, quæ sunt milliaria horaria.

P. Henricus Engelgrave Tom. 1. Concion. Dominic. infra Nativit. ex computatione Tychonis Brahe asserit, solem unâ horâ percurrere milliaria Belgica seu horaria, quingenta octo millia, & octingenta millia, id est.

est 508800. idque circa æquinoctium, quo tempore, juxta eundem, distat à terræ centro 1396100. hoc est, uno millione, trecentis, nonaginta sex millibus, & centum leucis Belgicis. Idem Auctor sentit, solem unius minuti spatio conficere milliaria Belgica 8480. Atque hujus supputationis rationem deducit ex distantia solis à centro mundi, quæ tempore æquinoctiorum est mediocris, continetque semidiametros terræ, juxta Tycho-nem, 1180. Unde si diameter terræ continet milliaria horaria minimum 1214. consequitur inde, verissimum esse, quod de distantia & cursu assertum est. Ex his omnibus infert P. Engelgrave *loc. supra citat.* Solem, cum decem lineis seu horis recessit in horologio Achaz, confecisse recedendo quinque milliones, octingenta octo millia Belgicorum milliarium.

DISCURSUS TERTIUS. EX STOECHIOLOGIA,

De quatuor Elementis.

PRÆFATIUNCULA.

Stoechiologia est scientia de quatuor elementis: Terra, Aqua, Aere, Igne. Porro Elementum est corpus, ex quo corpora mixta componuntur, ipsum autem ex nullo alio elemento componitur, sed est in ea ratione simplex. Quod vero numerus elementorum quaternario nec major sit, nec minor, duplex comprobatur ratiocinatio. Prima. Ignis est levissimus, Terra vero gravissima; ergo congruum est, dari duo alia elementa media; quorum unum, videlicet Aqua, habeat gravitatem prope summam; & al-

& alterum, videlicet Aer, habeat levitatem prope summam. Atque ita quatuor habemus elementa. Secunda. Infracælum sunt tantum quatuor spatia: Vnum, quod cælum attingit, & hoc est summum: aliud, quod maximè distat à cælo, & hoc est terra centrum, atque omnium infimum. Præter hæc sunt alia duo spatia: unum prope summum, & aliud prope infimum; ergo quatuor tantum elementa dari possunt, à quibus prædicta quatuor spatia repleantur: videlicet infimum à terra, prope infimum ab aqua, summum ab igne, prope summum ab aëre. Atque ita consurgit quaternarius numerus elementorum.

CAPUT I.

Utrum Aer intra Aerem ponderari possit?

CEnseo aërem esse simpliciter gravem, & tantum secundum quid levem, nimirum respectu corporis gravioris infra aërem positi. Potest autem pondus aëris explorari, si vas quodcunque aëre in suo naturali statu consistente plenum, expendatur primum bilance, staterâ, aliove quocunque ponderatorio instrumento, & pondus repertum notetur: deinde aëre extracto iterum ponderetur, & pondus notetur. Erit enim pondus secundo loco repertum, minus, quam pondus primo loco repertum: differentia igitur inter utrumque pondus, erit pondus aëris, qui antea in vase erat.

Confirmatur, quia vesica aëre plena gravior est, quam

quàm eadem aëre vacua : utprehenderunt P. Ricciolus, Galilæus Galilæi & alii.

CAPUT II.

De tribus Aëris Regionibus, earumque profunditate.

TOta profunditas aëris est 52. milliarium Italicorum; quia meteororum materia non scandit sublimius. Nam summi halitus, qui primi manè radium Solis excipiunt & ultimi retinent vesperi, ac proinde altissimi sunt omnium, qui videri à nobis possunt, non nisi 52. milliariibus Italicis, seu 13. Germanicis à terra distant, ut post Alhazenum & Vitellonem Tycho multis approbat experimentis.

Porro aër in tres dividitur regiones: infimam, mediam & supremam.

Infima aëris Regio est spatium à terra usque ad nubes, ejusque profunditas est medii solùm milliaris. Tanta enim est intercapedo inter terram & propinquissimam nubem. Solet nimirum altitudo hujus regionis definiriflexione seu resultu radiorum Solis à terra: putantur autem vulgò solares radii non altiùs, quàm ad imam & concavam nubium superficiem resilire. Æstate tamen altior est hæc regio, hyeme submissior.

Media aëris regio est spatium, quod ipsas nubes capit. Ejus convexa sive suprema pars quatuor circiter milliariibus Italicis abest à superficie terræ: infima autem pars, 500. circiter passibus, sive dimidio milliari Italico à terra distat. Ratio prioris est, quia montes quidam, altitudinis perpendicularis quatuor milliarium quandoque cano vertice visuntur. Igitur nubes, materia earum nivium, eousque pertingunt. Ratio posterioris est, quia nubes proximæ, quales sunt atræ illæ & pluentes, vix longiori intervallo dividuntur à nobis, ut liquet

liquet experimento subeuntium Italiae alpes. Itaque profunditas mediae regionis aeris est milliarium $3\frac{1}{2}$.

Suprema aeris regio est spatium à convexo nubium usque ad elementum ignis. Ea deorsum videtur terminari circa quartum à terra milliare; ibi enim incipit media aeris Regio. Habet igitur suprema aeris Regio 48. milliaria Italica profunditatis. Ex altitudine enim 52. milliarium, quousque elewantur ut plurimum summi halitus, detrahenda solum sunt quatuor, pro media & infima Regione.

CAPUT III.

De infectione Aeris, praesertim in locis umbrosis, metalliferis, &c.

Non semper suas retinet qualitates aer, sed aliquando inficitur noxiis. Ex Peruana Provincia in Chilam per montana tendentibus aura occurrit mortifera, antequam viatores id satis animadvertant. In monte Peruano Pariacacca aer ascendentibus vitae desperationem parit; excitat namque vomitum tam vehementem, ut sanguis sequatur.

Tempore Philippi Regis Macedonum accidit, ut in via quadam inter duos montes, certâ horâ, quicumque eques transisset, concideret moribundus: idque passi sunt etiam pedites; fuitque causa ignota, donec Socrates quidam altè erecto speculo chalybeato, in utroque monte conspexit duos Dracones contra se muruo exhalantes pestilentem spiritum, cujus vi quidquid interceptum esset, extingueretur. Libavius in lib. de causis element.

Ab aëre umbroso, in vallibus metallicâ expiratione foetis, periculosa hominibus causari symptomata, notissimum est. Hinc in campis arsenico & spiritibus mercuria-

curialibus turgentibus, tempore æstivo nullus absque periculo vitæ commoratur. Expirationes verò ex antimonio & sulphure in aëre nocturno exceptæ, dum poros humani corporis subeunt, hominem sine ulla salutis spe è medio tollunt: ut vel hinc causa pateat, cur quædam loca hominum sanitati tam sint infesta: & cur multi in campis & montibus sub dio dormientes, paralyti, tremore totius corporis, omniumque membrorum convulsione corripiantur. Non aliâ utique de causâ, nisi ob spiritus metallicos ibi latentes.

In campis quoque Romanis valdè periculosus (æstivo præsertim tempore) dormientibus est aër nocturnus; quia videlicet sol æstivus magnam ex visceribus terræ cavernosæ, malignis qualitatibus imbutæ, humorum vaporumque copiam extrahit; qui nocturno aëre frigidiusculo condensati, & ad naturalem statum in umbroso aëre reducti, dum poros dormientium intrant, propriæ substantiæ contagione sanguinem inficiunt atque corrumpunt, quam corruptionem febres malignæ, & has caloris nativi dissolutio, ac tandem mors consequitur.

CAPUT IV.

De mirificis quibusdam nature spectaculis, quæ in aëre cujusdam Regionis Italicæ tempore æstivo conspiciuntur.

AUdiamus de hoc argumento differentem P. Athanasium Kircher in Arte magna lucis & umbræ lib. 10. part. 2. cap. 1. Eo maximè tempore, inquit, quo ardentissimus sol æstu fervoribusque mare Mamertinum sive Siculum concoquit, natura quoque inexhaustas supellectilis suæ pictoriæ divitias aperiens, præcipuè Rhegio, vetusto non minùs, quàm veterum Philosopho-

sophorum Lyceis & Academiis celebri Calabriae oppido, spectandas exponit. Contingit enim, ut memorato tempore theatrum quoddam in vaporoso aëre se repente aperiat, tanta rerum varietate adornatum, tanto scenarum apparatu, ut nihil ferè ibi sit, quod non se spectandum exhibeat: castellorum ordinatissimè dispositorum architectura, palatiorum ædificiorumque ad omnes perspectivæ regulas, infinito columnarum ordine projectorum, mira quædam magnificentia: in eorum paulatim evanescentium locum succedente scena Catoptrica. Videas hic umbrosos silvarum tractus, cypressorum, aliarumque arborum in quincuncem mira serie dispositarum ordines, campos imensos hominum turmis, boum armentis, oviumque gregibus refertos: omnia tanta colorum varietate, tum artificiosa lucis & umbræ mistura, tam vivis gestibus, ut nihil simile humana videatur industria producere posse. Vocant autem Rhegini hoc spectaculum Morganam. Et cum hæc res paucis nota sit, eam hoc loco pertractandam suscepi.

Ego sanè cum Anno 1636. Messanam transiens multa de prodigiosa hujusmodi parastasi admiratione dignissima intellexissem, Rhegium me contuli, ubi multi è peritioribus oppidi incolis circa hoc naturæ miraculum consulti, omnes ita sese rem habere, ut referri audieram, affirmarunt.

Ut verò solidiùs circa naturæ prodigium tam admirabile philosopharer, situm loci, naturam terræ, vaporem maris summa diligentia observavi: quibus quidem facile in tam reconditorum effectuum causam deveni.

Primò enim observavi montem è regione Siciliae Rhegio oppositum, nigro quodam tractu in Pelorum desinentem, litora verò, uti & fundum maris, multam glaream sive arenam ex selenite, antimonio, vitro alia-

que materia pellustri conflatam, ex vicinis montibus, dictis mineralibus refertis, devolvere, quæ intensissimo solis calore, unâ cum vapore in sublime exaltato, diversas & varias superficies conficiat. Hæ crassioribus in medio vaporibus montique oppositis, umbroso tractu quasi opacatæ, in speculum polyedrum omnibus numeris absolutissimum tandem coalescunt. In hoc igitur speculo, varium ad oculum situm habente, varia quoque rerum objectarum simulachra reflectuntur.

Columnarum artificiosa series contingit, vel ex una columna in littore consistente, quæ in infinitam columnarum multitudinem multiplici reflexione sua abit: eadem prorsus ratione, qua vel unû simulachrum inter duo specula sibi recta opposita, infinitam intra dicta specula simulachrorum similitudinem reflectere videmus. Ita unus homo variè intra speculares nubium superficies sæpiusque reflexus exercitum repræsentat. Idem de arboribus & animalibus dicendum.

At quid causæ est, quòd columnis succedant alia objecta, veluti arborum, castellorum, animalium &c.

Respondeo eam esse causam, quòd oculus noster ad diversas specularis vaporis perpetuò mobilis superficies diversimodè se habeat; Ex hoc enim oritur, quòd juxta regulas angulorum incidentiæ & reflexionis, res quoque diversæ sub constituto angulo videantur, prout specularis vaporis superficies eas in oculos reflexerit.

Sed mirantur hoc loco nonnulli, quo modo specularis illa materia arenosa eleveretur. At hi mirari desinent, ubi vehementem attractionis vim, qua Sol, dum vapores elicit & allicit, unâ secum diversas rerum materias in altum sublevare solet, penitiùs consideraverint. Constat certè, arenulas, pilos, paleas, festucas, similes-
que

que quisquillas passim in grandine globosa reperiri: quæ manifesta sunt indicia dictas res unà cum vapore in aërem elevatas, ibidem vapore resoluto commixtas, deinde vi frigoris concretas, denuò in terram decidisse. Imò Meteorologi docent, quandoque saxi, lignis, ferro, ranis, similibusque animalculis pluuisse: quæ profectò in suprema aëris regione crescere non potuerunt, nisi prius illuc attracta materia. Eandem ob causam vitrea illa materia subtilissima & pene insensibilis, unà cum vapore maris elevata, in specularem superficiem conformatur.

Ex dictis hætenus declarari possunt quædam Historiæ, quas plerique tanquam inania hominum figmenta exhibant.

Refert Pomponius Mela, in Maurirania retro Atlantem regiones esse, in quibus circa meridiem intra montes varia spectra comparere soleant, quæ gestus hominum in omnibus æmulentur. Videas ibi choreas, audias tubarum tympanorumque strepitus.

Refert quoque Plinius, intra Imaum in Scythia regionem esse, in qua quotannis in vasta planitie appareant varia spectacula rerum, sub figura hominum atque animalium, & instar exercitus; quibus viatores non raro in avia & devia præcipitia deducantur.

Ad flumen Oby refert Haithon Armenus regionem esse, ad quam nullus adhuc penetraverit, ob formidabilem spectrorum, quæ ex illa fluminis parte comparent, multitudinem. Ibi quoque hinnitus equorum, balatus ovium, hominumque vociferationes audiri frequentissimas testatur; ita ut hanc Diabolorum regionem existimantes, horrore causa nemo adhuc tentaverit.

Quæ quidem omnes recensitæ historiæ, per naturalia illa phasmata in vaporoso illo vitro ceu speculo quodam

dam exorientia, optimè explicari & salvari possunt. Fieri enim potest, situm, naturamque locorum talem esse, qualem in freto Siculo supra descripsi, in quo certis anni temporibus vapores vitrei elevati, ceu speculis monstrent horrenda illa phasmata, quæ ignorantes tantopere perhorrescunt. Quod verò variæ animalium voces audiantur, id ad voces animalium vicinorum in concava rupe, aut monte reflexas referri debet. *Athanasius Kircher in Art. magna Lucis & Umbra lib. 10.*

CAPUT V.

*An dari possit ignis, qui nec pluviâ, nec vento
extingui possit?*

Dari posse flammam ignis tam validam, ut nullo ventorum turbine, aut vehementia imbrium extingui possit, certo constat experimento, quod se fecisse testatur P. Athanasius Kircher *in art. magna lucis & umbræ lib. 10. part. 2.* ubi modum talem flammam conficiendi his verbis exponit: Accipe vernicis libras 10. sulphuris vivi libras 4. olei resinæ libras 2. salnitri libr. 1. olibani libras 11. camphoræ uncias 6. petrolei libram 1. aquæ vivæ optimæ uncias 14. hæc mista simul lento igni exponantur, & fiet mistura, quâ imbutæ stupæ & in ollis positæ, succensæque reddunt ignem inextinguibilem.

Idem alio faciliiori modo peragi potest. Accipe sulphur purissimum, quod cum cera æqualiter dissolutum præstat intentum, si ex ea mistura candelam formaveris.

CAPUT VI.

An arte Chymica ignis æternus, sive jugiter ardens confici possit?

TRithemius, referente Bartholomæo Korndorffero *in*

in aureo vellere, per artificia Chymica ignes æternos procuravit. Operatio sic se habet: Misce sulphuris, & aluminis calcinati quaternas uncias, & in sublinea actis flores confice. Florum sextantem cum semuncia jünge Boraci Crystallino Veneto unciali, inque concha vitrea contritis, affunde spiritum vini quater destillatum, & facta digestionē abstracto illo, novum reponē, idque repete bis, ter, vel quater, donec sulphur in aëra lamina candefacta sine fumo, instar ceræ fluat. Hoc pabulum est. Postea adornandum est etiam ellychnium hac arte. Asbestilapidis filamenta, longitudine ferè digiti auricularis, crassitie verò media, colligantur serico albo. Factum inde ellychnium in vitro veneto, sulphure, seu alimento prius purgato conspergitur, tumularurque, & in arena calente horis 24. decoquitur, ebulliente semper sulphure: Inunctum, delibutumque sic ellychnium, disponitur in concha vitrea, ut emineat paululum: aggeritur sulphur præparatum, concha in arenam calentem infertur, ut lique scat sulphur, & comprehendat ellychnium. Atque hoc incensum ardet jugi flamma, & est ignis æternus, poterisque lampadem quolibet loco reponere. Hæc praxis ab Artis Chymicæ ignaris non satis intelligi, nedum in opus deduci poterit.

CAPUT VII.

Observationes curiosæ de nonnullis ignibus, qui miris qualitatibus præditi sunt.

OBSERVATIO I.

De igne, manum admotam non adurente.

PRope Pataram Lyciæ Urbem, flamma in campo ejicitur (inquit Jonstons *in Thaummatographia*
F 3 *classe*

classe 2. artic. 5.) cui si manum admoveas, sentis ardorem, adustionem nunquam experieris. Causa in partes aëris ambientis frigidi & humidi refundenda est. Hæ enim cum flammam propter raritatem ingredientur, infringunt ustionem.

OBSERVATIO II.

De quibusdam rebus, quæ ab igne non læduntur.

Ligna & tabulata, alumine (addo & ovīs) illita non lædesunt, si fides habeatur *histor. natur. lib. 29. cap. 3.* nec postes viridi imbuti colore ab igne læduntur, dummodo durior ipsis obducatur crusta, atque alumen, plumbique albi cineres copiosè pigmentis commisceantur. Nam densitatem & duritiem ligni, tali crustâ obducti, non penetrat ignis. Hinc Romanæ historiæ scriptores testantur, turrim quandam ligneam alumine oblitam, à Sylla Romanorum Duce & Dictatore exuri non potuisse.

Si quis poculo stanneo aquâ frigida prius repleto filum circumligaverit, deprehendet is hujusmodi filum ab admota flamma nequaquam aduri posse, quod tamen carbo ignitus comburet. Cujus rei causa alia non est, nisi naturale frigus aquæ & metalli, quod dum in flammam admotam reagit, eam instabilem & vagam reddit: qua instabilitate filum ab omni læsione servabitur. Idem continget, si quis folium chartæ cono flammæ alicujus candelæ immediatè admoverit, & ex superiori parte in illud vehementer insufflaverit; flatu enim frige facta charta, nullum à flamma supposita nocumentum accipiet.

Quid dicemus de Pyrrho Rege Epirotarum, in cujus majorem dextri pedis articulum nil ignis potuit, teste Jonstono supra citato.

OBSER-

OBSERVATIO III.

De miris proprietatibus ignis Puteolani.

IN Puteolano monte sulphureo ignis est manans, qui neque oleo, neque cera, aut quolibet pingui, ne sulphure quidem accenditur, aut augetur, neque aqua restinguitur, aut accenditur, stupam quoque injectam non adurit, nihil denique ex eo accendi potest luminis. Majolus *colloquio* 22. non ignem, sed igneam existimat aquam.

OBSERVATIO IV.

De repentino ortu ignis in ædificiis.

ORitur interdum ignis in ædificiis tam subitaneus & inopinatus, ut prodigiosus videri possit. Id Cardanus *lib. 10. de varietate cap. 49.* adscribit falsedini & salinitro, quod vetustis murorum parietibus adhæret.

CAPUT VIII.

An elementum aquæ sit altius & elevatius elemento Terra, aut contra?

CEnseo aquam (saltem in quibusdam locis) quoad situm esse inferiorem, & depressiorem terra. Patet id in Mari seu marina aqua, quæ si esset altior terra, navis, cum è portu discedit, tardius moveretur, quia tunc ascenderet, quàm cum ad portum tendit, quia tunc descenderet: hoc autem refragatur experientiæ; ergo aqua marina non est superior, sed inferior terra. Atque hanc rationem ab experientia petitam, alia confirmat experientia: quæ, ut testatur P. Oviedo *in Cursu Philosophico*, probat, illis, qui è Lusitania in novam Hispaniam navigant, postquam per quindecim gradus ex portu discessere, una hora tardius oriri & occide-

re solem, quam iis, qui in Lusitania existunt: quod non ita contingeret, si mare esset terra eminentius; quia semper loca eminentiora citius quàm depressiora à radiis Solaribus illuminantur.

CAPUT IX.

De admirandis variarum aquarum proprietatibus.

IN Mileto (inquit Jonstonus in *Thermatographia classe 2. cap. 3. artic. 2.*) est aqua fontana, cujus partes inferiores salæ, superiores dulcissimæ sunt.

Juxta littora Cubæ est fluviu sita perennis, ut navigari possit; at aquæ illius ita fervent, ut manibus contrectari non possint. *Martyr in Sum. Ind.*

Trochlotres fluviu in Aquilonari Norwegia tantum currendo fragorem edit, ut ad viginti milliaria exaudiat. *Olaus lib. 2. cap. 28.* Beca quoque in Livonia tam sonoro & vehementi lapsu è scopulis ruit, ut vicinos reddat surdastros. *Ortelius in Livonia.*

Narva Lithuanie fluviu est, cujus aquas quam primum serpentes attigerint, edito sibilo refugunt. *Cromerus in descript. Polonia lib. 1.*

In Anglia propè novum castrum est lacus Myrthous dictus, cujus pars semper etiam per æstatem gelu concreta, pars ne hyeme quidem congelata est. *Thuanus in histor.*

Aqua Nili feminas ita fecundas reddit, ut uno utero quaterni & senigignantur, *Plinius in histor.*

Abstemiussit, qui è lacu Clitorio biberit; obliviosus, qui è fonte ad Trophonium.

Lacus Agrigentinus in Sicilia sustinet ea, quæ aliàs in aqua non natant. In Asphaltite lacu homo manibus, pedibusque ligatus non mergitur. Testatur certè Hieronymus Florentinus, se vidisse decoctorem quendam

dam in aquas illas à præalta turri præcipitatum, nocte integra sine periculo submerſionis in lacu permanſiſſe. Cauſa nimia ſalis miſturæ adſcribitur. E contrario lacus quidam in Æthiopia tam liquidus eſt, ut ne folia quidem à proximis arboribus delapſa ſuſtentet.

In Cyrenaica Provincia fons quidam, dictus fons ſolis, mediâ nocte fervet, mox ſenſim tepescit, dein ad primam lucem friget; & quò ſol magis attollitur, eò fit frigidior, adeò ut meridie rigeat: tum rursus paulatim tepescit; dein ad primam noctem calet: Idem fons ſingulis diebus, ut ad medium diem fit frigidus, ita & dulcis; ut ad mediam noctem fit calidus, ita & amarus. *fonſon. ſup. cit.*

CAPUT X.

De ingentibus aquarum inundationibus.

Anno 1095. in Syria ingens aquarum inundatio innumeros homines oppreſſit. Fuitque hoc diluvium prædictum ab Aſtologo Mahumetano, argumento conjunctionis omnium Planetarum (*Aſtedius Chronolog. c. 25.*) excepto Saturno, in ſigno piſcium; quod diluvium fuerit ſimile Noëtico, in quo omnes ſeptem Planetæ coierint in uno ſigno.

Anno 1164. tanta fuit aquarum inundatio in Friſia, ut omnem maritimam involvens terram, multa hominum millia conſumpſerit. *Kranz. lib. 4. c. 4. Vandal.* Similiter anno 1218. in eadem Provincia centum millia hominum exundantibus aquis perierunt. Similes inundationes in Hollandia, Selandia, Friſia &c. Anno 1287. 1421. 1530. acciderunt.

Anno 1509. menſe Septembri mare inter Peram & Conſtantinopolim ita intimuit, ut mœnia Conſtantinopolitana excederet; quo tempore in ea Urbe ſedecim millia hominum perierunt. *Surius in hiſt.*

Anno 1604. grande aquarum diluvium afflixit Britanniam, quod verbis Thuani *hiß. lib. 138.* commemorabo. Maxima, inquit, diluvies fuit in Sommerfetsensi provincia, ad viginti milliaria in longitudinem, in latitudinem quinque effusis aquis, quæ Hunsfeldiam oppidum, Granthanium, Kenhusum, & Kingsonium pagos, cum multis ædibus per convalles sparsis merferant. Videre erat homines in agro deprehenfos, lignis dirutarum domorum insidentes, ubique fluitare, ad quos scaphæ tandem immiffæ, quæ plerisque in tempore præsto fuere, scænum in cumulos, ut fit, congestum, & trabibus ligneis impositum, undis ubique innatare cernebatur. Et columbæ, cùm aliunde pastus deesset, suis immistæ, aristis frumenti in pyramides coacervati insidentes, granis fortè oblati vescabantur; quin & cuniculi è foveis via aquarum exclusi, in tergo ovium confidere, & donec cum ovibus ipsis mergerentur, diu fluctibus innatare visi. *Hætenus Thuanus.*

CAPUT XI.

De magnitudine Terræ, ejusque distantia à corporibus cælestibus.

MAgnitudo terræ continet in se milliaria germanica (quorum quodlibet duas requirit horas) quinquies mille, quadringenta. Quod inde colligunt Cosmographi, quia unus gradus cælestis facit in terra milliaria germanica quindecim; ex quo sequitur, quòd 360. gradus constituent milliaria 5400. Diameter terræ complectitur milliaria germanica mille, septingenta, octodecim.

Tota terra superatur à magnitudine solis centies sexagies. Planeta Saturnus, juxta calculum Clavii, excedit

cedit terram nonagies semel. Jupiter terram magnitudine superat decies quater : secundum alios, nonagies quinquies. Mars terram magnitudine excedit semel. Contra, Luna tricies novies minor est, quam terra. Venus à terrestri globo superatur, juxta Tychonem, sexies; juxta Clavium, septuagies: Mercurius verò ducenties decies novies; secundum Tychonem non nisi decies novies.

A terra usque ad Firmamentum sunt milliaria germanica 38893500. hoc est, tricies octies millena millia, octingenta, nonaginta tria millia, quingenta milliaria. In sententia P. Henrici Engelgrave *Tom. 1. Domin. Septuages.* distantia illa terræ à firmamento complectitur milliaria horaria seu Belgica 17360986. id est, septendecim milliones, trecenta sexaginta millia, nongenta, octoginta sex. A terra ad Solem sunt milliaria germanica 964361. sive nongenta millia, sexaginta quatuor millia, trecenta, sexaginta unum. A terra ad Lunam numerant Mathematici, teste Clavio in *sphæram Joan. de sacro bosco cap. 1.* milliaria germanica 55183. hoc est, quinquaginta quinque millia, centum, octoginta tria.

DISCURSUS QUARTUS.

EX METEOROLOGIA,

De variis Cometis, qui diversis mundi temporibus observati fuerunt, deque funestis eventibus, qui eos plerumque subsecuti sunt.

PRÆFATIUNCULA.

Meteorologia est scientia de Meteoris, hoc est, de corporibus quæ ex vapore & exhalatione
in

in sublimi aëre generantur. Quòd enim Græcis est Meteoron, hoc Latinis est sublime. Porro Meteora, siue corpora, quæ ex vaporibus & exhalationibus in sublimi gignuntur, sunt triplicia: videlicet ignita, ut Cometa, fulmina &c. aquea, ut pluvia, nebula, nives, &c. aërea, ut venti &c. Quibus aliqui addunt terrea, ut terræ motus &c. Sed cum hæc non generentur in sublimi, non nisi abusuve dici possunt Meteora.

ANno mundi 3483. Cometa in cælo visus est, & lapis è sole decidit in flumen Ægos; quòd priusquam fieret, Anaxagoras Glazomenius futurum prædixerat. Atque hic lapis teste Plinio *Lib. 1. cap. 58.* in locis illis ostenditur, estque colore adusto, & magnitudine vehis. Porro flumen illud est situm in Thracia, ad cujus ostia classis Atheniensium à Lysandro capta fuit.

Anno mundi 3798. post mortem Demetrii, Syriæ Regis, Cometa horrendæ magnitudinis exarsit; qui (si vera narrat Camerarius *lib. 2. de ostentis*) claritate luminis ignei & rutilantis, tenebras nocturnas dispulit, & magnitudine solem æquavit.

Anno mundi 3947. paulò ante nativitatem Christi conspectus est Cometa, de quo, utpote nativitatis Christi, & Christianæ religionis prænuncio, Sibylla Augusto Cæsari consulenti respondit: *Puer, quem hic Cometa designat, te major est, hunc adora.*

Anno à nativitate Christi decimo tertio visus est Cometa, eodemque tempore contigit celebris illa clades Quintilii Vari, à Germanis Duce Arminio cæsi. Erat hic Varus tempore Augusti Cæsaris Galliæ Cisalpinæ, & Romano exercitui in Germania præfectus; qui dum fræderibus nuper initis plus satis confidit, & à belli co-

gitatione

gitatione ad jus dicendum se convertit, repente ab Arminio circumventus, & cum tribus Legionibus obtruncatus fuit. Mortem ejus deplorat Horatius *lib. 1. Carm.*

Anno Christi 16. sanguinolenti Cometæ mortem Augusti Cæsaris denuntiarunt.

Anno Christi 56. visus est Cometa, & pluit sanguine, eodemque anno obiit Claudius Imperator.

Anno Christi 57. conspectus est Cometa cum tribus solibus, & evectus ad imperium Nero, Mortalium crudelissimus, qui propriam Matrem, Uxorē & Præceptorem Senecam interfecit, fuitque Imperium illius perpetuum Latrocinium, si excipias jactatum vulgò quinquennium ipsius.

Anno Christi 62. apparuit Cometa sex mensibus, qui sævitiam & tragicum exitum Neronis portendit,

Anno Christi 66. Cometa arsit sex mensibus; quem secutus est terræ motus, quo Laodicea, Hierapolis, & Colossæ in Natolia fuerunt afflictæ.

Anno Christi 68. & 69. Cometa gladio flammivomo similis, & imminens Urbī Hierosolymæ, in Judæa & alibi est visus: qui excidium Urbis sanctæ portendit.

Anno Christi 78. exortus est Cometa, subsequente horribili terræ motu, quo apud Cyprum, & alibi multæ Urbes corruerunt.

Anno Christi 79. monstratus fuit Cometa Vespasiano Cæsari, qui per jocum dixit, hoc crinitum prodigium pertinere ad Regem Parthorum, qui comam nutrirēt. Sed Vespasianus paulò post mortuus est, & secuti sunt horribiles venti, terræ motus, & pestis, præsertim in Urbe Romana.

Anno Christi 181. visus est Cometa, qui à barbæ similitudine appellatur pogonias. Tum temporis subito con-

conflagravit templum pacis Romæ, & bella multa secuta sunt, Urbsque plurimis, maximisque laboravit incommodis, quorum causam homines in Commodi Imperatoris flagitiosam vitam retulerunt.

Anno Christi 323. Cometæ varii præcesserunt pestilentem Arii hæresin.

Anno Christi 337. Cometa denunciavit mortem Constantini Magni, & infinita mala, quæ secuta sunt. Nam tres filii Constantini de summa Imperii contenderunt, & Christiani immanibus periculis fuerunt expositi.

Anno Christi 377. Cometam exceperunt terræ motus ferè per totum orbem, adeo ut mare egrederetur littora, & multæ Urbes, innumerique populi opprimerentur.

Anno Christi 410. conspectus est Cometa ensiformis, qui multa portendit mala. Nam Roma capta fuit ab Alarico Rege Gothorum, & calamitates, tam in oriente, quam in occidente variæ acciderunt. Tanta enim eo tempore cædes hominum facta est, quantam ætas nulla à mundo condito novit. Tota Europa concussa, pars Asiæ non exigua attrita est, nec Africa horum malorum expers fuit. Bellum, Fames, Siccitas certatim infestarunt orbem. Tanta etiam fuit Solis eclipsis, ut stellæ medio die refulserint.

Anno Christi 418. fulsit Cometa, quem seditio in universa Italia & Hispania secuta est.

Anno Christi 448. Cometa multis diebus micante, factus est terræ motus. Attila quoque magnam partem Italiæ afflixit, & multas præclaras Urbes diripuit. Quo tempore exules confugerunt in eum locum, ubi hodie sunt Venetiæ, quæ circa hoc tempus fuerunt conditæ.

Anno Christi 453. & 454. Cometæ, terræ motus, & alia portenta apparuerunt. Attila post longam ob-

fidio-

sitionem captâ Aquileiâ, Vincentiam, Veronam, Mediolanum, Ticinum, Augustam Rauracorum, Argentinam, Wormatiam, Coloniam, aliasque Rheni civitates pariterrore pervasit: qui tandem ab Aëtio in campis Catalaunicis magno prælio devictus est.

Anno Christi 459. Cometa visus est, & alia prodigia acciderunt, post quæ pestis inguinaria multos absumpsit.

Anno Christi 488. insoliti Cometæ apparuerunt, & secta Arianorum longè latèque grassata est.

Anno Christi 519. visus est Cometa barbatus, qui portendit terræ motum, quo multæ urbes hominesque perierunt.

Anno Christi 550. Cometa in forma lanceæ apparuit, & Roma capta est à Totila, Hunnique devastarunt Franconiam & Thuringiam.

Anno Christi 594. apparuit horribilis Cometa, quem secuta sunt multa mala, nominatim siccitas, annonæ caritas, bellum Longobardorum in Italia, & agmina locustarum ibidem.

Anno Christi 602. Cometa maximus est visus, & innumera alia eaque horrenda prodigia acciderunt, quæ eadem Mauritii Imperatoris, & futuras Mahometis Pseudoprophetæ calamitates portenderunt.

Anno Christi 633. visus est Cometa figurâ acinacis, seu gladii Turciei, & circa idem tempus Saraceni Damascus, Hierosolymam, & Syriam totam occupaverunt.

Anno Christi 675. tribus continuis mensibus apparuit Cometa, quo tempore Saraceni Romanum Imperium vehementer afflixerunt. Nam magnâ classe venerunt in Siciliam. Bellarminus hunc Cometam refert ad ann. 678. & addit, tribus annis sequentibus non pluuisse.

Anno Christi 729. duo Cometæ visi sunt, & ingens pestis

peftis totum orbem pervafit , quæ urbem Conftantinopolitanam præcipuè afflixit, ubi 300000. hominum interière. Non multò poft Luitprandus Longobardorum Rex Romam obfedit , & Saraceni Carthagine ex Africa moventes, in Hifpaniam navigarunt, ejusque Provinciæ partem occuparunt.

Anno Chrifti 763. Cometam fecutum eft magnum frigus, & poft frigus uredo: Turcarum quoque potentia crevit, pofteaquam Anno 761. in Armeniam irrupiffent.

Anno Chrifti 814. ante obitum Caroli M. apparuit fingularis & terribilis Cometa. Unde Imperator attonitus, Eginardo Philofopho dixit, mutationem regni, mortemque Principis per cometam designari. Verùm Philofophus nolens eum contriftare , adduxit locum illum Prophetæ: *A fignis cæli nolite timere.*

Anno Chrifti 840. & fequentibus duobus tres cometæ ante diffenfionem & bellum filiorum Ludovici Pii Imp. propter diffenfionem Regni exortum, apparuerunt. Quo tempore etiam Saraceni ex Africa in Italiam irruerunt, & Romam diripuerunt.

Anno Chrifti 905. apparuit cometa , & mox Hungari Germaniam vafarunt. Berengarius quoque Rex Italiæ Ludovicum Regem Longobardorum oculis privavit.

Anno Chrifti 912. cometæ aliquot funt vifi , & non multò poft Hungari Italiâ ingreffî , multas viciffim intulerunt, acceperuntque clades, & fecuta eft magna inundatio aquarum, præfertim in Saxonia.

Anno Chrifti 942. apparentes cometæ portenderunt bellum, famem , & mortem animalium omnis generis.

Anno Chrifti 1006. qui fuit annus tertius Henrici II. Imperatoris, cometam, & alia prodigia exceperunt fame &

fames & pestis, è quibus hæc adeò invaluit, ut sepeliendum tædio, vivi adhuc, spiritumque trahentes, cum mortuis sepelirentur. Pestis illa duravit triennium, & multa oppida planè exhaustit.

Anno Christi 1017. 1031. 1038. 1043. 1058. observati sunt cometæ: quorum primum pestis & bellum in Polonia, secundum fames, eluvio & pestis, tertium seditio in Italia, quartum bellum in Hungaria, quintum fames in Polonia, & mors Regis consecuta sunt.

Anno Christi 1095. 1096. 1097. 1099. 1101. 1106. 1107. 1109. 1110. 1112. totidem Cometæ fuerunt conspicui, multarum calamitatum prænuncii. Nam Henricus V. infandâ impietate Parentem suum Henricum IV. ab imperio remotum, & Bingæ in Tractu Rhenano captum, indignis modis tractavit. Secutum deinde est bellum sacrum, quod multis annis duravit, & toti orbi Christiano fuit inauspicatissimum. Nam magnâ Christianorum jacturâ gestum est. Accessit fames & pestis miseranda per totum ferè orbem, cum funestissimo bello inter Henricum V. Imperatorem & Saxonem, in quo quinquies depugnatum est multo sanguine, & plurimi præstantissimi Principes perierunt.

Anno Christi 1145. exortus est cometa, & cum eo bellum inter Saxones, Vandalos & Polonos. Nobiles quoque in Hassia rebellaverunt.

An. Christi 1211. apparuit grandis cometa, irruentibus anno sequenti Tartaris in Poloniam & Silesiam, ubi magnam hominum multitudinem trucidarunt, & singulis abscinderunt unam auriculam, ut scirent numerum occisorum.

Anno Christi 1223. fulgente in Gallia cometâ, exorta sunt illa celebratissima inter Guelfos & Gibellinos dissidia: Guelfis Papam, Gibellinis Fridericum II. Imperatorem sequentibus.

Anno Christi 1240. apparuit cometa, Tartaris anno sequenti magno cum exercitu in Poloniam irruentibus, & omnia cæde flammaque vastantibus: qui, postea per Moraviam ingressi Hungariam, tribus annis eam miserè afflixerunt. Eodem anno in Burgundia terribilis terræ motus duos montes loco movit, & multos homines oppressit.

Anno Christi 1305. conspectus cometa, & pestis per universum orbem grassata fuit.

Anno Christi 1313. & quatuor annis sequentibus fulsit cometa. Hoc tempore Henricus Lucenburgicus Imperator veneno est sublatuſ à Monacho. De Imperatore eligendo facta est contentio sive bellum civile, quod integro octennio gravissimè afflixit Germaniam.

Anno Christi 1390. cometam inauditi & incurabiles morbi secuti sunt.

Anno Christi 1400. 1401. 1402. 1403. totidem cometæ terruerunt orbem, quos ingentes calamitates pede non tardo subsecutæ sunt. Nam varii & inauditi morbi grassati sunt, annes exaruerunt, pestilentia sæviit; Tamerlanes Scytharum ac Parthorum Rex, cum innumerabili exercitu Asiam invasit, & seipsum appellavit iram Dei ac vastitatem terræ; Sigismundus denique Imperator in Ziscam Hussitarum Ducem infelicitè pugnavit.

Anno Christi 1433. apparuit cometa maximus, quem secuta est annonæ caritas sex annorum.

Anno Christi 1457. cometa, quem nigrum appellarunt, variè hominum mentes affecit. Eum secuta est mors Alphonſi Regis Arragonum, quæ Æmiliam, Sabinam, Campaniam, univèrsūque Regnum Neapolitanum & longo & gravi bello implicavit; Turcæ occuparunt Peloponesum, postquam Anno 1456. Mity-

Mitylenen, Lemnum, Eubœam, & Anno 1454. Constantinopolim expugnassent, atque Anno 1444. Ulladislau Regem Hungariæ ad Varnam cecidissent.

Anno Christi 1460. visus est cometa : quo tempore victoriosissimus adversus Christianos fuit Mahometus II. Imperator Turcarum , qui inde ab anno 1451. duo Imperia & duodecim regna subjugavit.

Anno Christi 1472. duo cometæ apparuerunt , & secutæ sunt epidemiæ cum bellis in diversis mundi partibus, atque anno sequenti ætas ferventissima. Pestis adeo sæviit, ut cognati proximi defererent suos. Carolus Burgundiæ Dux adversus finitimos eo impetu movit arma, ut multorum etiam annorum bellum excitaverit, quod finitum est ejus morte. Stephanus Moldaviæ Palatinus magnâ pugnâ vicit Mahometum Turcarum Imperatorem.

Anno Christi 1477. arsit cometa, quem excepit ferventissima ætas, adeo quidem, ut non solum fruges fuerint exsiccata, sed etiam integræ silvæ accensæ, magni insuper fluvii exaruerint, sævaque pestis grassata sit. Eodem anno Carolus Burgundiæ Dux ab Helvetis cæsus fuit, multique Principes obierunt.

Annis Christi 1491. & 1500. apparuerunt cometæ: & priori quidem anno Turcæ bonam partem Dalmatiæ & Slavoniæ occuparunt, posteriori verò Tartari Poloniam devastarunt, Moscovitæ Lithuaniam. Parvæ cruces ex aëre deciderunt.

Anno Christi 1523. apparuit cometa, quem secuta est ætas plena cataractis nubium, terræ motibus, variisque tempestatibus. Exortum est bellum rusticorum Anno 1525. & Franciscus I. Rex Galliæ ab exercitu Caroli V. ad Ticinum captus.

Anno Christi 1527. visus est cometa terrificus caudâ oblongâ sanguinei coloris, Turcæ Hungariam vastavit.

vit. Agmina locustarum hinc inde multum damni dederunt.

Anno Christi 1529. quatuor cometæ apparuerunt. Turca Viennam obsidione cinxit, multasque urbes in Hungaria occupavit. Sudor Anglicus hoc tempore aliquot myriadas hominum sustulit.

Anno Christi 1530. cometa in sublimi conspectus fuit; non sine magnis calamitatibus subsequentibus. Nam Tiberis inundavit Romam, & aquæ in Hollandia ac Selandia multa oppida pagosque obruerunt.

Anno Christi 1539. fulsit cometa, fuitque anno sequenti æstas ferventissima, quæ ipsas etiam silvas incendit, & flumina, fontesque exsiccavit.

Anno Christi 1541. Cometam secuta est pestis, & expugnatio Budæ in Hungaria. Carolus V. infeliciter trajecit in Africam, multis navibus & militibus procellosâ tempestate pereuntibus.

Anno Christi 1542. Cometam secuta sunt agmina noxiarum locustarum. Expeditio Christianorum in Turcam malè cessit, militibus morbo epidemico magnam partem extinctis. Vinum adeò acidum fuit, ut bibi non potuerit. Appellatum est autem vinum Turcarum ab infelici expeditione, cujus modò facta est mentio.

Anno Christi 1618. apparuit cometa, ut Astronomorum dissertationibus, ita publicarum calamitatum multitudine, diuturnitate, & atrocitate famosissimus: de cujus motu audiamus Erycium Puteanum *lib. 1. Paradoxologiae pag. 32. 33.* Quinto Kalend. Decembris, inquit, horâ quintâ post mediam noctem, in signo Libræ, primò sespectandum præbuit, & moveri in Septentrionem cœpit, medius inter Virginem & Serpentem. Permeavit hinc Booten, relicto ad sinistram Arcturo. Postquam verò circa Idus Decembris ad læ-

vum imaginis hujus brachium pervenisset, majori jam Urſæ imminens, librata velut lineâ, duas extremæ caudæ stellas excepit, & occidere nobis desiit: sic quidem deinceps & matutinus, & vespertinus, orientalis & occidentalis, Lucifer & Hesperus, totius, ut sic dicam, jam noctis Sidus. Brumæ die manum Arctophylacis occupans, extremam Urſæ stellam, sed radiis jam multum contractis ac dilutis, æquavit, ad reliquas duas obliquè porrectus. Paucis adhuc diebus servavit cursum, & magis magisque imminui cœpit, donec evanesceret. *Alstedius in Thesauro Chronologia lib. V.*

DISCURSUS QUINTUS.

EX LITHOLOGIA.

De Natura variorum Lapidum.

PRÆFATIUNCULA.

Lithologia est Scientia de Lapidibus, quæ sub Nerterologia, seu Oryctologia, tanquam species sub genere continetur. Est autem Nerterologia seu Oryctologia scientia de mineralibus; quæ, quoniam ope humana eruuntur è terra, alio nomine fossilia dici solent: quæ quaternas species, terras, succos, lapides, metalla, complectuntur.

OBSERVATIO I.

De Lapidibus motum Solis & Lunæ sequentibus.

Refert Cardanus *Lib. de judiciis Astrologicis*, Clementem VII. Pontificem Maximum habuisse Lapidem pretiosum, seu gemmam, dictam Helitem, sive solarem, quæ auream habebat maculam, juxta Solis

motum singulis diebus cum eodem oriente & occidente circumactam. Similia leguntur de statua Solis, à Boëtio Ravennæ constructa, quæ se cum sole perpetuò vertebat, uti narrat Hieronymus Rubius de *Antiquitate Ravenna*.

Memini quoque (inquit P. Athanasius Kircher in *Arte magna Lucis & umbræ lib. 1. part. 1. cap. 15.*) me in Reconditorio antiquitatum Claudii Menedrii Romæ vidisse lapidem instar crystallicum, in cujus meditullio mira ratione incorruptibilis quidam à naturâ insitus liquor, juxta solis ascensum, descensumque hinc inde agitabatur.

Constat insuper certos reperiri lapides, dictos Seleniticos sive Lunares, eò quod motum Lunæ in omnibus exprimant, cujusmodi Proclus quoque *lib. 1. de Sacrificio & Magia* meminit se habuisse, qui omnes Lunæ mutationes, incrementa ac decrementa subirent.

De hujusmodi lapide selenitico ex Indiis allato mira refert Mizaldus. Lapis erat sphericus, magnitudine ovi columbini, piceæ coloris, incrementa ac decrementa Lunaris Lucis exprimens per maculam quandam lucidam, quæ cum Luna crescente crescebat, decrecebat cum decrecente, ita ut novilunii tempore instar grani milii appareret, plenâ verò Lunâ pisi magnitudinem exprimeret. Neque solum dictas Lunæ phases, sed & motus illius affectabat. Et ne impostura subesse videretur, addit Mizaldus, se hujus rei in præsentia celebris illius Orontii Finei Mathematici Regii, unius integri mensis experimentum sumpsisse, remque purè naturalem deprehendisse: Lapidem verò illum, tanquam maximum naturæ miraculum, Regi Angliæ dono transmissum esse.

OBSERVATIO II.

*De quodam Achate, cui nomen Christi non alio
quàm naturæ stylo inscriptum est.*

Inter alios Augustissimi Gazophylacii Cæsarei, quæ naturâ, quâ arte spectabiles thesauros, facile sibi palam vendicat Achates quidam, Gemma verè Cæsarea, & solo Cæsare digna. Hujus artificialis figura Pateram ex unico, rarissimæ & nunquam ante hac spectatæ magnitudinis, Orientali Achate artificiosissimè fabricatam exhibet; cujus circumferentia duas ulnas Viennenses cum tertiâ ejusdem parte, diameter verò inter duarum ansarum extremitates, unam integram ulnam, minus duobus digitis adæquat. In cavitate verò politissimæ hujus Pateræ, non minùs adorandum, quam admirandum *Christi Redemptoris nomen*, naturæ penicillo ex nativo nigricantium macularum, concursu ad vivum hunc in modum, B. XRISTO R. S. XXX. delineatum spectatur; adeò ut natura ipsa hanc stupendæ magnitudinis Gemmam auctori suo CHRISTO Regum Regi, in primis lapidis hujus incunabulis consecrassè videatur.

Arcanum naturæ sensum prædictis characteribus expressum, Clariss. Consultissimus, raræque eruditionis vir D. Petrus Lambecius, Cæsareus Consiliarius, Historiographus & Bibliothecarius in commentario suo *de Bibliotheca Cæsar. lib. 1. fol. 25.* feliciter interpretatus est hoc modo: BEATORI ORBIS, vel BEATORI GENERIS HUMANI CHRISTO REGI SEMPITERNO TRI-UNI CRUCIFIXO. Ubi insuper naturalis Pateræ hujus alioquin vix credibilis magnitudo in plena forma, jussu Cæsaris æri incisa, spectatoribus curiosis exhibetur.

Prædicto Achati non absimilis est rarus ille lapis, in

quo natura ipsa Christi crucifixi Titulum ductis lineamentis expressit.

P. Athanasius Kircher in *mundo subterraneo* Tom. 2. lib. 8. mentionem facit de hoc lapide, in agro Tyburino reperto, in quo quatuor harum literarum I. N. R. I. Christi crucifixi Titulum referentium simulacra à natura depicta cernebantur. Horum characterum causam formatricem reducit P. Athanasius in aliquam Crucifixi imaginem, ibidem à fossoribus relictam, & saxorum terrestriumque quisquiliarum ramentis coopertam: Unde facilè contingere potuit, ut discussus à cruce titulus, aptæ, atque ad recipiendam formam dispositæ materiæ, in lapideam molem à spiritu lapidifico conversæ, ibidem suum in lapide ectypon reliquerit.

Simile iudicium format idem Autor de annulo Achatino Regis Pyrihi, de quo commemorat Plinius, novem in eo Musas proprio quamlibet instructam instrumento, unà cum Apolline citharam tenente, depictas fuisse.

OBSERVATIO III.

De Lapide, qui vocatur Lacryma Cervi.

DE Lacryma cervi, quam se in musarum thesauris habuisse carissimam sic scribit Scaliger *Exercit.* 112. Ante centesimum annum, inquit, nulla est in cervo lacryma. Post eam ætatem accrescit ad oculi canthum, ipsis ossibus, atque in os protuberans, concrevit eâ duriâ, quâ cornu superat. Quâ parte prominet rotunda, est insigni nitore, coloris fulvi, non sine vestigiis aliarum venularû. Tantâ est levitate, ut penè tactum fugiat; ita enim sese subtrahit, ut propemodum se ipsam movere videatur. Adversus venena remedium est præstantissimum, daturque peste correptis cum vini momento.

mento, Unde tantus cietur sudor, ut penè totum solvi corpus videatur. *Hucusque Scaliger.*

OBSERVATIO IV.

De Lapide, morienti Domino quasi commoriente.

DE Turcoide stupenda refert Rueus, quæ ipsius verbis exponam. Habui, inquit, amicum, cui vivo Turcois erat (aliter hæc gemma vocatur Thytes seu Eranus) quæ cum innumeris sui generis myriadibus de pulchritudine pariter & puritate certare poterat. Ille morbo oppressus, fatisque naturæ lege concedens, annulum, cui turcois inserta erat, fortè secum habebat. Quo mortuo gemma non aliter quàm animal rationale, aut sensu præditum, heri sui mortem agnoscens, & lugens, obscura apparebat, rimamque per medium ducebat. Postea verò mortui rebus distractis, cum ob pristinam gloriam amissam præstinare ipsam nollem, alius quispiam ipsam emit, & quidem vili pretio: quid sit? gemma cum novo domino sinceritatem suam resumplit: Nam & coit statim rima, & pristinus nitor rediit. *Hæc Rueus.*

OBSERVATIO V.

De Lapide, cui mira inest virtus consumendi aquam.

Scribit Hollerus *lib. 1. de morbis internis cap. 39.* quòd Scoluber aquaticus, si funis caudæ ejus alligatus fuerit, lapidem quendam in suppositam aquam evomere soleat, qui tantarum in absumenda aqua virium sit, ut statim absumat eandem. Unde si hic lapis ventri hydropici appressus fuerit (inquit Platerus *lib. de vita.*) aquam in totum consumit paulatim.

DISCURSUS V.
OBSERVATIO VI.

De Lapide, mirâ prædito Virtute, ad sistendum sanguinem.

IN India Orientali reperitur lapis, qui appellatur alequeca. Ei tantam vim inesse scribit Garfias ab Horto lib. 1. cap. 53. ut vel de corpore suspensus, sanguinem ex quacunque parte effluentem sistat.

OBSERVATIO VII.

De variis Lapidibus, in quibus variarum rerum figura penicillo naturæ cernuntur depictæ.

EX lapidibus, Trochites figuram tympani, Enorchis fragmenta testarum, Diphyis utriusque sexûs genitale, Hephæstites speculum, Encrinos effigiem liliorum repræsentat. Cum enim angulata pars una separatur ab alia, quina utraque ostendit lilia, inquit Jonstonus in *Thaummatographia classe 4. cap. 18.*

Tempore Joannis Friderici Electoris Saxonix lapis effusus est, qui Christum Crucifixum, cum Joanne & Maria adstantibus exhibebat. *Colexus de piscibus cap. 8.*

Lapis quidam, dictus Pyrites, Romanum Pontificem triplici corona redimitum, eundemque barbatum repræsentabat. *Agricola lib. 10. de fossilibus.*

In alio quodam lapide visus Franciscanus, caput diademate ornatus, teste Jonstono supra citato.

Habebat & Cæsanatus Medicus Biffontinus lapidem, qui serram, gladium, delphinum & cygnum ita repræsentabat, ut non modò in superficie hærent figuræ, sed insuper etiam totum penetrarent lapidem.

Merula lib. 4. *Memorabil. cap. 50.* mentionem facit lapidis, in quo naturæ penicillo delineatus fuit S. Joannes Baptista, pelle Camelina amictus.

In Achate & Marmore, seu Jaspide, nihil ferè est, quod natura non pingat. Videbis in eo nunc urbes, nunc sylvas, nunc flumina, & omnis generis animalia. Effigiem S. Hieronymi in saxo depictam, juxta Bethleemiticam speluncam videri; auctores Itinerarii Hierosolymitani testantur.

In Achate perfectum Crucifixum me vidisse memini (inquit P. Athanasius Kircher *in arte magna lucis & umbræ lib. 10. part. 1.*) in silicibus verò ex Tolfensi lapidicina extractis, integrum Alphabetum, literis vario venarum ductu formatis.

OBSERVATIO VIII.

De Lapide, qui solo spūto madefactus flammam excitat.

Lapis iste hoc modo confici potest, si vera sunt, quæ tradunt quidam Autores anonymi. Magnetem in ollam, vel aliud vas simile conjice, vivâ calce immersum, addito aliquanto caliphoniæ: cum vas expleveris, id, figulinâ cretâ circumlito spiramento, fornaci, donec percoquatur, inditur: deinde exemptus magnes in ollam injicitur, cretaque denuo illitâ fornaci imponitur; & hæc pragmatia tam diu repetitur, donec vehementer incanduerit: hæc enim mixtura mox ut humidum contigerit, in flammam abit. Sed experimenti hujus veritatem dubiam reddere videtur, quòd Magnes (qui mixturam illius factitii lapidis ingreditur) cum natura sua sit frigidus & siccus, nihil ex se ad ullam inflammationem conferre posse videatur.

OBSERVATIO IX.

De Homine lapides devorante.

Callus quidam nomine Joannes Royer famulum habebat, natione Germanum, qui, cum multis si-

lices

lices inspectantibus plurimis devorasset, ventrem concutiebat, ut lapidum sonus clarè exaudiretur, eorumque durities tactu ventris ab omnibus perciperetur; ita, ut nemo dubitaret, quin lapides revera in stomachum trajecisset. Erant, qui putarent, hominem peculiaris temperamenti stomachum habere, ut lapides digereret. Alii credebant indigestos per secessum reddi. *Ita Schottus in joco-seriis.*

OBSERVATIO X.

De Modo Silices instar cere emolliendi.

Silices in ignem coniecti impensè calefiant, & quasi signescant. Deinde misceantur inter se aqua separatoria, acetum, & sanguis hirci affundanturque silicibus, ut toti cooperiantur. Quo facto mollientur illi adedò, ut cere instar tractari, intraque abscondi epistola, aut pecunia, & aliò deferri possint. Indurescent denuò, si caprino lacti imponantur.

DISCURSUS SEXTUS.

EX METALLOSOPHIA.

De natura variorum Metallorum.

PRÆFATIUNCULA.

Metallosophia est Scientia de metallis: dupliciter autem sumi solet metallum, in lata & stricta significatione. Lata seu ampla significatio usurpatur à Jurisperitis, qui nomine metalli intelligunt omnia fossilia, quæ ex imis terræ visceribus fodiendo eruuntur. Stricta significatione utuntur natura scrutatores, qui per metal-

*metallum intelligunt solummodo quartam speciem
fossilium, juxta ea, quæ in præfatiuncula præceden-
tis discursus dicta sunt.*

CAPUT I.

*An metalla quandoque gignantur in nu-
bibus?*

Metalla, licet ordinariè gignantur in terræ visce-
ribus, nonnunquam tamen etiam generantur
intra nubes, ex terrenis exhalationibus, virtute solis in
sublime evectis, ibique condensatis. Certè in Persia
sæpius ærea corpora hamatis similia sagittis cælo cor-
ruscante decidisse, commemorat Avicenna. In Hi-
spania verò nostra atate (inquiunt Conimbricenses
in Physica) massa lapidea venis metallicis infecta de-
cidit è nubibus; uti etiam testatur Lydiatus *de Fonti-
bus* Cap. 6.

CAPUT II.

*An metalla ex seminali principio gene-
rentur?*

Quidam existimant, metalla gigni à calore subter-
raneo. Alii sibi persuadent, ea primùm à Deo cre-
ata, seminali deinde principio ac virtute se ipsa propa-
gare: ad quod probandum varia adducunt experi-
menta.

Corbachii, inquiunt, in Westphalia aurum singulis
quadrienniis crescit & recrescit.

Vena plumbi in Sclavonia quadragesimo anno in
argentum convertitur.

Ferrum in Silesia ad Saganum decimo quoque anno
refoditur.

In Suecia limus ruber palustris uno anno Soli expo-
situs, in bonum ferrum transmutatur.

Fef-

Fessularum mons in Hetruria lapides plumbarios habet, qui, si excindantur, brevi temporis spatio novis instaurantur incrementis.

De ferro, quod in Ilva maris Tyrreni Insula effoditur, narrat Cæsalpinus *lib. 3. de metall. cap. 6.* terram metalli inanem, quæ eruitur, dum vena effoditur, totam procedente tempore in venam ferri converti.

Neque mirum est, hujusmodi vim seminalem inesse metallis, cum etiam lapides eâ præditi sint. Majolus certè *Colloquio 8.* ait, se non dubitare, quosdam lapides pumicosos esse fœtûs & partûs capaces. Fluit enim, inquit, ab eis humor, qui mox, ubi constrictus fuerit, jam lapillus est, jam fœtus ac partus alterius est. Plinius quoque *lib. 10. cap. 3.* tradit Ætitem lapidem reperiri prægnantem.

CAPUT III.

De Natura Auri.

1. **E**lementa, ex quibus aurum constat, adeo sunt anatizata, seu adæquata, ut alterum ab altero non superetur, sed omnia ita in æquilibrio sint posita, ut aurum nec ab aqua corrodi, nec à terra exedi, nec ab aëre alterari, nec ab igne consumi possit.

2. Potest tamen aurum judicio quorundam Philosophorum destrui ab aqua, quam ipsi *Dicere nolo* appellant.

3. Quidam tria statuunt auri principia: videlicet aquam, sulphur, & terram puram. Alii duo solum numerant, sulphur nimirum & Mercurium. Alii terram & aquam statuunt. Quæ sententiæ conciliari possunt, si quis dicat duo esse auri principia, terram puram & aquam puram; ita tamen, ut sulphur ab aqua non separetur. Sulphur enim inclusum est aquæ: & est ignis, quo aqua digeritur, omnibusque impuritatibus exuitur: quod

quod posteaquam à natura factum est, sulphur deinceps sibi arripit dominium, atque potentiùs agit in terram puram, eamque solvit, & postea coagulando in aurum convertit.

4. Licet auro nihil sit solidius & compactius, nihilque gravius, ne ipsum quidem plumbum, plumbo tamen est ductilius: adeo quidem, ut tertia pars grani auri possit diduci in filum longitudine 134. pedum, & unica uncia auri longius extendi, quàm octo uncia argenti. Hinc aurum neri, & textile fieri potest.

5. Magna medendi vis auro inest propter exquisitam ejus temperiem, & benignam caloris humorisque pinguis moderationem: quâ fit, ut moderatè sit calidum & humidum.

6. Hinc vulnera aureis instrumentis tractata, curantur feliciùs, & cicatrices vel nullas, vel latentiores relinquant. Et in oleum si resolvatur aurum, omnes particulatæ medicinas superat.

7. Summa est inter aurum & argentum vivum affinitas, quæ in eo consistit, quòd hæc duo metalla in simplicissimam redacta puritatem, mutuo amplexu avidissimè se invicem excipiant, & naturam suam invicem communicent, atque in unionem summam corporis & spiritus copulentur. Sed de hac auri, argenti que vivi sympathia plura cap. seq.

CAPUT IV.

De Natura Argenti vivi.

1. **A**rgentum vivum est tyrannus metallorum. Certè dum aurum argentumque vivum coeunt, argentum vivum tanquam hostis & tyrannus aurum comminuit, atque ita crudè subtrahit (prout loquuntur Alchimistæ) ut argentea vasa auro incrustari possint.

Unde

Unde patet, dictum illud Alchimiſtarum, *Aurum & argentum vivum magnam inter ſe cognationem habent*, non de puritate ac digeſtione, ſed de eſſentia intelligendum eſſe. Conſtat enim, aurum eſſe metallum puriſſimum & eminentiſſimè digeſtum, argentum verò vivum eſſe impurum & indigeſtum.

2. Singularem inter aurum argentumque vivum ſympathiam complura patefaciunt experimenta, ut obſervant Platerus & Lemnius. *Lib. 2. de occult. cap. 35.* Nam ſi argentum vivum in corpore ſit, auro propinato educitur. Argentum, niſi Mercurium adhibueris, inaurari non poteſt. Morbo gallico laborantes, ubi Mercurio ſive argento vivo inuncti fuerint, ſi aureum in ore geſtent annulum, & linguâ hinc inde volutent, argentum vivum quod corpori innatat, in annulum devolvitur, iſque argenteus eximitur. Argento vivo omnia innatant præter aurum, quod ſolum immergitur.

3. Ex venis Mercurii ſcaturiunt fontes uberrimi, herboſo virentes ceſpite. *Vitruvius lib. 8. cap. 3.*

4. Qui venas argenti vivi ſcrutantur, Menſe Majo, die ſerena, tempore matutino, nebulas in vertice montium emergentes, ac inſtar Lanæ ſuper ceſpitem pendulas, obſervant, atque inde in Latentis Mercurii notitiam deducuntur.

5. Mercurius magnetem contingens, in intimas ejus partes penetrat, & lapidem ferrum attrahendi potentia privat. *Jonſton. in Thaumato-graph. claſſe 4. de ſoſilibus.*

6. Ignem Mercurius adeo refugit, ut ſi non detur per inferiora egreſſus, ſuperiora petat: quibus clauſis, premit opercula. *Unzer. lib. de merc. cap. 1.* Hinc panis in clibano, piſa in olla, ova ad ignem, ſi vel unicâ guttulâ imbuantur, ſubſultant, & intuentes ad riſum commovent.

7. Mer-

7. Mercurius super ignem positus, in halituosum resolvitur fumum, sed non dissipatur. Nam si vase exceptus, & probe custoditus fuerit, paulò post in priorem mercurii redit speciem, nec ei quidpiam pristini detrahitur ponderis.

8. Mercurius in aurem, atque inde in cerebrum immissus, epilepsiam excitat, quia spiritus animales dissipat. *Heurn. de Capitis affect. c. 33.*

9. Obstetrices, ubi gravidæ in partu diu laboraverint, ultimo remedio ipsis argentum vivum, scrupuli pondere exhibent.

10. Argentum vivum avellanæ nuci per foramen immissum & occlusum, sericoque rubeo à collo suspensum, à peste præservat, teste Quercetano *lib. 2. de pest. alex. cap. 5.* Eadem avellana si ventrem appensa tetigerit, ad Curationem colicæ singulariter conducit. *Plater. de dol. c. 13.*

11. In monte Gimnavoda sex à Cracovia milliaribus, argentum vivum spontè certis anni temporibus ad terræ superficiem erumpit, & circa festum S. Joannis Baptistæ multa illius grana pisorum, instar in radicibus graminum se collegisse, *Tyrocini Chimici autor lib. 2. c. 3.* testatur.

CAPUT V.

Varia Observationes de naturâ ferri & chalybis.

OBSERVATIO I.

Commütatio ferri in æs, & chalybem.

Jonstonus in *Thavmatographia loc. sup. cit.* ait ferrum in æs converti, si alumine & aceto illinatur. Weckerus verò *lib. 10. de secretis* pro aceto utitur atramento futuro. Si ferrum, inquit, in æs commutare desiderabis,

H

bis,

bis, ut nil ferri prorsus retineat, alumine, & atramento sutorio tingi potest.

In chalybem transmutatur ferrum, si sæpius candefactum in igne, immergatur aquæ. Cardanus ait per corticem mali punici ferrum mutari in chalybem.

OBSERVATIO II.

De induratione & emollitione ferri.

TERRÆ lumbricos primum, deinde etiam rapas & radices peponum distilla: & hæc omnia pari mensura misceantur. Quo liquore si ferrum madefactum fuerit, indurabitur. Aliter id ipsum perfici poterit, si verbenæ cum cauliculis & foliis conquassetur, succusque per pannum lineum exprimatur, qui in vitro ad usum reservetur. Quando postea ferrum indurare volles, succum verbenæ pari portione cum urina humana eaque virili misceto. Ferrum verò incandescat ea parte, quam cupis indurare, & in prædictum succum immergatur, donec maculæ aureæ appareant. Et si multum coloris cærulei deprehenderis, scito ferrum nondum satis induruisse.

Si denique ferrum candens aceto immersum, atque in eo extinctum fuerit, adeo indurescet, ut malleis tractari nequeat, faciliusque frangatur quam ducatur, seu ductile fiat. Causa tantæ duritiei est subtilitas acetæ, intimos ferri meatus penetrantis. *Bodinus lib. 2. Theatri.*

Quod attinet ad emollitionem ferri, potest ea duobus fieri modis. *Primo* ferrum mollescit, si igne candefactum, non in aqua, sed in succo corticum fabæ, aut malvæ extingatur. *Secundo* ferrum mollescit ferrum sanguinis humani. Excipe vase quodam vel pelvi sanguinem humanum, & sepone, donec sanguis crassus

crassus subsidat; deinde serum sanguinis in aliud vas infusum diligenter asserva. Ubi ferrum mollescere libuerit, calefactum illud sero hoc obline: quod ut expeditius fiat, penicillo ad id utere.

OBSERVATIO III.

De rubigine ferro eximenda.

Ferro rubiginem è vestigio adimit, illique splendorem conciliat oleum tartari: quod ipsum etiam lentigines emaculat in facie, omnesque pustulas fœdas, quæ frontem mentumque deformant, vi absterforia abolet.

OBSERVATIO IV.

De induratione & emolliatione Chalybis.

Chalybs durefcit, si in aqua frigida extinguat. E contrario chalybem mollem reddit lixivium ex cinere roboris, & calce non extincta paratum, & duabus horis percolatum. In hoc lixivium chalybs concijciatur, & diebus 14. in eo relinquatur. Quod si cupias, ut chalybs pristinam duritiem recipiat, aquæ frigidæ imponatur.

CAPUT VI.

Varie Observationes de natura Aëris, Cupri, & Plumbi.

OBSERVATIO I.

De modo Aë dealbandi.

Si salem ammoniacum (inquit ex Mizaldo Weckerus in secretis lib. 10.) & ovi cortices simul tritura-

veris, & ex iis aquam chymico organo exceperis, in eaque æs ignitum extinxeris, miram suscipiet albedinem. Adde, quod argentum vivum ex antimonio extractum æs eximè dealbet, si super illud projiciatur, vel defricetur.

OBSERVATIO II.

Æs à putrefactione præservat.

ÆS à putrefactione est immune, & ut alia sint immunia, efficit. Hinc monumentum ære perennius ab Horatio appellatur. Et Ægyptii olim tabulas æreas, ad arcendam putrefactionem, cadaveribus imposuerunt. Sed & Pierius in Hieroglyphicis testatur, æreos mucrones olim in eum finem cadaveribus infixos fuisse.

OBSERVATIO III.

De natura Cupri.

Cuprum ferro amicissimum est, ita ut simul juncta mutuò sese amplectantur, ut loquitur Jonstonus in *Thaumatographia class. 5. de fossilibus cap. 31.*

Quòd si Cupro nitorem argenteum inducere velis, utendum est ad eam rem sale ammoniaco, alumine & nitro, pari pondere permixtis. Modum describit Weckerus in *secretis lib. 10. c. 5.* ubi etiam declarat, quomodo ita præparari possit Cuprum, ut auri colorem referat, & optimè elaborari possit.

Qui Cuprum citò fusibile, & ductile habere cupit, equi ungulas inter eliquandum & fundendum ei adjungat. Hoc secretum testatur Mizaldus se ab Italo quodam, experto fusore accepisse.

OBSERVATIO IV.

De plumbo in ædibus subterraneis, mole & pondere crescente.

Experimentis constat, plumbum non modò pondere, sed etiam mole & quantitate solere crescere, si ponatur in ædibus subterraneis, habentibus aërem turbidum, ita ut ea quæ ibi ponuntur, facile situm contrahant. Observatum est autem hujusmodi crescentis plumbi incrementum in plumbeis statuarum vinculis, quibus earum pedes annectebantur: ita ut insignis quædam intumescencia notata fuerit, teste Jonstono supra citato.

OBSERVATIO V.

De plumbo liquato manu nudâ innoxie contractato.

Tamet si plumbo liquato nihil sit ferventius, attamen si succo Malvæ, aut Mercurialis manum oblinas, sine noxa id contingere licebit, dummodo contractatio celeri motu perficiatur. *Lemnius de occulte lib. 2. c. 34.*

OBSERVATIO VI.

Plumbum esse vocis conservativum.

Plumbum ad vocem conservandam deservire, demonstrat ~~Plumbum~~ Neronis, qui, ut testatur *Suetonius in Nerone*, amore vocis, vel meliorandæ, vel conservandæ, Laminam plumbeam supinus pectore sustinuit. Sed & Musici olim similes laminas pectori imposuerunt, ad cantica exclamanda, ut loquitur *Isidorus*.

DISCURSUS SEPTIMUS.
EX MESOLOGIA.

De Fossilibus imperfectioribus, habentibus mediam temperiem inter Lapides & Metalla.

PRÆFATIUNCULA.

Mesologia est scientia differens de iis fossilibus, sive mineralibus, quæ nec sunt lapides, nec metalla, sed inter hæc medium obtinent locum seu temperamentum. Atque hæc omnia ad duas species reducuntur, terras videlicet & succos; uti sunt Marga, Terra sigillata, Sal, Nitrum, Alumen, Naphta, Petroleum, Maltha, Vitriolum, Caniphora, Succinum, Ambra, Sulphur, Stibium, aliaque complura.

OBSERVATIO I.

De Terra Lemnia sive sigillata.

Terra sigillata hodie non absque superstitione sexto tantum Mensis Augusti die quotannis effoditur. Qui fodiunt, Græci sunt: puteus, ex quo effoditur, suavem exhalat odorem. Foditur à Solis exortu sex horis, exempta eluitur, lota sacco injicitur, manibus permiscetur, in globos formatur, sigillo Imperatoris Turcici notatur, siccat tandem, & in scrinio obsignata Constantinopolim mittitur. *Stephanus Albacarius in Epist. ad Busbequium.* Terra sigillata Strigensis, quæ in Silesia effoditur, à nonnullis Lemniæ præfertur. *Sennertus Scient. Natur. lib. 5. cap. 1.* Inventor ejus est Joannes Montanus Silesius, qui scriptum de illa edidit.

OBSER-

OBSERVATIO II.

De Sale.

1. **N**atura Salis est in igne crepitare, in aqua dissolvi, si torrefiat nihil deperdere. Ideo autem Sal in igne crepitat, quia in se continet aquam & ignem. Dum enim aquæ humor calori ignis resistit, strepitus causatur.

2. Sal rectè appellatur condimentum condimentorum.

3. Observatum est, eos, qui ad febres putridas dispositi sunt, cibis liberius sale conditis, ab illis præferari. *Matthiöl. de febr. pestil.*

4. Obesæ mulieres moderato salis in condimentis usu fecundæ fiunt. Abstergit enim uliginem, matricemque nimis udam exsiccat, ut semen cohæreat.

5. Sal ad os Epilepticorum admotus, eos excitat: & in Lipothymia, sive ex resolutione spirituum, sive ex eorum oppensione originem ducat, si labia cofricentur, præsentissimum remedium est.

6. Sal famis & sitis antidotum est. Expertus id Caroli V. exercitus in obsidione Tunetana, qui periisset, nisi unusquisque unum aut alterum salis granum linguae supposuisset. *Bicker in præfat. lib. de sanit. const.*

OBSERVATIO III.

De natura nitri.

1. **N**itrum, aliàs Sal nitri, & quando concrevit, Sal petrae (*Salpeter*) seu halonitrum appellari solet. Nam quando aqua terræ nitrosæ affunditur, dat lixivium, quod in salem petrae, sive halonitrum vi ignis decoquitur. quomodo verò purificetur, Chymici norunt.

2. In Polonia & Marchia, aliisque Germaniæ locis opificium excoquendi nitri, seu conficiendi halonitri (*Salzeter auf Steiden*) sumptu publico passim exercetur. Fit autem nitrum ut plurimum ex hominum urina, aliorumque animalium in stabulis & ædibus vetustis.

3. De nitro scribunt Alchimistæ, quòd licet visui appareat candidum & tactui frigidum, in se tamen contineat spiritum rubicundissimum, maximeque inflammabilem. *Senertus lib. 5. Epit. scient. natural. cap. 2.*

4. De Ægyptiis scribit Jonstonus in *Thaummatographia* eos nitro raphanos aspergere, non aliter ac nos fale.

OBSERVATIO IV.

De natura vitrioli seu chalcanti.

1. **V**itriolum optimum censetur Romanum & Hungaricum. Ejus bonitas probatur, si cultro affricetur. Laudatissimum enim habetur, si affricatio colore cupreo cultrum infecerit.

2. Spiritus vitrioli bene præparatus, teste Riolano, tanta acrimonia, tantaque virtute caustica est præditus, ut vitrum, cui inest, exedat.

3. Spiritus vitrioli cum oleo tartari habet antipathiam: & licet utrique summa insit acrimonia & aciditas, si tamen permisceantur, utriusque acrimonia perit, & liquor fit insipidus. *Boëtius libro 2. de lapid.*

4. Admiratione non caret, quod de spiritu vitrioli & succino refert è Paracello Conradus in *medulla destillatoria*. Reponè, inquit, succinum flavum in tabula è bismutho facta, & trium spithamarum distantia vitriolum colloca. Mirum visù ac dictu! vitriolum & colore & acrimonia spoliabitur.

OBSER-

OBSERVATIO V.

De Naphtha & Petroleo.

1. **N**aphtha tantam habet cum igne cognationem, ut etiam ex intervallo flamma in eam transfiliat, & calore solis facillimè incendatur. Naphtha (inquit Cornelius Agrippa *de occulta Philosophia*) trahit ignem, profilitque in eam undecunque visam. Naphtham imitatur radix herbæ aproxis, quæ & ipsa ignem è longinquo attrahit.

2. Petroleum Naphthâ liquidius est. In Italia & regione Mutinensi è petra stillat candidum & rubeum, odore validissimo. In Sicilia fontibus innatat, quod oleum Siculum appellant, & eo ad lucernarum lumina instar olei utuntur.

3. Mirum est, quod de petroleo refert Mathiolus in *lib. 1. Dioscorid. c. 82*. Habebat Hercules à Contrariis Ferrariensis in prædio suo puteum, in quem distillabat petroleum. Conduxit cæmentarium, quod obturaret: fuitque demissa in puteum candela, quia sine luce fieri nil potuit. Accensum hinc petroleum, cum tanto impetu, ut & cæmentarium ejacularetur, & putei latera diffringerentur.

OBSERVATIO VI.

De Natura Camphoræ.

1. **M**ulti existimant camphoram ex bituminis quodam genere fieri. Mauri verò in ea versantur opinione, quod camphora sit lacryma cujusdam arboris, adeò patulis diffusæ ramis, ut tantum locum reddere possit opacum; quantus centum homines capere possit.

2. Camphora Veneri repugnat, & genituræ inimica est, non modò potu sumpta, sed etiam attractu percepta.

H 5

3. Cam-

3. Camphora ab homine sumpta, caput petit : & si rapuerit secum frigidos humores, somnum gignit, potestque homines, antequam senescant, canos reddere.

OBSERVATIO VII.

De Succino, sive Electro.

1. **S**uccinum non est lacryma vel resina arborum, ut veteres credebant, sed bituminosum maris purgamentum, in littoribus Borussiae maximè collectum, aut è mari extractum, capitur reticulis instar piscium singulis mensibus aureorum Rhenensium decem millibus vendi dicitur. Id cum durefcit, ut poliri queat, gagates dicitur, Plinio gemma Samothracia.

2. Succinum (præsertim affricum) trahit paleas, pilos, festucas in sequelam. Quam virtutem tractivam nonnulli constituunt in spiritu sicco, quo succinum est præditum. Sed repugnat Scaliger *Exercit. 104. Sect. 12.* ubi testatur se viridem vidisse lactucam, quæ paleas attraxerit: ubi nulla spiritus sicci operatio intercedere potest. Alii motum attractionis oriri putant à spiritibus acribus, & penetrantibus, simulque glutinosis & pinguibus, in succino lactantibus: qui attenuati affricu incalescunt, & faciles leves, ut stipulas, festucas &c. pervadunt; cum autem rebus occurrunt frigidis, coagulantur, coagulatique versùs originem retrocedunt. Calor enim à contrario rejicitur hoste. *Libavius in lib. singular. Fernelius lib. 3. Med. cap. 4.*

OBSERVATIO VIII.

De Corallio, in Viro rubescente, in Muliere pallescente.

Corallium oritur ex succo lapidescente. Est verò frutex sub aqua marina viridis & mollis, baccas habens

habens molles & candidas. Reſectus ſtatim induratur. Interdum unius corallii ſtirpes ramique partim ſunt rubri, partim candidi, partim nigri. Si à viro geſteretur corallium, rubefcit exuberantiùs: palleſcit verò, ſi à muliere, *Lemnius lib. 2. de occult. cap. 22.* Atque hujus diſſimilis effectùs cauſa, tum in fuliginofos muliebris ſexùs ſpiritus, tum in languidum corallii calorem, tum denique in vaporofam ac mitem caloris innati in viro ſubſtantiam reducenda eſt.

OBSERVATIO IX.

De Modo faciendi corallium fictitium.

HÆc praxis ingenioſo, neutiquam tamen operoſo conſtat artificio. Cornua hirci deaſa in pulverem & ſcobem converte, eaque forti lixivio ex lignis fraxini compoſito, diebus quindecim infunde. Poſtea extrahe, & cinnaberi in aqua ſoluto permiſce, lentoque igni committe, ut fiat ſpiſſamentum. Id ſi veri corallii præ ſe feret colorem, in quas viſum erit formas effiſſe, ſicca, & ſecundùm artem expoli. *Mizaldus.*

OBSERVATIO X.

De modo corallium liquefaciendi, deque illius virtute medica.

Corallium berberorum ſucco, (ut uniones aceto) colliqueſcit. De cujus liquore unum cochlear aſſumptum dyſenteriam curat. Utrumque aſtringit & refrigerat, ſanguinis excretiones coërcet, & ſtomachum laxum languidumque corroberat, ut Dioſcorides, Galenus & Medici omnes teſtantur.

OBSERVATIO XI.

De Natura Sulphuris.

Bonitas ſulphuris inter duas ferreas exploratur Laminas. Si enim inter illas compreſſum, cereo de-

defluat sine fœtore fluxu, & rubedinem relinquat, genninum censetur & bonum.

2. Chymici oleum seu balsamum ex sulphure adeo efficax conficiunt, ut neque vivum corpus, neque mortuum, ad putredinem transire sinat : sed adeo integrum tueatur, ut nulla astrorum influentia, nulla elementorum injuria, nulla aliunde profecta corruptio iis obesse possit. *Weckerus Antid. Spec. lib. 1.*

DISCURSUS OCTAVUS.

EX BOTANOLOGIA.

*De Natura & qualitatibus variarum herbarum
atque radicum.*

PRÆFATIUNCULA.

Botanologia est scientia differens de herbis & radicibus, quæ à Botanicis in varias classes distribuuntur. Alia enim sunt hortenses, alia silvestres, alia campestres, alia montana, alia unicaules, alia multicaules, alia angustifolia, alia latifolia, alia acutifolia, alia trifolia, alia quingfolia, alia centifolia, alia verticillata, alia umbellifera, alia corymbifera, alia edules sive alimentaria, alia coronaria, alia medicamentaria &c. Quibus omnibus magnam inesse vim, quotidianus docemur experimentis, juxta illud, In herbis, verbis & lapidibus est magna virtus.

OBSERVATIO I.

De lethifera qualitate hyosciami. Ubi memorabilis historiola de Carolo V. Imperatore.

HYosciamus appellari solet *herba jacularis*, denominatione desumpta à telis, quæ olim succo hujus herbæ inficiebantur, ad certam mortem ejus, qui tali jaculo vulneratus fuisset. Cùm Comes à Boslu, qui apud Carolum V. Imperatorem multum gratiâ valebat, cum Cæsare venatum profecturus, cultello, succo hyosciami delibuto, casu se leviter læsisset, illico ab Imperatore de periculo admonitus fuit. Et certè periisset Comes, nisi Imperator, cui veneni vis perspecta erat, arrepto Comititis digito, illud exsuxisset. Refert Bonaventura Vulcanius ad Glossaria.

OBSERVATIO II.

De Soporifera Virtute Solani. Ubi memorabilis historia de dolo Scotorum, & clade Danorum.

Soporiferam inesse virtutem Solano, testati sunt Dani exemplo cladis suæ. Cùm enim Sueno Norwegorum Rex, Duncanum Regem Scotiæ in oppido Bertha obsideret, evocato hic Maccabæo, consobрино suo, clanculum de deditione agere cœpit, adjunctâ conditione, & promissione, se omnem, quem penes se habebat, commeatum, Danis relicturum. Receperunt conditionem Dani, & unâ commeatum, quem cùm degustassent, tam alto oppressi sunt sopore (Solano enim vinum & cerevisia infecta erant) ut à Maccabæo opprimerentur. Decem ex Danico exercitu, dona hostium suspecta habentes, nihil de vino & cerevisia illorum gustarunt; qui etiam Regem Suenonem exanimi

nimi similem in scapha piscaria abductum, cladi subdixerunt. *Heft. Boët. lib. 12. Histor. Scotica.*

OBSERVATIO III.

De Virtute Medica cardui benedicti ad curandas febres.

REcipe dimidiam drachmam salis cardui benedicti, & pone intra vitrum plenum aquâ distillatâ cardui benedicti. Præbe infirmo manè dum jejunos est, & benè eum cooperi in lecto, ut possit eò meliùs sudare, relinquendo eum sic opertum spatium duarum aut trium horarum. Necessarium autem est, ut antequam potus ille accipiat, emittatur priùs sanguis, & vena, si fieri possit, secetur durante paroxysmo. Hoc factò, ejicietur venenum & febris. *Ex Secretis P. Athanasii Kircheri.*

OBSERVATIO IV.

Mira virtus Absinthii.

CReditum est (inquit Joan. Jonstonus in *Thaumatrographia Classe s. de admirandis plantarum*) infantes, si antequam duodecim septimanas excedant, succo absinthii in manibus pedibusque inungantur, neque frigore neque æstu per totam lædi posse vitam. Idem refert infantem, si totum ejus corpus succo absinthii infricetur, scabie non laboraturum. Hæc Jonstonus ex *Guerth. in append. ad memorab. Mizaldi.* Sit fides penes hos Auctores.

OBSERVATIO V.

De variis nominibus tabaci.

INter varia hujus herbæ nomina primum locum obtinet *Tabacum*; quod nomen ipsi inditum est à Provincia Novæ Hispaniæ *Tabaco*, ubi primum reperta fuit.

fuit. A Peruanis & Antarteticis ferè omnibus vocatur *Petum*. A Botanìcis communiter appellatur *Nicotiana*, à Joanne Nicotio, qui, cum nomine Regis Galliarum Legati officio fungeretur in Lusitania, hanc herbam in suo horto plantavit, summoque studio educari curavit: unde & Lusitani eam cœperunt appellare *Herbam Legati*. Haud longè post in Galliam redux Nicotius, semen ejus Catharinæ Medicæ Galliarum Reginæ dono dedit, quæ illam suo nomine insignavit: unde *Herba Regina, Catharinaria & Medicea* per totam Galliam est appellata. Ab Italis principio dicta fuit *Herba S. Crucis*, à Cardinale de S. Cruce, qui eam ex Lusitania Romam primus apportavit.

OBSERVATIO VI.

Quòd Tabacum vires habeat curandi vulnera.

AD sananda vulnera recentia, melius remedium inveniri vix potest, quàm Tabacum. Illicò enim sanguinem sistunt folia ejus virescentia, eaq; glutinant. Quòd si verò majora fuerint vulnera, vinò priùs eluantur, & labiis vulnerum conjunctis, succus foliorum inspergatur, & ipsa folia trita vulnere alligentur. Atque idem postridie, reliquisque diebus subsequèntibus faciendum est, victûs tamen ratione servatâ.

Monardus *lib. de simpl. medicamentis* testatur Hispanos in India Cannibalum telis vulneratos, succo tabaci curasse vulnera, tritis appositis foliis.

Rex ipse Catholicus inflictum cani venenatum (ut vim tabaci experiretur) vulnus beneficio ejusdem herbæ ad cicatricem perduxit. *Jonston. in Thaumato-graph. class. 5. cap. 42.*

OB-

DISCURSUS VIII.
OBSERVATIO VIII.

Tabacum Oculis salutare.

VIsium restitui beneficio tabaci, testis est *Wiburgius ad Schnitz epist. 209.* Pupilla, inquit ille, cui-dam puellæ ita obscurata erat, ut non appareret. Sanata est autem succo Nicotianæ majoris cum butyro majali ad consistentiam unguenti cocto, & Oculo clauso exterius illito.

OBSERVATIO VIII.

Tabacum dolores dentium sanat.

QUod tabacum dolores dentium mitiget, imò penitus tollat, testatur *Heurnius in Tabacologia* his ipsis verbis: Cùm ego ipse ante annum vehementer ex dente laborarem, decoxi Nicotianam ex aqua, adjectis Chamæmeli floribus. Tepidi hujus decocti cochlear ore tenebam, exspuebam, ac idem agebam horis duabus; dolor mitescebat: postridie cùm ex more meo hortulum in suburbiis accessissem, inclinatoque capite quid graminis evellerem, liquor croci flavedinem referens, copiosè à naribus meis effluxit, Nicotianæ odorem referens, ac omnis dentium dolor evanuit. Mihi toto vitæ curriculo nec sanguis, nec quid præter serosam pituitam, è naribus fluxit unquam; at nihil ego vidi flavedine altiore tinctum, quàm fuerit liquor ille, qui è naribus meis effluxit.

OBSERVATIO IX.

Tabacum vituperatum & laudatum.

OSor & vituperator tabaci fuit *Jacobus VI. Britanniæ Rex*, quòd existimaret usurpatione hujus herbæ debilitari corpora subditorum suorum. Hinc librū
inte-

integrum conscripsit : vituperia tabaci continentem ,
indito ipsi titulo *Misocapnos*.

E contrario magna sunt tabaci apud clarissimos Vi-
ros encomia , quæ Castor Durantes Medicus Italus ce-
leberrimus sequentibus Versibus complexus est :

*Nomine quæ sancta Crucis herba vocatur , ocellis
Subvenit , & sanat plagas , & vulnera jungit.
Discutit & strumas , cancrum , cancroque sanat
Ulcera , & ambustis prodest , scabiemque repellit ,
Discutit & morbum , cui cessit ab impete nomen.
Calfacit & siccat , stringit , mundatque , resolvitque ,
Et dentium , & ventris mulcet , capitisque dolores.
Subvenit antiqua tussi , stomachoque rigenti ,
Renibus & spleni confert , uteroque , venena
Dira sagittarum domat , ietibus omnibus atris
Hæc prodest , eadem gingivis proficit , atque
Conciliat somnum , nuda ossaque carne revescit.
Thoracis vitiis prodest , pulmonis itemque :
Quæ duo sic præstat non ulla potentior herba.*

OBSERVATIO X.

*Praxis efficiendi , ut è semine in terram jacto ,
planta aliqua (verbi gratia , lactuca , faba , cucumis &c.)
intra pauculas horas ita excrescat , ut esui &
usui apta sit.*

Accipe terram nigram , & oppidò pinguem , eâ-
que reple scutellam , aut aliud vas largum & am-
plum , altitudine pollicis circiter. Accipe deinde se-
men Lactucæ , aut alterius , quod placuerit , germinis ,
quantum satis est pro vasis capacitate , & macera per
horas 24. in vino adusto , aut aceto fortissimo. Hoc
semen maceratum sparge in prædictam terram. Intra
horæ spatium germinabit Lactucam , quæ paulatim sed
notabiliter crescet , ac intra quatuor horarum spatium

adeò perficietur, ut possit erui, lavari, & ad comedendum præparari. Succedit praxistam hiberno, quam æstivo tempore.

Similem praxin docet *Harstorfferus tom. 1. Deliciarum Mathematic. part. 16. q. 6.* Accipe, inquit, fabas, aliudve semen, pone intra oleum calidum, relinque per dies novem in eo, deinde seminato intra terram tempore meridiano. Intra paucas horas germinabunt, & crescent in altitudinem non mediocrem.

Simili arte intra quatuor horarum spatium cucumeres ac pepones florebut, si semen ponatur intra sanguinem adolescentis aut juvenis ruffi, & in loco munito ac benè clauso relinquatur spatio dierum quatuordecim; deinde ad solem exsiccetur, terra inspergatur aquâ calidâ, & seminetur. Intra quatuor horas producentur folia & flores. Operatio tamen institui debet tempore æstivo & calido.

Cum Imperator (Fridericus III. vel Maximilianus I.) Trevis ad S. Maximinum, cum multis Germaniæ Principibus degeret, Trithemius in mensa derepentè, spectantibus omnibus, plantulam quandam produxit.

Insuper Albertus M. Colonia coram Imperatore & Principibus aliis produxit ex tempore herbas & flores, & ob id pro suo Monasterio opulentum prædium dono accepit. *Autor Joco-seriorum Natura & Artis Centur. 2.*

OBSERVATIO XI.

Gentiana pestis antidotum.

Fertur S. Ladislaus Rex Hungariæ, afflictâ sævissimâ peste Hungariâ, obtinuisse à DEO, ut, quam herbam sagitta in aërem emissa, tangeret delapsa, medicinam illa faceret peste correptis. Cecidit sagitta redux in Gentianam, quæ aliàs etiam Cruciata, item herba S. Ladislai dicitur.

Hic

Hic est ille Ladislaus Rex, qui, cum totâ Hungariâ à Tartarâ pulsus, fugisset in Daciâ Urbē Claudiopolim, ibiq; contractâ cum quodam homine prædivite familiaritate, ejus compater factus esset, ejusdem auxilio Tartari rursus fugati fuerunt. Qui cum in fuga numos aureos, quos ex præda collegerant, in Aradiensî abjicerent campo, remoram insequentibus, fertur Rex à Deo petiisse, ut in lapides converterentur; quod & factum. Hinc ingens horum lapidum numerus ibidem cernitur. *Camerarius Centur. 3. memorab. sect. 23.*

Fuit Rex Ladislaus (qui anno 1078. Hungaricum diadema gessit) vir summe modestus, & ob id post mortem Zoloveri Regis, cui nupta Ladislai soror erat, à Proceribus ad suscipiendum regnum coactus. Is Dalmatiam, Croatiamque Pannoniæ finibus adjecit. Hungos prælio superavit, Ruthenos item, qui olim Roxolani, in proprios fines remigrare (Hungariâ enim invaserant) compulsi, Polonos coercuit, Cracoviâ captâ.

OBSERVATIO XII.

Monstræ & memorabiles rapæ.

Prope Harlemum (quæ urbs ad confœderatos Hollandorum Ordines pertinet) Anno 1585. eruta fuit è terra rapa, similitudine referens humanam manû, cum unguibus, & distinctissimis lineamentis digitorum. Ejus pictura Leidæ apud Baudarcium cernitur.

Rapæ nonnunquam in monstruosam excrescunt magnitudinem. Matthiolus certè *lib. 2. cap. 104.* testatur se complures rapas triginta librarum pondere in Ananien- si agro conspexisse.

OBSERVATIO XIII.

De natura Napelli, exitialis & nocentissima herba, memorabili exemplo comprobata.

NApellus tota exitium adfert, sed radix maximè in-

quit *Jonstonus in Thaummat. class. 5.*) manu enim retenta quousq; concalescat, tenentem perimit. Certum est, pastores, qui caule hujus herbæ loco veru in assandis aviculis usi sunt, interiisse.

Exitiale hujus herbæ venenum aliquot exemplis declarat *Marthiolus Comment. in Dioscorid. lib. 4. cap. 73.* unum adjicio.

Data erat larronicuidam annum vigesimum septimum agenti napelli drachma. Hic epoto lethali poculo, piperis omnem saporem illi inesse dicebat. Insecuta sunt gravissima symptomata: evomit enim frequenter biliosa porraceo colore. Quendam veluti globum circa umbilicum sensit, qui inde superna petens, in supremam capitis partem, frigidam quandā diffundebat auram. Accessit his stupor quidam paralyti non absimilis, qui sinistri lateris brachium & crus occupavit, adeò, ut vix summam manum ad movere potuerit, motu jam in cæteris partibus extincto. Interim non multo post tempore, hæc morbi vis, sinistrâ corporis parte incolumi relictâ, in dexteram repenti se contulit, eandemque simili modo occupavit. Ajebat quoque universas corporis venas frigescere. Non defuerunt vertigines, quas secutæ sunt cerebri commotiones adeò frequentes, ut aquæ in caldario bullienti similes esse diceret. Accessit oris & oculorum convulsio, atque acutissimus mandibularum dolor. Quare sæpius manibus affectas illas partes perstringebat, veritus, ne exciderent. Forinsecus turgentes oculi, livida facies, & nigra labra cernebantur: quin etiam ventris tumor videri poterat, perinde ac hominis aquâ intercute laborantis. Varia admodum extitit arteriarum pulsatio, & varia quoque mentis perturbatio, pro symptomatum recurrentium acerbitate. Nunc enim prorsus de vita desperare, mox in spem se erigere videbatur, modò rationis compos, modo

dò delirans, nunc ploranti, nunc cantanti similis. Toto hoc tempore se ter excœcatum, terque cum mortis agone colluctatum affirmabat. Linguâ tamen confitit, nullo unquam symptomate affecta. *Hactenus Matthiolus.* Hæc verò omnia, lapide Bezoar præbito, septimâ post assumptum venenum horâ evanûere.

OBSERVATIO XIV.

*Allium tusfis & raucedinis præsentaneum
remedium.*

AD tussim quod attinet, Alexius Pedemontanus *Lib. 1. Secretorum* sic scribit: Accipe duo vel tria capita allii, eaque mundata probè contunde ac tere: adde porci pinguedinem, & ova, ac cum alliis misce. Vesperti iturus cubitum, pedes nudos (plantas præcipuè) ad ignem calefac, eosque perunge dicto Unguento ex alliis & pinguedine confecto, continuando aliquanto tempore unctionem, pedibus semper ad ignem admotis, & quantum tolerari potest, calefactis. Hoc facto, indue soccos priùs calefactos, lectoque te committe; in ipso verò lecto etiam lumbos prædicto Unguento unge. Hanc curam tribus diebus continenter adhibe, & liberaberis ab omni, vel molestissima tussi.

Ad pellendam raucedinem, accipe duo vel tria capita allii, ac mundata tere, & cum porci pinguedine ad ignem liquefacta misce, donec unguentum fiat. Vesperti antequam cubitum eas, calefac pedes, & unguento prædicto unge, pannisque circumliga; Deprehendes manè omnem recessisse raucedinem.

Non ita pridem celebris in Gallia Concionator fuit, qui hoc remedio vocem, depulsa raucedine, recuperavit. Inchoarat is pro more patriæ quotidianas quadragessimæ Conciones, at post dies aliquot tantam contraxit raucedinem, ut vix pro suggestu dicentem perciperent

perent propèstantes. Varia per dies aliquot, sed frustra adhibuerat remedia. Audiebat concionantem, sed voce rauca, quidam loci civis honestus, at pauper, accedit dimissa concione Concionatorem, secretum prædictū pandit, Vespere eodem id adhibet Concionator, & die postero cum stupore omnium voce clarissima perorat.
Autor joco-seriorum Artis & Naturæ Centur. 1.

OBSERVATIO XV.

De Natura Croci.

FOlia croci tota virescunt hyeme, spretis algoribus: færescunt verò, ac penitus deperduntur tempore verno: per æstatem nunquam apparent. *Matthiolus ad lib. 1. Dioscoridis cap. 25.*

Radix croci gaudet calcari & peretundo provenit. Hinc Versus:

*Pulchrior ut crescat, teritur Crocus. O furor ingens!
Latior ut possis surgere, nolle premi.*

Crocus puerperis in partu propinatus, raptim perit uterum, adeò, ut quædam fœtum croco tinctum ediderit. *Heurnius lib. 2. Medicam. cap. 14.*

Anhelosis, seu difficultate respirandi laborantibus, mirificè prodest crocus: è contrario insensus est cerebro, & copiosus ejusdem usus risum ciet, non sine gravi nonnunquam periculo; quod adiit Mercator quidam, qui, cum plus æquo de croco comedisset, in tantū post cibum solutus est cachinnum, ut è vita cum risu discessurus videretur. *Jonstons in Thaummatographia.*

OBSERVATIO XVI.

De Herbis odore inebriantibus.

ESt quædam Scytharum gens, quæ quidem aquæ potu utitur, quotiescunque tamen voluptatis causa in-

inebriari volunt, pyram struunt, & herbas quasdam odoriferas cremant. Tum in orbem circumfidentes, odore se isto non aliter, ac alii vini cyathis invitant, usque dum bene ebrui saltare, canere, tripudiari incipiunt. *Maximus Tyrinus de amore dissert. 2.*

OBSERVATIO XVII.

De Natura & proprietatibus pimpinella, betonica, cicuta, mandragora, scorzonera, eryngii & aliarum quarundam herbarum.

Pimpinella Chabæ Regis inventum est (si fides habetur Clusio in *Nomen. Pannon.*) quâ is Hungarorum quindecim millia sibi post prælium relicta vulnerata sanavit. Compertum est, teste Fernelio, hanc herbam contra hydrophobiam tantam vim obtinere, ut quicumque eam aliquot diluculis, vel in acetariis, vel alio modo sumpserit, nihil incommodi sentiat.

Betonica tam validæ facultatis est, ut ossa quæcunque confracta extrahat. Eadem cum salis momento contusa, naribusque immissa, sanguinem inde fluentem sistit. *Matthiolum lib. 5. Dioscor. cap. 1.*

Cicuta veneni genus est, quod comedentem facit amentem, imò extinguit. Franciscus Trapollinus, cum eam loco petroselini in juscule, per imprudentiam ancillæ appolito, sumpsisset, amens obiit. Animalibus quibusdam tantum induxit soporis, ut pro mortuis abjicerentur. Experrecta attonita primùm fuere diu, mox infano, præcipiti, & vertiginoso sese proripuerunt cursu. Sturno tamen cicuta est esca. *Paulus Rancalmus observ. 2.*

Mandragoram hypnoticam esse testatur *Lemnius in explicat. herbar. Biblic. cap. 2.*

Cum enim is semel atque iterum speciosum ac amabilem ejus fructum negligentius in Museo collocasset,

ſomnolentiâ premebatur, quæ mandragorâ amotâ evaneſcebat. Idem Lybicus accidit in bello contra Carthaginenſes. Vinum enim in doliis immiſſâ mandragorâ corruperat Amilcar, quod Lybicus prædæ loco ceſſit: quicquid epoto omnes gravi ſomno oppreſſi fuere, relictâ Carthaginenſibus victoria. *Polyan. lib. 5.*

Scorzoneram primus deſcripſit *Matthiolus lib. 2. c. 137.* invenit in Catalaunia ſervus Aſer. Eam contra viperarum morſum præſentaneum eſſe remedium, idem, qui invenit, oſtendit. Ut proſit, ſuccum ejus haurire neceſſe eſt.

Eryngium tanta celeritate ſuum ſpargit odorem, ut inſtar ignis in proximâ quæque loca diſfundatur, inque illa ſuas exerceat vires. Quod ſi vel unica capra hanc herbam in os ſumpſerit, conſeſtim totum gregem ſiſtit, nec loco moveri, niſi herbam ore exemeris, poteſt. *Plutarchus in lib. quod maxime cum Princip. diſſ.*

Lyſimachia inſigne contra peſtem remedium eſt. Ea altius homini adalligata, deorſum peſtilens impellit virus, neque ſurſum regredi patitur. *Ruell. de natur. ſtirp. lib. 3. cap. 78.*

Cubuja eſt herba novi orbis, ex cujus frondibus ſilum ſubruſum admixtâ arenâ, ferrum ſecat. *Overan. hiſt. lib. 7. cap. 10.*

Porrum eſt herba tetrum exhalans odorem, quem tamen ex ore comedentis non exhalabit, ſi is cuminum præguſtaverit.

De Porro ſcribit Mizaldus, ſi caput ejus acuta arundine, vel ſtylo ligneo compunctum, raparumque, vel cucumerum ſemen in foramine occultatum fuerit, fore, ut caput porri aded intumeſcat, ut prodigium videri poſſit.

DISCURSUS NONUS.

EX ANTHOLOGIA.

*De natura & qualitatibus diversorum
Florum.*

PRÆFATIUNCULA.

Anthologia est scientia tractans de floribus:
quorum alii sunt purpurei aut rubicundi colo-
ris; ut narciscus, githágo, anemóne, peonia,
viola, amaranthus &c. alii cerulei; ut jasminus
(qui est flavus) hyacinthus, aquilegia, clematis &c.
alii flavi, seu luteoli, vel aurei; ut heliotropium,
caltha (officinis calendula) chrysanthemum, meli-
lótus, chamæpytis, chrysocoma &c. alii candidi &
gilvi; ut, lilium, Liliū convallium, saponaria,
convolvulus Hispanicus, cyclaminus &c. alii multi-
colores; ut geranium, verbasculum, caryophyl-
lum &c.

OBSERVATIO I.

*Quòd rarò dentur flores nigri & vi-
rides.*

Ratio hujus experientiae est, quia primum in plan-
tarum seu vegetabilium genere gradum obtinent
folia, secundum flores. Cum verò primo gradui pro-
ducto viror competat; is sane floribus competere
non potest, nisi valde rarò, & non naturâ, sed arte in-
troducitur. Vix etiam fieri potest, ut flores sint nigri;
quia color niger perfectam concoctionem, ac matu-

rationem, exsiccationemque & ultimæ perfectionis gradum denotat, qui in flores cadere non potest.

OBSERVATIO II.

Quod succis metallicis color floribus induci non possit.

Ratio est, quia succis metallicis ut plurimum edacitas quædam & vis corrosiva inest: quæ, cum tenellæ florum constitutioni inimica sit, potius ad eos destruendos, quàm tingendos deservire potest. Unde errat Baptista Porta, qui cinnaberis succo radices florum irrigatas, in colorem rubicundum mutari posse opinatur. Errant, qui ochrâ, sandaracâ, auripigmento insuccatos flores in fulvum seu flavescens colorem degenerare posse sibi persuadent. Falluntur denique, qui florum bulbis aceto prius miserè tortis ac maceratis, mineralis cujusdam succi beneficio, intensum colorem, nativo dissimilem induci posse existimant. Enimverò Natura homogenea appetit, ab heterogeneis abhorret. Quisquis igitur nova florum monstra producere desiderat, id homogeneis, hoc est, herbaceis, & non quibuslibet herbaceis, sed flori tingendo naturæ quadam similitudine sympathicis succis perficiet.

OBSERVATIO III.

Quod arte emphyteutica seu insititia, novi colores, à nativis differentes, floribus induci possint.

Experientia hoc docet primò in amygdalo, quæ arbor pyro insita, colores florum pyri, dum floret, assumit. Secundò in rubra pastinaca, sive rapo hæmatite, cui si candidi floris bulbus insertus fuerit, non candido ampliùs, sed sanguineo fulgebit colore. Tertiò

in Rosa candida, quæ iuncta rubicundæ, producit rosam utriusque coloris participem. *Quartò* in gelsimino, quod insitione in genistam factâ, deduci potest in flores aurea pulchritudine conspicuos. Eadem arte emphyteutica plura alia diversarum plantarum semina ita committi possunt, ut communem quandam, uti Naturæ, ita coloris reciproci usum obtineant.

Quod dixi de insitione gelsimini in genistam, id *Joannes Baptista Porta in sua Magia naturali* enucleatius his verbis exponit. Insitione doceamus, quomodo Rosa & gelsiminus, sive jasminus flavescant: quia genistæ flos inter cæteros maximè flavus enitet: nos cum rosa & jasmino amulari querimus, & sociatio, cum non sit jugabilis per furculum, vel infoliationem, ideo rosam juxta genistam serimus, eam cum genitili terra transferimus; adeo & libentius in sinu parentis, quàm novercæ adolescunt: ac terebramus plantam, cumque plagam purgavimus, ipsam undiquè abram inferimus. Luto circumlinimus, & ligamus: mox ubi crescentis trunci vi fuerit coercita, à radice separabimus, & supra insitionem truncum rescindimus, sic rosa non illepidata venustate flavescit, sic jasminus adeo eleganti luceñtique colore splendet, ut oculorum aciem perstringat.

OBSERVATIO IV.

*Quod facili negotio flores albi in rubros
mutari possint.*

Sumito terræ pinguissimæ quantum volueris: sicce-
stur ad solem probe, donec in pulverem tenuissimum
redigi queat, deinde cum in vase aliquo reposita fuerit,
germen aliquod florum alborum implanteretur. Verùm
cavendum, ne terra aliâ aquâ, quàm sequentibus irri-
getur. Itaque si ex albis floribus rubros efficere velis,
sumito

sumito ligni brasili, minutim incisi, quantum sufficit, & coquatur in aqua usque ad consummationem tertiæ, vel quartæ partis, & fiat aqua rubra, quâ terra bis in die, manè scilicet & vesperi, paulatim humectetur. Hoc autem tamdiu faciendum, donec plantula crescere incipiat, nempe per quindecim, aut viginti dies. Cavendum autem, ne sub diò noctu relinquatur, propter rorem, quem facile imbibit. *Hactenus Bapr. Porta.*

OBSERVATIO V.

Quod facili, non tam arte, quàm industriâ effici possit, ut unica violarum planta omnes omnium plantarum colores referat.

OMnia singularum plantarum semina confusa in tenuem cannulam, aut detritum linteolum include, & terræ optimæ, subactæ, ac stercoreatæ, ut fieri solet, committe, quodque intendisti, consequeris. Experimentum (inquit Mizaldus) mihi sæpenumero probatum, summa cum voluptate, miraberis.

OBSERVATIO VI.

De præcocitate rosæ, quod scilicet fieri possit, ut rosæ ante consuetum naturæ suæ tempus, verbi gratia tempore verno aut hiberno proveniat.

SI præcoces rosas habere velis, duobus palmis in gyrum circa radicem effodito, & aquâ calidâ manè ac vesperi irrigato.

Alium modum præscribit Joan. Baptista Porta, qui in *Magia naturali* sic scribit: Circa mensem Octobrem, calcem inter fictilia vasa serito in terram cribro succretam, & stercore admixto liquidiorē factam, bis in die calida fovebis aquâ: & si aer vento exagitatus, vel immoderata pluvia erit, in contactam inferes domum. **Ubi**

bi verò gelicidia, & hiberni imbres cessavêre, & aëris evocatur mollities, soli expone, si diei permittit ap-
citas. Hoc dum tempus expostularit, & primum ver
affulserit, & calyce germinare incipiente, calidiori aqua
infundatur: jugi enim & lenta scaturigine gaudet. Sic
prima erumpet rosa, quæ erat inter vernos flores no-
vissima. *Huc usque Porta.*

Quod si rosa æstare media bis per diem rigetur, putat
Democritus eam mense Januario fructum allaturam.

OBSERVATIO VII.

*Quod rosæ recentes & vegetæ anno integro ser-
vari possint.*

R Ecipe vini & salis quantum satis est, idque in ollam
fundito, deinde rosis, quas servare cupis, eam im-
pleto (oportet autem colligete rosas adhuc conclusas)
atque ollam operculo obturato, inque cellam reponi-
rò. Quibus cum uti voles, eas vase detecto eximito, at-
que ad solem vel fornacem exponito, ut dehiscant. Ha-
bebis autem rosas tam pulchras & odoratas (inquit
Gaspar Schwenckfeldius) quasi recenter essent decer-
ptæ. Alii conservant rosas recentes, immergendo eas
in amurcam, ita ut liquor eis supernatet.

OBSERVATIO VIII.

*De Rosæ per artem ex cineribus suis redi-
viva.*

Admirandum est, quod de rosæ per artem ex cine-
ribus suis rediviva narrat *Rosenbergius Rhodologia*
cap. ult. Quidam magni nominis Medicus Cracoviæ
in Polonia, tanta industria cinerem ex omnibus hujus
plantæ (rosæ inquam) partibus, apparabat, ut omnes
earum scitè conservaret spiritus. Cinis, admotâ vascu-
lo candela, aliquantulum incallescens, apertæ rosæ e-
mit,

mittebat speciem; quam sensim crescere; vegetari; ac penitus formam caulis, foliorum, floridæque rosæ umbram, ac tandem explicatissimam rosam producere, cernebant adstantes. At cardela remota redibat in cinerem rosa.

OBSERVATIO IX.

De conservatione recentium Liliorum per totum annum.

Quidam lilia per totum annum recentia conservant hoc modo. Auferunt ea (inquit Anatolius, & ex eo Weckerus *lib. 9. de secret.*) unâ cum ramulis nondum aperta, sed adhuc conclusa, imponuntque in vasa fictilia nova, non picata, deinde vasa cooperta reponunt, atque sic recentia totum annum durant. Si quando autem medio tempore quis eis uti velit, soli exponat, quo concalescenda aperiantur.

OBSERVATIO X.

De Floribus cujusdam herbæ, mirifica, & inusitata virtute præditis.

IN India Orientali crescit herba, cujus flores à furibus permiscuntur cibis eorum, quos deprædari volunt. Mente enim quodammodo alienantur, quotquot inde comederint, atque insuper in risum solvuntur, omnemque furi libertatem, furandi quidquid libuerit, permittunt: ignari, ubi sibi restituti fuerint, quid à furibus actum sit. Durat hæc mentis alienatio 24. horarum spatium. Ajunt nonnullas meretrices, adulteriari volentes cum maritis (præsentibus, & in eodem lecto jacentibus eorum uxoribus, sed, ubi de floribus illis aliquid degustaverint, nihil eorum, quæ aguntur, intelligentibus) tam peritè hoc medicamentum temperare posse, ut ad certas horas, quotquot voluerint, operationem suam exerceat. Nomen floris & herbæ consultò reticeo.

OBSER-

OBSERVATIO XI.

De Natura Tulipæ.

Tulipæ nomen suum à similitudine pilei Sclavonici, quem Turcæ vocant tuli-pant, derivarunt. Hi flosculi varietatis amantes, quotannis colores suos vel mutant, vel corrigunt. Certè ingens in iis est colorum concursus & concertatio: quando aliæ simplices, aliæ mixtæ & variegatæ; hoc est, punctis, maculis, taniolis, striis interspersæ sunt: aliæ russæ, rusæ, miniatæ, sanguineæ, spicæ, dilutæ, saturæ, odoræ & inodoræ sunt: aliæ rubro-albæ, flavo-rubræ, viridi-rubræ, flavo-albæ &c.

Quæ tuliparum varietas nonnunquam certat cum earum pretio & æstimatione. Ante annos non multos quidam tulipam novo colore eoque exotico in horto suo enatam, tanto amoris extraordinarii affectu persecutus est, ut eam alteri emere cupienti, & mille florenos offerenti, vendere recusaverit. Sed ecce flosculus iste tanto æstimatus pretio, nocte insequente periit, bulbo ipso dente subterranei muris arroso, & Domino suam infelicitatem deplorante. *Lipsius lib. 2. de Constantia.*

OBSERVATIO XII.

De Flore, in quo Passionis Dominica instrumenta expressa sunt.

FLorum Regina est Granadilla, Flos Indicus, sub PAULO V. Romam allatus. Is rosa major est, & odore melior, qui CHRISTI patientis instrumenta & signa in seipso mirabiliter expressa repræsentat. P. Eusebius Nierembergius *natural. hist. lib. 14. cap. 10.* sic eum describit: Granadilla supra foliorum ambitum quinque corallia, tanquam vulnera, ostentat: surgit in medio columna cum basi & capitello: ex ea quinque virgulæ

gulæ velut in coronam coeunt. Eminent clavorum instar, tria ferrei coloris germina. Gracilis, instar hederæ, vicinæ arbori crescendo inserpit, foliis mucronem lanceæ præferentibus incumbens. Fructus ovi anserini, coloris aurei, rufulis aliquot maculis inspersus est. Semina nigra & rotunda; succus melleus ventriculo roborando prodest. Simul in eadem planta flores frutuosusque toto anno videas.

OBSERVATIO XIII.

De variorum florum qualitatibus.

A Nemone, flos Adonidis, nunquam se aperit nisi vento spirante, unde & nomen illi. *Plinius lib. 21. cap. 23.*

Formosus flos est, brevis est tamen usus in illo, Namque male hærentem, & nimia levitate caducum Excutiunt iidem, qui perflant omnia venti.

Heliotropio formicæ necantur, obturatis hoc foræ foraminibus. Si ejusdem succo circumscribatur scorpionis cavernula, nunquam ille egreditur: si autem flos ipse, aut herba cavernulæ imponatur, emoritur. *Matthiol. ad lib. 4. Dioscorid. cap. 186.*

Flores corni exitium afferunt apibus; hæ enim illis degustatis, cita alvo moriuntur. *Fontanus in Thavmatographia class. 5. de plantis, cap. 14.*

Flores buxi adeo sanguinem purgare feruntur, ut si, post sumptam unam drachmam pulveris, ex his floribus confecti, vena, interposito unius horæ spatio, incidatur, sanguis floridus emanet, qui antea sæculentus fuerat. *Petreus in Nosol. Harm. disc. 14.*

Flores trifolii futuræ tempestatis sunt prænuncii: hac enim adveniente, illi contra eam eriguntur. Observatum est, copiosos trifolii flores, crebras anni pluvias, & aquarum inundationes, paucos verò, siccitatem portendere.

Flores

Flores mori non nisi exacto frigore prodeunt: quando autem prodeunt, tanta festinatione acceleratur eorum germinatio, ut non sine strepitu tota arbor una nocte floribus operiatur. *Plinius lib. 16. c. 25.*

Si quis impleverit vas fictile floribus Persici, & obturato ore permiserit dies aliquot sub terra macerari, vel in fimo putrescere, poterit inde exprimere oleum, quo si inungantur tempora, pulsus, & spina dorsi, ante accessiones febrium putridarum, certo experimento illæ curabuntur, si Mizaldo fides adhibeatur.

Aqua stillaritia ex floribus tilia, pueris epilepticis mirandum in modum confert, teste Mizaldo, quocunque modo ministratur. Sunt, qui ei sociant viscum quercinum, successu admodum felici & oprato.

Liliorum cepacei bulbi in aqua decocti, faciei ruborem tollunt, si matutinis & vespertinis horis illinantur.

DISCURSUS DECIMUS.

EX THAMNOLOGIA.

De natura & proprietatibus quorundam fruticum.

PRÆFATIUNCULA.

Thamnologia est scientia de fruticibus. Porro frutices dicuntur illæ stirpes, quæ inter lignosas sunt altitudinis & crassitie mediocris; cujusmodi sunt corylus, prunus, paliurus, sambucus, hedera, cinnamomum, balsamum, vitis, rhamnus, ferula, tamariscus &c.

K

OBSER-

DISCURSUS X.
OBSERVATIO I.

De Balsamo.

Folium balsami, quod rutæ simile est, perpetuò viret. Succus ejus recenter ex arbuscula extractus (extrahitur autem, si cortex ejus vitro, lapide, vel ossæ cultello incidatur) albus est: exacto quinquennio auri formam induit, decennio retinet, mediocriter crassus. Ab hoc tempore odorem ita deperdit, ut non nisi fricatione deprehendatur.

Olim copiosus erat proventus balsami in Judæa, idque in duobus regiis hortis, quorum alter viginti, alter pauciora jugera complectebatur. Hodie sola ferme Ægyptus balsamum producit. Nam Reges Ægypti (si vera est historicorum opinio) Judaicæ Magnificentiæ æmuli, pretiosam hanc arbusculam ex Judæa translatam in Ægyptum, hortis suis implantaverunt. *Plinius lib. 12. cap. 25.*

OBSERVATIO II.

De Cinnamomo.

Hic frutex nascitur extra Europam in Zeilam, & in una ex Insulis Moluccis, cui nomen *Mutir*. Nul- lum gerit fructum; solus cortex in pretio est, qui æstu finditur, & bis in anno deglubitur. Is primum dulcis, menstruo deinde spatio perficitur.

Tantæ cinnamomum, ad sanitatem conservandam, vitamque prolongandam, est efficacæ, ut Boranicus quidam exclamet: *Cur moritur homo, qui utitur cinna- momo?*

Tanta cinnamomi fuit tempore Galeni penuria, ut non nisi apud Imperatorem reperiretur. *Galenus lib. 1. de antidot.* Sed & nunc tale vix reperiri quale describit Galenus, testatur *Scaliger Exercitat. 144.*

Virtutem suam cinnamomum per triginta annos non

non servat. Itaque senectutem sentit; quod imperitè quidam negarunt. Audiamus Galenum. Quo tempore, inquit, Antonino Imperatori theriacam paravi, vasa lignea, in quibus cinnamomum inerat, multa conspexi, alia Trajani, quædam Adriani, nonnulla Antonini ætate reposita, omniaque hæc sese & saporis & odoris imbecillitate, vehementiaque tantum plane superabant, quantum & tempore differebant.

OBSERVATIO III.

De Vite, & iis, quæ à vite oriuntur, videlicet

Uvis, vino, aqua vite, aceto.

Nonnullæ vites ter quotannis fructum ferunt, teste Dalechampio *ad cap. 27. lib. 16. Plinii*. ubi ait, se tales vites multis in locis conspexisse, præsertim Lugduni in horto Guilielmi Caulii.

Partes, ex quibus constituitur vitis, sunt diversæ: palmes, malleolus, flagellum, capreolus, duramen, pampinus. Palmes, seu sarmentum, est longior luxuriantis vitis virga, dividiturque in variis species. Alius enim appellatur *focaneus*, qui in bifurco medius profilit: alius *racemarius*, seu fructuarius, qui fructum, seu racemum parit: alius *orbis*, qui fructu caret: alius *pampinarius*, seu colis, aut coliculus, qui tantum fundit frondem: alius *refex*, seu præfidiarius, aut subsidiarius colis, qui putatur ad fructificandum. Malleolus, seu malleolaris virga, est palmes novellus plantationi idoneus. Flagellum dicitur summa palmitis pars, & cyma. Capreolus seu clavicula appellatur crinis, annulus, coliculus viteus, qui est in modum cincinni contortus. Duramen, sive duramentum est vitis brachium. Pampinus est folium, seu foliosus ramus.

Partes Uvæ sunt scapus, acini, folliculus, vineus. Scapus est racemus, seu botrus, unde acini, seu

globuli edules dependent. Folliculus est botri & acinorum corium. Vinaceus seu vinaceum est granum acini.

Vinum, hoc est, succus Uvæ, bibendo melius quam scribendo innotescit. Quamvis non desint homines qui aliis etiam modis, videlicet, non ore, sed pedibus non gustando, sed calcando, in notitiam vini devenire soleant.

Quem inusitatum vini probandi modum recenset *Quercetanus in Diætetica* his verbis: Omnia Vasconia vina, quæ mari in varias provincias avehenda, Burdegalam comportantur: illuc convecta in cellas publicas immensæ longitudinis ac latitudinis, ut forum vinarium verè dici possint, in hunc finem constructas, & ab urbe paulisper subductas, reponuntur; atque ita compressis ordinibus seriatim componuntur, ut inter ordines desit spatium ad perforandum dolium, è quo vinum hauriatur. Quo fit, ut Mercatores vina empturientes, & in hac re versatissimi, non ex gustu vini novent, quæ probent, vini dolia; sed super singulorum ordines vasorum gradientes, & in singulis vasis gressum prementes, facile dignoscant, quæ spirituosiora sint & leviora, eaque sigillis suis adnotent. Levius enim ac agilius super meliora incedunt vina, quàm super crassiora, ac terrestriora, quæ graviolem & tardiolem gressum reddunt. Ita *Quercetanus*.

Vinum optimum nunquam senescere, scripsit *Galenus de Theriaca*: ducentis aliqua durare annis testatur *Plinius*.

Vinum corruptum faceffit in acetum, naturali ejus calore dissoluto.

Aceto vires inesse, putredini & putrefactioni contrarias (saltem in certa materia) testantur artis Chirurgica periti, & comprobant multæ experientia.

Dixi

Dixi, *in certa materia*. Nam si acetum metallis superfundatur, æruginem, rubiginem, & similia alia putredini affinia producit: sicut & plumbum in cerussam convertit. Itaque acetum in metallis non adversatur putredini, sed potius eam promovet.

Quod acetum microscopio inspectum exhibeat oculo vermes serpentiformes, sinuoso gressu, eoque satis celeri reptantes, testantur *Borellus observat. microscop. 1. Joannes de Mey in cap. 4. Gadart. de insect. seu Metamorph. natur. p. 52. & alii*. Atque hi vermes interdum solo visu acri ad radios solares cernuntur, absque alio instrumento optico, ut observavit *Baccius de natur. vinor. histor. lib. 1. cap. 23*. Quod si acetum aquæ limpidae misceatur, fluitare longiusculos in vitro vermiculos, & manifestè cerni, testatur *Thomas Bartholinus Centur. 4. observat. hist. 13. ex relatione fratris sui Erasmi*.

Nardius *in Noctib. Genial. noct. 1. p. 75*, asserit, non in omnibus, sed in aliquibus duntaxat vini generibus, reperiri vermes, nimirum in iis, quæ ex vappa, & debilibus, minimeque generosis vinis confecta sunt. *Borellus* tamen *observ. 1.* in acetis etiam acerrimis, & ex vinis generosissimis confectis, vermiculos ope microscopii deprehendit: Quod confirmans *Panarolus observat. 4.* In omni, inquit, aceto reperiuntur vermes, & quod acetum est acrius, eò copiosiores fluitant vermes, figurâ oblongâ, tenues, cum parvo capite, qui enecantur, si theriaca aceto addatur.

De Aqua vitæ (quæ est filia vini, tam naturalis, quam artificialis, diciturque aliàs *Elixir, Aqua auri, Cælum Philosophorum, Quinta essentia, Anima vini, Aqua divina & Clavis Philosophorum*) miranda scribunt Alchimistæ & Medici, imperitis impossibilia. *Matthiolus in lib. 6. Dioscorid.* vocat eam antidotum ad omnia.

Antonius della Scarparia, dum octuagesimum æta-

tis annum ageret, dictitare solebat: *O aqua vita! per te jam mihi vita annis viginti duobus prorogata fuit.* Ita de eo scribit Savanorola *de arte conficiendi aquam vitam simplicem & compositam.* Delectabatur etiam hac aqua Franciscus I. Dux Mantuæ, propterea quod ob frigiditatem, ventriculi ventositate vexaretur. Testatus est, se inter tot, & tam multiplicis ordinis medicamenta, nullum magis salutiferum, quam aquam vitæ, expertum esse. Inter complures alias hujus aquæ proprietates & operationes, hanc etiam recenset Heurnius *lib. 1. Prax. Medic.* quod ea, quæ illi immerguntur, viginti quatuor horarum spatio suis exuantur viribus.

OBSERVATIO IV.

De Arundine.

TRaditum à pluribus rei agrariæ autoribus est, inter arundinem & filicem naturale & intestinum esse odium; ita ut, si arundo vomeri alligetur, facile filix necetur & eradicetur. Asparagis verò magna cum arundine amicitia intercedit; unde si in arundinetis ferantur, mirificè proveniunt. *Matthiol. in Dioscorid. lib. 1. cap. 97.*

In India ad tantam excrefcunt molem arundines, ut singula internodia navigiorum vicem præstent per fluvios & lacus, unius arundinis alveo ternos homines capiente. *Matthiol. loc. citat.*

OBSERVATIO V.

De Ferula.

Ferula æstuosis nascitur locis. E prima ejus germinatione, corculum quoddam eximunt pastores, oviluteum induratum referens. Id sub cineribus assum, prius tamen charta madefacta obductum, mox pipere & sale conspersum, non modò gustui gratissimus ci-
bus

bus est, sed magnopere etiam ad naturæ languentis excitationem, spirituumque vitalium contortationem deservit. *Matthiol. ad lib. 3. Dioscorid. cap. 76.*

Natura ferulæ murænis infestissima est, tactæ siquidem eâ emoriuntur. *Plinius lib. 20. cap. 33.* Imo & cæteris jumentis præsentaneum est venenum. Solis asinis gratissimum præbet pabulum. *Jonston. in Thaumato-graphia class. 5. de Plant.*

DISCURSUS UNDECIMUS.

EX PHRYGANOLOGIA.

*De Natura & Proprietatibus quorundam
suffruticum.*

PRÆFATIUNCULA.

Phryganologia est scientia de suffruticibus. Cæterum per suffrutices intelliguntur illa stirpes, quæ sunt minime inter lignosas altitudinis & crassitie; cujusmodi sunt ruta, salvia, rosmarinus, helenium, myrtus, & complures hisce similes, de quibus Botanici.

OBSERVATIO I.

De Ruta.

Ruta præstans antidotum est contra venena. Hinc mustela cum serpente congressura, præsidio rutæ sese communit. Sed & epilepsia insignè remedium est, fortuito à rustico inventum. *Camerarius Cætur. 3. memorab. 36.* Contundenda est ruta, & epileptici naribus (nisi fallor) admovenda, aut inferenda. Succus rutæ tollit obscuritatem oculorum, sistit sanguinem è naribus

ribus manantem, & sedat dolorem aurium; si oculis, naribus, auribus indatur. Expediit hanc plantam hi-berno tempore cineribus contegere, ne à frigore lædatur. Eadem bis in anno, ad promovendam ejus cre-scentiam, usque ad radicem resecanda est.

Scribit *Josephus de bello Judaico lib. 7. cap. 25.* rutam admirandæ magnitudinis Macherunti visam esse. A nulla enim ficu celsitudine vincebatur.

OBSERVATIO II.

De Salvia.

Salviam non rarò inficiunt bufones, admorsis ejus superioribus & extremis partibus. Cujus mali non est aliud remedium, quàm si ruta juxta salviâ plantetur. Bufones enim atque serpentes non modò rutam, sed & umbram ejus fugiunt, ac pertimescunt. Quam in rem *Migaldus Horti Medici campo 6. area 3.* Ruta, inquit, vi præsentanea venenis resistit, nec ullum serpentis genus, quàm se longissimè ejus umbra porrigit, uspiam admittit.

Salvia à prægnante comesta conceptam prolem continet, redditque vitalem. *Matthiolus in lib. 3. Dioscorid. cap. 34.* Sed & matricem ad conceptionem fœtus disponit, feminasque reddit fœcundas. Tradunt certè Historici, in Copto Ægypti post sævam pestilentiam, quâ multi homines interierunt, mulieres bibisse decoctum salviæ, & multorum liberorum matres effectas esse.

Salvia in multis Asiæ locis est pomifera. Cosentiaæ apud Calabros quædam in horto gallam subcineritii coloris produxit: cujus testis oculatus est *Scaliger Exercit. 168.*

OBSERVATIO III.

De Roremarino.

Rosmarinus tam copiosus in Gallia sponte provenit, ut instar vulgarium lignorum utatur, & foco instruendo deserviat: tamen super crassus ist, ut ex eo integræ mensæ conficiantur.

Roremarino in Anglia ad sepiendos hortos suturetur. De quo *Barclajus in Icon. anim. cap. 4.* sic scribit: *Rorismarini planta apud multas gentes ipsâ curâ, quâ educatur, est pretiosa; hic (in Anglia) vulgaris, & nonnunquam in sepes, velut ad hortorum custodiam stipata.*

Deservit rosmarinus ad purificandum sanguinem, confortandum cor, clarificandos oculos, tollendas obstructions hepatis & lienis &c.

OBSERVATIO IV.

De Absinthio.

Absinthium alii inter herbas, alii inter suffrutices numerant: opinionem illorum secutus sum supra discursu 8. observ. 4. istorum, in præsentia.

Mira in multis est natura absinthii, inquit ex *Mathiolo Jonston. in Thaumato-graph. class. 5. cap. 11.* Amarum ipsum, aquâ tamen ejus stillatitia dulcore imbuta invenitur. Hinc imis partibus & ipsum dulce commentatoribus Mesue videtur. At externarum partium tenuitati res debet adscribi. Hæ siquidem in vaporem resolvables, ignisque calore magis attenuatæ, faciliè resolvuntur, & amaritudinem remittunt. Lixivium, ex quo sal ejus paratur, manus ita afficit, ut sensum tactus ferè amittant. *Hac ille.*

OBSERVATIO V.

De nonnullis aliis suffruticibus, ut helenio, amaraco, lavendula, &c.

Helenium ad ortum solis, quasi præ reverentia capite nutans recilnatur, cum se rursus erexerit, confistit, solemque semper respiciendo sequitur, donec occidat.

Amaracus sive Majorana, est cephalica planta, & ad confortationem cerebri atque memoriæ inprimis conducit. Prodest quoque Caco stomachis, & atrophîâ, morboque caduco laborantibus.

Lavendula & Spica nardi ictericorum est medicina, aliisque pluribus medetur utraque morbis & infirmitatibus: de quibus consulantur Botanologi.

Carduus benedictus (qui & ipse à multis in classe suffruticum reponitur) Angelicæ suppat, veneno & pestilentia resistit, expellit e corpore bilem, & putrescentes e ventriculo humores, adversus colicam, sanguinis impuritatem, vertiginem capitis, obstructions hepatis & lienis, tertianas denique febres utiliter usurpatur.

DISCURSUS DUODECIMUS.

EX DENDROLOGIA.

De variis Arboribus, earumque naturis & proprietatibus.

PRÆFATIUNCULA.

Dendrologia est scientia de Arboribus, hoc est, de iis stirpibus, quæ in altum excrescunt, & e stipite expandunt robustos ramos, obteguntque se

se frondibus. Earum varia sunt species, ut pomifera, pyrifera, Baccifera; verbi gratia: Laurus, myrtus, Sorbus silvestris, &c. Item nucifera: ut juglans: aromatifera, ut caryophyllus: resinosa, ut pinus: fecunda, ut pyrus: steriles, ut alnus, betula, ornus, cedrus, salix, tilia, buxus, cupressus, & alia.

OBSERVATIO I.

De duabus Arboribus, quarum altera mel, altera farinam in se continet.

IN Hircania est arbor similis quercui, cujus folia in ulto melle tinguntur, sub ortum solis ab incolis colligendum: quod tempus, nisi observetur, mel evanescit. *Curtius 6. Histor.*

In Terenate Insula quædam arborea crescit planta, summo fastigio in orbiculatum caput, brassicæ capitatae instar, extuberans, in cujus meditullio candidam quandam profert farinam, quam incolæ aquâ inspersa deplunt & pinunt, loco panis comesturi. Quod si adjungatur modicum piperis aut cinnamomicum saccharo, servit ipsis inter tragemata pro deliciis: *Clusius in descript. peregr. stirp.*

OBSERVATIO II.

De duabus Arboribus, quarum altera est ferrea, altera lapidescens.

IN Java majore ajunt esse ratam arborem, cujus medulla sit ferrea, ab imo ad summum usque fastigium porrecta: fructum quoque ferro impenetrabilem gignere dicitur. *Scaliger Exercitat. 181. Sect. 27.*

Matthiolus *epistola 3.* testatur se in Bohemæ montibus

ribus vidisse abietem , cujus truncus in rigidissimum saxum fuerit conversus.

OBSERVATIO III.

De duabus Arboribus, quarum altera est lanigera, altera Metalla, aliaque, præter succinum attrahit.

IN Insula Tylos lanigeræ sunt arbores : quarum fructus sunt similes cucurbitis, amplitudine mali cydonæi : ex quibus maturitate ruptis eximuntur pilæ laneæ, & inde pretiosi lintei vestes conficiuntur. *Plinius lib. 12. cap. 10.*

Auctor Acerræ Philologiæ *lib. 1. num. 139.* mentionem facit cujusdam arboris, oleæ magnitudine, florum, fructusque expertis, crassis sub terra radicibus brachii instar crescentis : cujus dodrans aurum, æs, argentum, lapides & alia præter succinum ad se trahit.

OBSERVATIO IV.

De duabus Arboribus mira fecunditatis.

Malus Assyria omnibus horis pomifera est : aliis cadentibus, aliis maturescantibus, aliis subnascentibus. Eam variæ gentes tentavêre ad suum transferre clima, sed non nisi apud Medos & in Perside nasci, eventus docuit. *Plinius lib. 12. c. 3.*

Idem Plinius *lib. 17. cap. 16.* scribit se arborescens vidisse apud Tiburtes Tullias, omni genere pomorum onustam : alio ramo nuces, alio baccas, alio uvas, alio ficus, alio pyra, alio varias pomorum species gerente; sed brevem ei fuisse vitam : in eoque similem magnis ingeniis, quæ rarò sunt vitalia.

OBSERVATIO V.

*De duabus Arboribus, alterâ mira magnitudinis,
alterâ pernitiôsâ qualitatis.*

IN Thacochovia, Novæ Hispaniæ Provincia, reperitur arbor cava, cujus cavitas interior novem, exterior autem rotunditas sedecim orgyas complectitur. Ejus rami ac frondes tam latè se diffundunt, ut mille hominibus umbram præbeant. Plinius quoque *lib. 12. cap. 1.* meminit cujusdam plantani in Lycia, cujus cavitas ad pedes Geometricos 81. extendebatur, rami & frondes integrum campum inumbrabant, totaque arbor non tam arboris unius, quàm integræ silvæ speciem referebat.

Quod attinet ad alteram arborem, exitiali qualitate formidabilem, est ea (ut alias complures præteream) napellus; cujus virulentia ante annos non multos duorum interitu pastorum innotuit. Rem narrat *P. Arhan. Kircher in Art. magn. Luc. & Umb. l. 1. p. 2.* Est, inquit, Romæ mons quidam, omnium eorum, qui campos Romanos cingunt, longè eminentissimus, Tyburtino agro incumbens, nomîne Januarius, vulgò *Monte Gennaro*. In hujus summitate montis, duo non ita pridem pastores caprarum sub arbore quadam intra exiguum tempus extincti reperti sunt. Quos dum Medici, ad examinandam mortis causam, inspiciunt, omnique plaga & vulnere carentes reperiunt; Livor vulnrum nescio cujus veneni latentis manifestum tandem præbuit indicium. Sed dum nemo veneni qualitatem cognosceret, admiratione defixi, causam sollicitius investigant. Consultis tandem rusticis, qui montis naturam probè norant, reppererunt mortis causam fuisse Napellum racemosum, virulentissimi Veneni arborem, in hac montis solitudine non infrequentem, sub cujus

um-

umbra æstuentes sese prostraverant, virulentaque evaporatione oppleti, dormierant simul, & æternum obdormierant.

OBSERVATIO VI.

De duabus arboribus, quarum altera à sole, altera ab humana manu attacta marcescit & senescit.

IN India est arbor, à Costa appellata *Mimosa*, quæ manu admota senescit ac marcescit, remotâ revirescit. De aliâ simili mentionem facit *Garzius ab Horto*.

Auctore Costa *in descript. Antipodum*, arbor quædam nocte pulcherrimis, suavissimisque onusta floribus, simul atque à solis illustratur radiis, tota marcescit. Quod tenuitati spirituum, qui à calore solis evocantur, & penitus resolvuntur, adscribendum censeo.

OBSERVATIO VII.

De Arbore, quæ venenum pariter, & veneni antidotum in se continet.

NOn procul à Malacca est arbor, cujus cum multæ sint radices, in varias dispertuntur partes & vires, easque prorsus contrarias. Quæ enim ad Orientem spectant, antidotum præbent adversus venenum, quæ ad occasum, ipsissimum sunt venenum. *Refert Clusius, & ex eo Caussinus in Symbol.*

Eâdem Naturæ benignitate, mala malorum remediis corrigente, provisum est, ut ubi crescit Napellus, venenorum omnium maximè peremptorium, ibidem etiam proveniat quædam alia planta, Napello aspectu similis, sed viribus planè dissimilis, imò contraria, utpote remediū adversus Napelli venenum suppeditans. *Mathiol. lib. 4. Dioscorid. cap. 73. Lobelius de stirpibus pag. 301.*

OBSERVATIO VIII.

De Arboribus, sensatione quadam præditis, & motum progressivum exercentibus.

Robertus Harcurtius Anglus, qui Anno 1608. Guianam novi orbis regionem auriferam lustravit, in relatione de rebus ibidem visis gestisque commemorat, se in prædicta regione vidisse, & 40. aliis Anglis monstrasse arborem, cujus folia digito tacta sese retrahunt & complicant, caputque inclinant veluti mortua. Quod si vel unicum eorum abscindatur, protinus omnia alia totius arboris folia exarescunt: quæ eadem tamen spatio quartæ partis unius horæ revirescere, & ut ita dicam, reviviscere incipiunt. Testis horum omnium est *Scaliger lib. exercitationum sect. 28.*

Huic arbori non est absimilis illa in Insula Cimbubon, cujus frondes (ut refert idem *Scaliger Exercitat. 112.*) in terram lapsæ, reptione quadam seipsas & movent & promovent. Utrunque habent quasi pedes pusillos binos. Compressæ nullum edunt sanguinem. Tactæ abeunt aut refugiant. Ex iis una dies octo servata in scutella, vixit movitque sese quoties tangere-tur.

OBSERVATIO IX.

De mirabili quadam Arbore, qua sola res plurimas humana vitæ necessarias suppeditat.

Hæc arbor appellatur Manguéis, crescitque in regione Temistitan; ex cujus perterebrato caudice succus profluit aqueus: de quo si quis largius biberit, obstupefcentibus sensibus ebrietate laborat. Cortex ad fila per commodus est, lignum ad acus, frondes propellendis morbis, & integendis casis aptissimæ. *Majolus in colloquio de plantis.*

Sed

Sed accuratius hanc arborem describens *Joan. Lud. Gottfridt in historia Antipodum*: Mangleis, inquit, est arbor admirabilis, quia aquam, vinum, oleum, acetum, mel, syrupum, fila, acus, & mille alias res similes ex seipsa producit. Provenit hæc arbor etiam in Nova Hispania, & Provincia Peruana, cujus incolæ eam magni æstimant, habentque penè singuli juxta ædes suas in quotidianos usus plantatam. Folia ejus in acumen desinunt, quo extracto extrahitur simul prælongum filum, quod acumini, tanquam acui inferunt, ad vestes consueudas. Caudicem sive truncum arboris perterebrant, & mox ex facto foramine effluit aqua, sive succus aqueus, dulcis, ad sitim restinguendam idoneus: qui si igne coquatur, fit similis vino: si ad dies aliquot reponatur, convertitur in acetum: si lentiori igne decoquatur & purificetur, fit mel: si non ex integro, sed mediocriter coquatur, efficitur syrupus quidam musteus, seu uvæ saporem referens. Atque hujus succi mensuræ aliquot singulis diebus colligi possunt.

OBSERVATIO X.

De Arbore unica seipsam ita probagante, ut tandem in integram silvam excreseat.

IN Insula Goa, vicinisque locis nascitur arbor, cujus rami tenuia deorsum filamenta mittunt, quæ cum terram attigerint, radices agunt, inque novos caudices succrescunt, multamque circa se sobolem eodem modo propagant. Ita unica arbor tandem densissimam efficit silvam, ut suis propaginibus integrum occupet milliare Italicum, umbraque suâ exercitum tegere possit. *Clusius in Garzia Histor. Aromat.*

OBSERVATIO XL.

De Arbore, cujus fructus est Draconi similis.

IN India Occidentali est genus arboris prope Carthagenam, cujus fructus perfectissimè refert formam draconis. Videtur enim esse cervice longâ, ore aperto, naribus elevatis, cauda oblonga, pedibus insistent; ita ut qui viderit, factos ex arboreis foliis dracones existimet: Ita ex Monarello *Jonstonus in Thaummatographia classe 5. de plantis cap. 17.*

OBSERVATIO XII.

De Cedro.

Cedrus est arbor altissima, tamque crassa in caudice, ut tres viri eam non possint complecti. Magna illi vis inest præservandi corpora à putrefactione & corruptione. De libris Numæ scripsit Plinius, quod illi annis plurimis sub terra defossi, manserint incorrupti, propterea quod succo Cedrino eos inunxerit: ob cujus succi excellentem amaritudinem, summamque siccandi vim, à tineis, omnisque interioris corruptionis causa Libri illi præservati fuerunt.

OBSERVATIO XIII.

De Junipero.

Juniperus est substantiæ duræ & compactæ; hinc ejus lignum ad centum annos incorruptum permanet. Quam ob causam templum Dianæ Ephesinæ Juniperinis trabibus extrui imperavit Hannibal, teste Plinio *lib. 15. cap. 40.*

Carbo juniperi accensus, & suo cinere obrutus, anno integro ignem fover, si chymicis credimus.

Medulla juniperi in Numidia est candida, in Æthiopia nigra, in Lybia purpurea. *Scaliger exercitat. 181. sect. 9.*

DISCURSUS XII.
OBSERVATIO XIV.

De Arbore Guao.

Guao est arbor Americana, folia gerens rubra, villosa, & nunquam decidua. Succus ejus adeo est causticus, ut animalia & homines, si sub illa dormiant, pilorum faciant jacturam. Fabrorum, qui illam contrectant, manus & ora ita inflantur, ut multis diebus non detumescant. *De Laet lib. i. America cap. i.*

OBSERVATIO XV.

De Arboribus Cachi & Cacavate.

Sunt hæ arbores Americanæ: quarum prior unicum tantum profert pomum, idque tam magnum, ut integrum possit onerare hominem. *Majolus colloquio de plant.*

Cacavate arbor est in Provincia Americæ Nicaragna, quæ adeo horret solem, ut sub umbra semper sit servanda, & altioris arboris tegenda umbraculo; nam sola aribus illustrata radiis tabescit. *Libavius de orig. rerum.*

OBSERVATIO XVI.

De Buxo.

Gravissimus dentium dolor sedatur, si dentiscalepium oleo buxi intinctum, & in radicem dentis affectum immisum fuerit: idque tam subito, ut miraculi, & incantationis instar, dolor prorsus evanescat. Ita sentit *Quercetanus Tetrad. cap. 16.*

OBSERVATIO XVII.

De fraxino, ejusque miris virtutibus.

Inprimis vasa ex fraxino in usum cibi potusque confecta, mira spleneticis & calculosis præstant auxilia. *Dom. Zeon. lib. i. pract.*

Vulnus

Vulnus acceptum non putrescit, sanaturque celeriter, si statim ligno ex fraxino confecto radatur seu mulceatur, aquâ frigida eluatur, obligetur, ac mundum servetur. Idque propriis experimentis viri fide digni confirmant.

Qui ex vasis fraxineis comedit aut bibit, fertur à Veneno securus esse, eò quòd putetur venenum ex huiusmodi vasis propinatum esse innoxium.

Infans recens natus, & ter continenter in macra, seu alveolo è fraxini ligno lotus, immunis esse dicitur toto vitæ tempore à morbo caduco.

Sanguis è naribus fluens sistitur, si ligno fraxini radatur, & aquâ frigidâ lavetur facies, manuque illius lateris, in quo nares stillant, idem lignum teneatur, donec incalasciat.

Fraxinei ligni frustula ambabus manibus detenta ut incalascant, adeò sistunt sanguinem, ut ne gutta quidem è scarificatione effluat, donec abjiciantur. Cujus rei experimentum fecit quidam ex ordine S. Francisci, & verum esse deprehendit.

Succus ex ligno fraxini destillatus, ac potatus, antidotum est præsentissimum contra venenum.

Fraxinus adeò venenatis animalibus, præsertim serpentibus, contraria est, ut ne quidem umbram ejus, quantumvis manè aut vesperi longissimè projectam, subeant. Et si circum in terra è fraxini foliis ab una, ex igne ab alia parte facias, serpentemque in medio aut riperam colloces; subire ignem, ac transilire potius, quam fraxinum contingere tentabit. Imò fraxineâ virgâ tactus serpens, stupefit & moritur. *Plinius lib. 16. Natur. histor. cap. 13.* hinc eodem teste Plinio, mira naturæ benignitas relucet, quòd fraxinus floreat, antequam serpentes ex antris suis egrediantur, nec folia denittat, antequam serpentes ad antra sua, æstate transactâ, sese receperint.

Cæterùm non pauci naturæ scrutatores afferunt, præcipuas virtutes, quæ ligno fraxini (quod etiam lignum vulnerarium dici solet) tribuuntur, tunc solum ei convenire, quando cæditur hora prima, quâ Sol ingreditur in Leonem. Alii tamen volunt, fraxini lignum, folia, virgas, corticem, succum, &c. virtutes suas omnes obtinere, quocunque cædatur tempore; ut tamen ligni vulnerarii virtutem habeat, (de qua supra) necessarium esse, ut dicto tempore ac hora cædatur.

Nonnulli sentiunt, cædendum illud lignum Lunâ existente in Virgine, horâ duodecimâ post mediam noctem, idque fieri posse singulis mensibus. Addunt sufficere, si sub initium dictæ horæ infligatur unus ictus arbori (alii tres ictus, fortè non sine aliqua superstitione, requirunt) dummodo eadem die abscindatur; præstare tamen ajunt, si cæsis hæc fiat die & Luna crescente, atque arbore foliis ornata. *Vid. Auctorem Jo. seniorum Natura & artis Centur. 3.*

OBSERVATIO XVIII.

De Ficu, Carthaginis excidio & exitio nobilitatâ

Ficui exitium suum debet Carthago. Nam perniciosa Carthaginis odio flagrans Carthago, nepotumque securitati consulere volens, cum clamaret omni senatu Carthaginem esse delendam, attulit quodam die in curiam præcocem ex ea provincia ficum, ostendensque Patribus: interrogo vos, inquit, quando hanc ficum puteris decerptam ex arbore. Cum inter omnes receptum esse constaret; atqui scitote, inquit, eam ante tres dies decerptam esse Carthagine: tam propè à muris nostris habemus hostem. Statim tunc decretum est tertium bellum Punicum, quo Carthago deleta.

OBSERVATIO XIX.

*De Arbore Philosophica seu Chymica, ad oculum
notabiliter crescēte.*

Accipe argenti puri, seu cupellati drachmam dimidiam, & solve in una drachma aquæ fortis. Accipe item argenti vivi drachmas duas, & solve in una drachma aquæ fortis. Has duas materias commisce, & immitte intra vas vitreum, atque affunde communis aquæ libram unam, ac bene obtura. Videbis arbo-rem quotidie ad oculum, & notabiliter crescere, tam in trunco, quàm in ramis. *Schroventer in Deliciis Ma-
the. part. 16. quæst. 4.*

OBSERVATIO XX.

De nonnullis exoticis Arboribus.

IN Provincia Peruana sunt arbores, quæ medio an-
no una sui parte, & altero dimidio anno, altera sui
parte fructum ferunt.

In Hispaniola est arbor, quæ ab incolis appellatur
Xagua, ex cujus fructu pellucida manat aqua, quæ
omnia, quibus aspersa fuerit, nigrefacit, adeò, ut nulla
lotione mundari possint: at die vigesima nigredo spon-
te decedit. *Ovetan. summ. cap. 77.*

In Agro Neapolitano fuit arbor trifurcata, dicta *Hor-
ti delictum*. Ex uno ramo uvæ ferebat vinaceis vacuas,
easque medicatas, utpote somnum, aut alvi dejection-
nem efficientes. In altero ramo erant persica, partim si-
ne osse seu nucleo, partim nucleo amygdalino repleta,
variasque hominum aut bestiarum facies præferentia.
Et tertio ramo dépendebant mala aurea, cum cerasis
nucleo carentibus, iisque partim acidis, partim dulci-
bus. Cortex ipse floribus confusus erat. *Narrat Joan. Ba-
ptista Porta in Mag. nat.*

In America est arbor dicta *Cocos*, cujus rami singulis mensibus semel fructum ferunt, sed alternante fecunditate; ita ut unus ramus post alterum successivè fructum producat. *Ludovicus Godefridus in Histor. Antipodum part. 1.*

DISCURSUS DECIMUS TERTIUS. EX ZOOLOGIA.

De docilitate, solertia & astutia, variorum animalium.

PRÆFATIUNCULA.

Zoologia est Scientia generalis, tractans de animalibus in communi: de quibus variæ solent moveri quæstiones, non utilitate minùs, quàm curiositate placentes. Ego hic nonnullas tantum observationes, seu specimina docilitatis, astutiae, & solertiae, à diversis animalibus edita, commemoro. Porro quinque sunt species Zoologiae. Entomologia, Ichthyologia, Ornithologia; Tetrapodologia, Anthropologia, quæ sequentium discursum erunt argumenta.

OBSERVATIO I.

De Castoribus, raro solertiae specimine lignatum euntibus, & conquistata ligna domum convehentibus.

Castores gregatim lignatum eunt, arboresque dentibus succidunt; quæ, cum ruinam minari incipiunt, ad omnem illi ictum sollicitè circumspicientes & suspicientes, quam in partem casuræ immineant, ne incauti opprimantur. Ligna comparata & compor-

tata, ventri alicujus, & quidem non civis sui, sed peregrini & advenæ superimponunt velut plastro: quæ ille in tergum resupinatus aptè composita compressis cruribus, ne delabantur, complexus, & ad istum modum onustus, cauda à cæteris ad spelæum pertrahitur. *Gesnerus ex Olao Magno.*

Est & illud solertiæ non vulgaris argumentum, quòd Castores mirabili architectura, diversis con tignationibus bicamerata, aut tricamerata sibi struere soleant cubilia.

OBSERVATIO II.

De Vulpe, pulices astutè excutiente.

Vulpes pulicum morsus sentiens, & ab ingratis hospitibus liberari cupiens, stipulam siccam ore corripit, ac paulatim corpus aquæ immergit. Pulices insolito frigore ac humiditate perculsi, ad tutoria & sicca se recipiunt. At vulpes sensim profundius se immergit, donec omnes in capite conveniant, quo similiter intincto ad stipulam illam prosiliunt, & ita vulpes, ea inaquam projecta, liberatur. *Albertus M. de animal.*

OBSERVATIO III.

De Elephantæ cunas movente, & infantis sibi à matre commissi curam agente.

Femina quædã in India, eum animam ageret, puerum suum infantem Elephanti fœminæ, cui Nicæa nomen custodiendum tradidit. Eum bellua sic diligere cepit, ut divelli noluerit, & si præsentem non videret, tristeretur. Lacte nutritum, & fasciatum inter medios pedes recepit, muscas dormienti abigens, & si ploraret, cunas proboscide sua agitans. *Athenæus lib. 13. non procul à fine.*

*De Cane, & Cercopitheco: quorum ille ab hero ad
macellum pro carne; hic ad cauponem pro vi-
no emendo missus fuit.*

Cubernator novæ Carthagenæ in India, domi suæ
Galuit Cercopithecum, tantæ docilitatis & solertiæ,
ut quotidie ab hero suo ad tabernam vinariam cum pec-
cunia, ad emendum apportandumque vinum, missus,
negotium fideliter & utiliter gesserit. Tenebat ille unâ
manu cantharû, alterâ pecuniâ, & quidem tam fortiter,
ut eam sibi, antequam cantharus vino repletus esset,
eripi non pateretur. Quod si in plateis ab insequen-
tibus pueris molestaretur, posito humi cantharo, colli-
gebat lapides, iisque in turbam puerorum coniectis,
viam suam prôsequebatur. Et quamvis Cercopithecici
sint valde appetentes vini, ille tamen absque licentia &
permissione domini sui ne guttam quidem bibebat. Si
quando obvias haberet mulieres, fuco seu stibio de-
pictas, adoriebatur eas, & detracto peplo, atque ca-
lanticâ, malè tractabat. *Joann. Ludovicus Godefridus
in Historia Antipodum part. 1.*

Non absimilis huic Cercopitheco fuit canis quidam
Bruxellæ, ex grandioribus illis Britannici generis, qui-
bus Cerdones Belgæ uti solent, ad currum coriis onu-
stum in forum, & è foro trahendum. Ille, præter
hanc operam, doctus fuit ad macellum ire, pecuniam
ferre, carnem referre. Id hac ratione fiebat: Corbem
vineum collo molossi appendebat herus, pecuniâ in
tot libras carnis impositâ. Ille rectâ, & nusquam subsi-
stens ferebat pecuniâ, in macello apud notum lanionē
se sistebat, carne accepta redibat. Sed evenit aliquan-
do, ut in via canes alii odore carnis allekti, accederent
erepturi. Tum ille corbem deponere, in orbem pro-

propugnare, fugare: si autem hostium copia & robore se victum cerneret, unà irruere, & partem de præda capere. En ut gladiator iste in arena ceperit consilium, & suis necessitatibus consuluerit. Carnes defendit quàm diu poruit: hostium multitudine victus necessitati cessit, & prandium jam commune unà absumpsit.

Iustus Lipsius Centur. 1. Epist. ad Belgas.

OBSERVATIO V.

De docilitate ac solertia Psittacorum in Brasilia & alibi.

Sunt quidam Psittaci in Brasilia, ab incolis dicti *A-Sjournans*, tanta docilitate ac sagacitate præditi, ut linguam patriam non modò addiscant, & pronuncient, sed etiam (si vera narrat *Joann. Ludovicus Godefridus in Histor. Antipodum part. 1.*) intelligant: atque insuper cantum & saltum discant; imo, quæcunque imperata fuerint, exequantur.

In Italia Cardinalis Ascanius psittacum habuit, centum nummis aureis comparatum, qui teste Rhodigino *lib. 3. cap. 32.* articulatissimè, continuatis perpetuò verbis, instar hominis periti, Christianæ doctrinæ symbolum integrum pronunciare solebat.

HENRICI VIII. Regis Angliæ psittacus in mare delapsus, auxilium imploravit, viginti libris Anglicanis succurrenti promissis: extractus autem non nisi quatuor denarios dari iussit. *Jonstonus in Thaumatrographia class. 6. cap. 26.*

OBSERVATIO VI.

De docilitate & solertia equorum.

Narrat *Scaliger lib. exercitat.* se vidisse equum, jussu, nutuque Domini sui in clunibus sedentem, anteriores pedes ad pateram elevantem, vinum bibentem,

tem, pelvim seu malluvium cruribus sustinentem, quasi lavaretur à tōnfore, compressione ciliorum annuenter, & alia multa inusitatæ docilitatis specimina edentem.

Bogislao X. ejus nominis, Pomeraniæ Duci, qui anno 1496. Terram sanctam visitavit, equus fuit, Bucephalo Alexandri M. non absimilis. Sicut enim Bucephalus Alexandri, teste Curtio *lib. 6. cap. 5.* in dorso insidere suo non patiebatur alium præter Regem, & hunc, cum ascendere vellet, sponte sua genua submittere, excipiebat, credebaturque sentire, quem veheret; ita pariter equus Bogislai, flexis poplitibus Principem sessorem admittebat, ea indole, ut ornatus phaleris, & fella peristromatibus vestita, neminem præter herum suum; inornatus, & incomptus, quemlibet reciperet. Quin etiam in equili primum sibi locum vendicavit, & nullum anteire passus est. *Ex Itinerario Heilandi pag. 90.*

OBSERVATIO VII.

De astutia & industria cujusdam Lupi.

NArravit mihi quidam (inquit Albertus M. citatus à Jonstono in *Thaurmatogr. cap. 24. de quadrupedibus*) lupum, se vidente, morsu comprehendisse lignum 30. vel 40. librarum in silva, & cum eo se assuefecisse ad transiliendum grandem in eo loco arboris truncum: tandem cum satis in saltu exercitatus sibi videretur, se abscondisse, & adveniente propter satam illic avenam, porca silvestri, cum pluribus ætatē differentibus porcis, prorupisse, apprehensoque porco, qui ligno æqualis videbatur, saltu retro truncum facto se recepisse, eumque devorasse.

OBSERVATIO VIII.

De astutia & solertia simiarum.

AEcidit aliquando, ut famuli in aula Julii II. summi

mi Pontificis Castaneas sub calidis cineribus coquerent, easque ferreis instrumentis extractas comederent. Quod cum simia curiosius observasset, advocatis repente imperio heri famulis, ipsa desiderio esitandi castaneas sub cineribus relictas, impulsâ, cum ferramentum extractorium non reperisset, selem in fœco jacentem arripuit, ejusque pedem extrahendis castaneis pro ferramento adhibuit; metuens scilicet, ne suum ipsa pedem ustularet. Unde ortum est illud Italorum adagium: *Cavar la castagna con la zampa del gatto*; quod usurpari solet contra eos, qui alieno periculo propriæ securitati consulunt.

Oculatis testibus, & certis nuntiis (inquit Eusebius Nierembergii *lib. 2. Histor. Indic. cap. 13.*) compertum est, in Peruana regione simias tantam cum incolis familiaritatem contraxisse, ut cum iis pro argento colludant. Ubi eos vicerint, unâ tabernam petunt bibendi causa, & pretium numerant ex lucro parto.

OBSERVATIO IX.

De Rana Ægyptiaca, astuto stratagemate insidiarum hydri declinante.

Rana Ægyptiaca, ut hydri dentes & ingluviem effugiat, præmordet Calamum Niloticum, eamque festucam ore præfert transversam; quo fit, ut ranam hydrus deglutire nequeat, cum rictum tantopere diducere non possit, quantum obliquæ arundinis mensura extenditur. Ita *Ælianus 1. Variar.*

OBSERVATIO X.

De industria & sagacitate cornicis, & Corvi.

Merthes Rex Ægyptiorum tam industriam fertur habuisse cornicem, ut illa litteras, quocunque Rex vellet, deferret. *Porphyr. de abst. ab animal.*

Cor-

Corvus quidam, teste Scaligero *Exercit.* 137. Conquum Conradum, cum fame premeretur, voce tam articulata invocabat, ut, qui præsentes aderant, hominem loqui existimarent.

OBSERVATIO XI.

De docilitate, solertia & industria sciuri, gruis, columba & gallinæ.

SCiurus sagaciter prævidens tempestatem, obruratis, qua spiraturus est ventus, cavernis, ex alia parte fores pandit.

Idem aquam transiturus pastûs gratia, corticem levissimum ei imponit, atque huic, velut naviculæ insidens, caudaque erecta velificans, flante vento subvehitur. *Auctor libri de natura rerum.*

Grues inter volandum anguli oxygoni constituunt formam, ut aërem adversum facilius penetrent. Quæ agmen cogit, cæteras, ut ait Isidorus, castigat: raucescenti succedit alia.

Ubi in terram descenderint grues cibi gratia, dux in altum caput erigit in custodiam omnium: cæteræ securè pascuntur. Antequam quiescant, ducem rursus constituunt, qui erecto collo excubias agat, reliquis dormientibus. Dux agmen circuit, & si quid accidat, exclamat. Ne somno opprimantur, unico insistent pede, altero in sublime erecto lapillum continentes, ut si quando labore fatigatas somnus oppresserit, edito à decedente lapillo strepitu, expergiscantur.

Docilitatem & industriam columbæ commendat, quod nonnullæ ex iis tempore obsidionis Leydenfis epistolarum bajulæ, tabellarii officio functæ sint. Idem in obsidione Buscoducana factum. *Fontenonius in Thævmatogr. de avibus cap. 13. citans Justum Lipsium.*

Alauda quædam, ex eo avium genere, quas gallinædras

dras vocant, Romæ in cœnobio Patrum Dominicanorum, tam dextrè à fratribus dicti Ordinis instructa fuit, ut Litanias Sanctorum humana veluti voce decantaret. Testatur *P. Athanasius Kircher lib. 1. Musurgia* dictam avem Anno 1648. 16. Martii se præsentè & audiente, post suavissimas cantilenas, & varios garritus, complura Sanctorum nomina, lingua Italica clarè & distinctè pronunciasse: jam subjungendo hæc verba, *Ora pronobis*: mox illa, *Iesus Christus crucifixus*, nunc alia & alia, ad septuaginta diversa nomina ita mirificè eloquendo, ut nullus ferè sibi persuadere potuisset (nisi vidisset, & audivisset) avem esse, cujus linguam tam humanæ similem perciperet.

DISCURSUS DECIMUS QUARTUS, EX ENTOMOLOGIA.

De Natura & proprietatibus insectorum seu animalium exanguium.

PRÆFATIUNCULA.

Entomologia est scientia differens de insectis seu animalibus exanguibus, qua propter suam imperfectionem quoddam animalis generis rudimenta appellari solent. Sunt autem tres insectorum classes: Gradientia, ut aranei, formicæ &c. Aquatilia, ut hircudo, tipula &c. Volantia, ut musca, apes, vespa &c.

OBSERVATIO I.

De magna insectorum varietate.

Plinius insectorum varietatem declaraturus: Tot in illis, inquit, figuræ, planis, concavis, longis, lunatis,
in

in orbem circumactis, dimidio orbe cæsis, in dorsum elatis, lævibus, rugatis, denticulatis, striatis, vertice muricatum intorto, margine in Mucronem emisso, foris effuso, inus replicato, jam distinctione virgulata, crinita, crispa, caniculatum, pectinatim, imbricatum undata, cancellatim reticulata, in obliquum, in rectum expansa, densata, ad plausum apertis, ad buccinam recurvis &c. *Plinius Histor. Natur. lib. 9. cap. 33.*

OBSERVATIO II.

Magna in Muscis Varietas.

IN Lybia, præsertim Cyrenis, quod est insigne oppidum Lybiæ, plura Muscarum reperiuntur genera, formis, coloreque distincta. Nam aliæ sunt Latifrontes, aliæ mustelarum, aliæ viperarum similitudinem gerunt. In Hispaniola sunt virides & pictæ (præsertim in Urbe B. Dominici) vesparum magnitudine, terram pedibus fodientes, & subterraneos sibi exstruentes nidos. In partibus septentrionalibus muscarum, morsus est innoxius, in Sicilia verò tam acris esse fertur, ut subinde ea, quæ muscæ momorderint, enecentur.

OBSERVATIO III.

Muscæ alicubi nullæ, alicubi raræ, alicubi innoxie.

HOdie in palatio Veneto nulla conspicitur musca, propterea quòd (si vera commemorat *Bodinus in Dem.*) idolum quoddam sub limine palatii sit conditum.

In Carina monte Cretæ, novem passuum millia in ambitu continente, nullæ reperiuntur muscæ. *Plinius Hist. Natur. lib. 21. cap. 14.*

In Templo Toletano unica dicitur esse musca, inquit *Alstedius in Encyclopadia Tom. 1. lib. 5.* Rhodiginus verò *lib. 17. lect. antiq. cap. 11.* scribit, Toleti in macello publico

lico unam duntaxat per annum integrum apparere muscam, insigni notabilem albedine.

Emma Ducis Saxoniae inferioris filii Uxor, pratum Ecclesiae Bremensi promisit; cujus haec est praerogativa, ut nullis ibi pecora muscis vexentur. *Cranzius lib. 4. Saxonia c. 29.*

OBSERVATIO IV.

Anilia & ridicula Hebraeorum de musca & aranea commenta.

Hebraei, referente Tostato, comminiscuntur Davidem Regem quæsiuisse à Deo, cur homines stultos, araneas & muscas procreasset, cum ista non modò superflua, sed etiam noxia esse videantur. Deum verò respondisse, monstraturum se Davidi, tria ista ad aliquid utilia esse, imò ipsi Davidi aliquando utilia fuisse. De stultitia patere, quia nisi David se stultum finxisset coram Rege Achis, captus fuisset, & fortè periisset. Muscam utilem fuisse, cum David descendit de colle Hac-billa in castra Saulis, dormientibus cunctis, & accepit lanceam; tunc enim Davidem implicasse pedem suum inter pedes Abner apud Saulem cubantis; cumque timeret se jam jam captum iri, si pedem vi extraheret, Deum immisisse muscam, quæ mordens crura Abner, vincula resolverit, neque ramen excitaverit Abnerum, atque ita liberatum fuisse Davidem. Araneam denique profuisse, quod os speluncæ, in qua latebat David, cum eum quæreret Saul, telarum suarum texturâ occlusisset.

OBSERVATIO V.

Inusitata quorundam araneorum magnitudo atque textura.

ACumanis araneis tam firma textitur tela, ut serici instar difficulter rumpatur. *Jonstonus in Thaummatograph.*

zoograph. class. 8. cap. 3. Tela, quæ ab araneis in orbe novo textitur, teste Oviedo *lib. 15. cap. 3.* aureum exhibet colorem, ipsi verò aranei viridem, serico æquandum.

Aranei in Hispaniola pilas lusorias magnitudine æquant, nuces soliditate. In Brasilia prægrande quoddam araneorum genus cernitur, qui cancris sunt similes; à muscis tamen captivi in latibula trahuntur, verso cum Europæis more. In India occidentali aranei non sunt minores passeribus, ut scribit Cardanus *lib. 9. de subtilit.*

OBSERVATIO VI.

In exiguo Culicis corpusculo mirandum Naturæ opificium.

Nusquam spectatius naturæ opificium & artificium cernitur, quàm in minimis, quia nativitas nusquam magis tota est, quàm in minimis. Rem *Plinius Histor. Natur. lib. 11. cap. 2.* declarat exemplo culicis. In huius tam parvis atque tam nullis, inquit, quæ ratio, quanta vis, quàm inextricabilis perfectio! Ubi tot sensus collocavit in culice? ubi visum in eo prætendit? ubi odoratum inferuit? ubi truculentam illam & proportionem maximam vocem ingeneravit? qua subtilitate pennas adnexuit? prælongavit pedum crura! disposuit jejunam caveam, uti alvum! avitam sanguinis, ac potissimum humani, sitim accendit! Telum verò perforando tergori quo spiculavit ingenio! Atque ut in capaci curni non possit exilitas, ita reciproca geminavit arte, ut fodiendo acuminatum pariter, sorbendoque fistulosum esset. *Hæc Plinius.*

OBSERVATIO VII.

Pabulum culicis humanus sanguis, usque impurus, fructusque corrupti.

Quibus sanguis purus, minimèque putridus est, non

non infectatur culex, cùm putridis & acidis delectetur, dulcia verò refugiat. Unde Medicus quidam scribit, partem sanguinis dulcissimam ad nutriendum absumi, interiusque latere, à pulicibus & culicibus secutam; his verò in pabulum cedere eam sanguinis portionem, quæ sub cute continetur, estque crudissima. Fructus quoque non attingit culex, priusquam corruptione acridinem contraxerint. *Leonard Jacobin.*

OBSERVATIO VIII.

*Universi Urbis cujusdam incolæ à culicibus fugati,
& migrare compulsi.*

AD Myontem Joniæ Urbem sinus erat haud sanè magnus. quem, cùm Meander è Regione influens amnis limosus, obturatis advectitio luto faucibus, annis volventibus paludem effecisset, tanta ex ea culicum enata est multitudo, ut eorum tædio coacti Myontii, urbe relicta Miletum commigrarint. *Jonston. sup. Observ. 5. citat. cap. 9.*

OBSERVATIO IX.

Pulex aureâ vinctus catenulâ.

TAmeti pulex animalculum sit exile, scribit tamen *Scaliger Exerc. 59. § 326.* eum ab artifice Africano revinctum fuisse catenulâ aureâ, tantæ subtilitatis ac levitatis, ut eâ non obstante, pulex consuetos suos saltus peragere potuerit. Vidi ego ipse Passavii artificem, qui pulices catenulis alligare noverat, eosque pretio non magno divendebat.

OBSERVATIO X.

Inusitata Scorpionum magnitudo.

IN solitudinibus Brachmanum bicubitales inveniri scorpiones, testatur Cedrenus. In Guatimala, quæ
M est

est regio America, scorpiones in tantam excrescunt magnitudinem, ut cuniculos mole corporis adæquent. *Joannes Ludov. Godefridus in Hist. Antipod. part. 3.*

OBSERVATIO XI.

Scorpionum virulentia, & ab ictu nocumenta.

Ictus scorpionis maximè virulentus est, præsertim in regionibus siccioribus, & sub Sirio sive Canicula. Inflammat primùm locus vulneris, & indurefcit, rubetque intensius. Modò æstuat, modò frigescit, consequitur sudor & sensus horroris, eriguntur capilli, pallor membra decolorat &c. *Cardanus lib. 1. de venen. cap. 23.* Sues, quamvis cæteros virulentos non sentiant ictus, pereunt tamen ab ictu scorpionis, præsertim si niger fuerit; & quisque celerrimè interit, si aquam adierit. *Aristot. lib. 8. cap. 29.*

OBSERVATIO XII.

De Scorpionibus Persicis.

Vix ullibi plures sunt scorpiones, quàm in Persia, præsertim in urbe *Kaschan*. Unde Persæ grande malum alicui imprecaturi, optant, ut pungatur à scorpione *Kaschanensi*; sunt enim admodum virulenti & pestiferi, colore nigerrimi, cursu celeres, longitudine & crassitudine æquales digito, cancris per similes, caudâ erectâ, & aduncâ aculeo armatâ incedentes. Non multi tamen ex indigenis ab hisce scorpionibus icti intereunt. Quorum medicina est lamella cuprea supra locum vulneris posita. In quem finem ipsis deservit moneta cuprea *Pul* dicta, quam ubique circumferunt; postea mel aceto permixtum applicant: quo ungento vulnus ex integro sanatur. *Lud. Godefridus sup. citat.*

OBSER-

OBSERVATIO XIII.

*Raphanus antidotum adversus ictus
Scorpionum.*

ILLud multis memorabile videtur, eum, qui raphanum prægustaverit, si à scorpione pungatur, periculum mortis evadere. Nam scorpionem inter & raphanum peculiaris intercedit antipathia. Unde succus raphani scorpionibus inspersus, eos ad mortem adigit. *Mizaldus, & ex eo Weckerus lib. 5. de secretis.*

OBSERVATIO XIV.

*De Generatione scorpionis in cerebro humano
ex frequenti odoratu herbæ
basilicæ.*

EX frequenti odoratu ocimi sive herbæ basilicæ, natum esse cuidam Italo in cerebro scorpionem, scribit *Jacobus Hollerius lib. 1. cap. 1. de morbis internis.* Quam experientiam sequens, vel confirmat, vel illustrat historiola. Cùm Galeacius Sfortia Dux Mediolanensis, civitati Genuensium, nuper ditioni suæ adjectæ, gravia imponeret onera, tumultuari ceperunt cives, gravemque machinari seditionem. Missus ad Ducem Legatus Franciscus Marchesius, cùm admitti frustra postulasset, vas ocimo sive basilica herba repletum ad eum misit. Quo dono excitatus Dux, admissum ad aures Marchesium, quid sibi hæc herba vellet, interrogavit. Tum ille; populo, inquit, nostrati ea est indoles, quæ huic herbæ: leviter tacta gratum spirat odorem; attrita, non modò graviter olet, sed etiam scorpiones producit. Sensit acumen Dux, & onera allevavit. *Augustinus Justinianus lib. 6. histor. Genuens.*

Mira Formicarum solertia & industria.

ADmiranda formicarum solertia & industria, cum in multis aliis, tum potissimum in constructione urbeculæ, quam incolunt, elucescit. Observavit id testis oculatus Aldrovandus, qui rem sic describit. Apparuit, inquit, Urbs quadrangularis, longa pedes fere quatuor, lata ultra pedem, in qua per vias, velut ad negotia, ultro citroque cursitare instar civium formicæ videbantur. Angulorum & laterum directæ erat delineatio, urbis longitudinem media secabat via, profunditate, latitudineque digitali, quam rursus per transversum æqualibus inter se spatiis, tres aliæ viæ eadem digitali profunditate & latitudine directissimè inter se cubant. In extremis viarum angulis, velut angiportibus ova in acervos erant collecta. Alterâ urbis parte antra frumento oppleta, ut in ipsas vias redundarent. Viæ omnes erant mundissimæ. In urbis denique longitudinis medio unica porta Zephyro objecta.

Est & illud spectaculum (in quod se incidisse narrat Cleanthes) non modicæ argumentum solertiæ. Venerunt formicæ de suo cavo ad aliud formicarum examen, formicam portantes mortuam: Ex hoc ascenderunt aliæ formicæ tanquam ad colloquium, rursusque descenderunt. Id bis, terve factum. Tandem hæc sursum extulerunt vermem, tamquam Redemptionis pretium pro mortua. Hoc illæ accepto, & formicæ cadavere reddito, discesserunt.

OBSERVATIO XVI.

De Eruca noctiluca in America.

Scribit Herrera, in nova Hispania, in montibus Quatima-

italiensibus, quoddam erucæ genus reperiri, quod nemo impunè ob veneni virulentiam contrectet; unde luce ventri ejus innatâ, veluti lampade quadam, viatores monet, modis omnibus devitandum esse, quod tam exitiali luce corruscat.

OBSERVATIO XVII.

*De Verme quodam, ex quo mira virtutis
oleum destillat.*

IN Gange flumine Indico est vermis ingens, septem cubitorum in longitudine, crassitudine verò tantâ, ut decem annorum puer vix eum complecti possit. Ei in superiori parte oris dens unus est, & inferiori alter,ambo quadranguli, ferè cubiti longitudinem habentes, tam validi, ut quodcunque animal iis comprehenderit, facilè conterat. Ejus pellis est duorum digitorum crassitudine. Modus eum capiendi est iste: Hamum robustum ad ferream catenam alligant, adjuncto etiam fune ex albo latoque lino. Lanis autem & funem & hamum involvunt, ne à Verme præmordeatur. Tum agnum aut hædum ad illecebram in hamum implicant; deinde in fluvium demittunt. Triginta viri, singuli cum jaculo, loro inserto, & ense accincti, sudibusque robustis instructi, si percutere sit necesse, adsunt; hamo dein correptum Vermem trahunt, & extractum interficiunt; triginta dies appensum ad solem relinquunt, atque ex eo in fictilia vasa destillatum crassum oleum, servant ad usum, planè, ut ita dicam, inusitatum. Ea enim est vis illius olei, ut absque ullo igne, ejus infusa hemina quemcunque lignorum acervum comburat. Eodem igne (qui non extinguitur, nisi luto copioso & crasso) ajunt Regem Persarum urbes hostium cepisse. *fonton. sup. cit. cap. 24. artic. 4.*

OBSERVATIO XVIII.

Locustarum copia, & inde nocumenta.

IN Lemno Insula tanta olim fuit locustarum copia, ut cuilibet incolarum certa enecandarum mensura præfinita fuerit, quam ad Magistratum referret. Apud Nigretas tantus singulis trienniis earum conspectus est numerus, ut cælum ad duodecim milliaria obumbrarent.

Anno 852. cùm Galliam vastarent, viginti millia passuum uno die, compositis quasi ordinibus conficiebant, & terræ incumbentes castra locabant. Duces earum cum paucis itinere unius diei præcedebant agmen, quasi loca pro castris designaturæ, & eadem horâ universæ copię postridie aderant. Ante ortum solis loco non movebantur, sole autem orto per suas proficiscebantur cohortes.

Anno sexto Imperii Argyropoli Imperatoris Orientalis (qui Zoæ Uxor & Michaëlis Paphlagonis ejus adulteri dolo in balneo aquis submersus est) tantum damnum locustæ Orientalibus intulere provinciis, ut coacti fuerint incolæ liberos suos divendere, & in Thraciam migrare. Abjecerat eas postea in Hellespontum ventus, sed altero revixere anno, depopulatisque per triennium provinciis, apud Pergamum periëre. *Cedrenus.*

OBSERVATIO XIX.

De quodam insecto, quod unico tantum die vivit.

HYpanis fluvius apud Cymmerium Bosphorum, sub solstitio folliculos acinis majores desert, ex quibus animalcula insecta erumpunt, quæ in pomeridianum diei tempus vivunt, sole in occasum declinante marcescunt, & occidente moriuntur. Unde ephemera sive diaria vocari solent. *Aldrovandus.*

OB-

OBSERVATIO XX.

*De generatione apum ex corruptione
bovis.*

Florentinus, referente Constantino Cæsare (ut testatur *Jonstonus sup. cit.*) docet modum ex enecato corruptoque bove procreandi apes. Construat, inquit, domus decem cubitorum in altitudine, & decem in latitudine, reliquis lateribus comparibus. Ingressus in illam sit unicus, fenestræ quatuor, ab unoquoque latere una. In hanc domum inducas bovem triginta mensium, carnosum & valde pinguem, faciasque ad stare ipsi juvenes multos, qui ipsum fortiter verberent, & fustibus cæsum occidant, simul cum carnibus ipsa etiam ossa comminuentes; diligentem autem curam habeant, ne quid bovis cruentetur; non enim ex sanguine apis generatur. Statim verò omnes bovis meatus, videlicet os, nares, aures, quæque ad evacuationem à natura destinatæ sunt partes, linteolis puris ac tenuibus, iisque pice tinctis, obturentur. Deinde bovi occiso, ac supinè jacenti multum thymi substernatur. Quibus peractis domo egrediantur, statimque januam & fenestras luto denso oblinant, ut neque aëri, neque vento ullus pateat ingressus. Exactis tribus septimanis undique domum aperire oportet, & lumen aëremque admittere, præterquam ex ea parte, unde vehemens ventus spirat. Invenietur autem tota domuncula repleta apibus, racematim inter se coagmentatis: de bove autem præter cornua, pilos & ossa, nihil supererit. Ajunt ex cerebro gigni Reges, ex carnibus alias apes. Et licet Rex nascatur etiam ex medulla spinali, qui tamen ex cerebro procreatus est, reliquos non modò pulchritudine, sed magnitudine etiam & robore antecellit.

OBSERVATIO XXI.

Serpentes in vino adusto incorrupti.

Volens serpentes (idem est de lacertis, aliisque similibus reptilibus) servare incorruptos, injiciat eos vivos in vas vitreum amplum ac forte, vino adusto, vel aceto fortissimo repletum, obturetque vas, ne elabantur. Mortui apparebunt vivi, & manebunt perpetuo incorrupti.

DISCURSUS DECIMUS QUINTUS.
EX ICTHYOLOGIA.

De Piscibus & Aquatilibus.

PRÆFATIUNCULA.

Icthyologia est Scientia de piscibus, seu aquatilibus; quorum parces aliæ sunt principales, aliæ secundariae. Inter principales numerantur pinna, branchia, vesica. Pinnae sunt loco pedum; earum enim remigio pisces natitant, & motum progressivum exercent. Loco colli sunt branchia, quibus pisces limpham ori immittam emittunt, & sic veluti respirant. Vesica turgida est ad facilius fluitandum; quæ, si rumpatur, perit ad natandum habilitas.

SECTIO PRIMA.

De Piscibus & Piscatione in genere.

CAPUT I.

An pisces, qui sunt in stagno, piscina, vivario, lacu &c. inter res mobiles, vel immobiles numerari debeant: & an fundo vendito cedant, nec ne?

Communiter ad hanc quæstionem responderi solet cum

eum hac distinctione: quòd pisces, si in stagno serventur, ut multiplicentur & crescant, pars fundi censeantur, & quid immobile, sintque illius stagni veri fructus pendentes. Si autem habeantur inclusi in certa parte stagni, vel seorsim in piscina (non refert quo loco, dummodo ibi sint tantum simplicis custodiæ causâ) tunc non pars fundi, & consequenter quid mobile censeantur; ut docet *Guido Papæ decis. Delphin. 91. Zas. part. 4. defend. num. 2.* ubi datam distinctionem approbat, dum docet, quòd quando lacus, stagnum, aut piscina in feudum datur, etiam pisces tanquam cognati, seu simul nati veniant; atque, non esse de hoc dubitandum: hi enim, qui non custodiæ causâ, sed ut ibidem multiplicentur, repositi sunt, dicuntur pars fundi. Hoc autem dici non potest de piscibus, qui solum custodiæ causâ in piscina ponuntur, quia hi non sunt res soli. *Pistorius Consil. 22. num. 63. & seq.*

Hinc ulterius quæritur, an pisces, qui non custodiæ causâ, sed ut ibi augeantur, & crescant, in piscina continentur, pro fructibus pendentibus habeantur, si contingeret vasallum decedere, ita ut feudum aperia-
tur Domino vel agnatis: & antunc hi pisces ad Dominum seu agnatos ejus, vel potiùs ad hæredes vasalli pertineant? Difficultatem hanc auget, quòd ex his piscinis non soleant singulis annis, sed post tres aut etiam plures annos, fructus percipi.

Carolus Molinæus *ad Consuetud. Paris. tit. 1. §. 1. gloss. 8. n. 17. 20. & 24.* existimat, de his piscinis judicandum esse, prout de reliquis fructibus pendentibus, adeoque illos unâ cum fundo ad Dominum & agnatos pertinere, nisi mortis tempore instaret solitum tempus piscationis: quo casu ait illos ad hæredes vasalli pertinere.

Ab hac sententia dissentit *Pistorius consil. 22. num. 69.* statuens, si mortis tempus magis propinquum fuerit

piscationi, quàm illi tempori, quo pisces primùm stagnis sunt immixti, tum ad hæredes possessoris pertinere pisces; secus verò, quando mortis tempus magis esset propinquum tempori, quo in stagnum sunt positi; tunc enim Domino vel agnatis adjudicari solere.

Censeo circa hanc materiam, quid consuetudo ferat, quid item inter contrahentes actum sit, potissimum inspicere debere; sunt enim in hoc puncto variarum provinciarum variæ consuetudines, teste Tiraquello, à Speidelio *in specul. Observ. Jurid. Polit. Hist.* citato: quæ Juri communi derogant.

CAPUT II.

*De insigni quaestu & emolumento ex piscibus
& piscinis.*

DE emolumentis ad ærarium augendum, quaestumque faciendum ex piscibus atque piscinis, fusè & eleganter differit *Cassparus Klockius in tract. de arario lib. 2. cap. 5.*

De Hispania scribit *Boterus in Relat. universal. lib. 1.* piscatione in eo regno esse tam quaestuosam & opulentam, ut Duci de Medina Sidonia quotannis ex ea octo, Duci de Arca verò viginti millia ducatorum proveniant.

Joannes Dubravius *lib. 1. de piscinis cap. 2. & 3.* allegat exemplum Jani ab Erenstein, olim inter Bohemiæ ac Moraviæ proceres ditissimi, qui ex solis redditibus piscinarum, quas in Bohemia, Silesia, Moravia possidebat, 1558. amplius duodecies festerium accipiebat, hoc est, pecuniæ summam majorem eâ, quâ Senatores ac Patricii Romani, vel ab ipso Augusto Cæsare, qui census auxerat, censi fuerunt.

Huc pertinent ea, quæ à me in *Arte discurrendi forte 36.* de utilitate piscationis allata sunt. Ubi recensui

Primò

Primò ex Petro Bertio, quòd Dux Lotharingæ in Ducatu suo tertio quoque anno sedecim millia francorum ex piscatione carpionum percipiat. *Secundò* ex Klockio, quòd Cato Uticensis, heres testamento Lucilii factus, ex ejus piscina pisces quadraginta novem millibus vendiderit. *Tertiò* ex eodem Klockio, quòd ex sola captura halecum Hollandi quotannis unum millionem, & quadraginta, ac septuaginta millia florenorum conficiant: neque minor quæstus fiat ex captura asellorum & salmonum. *Quartò* ex Schockio, quòd in sola Hollandia ac Selandia plus quàm viginti millia hominum in captura halecum, cæterarumque rerum ad piscationem pertinentium ministerio occupati, eo solo labore se suasque familias sustentent.

CAPUT III.

An piscatio in mari ac fluminibus cuilibet permissa sit?

I cet vigore Juris communis quilibet in mari & quolibet flumine pro libitu piscari possit; ita ut, si ab aliquo prohibeatur, ei contra prohibentem actio injuriarum competat *lib. 13. §. 7. ff. de injur.* Attamen hodiernis moribus inspectis, liquidò patet, illud Jus gentium ubique ferè sublatum esse, ut ne in flumine quidem publico piscari liceat. Vide Schneidewinum *lib. 2. Institut. tit. de acquir. rer. dom. §. flumina. num. 9. & seq.* Etenim piscatio hodie venationi non est assimilis, & cum ea in multis pari passu ambulat, *l. 9. §. 5. ff. de usu fruct.* Unde non minùs, quàm venatio de consuetudine inter regalia refertur.

Ex eo verò, quòd jus piscandi personis privatis valde restrictum sit, colligunt jurisperiti, eum, qui in alienis rivis, aquis & fluminibus piscatur, juxta constitutiones Imperii, inspectâ tum conditione personæ, tum quali-

qualitate facti & piscationis, arbitrariè, vel in ære, vel in corpore puniri, *Peinl. Halsg. Ordn. Art. 169.* Eum verò, qui ex alienis stagnis, piscinis, lacubus, seu vivariis, aliisque conclusis aquis, pisces capit, tanquam furem, vel relegatione, vel etiam pœna graviore, secundum qualitatem & gravitatem delicti castigari. *Peinl. Halsg. Ordn. d. loc. Berlich. p. 5. conclus. 51.*

Ratio diversitatis in eo consistit, quod in priori casu pisces sint in naturali libertate constituti, & à nobis non possideantur, *L. possideri 3. §. 14. vers. sed eos pisces ff. de acquirend. possess.* In posteriori autem casu pisces in stagnum vel piscinam coniecti à nobis possideantur. Unde ii, qui invitis Dominis iis in locis clam piscantur, captosque pisces inde asportant, merito ut fures puniuntur: siquidem in omni eo, quod possidemus, quodque in patrimonio nostro computatur, furtum fieri potest. *Capolla tit. de piscat. num. 3.*

Quod dixi de faribus piscium, intelligendum est etiam de furibus cancrorum, ut tradit Remus *ad dict. art. peinlicher Hals=Gerichts Ordnung.*

C A P U T IV.

Monita quadam ad Piscationem pertinentia.

Monitum Primum.

Piscatorem oportet esse hominem laboris patientem, vigilantem & sagacem, denique idoneis instrumentis instructum. *Patientia* requiritur in universa Venationis arte, cujus pars est Halievctica, seu Piscatoria. *Vigilantia* piscatoris facit, ut piscium naturam, & peregrinationem, ut ita dicam, observet. *Sagacitas* facit, ut piscium fraudibus possit occurrere. *Instrumenta* piscatoria sunt retia, nassa, scirpiculum, tridentes, fuscinæ, navicula.

Moni-

Monitum Secundum.

Piscatio utiliter instituitur sub ortum & occasum solis, quia tum visus piscium maximè fallitur. Censent quidam sub noctem pisces dormire, idèòque tum facilimè capi.

Monitum Tertium.

In piscatione observanda est ratio venti. Tranquillitas aëris nullo vento agitati plurimùm prodest. Cæterùm flante Austro, retia adversùs Boream : hoc spirante, adversùs Austrum trahenda sunt. Eodem modo, Euro & Zephyro spirantibus, faciendum.

Monitum Quartum.

Hybernis mensibus, cùm flumina glacie constiterint, oportet illam in orbem frangere : eò cùm pisces cupiditate lucis adnataverint, nullo negotio capientur.

Monitum Quintum.

Si verriculo piscatio fiat, proderit iterare gurgitem : plures enim secundo tractu venient in potestatem.

Monitum Sextum.

Anguillæ turbatâ priùs aquâ capiuntur ; nam purissimâ aquâ delectantur, turbidâ suffocantur. Habent nimirum branchias tenues, quæ facilè turbida obturantur, ut aqua turbata ex fundo emergant.

Monitum Septimum.

Cancræ non solùm manu ex foveis educuntur, sed etiam lumine & concussione aquæ, in modum tonitru, sub cujus tempore ex abditis cuniculis & cubiculis exeunt.

Moni-

Monitum Octavum.

Capiuntur etiam pisces odore & sapore. Odore quidem, si res odoriferæ in aquam conjiçantur, vel odores ipsis grati excitentur; his enim illecti confluunt, & facillimè in nassas coguntur. Sapore verò, si esca idonea vel affetur, inque nassam indatur, vel hamo aptetur, vel vino sublimato aliisque rebus temperetur: quo fit, ut pisces velut inebrientur, & manu capiantur.

Monitum Nonum.

Prodest etiam observare tempus, quo pisces coëunt, & hinc inde mutatis sedibus commeant. Sic trutæ sub autumnum coëunt, & feliciter capiuntur.

Monitum Decimum.

Sargus piscis mirum in modum capras amat. Earura in littore pascentium si umbram conspiciat, gestit lætitia, & quàm maximè potest, adnatar, & salire frustra cupit. Earum odorem in fluctibus etiam percipit. Piscator itaque caprinam indutus pellem, cum cornibus, struat sargo insidias, sole à tergo relicto: atque farinam jure caprino madefactam in eam maris partem dejiciat, in qua sargi sunt: quo illico odore capti occurrunt, farinam degustant, & maximè pellis caprinæ aspectu detinentur, atque ita commodissimam piscatori capturæ occasionem præbent. Ex *Æliano lib. 1. de Animalibus cap. 23.*

Monitum Undecimum.

Varii variis modis ac praxibus ad pisces manibus capiendos utuntur. Siculi fasciculum taxi injiciunt in aquam piscium feracem, & paulò post omnes pisces, qui aquam illam degustarunt, ascendunt ad aquæ superficiem, velut stupidi, aut ebrii, ut manibus capi possint.

Sed

Sed cavendum est, ne major quàm par est, taxi copia injiciatur, ne pisces non solum obstupescant, sed etiam intoxicentur, & comedentibus mortem adferant: pro-ut accidit illis, de quibus *P. Casparus Schottus in Physica curiosa lib. 3. cap. 28.* Sicli habitabam, inquit ille, urbe quatuor passuum millibus à mari, quod Siciliam & Melitam insulam interfuit, distante. In hoc mare fluviolus exiguus, qui Collegii nostri prædia interluit, & ad ejusdem Collegii Patres spectat, sese exonerat, idèòque pisces è vicino mari, aquarum dulcedine illecti, agminatim quovis tempore eò confluunt. Die quodam Viri tres primarii urbis, quos novi, unà cum famulo piscandi gratia, nobis ignorantibus, eò se conferunt, injectaque in aquam majori copia taxi, aquam & pisces per imprudentiam intoxicant, & captos, variisque modis in suburbano prædio præparatos absument. Sed mox domum reversi, & ardentissimâ febre correpti, ad unum omnes intra triduum, excepto famulo, qui mirabiliter evasit, è vita excedunt. *Haltenus Schott.* Est autem taxus arbor abieti similis, baccas ferens, quibus lethale venenum inest. *Vide Plinium lib. 16. Histor. Natur. cap. 10.* Sunt qui putent, venena ob id quondam taxica dicta, quæ nunc toxica vocamus.

SECTIO SECUNDA.

Observationes de nonnullis piscibus in particulari.

OBSERVATIO I.

*Mira docilitas, & injuriarum reminiscencia
Piscis Manati.*

MAnati piscis mole prægrandis in Hispaniolæ fluminibus capitur. Caput ei bovis instar, imò bovino

vino majus, oculi pro corporis magnitudine exigui, bini crassi pedes, tanquam alæ. branchiarum loco, quibus natat, circa caput siti. Corio, non squamis integitur. Cicuratur, & docilis efficitur, canum more, ut patet ex historiola Francisci Lopetii, quam subjungo. Parvulum captum, inquit, Regulus Caramatexi in Insula Hispaniola, viginti sex annorum spatio, in lacu Guaynabo dicto aluisse fertur, adeoque mansuetum evasisse, licet jam grandem, ut veterum delphino non cederet. Nam de manu hominis porrigentis cibum sumpsit, & in clamato nomine *Maro*, quod lingua gentis magnificum sonat, lacum egressus, ad incolarum ædes cibi sumendi gratiâ perreptare, deinde ad lacum remeare consuevit, comitibus pueris atque viris, quorum cantu delectari videbatur; imò eos tergo nonnunquam insidere patiebatur, denos simul ex una lacus parte in oppositam sine ulla difficultate transportans. Cæterum cum Hispanus quidam periculum facere volens, an adeò dura & densa cute, prout ferēbatur, præditus esset, hastam in eum v. brasset, adeò irā exarsit, ut conspecto aliquo Christianorū more vestito, in clamatus etiam ex aqua emergere nollet. Postea Hai-bonico fluvio valdè intumescente, & in lacum Guaynabo se effundente, in mare regressus, magnum sui omnibus desiderium reliquit.

OBSERVATIO II.

Inusitata Salmonis vivacitas, sturionis fortitudo, Delphini perspicacia, atque celeritas.

Vivacissimum esse piscem salmonem, cordis ejus extracti vivacitas demonstrat. Testatur certè Robertus Constantinus, se Basileæ exenterati Salmonis cor, aquosa aspersum sanie, ultra diem vivere conspexisse.

Caudæ sturionis tantum inest roboris, ut ligna discitet, hominem robustum prosternat, ex lapidibus denique, si eos percusserit, ignem eliciat, Consistit autem hoc robur in vehementi attritu ossiculorum, quibus sturio toto corpore mucronatus horrescit.

Delphinis tanta est oculorum perspicacia, ut piscem etiam in caverna abditum conspiciant: tanta celeritas, ut navim velo, ventisque secundis impulsam velocitate superent. Illud testatur *Oppianus*, hoc *Bellonius* observavit.

OBSERVATIO III.

Inusitata Vranoscopi vivacitas atque voracitas.

URanoscopus piscis carnivorus, adeò vivax est (inquit *Bellonius*) ut si eum internis omnibus spoliis, nihilominus adhuc moveatur. Insatiabili insuper est abdomine: idque vel inde declaratur, quòd si cibum ei objeceris, eò usque vescatur, donec cibus exaggeratus ad ipsum os redundet. Unde non immeritò omnium piscium voracissimus appellatur. *Fonten.* in *Thaumatoogr. class. 9. de piscibus.*

OBSERVATIO IV.

De singulari appetentia locustæ in polypo observata.

DUæ sunt res, quibus polypi mirificè delectantur, oleæ & Locustæ. Unde si ramus oleæ in mare, in quo sunt polypi, demissus fuerit, haud pauci circa eum illum impliciti capientur. Ad locustas quòd attinet, luculentum ejus rei testimonium invenitur apud *Petrum Berchorium*. Audivi narrari, inquit ille, quòd piscatores in mari Provinciæ in Gallia, in Littore super carbones locustas posuerant; & cum cir-

ca ignem dormirent, ecce unus polypus odore locustæ tractus de mari exit, & ad ignem veniens, volensque pede locustam apprehendere, sed calorem ignis timens, ad mare rediit, & tunicam (quam hic piscis supra caput habet loco caputii) aqua implens, toties eundo & redeundo, super ignem projecit, ut ipsum extingueret; & sic locustam accipiens, secum ad mare derulisset, nisi unus de piscatoribus, qui hoc videbat, ipsum polypum apprehensum, loco locustæ super carbones comedendum posuisset. *Hac Berchorius.*

OBSERVATIO V.

De Natura Lucii.

Lucii, sive lupi aquatici in extrema fame terreno vescuntur pabulo: in quo lupos sylvestres imitantur. Cum rana naturale hic piscis dissidium habet, à qua ipsi non rarò oculi effodiuntur: quod à viro fide digno, eodemque oculato teste accepi. Maxillæ lucii in pollinem redactæ, aurei exhibitæ pondere, calculos frangunt.

Venter huic pisci apud Anglos ad duos & amplius rescinditur digitos (inquit Jonston. sup. citat.) & si emptorem non inveniat, vulnere confuto vivario redditur, in quo tinca degunt. Nam Lucius vulnera sua affricu tinca, cuius continuus comes est, sanare solet. Causa lento, quo tinca obtegatur, humori, qui ad vulnus consolidandum idoneus est, adscribitur.

OBSERVATIO VI.

De natura mulli, ejusque ingenti, ac penitus exotico apud veteres pretio.

Mullus ter tantum in vita parit, reliquo sterilis tempore. Nam in ejus utero vermiculi nascuntur,

ur, qui conceptum semen devorant. Jecur in hoc pisce sinistro ventriculi lateri, lien verò dextro adjacet: contrario reliquis animantibus more. *Scaliger Exercit.*

26. sect. 15.

Prodigio Veterum Luxu adeò insignis fuit hic piscis, ut ingenti pecuniâ venundatus fuerit. Jovius testatur eum, si pedis excederet longitudinem, sæpius argenti puri pondere, in Urbe Romana à privatis etiam civibus emptum fuisse. Imò Plinius scribit, Asinium Celestem virum Consularem, unum mercatum fuisse octo millibus nummum, id est, quadringentis ferè imperialibus. Porro luxum & prodigalitatem illius seculi ex eo metiri amplius, & æstimare licet, quod neget Plinius nullum suis repertum temporibus, qui duas excederet libras. *Macrobius lib. 3. Saturnal. cap. 16.*

OBSERVATIO VII.

De natura Anguillarum.

Anguillæ solæ, contra morem aliorum piscium, non superfluitant mortuæ, teste Plinio. Cujus rei causam Aristoteles in exiguum earum ventrem, modicamque reducit pinguedinem.

Atque ita se rem habere, lampetrarum, congrorum, ac murænarum pinguedine abundantium superfluitatio comprobatur.

Tanta earum est lubricitas pariter & alacritas, ut à Phalacrocorace integræ devorata, per intestina novem repetitis vicibus elabantur, & tum demum retineantur, cum debilitata fuerint. *Gesnerus.*

Anguillæ, præsertim majores, in sinu detentæ, hominem quandoque usque ad suffocationem arctissimo complexu vinciunt, ut Cardanus observavit.

In Arethusa Chalcidensi tam erant olim cicures & mansuetæ, ut in auribus argenteis, aureisque ornata,

cibum de manibus largientium acceperint. *Athenaus, Alianus, Plutarchus.*

OBSERVATIO VIII.

De Natura Husonis.

TAm timidi sunt Husones, ut à minimis etiam pisciculis terreantur. Cantum tubarum sequuntur, ad eum ut allecti amico sono, ex adversa accedunt ripa. Tanti in aqua roboris sunt, ut, si cauda piscatorem percussent, de navi eum deturbent; quamprimum caput aquis extulerunt, invalidi redduntur. Vino generoso potantur, & inebriati plures dies vivunt. Bibunt autem vini sextarios quatuor. *Jonston. in Thaumato-graphia class. 9. de piscibus cap. 9.*

OBSERVATIO IX.

De pisce quodam exotico.

Auctor Historiæ Antillarum P. du Tertre Ordin. Prædicat. commemorat, in quadam novi orbis insula reperiri piscem, qui licet maximè videatur esse frigidus, nihilominus tamen, simul ac quis eum tetigerit, tantum effici in brachio tangentis, ab excessivo calore dolorem, ut illud ad humerum usque ferventi oleo immersum esse videatur: eumque dolorem ad meridiem usque augeri, imminui verò pro ratione solis descendens, desinere tandem omnino, cum penitus sol occidit. Scribit verò prædictus Auctor, seipsum hæc omnia expertum esse.

OBSERVATIO X.

De Natura & qualitatibus Barbonis, muræ, mustele fluvialis, fiatole, leporis marini, halecis.

OVa barbonis venenata esse, Majali præsertim tempore, observavit Platina, expertus est Antonius Gazius.

Gazius. Nam postquam duos duntaxat de illis bolos comedisset, ingentem ventris inflationem, corporisque totius sensit intemperiem : nec citius evanescere symptomata, quam ova (ut ille loquitur) supra & infra purgarentur.

Cicurem in vivario domestico aluit mūrānam Luc. Crassus, qui cum Cn. Domitio Censor Romæ fuit, eamque monili inauribus & gemmis distincto exornavit, teste Macrobio & Aliano. Cognoscebat illa Crassi vocantis vocem, & adnatabat vocata, cumque aliquid porrigeretur, gaudio exiliens captabat. Flevit mortuam Crassus, & sepulturæ affecit honore. Cum verò Domitius acerbius aliquanto in eum dixisset: *Srulte Crasse, mūrānam flevisi mortuam*: respondisse fertur: *Ego mūrāna mortem lacrymis prosecutus sum, etiam bestiae commiseratione tactus; tu verò siccis oculis tres ex tulisti uxores, omni saxo durior.*

Ex hepate mustelæ fluviatilis (quod exquisitissimi saporis est) ad solem, vel calefactam fornacem suspensum, intra vas vitreum colligitur oleum, quod in oculorum suffusionibus & maculis tantæ putatur esse efficaciam, ut *Forestus in Observationibus* scribat, ejus virtute tenebrosum visum miraculi instar lucidum reddi.

Fiatola, præter omnium piscium morem, pinnis caret. Hepar illius unico lobo constat, felle nullo. *Jonston. sup. citat.*

Lepus marinus piscis est venenatus. Et quamvis aquatiliū animalium pauca admodum venenosa reputantur, quòd in aqua degant, quæ veneno ut plurimum contraria est; & quædam in parte tantum venenum contineant: ut araneus piscis in spinis, pastinaca marina in radio, lepus tamen marinus in toto corpore illud diffusum gerit. Titus Imperator à Fratre Domitiano hoc veneno interfectus est. Eos verò, qui hoc gene-

re veneni extinguuntur, tot diebus mori, quot lepus marinus vixerat, tradit *Licinius Macer apud Plinium lib. 31. cap. 2.*

Halex, sive Harengus (inquit *Paulus Neucranzius in Exercitatione Medica de Harengo cap. 3.*) gregalis piscis est, sequiturque numero maximo ducem suum, præ cæteris corpore decorum: quem si bonâ fortunâ interceperint piscatores, plerumque tantam concludunt retibus harengorum multitudinem, ut retia ingentia non sufficiant iis capiendis.

Bergis Norwegicis greges halecum tanta aliquando copiâ in portum ac vicina littora, scopulosque sese recipiunt, ut remus cumulo earum immixtus consistat immobilis: quod tunc præcipuè circa Norwegiam evenire memorant, quando haleces, aut gravi se tempestati subducunt, aut balæna eas persequitur, quæ ingentem horum piscium acervum hiatu absorbere solet *Neucranz. loc. cit.*

Ajunt Thuringos præ aliis Nationibus esu halecum delectari. Unde vulgò dici solet:

*Hæc assatum Thuringis est bene gratum.
De solo capite faciunt sibi fercula quinque.*

DISCURSUS DECIMUS SEXTUS. EX ORNITHOLOGIA.

De Volatilibus.

PRÆFATIUNCULA.

Ornithologia est scientia naturam Avium seu Volatilium indagans. Porro inter aves, alia sunt grandiores, quæ ambulant solum

solummodo: alia minores, quæ saltitant tantummodo: alia mediocres, quæ & saltatu & incessu utuntur. Omnes vero plumata, pennata, ac rostrata sunt, excepto vespertilione, qui pilosus & dentatus est, alasque habet membranaceas.

SECTIO PRIMA.

De Avibus seu Volatilibus in genere.

CAPUT I.

Ad quos pertineat aucupium, seu jus capiendi aves?

Aſſerendum est, jus capiendi aves, præfertim per-
dices, attagenes, gallinagines seu scolopaces, co-
turnices, phasianos, urogallos, &c. hodie territorio
cohærere; ita ut qui Territorii vel Castri Dominus est,
idem etiam jus aucupii habeat. Ita sentiunt Carolus
Tapia in l. fin. cap. 2. part. 1. num. 11. ff. de Conſtit. Prin-
cip. Medices de Venet. piſcar. & aucup. quæſt. 27. Petr.
Antonius de petra Tract. de poteſt. Princip. cap. 7. num. 5.
Hinc quotidianâ docemur experienciâ, quod ſubditi
non impunè huiusmodi aves aucupentur, ſed plerisque
in locis conſenſum ſuperiorum exquirant, certamque
partem captarum avium in recognitionem eis tradere
cogantur. Interim negari non poteſt, aucupium ſpe-
ciato Jure Gentium primævo, unicuique liberum
eſſe, ſicuti liber eſt aër, in quo aves commorantur. l. 1.
§. 3. ff. de acquirendis. rer. domin. §. ſer. e, Inſtit. de rer.
diviſ.

CAPUT II.

An auguria sive observationes ex garritu, pastu, volatu avium, culpâ vacent, & permitti possint?

Respondeo breviter, observationes avium, ut benè observat *Godelmannus de Magia, lib. 1. cap. 9.* esse duplices: Physicas seu naturales, & superstitiosas. Hæ, utpote non habentes naturalem cum effectu divinato connexionem, damnantur ab Ecclesia. Cujusmodi sunt, ex certo corvi volatu decernere motum castrorum, ex crocitatione corvi, aut gratitatione anseris, prædicere victoriam, ex neglecta à pullis gallinaceis esca divinare cladem &c. Illæ, cum sint signa naturalia, sicuti vanitate & superstitione, ita & culpâ carent: Verbig. ex certo gruum per sublime volatu, serenitatem; ex intempestivo anserum clangore, tempestatem; ex producta in serum pabulatione graculorum, celestem adventum hyemis augurari.

CAPUT III.

Monita quadam ad aucupium pertinentia.

Monitum Primum.

Suadendum est Nobilibus, ut aucupio potius, quam venatione ferarum quadrupedum sese oblectent. In hac enim oportet per invia properare, per arbusa, pineta, per saxosa & aspera locorum, per sylvas modò huc modò illuc, modò fursum, modò deorsum per montes currere; id quod magnas creat molestias & lassitudines. Incidere autem, vel in spumantem aprum, vel in horribilem ursum, vel in furibundum cervum, quàm periculosum! Tolerabilior adhuc sumptus, minorque apparatus capiendis avibus. Cum contrà in venatione majorum ferarum canum

centuriæ, magnarum impensarum & formarum complurium retia, venatorum famulorumque turbaingens, aliaque permulta sint necessaria. Solo prope modum reti, visco, accipitre, suum auceps munus, sine comitibus, sine canibus facillè exequi poterit.

Monitum Secundum.

Debet Accipitrarius accipitrem dextræ chirotecâ munitæ infidentem circumferre crebriùs, eumque è manu pascere, quò Magistrum, ejusque vocem tantò perfectiùs agnoscat, celeriusque vocatus advolet.

Monitum Tertium.

Habeant aucupes perspectam perdicis astutiam. Solet illa, cum ad nidum auceps accesserit, ante ejus pedes, tanquam alis vullis sese volutare, spemque, sui capiendi facere, atque hoc astu eum remorari, dum pulli a volent.

Monitum Quartum.

Perdices non difficulter nascâ capiuntur, si auceps unam alteramve perdicem illicem ad invitandas reliquas edoctam adhibuerit.

Monitum Quintum.

Ad perdicis & coturnicis aucupium instituendus est canis, qui ante aucupem currat, & huc illuc discurrat, inventaque præda consistat immotus, sæpius respectans, & caudam agitans. Tum retia pandenda, & canis avibusque injicienda erunt.

Monitum Sextum.

Coturnix fistulâ vocem muliebrem imitante capi potest, si in via media plaga extendatur; in hanc enim, occurrendo, & cantum fistulæ sequendo, sese induet coturnix.

Monitum Septimum.

Allium ita coctum, ut germinare nequeat, si avibus obijciatur, ab iisque devoretur, stuporem ipsis ac vertiginem tantam inducit, ut manu comprehendantur. Ad id conducunt etiam escis immista semina lappæ, hyosciami, &c. Nonnulli id ipsum consequuntur, vino aut facce vinaria inficiendo aquas, è quibus aves bibere consueverunt; hac enim ratione inebriantur.

Monitum Octavum.

Funiculis visco illitis, eorumque capitibus ad ripam religatis, & reliquis funiculorum partibus in aquam immisiss, volucres per gurgitem summum nantes retinentur & capiuntur.

Monitum Nonum.

Dispositis per ramos arborum virgis visco perlitis, adhibitaque noctua femina, aut bubone, non difficile aves capiuntur. Sunt enim hæ duæ volucres cæteris natura invisæ, ad quas persequendas & vellicandas congregantur. Itaque ubi illæ sunt, magnam cernes reliquarum copiam.

Monitum Decimum.

Utiliter adhiberi potest modus capiendi monedulas, sturnos, aliasque gregatim volantes aves, à quodam nostri seculi Poëta hinc versibus descriptus.

*Cum volat, inque globum teretem se plurima versat
Nigra pedes, nigris velata monedula pennis:
Aëra seu sturni densa implevere caterva:
Ilicet è manibus raptim volet unus & alter,
Aspersum viscofilum qui ponè trahentes
Aëream repetant turbam, & se pluribus addant.
Namque illos medio redeuntes agmine lati*

Dum

*Dum fortè excipiunt alii, circumque, supraque,
Et nunc subter eunt, floretinentur, & alas
Impliciti, cælum magni stridoribus implent.
Nec mora, cœsummo demissus ab æthere turbo.
Infima præcipiti labuntur in arva ruina.*

Monitum Undecimum.

Caveant sibi aucupes, ab iis aves capiendi praxibus, quæcum superstitione, & pacto diabolico saltem implicito, conjunctæ sunt. Cujusmodi est illa, quam Martinus Schmucken suo Thesauriolo Secretorum inseruit: ubi *Part. 1. Secreto 11.* docet modum præparandi sclopetum, quo avium quarumvis, in quas collinatur, colla glande plumbeâ, ictu infallibili, trajiciantur, & nullâ aliâ parte lædantur.

Petere nimirum jubet à carnifice clavum, quo malefactoris rotæ impositi caput fuit rotæ affixum; & ex parte anteriore atque acuta, quæ caput transfixerat, fieri dioptram ac nodulum, sclopetique dorso ante & retro, ut fieri solet, imponi, ad visum dirigendum. Præparari autem debent dicta dioptra & nodulus die Martis, & sine igne. Hoc sclopeto, ait, quarumvis avium colla certo ictu trajicies. Si tamen eodem sclopeto quis utatur in finem alium, ut ad metam attingendam, aut lepores trajiciendos, vim priorem deperdet.

Sed quis non videat (dummodo vel primis Theologiæ principiis leviter tinctus sit) hanc praxin esse vanissimam, imo damnabilem superstitionem, cumque pacto diabolico (saltem implicito) implicitam? Quæ enim est obsecro, vel proportio, vel connexio, in naturæ legibus fundata, inter clavum illum, & collum avis in aëre volantis? Itaque praxis illa non est naturalis: sed neque est divina; quia nec à Deo instituta, nec ab Ecclesia approbata est. Restat igitur, ut sit diabolica & mortua.

mortaliter peccaminosa, utpote graviter repugnans primo præcepto Decalogi. Vocatur autem hoc peccatum à Theologis *Vana Observantia*, potestque præcipuè ex duobus signis cognosci. 1. Ex insufficientia causæ ad effectum adhibitæ; si nimirum nec naturalem habeat virtutem, nec de supernaturali legitimè constet. 2. Ex adjunctione falsæ, aut vanæ circumstantiæ: cujusmodi in casu præsentis est, quod dioptra confici debeat die Martis, & sine igne.

SECTIO SECUNDA.

Complectens curiosas Observationes de variis Avibus in particulari.

OBSERVATIO I.

De adunco & retorto Aquilæ rostro.

Natura Aquilæ dedit rostrum incurvum: per quod (ut alias præteream causas) animantibus cæteris utcunque consulere, & inexplebili hujus avis voracitati modum aliquem imponere voluisse videtur. Quemadmodum & hac ratione prospexit, quod non sinat Aquilam ova parere plura tribus, nec pullos alere plures duobus. Atque per hos ipsos dies, quibus incubat (incubat autem fere tricenos) naturæ providentia cibum illi negavit, inversis interim ejus unguibus, ne ferarum omnium fœtus raperentur. Itaque per id tempus pennæ Aquilæ inedia albescunt.

OBSERVATIO II.

De aliis quibusdam notabilibus Aquilæ proprietatibus.

1. **P**Es Aquilæ dexter est major sinistro. *Jonstonus in Thaumatrographia classe 6. cap. 1.*

2. Cere-

2. Cerebrum Aquilæ adeò calidum est, ut in pulverem redactum, maniam inducat propinatum. *Idem ibidem.*

3. Aquila, teste *Æliano*, tam perspicacis est visus, ut supra maria, extra humanum elata contuitum, pisciculos minimos in mari natantes conspiciat.

4. Cadavera quindecim milliaribus distita odoratu percipit Aquila.

5. Vox Aquilæ boati est similis, sed pulli ejus ob præpeditam ab humore linguam, sunt muti.

6. Aquila non bibit, prædarum sanguine contenta; in ultimo tamen senio, quando rostrum præ siccitate incurvatum est, potu vitam sustentat. *Ælianus.*

OBSERVATIO III.

De natura & proprietatibus Falconis.

1. **T**antum inest falconi roboris, ut avem percussam à capite ad caudam usque diffecet.

2. Aviculæ ita falconem timent, ut nonnunquam audito tintinnabuli sonitu, & ex eo falconis adventu cognito, malunt humi ab hominibus obrui lapidibus, quam se, cum periculo incidendi in ungues falconis, in altum attollere.

3. Falco nunquam sese aqua, ut cæteræ aves, sed sola arena abluit. *Vide Jonstonum sup. Observat. 2. citatum, cap. 16.*

OBSERVATIO IV.

De natura, & proprietatibus Accipitris.

1. **C**or Accipitris magnum, sed Lien adeo exiguus est, ut visum propemodum effugiat. Ita docet *Aristoteles de partibus animal. cap. 38.*

2. Singulis annis deplumescit, expandendo alas ver-

sus

fūs Austrum: qui ventus relaxat corpus ipsius, porosque facit ampliores, ut facilius excidant pennæ.

3. Hæc avis tametsi rapax & vorax, cruorisque avida sit, cor tamen captarum avium nunquam devorat.

4. Mirum Accipitri ingenium. Avem, quam sub noctem cepit, nocte integra sub pedibus tenet, exoriente sole dimittit, & obviam postea factam nunquam persequitur. *Jonston. in Thaummatographia classe 6. cap. 2.*

5. Accipiter cadavera fugit, & si humanum attigerit, jejunos manet.

6. Hominem mortuum lugere videtur, inque ejus oculos humum ingerere: imo si inhumatum offenderit, gleba injecta humare.

7. Os tibiæ accipitris si ad aurum admoveatur, illecebra quadam illud attrahit. *Ælianus lib. 4. cap. 43.*

8. Aviculæ ad ejus conspectum ita perturbantur, ut manu possint de arbutis demi.

9. Exigua est accipitri fœcunditas: calore nimio nimium semen ejus condensante. Libidinosus tamen est, ita ut femina trigies una die requisita, redeat vocata.

OBSERVATIO V.

Anser amator Philosophi.

EXistimat Plinius *Hist. natur. lib. 10. cap. 22.* inesse Anseri quandam veluti particulam sapientiæ & intellectus, eò quòd quidam ex illis Lacydem Philosophum ita adamarit, ut perpetuò ei comes adhæserit, nusquam ab eo, non in publico, non in balneis, non noctu, non interdum digressus. Meminit hujus anseris etiam Ælianus, & refert, eum demortuum non minus ambitiosè à Philosopho sepultum, quam si filius aut frater fuisset.

OBSER-

OBSERVATIO VI.

Ex Anserē medicina apostematum.

Veterem anserem masculum triduana inedia macera, deinde illi objice frustra anguillæ recenter occisæ, & excrementa ejus collige, habebisque præfens remedium ad quavis apostemata. *Acceptum à quodam peritissimo Chirurgo.*

OBSERVATIO VII.

Otus avis imitatrix.

Otus (Germanis ein Ohrenl) quidquid hominem facere viderit, imitatur & æmulatur; ita ut saltet cum saltante, & oculos visco inungat, si hoc aucups facere se simulaverit. Quare captu facilis est. *Athenæus lib. 9. Plinius lib. 10.*

OBSERVATIO VIII.

Perdices cicures.

Plena perdicum est insula Chios. Eas pastor primo diluculo evocat sibilo, quæ mox catervatim accurrunt, secutæque pastorem, ut apud nos oves, in agros prodeunt, ubi toto die apicantur & pascuntur. Sub vesperam eodem signo revocatæ, facto agmine domum, & ad nota cubilia se recipiunt. Cicurantur autem hæ perdices in hunc modum: Statim ut ovis exclusæ sunt, rustici eas in sinum intra indusium transferunt, atque hoc modo die una & altera circumferentes foveant, & ori subinde admotas salivâ nutricant: quo beneficio devinctæ, nutritios suos non obliviscuntur. Una tamen adhibenda est cautio, ne in agro pernoctent; id enim, si semel atque iterum factum fuerit, facile ad naturam redeunt, vitæ libertatem humano contubernio præferentes. *Busbequius Epist. 3.*

OBSER-

De Avicula corpore minima, sed cantu suavissima.

IN America reperitur avicula, quæ, si molem corporis inspectes, non est major vespa, sed claritate sonoræ vocis, cantusque suavitare omnes nostrates Philomelas superat. Barbari eam *Gonambuch* appellant. *Joann. Ludovic. Godefridus in Histor. Antipodum part. 1.*

OBSERVATIO X.

De Avicula, qua ad ignem seipsam cum veru vertit.

CUM Romæ essem (utor verbis Auctoris Josephiorum Naturæ & Artis *centur. 1. propositione 20.*) Eminentissimus Cardinalis Palottus experimentum quoddam (quod novum putabat) P. Athanasio Kirchero examinandum, causamque insoliti effectus explorandam proposuit.

Aucupio ceperant dicti Cardinalis familiares aviculas aliquot minutissimas, quas Regulos vocant Latini, Germani verò *Zaunslupfferlein* / quod in seipsum receptaculis nidificare soleant. Has virgis corylaceis infixas dum igni affandas apponunt, notatum fuit magna omnium admiratione, verū illa corylacea fulcris imposita paulatim seipsa unā cum aviculis infixis vertere. Sæpius repetita cū fuisset observatio, & semper eodem cum effectū, una avicularum simul cum stipite corylaceo à Cardinali ad P. Athanasium Kircherum missa fuit, petiitque ut idem experimentum repeteret, suumque de causa tam insoliti prodigii (ut putabant) iudicium interponeret. Ad rei itaque periculum faciendum, avicula deplumatur, virga corylacea recta & tenuis (ne pondus effectum impediret) instar veru per corpusculum transadigitur, veru duobus ferreis fulcris imponitur,

ponitur, lentus prunarum ignis admoveatur, motusque avicula spontaneus expectatur. Nihil primò per dimidii ferè quadrantis horæ spatium fuit notatum, adeo ut circumstantes experimenti vanitatem cachinnis exciperent, & ipse quoque Kircherus moræ impatiens abitum pararet, fallax & delusorium experimentum dictitans. Dorsum jam verterat, cùm veru primò lentissimè, mox vehementiùs agitari in gyrum animadverto. Revoco igitur abeuntem, ostendoque veru unà cum avicula in orbem tanta velocitate circumagi, ac si manuum agitatione propelleretur. Neque à circumvolutione cessatum fuit, donec avicula plus quam assata, & virga corylacea in carbonem ferè fuit redacta. Ego ad quadraginta gyros numeravi.

Experimentum hoc non est novum, ut sibi familiares Cardinalis Palotti persuadebant. Mentionem enim illius faciunt Scaliger *Exercitat. in Cardanum, Exercit.* 70. Aldrovandus *lib. 17. Ornithologia cap. 1. Porta lib. 14. Magia natural. cap. 10. Cardanus lib. 7. de variet. cap. 36. Albertus M. lib. 23. de Animal. ubi de Regulo sive Trochilo loquens, hæc avis, inquit, habet, quòd si deplumata in veru parvo figatur, ad ignem gyret seipsam. Et hoc jam probatum est a nobis per experimentum.*

Restat jam examinanda causa, cur hæc avicula sponte cum veruculo colurno ad ignem vertatur? Quidam eam referunt in ipsum Regulum, alii in virgam colurnam seu corylaceam, alii in utrumque.

Multi (inquit Cardanus *loc. citat.*) levitati corporis aviculæ id tribuunt, cùm aliis paulò majoribus avibus id non contingat.

Porta *loco sup. citat.* hisce verbis experimentum, ejusque causam proponit. Si desint servi, qui veru convertant, & velis ut avis seipsam assæt, hoc uteris artificio: Regulum avem colurno veru infiges, & subjectis prunis

se ipsam movere videbitur. Quod ex ligni proprietate evenit, non ex ave; Nam si columnæ virgæ ignem subijcias, distorquetur, ut se ipsam videatur movere: & quamcumque carnem (sed modici ponderis) infliges, omnis movebitur circumvolvendo. *Hæc Porta.*

Ex quibus patet, causam prædicti effectus non esse aviculam, sed virgam columnam; Quia, si virga alterius arboris adhibeatur, non vertitur avicula, è contrariis sola virga columna, si instar veru fulcris sustentetur, & ignis subijciatur, etiamsi omnis absit avicula, in gyrum vertitur.

Addo, prædictum effectum non provenire ab occultata quadam virtute & qualitate specifica, corylo inexistente, sed à constitutione naturali talis stipitis seu virgæ, aliis etiam lignis & plantis communi. Habet enim corylus fibras (ex quibus in longum componitur) ita constitutas, ut postquam probè incaluerit, sese vehementer contorqueat. Quam quidem torsionem sequitur motus in gyrum, si ita libretur virga columna, ut liberè in gyrum verti possit. Similem habent constitutionem sarmenta vitium, cuscuta, hederæ, aliaque similia ligna, & festucæ avenaceæ, nisi quòd aliqua faciliù & longiori tempore, alia minùs facilè, & breviori tempore contorqueantur.

OBSERVATIO XI.

Notabilia quædam de Ciconia.

Ciconiæ sunt aves migratoriæ, sed dubitum est, an omnes quotannis adventante hyeme in alias emigrent regiones. Multæ enim velut extinctæ, à piscatoribus reti in siccum tractæ sunt, cæque simul junctæ mutuo, simul rostra in ano inserta habuere, & calefactæ revixère in thermis. In Lotharingia certè id accidit anno 1467. refert *Campofulgosus lib. 1. memorabil.*

2. Vefaliæ Ciconia quædam suo hofpiti migratura valedicebat, & eundem falutabat redux. Non contenta tandem vocali gratitudinis figno, radicem viridis zingiberis attulit.

3. Ex Gefnero refertur, quòd Ciconia quædam ftupratori uxoris abfentis hofpitis oculum effoderit. Alia fuæ conjugis adulterium in abfentia commiffum cùm deprehendiffet, multis aliis adductis, eam laniavit. *7on- ftorus in Thaumatrographia Hift. de avibus.*

OBSERVATIO XII.

De Natura Milvi.

1. **M**ilvi primis annis magnas venantur aves, vegetiores facti parvas, tertio anno mufcas & culices.

2. Milvi tam altè volant, ut fe interdum humanis fubducant oculis: tam latè, ut nulla avium tam ampla aëris emetiatur fpatia: tam denique celeriter fe demittit ex alto, ut fegmenta pulmonum bubulorum projecta arripiat, priusquam in terram deciderint.

3. Cùm Londini in Anglia non liceat occidere milvos, hinc magnâ illi utentes confidentia & libertate, per confertos etiam homines prædam in altum tollunt, carnes etiam è macello auferunt, panem è manibus puerorum, pileosque de capitibus, nidulandi præfertim tempore, abripiunt. Vide *Ælianum lib. 2. cap. 47.* *Bellonium lib. 2. de avibus cap. 26.* *Clufium lib. 2. cap. 36. in obfervat. Bellonii.*

OBSERVATIO XIII.

De Mergo Ave pifcatrice.

Mergi exercent officium pifcatorum in Provinciis Orientalibus, & pifcium capiendorum caufâ capiuntur. In civitate quadam (inquit Odoricus à Foro Julii) ad magnum fluvium fita in Oriente, hofpitem

piscaturum comitatus, vidi in naviculis ejus mergos super pertica alligatos: quibus ille guttur filo ligavit, ne pisces captos devorare possent. Ponunt autem in singulis navibus tres magnas cistas, unam in medio, & ab utroque extremo singulas. Tum mergos solutos dimisit, qui mox pisces quamplurimos cepere, & ipsi met in cistas illas imposuere, ita ut brevi tempore omnes repleverint. Tum hospes filis à gutture solutis, mergos jam sibi ipsis piscari, & piscibus pasci permisit. Hi postea ad loca propria revertuntur, iterumque perticis alligantur. Idem Venetiis factum esse testatur Scaliger.

OBSERVATIO XIV.

De Haliæto, Torquilla, Turdò, Noctua, Vulture, & nonnullis aliis Avibus.

EX Haliætis seu Aquilis marinis, quidam dicuntur habere unum pedem aquilinum & aduncum, alterum planum anseris instar, eoque ad natandum uti. Simile quiddam de falconibus refert Joann. Ludov. Godofridus in *Histor. Antipodum*, reperiri videlicet in Guatimala regione Americana quoddam genus falconum quorum pes alter est falconinus, alter anserinus.

Torquillæ est aculeus linguæ tam acutus, ut humanam cutem haud aliter quàm acicula penetret.

Turdus pascitur baccis juniperinis, diciturque suam sibi cacare perniciem, quia viscus, quo turdus capitulum pullulascit è ramo, quem ipse conspurcavit.

Noctua, si fides habeatur Plinio *lib. 10. cap. 17.* novem dierum abstinencia non læditur.

Vultur grano mali punici perit. *Plinius lib. 30. cap. 4.* Tradit Cardanus, quod corium calcanei dextri in vulture, super pedem dextrum podagrici, & sinistri super sinistrum ejusdem pedem positum, dolores mitiget. Si-

mile

nile quiddam de testudine referens Albertus M. Si acciperis, inquit, dextrum pedem testudinis, & suspenderis eum super dextrum pedem podagrici, prodest ei: similiter si sinistrum sinistro.

OBSERVATIO XV.

Virtutes & vitia in avibus symbolicè representata.

Aquila pennis nudata, juventutem renovans, designat emendationem morum, & innovationem vitæ: Pavo se circumspiciens, superbiam; Syrma demittens fædosque pedes aspiciens, cognitionem sui: Grus cum lapillo in pede, vigilantiam: Acanthis in spinis canens, studia in paupertate: Merops volans oculis in caudam reflexis, ordinem præposterum: Picus arborem rostro perforans, constantiam: Pyrausta ad fulgorem advolans, seque comburens, ambitionem: Monocodiata, seu avis Paradisiaca, contemplationem rerum cœlestium: Cuculus alienum nidum occupans, vagam libidinem, vel adulterum: Alcedo in mari tranquillo nidificans, tranquillitatem à turbis & litibus: Charadrius inter vorandum alvi proluviem excernens, gulonem: Struthio ferrum concoquens, patientiam.

DISCURSUS DECIMUS SEPTIMUS.
EX TETRAPODOLOGIA.

De Animalibus Quadrupedibus.

PRÆFATIUNCULA.

Tetrapodologia est scientia eorum quæ pertinent ad quadrupedia: quorum duplex est divisio. Prima in animalia mansueta & fera. Illa sub

hominum cura vivunt : Hac homines fugiunt , & sibi ipsis pastum quarunt. Secunda, in animalia amphibia, & non amphibia. Hac unum duntaxat elementum, videlicet terram : Illa duo , nimirum terram & aquam incolunt ; ut Castor, Lutra &c.

OBSERVATIO I.

Inusitata docilitatis ac intelligentia vel specimina vel imitamenta, in Elephante observata.

Christophorus Acosta, qui Indiam Orientalem diligenter perlustravit, multa supra fidem de inusitata elephantis docilitate ac solertia commemorat. Nihil certius esse ait, in regno Malabar, quàm quòd Elephantis sermone inter se communicent, imo addit eos humanam edere vocem. Erat, inquit, in Urbe Cochinelephas, qui ad portum resque marinas, diurnas præstare solebat operas. Eum fortè jam fessum urgebat nihilominus urbis ejus Præfectus, ut Liburnicam, quam commovere ceperat, deduceret porrò in mare. Ille abnuere, instare alter multis blandisque verbis, & ad extremum in gratiam Lusitani Regis ut id veller, orare. His dictis motus elephas, clarè hæc duo verba ingeminat; *Hoo Hoo*, quod lingua Malabarica est *Volo Volo*, ac sine mora navim traxit in mare.

Venerat quidam elephas in stabulum famelicus, & ab itinere fessus. Cumque contubernalem asinum ibidem ad præsepe hordeo vescentem reperisset, reliquias cænulæ ejus, excluso, & per vim remoto conviva, avide absumpsit. Mox cum ipsi Magister lautum epulum hordeaceum apposuisset, memor injuriæ socio facta proboscide, cænani suam divisit, partemque elurienti asino relinquens, suam solam consumpsit. *Id Clusius retulit Lipsio, testè Henr. Ursino in Acerra Philologica.*

Elephan

Elephanti ex Africa profecti, maria transituri, ferebantur non ante naves conscendere soliti, quàm recton jurejurando de reditu cavisset. *Plin. hist. nat. cap. 1. lib. 8.* Quare cùm in Theatrum Pompeji introducti, quidam ex illis in certamine cum armatis occubuissent, reliqui à pugna destitère, & circumeuntes proboscide in cælum elevata visi sunt lamentari. Unde occasio sermoni data, eos jurisjurandi religionem implorasse, & à Diis poposcisse vindictam. *Dio Cassius lib. 39. p. 107.*

OBSERVATIO II.

Generositas hominis, terror leonis.

Henricus Alfatix Comes, Leonem, astu & invidia Anglorum, in palatio Eduardi III. Regis, in se emissum, voce terruit. Nam cùm frementem illum ac rugientem in gradibus obvium haberet: *Quiesce*, inquit, *canis ferox!* metuque prostratum & adblandientem manu apprehendit, atque in caveam reduxit. Idem Comes Henricus *Ferreus* à robore appellatus fuit. *Cranzins in Saxonia.*

OBSERVATIO III.

De equo stultè amato ac honorato.

Caligula Imperator, equo, cui nomen *Incitatus*, præter equile marmoreum, & præsepe eburneum, ac tegumenta purpurea, cum monili gemmeo, domum etiam cum familia atque supellectile dedit, quò lautius nomine ejus invitati acciperentur. Consularum quoque ei traditur destinasse, ut scribit *Suetonius*. Addit *Xiphilinus* ex Dione, quòd invitaverit ipsum ad cœnam, invitato apposuerit hordeum ex auro, vinoque potaverit, imò Collegam in Sacerdotio designaverit.

Verus Imperator equo *Volucris* (hoc ei nomen fuit) aureum confici curavit simulachrum, quod secum portabat,

tabat, & uvas passas ac nucleos in vicem hordei in præsepi apposuit, mortuo denique sepulchrum in Vaticano fecit. *Julius Capitolinus.*

OBSERVATIO IV.

Modus efficiendi, ut equi acquirant caput parvum, & jubam pulchram.

CAput equi, dum pullus est, si sæpius lavetur frigidâ, extenuatur & marcescit, parvumque redditur. At contra, si collum sæpius aqua calida lavetur, crassescit, crinesque crescunt, & juba redditur pulchrior. *Cardanus.*

OBSERVATIO V.

Varie equorum denominationes à variis accidentibus.

EQuus, si castratus fuerit, appellatur canterius seu Espado, cui opponitur admiffarius, qui ad speciei propagationem deputatus est. Calce feriens, dicitur calcitro, vel calcitrosus. Si duri est oris, refractarius: si ructantis, ructator: si sessorem excutit, sternax: si pedibus offendit, cespitator; si succutit, succussor seu succussator, si vitiata sint suffragines, flexuræ posteriorum crurium, suffraginosus; si capite ad humum flectitur, cernuus; si agrè ducit anhelitum, suspiriosus; si facile terretur, pavidus, formidolosus, restitator; si male habitus, strigosus; si arrodit præsepe, morsicator; si molliter glomerat gressus, seu totum incedit, tolutarius seu tolutaris, gradarius, asturco; si cursu tractim & subsultim incitato feratur, tripedarius (Barbari vocant gallopare) si sine ephippio, desultorius: si cum eo, ephippiatus: si nunquam ephippium sive sellam equestre passus est, intractatus & novus: si cum ferreis soleis, calceatus: si conductus mercede, meritorius & conducti-

ductitius: si ad cursum publicè dispositus, veredus; si candicat, leucophæatus vel glaucus appellatur; si præfert albam in fronte maculam (vulgo stellam) balius dicitur; si coloris sit ex albo cum spadiceo aut nigro, bicolor nuncupatur. *Pexenf. in appar. erudit.*

OBSERVATIO VI.

Varii modi iter equo celeriter conficiendi.

S Armatae longinqua itinera equestria celeriter confecturi, pridie equis cibum subtrahunt, & ita per centena passuum millia continuo cursu iis insident. Turcae quoque iter agentes, interdum equos non patiscunt, sed solum potant, quoties aquam reperiunt. Saxo Grammaticus refert, Valdemarum ea nocte, quam belli infecuta est dies, quâ Sueonem III. Danorum Regem vicit, præcepisse frænatos stare equos, sine pastu, ne satietate graves, minus ad cursum essent idonei. Inedia ergo velocitatem addebat hisce equis, nostris adimit. Inde major ferè apud nos equorum, quam equitantium cura.

Tartari, Paulo Veneto teste, cum prædandi causâ excurrunt in regiones illas septentrionales, quibus sol mensibus aliquot non apparet in hyeme, equas adhibent ad iter, quas pulli sequuntur. Cum ad regionis inimicæ ingressum perveniunt, pullos sub custodia commilitonum relinquunt, ipsi cum equabus pergunt, & prædiis onusti laxant habenas: hæ pullorum desiderio per tenebras rectâ ad illos, & celerrimè revertuntur; equæ enim pullos suos impensè amant. Hoc sciens olim Darius Persarum Rex, equas à partu recenter ad pugnas periculosas ducebat, domi relictis pullis, ut cum fugere necessarium foret, equæ pullorum amore quàm celerrimè domum properarent. *Autor fœcofrior. Artis & Natur. cent. 3.*

Cardanus *lib. 13. Varietat. cap. 63.* modum præscribit, quo quis celeriter equo fugere, aut fugientem insequi possit. *Primò*, inquit, eligat equum levem, laboribusque assuetum, & super omnia mitem: multi enim equi insolentia exitio fuit. *Secundò*, singulis equi soleis, loco octo clavorum, affigi curet quatuordecim, ne per montes, quibus atteri solent clavi, euntibus, aut per tenacius lutum, excidant soleæ. *Tertio*, qui equitat, secum deferat carnes pavonum, aut corvorum, modicè salitas, siccitasque ac tritas, proprii usus causâ. *Quartò*, panem ferat secum, eumque aridum, non sibi solum, sed etiam equo utilem. *Quintò*, sumat secum cingulum coriaceum, ex corio bubalino aut taurino, ea ratione confectum, quam *Schottus part. 3. Magia lib. 5. Syntagm. 2. pragmat. 13.* describit: quod deserviet, si flumen, quod non sit vadosum, transire oportuerit. *Sextò* denique habeat iter optime perspectum.

OBSERVATIO VII.

Camelus animal admodum vindicativum.

Camelus ab homine læsus, acceptam injuriam nunquam obliviscitur, eamque oblatâ occasione gravissimè ulciscitur, etiamsi longissimum effluxerit tempus.

Camelarius quidam in Persia, cui camelorum cura demandata erat, cum aliquando in brachio à camelo morsus esset, multas ei in collo (quâ parte cameli maximum habent acerrimumque doloris sensum) plagas inflixit. Camelus verò vindictæ cupiditate flagrans, cum plurimis exactis diebus, in itinere aliquo sub dio in campis unâ cum aliis camelis pernoctaret, & Camelarius etiam inter eos, jacens somnum caperet, parte corporis sui, ad frigus arcendum, pectori alicujus cameli

meli suppositâ; surrexit de nocte camelus ille, qui verberibus affectus fuerat, percussorem Camelarium inter camelos alios quæsit, inventumque protraxit, & pedibus tam diu conculcavit, donec omnia ossa comminuta essent. *Adamus Olearius in Anctario Itinerarii Moscovitico-Persici lib. 5.* Hinc Persæ de hominibus vindictæ cupidis dicere solent; *Hic homo habet iram cameli.*

OBSERVATIO VIII.

Asinus Leonis victor.

Inter prodigia, quæ mortem Alexandri M. portendebant, asinus Leonem maximum, pulcherrimumque omnium, qui tum in Regiis vivariis alebantur, aggreffus, impacta capiti calce occidit. *Plutarchus.*

OBSERVATIO IX.

Mira in Asina hydrophobia, seu horror aque.

Adè hydrophobæ sunt asinæ, ut minùs ignem, quàm aquam horrere videantur, teste Plinio *hist. Natur. lib. 8. cap. 43.* ubi de asinabus sic scribit: *Parvûs charitas summa, sed aquarum tadum majus. Per ignes ad fatus tendunt: eadem si rivus minimus intersit, horrent ita, ut pedes omninò caveant tingere*

Huc pertinet, quòd asinus, dum bibit, os parcè immergat aquæ. Ingentem enim aurium umbram in aqua conspicatus, veretur, ne profundiore oris in aquam immersione madefiant.

OBSERVATIO X.

Stupendus Asini somnus.

IN Thuscia sive Hetruria nonnunquam accidit, ut asini cicutam, dum in campis pabulum quærunt, secuturi

turi effectûs ignari, comedant. Quâ comestâ tam profundo corripuntur somno, ut quasi cadavera jaceant, & excoriati à putantibus esse mortuos, non priûs exprogefiant, quàm pelle ferè detracta, cum omnium risu & ludibrio, at non sine detrimento rusticorum, ad quos asini spectant. *Matthiolus in Dioscorid.*

OBSERVATIO XI.

Ungula Alcis medicina morbi comitialis.

ALce est fera quadrupes, cujus labrum superius adeò propendet, ut nisi in posteriora recedens vestigia pascinequeat. Laudatur hujus animalis celeritas; tantùm enim diei unius spatio emperitur itineris, quantum equus triduo. Illud morbo infestari sacro, scribunt Naturæ indagatores: Medicinam verò sibi ipsi facit, dextri posterioris pedis ungulam auriculæ sinistræ immittendo. Quod animalis factum imitantur, qui hominibus morbo prædicto correptis mederi cupiunt. Audiamus de hoc Lævinum Lemnium, & ex eo *Weckerum lib. 5. de secret.* Ungula Alcis, inquit, magna vi pollet adversus comitiales morbum. Nam ejus particula annulo inclusa, & digito, qui proximus est minimo, ita commissa, ut in palmam convertatur, collapsos in ipso paroxysmo plurimum recreat, & confestim excitat. Idem efficit portiuncula ejusdem nuda, & manui in pugnum complicatæ inserta; repenti enim morbum expellit, & prostratos erigit. Nos, inquit *Weckerus*, particulam ejusdem in aurem sinistram immisâ, & aliquamdiu veluti scalpendo motâ, id ipsum feliciter experti sumus in verè epileptico, idque miraculi loco habitum est. *Joann. Agricola Ammonius* idem effici tradit, suspensa vel gestata particula ejusdem ungulæ, modò cutim attingat. Quod etiam amuletum ad præcautionem morbi plurimum valere certus sum.

Audio

Audio etiam ramenta vel scobem adversus eandem noxam in Polonia propinari. Cæterum eligenda est ungula dextripedis posterioris, cavendumque ab impostoribus, qui ungulas bubulas pro alcinis vendunt. *Mizaldus.*

OBSERVATIO XII.

Fel Cervi in cauda.

Cervos fel habere negant Plinius & Aristoteles; sed deprehensum est, eos in cauda habere succum subviridem aded virulentum, ut gustatus syncopem afferat, aut mortem, nisi antidoto prævenias. *Vossius lib. 3. de Idol. cap. 54.*

OBSERVATIO XIII.

De Vaccis, quæ mulgeri non possunt, nisi vitulo præsentate.

Vaccarum in Persia hæc est proprietas, teste Adamo Oleario in *Auctario Itinerarii Moscovitico-Persici lib. 5.* ut mulgere volentes nequâquam admittant, nisi præsentates fuerint earum vituli. Et si quando vitulus aliquis mortuus fuerit (mactare autem, vel comedere non licet, certè insolitum est) vacca neque mulctrale admittit, neq; lac reddet, nisi vituli excoriatæ pellis stramine suffarcinata, & pars ejus superior sale conspersa, juxtaque vaccam posita fuerit; tunc enim illa salein lambit, & mulgentem admittit.

OBSERVATIO XIV.

Arietes probe caudati.

Aries Ægyptius caudam habet pinguiissimam, & ponderosissimam, si saginatus fuerit. *Joannes Leo lib. 9. descript. Africa* refert se vidisse arietem habentem caudam LXXX. pondo, & nonnullis excrecere ad CL. pondo.

OB-

OBSERVATIO XV.

De colore fœtus in ove prægnante.

SI prægnante ove cognoscere cupis, qualem colorem ejus fœtus habeat, aperito (inquit Didymus à Weckero *lib. 6. de secret. cap. 6.* citatus) prægnantis os, & si quidem inveneris linguam ipsius nigram, nigrum agnum pariet: si verò albam, album: si denique variam, varius erit & partus.

OBSERVATIO XVI.

Oves exotica.

IN regione Peruana sunt oves nostratibus majores, vitulis minores, habentes colla longa, instar camelorum. His incolæ utuntur velut equis & asinis ad quaslibet gestandas sarcinas. Exiguus constant impensis, neque enim ephippio sive sella, aut soleis, aut fræno egent (saltem nullus harum rerum est usus) suntque gramine campestris contentæ, nullum aliud alimentum expetentes. Illud verò magnopere providendum est, ne ad iram concitentur. Id enim si factum fuerit, illicò ovis procumbit humi, nullisque verberibus adigi potest, ut surgat, & iter cœptum prosequatur. Oportet itaque tunc ovis custodem juxta ovem cubare (aliquando tribus integris horis) & variis blanditiis eam ad surgendum invitare. Quòd si ovis efferata (ut nonnunquam accidit) celeri cursu ad montana sese contulerit, nullis inde modis mediisve revocari poterit. Quo casu fugitivam glande plumbea trajicere solent, ut merces, vel alia onera ei imposita, recipiant. Ubi scabiem contraxerint, vivæ defodiuntur, ne alias inficiant. *Joann. Ludov. Godefridus in Historia Antipodum part. 1.*

OBSERVATIO XVII.

Canis alicubi Rex.

Proëmphanæ, sicut & Proëmbari, utrique Africæ populi, nullum olim Regem præter canem habebant, quem ita studiosè ac mirifice observabant, ut ex ejus motu nutuque imperia augurarentur: & si canis caudâ adularetur, propitium: silatraret, iratum crederent. *Alexander ab Alexandro lib. 6. cap. 2. Idem tradit Plinius lib. 6. cap. 30.*

OBSERVATIO XVIII.

Canis vetula parcens, cui inhumanus homo non pepercerat.

Idacus Salazar canem molossum in captivam anum Americanam, quam cum inanibus litteris falsâ sub specie amandarat, emisit: crudeli spectaculo infelicitis vetulæ in frustra disceptæ pasturus oculos. Illa irruentem in se notæ fêritatis canem intuita, flexis in terram procubuit genibus, supplexque adoravit, his utens verbis: *Domine Canis, Domine Canis, litteras en fero ad Gubernatorem, parce, rogo, ne sævias Domine Canis.* Ille quasi preces sensisset, substitit, ac mitionior factus, altero sublato crure, ut solent canes ad parietem, despectam anum perminxit. Res miraculo fuit Hispanis, puduitque interficere, cui canis pepercisset. *Oviedus lib. 16. Histor. Indic. cap. 11.*

OBSERVATIO XIX.

Canis Domini sui monitor.

Fuit Nobili cuidam Würtembergico canis, qui dominum suum pro more, quoties in aulam Principis itaret, comitari solebat. Is ab aliis Aulicis canibus malè aliquando mulctatus, deinceps nunquam ingredi ausus.

ausus, quoties ad vestibulum deduxisset herum, caudâ
adblandiens, & quasi valedicens, domum regressus
est. Quod cum sapius ab eo factitari, advertisset do-
minus: Næ, inquit, canis meus plus sapit quàm herus
ipsum, qui toties malè in aula habitus, adire illam non
cessat. *Manlius in locis.*

OBSERVATIO XX.

Modus efficiendi ne canis te deferat.

EXistimant quidam ranam coctam à Domino cani
datam, atque ab eo comestam, efficere ut nunquàm
ab eo discedat. Verùm ego (inquit *Weckerus de secret.*
lib. cap. 9.) ranas complures coctas canibus dedi, qui
mihi tamen non paruerunt. At si canis, qui à te dis-
cessit ad alium, ab hoc verberetur, ad te redibit. Si ci-
bum à te solo acceperit, non te deferet. Ajunt alii ca-
nem, porrecto illi pane sub axilla nuda contento, ita
ut sudore maduerit, fieri amantiorem obsequentio-
remque domini sui. *Cardanus.*

OBSERVATIO XXI.

*Modus efficiendi, ut canes celeriter accommodent
se Venationi.*

Postquam decreveris, cui generi venationis canem
applicare velis, eorum animalium, quæ venationi
destinata sunt, sanguinem cum ossa, statim post abla-
stationem cani præbeto: nimirum si ad cervos &
leporos, cervinum, vel leporinum; si ad apros &
vulpes, aprugnum, vel vulpinum sanguinem dabis.
Si ad perdices, cor, intestina, & caput porriges. Hac
ratione fiet, ut canis statim horum animalium vesti-
gia insequatur, & relictis aliis animalibus fortè occur-
rentibus, nunquàm à recta venatione avertatur. *Ex lib.*
Manuscript.

OBSERVATIO XXII.

Canes ne rabie corripiantur.

Subest linguæ catellorum nervus, vermiculi effigiem præ se ferens, rotunda & teretiforma: qui excimatur, reddet eum exemptio à rabie immunem, facietque ut minimo latratu sit infestus, nec quemquam lethali morſu impetat. *Columella & Plin.*

OBSERVATIO XXIII.

Canis à carne canina abſtinens.

Tam exquisita odorandi facultas cani ineſt, ut nunquam carnem caninam, ne varietate quidem condimentorum fallaciſſimè temperatam, deguſtet, *Jonston. in Thaumatoogr. claſſe. 7. cap. 11.*

OBSERVATIO XXIV.

Canes furum inveſtigatores.

IN Scotia genuseſt canum, qui fures perſequuntur: qui ſi flumen trajecerint, tranant & canes: cùmque adverſam evaſerint ripam, tam diu in gyrum currunt, donec odoratu furum veſtigia aſſecuti fuerint. *Geſnerus.*

OBSERVATIO XXV.

Mira canum docilitas ac ſolertia.

Canis cujuſdam agyrtæ projectis in medium annulis, unicuique ſuum reddebat. *Jonston. ſup. itatus.*

Franciſci Marchionis Mantuæ canis advocabat ſervos. *Idem.*

Canis quidam Lovaniienſis apud Lipſium *Centur. 1. d Belgas epiſt. 44.* epiſtolas millo interſas ferebat Lovanio Bruxellas, & hinc Lovanium referebat reſponſorias.

Simia infelix imitatrix.

Viderat quædam simia è vicinis Fleri sui ædibus su-
rorem scalpro corium ex arte concidentem.
Qui cum relicto in officina scalpro & corio ad fumen-
dum prandium discessisset, in eam simia per apertam
irrepens fenestram, quidquid corii in mensa reperit
frustillatim conscidit. Quo facto tutor indignatus, il-
latum sibi à Simia damnum sic ultus est. Dum simiam
attentam, & curiosè, quid rerum ageret tutor, specu-
lantem intuetur, scalprum ille futorum semel atque
iterum gutturi admovet, & subito se ex officina pro-
ripit. Nec morà, simia in eandem regressa, poste-
riorem quoque tutoris actionem, sed infelicitè, imi-
tatur. Dum enim ferrum acutissimum incautè tra-
ctat, gulam sibi prætecat. *Vossius lib. 3. de Idololatriæ
cap. 59.*

OBSERVATIO XXVII.

Templum magnificentissimum Simio dedicatum.

Indorum Brachmanum instituto, Templum Simio
sacrum, ea magnificentia in Oriente est ædificatum
ut sola porticus, victimis asservandis deputata, septin-
gentas habuerit è marmore columnas, illis Agrippæ
columnis, quæ Romano in Pantheo videntur, æqui-
parandas. *Massejus lib. 1. Indic. hist.*

OBSERVATIO XXVIII.

Immensa Leporum copia.

Apud Baleares tanta aliquando leporum copia fuit
ut Incolæ adversus eos militare auxilium ab Au-
gusto Cæsare postulaverint. *Plinius.*

OBSERVATIO XXIX.

Exotici Apri.

IN montibus Indiæ reperiuntur Apri, dicti Sayni, umbilicum non infernè, sed supernè gerentes in dorso. Sunt bestię feroces & infestę hominibus, quos illico, ubi viderint, adoriuntur, & si arborem conscenderint, dentibus eam iteratis ictibus cædunt, ut prosternant cum arbore hominem, si possint. Setas habent instar novaculę acutas, quibus hostem suum convulnerant. *Joan. Ludov. Godefridus in Historia Antipod. part. 1.*

OBSERVATIO XXX.

De Natura & proprietatibus murium.

1. Mures apud Allobroges albi sunt, putantque incolę eos ali nive. *Scaliger.*

2. Domum minitari ruinam, primi præsentunt mures, eamque prævio egressu devitant.

3. Fugantur mures, si vel unus eorum vivus comburatur, vel excoriato capite dimittatur.

4. Miram innuit docilitatem, quod musculus quidam candelam tenendo, lumen comedentibus ad præceptum magistri ministraverit. *Id se vidisse testatur Albertus Magnus.*

5. In Helvetia quidam musculus, quotidie dato signo ad pulmentum, cum cane, catto & aviculā ex una scutella sumendum accessit, & dato rursus signo ad cavum suum se recepit. *Vide meum iter cœleste part. 1.*

6. In Brasilia sunt mures magnitudine sciuri, qui non minùs expeduntur in cibum, quàm lepores & cuniculi, neque sunt bonitate & præstantia succi illis inferiores. *Ex Relatione Lerii testis oculati Anno 1555.*

DISCURSUS DECIMUS OCTAVUS.
EX ANTHROPOLOGIA.

De Natura & proprietatibus Hominis.

PRÆFATIUNCULA.

Anthropologia est scientia differens de Homine. Ejus objecta principalia sunt 1. Partes Hominis essentielles, Corpus & Anima. 2. Partes corporis integrales: Caput, Pectus &c. 3. Potentie animæ sensitivæ: ut Visus, Auditus &c. Et spirituales: ut Intellectus, Voluntas, Memoria. 4. Proprietates Hominis: ut Risibilitas &c.

QUÆSTIO I.

An cerebrum humanum ad generationem Seminis concurrat?

Nonnulli Medici respondent affirmativè; sed obstat primò cerebri constitutio frigida, ad generationem seminis, quod calidis spiritibus refertum est, inepta: Secundò nimia cerebri à loco excretionis seminis distantia: Tertiò viarum, semen à cerebro ad testes derivantium, ineptitudo; ut demonstrant Anatomici.

Qui contrarium sentiunt, variis suam opinionem stabiliunt argumentis.

Primum est, quod nimia Venere seu effusione seminis minuatur & exhauriatur substantia cerebri. Sic enim ex Alberto M. de histrione quodam refertur, qui cum ex nimio Veneris usu mortuus fuisset, sectâ calvariâ sine omni ferè cerebro inventus est.

Responderi potest, verum esse, quòd inmodico Veneris usu non modicè debilitetur cerebrum, id tamen

non provenire ex eo, quòd cerebrum semini materiam suppeditet, sed quod assidua seminis effusione plurimi spiritus dissipentur; quorum evacuationem cerebrum, pars corporis frigida, minimè ferre potest. Hinc epilepsia, paralyfis, apoplexia &c. ex inordinato & exorbitante Veneris usu provenire solent. Id autem incredibile videtur, quòd huiusmodi intemperantia ipsam cerebri substantiam exhauriat. Compertissimum enim est, valacissimorum hominum, etiam eorum, qui morbos graves ex tali abusu contraxerunt, anatomico more aperta cadavera cerebrum copiosum exhibuisse.

Secundum est, quòd cerebro debilitato Veneris appetentia & seminis sæcundi generatio minuat. Sic enim teste Hippocrate sterilitatem Scythæ sibi accersiebant. Ac refert etiam Albertus M. quendam post inflatum capiti vulnus ad venerem ineptum esse redditum.

Respondetur, cerebrum debile debilis item cordis plerumque indicium præbere, quia secundum naturam partes sunt ad invicem proportionatæ. At si debilitas illa non nativa, sed adventitia fuerit, cor & aliæ partes in consensum trahuntur, ac sanguis etiam inquinamentum aliquod accipit, ex congestis præter naturam excrementis & obstructionibus.

Tertium est desumptum ex structura vasorum. Quia non solum per spinalem medullam ad renes, & inde ad testes commoda est è cerebro via, verum etiam teste Vesalio & Bauhino nervus quidam à sexta nervorum conjugatione ad externam partem aurium primò, ac deinde ad testes ipsos deducitur. Et lumbares illæ venæ atque arteriæ, quæ se per foramina vertebrarum lumbarium ad spinalem medullam propagant, & secundum ejus ductum sursum contendunt, non alii videntur usui destinati, nisi ut seminis materiam à cerebro deorsum propagent.

Respondet Albertus Kyperus in sua Anthropologia, lib. 1. structuram vasorum illorum nihil ostendere. Etenim nervorum propagatio spiritui animali pro sensu & motu ad partes devehendo commoda est, & nunquam in nervis materia seminalis inventa est, inò per eos devehì non potest ob ductuum angustias. Verùm arteriæ nutritioni, & spiritus vitalis deductioni ad spinalem medullam inserviunt, venæ autem redundantem sanguinem reducunt. Et hoc ipsum ocularis inspectio in vivorum anatomia confirmat, quæ non solum sanguinem in vasis illis contineri monstrat, sed etiam ostendit verum ejusdem in iisdem motum esse per arterias lumbares ad spinalem medullam ex trunco arteriæ aortæ juxta lumbos, & per venas lumbares ejusdem regressum à spinali medulla ad truncum venæ cavæ lumbis affidentem. Hactenus Kyperus.

QUÆSTIO II.

Cnr oscitando, vel digitum in aures inferendo, crepitum quendam percipiamus?

ANte responsionem recolendum est id quod annotavi in meo speculo naturæ humanæ, videlicet intra cavitatem auris humanæ esse pelliculam aliquam sive membranam, quæ tympanum auditus vocari solet, eò quòd similitudinem tympani referat. Sustaineri verò hoc tympanum tribus ossiculis, quorum unum habet similitudinem incudis, duobus velut pedibus innixæ, alterum figuram obtinet malleoli, tertium refert formam stapedis. Porro intra medietatem prædictæ cavitatis, sive retro tympanum, versùs cerebrum, residere substantiam quandam subtilissimam eodem tympano circumdatam, quæ ob insignem subtilitatem aër vocatur. Non est autem verus aër, sed aëri similis; & quia à primo hominis ortu illic à

natura

natura constitutus est, semper eodem in loco immo-
is permanet, vocaturque aër innatus.

His ita præmissis, ad quæstionem propositam bre-
ter respondeo, illius experientiæ hanc esse rationem,
quod aër implantatus, cavitatem per oscitationem vel
injectionem digiti, angustiori redditâ, ad latera auris
applicatur, & malleolum vibrando sonitum excitet.

QUÆSTIO III.

*An Homo bestias, vel bestia Hominem virtute
odorandi superent?*

Respondeo Hominem esse præditum olfactu, be-
stiis longè inferiori. Ratio est, quia cerebrum
hominis est humidius & majus; constat autem, virtu-
tem odorativam siccitatem potius quàm humiditatem
requirere: Unde quibus nares & odorandi instrumen-
ta catarrho, seu pituitosa defluxione occupata sunt,
vel omninò nullum, vel certè debilitè & imperfe-
tè odorem percipiunt.

Ratio porro talis in homine constitutionis ea est;
quia si homo haberet olfactum acutissimum, non so-
lum aliorum, sed ne sui ipsius quidem odorem ferre
posset, ut Bodinus docet in *Theatro Nat. lib. 4.*

QUÆSTIO IV.

An solus Homo odore recreetur & affligatur?

Consent Physiologi, unum inter omnia animalia
hominem odore, vel benè ad delectamentum, vel
malè ad molestiam affici. Licet enim & bestiaë odori-
bus benè vel malè afficiantur, hoc tamen non fit ad re-
creationem spirituum animalium, sed ad meram ali-
menti commoditatem, vel speciei propagationem:

Quatenus scilicet odores sunt indices rei ipsi convenientis vel perniciosæ. Sic apes delectantur thymo, non per se, sed ut est delectabile alimentum: & insecta pleraque fumo insectorum sui generis abiguntur: & animalia quædam odoratu explorant matricis repletionem, vel inanitatem. Solus autem homo delectatur odore per se, quatenus odor est, sive quatenus reficit cerebrum.

QUÆSTIO. V.

Cur tempore hyberno minùs benè odoremur?

Tempore hyberno olfactus est omnium debilissimus & obtusissimus: quia tunc aër, qui est medium odorandi, ratione majoris suæ densitatis & frigiditatis non faciliè transmittit halitus odoriferos.

QUÆSTIO VI.

Quæ sint respirationis causæ, instrumenta, partes, & finis?

Respirationis causa princeps est anima sentiens, pulmonumque dilatatio & contractio, atque ingressus egressusque aëris. Instrumentum remotum est os, guttur, nasus, & aspera arteria. Instrumentum proximum est pulmo, thorax cum diaphragmate & musculis intercostalibus, nervus & arteria venosa ex pulmonibus ad cor pertingens. Partes respirationis sunt inspiratio & expiratio: finis, est cordis, quod refrigeratione indiget, refocillatio.

Ex dictis colligitur 1. Respirationem propriè & univocè iis competere animalibus, quæ habent cor propriè dictum, & instrumenta ad perfectam respirationem idonea: ut præter hominem sunt bestię terrestres, aves, & nonnulli pisces marini, ut delphinus, balæna &c.

E con-

Contrario iis animalibus analogicè tribuitur respiratio, quæ neque cor propriè dictum, neque instrumenta ad perfectam respirationem accommodata acceperunt; uti sunt insecta & pisces fluviatiles.

Colligitur 2. animalia magna, quæ parum & tardè respirant, brevioris esse vitæ. Signum est enim in huiusmodi animalibus exiguam esse vim caloris & spiritus, qui tamquam Rector humidi radicalis conducit ad longam vitam.

Colligitur 3. animalia terrestria, quæ magnos & laxos habent pulmones, diu posse sub aqua vivere; quia videlicet aër plurimus in huiusmodi pulmonibus asseruari potest. Quæ etiam causa est, quòd facilius & diutius natare possint homines amplis & laxis pulmonibus.

Colligitur 4. Insecta, cum sint exanguia, ideoque naturæ frigidæ, respiratione non indigere. Quòd si quædam calidiuscula sunt, ut apes, cicadæ &c. eis provida mater Natura tenuem membranam ad septum transversum adjecit: ad quam membranam aër allisus refrigerationem ipsis adfert, & bombum illum seu murmur edit. Hinc ratio redditur, cur cicadæ, apes, vespæ &c. tunc maximè murmurent, cum vel iræ, vel calore æstuant; tunc enim membranam illam celerius & fortius movent, atque ad aërem circumfusus frigidiusculum allidunt, bombumque majorem efficiunt.

QUÆSTIO VII.

Quot pulsus, seu mications arteriæ unius horæ spatium in homine peragantur?

Libertus Fromondus lib. 2. Meteor. pag. 63. computavit unius horæ spatium quatuor mille, quadringentas & quinquaginta mications arteriæ, salubriter & moderatè micantis.

QUÆSTIO VIII.

Unde & quomodo oriatur fames?

FAMES oritur, quando calidum & siccum vitale est debilitatum. Tum enim membra sentiunt sui diminutionem, ideoque sugunt venas parvas, sive capillares, quæ succum tertiæ concoctionis deferunt. Venulæ istæ sugunt & vellicant venam maximam seu cavam in hepate, quod vellicatum iterum vellicat & fugit venam portæ. Et hæc rursus fugit venas mesaraicas, quæ vellicant intestina ventriculo vicina, & hæc ventriculum, cujus orificium sive pars superior tum contrahitur & corrugatur: ita ut corrugatio ista sit proxima causa famis.

QUÆSTIO IX.

Quid sit risus, & quæ illius causæ?

RISUS est vibratio diaphragmatis, & musculorum thoracis atque oris, plena caloris & spiritus è corde & pulmonibus effusi, ad significandum gaudium, quod ex re grata in corde existit.

Causa risus alia est externa, alia interna. Externa est titillatio, quâ quis alium tangit ex improviso in iis partibus, quæ tactæ calefaciunt diaphragma. Interna est cogitatio vel memoria rei jucundæ, quæ cor voluptate perfundit: tali inquam Voluptate, quæ sit quædam calefactio, quæque ita cor afficiat, ut id dilatando se, spiritus & calorem copiosorem effundat, quo calefactum & titillatum quasi diaphragma vibretur, simulque musculi thoracis & faciei commoveantur, ut diducto ore spiritus emittatur.

QUÆSTIO X.

Cur Homo ante 40. à nativitate diem non facile rideat?

RATIO est, tum quia in tam tenera ætatura sunt imbecil-

ecilliora intellectus & rationis organa, quàm ut possint rem jucundam & ridiculam agnoscere: tum quia sus instrumenta proxima, nimirum diaphragma & nausculi, sunt debiliora, quàm ut possint se ad ridendum dilatare.

QUÆSTIO XI.

Cur in risu interdum cachinnus, interdum lacryma concurrant?

Ratio prioris est, quia spiritus è corde ebullientes, subito & magna copia erumpunt, atque ita veluti conflitantur, ac proinde majus spatium quærunt. Ratio posterioris est, quia cerebrum (inquit Alstedius in Encyclopædia) per dilatationem istam, quæ cernitur in risu, sæpe impingit ad latera cranii, quæ compressio lacrymas gignit.

QUÆSTIO XII.

Cur Lacryma, quas videntes profundimus, sint frigida, quæ verò in luctu profluunt, sint calida?

Ratio prioris est (inquit Alstedius citatus) quia partes externæ per lætitiâ incalescentes, apprehendunt lacrymas minùs calidas tanquam frigidas; perinde ut ex balneo calido egressi, aquam tepidam judicant frigidam. E contrario lacrymæ in luctu profusæ sunt calidæ: quia ibi est compressio partium externarum, qua compressione lacrymæ incalescunt.

QUÆSTIO XIII.

Cur qui majori copia caloris præditi sunt, magis ad risum sint proclives, quàm pituitosi & melancholici?

Ratio est, quia si spiritibus & sanguine abundant, faciliè patiuntur titillationem diaphragmatis, quæ titil-

titillatio est causa risus. Atque hinc est, quod ab uno eodemque objecto ridiculo non æqualiter in omnibus risus excitetur.

QUÆSTIO XIV.

Cur qui lienem habent magnum, ad risum sint procliviores?

Hujus ea solet afferri ratio, quod lien magnus facilius excipiat e venis humorem lentum & crassum, atque ita per sublationem impedimenti, indirectè gignat sanguinem purum, & spiritus subtiles.

QUÆSTIO XV.

Quo pacto fiat, ut lacryma ex causis contrariis, videlicet ex lætitia & mœstitia generentur?

In mœstitia cientur lacrymæ, quando corde contracto, calor & spiritus eò revocantur. Unde frigescente cerebro humiditates ibidem rectore destitutæ, vaporibusque sursum exhalantibus auctæ diffluunt, & per poros lacrymales tandem ex oculis emanant. In lætitia verò funduntur lacrymæ, quando dilatato corde, calor & spiritus subito & magna copia ad cerebrum ascendunt, & humiditates ibi contentas fundunt, ut per oculos exant.

QUÆSTIO XVI.

Quanam sit series causarum in potentia hominis locomotiva?

Series causarum in operatione potentie locomotivæ sic est comparata. Primò objectum movet sensum externum: deinde sensus externus objectum percipit: tertio sensus communis objectum discernit ac judicat, sive potius distinguit: quartò phantasia judicet, bonumne sit an malum, utile an inutile: quinto cor commo-

commoveretur: sextò cor commotum commovet sanguinem & spiritus: septimò spiritus ita moti movent nervos: octavò nervi movent musculos: nonò musculi trahendo vel retrahendo movent chordas: decimò chordæ junctæ ossibus, movent ossa & membra: undecimò ex motu membrorum prodit motus totius hominis vel alterius animalis.

QUÆSTIO XVII.

Quale temperamentum requirat bona memoria?

Illa temperies præstat optimam memoriam, quæ neque nimiam frigiditate torpet, ut in senibus & pituitosis: nec nimia caliditate inquieta & instabilis æstuat, qualis est in biliosis: nec humiditate nimia diffluit, qualis est in infantibus & pueris: nec denique immoderate accitata est indurata ac ignava, qualis est in senibus, melancholicis, & illis, qui ferè omnem memoriæ succum studiis ac vigiliis exhausserunt. Solent hoc illustrare similitudine ceræ, quæ si durior sit, difficulter imaginem admittit, sed diu servat: si verò sit mollior, facile quidem imaginem sigilli admittit, sed non ita fideliter servat. Ubi non est silentio prætereundum, nocturna studia, itemque lectionem ac meditationem post cibum sumptum, valde nocere memoriæ, phantasie, totique cerebro. Spiritus enim fatigatione nocturna resolvuntur & turbantur, itemque sub noctem condensantur. Post cibum verò sumptum, si aliquid meditari velimus, vocatur calor è ventriculo, & cum calore halitus crudi & crassi, qui cerebrum infuscant & corrumpunt.

QUÆSTIO XVIII.

Ex quibus signis cognosci possit Hominem habere complexionem sanguineam?

Signa complexionis sanguineæ sunt undecim. 1. Habitus

bitus corporis tactu calidus & humidus, carnosus, mollis & pilosus. 2. Color totius corporis floridus & vividus. 3. Rubedo faciei constans & naturalis. 4. Plenitudo & inflatio venarum naturalis. 5. Pulsus mollis, undosus & plenus. 6. Urina rubra & spissa. 7. Dulcedo salivæ. 8. Somnia crebra de rebus rubris, de conviviis, concentibus musicis, & omninò rebus latis. 9. Hilaritas continua. 10. Jocus & risus frequens. 11. Diæta multiplicans sanguinem.

QUÆSTIO XIX.

Quenam sint signa complexionis phlegmaticæ?

Signa complexionis phlegmaticæ sunt decem. 1. Habitus corporis tactu frigidus & humidus, mollis pinguis, crassus & glaber, seu non pilosus. 2. Albedo constans & naturalis in facie. 3. Naturalis abundantia salivæ, muci & sputi. 4. Urina alba & crassa. 5. Pulsus mollis, tardus & rarus. 6. Sitis rara & parva. 7. Somnia crebra de rebus albis, de diluviis, & omnino de rebus ad aquam pertinentibus. 8. Somnus multus & frequens. 9. Torpor corporis ad laborandum. 10. Diæta pituitam multiplicans.

QUÆSTIO XX.

Quenam signa denotent temperamentum melancholicum?

Decem signa temperamenti melancholici recensentur à Physiologis. 1. Habitus corporis tactu frigidus & siccus, durus, macer, gracilis & glaber. 2. Color faciei lividus & fuscus. 3. Saliva pauca & acetosa. 4. Urina subtilis, glauca vel pallida. 5. Pulsus parvus, rarus & durus. 6. Somnia crebra de rebus nigris & terribilibus, videlicet de spectris diabolicis, de inferno, suffocatione colli, capitis amputatione. 7. Tristitia mult

multa & continua. 8. Timor multus & frequens. 9. Diuturna & stabilis cogitationum actionumque in re aliqua immoratio. 10. Diata melancholiam multiplicans.

QUÆSTIO XXI.

Quibus signis denotetur temperamentum Hominis cholericum?

Signa temperamenti cholericici hæc sunt. 1. Habitus corporis tactu calidus, siccus, macilentus, durus & pilosus. 2. Color faciei flavus. 3. Siccitas naturalis oris & linguæ. 4. Sitis naturalis, magna & frequens. 5. Mobilitas & inquietudo corporis. 6. Pulsus durus, velox & frequens. 7. Salivæ amaritudo. 8. Somnia crebra de rebus flavis, de rixis, pugnis, incendiis. 9. Urina subtilis & flava. 10. Diata flavam bilem multiplicans.

QUÆSTIO XXII.

Ex quibus signis cognosci possit temperamentum Cerebri?

Signa cerebri calidi sunt. 1. Caliditas & rubedo naturalis in facie. 2. Subitus capillorum in capite exortus. 3. Capilli duri, crispi, ut plurimum nigri, citòque canescentes.

Signa cerebri frigidi sunt. 1. Frigiditas & albedo naturalis in facie. 2. Tardus capillorum exortus, capilli recti, tentues, & ut plurimum rufi.

Signa cerebri sicci sunt. 1. Paucitas excrementorum in oculis, auribus, naso & palato. 2. Capilli duri citòque canescentes. 3. Acrimonia sensuum externorum, & somnus rarus atque paucus.

Signa cerebri humidi sunt. 1. Abundantia excrementorum in oculis, auribus, naso & palato. 2. Capilli molles, tardeque canescentes. 3. Hebetudo sensuum externorum. 4. Somnus frequens & multus.

QUÆS-

QUÆSTIO XXIII.

Quanam sint Signa Physiognomica temperamenti cordis?

Signa temperamenti calidi in corde sunt. 1. Respiratio magna & frequens. 2. Pulsus magnus & celer atque frequens. 3. Pectus latum & hirsutum. 4. Alacritas ad agendum. 5. Ira subita & præceps.

Signa cordis frigidi sunt. 1. Respiratio parva & rara. 2. Pulsus parvus, tardus & rarus. 3. Pectus angustum & glabrum, aut saltem tenuibus pilis vestitum. 4. Torpor ad agendum. 5. Ira tarda & moderata.

Signa cordis sicci sunt. 1. Pulsus asper & durus. 2. Ira diu permanens & implacabilis.

Signa cordis humidi sunt. 1. Pulsus lævis & mollis. 2. Ira citò transiens & placabilis.

DISCURSUS DECIMUS NONUS,

EX GEORGICA.

De Agriculturâ, & rebus cum ea connexis.

PRÆFATIUNCULA.

Georgica (quam Poetarum Princeps Virgilius Maro pulcherrimo Poemate, Imperatores Romanorum veteres labore manuum suarum cohonestarunt) est scientia sive Ars bene colendi agrum, tractans primariò de fundis, secundario de requisitis Agriculturae.

CAPUT I.

Protheoria, sive Observationes præliminares, de rebus ad Agriculturam spectantibus.

Prima.

Adem sunt Agriculturæ principia, quæ mundi: nimirum terra, aqua, aër, sol. Enimverò his tanquam columnis nititur hæc Ars, è quibus si unam tollas, nihil est quod speret Agricola.

Secunda.

Agricultura, sive vita rustica est omnium naturalissima, antiquissima, innocentissima, jucundissima. *Naturalissima*, quia maximè imitatur naturam, estq; famula naturæ fidelissima. *Antiquissima*, certè antiquior vitâ urbanâ: quandoquidem ante urbes constitutas agrum coluit Adam protoplastus noster. *Innocentissima*, sive personas intuearis, quæ sunt simplicitatis & probitatis amantes; sive quæstum ipsum consideres, qui neque peculiosus est, neque sordidus, neque fraudulentus. *Proventus Agricultura* (inquit Columella) *sunt innocentissimi*. Ciceronis effatum est, omnium rerum, ex quibus aliud exquiritur, nihil esse agriculturâ melius, nihil uberior, nihil homine libero dignius. *Jucundissima*, imò magis quoddam delectationis & jucunditatis. Quid enim prestat pratorû viriditate, pulcherrimis variatâ flosculis, borum tam belle dispositarum ordinibus, vinearum & olivetorum specie ad aspectum fingi pingive jucundius? Quid voluptuosius, quàm imperare terræ? Quid cundius, quàm greges longo agmine pascentes ineri? aut fapos alvearibus eximere? aut lanam demere vibis? aut fructus autumnò carpere? aut vindemiam agere?

Tertia.

Tres sunt partes Agriculturæ. Prima consistit in cognitione fundi, in quo quatuor considerata sunt: forma, terræ natura, modus seu magnitudo, & cultura. Secunda complectitur instrumenta rustica, ea-

Q

que

que vocalia, semivocalia & muta. Illa, sunt operari
ista, boves, equi, canes; hæc, corbes, dolia, funes, ara
trum, & similia. Tertia considerat agenda in prædio.

CAPUT II.

*Dictamina Regulativa & præcepta practica Agri
culturam concernentia.*

Primum.

Agri frumentarii celsiores habere planities, &
quam mollissimè devexi esse; positionemque
campestris imitari debent. Vineæ latiores sunt in
collibus, sylvæ in montibus.

Secundum.

In agricultura commendabilior est locus campe
ster, qui unam in partem totus æquabiliter vergit
quam qui est ad libellam æquus. Talis enim locus, cum
aquæ non habeat delapsus, uliginosus redditur, maxi
mè, si est inæquabilis. Campum (inquit Columella) non
æquissimâ situm planitie, nec perlibratâ, sed exigui
pronâ: collem clementer & molliter assurgentem: mon
tem non sublimem & asperum, sed nemorosum & her
bidum callidissimi rusticarum rerum maximè proba
verunt. Ita ille.

Tertium.

Forma & ordo in re rustica permagnæ consideratio
nis sunt. Plus certè reddunt arva, & fecundius re
spondent votis Agricola, quæ speciem venustiorē suam
adepta. Quod in arbutis & olivetis pulchrè in ordi
nem confitis, & per modica intervalla discretis, aliis
similibus intelligere licet. Ex agro igitur æque spatioso
sed non æquè diligenter eleganterque confito, & minu
s bonum, & minus multum vini frumentique colligi
potest. Fecundior omnino est bene culta exiguitas
quàm neglecta magnitudo. Minorem videas occu
par

are locum, quod suo loco est positum, nec alterum
 leri à sole & luna tantum officere. Vites quoque &
 rbores si per ordines satæ sint, æqualiter cœlesti lu-
 mine solis ac lunæ persusum iri, indeque celeriore
 ore coctionem fructuum, uberiorem copiam, gran-
 liorem redigi posse pecuniam, indubitatum est.

Quartum.

Imbecillior agrum, quàm agricolam esse oportet:
 quia cum sit colluctandū cum eo, si fundus prævaleat,
 succumbere dominum necesse est. Extra controver-
 iam est, minus fructuum reddere amplum agrum non
 rectè cultum, quàm angustum eximie cultum. Non
 ignoravit hoc Maro, qui cecinit: *Laudato ingentia rura,*
exiguum colito.

Quintum.

Ager alternis annis aut planè sine semine relinquen-
 dus, aut paulò levioribus sationibus conferendus est,
 d est, quæ minùs fugant terram.

Sextum.

Graciles clivi non sunt æstate arandi, sed circa Ka-
 endas Septemb. Quoniam si ante hoc tempus proscin-
 ditur effœta & sine succo humus, æstivo sole peruritur,
 nullasque virium reliquias habet.

Septimum.

Stercus omne, quod tempestivè repositu manno
 quieverit, segetibus est maximè utile. Nam & vires ad-
 huc solidas habet, & vermes non creat.

Octavum.

Sicut refrigescit ager, qui non stercoretur: sic peru-
 ritur, si nimium stercoretur: magisque conducit agri-
 colæ frequens, quàm immodica sterco ratio.

Nonum.

Quandocunque arabitur, observandum est, ne lu-
 tosus ager tractetur, neve exiguis nimbis seminadidus:

quod tunc porissimum accidit, quando post longas siccitates levis pluvia superiorem partem glebarum madefecit, inferiorem non attingit.

Decimum.

Semina plus quam annicula esse non debent, ne vetustate corrupta non prodeant.

Undecimum.

Omnia quæ seruntur, crescente Lunâ & diebus tepidis sunt serenda. Nam tepor evocat, frigus includit.

Duodecimum.

Spissa, cretosa & humida terra far & triticum bene nutrit: hordeum agro delectatur sicco & soluto; in lutoso sparsum emoritur.

Decimum Tertium.

In demisso, humili cavoque loco, vel in convallibus non est construenda villa; quia huiusmodi ædificiis tum effusius de cælo prorupti imbres, tum flumina super ripas excrecentia, & per apertos campos procurrentia tum repentini torrentium affluxus gravissimum detrimentum asferre solent.

Decimum Quartum.

Pro constructione villæ deligendus est locus sublimior, qui & toto die feriat ac illustretur à sole, atque insuper etiam ventis perfletur: quibus flatibus, si quod noxium illatum fuerit, discutietur.

Decimum Quintum.

Villæ frons ab infesto regionis vento averfa, & a flatibus eorum ventorum, qui saluberrimi judicabuntur, converfa sit.

Decimum Sextum.

Ne in palustribus ædificatio villæ suscipiatur: neque ad paludes; quia æstate noxium virus eructant, & animalia quædam pusilla progenerant, quæ aciem oculorum

rum

um nostrorum effugiunt, sed ubi in corpus nostrum
um spiritu attracta, per os perque nares sese insinua-
erint, difficilibus ad curandum morbis dant initium.
sed & alia infestis armata aculeis, densisque examini-
us in nos involantia animalcula, natrices quoque &
erpentes ibidem enascuntur. Adhæc instrumenta ru-
tica, & conditi inconditique fructus, huiusmodi lo-
orum situ atque humore corrumpuntur.

Decimum Septimum.

Villa in locis æstuosis spectare debet septentriones
inquit Plinius) meridiem in frigidis, exortum æqui-
octialem in temperatis. Enimverò ad exortus æqui-
octiales aptissimè villa collocabitur; quia sic inum-
rabitur æstate, irradiabitur hyeme.

Decimum Octavum.

Culinam villæ præcipiunt altam fieri, ne sit contigna-
tioni metuendum incendium. Amplam quoque Colu-
nella desiderat, ut in ea hyeme antelucanis temporis
cibus parari & capi, resque aliæ necessariae confici
possint.

Decimum Nonum.

Aquam villa aut intra seipsam natam, aut foris è pe-
nenni fonte inductam, aut saltem maximè propinquam
habeat putealem, quæ nec haustus sit profundi, nec sa-
poris aut amari aut falsi.

Vigesimum.

Stabula ita construantur, ut nec frigore, nec calore
exetur pecus. Illud quoque provideatur in exstru-
endis stabulis, ne quis humor illabatur: & si quis illap-
sus fuerit, celerrimè elabatur: quò nec parietum funda-
menta exedi, nec pecudum ungulas corrumpi contin-
gat. Porro latitudo bubilis pedes habeat decem, novem
minimùm, ut & bestiae commodiùs procumbant, &
agarius faciliùs circumeat.

Vigesimum Primum.

Quæ humida sunt, ut vinum, oleum &c. in planis
asservanda: quæ sicca, ut frumentum, fœnum, frondes
paleæ & reliqua pabula, tabularis committenda sunt.

Vigesimum Secundum.

Granaria construantur, quæ per angustiores fenestras
stellas Aquilonibus inspirentur; quia cum talis cœli pos-
sio sit frigida inprimis, & nequaquam humida, a
conservationem reconditarum frugum magnopere
conducat.

Vigesimum Tertium.

Cellæ vinariæ à balneis, cisternis, sterquilinio & aliis
immunditiis procul distent; nam rerum istarum exhalationes
humidæ vino perniciem creant.

Vigesimum Quartum.

Ad Agriculturam villaticam inter alia requiruntur
piscinæ minimùm duæ. Altera, quâ utantur anseres
& pecudes: altera, ubi lupinum, virgæ, vimina, &c.
macerata, atque in aquam demissa, usibus nostris
potentiùs inserviant. Sterquilinia item bina necessaria
sunt: unum, quo nova purgamenta conferantur elatæ
villa, & in annum conserventur: alterum, ex quo
vetustescentia, beneque putria vestanda petantur. Po-
tè ambo sterquilinia piscinarum more erunt devexa
clivo, & exstructo pavitoque solo, ut humorem tra-
mittat.

Vigesimum Quintum.

Villicus constituatur, qui sit ætate viridi seu me-
dia ab anno tricesimo usque in sexagesimum; qui boni
certis viribusque corporis polleat; qui non à subje-
cto quid, quove modo faciendum sit, discat: sed eos
doceat, tanquam Magister discipulos, non verbis
tùm, sed etiam exemplis; qui à villâ rarò discedat.

ab

absentia cessationis delictorumve occasionem familiæ
 habeat, cujus imperia nec remissa sint ac dissoluta, ne-
 que etiam inhumana atque crudelia; qui somni vinique
 parcissimus sit; quoniam utrumque est ingens diligentia
 impedimentum; ebrioso cura officii cum memoria pe-
 nit, & somnuculo plurima effugiunt; qui denique à
 venereis cupiditatibus sit alienus; his enim si se permi-
 serit, non aliud, quam quod amat, cogitabit.

Vigesimum Sextum.

Si quem operarium in munere suo impigrum assi-
 dumque; notaverit villicus, eum feriis suâ mensâ digna-
 bitur. Similiter cum Operariorum præstantissimis, quæ
 facienda sunt opera, communicabit. Sic enim aliquo
 loco & numero se haberi cum arbitrentur, accuratiùs
 suo in officio versabuntur. Eodem pertinet, ut eos aut
 cibariis, aut amictu, aut remissione operis, aut aliqua
 demum concessione liberaliùs tractet.

Vigesimum Septimum.

Opera suorum Villicus frequentissimè inspiciat, ea-
 que exigat. Nulla enim (ut Catoni placet) major vel
 nequissimi hominis custodia est, quam operis exactio.

Vigesimum Octavum.

Duplicia Villicus habeat instrumenta rustica; ne, si
 quid in opere vitiatum fuerit, à vicino mutuum sume-
 re compellatur.

Vigesimum Nonum.

Ut in urbe Dominus, sic ruri Villicus suppellectilem
 rusticam omnem scriptam, & suo quæque loco posita
 habeat.

Trigesimum.

Periti Villici monent, serendas esse circum fines
 prædii arbores, quæ familias litibus de limitibus prohi-
 beant, quæ simul sepem sustentent, frondem ovi-
 bus

bus ministrent, virgas fœco sepimentisque præbeant.

Trigesimum Primum.

Si steterit ad limitem prædii tui quercetum, fac tibi non erit secundum eam sylvam ferere oleam. Tam enim sunt naturæ contrariæ, ut non solum minus ferant, sed etiam fugiant, & introrsum in fundum se reclinent. Ut verò quercus, sic & juglandes magnæ & crebræ, si finitimæ sint, fundi oram reddunt sterilem.

Trigesimum Secundum.

Boves rudes subjungendi aratro non minores trimis, nec majores quadrimis. Validi illi sint, & inter se viribus respondeant: sin minus, firmior imbecilliorum in opere conficiet. Minutatim assuefaciendi sunt ad jugum, & tyro veteranis adjungendus, quia minore negotio domabitur imitando. Ac prius quidem ducantur hujusmodi tyrones in plano citra aratrum, post cum aratro, sed levi, & per arenam, aut molliorem terram. Vecturæ si assuefiant, initio inania plaustra trahant.

Trigesimum Tertium.

Varro tempus annale dividit in octo intervalla, quæ Agricolis sunt observanda. *Primum* intervallum est inter Favonium (Favonii autem incipiunt flare sexto Idus Februarii, Sole vigesimam quartam Aquarii partem obtinente) & æquinoctium vernalis, dierum 42. quo tempore semina omnis generis feri oportet, radices in summa terra præcidi, prata purgari, salicæ seri, terram aratro proscindi. *Secundum* est inter vernalis æquinoctium, (quod incidit in Martium, in diem Gregorio vicinum) & Vergiliarum exortum, dierum 45. quo tempore segetes runcari, herbam è segetibus expurgari, salicem cædi, prata defendi oportet. *Tertium* est inter Vergiliarum exortum & solstitium, dierum 48. quo tempore vineas novellas fodere, vites pampinare,

fernum secare oportet. *Quartum* intervallum est inter solstitium & Caniculam, dierum 29. quo tempore messes faciunt, quòd frumentum dicant quindecim diebus esse in vaginis, quindecim florere, quindecim exarescere. *Quintum* est inter Caniculam & Æquinoctium autumnale, dierum 67. quo intervallo oportet stramenta desecari, acervos construi, aratro effringi, prata irrigua iterum secari. *Sextum* intervallum est ab æquinoctio autumnali usque ad Vergiliarum occasum, dierum 32. quo serere oportet, & facere vindemiam. *Septimum* est inter Vergiliarum occasum & Brumam, dierum 57. quo tempore oportet novas fossas fodere, vineas arbutumque putare. *Octavum* intervallum est inter Brumam & Favonium, dierum 45. quo tempore aqua de segetibus deducenda, vineæ arbusta que putanda, & quæ sub tecto fieri possunt, conficienda sunt.

DISCURSUS VIGESIMUS EX PHYTGICA.

De Culturâ Horti & Vineæ.

PRÆFATIUNCULA.

Phyturgica est Ars sive Scientia, agens de iis, quæ ad hortorum vinearumq; curam & culturam pertinent. Ex qua duplex in vitam humanam redundat bonum: Utile & Delectabile. Quorum alterum ad vitæ sustentationem, alterum ad vitæ jucunditatem refertur.

SECTIO I.

DE RE HORTENSI.

1. *Requisita Terra hortensis.*

Bonus hortus bonam requirit terram; cujusmodi non est macra, arida, arenosa: ex hac enim prodeunt fructus parvi & macri.

Terram hortensem seu hortis idoneam oportet esse pinguem & colore fusco præditam. Ad quam comparandam, præter nativam indolem (quæ in hoc puncto est primariæ considerationis) conducet remotio lapidum, tribulorum & zizaniorum: item fumus, fossio, aratio, occatio, &c.

Terra hortensis sit temperatæ ubertatis, & culturæ facilis, quæ nec sit admodum madida, nec sitiens.

Signum bonæ terræ hortensis est, si eam recenter effossam aves quærant; maximè corvi, fossoris vestigia comitantes.

Terra, quæ manu ac digitis contrectata, deprehenditur valde glutinosa & tenax instar ceræ, prorsus inutilis esse censetur.

Si terra fuerit nimis dura & tenax, corrigitur 1. si arena cum bono fimo illi admisceatur. 2. Si uno anno, antequam alia semina ei committantur, implantetur brassica, hæc enim terram reddit friabilem & ad alios fructus idoneam.

2. *Bonus fimus horto necessarius.*

Fimus optimus censetur asininus, huic proximus est ovillus, quem sequitur vaccinus, gallinæus, columbinus. Fimus equinus immoderatè, reliqui moderatè & temperatè calidi sunt. Non oberit tamen, si ad duos tresve pedes sub horti areolis fimus equinus positus fuerit. Fimus anserinus minimè probatur.

Fimus recens non congruit hortis, nisi aliquamdiu fuerit gelu & frigori expositus. Qui unius anni est, ab hortulanis commendatur.

Mense Januarii stercoreandi sunt horti; sic enim terra impinguatur, redditurque ferax & fecunda. Apponitur etiam hoc mense fimus fructiferarum arborum radicibus: quod ad promovendam earum fecunditatem deservit.

3. De Fossione terra hortensis.

ANtequam formetur hortus, terra ejus triplici fossione ad seminationem plantationemq; præparanda est. Ac primum quidem ejiciendi sunt lapides cum loliis, ac deinde terra fodienda, & fimo, qui ex vaccino & equino sit mixtus, stercoranda, sicque per medium annum relinquenda est. Postea repetitur fossio & aratio, finusque cum terra permiscetur. Porro circa finum seu stercorationem notandum est, eam vento ab occasu æquinoctiali spirante, lunæque decrescente ac sicca, peragendam esse. Nam hujusmodi observatione mirum in modum augetur ubertas. *Plinius.*

4. Hortus vivâ sepe communiendus.

Sepimentum est horti munimentum; quod potest esse vel saxum, seu murus, vel virgultum, vivum, ex rubis & paliuris structile, ad arcendos non modò fures, sed etiam ventos urentes & siccos hortis perniciosos. Conficitur autem sepes viva in hunc modum.

Opportuno tempore colligitò rubi ac paliuri semina maturissima: adhæc fructus acanthi, & cum ervi farina in aqua ad mellis crassitudinem omnia macerato, eaque mixturâ puteales, vel nauticos, aut alios veteres, detritos, jamque putrescentes funes imbuito, & ita inducito, ut intra illorum fibras & capillamenta recepta semina servari possint, usque ad verni temporis initium. Quo tempore, eo loco, ubi sepes futura erit, duos sulcos, à se duobus tribusve pedibus sejunctos, sesquipedali altitudine formato, prædictosque funes cum impressis seminibus levi terra obruito, & si opus fuerit, identidem irrigato. Ita fiet, ut intra mensem tenella sepes consurgere incipiat.

Alii vivam sepem hoc modo erigunt. Virgas rubi crassiores in segmenta & particulas proscindunt, easq;
scro-

scrobibus palmari altitudine apertis sedulò obruunt, ac quotidie, donec germen erumpat, & frondere conspiciatur, fossione ac rigatione, si tempus invitet, nutriunt ac refocillant: atque ita sepem validam, tutam ac perennem construunt. *Democritus, Columella, &c.*

Mizaldus hunc vivæ sepis construendæ modum tradit. Si plura diversi generis semina ceræ, vel tenaci cuiuspiam materiæ in longitudinem tenuiter protensæ incluseris, eaque solo optimè stercoreato ac subactò commiseris, mirabilis sepes (verba sunt Mizaldi) ex ea congerie pullulabit. Est hoc Regii olitoris artificium & experimentum.

5. Ut hortus virescat, & floridus fiat.

Oportet ante omnia elapidatum esse horti solum, & quam minimè rimosum, ne sol penetrans plantarum radices exurat. Virescet autem & florescet hortus, si sceno græco in aqua trito sulcos irroraveris.

6. Hortus quando & quomodo seminandus.

Aliqui opinantur, nec in horto, nec in agro seminandum esse, antequam terra pluviis permaduerit. Quæ si tempestivè & opportunè descendant, non improbo. Si autem (ut nonnunquam accidit) seræ fuerint pluvix, quantumvis sitienti horto vel agro semen committi poterit, ex Columellæ sententia. Quæ res in quibusdam provinciis, ubi cœli status talis est, usurpâri solet. Nam quod sicco solo ingestum est, perinde ac si esset domi repositum, non corrumpitur. Accedentibus postea imbribus multorum dierum sementis unò die surgit: sed ab avibus & formicis interim periclitatur, nisi ante sationem ei succurratur illâ industria, quam infra declarabo.

Danda insuper est opera, ut hortus vel ager, qui vere con-

conferi debet, sub finem autumnii ante gelicidia paffinetur.

Ut verò femina ferventur à conculcatione immunia, horti areæ ita formandæ funt, ut runcantium manus ad dimidiam latitudinis partem facilè pervenire poffint; ne, dum herbas inutiles extrahere nititur, femina pedibus interim conculcet hortulanus.

Illud magnopere providendum eft, ut fationi ferentitas, aërisque clementia fuccedat. Nam favente cœlo, repente teriâ & à fole illustratâ, citiffimè prorumpunt ac pullulant femina: quibus ætas etiam nonnihil conferre folet. Quapropter cavendum eft, ne vetufta, exufta, mifta, emaciata, languida aut adulterina finis femina. Quæ, dum terræ mandantur, boreales dies ac valde frigidi vitabuntur. Tunc enim terra horridula veluti, & occlufa ægrè, ferentis verò, temperateque calidis diebus facilè recipit ac foveit femina.

Sunt apud Græcos rei Georgicæ fcriptores, qui fementem augefcente Luna, à quarta fcilicet ufque ad plenam facere confulant, dum illa fub terra latitat. Alii fecuriorem ineuntes viam, fationem præcocem non probant: quare in duo, tria, quatuorve tempora illam partiuntur: futuri temporis incertitudinem hoc modo vitare cupientes, & rufticanum Columellæ adagium in memoriam revocantes: *Serere ne dubites.*

Concludo hanc de feminatione doctrinam compendiofo hortulanorum monito: *Seminaturus habeat quatuor: proba femina, terram aptam, fimum bonum, aquam promptam.* Nam bona femina, quæ inde generabuntur, fimilia efficient. *Terra apta* fibi concredita optime fervabit, ac fœcundabit. *Fimus bonus* fucculentior reddet terram & laxiorem, ut aquam faciliùs admittere poffit, quæ radicibus impertiatur. *Aqua prom-*

prompta quasi ex ubere omnia alet ac fovebit. Mizaldus.

7. Ne semina terræ commissa lædantur ab Avibus &c.

SI semina terræ mandanda succo sempervivi paulò ante sationem madefacta fuerint, ab avibus, formicis, agrestibus muribus, aliisque similibus horticorum prædonibus, non solum illæsa servabuntur, sed etiam ea, quæ inde nascuntur, præstantiora evadent.

8. De irrigatione horti.

IRrigatio horti, quæ solibus æstivis, & maximè circa Iuxortum caniculæ fit, summopere solet prodesse, ac probari horis matutinis ac vespertinis, ne à Sole infervescat aqua, & radices adurat. Sed ne tum quidem nimia debent esse rigationes, quoniam inebriatis radicibus nocent. Pro quibus non haurienda est aqua putei altissimi, ne nimia frigiditate, & cruditate radices percellat. Quod si alia præstò non fuerit, horis aliquot ante haurienda erit, & sub dio exponenda, ut tepescat. Rigationis modum stirpium ætas temperabit. Novellæ enim plantæ minùs sitiunt, & quæ afuvère, summè rigari desiderant.

9. Ut Olera, aliæq; hortenses herbæ à Pulicibus non lædantur.

OLera aliæq; hortenses herbæ à pulicibus non corroduntur, si earum seminibus parum ervi in seminando admiscueris. Alii erucam simul serentes aut plantantes (præsertim cum brassicis, quæ magis à pulicibus infestantur) eundem se consecuturos effectum *Anatolius*. Quam doctrinam confirmans Theophrastus, asserit ab agrestibus pulicibus plurimùm infestari raphanos: ne verò ab illis lædantur, oportere eorum interficere.

10. *Ut hortenses raphani dulcescant.*

Siraphanos dulces habere cupis, semina mulso, vel passiarum uvarum succo, aut saccharatâ aquâ biduo præmacerare oportet, & siccata terræ committere. *Florentinus.*

11. *Modus efficiendi, ut allium, quod in horto plantatur, terro odore careat.*

Siallium terræ committatur, & ex eadem eruatur, Luna sub horizonte latente, tetrum exuer odorem & comedentis halitum nequaquam vitiabit. *Palladius.* Alii sibi persuadent, tædium halitûs à manducatis alliis conciliatum aboleri, si cruda faba illis superedatur.

12. *Ne herbæ hortenses ladantur ab erucis.*

Ad pellendas erucas, aliqui hortulani, olerum semina, antequam seminent, lixivio cineris ficulnei imponunt, in eo que macerant. Alii utuntur urina & amurca ex æquo mixtis, & igne fervefactis, ac deinde refrigeratis, & sic oleribus adpersis. Alii erucas accipiunt, easque in aqua cum anetho coquunt, & refrigeratam aquam, in qua coctæ sunt, oleribus adpersunt. Alii bitumine & sulphure vivo olera suffumigant.

13. *Modus Olera vel conservandi, vel, si libuerit, perdendi.*

Omnia Olera in universum juvantur & conservantur, si eruca (genus herbæ) juxta ipsa conferatur. E contrario olera disperduntur, si excrementa anserina muria dissoluta oleribus aspergantur.

14. *Plantæ ut majores evadant.*

Generaliter loquendo, semina illa, quæ terræ mandantur Luna crescente, plantas generant robustiores & inspidiores: è contrario autem semina Luna de-

decreſcente ſata produciunt plantas tenuiores & acriores. Hinc raro fructus, radices & herbæ mole grandes odore & ſapore præſtant. *Cardan. de variet. rerum.*

15. *Plantæ ſteriles quomodo fructiferæ reddantur.*

S I omnino ſterilis planta ſit, conſulit Ariſtoteles, ut diſiſa radice lapis ei immittatur. Idem ſentit *Weckerus de ſecret. lib. 9.*

16. *Ut Vermes à plantis hortenſibus arceantur.*

S I vermibus laborent plantæ, æneo clavo purgentur; Sæſenim (inquit *Cardan. de rerum varietate*) amarorem firmum in planta relinquit, vermibus, qui dulci aluntur, inimicum. Quam ob cauſam aliqui fel bubulum plantæ radicibus inſpergunt: quod etiam, (ut pote amariffimum) ad vermes arcendos idoneum eſt.

17. *Ut hortenſes Aſparagi in magna copia proveniant.*

S I velis ut Aſparagi copioſè proveniant, arietum ſylveſtrium cornua (utor verbis *Weckeri lib. 9. de Secretis*) tenuiſſimè contuſa fulcis committito, & rigato.

18. *De procurandis Fructibus præcocibus.*

U T fructus habeas præcoces, irriga ſæpe calida aqua, Soli expone, ſtercore columbino equinoq; fove, aut calce, quæ illam admittunt, ut ceraſa, ac demum inutilis ramos, & quæcunque alia inutilia ſenſim prætide. *Cardanus.*

19. *Ut Fructus producantur ſuaviores.*

S Emina vel grana per triduum mulſo, lacte ovillo, vel aqua, in qua ſaccharum eliquaveris (quod veteres præſtare exiſtimarunt) ſunt maceranda, & inſolata terræ committenda, ſicque majorem fructus ſuavitatem contrahent. *Joann. Baptiſta Porta ex Florentino.*

20. *Ut Fructus producantur ex osses & enucleati.*

Eorum, qui selecta agriculturæ præcepta tradidêre, opinio est, si in ferendis furculis, vel vivis radicibus, medullam auriscalpio, vel osseo abstuleris cultro, fore, ut fructus prodeant ex osses, & ligneis nucleorum putaminibus destituti, propterea quod medulla sit altrix ac patens ossæ substantiæ. Alii verò huic refragantur opinioni. Omnis enim, inquiunt, arbor, cui medulla subtracta est, exarescit penitus, animaq; vegetans privatur, ut nullos fructus, sive osseos, sive ex osses producere possit. Medulla namque est pars arboris maxime vitalis, & vivifico plena humore, quam non immeritò arboris animam appellaveris; per quam, venuti per syphonem quendam, alimentum attrahitur, ac per omnes arboris partes distribuitur.

21. *Ut melones producantur dulces & odorati.*

Melones Rosarum fragrantiam spirare facies, si semen illorum juxta rosas aridas posueris, & mixtum plantaveris. Dulces verò efficies, si eorundem semen lacte & melle maceraveris, & refrigeratum seminaveris. *Florentinus.*

22. *Præses in plantandis, & transplantandis arboribus observanda.*

Arbores iis intervallis plantandæ sunt, ut cum creverint, spatium habeant, quo ramos extendant. Nam si spissè ac densè plantaveris, nec infra ferere quid poteris, nec ipsæ fructuosæ erunt.

Dum arbores transferre volueris, antequam id aggrediaris, sedulò tibi notandum erit, quibus ventis expositæ erant, ut simili situ, illas componas & implantes. Quod dum facis, in imum usque scrobem sarmentorum fasciculos crassitudine brachii oportet demittere, ut supra terram paululùm extent. Nana æstate par-

vol labore aquam radicibus per illos subministrare poteris. Sed optimum erit uno anno antequam plantare voles, scrobem fodere, ut terra sole & pluviis opportunè maceretur, & quod implantatum est, citò comprehendât. Quòd si eodem anno & scrobem facere, & arbores ferere voles, duobus minimùm mensibus antè scrobem fodies, postea stramentis incensis calefacies. Quem si latiore patentior emq; feceris, lætiores uberior esq; fructus percipies. Scrobem verò clibanum similem aperies: cujus imum summo patentius sit, ut laxiùs radices vagentur, ac minus frigoris hyeme, minusq; æstate calidi vaporis per os angustum penetret.

Generatim autem sic arbusculas & arbores dispones, ne imbecillior à valentior prematur: quia nec viribus, nec magnitudine par esse potest, imparique temporis spatio adolescit.

Porrò summè cavendum est, ne post rigidas tempestates, & violentas cœli injurias, arbores ferro vulneres vel amputes, præsertim, quæ fructiferæ sunt. Cavendum præterea, ne una arbor alterius stillicidium quantente vento excipiat, præsertim, si diversi fuerint generis. Danda quoque est opera, ne æstate radices contra solem nudentur, aut ab eo feriantur, & ne hominis manu cacumina duriter tractentur, aut à pecoribus prærodantur: nam deinceps capere incrementum nequeunt, maximè si tenellæ fuerint.

Arbusculæ omnes priusquam transferantur, rubricæ sunt notandæ; ut cum ponentur, easdem cœli partes respiciant, quas in suo seminario respiciebant: alioquin frigore vel calore lædentur ab iis partibus, quas præter consuetudinem, sub alio tractu expositas habuerint. Itaque in translatis arboribus plaga cœli similis retinenda est, ne partes Aquilonares meridianis oppositæ solibus findantur, aut algeant meridianæ aquilonibus obverſæ.

Quod

Quod attinet ad ætatem arboris transplantandæ, plerique arborem nec minorem bimâ, nec maiorem trimâ transferri præcipiunt.

Proderit plurimum arboribus, si radicibus terræ, in qua vixerint, cohæreant; ita ut totæ radices cespite circumligentur.

Rigari denique debent arbores transplantatæ, quousque cælum negaverit pluviam, & ingens æstus perseveraverit, sic enim fructus evadent majores ac venetiores. *Mizald. ex Columel. Caton. & Plinio. atq; ex his Weck. lib. 9. de secret.*

Transplantaturus arborem, radicem illius aquæ imponat, in eaque decem vel duodecim diebus relinquat; sic enim citius in terra firmitusque radicabitur.

Radices arborum quæ plantantur, probè à sordibus purgandæ, partesque contractæ reselandæ sunt.

À festo Omnium Sanctorum usque ad Martium utitur arbores plantantur & transplantantur.

Lunâ crescente, & quidem in prima ejus lunatione seu quadrante, expedit arbores plantare & transplantare.

Arbores plantatæ in Novilunio, in magnos quidem ramos diffundunt, at serò producunt fructus.

Arbores Lunâ decresciente plantatæ copiosos producunt fructus: & quo tardior erit plantatio in decremento Lunæ, eò præcociores erunt ejus flores & fructus.

Consultum est, arbores juvenculas tempore verno, adultas verò in autumnno, videlicet in Octobri, Novembri & Decembri transplantare; nam hoc tempore succus vigorque plantarum radicibus immittitur.

Dum plantatur arbor, fiat scrobs amplus, & ad cavendas radices capax: quæ si nimis longæ fuerint, deturcentur; sic enim succum terræ melius attrahent, runtque fecundæ.

Tiliæ, aliæque majores arbores 30. vel 35. pedibus se invicem distare debent: pruni verò, aliæque arbores fructus oſſeos habentes 24. pedibus, cerasi 10. vel 12. ficus, avellanæ, pomique cydoneæ 8. plus minus.

Non est plantanda arbor in eo loco, in quo aliqua exaruit, exarescent enim etiam sequentes, nisi terra verus inde effossa, & loco ejus recens ac pinguis posita fuerit.

In plantatione arboris radix non nimis profundè inferenda est terræ, nec altiùs, quàm dimidio pede terræ cooperienda.

Terra circa radicem plantatæ arboris ne plus æquo assurgat, sed potiùs relinquatur aliqua inferiorem partem trunci concavitas, seu circularis fossula, ad recipiendam aquam pluvialem, vel aliam, cùm arbor tempore siccitatis irriganda est.

At tempore hyberno exaggeranda est circa radices terra, ne à frigore lædantur. In quem finem etiam muscus arbori appositus conducet.

In transplantatione arboris radices terrâ nigrâ & bonâ regendæ, & super eam, bene priùs conculcatam, una atque altera palea fimi ponenda.

23. *De arcenda ab Arboribus pruina & rubigine.*

SI instanti & prævisæ rubigini ac pruinae obviam ire voles, paleas multas, aut horti vel agri effusas herbas, frutices & spineta, pluribus locis combures: maxime quâ parte ventus spirat; sic enim impendens malum averti scribit Diophanes. Quòd si pruina anticipaverit, damnum hoc modo refarciri posse, tradit Bericius. Cucumerum sylvestrium, aut colocynthidis radices vel folia contunde, & aquâ macera, eaque ante solis exortum, quas pruina vitia verit arbores, irroras ac resperge.

Idem

dem assequêris ficulneo aut quercino cinere, aqua in-
uſo, & quo dictum eſt modo, aſperſo. Proderit quo-
que, teſte Apulejo, ramos lauri multos per hortum, vel
grum deſigere, ac plantare; nam in illos pruinæ ac ru-
iginis noxa omnis convertitur. *Mizald.*

24. *Ut Arbores citò creſcant, & ea quæ fe-
races ſunt, reddantur meliores.*

SI voles, ut arbores citò creſcant, ſingulis menſibus
circùm eas, quas ſeveris, fodito, donec trimæ erunt.
Ut autem arbores feraces reddantur feraciores ac me-
iores, amurcam cum aquâ commixtam circùm eas fun-
dito. *Cato.*

25. *Medicina arboris agrotantis.*

QUOD ſi ægra fuerit arbor quæcunque, illius radi-
cibus affundi debet aqua cum amurca æqualiter
commixta. Summum item præſidium eſſe ajunt fæ-
ces vini, aut aquam lupini decocti circumfundere, vel
lupinum ipſum circa radices ſerere. *Didimus & Plin-*
ius.

26. *Medicina Arboris emaciata & langue-
ſcentis.*

SI emaciata fuerit arbor & languida, juvabitur, ſi ra-
dices circumfoſſas, itemque truncum, veteri urinâ
humanâ, eâq; virili, vel pecorum lotio imbueris. *Paxa-*
mus.

27. *Medicina præſervativa, ne Arbor fiat vi-
tioſa.*

Illæſam, & à vitiis arboreis immunem habebis arbo-
rem quæcunque, ſi bubulo vel taurino felle radices
illius perfuderis, aut fabarum, vel aliorum leguminum
paleis circumpoſitis, aceribuſve frumenti reſperſis, eaſ-
dem radices veſtiveris, atque regeſtâ terrâ adjuveris.
Mizaldus.

28. *Ne Arbor impetatur ab Avibus.*

ARbor ab alitibus non impetitur, quæ alliorum fasciculum suspensum habet, aut falce putatorii alio perlitâ, expurgata est. *Democritus.*

29. *Medicina Arboris infrugifera.*

SI florum largo proventu luxuriando, nullum ferarbor fructum, querno vel fagineo palo radicibus foramini in pacto, & terra occultato, fecundabitur. Profunt & fabaceæ paleæ trunco radicis circumjectæ ut scripsit Zoroaster. Columella verò arborem præcipit terebrare, & in foramen viridem oleastri taleam dimitti: nam ita arbor velut inita, fecundo semine fertilior evadet. M. Cato amurcam æquis partibus cum aqua permiscendam censet, atque arbori circumfundendam. Quæ si maxima erit, commisti amphoræ una sufficiet: si minor, servatâ proportionem fundendum erit. Africanus portulacam & tithymalum probè contusa & mixta, arborum truncis illinebat, ut fecundiores adolescerent, hisce columbinam simum nonnunquam addebat. *Mizaldus.*

30. *Medicina Arboris defluos fructus habentis.*

ARbore fructus defluos habente, nec retinere poterit, Sotion inter Græcos hortulanus diligens appetitus, lolium, quod zizaniorum nomine venit, cum radicibus evulsum in coronæ figuram efformabat, & arboris trunco circumdabat, aut plumbeâ coronâ amplexabatur. Præterea radicem ablaqueabat, eamque perforabat, & cuneum ex corno immittebat, terrâ circumaggestâ. Quidam nudatas radices aliquot crassiores ac majores findunt, & fissurâ silicis fragmentum immittunt, deinde ligant, & accumulâtâ terrâ rursus operiunt. Palladius rubricâ, aut amurcâ insulsâ aqua commixta arborem illinit.

31. *Medicina Arboris, deciduos Flores vel folia habentis.*

ARboribus, si flores aut folia decidant, hunc in modum auxiliaberis. Circumfossis radicibus, alearum fabacearum, aqua temperatarum & macerarum mensuram, magnam magnæ arbori, parvam parvæ circumpones, & ita defluvio laborantem curabis. *Mizaldus.*

32. *Medicina Arboris verminosæ.*

SI à vermibus infestetur arbor, sic illam defendes. Terram lemniam, quam sigillatam vocant, & orianum cum aqua tere, eoque miscellaneo humore radices illine, aut scyllam in circuitu planta. Si verò piceos paxillos circa arborem defixeris, tabescent vermes ac decident. A quibus etiam excrementa suilla vino diluta illasam servabunt arborem: modò illud circa arborem frequenter injiciatur; quod etiam præstare potest columbinum stercus, nudatis radicibus circumpositum: uti & fel taurinum iisdem frequenter ingestum; sic enim neque citò senescet arbor, neque vermes facile producet. Palladius veteris vini fæces per triduum affundit. *Antonius Mizaldus.*

Malus omnium maximè vermiculationem sentit, hoc est, vermium erosionem. A quibus immunis erit, si scylla circumposita fuerit. Quòd si eos hæreditarios habuerit, felle bubulo, vel suillo stercore misto humanæ urinæ, & radicibus affuso extinguentur. Si verò negotium adhibere perrexerint, cortex æreo clavo vel scalpro fodicandus, atq; vellicandus, donec mucrone vermes tacti radantur, & deturbentur: sed ulceratum locum bubulo stercore obducere oportebit.

33. *Ne Pomus mala caduca, & Pyrus lapidosos
fructus progignat.*

Si caduca fuerint mala, fissæ radici lapis impactus illa retinebit.

Si lapidosos fructus producit Pyrus, jubent periti hortulani arborem ad imas usq; radices reteri, & quid lapidosum invenitur, secerni atque excludi: altera terra cribro excreta, alteriusque loco, stercore addito, reposita: quod summè proderit, si rigare non cessaveris.

34. *Ut Pyrus copiosum & dulcem proferat fructum.*

Pyrus copiosiore dulcioremque tibi fructum dabit, si trunco proximè radicem terebrato, cuneum ex fago vel quercu, ut scripsit Diophanes, desiges, aut vini faeces nudatis radicibus instillabis.

35. *Remedium agrotantis Arboris cydoniorum.*

Si ægra fuerit arbor cydoniorum, amurca æqualiter aquæ permixta, radicibus affundatur. Aut calx viva cum creta & aqua temperetur, arborisq; trunco illinatur.

36. *Medicina pruni languida & verminose, minusq; feracis.*

Si languida fuerit prunus, minusque ferax, amurca æqualiter cum aqua temperata radicibus infundi debet, vel bubulum lotium solum, aut humanum, idque verus, mistum æquis partibus cum aqua. Vel cineres è furno, maximè sarmentorum. *Palladius.* Quod si à vermibus, aut formicis infestetur prunus, rubrica & picē liquida illinatur.

37. *De fimio, humore, & formicis ceraso inimicis.*

Cerasus fimum horret, qui si radicibus illius admoveatur, degenerat arbor. Sed & humore nimio pu-

putrescit, quo tempore foramen in trunco excavari debet, ut humor educi possit. Si formicas patitur, succum portulacæ licebit affundere, cum aceti media parte mistum, aut fœcibus vini truncum florentis cerasi illinere. *Palladius.*

38. *De præcocitate cerasorum.*

PRæcoces fructus dabit cerasus, si ante florum exortum calx viva radicibus circumponatur, aut aqua calida sæpius infundatur; sed postea parvo temporis tractu inarescit.

39. *Morus ut fiat feracior, & candidos ferat fructus.*

Nonnulli censent arborem mori feraciorem, procerioremque fieri, si forato prorsus trunco, cuiusnei inferantur, hinc terebinthi, inde lentisci. Eadem si populo albæ inferatur, vel inoculetur, candida mox proferet.

40. *Languida & tabescentis mali Persicæ remedium.*

Malus Persica si languida videbitur, veteris vini fæces aqua mixtas oportebit infundere, & frequenti aggestione cumulare, vespertinoque humore juvare, & objectis umbraculis defendere, si ardore folis siccata contabescat. In quam rem etiam proderit ferpentis spoliū appédere. Si vermibus infestetur, cinere amurcæ misto extinguentur: vel bovis urina cum tertia parte aceti confusa. Si à pruinis periclitetur, finus illi apponatur, vel vini fæces cum aqua permixtæ; Vel, quod magis probo, aqua, in qua faba fuerit incocta.

41. *Plantatio arboris amygdalo-persici.*

EPersico arbore decerpe furculum, quem si dulcia-mygdalæ inserueris, atque inde enatum germen de-

nuò inferueris alteri, idque ter quaterve feceris, habebis arborem, cujus fructus foris persicum pomum æmulabitur, intus verò dulcem referet amygdalam: ideoque rectè hanc arborem vocaveris amygdalo-persicum. *Joan. Baptist. Porta.*

42. *Medicina verminosa mespili.*

ARbor mespili in senectute sua creberrò infestatur vermibus, iisque prægrandibus. Purgandi sunt autem stylo æreo; atque amurca, vel humana urina veteri, aut viva calce perfundendi, sed parcius, propter arboris noxam. In quam rem plurimum etiam proderit aqua decocti lupini. *Muzaldus ex Palladio.*

43. *Ne labantur poma mespili, neve molestæ sint illi formicæ.*

SI labantur poma mespili, frustum de ejus radice præcisum in media trunci parte figatur. Si molestæ fuerint formicæ, rubrica cum aceto & cinere temperata necabuntur.

44. *Qua arte effici possit, ut amygdalus naturâ suâ amarus proferens fructus, progignat dulces?*

Theophrastus tradit, & ex eo Plinius, ex amaris dulces fieri amygdalas, si stipite circumfosso, & ab ima parte perforato, defluens undique pituita detergatur. Ita etiam præter alios sensit Africanus, qui in suis Georgicis Græcis hunc in modum scribit: Ex amaris dulces fient amygdalæ, si circumfosso stipite quatuor digitis à radice cavernula imprimatur, per quam lacryma quotannis effluat, donec dulcescat fructus.

45. *Ut amygdalus copiosum producat fructum.*

Quòd si amygdalus perseveraverit folia ferre, fructum verò nullum dare, partem trunci juxta terminato, vel potiùs radicem, & pinguis tædæ cu-
neum

neum in foramen transfigito, humanaque urina affusa obruito. Aliqui ferreum palum arbori adigunt, im-
pressoq; foramini querneum inferunt paxillum. *Mi-
caldus ex Palladio & Theophrasto.*

46. *Adversus pruina amygdali.*

Ubi à pruina metus erit, antequam floreat amygdalus, radices nudentur, & albi lapides minutissimi, arenis commixti, congerantur: atque ubi jam tempus videbitur, ut amygdalus debeat germinare, effossi sub-
moveantur. *Auctor. citari.*

47. *Ut malus poma dulcia, & non caduca pro-
ferat.*

Si dulcia desideras mala, excrementa caprina urinâ humanâ dissoluta, cum fœcibus vini veteris, infunde radicibus. Si verò mala fuerint caduca, fissæ radici lapis impactus, illa retinebit.

48. *Ut mala non putrescant.*

Si imputria mala habere velis, felle viridis lacertæ inungatur caudax. Idipsum etiam adversus formicas remedium erit præstantissimum.

49. *Ut malus & pyrus fructus producant rubi-
cundos.*

Malus urina rigetur, & rubescet fructus ejus. *Weckerus de secret. lib. 9.*

Pyrus moro insita, rubicunda pyra feret, ut tradit Tarentinus.

Si citri mali, vel pyri furculum rubræ inseramus moro, rubra inde nascentur poma.

50. *Ut mora nascantur alba, & puniceorum aci-
ni candidi.*

Qui albescentia desiderat mora, morum in albam inferat populum. Si verò & puniceorum acinos optes

optes candidos, intentum consequêris si argillæ & creta miscueris quartam gyphi partem, totoque triennio hoc genus terræ radicibus insperferis. *Gargil.*

51. *Pomus Persica miræ magnitudinis poma producens.*

UT poma persica miræ magnitudinis tibi compareres (idem est de amygdalis, nucibus & similibus) accipe tres vel quatuor nucleos ex illis, quos ita coaptabis, ut corpus unū constituere videantur. Hos junctos, & si opus fuerit, colligatos, in vasa quod terra stercoreata plenum immittes, plantabis, ac sepelies: sed ita ut vas illud foramen habeat in operculo, per quod nucleorum germen exire cogatur. Sic fiet, ut nucleus illi in unam coalescant arborem, quæ suo tempore fructus eximiam magnitudinis ac pulchritudinis progignet. Sunt, qui nucleos non in vas, sed in fistulam aut tubulum terrâ saturatum mittant. Proderit etiam, si diligenter interlegantur persica illa, quæ parva & languida apparebunt, nimiaque ubertate matrem onerant, ut arboris succus ad reliquorum nutrimenta convertatur. *Mizaldus.*

52. *Ut mala pumica dulcescant.*

Radices arboris circumfodito, & excrementa suilla raggerito, atque terra superingestâ rigato. Alii urina assiduè, caprinoque stercore, & vini veteris facibus radices arboris irrigando, dulciorem ejus fructum efficiunt. *Paxanus & Anatolius cum Weckero sup. cit.*

53. *Modus procurandi punicorum multitudinem.*

Punicorum multitudo comparabitur, si tithymali & portulacæ succus æqualiter mixtus, trunco arboris antequam germinet, illinatur. *Palladius.*

54. *Modus efficiendi, ut ficus nascantur præcoces,
& purgatoria.*

Ficus habebis præcoces sive ante tempus mature-
scentes, si excrementa columbina cum pipere &
oleo juxta radices posueris. Purgatoriæ autem, sive
ventrem emollientes erunt ficus, si, dum ficum plantas,
ad summas radices veratrum nigrum contusum, si-
mul cum tithymalo posueris.

SECTIO II.

DE REBUS AD VINEAM SPECTANTIBUS.

Monitum Primum.

In vinea ponenda magni refert considerare condi-
tionem *Soli & Poli*. Convalescit autem, & ferax
evadit vinea non minùs campis, quàm collibus: nec mi-
nùs densâ humo, quàm resoluta: non infrequenter eti-
am exili & pingui, sicca & uliginosa. Veruntamen
non sine delectu quodcunque genus vitis in quacun-
que terra deponendum. Agro uberiori ac pinguiori
mandabis gracilem, macro fœcundam, spisso vehe-
mentem, materiaque & frondibus luxuriantem, reso-
luto eam, quæ est rari sarmenti. Vites, quæ sunt fructûs
generi, & amplioris acini, humido solo inscitè commit-
tuntur.

Monitum Secundum.

Locus, qui segetes tulerit, aut arbustum nutrierit,
aut antè vinetum fuerit, sed jam vetustate exoleverit,
parandæ vineæ non ita aptus censetur, quàm qui est ru-
dis.

Monitum Tertium.

Vitanda sunt vitia loci vinetis pestifera, quæ Colu-
mella commemorat, nimirum macies & sterilitas, terra
âlla vel amara, uligo, præceps & prærupta positio, ter-

ra nimis opaca & à sole averſa, vallis arenofa, arenofioſi, plus juſto jejuna ſabulo, terreno carens & nuda glareâ.

Monitum Quartum.

Gratum eſt vineæ cœlum, nec ſummè frigidum, nec ſummè aſtuoſum: magis tamen calido, quam algido proficit: & potius imbribus, quam ſerena tempeſtate offenditur: amat ſolum ſiccum magis quam humidum: lenem perflatum non recuſat: ventos & procellas odit.

Monitum Quintum.

Qui vinetum inſtituit, plus ſuæ ipſius, quam alienæ curæ fidat. Viviradicem ne mercetur: genus ſurculi probatiſſimi domi conſerat, faciatque vitiarium, ex quo poſſit agrum veſtire vitibus: propterea quod minus, quam vernacula noſtro ſolo felicia ſint ſemina, quæ ex alia regione transferuntur.

Monitum Sextum.

Foſſio in vinea tanto plus prodeſt, quanto crebrior fuerit. Cenſent plerique à Calendis Martiis uſque ad Octobres triceſimo quoque die novella vineta confodienda, herbaſque omnes & gramina præferriim extirpanda.

Monitum Septimum.

Ubi cœlum eſt frigidum, ibi verna vitium putatio eligenda eſt. At locis apricis, & ubi molliores ſunt hyemes optima & naturaliffima putatio eſt, quæ fit per autumnum.

Monitum Octavum.

Tempus ad vitium inſitionem eſt ver, glaciæ jam ceſſante, quando, dum inciditur vitis, humorem neque multum, neque aquoſum, ſed craſſum & glutinoſum emittit. Sarmenta vero ad inſitionem accipienda ſunt

sunt rotunda, solida, densisque oculis prædita. Sufficiunt autem sarmento oculi duo vel tres.

Monitum Nonum.

Sunt quædam vites, quæ fructum recens productum, putrefaciunt, priusquam racemi connutrientur, & maturefcant. Talibus igitur medeberis portulacæ folio, si polentam ei admisceas, truncoque circumlinas. Quidam cineris veteris heminas quatuor radicibus injiciunt, aut etiam arenam. *Varro.*

Monitum Decimum.

Vites Rhyadas, quas Latini defluas sive fluxas appellant, ex foliis cognoscas subalbidis & subarefactis, sed & sarmentum latum, atque instar lori tractile ac molle habent. Medeberis vero illis cinere, aceto acerrimo subacto, illinens stirpes & irrorans, quæ in ambitu sunt trunci. Ipsæ etiam vites cinere liquido facto conspergendæ sunt. Quidam vero marinam aquam radicibus affundunt. Alii vero racemorum summas partes auferunt & impediunt. *Sotion.*

Monitum Undecimum.

Vitem ægrotantem cinere sarmentitio, aut quercino cum aceto mixto, ad truncum consperso, curabis. Valde etiam proderit urina hominis radicibus affusa.

Monitum Duodecimum.

Vites sideratas cognoscas ex eo, quod folia valde rubra habeant. Curabis autem eas, si terebro truncum perforaveris, & per foramen quernum paxillum indideris. Alii hujusmodi vites marina aqua irrigant. Alii eas, & quæ à quocunque instrumento percussæ sunt, oleo cum bitumine cocto illinunt, & oblinunt. Alii urinam humanam trunco & radicibus affundunt. *Cassianus.*

Monitum Decimum tertium.

Si vitis sit sterilis, truncum scalpro, aut ferra, aut, quod

quod melius est, cuneo quercino findito, & lapidem in fissura indito, ut partes trunci invicem disparentur, atque in ipsum truncum urinam humanam veterem infundito, ad mensuram heminarum quatuor, ita ut eam sensim omni trunco circumfundas, quo etiam radices inde perfusæ restituantur in integrum. Deinde injice fimum terra mixtum. Oportet tamen eos, qui lapidem in truncum imponunt, defodere, & vertere ea quæ sunt circa radicem. Hanc vero curam in autumnno facere opportunum est. *Democritus.*

Monitum Decimum quartum.

Si contigerit vites à pruina lædi, & manifestum sit fructum periisse, incidendæ sunt, & valde breviter præsecandæ, ut vis earum permaneat, & sequenti anno fructum reddent. Quidam asserunt, ubi suspecta fuerit pruina, expedire ut myricæ, aut, si haberi illa non possit, cujuscunque tandem ligni cineres in vinea diventilentur. Sic enim infidentes oculis vitium cineres illabentem pruina depellent.

Ad eundem effectum conducent excrementa arida per diversa spatia in vinea deposita, secundum vinetiventum, & ubi incumbentem pruina videris, succensa. Nam fumus inde elatus pruina disperget. Quidam fabas in vineto seminant, & vites à pruina illas futuras credunt. Quæ verò facilè à pruina aduruntur vites, tardius putandæ sunt, cum ad germen fundendum concitantur. Sic enim tardius efflorescent, ac proinde minùs erit timenda pruina.

Monitum Decimum quintum.

Qui uvas aliosque fructus à vespis immunes conservare cupit, oleum sorbeat, & veluti insufflans, ad vites & uvas aliòsque fructus accedat. *Democritus.*

Monitum Decimum sextum.

Qui desiderat, ut idem racemus diversos habeat acinos,

nos, hoc est, alios albos, alios nigros, alios fulvos, accipiat duo differentia diversi generis sarmenta, eaque findenda per medium, cum cautela, ne in oculos scissura perveniat, neque quidquam de medulla excidat; atque ita alterum alteri adungere oportet, & adglutinare, ut oculi coincidant, & quantum possibile est se mutuo contingant, oculique duo quasi unus fiant. Inde vero validè sarmenta papyro constringere oportet, & scylla aut glutinosissima terra integere, atque ita plantare, & interjectis diebus tribus aut quinque irrigare, usque dum germen producant. *Weckerus in secret. lib. 9.*

Monitum Decimum septimum.

Sierucas, quæ in rosis reperiuntur, coxeris in oleo, & inde falces, quibus vitis putatur, illeveris, neque ab aliquo animalculo, neque à pruina vitis injuriam patietur. Idem erit effectus, si adipe hircino, aut sanguine anarum falces ungantur, aut coricula cinere cum oleo prælita acuantur.

Monitum Decimum octavum.

Vitis sarmenta usta, & vitis lacryma permixta, cum vino in mediam vineam deponito, & vermes in vitibus non nascuntur. *Ita sentit Africanus.*

DISCURSUS VIGESIMUS PRIMUS.

EX BUCOLICA.

De Oeconomîa Animalium.

PRÆFATIUNCULA.

Bucolica est Ars parandi curandique animalia Oeconomo necessaria. Ejus objecta sequentes Articuli demonstrant.

DISCURSUS XXI.
ARTICULUS PRIMUS.

De Ovibus.

1. **D**Esiderans oves fecundas, eligat eas, quæ neque vetulæ sint, neque meræ Agnæ; quoniam cuiusvis pecudis ætatem primam & supremam sterilitate natura damnavit.

2. Empturus oves, eligat eas, quæ sunt corpore amplo, lana non modica, eademque molli, villis altis atque densis (præsertim circum cervicem & collum) ventris lanoso, cruribus humilibus.

3. Mercaturus arietem, præferat eum, qui est corpore alto & procero, fronte ampla, intortis cornibus & ad rostrum pronis (quo pacto minimè nocebunt) ravis oculis, iisque lana opertis (ravum dicitur, quod medium habet colorem inter flavum & cæsum: sive quod ex fulvo definit in nigredinem) auribus, pectore scapulis, clunibus latis: testibus amplis, cauda densi velis & proluxa.

4. Rejeçtaneis accenseantur arietes illi, quorum lana non est concolor linguæ atque palato. Nam qui Artis Bucolicæ periti sunt, arbitrantur pullas, aut etiam varias proles nascituras, si hæ partes corporis in admisso ariete sint nigre, aut maculosæ. Audi canentem de hoc Maronem:

*Illum autem, quamvis aries sit candidus ipse,
Nigra subest udo tantum cui lingua palato,
Rejice: ne maculis infuscet Veller a pullis
Nascentum.*

5. Si oves pascantur in iis agris, in quibus defecta sunt frumenta, geminum inde existit commodum quod & caduca saturabuntur spica: & obtritit stramentis fimoque suo in annum venturum opimam segetem reddent.

6. Expedi arietes admissarios ante admissuram femi

feminis bimestri intervallo secerni, largiore alimento expleri, & ad stabula redeuntibus hordeum præberi.

7. Oves feminæ post biatum maritandæ sunt; alioquin partus erit inutilis, ipsæque matres deteriores evadent. Mares verò ad generandum censent idoneos trimos, quinquennium natos inertes, septennium fastiscentes.

ARTICULUS SECUNDUS.

De Capris.

1. **C**Apras elige, quæ sint ætatis novellæ potius, quam senilis (nam illæ diutius fructum dabunt) ubertis maximi, lactis abundantissimi, crebro pilo præditæ, hirci simillimæ, & sub rostro duas mammulas habentes. Nam quæ tales gerunt mammulas (alii noneolas, alii nevolas, alii verruculas appellant) fecunditatis laude præstant.

2. Hircus seu Caper eligatur, qui sit corpore amplissimo, cruribus crassis, plena & brevi cervice, gurgulione largiore, flaccidis & prægravantibus auribus, exiguo capite, pilo nigro, denso, nitido, molli, longissimo: cui denique binæ sub maxillis verruculæ dependeant.

3. Caper sive hircus, qui septem menses natus est, pro admissura deputari & usurpari potest.

4. Præstat unum gregem caprarum totum, quam ex pluribus particulatim mercari. Sic enim in Caprili pax & concordia vigeat.

5. Capris glandes aut nullæ, aut non citra satietatem dandæ; nam alias abortum patiuntur.

ARTICULUS TERTIUS.

De Suibus.

1. **S**crofæ sint status longissimi, & unicolores potius, quam variæ. De reliquo verribus sint similes. Verris autem præstantiores oportet esse 1. corpore
S 2 peram-

peramplo, quadrato magis, quàm longo aut rotundo ventre promisso, clunibus vastis, ampla & glandulosa cervice, rostro brevi & refupino, nec cruribus, nec ungulis proceris.

2. Ut cognoscatur Scrofæ fœcunditas, primus parvus inspiciendus est; nam in sequentibus nihil ferè mutatur. Porro illam censent fructuariam idoneam, quæ pro numero mammarum parit catulos.

3. Ubi Scrofa pepererit, reficienda est largius, quoniam natis lac suppeditetur copiosius. Quod si lacte deficiatur, triticum frictum præbebitur, aut hordeum ex aqua objicietur.

4. Verribus post annum, commodissimè verna vel autumnali tempestate virilitas ferro adimitur: qua spoliati majales appellantur.

ARTICULUS QUARTUS.

De Bobus & Vaccis.

1. **I**N emptione bovis masculi sive Tauri, præponendus est ille, qui est torva facie, aspectu vegetior, torosiori cervice, membris grandibus, bene compositis atque perfectis, lateribus porrectis, cornibus amplis, proceris, robustis, nigrantibus: latis & crispis frontibus, oculis magnis, iisdemque & labiis nigris: hirtis auribus, compressis malis, dorso recto & plano, vel etiam subsidente; non gibbero: patulis naribus atq; resimis & subnigris, palearibus à collo pene ad genua propendentibus, corpore bene costato, bonis rotundisque clunibus, cauda profusa usque ad calces, inferiore parte frequentibus pilis subcrispa, compactis cruribus, iisque brevioribus potiùs, quam longis, genibus eminulis, pedibus non latis, neq; sic comparatis, ut ingredientibus displodantur: quorum ungulæ sint leves ac pares. Corium ne sit attractu asperum ac durum. Colore pla-

placent potissimum nigro, post rubeo, tertio helvo (qui est medius inter rufum & album) quartò albo.

2. Feminis, seu vaccis, uno mense antequam Tauri in Venerem ruentis pondus excipiant, pabulum minuendum est, ne obefitate corporis nimia steriles evadant: macris siquidem conceptus facilior. Contrà verò Tauros à feminis duorum mensium spatio secretos, herba, palea, fœno pleniores, & ad Venerem valentiores oportet efficere.

3. Cavendum, ne vaccæ ante impletum ætatis secundum annum ineantur à Tauris: ut trimæ pariant; quanquam melius, si quadrimæ.

4. Tauri infra quadrimatum, & post expletum duodecimum ætatis annum, ab admissura prohibendi sunt: illi, quòd propter immaturam ætatem seminandis armentis non sint idonei; hi, quia senio sunt effæti.

ARTICULUS QUINTUS.

De Asinis.

1. Sicut minus onerum est imponendum asinæ prægnanti, ne fœtus indelædatur atque deterior evadat; ita asino mari non est ulla ab opere concedenda vacatio; quoniam segnior ac deterior inde redditur.

2. Primo ætatis anno sinendus est pullus asininus cum matre: secundo leniter capistris vinciendus: tertio ad eas operas assuefaciendus, quas quis ab eo exigere decrevit.

ARTICULUS SEXTUS.

De Equis.

1. Qui tribus annis minores non sunt emendi. Ita suadent rei Caballinæ periti.

2. Equi comparandi, qui mole mediocres sint. Modica magnitudo commendat, vastitas & parvitas decorat hoc armentum.

3. Equæ clunibus, ac ventribus latæ sint: admissaril vero sint corpore amplo & formoso, partibusque justa inter se proportionem respondentibus.

4. Equi futuri speciem, ab indole & corpore ipsius equuli seu pulli colligere oportet. Optimus erit, si hilaris ac intrepidus appareat, si eum novæ rei aspectus auditusque nequaquam conterreat, si in gestu & cursu cum lasciva alacritate gregales ad pugnam laceffat & palmam nitatur præripere: si fossas, nihil cunctatus, transiliat: si pontes & flumina, sociis haud expectatis, transgrediatur: Si caput exiguum, oculos nigros, nares apertas, auriculas breves & arrectas, cervicem latam, non longam, jubam crebram, subcrispam, in dexteriore rem partem inclinatam; pectus latum, musculorumque toris numerosum, humeros grandes, ventrē substrictū, lumbos latos ac deorsum versus pressos, testes pares & exiguos, spinam duplicem, sin minus, non extantem; caudam amplam, setosam, subcrispam, crura recta, alta, æqualia, genua parva, rotunda, clunes rotundos, nec introrsum spectantes, ungulas duras, altas, concavas, totum denique corpus grande sublime erectum habeat.

5. Equa post bimatam ad generationem admittenda est. Mas trino inferior ad propagationem generis est inhabilis; generat autem usque ad annum vicissimum: equa post decimum, ut annosa jam mater, tandem inertemque prolem edit.

6. Postquam conceperint equæ, non sinantur aut quippiam laboris subire gravioris, aut versari in locis frigidis: prægnantibus enim algor maxime officit.

7. Non expedit equas singulis annis ad generationem admittere. Quæ enim annos singulos sætu implentur, instar segetum restibulum exsucciores evadunt: nec pulli æque laudabiles ac diuturni ex anni-

versaria

versaria , quam ex alterna admissura procreantur.

8. Ubi pullus equinus excreverit , viresque competentēs nactus fuerit , ad pascua educendus , non tamen à matre separandus est : ne ipsa desiderio nati (quod huic pecori natura præcipue indidit) noxam trahat & contabescat.

9. Si pulli equini fuerint quinquemestres , pascendi sunt farina hordeacea cum furfuribus , & si quid aliud terra editum cupidè ac libenter edent.

10. Antequam pulli separentur à matre , tractandi sunt manibus , ne postea exterreantur. In quem finem solent etiam curatores equorum , iis locis , ubi pulli stationem suam habent , frangā suspendere , ut iis intuendis eorumque crepitu audiendo consuescant.

ARTICULUS SEPTIMUS.

De Canibus Pecuariis.

1. Canem pecuarium , sive pastorem & villaticum comparaturus , det operam , ut hisce notis insignitum adipiscatur. Magnitudo sit ampla , vastus & canorus latratus , color unus , magisque albus aut niger , dejectæ & propendentes aures , nigri vel glauci oculi , acri lumine radiantes , amplum villosumque pectus.

2. Canes pecuarii à venatoribus aut laniis ne emanent ; quoniam hi ad pecus sequendum inertes sunt : illi , si leporem aut cervum conspexerint , eos citius , quam oves insequentur.

3. Canes pecuarii è culina projectis ossibus pascendi sunt : quibus si cibaria defuerint , ipsi relictis ac destitutis gregibus , alimoniam sibi comparabunt : quod quia magno gregum periculò sit , ne fiat , studiose providendum est.

4. Consultum est , canibus pecuariis apponere jus

ex ossibus, & ossa ipsa contrita. Inde enim & dentes illis confirmabuntur, & inedullarum sapore acrimonia augebitur.

5. Non nisi post annum vel mari vel feminæ indulgenda venus, ne & corpora labefactentur & animi degenerent.

6. Quorum catulorum generosam indolem conservare volueris, eos alienæ nutricis ubera sugere haud permittes.

7. Si canis effœta lacte destituatur, catulis caprinum dabitur, dum quadrimestres fiant.

8. Sunt, qui canum villaticorum castrationem suadeant, sunt, qui dissuadeant. Utrovis, per me licet, sequaris. Qui ipsos castrant, eo minus relinquire gregem illos arbitrantur: qui id omittunt, putant idcirco esse aciores.

ARTICULUS OCTAVUS.

De Gallis & Gallinis.

1. **G**allinarium instituturus, studeat comparare gallinas, quæ plumas habeant rubicundas aut fuscas, pennasque nigras: vitet vero albas; quia cum ferme molles reperiantur ac minus vegetæ, insuper nec fecundæ sunt: & quia propter candorem admodum conspicuæ, aquilæ & accipitri præda fiunt.

2. Numerus gallinarum in gallinario sit capitum ducentorum: sintque omnes robusti corporis, quadratæ, pectorosæ, capitibus magnis, rectis rutilisque cristis: probatissimæ censentur, quæ quinos habent digitos, ita ne cruribus emineant transversa calcaria. Nam quæ hoc virile gerunt insigne, contumacia efferuntur, & injungi sibi marem non sustinent, raroque fecundæ sunt: & quando incubant, non raro calcis aculeis ova perfringunt.

3. Galli gallinacei eligantur, qui sint salacissimi, galinis altiores, rubentibus ac sublimibus cristis, non ob-
 quis, rostro brevi & adunco, oculis ravis aut nigris,
 galea ex rutilo subalbicante, jubeis ex auro flavis, per
 colla cervicesque in humeros diffusis, feminibus hirtis,
 cruribus brevibus, unguibus longis, cauda magna, fre-
 quentibus pinnis. Præstantes etiam habentur, si sint
 elati, alacres, vigilantes, qui non facile terreantur, qui
 vociferent sæpe, qui in pugna pertinaciter resistent, con-
 tugalem gregem animose defendant, animalia gallinis
 infesta intrepide adorianur.

4. Gallinarum cubilibus præponantur vestibula, per
 quæ ad ipsa cubilia, seu pariendi, seu incubandi causa in-
 roeant: neque enim ipsis nidis involare debent, ne
 filientes pedibus ova comminuant.

5. Quo tempore gallinæ parturiunt, curæ erit gal-
 linario, ut quam purissimis paleis constrata habeant
 cubilia. Itaque ea subinde convertet, aliæque substrami-
 na quam recentissima substernet, ne pulices, aliæve nas-
 cantur animalia, quæ gallinam conquiescere sua im-
 portunitate non patiantur. Quæ causa est, ut ova aut
 nequabiliter maturescant, aut plane consenescant.

6. Ova incubanti gallinæ supponenda sunt non
 lura quam viginti quinque. Inter quæ aptiora sunt,
 quæ recentiora. Possunt etiam incubari requieta,
 dummodo non sint verustiora diebus decem.

7. Ut excludantur pulli gallinacei, opus est incu-
 patu dierum 20. ut pavonini, si ova pavonina gallinæ
 subjeceris, dierum 27.

8. Incubante gallina, circumibit curator intervallo
 dierum aliquot, ova versabit manu & invertet, ut ca-
 ore æquabiliter concepto animentur. Si qua ungui-
 bus læsa, aut fracta repererit, removebit. Utrum ve-
 ro sint ova plena atque utilia, nec ne, si nosse cupias, in

aquam demitte: inane nabit, plenum desidet; poterit etiam opponi lumini: si perlucebit, non est plenum. Cave autem, ne ova hujus rei cognoscendæ causa concutias, quia venas vitales confundes.

9. Ut mares quam plurimi excludantur, ova longissima & acutissima: ut fæminæ, rotundissima incubanti gallinæ subjicienda sunt.

10. Duarum aut trium Gallinarum pulli recentes ad unam transferri possunt gallinam, quæ sit melior nutritrix sed id faciendum est primo quoque die, dum mater suos alienosque ob similitudinem non dignoscit.

ARTICULUS NONUS.

De Anseribus.

1. **A**nseres eligantur, qui sint corporibus amplis & albis, quoniam plerumque pullos procreant sibi similes.

2. Ova anserina signo aliquo notanda sunt; nam matres in hoc avium genere aliena ova non excludunt.

3. Ova anseri plerumque novem aut undecim, minimum septem, summum quindecim subjicienda sunt.

4. Anserculi diebus quinque permittantur cum matre: postea quotidie, cum serenum fuerit, in prata & ad piscinas atque paludes emittantur.

ARTICULUS DECIMUS.

De Piscibus & Piscinis.

1. **C**onstructurus piscinam, noverit aptiorem ad eam locum esse, qui est pinguior, humidior, minusque densus; præsertim si cyprinos (vulgus appellat carpiones) educare in eo destinaverit. Valet nihilominus fundus glareosus, calculosus, sabulosus, glebis pinguibus tamen admixtis. Scaturigines & uligo cænosa, eaq; perpetua, in vitio sunt. Locus sterilis in-

primis cavendus est : is enim , quia succo omni destitutus est , maximè cyprino generi , cui inde nutrimenta crassities , perniciosus censetur.

2. Situs piscinæ commodissimus censetur , ubi est qualissima , & spatiosissima , aut nonnihil prona , camorum , pratorum , nemorumque planities , cum vicinitate rivi , lacus , fluvii , fontis , unde recens semper aqua fluat : cum aqua illabuntur alii quoque pisces , qui numerum luciorum , cyprinorumque (quorum gratia pretiosissimum piscinæ conduntur) atque etiam fructus possessoris amplificanti ; ut sunt barbones , anguillæ , &c.

3. Haud parum interest , cœlestesne seu pluvias , an montanas ; an campestres aquas in piscinas inducimus. Primæ sunt incertæ , quia pluvix incertæ : accedit , quod eadem sint etiam infœcundæ. Alteræ frigidiores sunt , quam ut eas cyprini ferre queant. Tertiæ , quia ventis lapsibus fluitant , & solibus tepescunt , & pisciferæ sunt , valde utiles piscinis judicantur.

4. Quoniam ventis favientibus aqua piscinæ intumesce , crebrisq; assultibus aggerem verberare solet , eodem fere modo ille , quo castrensis agger contra istam velut hostilem incursionem communiendus & circumcirca vallandus erit. Aut ergo pali terræ fistulis quam firmissime impacti , ut quati & commoveri ne utique possint , aggeri proni incumbant , modicis intervallis distantes , arborumq; stipitibus ac truncis irretiti : ut secus palos ita , ut dixi , locatos , confuse & acervatim aliæ arbores super alias constipabuntur : atque hic primas obtinent partes quercus & abies : siquidem humoris citra vitium patientissimæ sunt.

5. Seminarium piscium in parte quacunque fundi , modo rigua sit , utiliter constituetur. Porro locus ille non spatium vastum , non apricitatem , non pingue solum requirit ; quippe qui ad tempus tantummodo sobo-

fobolem, paulo post ampliori coloniae transcribendam, & ad feliciora pabula dimittendam, complectitur. Videndum tamen, ne locus hujusmodi cœnoscus sit : quia alias ova cyprinorum ex attritu mutuo in terram labentia, & luto præfocata in pisces animari non possunt. Prædicta denique vivaria, similiter ut piscinae majores, suum habeant aggerem, vallum, loriculam, canales, septa & emissarium.

6. Cum lucii in parvulos cyprinos grassari soleant, sintque certissimum hujus stirpis exitium, ad piscinarium pertinebit cavere, ne ante tempus in piscinam immittantur. Nonnunquam cyprinis fœtibus piscinae usque adeo repletæ conspiciuntur, ut tantæ multitudinis pabulum suppeditari non possit. Tum enim vero pro numero & amplitudine piscinarum immittendi sunt lucii, quorum ingluvie luxuries illa depascatur. Hoc ubi factum erit, cyprini reliqui saginæ delecti liberalius alentur, citius grandescunt, atque ipsi etiam lucii saginabuntur, venditique lucrum uberius apportabunt.

DISCURSUS VIGESIMUS SECUNDUS.
EX ARCHITECTONICA.

De Modo ædificandi.

PRÆFATIUNCULA.

Architectonica est Ars præscribens certas regulas ad benè ædificandum deservientes : quarum præcipuas hac dissertatione complecti libuit.

Regula I.

Bonum Architectum oportet esse variis artibus ac scientiis instructum.

1. Calleat principia Geometrica. Nam Architectus à Geometra mutari debet usum circini & enthygrammi (den *Senckel und Winkelhacken*) normarum item, librationum & linearum directiones.

2. Optices non sit ignarus. Debet enim Architectus lumina à certis cœli spatiis per Opticen in ædificiis veluti capere: id quod singulare est artificium.

3. Sit gharus Arithmetica. Sine illa siquidem nulla institui potest Symmetriarum probatio.

4. Sit Scrutator antiquitatum. Historiæ namque ut aliis artificibus, ita architectis maximam adferunt utilitatem.

5. Sit Physicæ peritus. Occurrunt enim sæpe quæstiones naturales de aquarum ductibus, de aëris temperie, de soli varietate.

6. Sit versatus in Medicina. Quia scire debet Architectus, quæ loca sint salubria, quæ insalubria, & alia multa, quæ concernunt sanitatem.

7. Habeat notitiam Juris civilis. Oportet enim eum intelligere, quinam parietes sint communes, quæ stillicidia, quæ cloacæ, quæ lumina, quæ fenestræ, quæ demolitiones, quæ denique aquarum ductiones.

8. Habeat notitiam Astrologiæ. Nam Architectus Orientis, Occasus, Septentrionis, Meridiei, Astrorum, Equinoctiorum & Solstitiorum rationem pernosse debet.

Has omnes scientias in Architecto requirit Vitruvius Architectorum antesignanus. Non tamen requiro ego, ut Architectus sit Aristoxenus in Musicis, in Pictura Apelles, in Medicina Hippocrates, in Astronomia Ptolemæus: sed ut ea, quæ ex singulis artibus ac scientiis ad rationem Architecturæ faciunt, perspecta habeat.

Regu-

Regula II.

Architectus norma & circino, tanquam principalibus instrumentis utatur; hæc enim duo sufficiunt perito Architecto. Enimvero Circinus est fons omnis proportionis, quæ quidem Architecto est necessaria. Per normam vero præcipue intelligitur ea, quæ à Germanis vocatur *der Maß Stab*.

Regula III.

Finis ædificii semper Architecto versetur ob oculos. Nam finis conciliat mediis ordinem & mensuram. Finis autem, ad quem Architectus collimare debet, est ædificii firmitas, utilitas, venustas: eaque vel ratione defensionis ad injuriis cæli aut hostium, vel ratione delectationis. Hos porro fines oportet conjungere, non autem facere inter eos divortium, si quis velit habere ædificium numeris omnibus absolutum. Primo autem habenda est ratio firmitatis, tum utilitatis, tandem venustatis. Et firmitatis quidem ratio habetur, si probe solideq; jaciantur fundamenta, omnisq; selecta materia sedulo paretur: utilitatis autem, si locorum membrorumque apta consideretur dispositio: venustatis denique, si membra suas habuerint symmetrias & proportionem.

Regula IV.

Materia ædificii cædenda est à novo Autumno, donec flare incipiant Favonii, nempe circiter sextum Idus Februarias. Ratio est, quia vere prægnantes redduntur arbores, succumque transmittunt ad ramos: per autumnum vero, dum maturitate fructuum frondes moriuntur, succus è terra in radices venit, inde robori suo arbores restituntur, & ad pristinam soliditatem redeunt. Deinde cælum hybernium eas constringit & comprimit.

Regula V.

Materia ædificii cædenda est luna decrescente: & dies

dies sereni præferantur nubilis. Cujus rationem re-
peries in Consiliis Oeconomicis, Discursu 37.

Regula VI.

Crassitudo arboris ædificio deservituræ ad mediam
usque medullam incidatur, & aliquamdiu sub dio re-
linquatur, quo per vulnus illud humor & succus tan-
quam sanies defluat & destillet, arborq; siccescat. In-
tus enim relictæ humores cum concreverint, putorem
concipiunt, & materiam vitiosam efficiunt. Si ma-
teria sic evacuetur, quandam operi futuro perennita-
tem præstat.

Regula VII.

Arbores ædificio deputatæ antequam securibus ster-
nantur, tondeantur, ramis scilicet circumquaque am-
putatis. Hoc enim ad majorem facit siccitatem.

Regula VIII.

Materia ædificii cæsa reponatur loco umbroso: qui
scilicet radiis solaribus & ventis non sit expositus.

Regula IX.

Materia ædificii non nisi post trimestre adhibenda est
ad usum. Denari enim eam prius, & maturam adi-
pisci firmitudinem oportet, quam ad opus accommo-
detur. Materiam, ex qua asseres, valvæque conficien-
dæ sunt, integro triennio siccandam esse, existimavit
Theophrastus.

Regula X.

Materia ædificii non est trahenda per rorem. Ita-
que post meridiem trahatur.

Regula XI.

Arbores impetu ventorum dejectæ ne adhibeantur
ad ædificationem. Nam à ventis partim ægræ ar-
bores dejiuntur, partim vehementi dejectione cor-
rumpuntur.

Regu-

Regula XII.

Architectus ædificaturus, præferat, tanquam firmiores, arbores infœcundas fœcundis, sylvestres hortensibus & sativis.

Regula XIII.

Arbores fertiles præcoces, utpote infirmiores, proponendæ sunt in ædificatione serotinis.

Regula XIV.

Arbores acutæ, quæ fructus habent acerbiore, in ædificio præferendæ sunt arboribus dulcibus, verbigrat. quercus fago &c. acutæ enim sunt firmiores.

Regula XV.

Sciat Architectus 1. Eas arbores, quæ ventos ac tempestates sustinuerunt, esse quidem firmiores & crassiores: breviores tamen & nodosiores, quam quæ in vallibus locisque vento inaccessis creverunt. 2. Eas arbores, quæ vivæ diutius vigent, easdem stratas serius corrumpi. 3. Quo minus medullæ inest in quovis ligno, eo illi naturam esse robustiorem. 4. Eas partes arboris, quæ sunt medullæ propiores, cæteris duriores ac densiores reperiri: eas verò, quæ cortici viciniore sunt, nervo esse tenaciore. Nam in arboribus locum cutis obtinet extremus cortex; carnis, quod subest cortici; ossium, quod medullam proxime circumdat.

Regula XVI.

Pro ædificiis elegantur hæ arbores, tanquam præ aliis utiles & idoneæ: quercus, robur, æsculus, populus, tilia, salix, alnus, fraxinus, ulmus, pinus, cupressus, oleaster, juglans, olea, castanea, larix, buxus, cedrus, ebenus, vitis, cernuus.

Ex his patientissima humoris est *Alnus*, & fluvialibus palustribusque fundamentorum palationibus omnes vincit: sed in aperto aëre ac sole non durat. *Æsculus*

hu-

humoris est impatiens. *Ulmus* in propatulo densatur, alibi pandatur seu incurvatur, nec persistit. *Picea* & *Pinus* si terra operiantur, ad æternitatem proficiunt. *Robur* spissa, nervosa, compacta humorem respuit. Ideo ad terrenas habitationes est apposita, servitq; perferendis oneribus, & in columnas aptari potest. *Olea*, *Ilex*, *Oleaster*, sunt robori similes. *Quercus* non senescit. *Fagus* & *Juglans* ab aquis non læduntur, id eoque defodiuntur. *Ulmus*, *Fraxinus*, *Juglans*, asseribus parum sunt idoneæ: quia facillime franguntur. *Cupressus* valet ædibus contignandis: quia cariem vetustatemque non sentit, nec rimam sua sponte agit. *Larix* structurarum moles firmissime ac diutissime sustentat, & cariei repugnat.

Regula XVII.

Ad conficiendas columnas, deservient suber, pinus sylvestris, morus, acer & ulmus.

Regula XVIII.

Pro trabeationibus & tignis utatur Architectus a-pietes; hæc enim ad hujusmodi opera est omnium optima. Sustinet enim gravissima onera, nec parietibus est molesta. Eadem lectis, valvis, fellis & mensis servit.

Regula XIX.

Nux ad asseritia opera est admodum tractabilis: id eoque cæteris anteponenda.

Regula XX.

Scalarum gradus ex orno & acere optime fabricantur.

Regula XXI.

Tubi ducendis aquis ex pinu, picea & ulmo: simula-chra vero, signa & tabulæ, è larice femina, buxo, cembro, cupresso, populo alba & nigra, salice, sambuco, ficu onfici debent.

Regula XXII.

Architecto non debet esse ignota natura lapidum qui pro ædificiis usurpantur.

Sciat itaque primo, lapides ex mollibus saxifodinis exemptos facilius in opere tractari, & in locis tectis laborem sustinere, in apertis verò & patentibus, gelicidiis & pruinis affectos, friari ac dissolvi, itemque in locis maritimis salisugine exesos disfluere.

Sciat secundo, lapides arena inperfos esse asperos; quibus scintillæ aureæ intermicant, contumaces; nigricantibus scatentes punctis, indomitos, guttis angularibus asperfos, firmiores, quam qui rotandis; & quod minores sunt guttæ, eo lapidem tolerantiores: quod cuique color purgatiores & limpidior, eo minus æternum quo minus venarum habet, eo integriorem esse.

Sciat tertio, quod venæ lapidum coloratæ, æquabiles; tenues, morosos; anfractuosa, austeros; internodosa acerbos quodammodo indicent lapides. Quod si multæ fuerint venæ, lapidem sibi dissimilem & constantem arguunt.

Sciat quarto, lapidem humectatum, ferro esse tractabiliorem, quam cum exaruerit.

Regula XXIII.

Æstate, non hyeme, lapis ad ædificium effodiendus, & sub dio habendus, nec ante biennium in opere locandus est. Nam ventis, gelicidiis, imbribus, ac cæteris tempestatibus assuefaciendi sunt, ut sint postmodum constantes; & invicti adversus omnes injurias. Quilæsi fuerint, in subterraneas structuras conjiciuntur, reliqui velut à natura probati, cœlo committentur.

Regula XXIV.

Curet Architectus, ut lateres pro ædificio deputati, non conficiantur de luto arenoso aut calculoso, ne

gravitatem & pondus injustum habeant: ne cum ab imbris maduerint, paulatim dilabantur in pariete: ne præterea, quæ ipsis admiscendæ sunt paleæ, propter asperitatem nequeant coherere. Fiant igitur de terra albicante, cretosa, sive de rubrica, aut etiam masculo sabulone.

Regula XXV.

Làteres vere & autumno parentur: neque statim ut confecti fuerint, in fornacem immittantur, nisi admodum sicci sint. Neque vero ante biennium arescant satis: & in umbra commodius, quam in sole siccantur.

Regula XXVI.

Nūquā parentur lateres per solstitium. Nam sol efficit, ut aridi videantur, cum intus sicci nondum sint: & sic postmodum siccescendo contrahuntur. Oportet autem lateres plane siccos esse: ne si in structuram recentes & humidiores veniant, obducto & obfodato tectorio sidentes, ipsi parem cum eo altitudinem, non teneant, contractio neque refugientes, ab ejus conjunctione divellantur.

Regula XXVII.

Si necessitas coegerit, per hybernum tempus fingere lateres, illico siccissima arena operiantur: si per medietatem, humidis paleis. Sic enim non findentur, neque contorquebuntur.

Regula XXVIII.

Meminerit Architectus, efficiendæ calci inutiles esse lapides aridos, putrescentes, exhaustos. Siquidem inertia parte minus habere pondus calcem oportet, quam suus lapis habuerit.

Regula XXIX.

Lapis, ex qua calx pro ædificio conficienda est, non debet esse terrosus: quia calcem reddit impuram.

Regula XXX.

Optima coctio calcis est de saxo albo, præduro & admodum spisso, aut silice, quæ in testudinibus utilitatem magnam præstabit. Quæ cocta est de fistulosis lapidibus, destinabitur tectoriis; est enim ductilior, & opera reddit splendida.

Regula XXXI.

Ex collectitiis torrentium lapidibus, globosis, fuscis & præduris, paratur calx non contemnenda. Utilior tamen est lapis effossus, quam collectitiis: & ex fodina umbrosa ac humenti, quam ex arenti extractus.

Regula XXXII.

Det operam Architectus, ne calx, quæ coquitur, ante tempus igni subtrahatur. Sciendum est autem, lapides fervore flammæ in calcem redigi non minus horis sexaginta.

Regula XXXIII.

Rejectanea est calx, quæ ex fornace exportatur globis non integris, sed resolutis, valdeque pulverulentis. Proba è contrario est illa, quæ candicat, quæ levis est & sonora, quæque (si aspergas aqua) multum vaporis emittit.

Regula XXXIV.

Pro construendis ædificiis, bonam arenam eligat Architectus. Optima est fluvialis, quæ ex torrentibus petitur. Littoralis seu marina est ultima bonitate, tectoriis optima, si ejus salugo abluatur humore dulci. Fluvialis arena humidior est quam fossitia, atque idcirco ductibilior, & tectoriis habilior. Optima in suo genere arena est, quæ manu confricata stridorem edit. Illa vero inepta censetur, quæ per se lenis, colore odoreque terram luteam imitatur: Item quæ intra aquam agitata, eam valde turbulentam reddit & limosam.

DISCURSUS VIGESIMUS TERTIUS.

EX LOGICA.

Continens Assertiones quasdam logicales, anigmatico-paradoxas.

PRÆFATIUNCULA.

Logica, si genealogiam cupis, est ex aeterni luminis fonte debitus radius, & rationalis animæ, parentis nobilissima nobilissima soboles, quàm despecta stolidis capitibus, tam viris sapientibus suspicienda. Est, si functiones queris, clavis aurea, scientiarum omnium sacraria pandens. Est, iudice Philosophorum Principe, instrumentum instrumentorum, & manus Philosophiæ. Est clavis, quæ per immensum altioris litteraturæ Oceanum securè navigamus, citràque naufragium ad portum veritatis appellimus. Est filum Ariadnæ in intricatissimo humana ignorantia Labyrintho. Infinita sunt, quæ de Logica supra cæterarum scientiarum gloriam gloriose prædicari possent, sed hoc uno omnia completti libet eloquio: Nihil deest Logicæ præter amatores.

ASSERTIO PRIMA.

Præter Logicam Docentem & Urentem nulla datur scientia in toto mundo.

ASSERTIO SECUNDA.

Sicut omne objectum Logicæ est etiam objectum Metaphysicæ: ita è contrario omne objectum Metaphysicæ est simul etiam objectum Logicæ.

ASSERTIO TERTIA.

Non tantum omne esse, sed etiam omne non esse, adeoque ipsum esse & non esse Logicæ est objectum Logicæ.

ASSERTIO QUARTA.

Negatio objecti Logicæ non tollit, nec destruit objectum Logicæ, sed potius ponit & constituit illud: imò ipsa est verum objectum Logicæ.

ASSERTIO QUINTA.

Dum hirundines fritinniando, upupæ pupizando, turdichilizando, perdices titibizando, passeressstrutissando, picæ kittabizando, anseres gratitando, sturni pisitando melos suum decantant, faciunt formaliter universale.

ASSERTIO SEXTA.

Non tantum omne genus, sed etiam omnis differentia, omne proprium, & omne accidens universale est species.

ASSERTIO SEPTIMA.

Omnia æquivoca sunt univoca, & ideo sunt univoca, quia sunt æquivoca.

ASSERTIO OCTAVA.

Omnis relatio similitudinis est relatio dissimilitudinis, & ex adverso omnis relatio dissimilitudinis est etiam relatio similitudinis. Imò ideo unum ens, verb. grat. corpus album, est dissimile alteri, verb. grat. corpori nigro, quia est illi simile: & ideo simile est, quia dissimile est.

ASSERTIO NONA.

Multi actus intellectus à veritate falsi, & è contrariis alii à falsitate veri dicuntur: ita ut falsitas per veritatem, & veritas per falsitatem intrinsecè & essentialiter constituantur.

ASSERTIO DECIMA.

Quilibet rusticus, qui nunquam dedit operam Logicæ, in materiis etiam difficillimis, potest perfectos syllogismos conficere: & si non posset id facere, illico tota mundi machina dissolveretur, & creaturæ omnes cum Creatore suo in nihilum abirent.

ASSER-

ASSERTIO UNDECIMA,

Omnis conclusio negativa est affirmativa.

ASSERTIO DUODECIMA.

Datur demonstratio, quæ quidem non est ens ratio-
nis, aliqua tamen illius pars essentialis est ens rationis.
Datur item alia demonstratio, quæ quidem est aliquid,
aliqua tamen illius pars essentialis non est aliquid. Da-
tur denique alia, quæ quidem non est error, aliqua ta-
men illius pars essentialis est error.

DISCURSUS VIGESIMUS QUARTUS.

EX SOMATOLOGIA PHYSICA.

De Principiis Corporis naturalis.

PRÆFATIUNCULA.

Somatologia est scientia de corpore, dividiturque in
Physicam & Mathematicam. Somatologia Physica
considerat corpus prout est naturale, sive, prout natu-
ræ constat. Somatologia Mathematica speculatur corpus
quatenus est mensurabile, sive, quatenus trina dimensio-
ne, longitudine, latitudine, profunditate, affectum est. Præ-
sens dissertatio sibi vendicat Somatologiam Physicam, in
qua de principiis corporis naturalis, juxta duplicem opi-
nionem, Peripateticorum, & Chymicorum, tractabitur.

Prinzipia corporis Physici, seu naturalis, alia sunt ef-
fectiva, alia hypostatica. Illa sunt extra rem quam
efficiunt. Hæc intra eam permanent. Ita Deus &
Homo generans sunt principia effectiva Hominis ge-
nerati: principia vero hypostatica hujus corporis phy-
sici, secundum Peripateticos, seu Aristotelicos sunt ma-
teria & forma: secundum Chymicos autem sunt hæc
tria: Sal, Sulphur & Mercurius.

Per principia corporis Physici hypostatica intelli-
guntur

gunturea, ex quibus corpus constat tanquam fundamento essentia suæ.

Sal (quod est primum principium hypostaticum corporis naturalis) est principium fixum & substantificum, quod corporibus naturalibus tribuit soliditatem. Sulphur est principium oleaginosum, viscidum, caloris naturalis pabulum, Salem & Mercurium, tanquam intermedia natura conglutinans. Mercurius est principium liquidum, rarum & permeabile, balsami proximum instrumentum.

Quod Sal, Sulphur & Mercurius sint principia hypostatica corporis naturalis, sic solet probari à Chymicis. Illud est principium hypostaticum corporis naturalis, quod illud proxime componit: sed hæc tria, Sal, Sulphur & Mercurius, proxime componunt corpus naturale; quia eadem sunt principia resolutionis & compositionis. Quare cum omne corpus mixtum in hæc tria, salem, sulphur & mercurium resolvatur; & corpora simplicia haud dubiè virtualiter habeant, quod corpora mixta habent formaliter; utpote causæ mixtorum; necesse profecto fuerit, illa esse principia hypostatica corporis.

Atque hæc breviter de principiis corporis naturalis, ex principiis Philosophiæ Chymicæ. Restat nunc declarandum, quid de hoc puncto sentiant Peripatetici. Duo illi statuunt principia corporis naturalis, Materiam & formam: quarum natura per quasdam antitheses innotescet.

Materia inprimis per se turpis, & ignobilis est: *Forma* autem speciosa, & ingenita nobilitate præcellens.

Materia improlis, & infœcunda: *Forma* naturali fecunditate præstans est.

Materia omnis ingenerabilis; *Forma* multæ generabiles sunt.

Materia subjectum primum : *Forma* actus primus denominatur.

Materia est hospitium formæ, ejusque causa: *Forma* vero est hospes materiæ, ejusque effectus.

Materia in omnibus compositis specie eadem: *Forma* in multis compositis specie diversa est.

Materia est subjectum quantitatis: *Forma* subjectum qualitatis.

Materiæ causalitas passio: *Formæ* causalitas actio nuncupatur.

Materia non tam perficit compositum, quam in composito perficitur: *Forma* è contrario non tam perficitur, quam perficit.

Materia est æterna à parte post (ut Philosophi loquuntur): *Formæ* pleræque temporaneæ sunt.

Materia informatur, & determinatur ad compositum: *Forma* informat, & determinat.

Materia sine consortio formæ materialis existere potest: *Forma* materialis sine consortio materiæ existere non potest.

Materia materiam non expellit: *Forma* vero & expellit formam, & à forma expellitur.

Materia est subjectum unionis cum forma, non modo receptivum, sed etiam sustentativum: *Forma* verò non nisi receptivum.

Materia ejusque unio diversa actione: *Forma* materialis, ejusque unio eadem actione producuntur.

Materia omnis est corporea, & divisibilis: *Formæ* complures spirituales sunt, & indivisibiles.

Materia dependet à forma à posteriori: *Forma* dependet à materia à priori.

Materiæ unius productio, non est alterius materiæ expulsio: *Formæ* unius productio, est alterius formæ expulsio.

Materia in extraneo subiecto nullos: *Forma* complures effectus producit.

Materia secundum multos Philosophos, est subiectum mediatum accidentium: *Forma* nec mediatum, nec immediatum.

Materia formam perfectiorem ardentius appetit, quam imperfectiorem: *Forma* æquali in omnes materias appetitu fertur.

Materia habet causam sui activam, non passivam; *Forma* & activam & passivam,

Materia inter substantias despiciatissima, & postrema notæ est: *Forma* verò inter primæ notæ substantias non postrema est.

Materia generationis omnis principium; *Forma* immediatus finis, & terminus est,

Materiam Ægyptii facem: *Formam* alii facem, à splendore, quem universo tribuit, appellantur,

Materia ab Ægyptiis subobscuræ Lunæ: *Forma* ab aliis Illustrissimo Soli comparatur. Ut enim Luna alieno fulgore conspicua est, ita materia non nisi adventitio ornatu resplendet. *Forma* verò domesticis propriisque dotata, ac ditata opibus, nullam felicitatis suæ partem aliunde emendicat,

Materia in homine processu ætatis, & accidentaliter, & substantialiter: *Forma* verò, non substantialiter, sed accidentaliter mutatur,

Materia à Platone parvum, imò non ens: *Forma* verò ab Aristotele ens pulchrum, ens optimum, ens divinum appellatur. Pulchrum quidem, quod materiam condecoret, totamq; mundi scenam spectanda varietate exornet. Optimum verò, quod sit quidpiam per se maximè perfectum, & appetibile. Divinum denique, quod sit adumbrata quædam divinæ naturæ participatio.

Materiam Platonici multitudinem, & causam divisionis: *Formam* Pythagoras appellat unum, propterea quod incertam & vagam materiæ rationem in unam certamque speciem contrahat.

Materiam Plato dissimilitudinis regionem, *Formam* verò similitudinem: *Materiam* Aristoteles matrem: *Formam* Platonici divinam sobolem appellant.

Materia ab omnibus ens per se incognoscibile: *Forma* à multis character dicitur, quod unicuique rei quandam veluti notam imprimat, qua cognosci, & ab aliis distingui possit.

Materia denique, si veterum placitis subscribamus, propè nihil est: *Forma* prope omnia.

DISCURSUS VIGESIMUS QUINTUS.

EX MUSURGIA.

De Naturâ Musica.

PRÆFATIUNCULA.

Musurgia, sive Musica, est ars bene canendi, quæ in tres species dividitur. Nam aut modulata vocum varietate constat, & Vocalis (gracè Harmonia) dicitur: aut instrumentis arte ad id compositis editur, & vulgò Instrumentalis (gracè Organica) appellatur: aut vox cum instrumentis conjungitur, & latine Mixta, (gracè Symphonia) vocatur.

QUÆSTIO PRIMA.

Quid sit, & quomodo dividatur Musica?

Musica est scientia bene canendi, cujus objectum, & effectus est cantilena harmonica.

Dividitur Musica i. in Gregorianam & Ambrosianam. Illa est choralis, hæc figuralis: utraque sic dicta

ab

ab autore. Prior solet etiam dici vetus & plana : posterior mensuralis & nova.

Dividitur 2. in Lydiam, Phrygiam & Doricam. Prima est humilis & remissa: Secunda vehemens & incitata: Tertia mediocris & media.

Dividitur 3. in veterem, mediam & novam. Vetus dicitur, quæ olim fuit apud Hebræos, Græcos & Latinos. Nova, quæ ab anno Christi 1000. cepit, hodieque durat. Media, quæ inter terminos utriusque continetur. Porro qualis fuerit Musica vetus Hebræorum aliorumque Orientalium, ignoratur. Ad Græcos quod attinet, solebant illi, ut ex Boëtio constat, literas Græcas adhibere loco notarum; & quidem ita, ut si psallendum esset, nota indicaret nervum, si vero canendum, ipsam vocem. Exemplum hujus antiquæ Græcorum Musicæ adducit Vincentius Galilæus ex Bibliotheca Vaticana.

QUÆSTIO SECUNDA.

An Musica moderna sit nobilior prisca?

NEgat hoc Puteanus in Musathena, his verbis: Hodie in umbra tantum prisce illius artis canimus aut psallimus, fuso quodam non solum difficile, sed languidi etiam & insuaves. Ubi nunc Asclepiades, qui seditiones accensas cantu inhibuit: Ubi Damon, qui temulentæ juventutis petulantiam musicorum modulorum gravitate perdomuit? Ubi Thales Cretenensis, qui organica suavitate morbos ac pestilentiam fugavit; At non ster omnis cantus insidias quasdam auribus facit, animum non capit. Ubi David, qui musica sua inquietum Saulis spiritum sedavit, ut sacra testatur historia? At Musica hodie (inquiunt nonnulli) ad culmen suum pervenit; non abnuo, si varietatem harmoniæ spectes; si vero vim & efficaciam consideres, plane abnuo.

QUÆ-

QUÆSTIO TERTIA.

An Musica sit homini utilis?

PRæclara in Hominem humanumque genus à Musica promanant emolumenta. Illa enim interiora animi penetrat, affectus movet, contemplationem promovet, tristitiam pellit, humores prave discutit, spiritus animales exhilarat: adeoque universæ hominum vitæ est utilis: piæ ad devotionem, sapientiæ ad scientiam, solitariæ ad recreationem, domesticæ & publicæ ad animi moderationem, sanæ ad corporis temperationem, jucundæ ad oblectationem. Hinc Diabolus odit Musicam, quâ è contrario delectantur sancti Angeli, non quod ipsos afficiat harmonia corporea, sed quod omnis harmonia (præsertim illa, quæ cum affectu piæ voluptatis conjuncta est) castissimis illis spiritibus vel ideo placeat, quia Deo placet. Unde quidam ait Deum esse autorem & fautorem omnis harmoniæ. Harmonia siquidem est ordo, & tendit ad unitatem. Deus autem est autor & fautor omnis ordinis, estque summa unitas. Deinde Deus est summum & ineffabile gaudium, ideoque qui recte gaudent, Deo sunt propiores. Hinc Rabbini dicunt: *Spiritus S. canit de medio gaudii.*

QUÆSTIO QUARTA.

An Musica sit scientia subalternata Arithmeticæ?

Responso est affirmativa. Quemadmodum enim Arithmetica dissecit de numero: ita Musica versatur circa numerum sonorum, vel, ut aliiloquuntur, circa sonum numerosum. Itaque sicut Optica dicitur specialis quædam Geometria, ita Musica vocari potest specialis quædam Arithmetica.

QUÆSTIO QUINTA.

Quæ & quot sint literæ, vocesq. musicales.

Literæ musicales radicales sunt septem: A. B. C. D. E. F. G. quæ moderantur sonos in scala Musicali.

Usita-

Uſitatè dicuntur *Claves*, quod iis cantilena veluti reſeretur. Inventæ ſunt hæ ſex notæ literales à Guidone Aretino peritia Muſicæ clariffimo, qui ſub HENRICſo III. Imperatore vixit; & prædictis notis literalibus adjunxit ſex notas ſyllabicas, literalibus correfpondentes; *Ut, Re, Mi, Fa, Sol, La*; quibus voces muſicales complentur. Porro notæ illæ, *Ut, Re, Mi, Fa, &c.* translatae ſunt ex hoc Hymno Eccleſiaſtico de S. Johanne:

UT queant laxis REſonare fibris;
 Mira geſtorum FAMuli tuorum;
 SOLve pollutum LABii reatum,
 Sancte Johannes.

QUÆSTIO SEXTA.

Quid intelligant Muſici per cantum mollem & durum? item per ſigna, fugam, pauſam, tactum, ſcalam, intervallum?

Refpondeo 1. Cantum mollem dici eum, qui præfixam habet literam *b*: Cantum durum è contrario, qui literam *b*: non habet præfixam.

Reſpondeo 2. Signa alia eſſe primaria, alia ſecundaria. Primaria ſunt nota & pauſa. Nota eſt ſignum cantus voce proferendi. Pauſa eſt ſignum ſilentii inter canendum. Signa ſecundaria præcipue ſunt quinque *Primum* eſt, quo denotatur initium cantus. *Secundum* ſignificat finem cantus. *Tertium* monet cantum eſſe repetendum. *Quartum* dicitur cuſtos, quo monſtratur, in qua clavi ſit nota in principio lineæ ſequentis. *Quintum* vocatur Dieſis, ſignificans notam, cui præfigitur, fictæ eſſe canendam: ſoletq; ſic efformari ✱.

Reſpondeo 3. Fugam nihil eſſe aliud, quam repetitionem & imitationem quarundam partium artificioſiorem: cui opponitur repetitio & imitatio ſimplicior.

Alte-

Alstedius in *Encyclopadia* Fugam vocat ornamentum Musicorum spectatissimum, difficillimum, ingeniosissimum, efficacissimum, licentiosissimum.

Respondeo 4. Tactum musicum esse numerativum soni musici & harmonici. Cum enim omnis sonus aliquo tempore duret, hæc ipsius duratio temporalis numerari potest: numeratur autem tactu musico sonus musicus: qui tactus depreffione & elevatione constat.

Respondeo 5. Per scalam musicam intelligi seriem intensionis & remissionis, seu ascensionis à gravi sono in acutum, & descensionis ab acuto in gravem. Fuit autem scala musica veterum musicorum rudior & simplicior scala moderna.

Respondeo 6. Intervallum musicum consistere in distantia, quam faciunt soni inæquales in cantu musico. Porro in intervallo musico sonus gravis, est profundus & major: acutus, altus & minor. Quot sint intervalla musica, disceptatur à rei musicæ scriptoribus. Principalia, sive præcipuè concordantia sunt quatuor. 1. Diatonus, sive perfecta Tertia. 2. Diatessaron, vulgò Quarta, quæ est quatuor clavium distantia & comprehensio. 3. Diapente, quæ à Musicis appellatur Quinta. 4. Diapason, seu Octava, continens octo claves, & Tertiam, Quartam, Quintam includens harmonicè.

QUÆSTIO SEPTIMA.

Quenam inter musicalia instrumenta principatum obtineant?

Respondeo 1. Omnium instrumentorum musicalium canonem seu regulam, matrem & radicem, esse monochordum: quod est simplicissimum & rectissimum instrumentum, una vel pluribus simpliciter unisonis inductum chordis, & in certas partes secundum

dum proportionem harmonicam & numeros radicales, bisecando, trisecando, quadriseccando, & sic deinceps, divisum. In hoc instrumento omnes omnium numerorum musicorum proportiones accuratè observare possumus. Exemplum monochoi di simplicissimum erit, si unicam chordam ligno apto superinducas, lignumque in tot partes divides, adjectis certis notis, quot soni distincti existunt, si digitum chordæ applices.

Respondeo 2. Inter omnia musicalia instrumenta excellere testudinem: ita ut nulla inventio antiquorum aut recentiorum suaviorem edat concentum. Unde vulgò dici solet, harmonicum septem testudinum concentum efficere Musicam cœlestem.

QUESTIO OCTAVA.

An etiam Bestiæ quandoque Musicam addiscant?

NARRAT Hieronymus Rorarius in eleganti libello, quo docet bruta sæpe melius uti ratione quam homines, vidisse se Circulatoris canem, qui inter alias artes edoctus fuerit musicam. Nam quoties herus & præceptor ejus libellum è sinu protulisset, notis musicis inscriptum, canem ad genua exilientem, canenti non modo adstitisse, & attendisse, verum etiam affectatum succinuisse, vocè modo acuta, modo gravi, jam spiritu continuato in longum protracta, jam inflexo variatâ: risu diffuente spectatorum turba.

Alcari camelus ad sonitum tympani saltare hoc artificio edoctus fuit. Juvenculus in hypocaustum introductus fuit, cujus pavimentum subjecto igne non leviter calebat. Eodemque tempore pulsatum præforibus tympanum. Camelus caloris impatiens, pedem alterum elevavit, continuatoq; per annum exercitio, ita huic corporis commotioni assuevit, ut in publicum productus, calidi pavimenti memoria ad sonitum

um tympani alterna pedum erectione spectatori-
bus altum musicum repræsentaret. *Jonstonus in Thavma-*
graphia, de quadruped. cap. 6.

DISCURSUS VIGESIMUS SEXTUS.

EX OPTICA.

De Visu, Visione, & Visibili.

PRÆFATIUNCULA.

Quemadmodum Musica dicitur esse specialis A-
rithmetica in auditu, ita optica censetur esse spe-
cialis Geometria in visu. Definitur autem Opti-
ca (qua à Latinis vocatur Perspectiva) hunc in mo-
dum: Est scientia tradens modum bene videndi.
Quamvis enim id à natura nobis tributum sit, ut vi-
deamus bene vel male; sciendum tamen est, bene vide-
re in allata definitione non idem esse, quod sanum &
suum visum habere (hoc enim pendet à recta oculi stru-
ctura) sed rectè dijudicare visibile, ejusq; veritatem à
fallacia discernere. Potest igitur fieri, ut aliquis bene
videat physicè, id est, acutè & perspicaciter, sed non opticè,
id est, judiciosè. Hinc solus Opticus dicitur bene videre.

QUÆSTIO PRIMA.

Ad quantum spatium Visio ocularis sese extendat?

Res hæc diversis assertionibus explicanda est, juxta
multiplicem sensum, in quo proposita quæstio in-
telligi potest.

ASSERTIO PRIMA.

Quanta si semidiameter Horizontis visibilis in terra,
ive quanta sit linea ab oculo nostro ad punctum terræ
remotissimum, quod ablati omnibus montium & adi-
ciorum impedimentis, videre possimus, est adhuc in-
certum,

certum, teste Fromondo *lib. 4. cap. 5. artic. 3. in commentat. Meteorolog.*

Proclus existimat esse mille stadiorum, id est, 125 milliaria Italica, sive fere 42. Belgicorum.

Sed hæc longitudo (inquit Plempius in *Ophthalmographia lib. 4.*) est quintuplo major iusto, si oculum non è monte, sed è superficie terræ spectantem accipiamus. Unde etiam Daniel Barbarus in *Vitruvii lib. 8. cap. 3.* nimis liberalis est, dum lineam illam visualem ad 500. stadia extendit.

Longe parcior est Bodinus, qui *lib. 2. theat.* quatuordecim tantum milliaria computat: quousque (ait ipse) solent apes volare, cum longissimè ab alveari ad florilegia & labores mellificos evolant.

Macrobius *lib. 1. in Somn. Scipion. cap. 15. & lib. 7. Saturnal. c. 14.* centum & octoginta stadia statuit, id est, milliaria Italica 22. cum dimidio: satis consentienter Alhaseno *lib. de crepusc.* dicenti: *Cum videns est super aequalitatem terræ, non pervenit visus ejus, nisi quasi ad 23. milliaria ab omni parte.*

Nautæ tamen hunc numerum non nihil imminuunt, idque colligunt ex quotidiana experientia, quæ docet, intra textum milliare Belgicum emergere denique summa vela navium in Oceano.

Ego sentio cum Fromondo supra citato *lib. 5. cap. 5. art. 2.* docente, quod oculus humanus sex pedibus (quanta est altitudo iusti hominis) à superficie terræ elevatus, non ultra tria milliaria Italica, sive unum Belgicum, per glaberrimam etiam telluris superficiem visionem extendere valeat. Atq; hunc admittit aspectum, aut in terris æqua, aut in pelago tranquilla superficies, quæ nullum oculis objicit obstaculum.

ASSERTIO SECUNDA.

Visio distincta & clara rerum, non extremis, sed mediis

his coloribus affectarum, si cætera ad videndum requisita non desint, duobus circiter stadiis terminatur, id est, passibus 250. sive pedibus 1250.

ASSERTIO TERTIA.

Visio in altum longissimè, & in spatium penè immensum protenditur. Nam stellas noctu sùdo cælo conspiciamus: at quanta spatii intercapedine distant stellæ ab oculo nostro?

Quod si nosse cupias, cur, si visus attollatur in altum, ad tanta spatia excurrat, secus, si porrigatur in rectum?

Respondeo, id non provenire ex naturali limitatione oculi nostri, sed merè per accidens contingere; eò quòd gibbus terræ vel maris inter visum & rem visilem interjiciatur, quod non fit dum sursum aspiciamus; hinc res longissimè à nobis remotas cernimus aspiciendo in altum, quas aspiciendo linea visuali recta conspiciere non possemus. Cæterum hoc, ut dixi, non oritur ex limitata oculi nostri potentia visiva, quæ quantum ex se est, infinitè extenditur, nec ullis distantiae finibus coercetur; sed ex imperfectione objecti seu rei visilis, quæ species visibiles (per quas visio perficitur) non potest ad quamcunque distantiam localem emittere.

QUÆSTIO SECUNDA.

Cur obtusè videntes, ut videant acutiùs, palpebras contrahant?

Observamus myopes seu lusciosos, cum exactiùs accuratiusque objectum quoddam, aliquantulo spatio diffitum, contemplari cupiunt, palpebras contrahere, atque hoc pacto distinctius videre. Id ego in me ipso quotidie experior, & experiuntur etiam alii, similem nacti visum; Imò aliqui, nisi perpetuò oculis conniveant, ad singula objecta hebetes oculos experiuntur.

riuntur. Quod de Nerone commemorat Plinius *lib. 11. cap. 37.*

Hujus experimenti rationem assignat Aristoteles *sect. 31. problem. 16.* ubi ait, *id fieri propter conspectus imbecillitatem; ut enim manum rebus sepositis admovent, sic palpebras juxta positis perinde quasi manum adjiciunt. Quod sanè faciunt, ut radius per locum sese depromens angustiores, congestior profluat, ne protinus ex patulo profiscens distrahatur. Vider autem is acutius, qui frequentior collectiorque prodierit.*

Sed hæc ratio Aristotelica supponit visionem fieri per radiorum ex oculis emissionem: qua sententia, tanquam rationi & probabiliori philosophiæ dissentanea, negata, corrumpit fundamentum prædictæ resolutionis.

Vera igitur ratio consistit in eo, quod ideo lusciosis conniveant oculis, ut palpebrarum limbo, insertisque ciliis umbram faciant pupillæ, excludantque cæli lucem, qua imago visionis, in retina (ubi illa velut in tabella depingenda est) opprimitur. Quo enim oculi camera minus admittit lucis, eò vivacius distinctiusque in ipsa visibilis objecti repræsentatio exhibetur. Itaque contractio illa seu conniventia palpebrarum non nisi de die & in aëre lucido lusciosis conducitur, non autè noctu & aëre tenebricosiore: in quo tantum abest, ut contractio illa quidquam ad exactiorem visionem conferat, ut potius obsit; nam lux tum desideratur, ac proinde per palpebrarum contractionem non est excludenda. Unde manifestè convincitur non contrahi palpebras ob congestiores spiritus visorios foras ejaculandos, ut existimat Aristoteles: neque etiam propter unitiores spiritus intrò recipiendos; quia alias tam in obscuro, quam claro aëre contractio illa visum confortaret; constat autem, quòd in obscuro hebetet aciem oculi, nedum confortet.

QUÆSTIO TERTIA.

Cur myopes communiter minusculos characteres, dum scribunt, formare consueverint?

Aristoteles (qui hoc quæsitum bis sibi discutendum proposuit, problem. 8. & 15.) sic respondet, afferendo duplicem rationem.

Primò, *quia lusciosis proximè posita magna esse videntur; illi autem oculis proximè admotis scribere solent.*

Secundò, *quia lusciosi contractis palpebris scribunt: fit enim per imbecillitatem, ut si laxatis diductisque oculis scribant, aspectus distractus hebescat: si adductis & conuiventibus, universim depromptus acutiùs videat; quod autem angulum informat exiguum, efficit necessariò, ut exigua littera scribantur.*

Ego sic statuo, ad quæ propè oculos admoverint lusciosi, ea exactè ipsos perspicere, & quidem etiam penè exactius, quam qui acutè alias cernere dicuntur. Cum ergo oculis proximè admotis (ut rectè Aristoteles) scribere soleant lusciosi, ut exiguas forment litteras, utpote quas distinctè accuratèque comprehendant: tales enim tantæque scribi solent litteræ, quales quantæque à visu distinctè possunt figurari.

Cæterum monendi sunt lusciosi, quòd quòd minus scribere consuecunt, eò curtior sibi reddant visum, & myopiam suam augeant, quia oculum assuefaciunt ad proxima solum videnda.

QUÆSTIO QUARTA.

An Sonus vehemens officiat visui?

Paradoxa videri posset hæc quæstio (quomodo enim visus offendi potest à sono, qui est objectum auditus?) nisi Schenckius lib. 1. observationum à se compilatarum testaretur, sibi notum esse Civem Argentinensem, qui ex horribili bombardarum tor-

mentorumque explosione visum subito amiserit; cum tamen in ejus oculo nulla labes aut macula extrinsecus notari potuerit.

Ratio autem prædicti effectûs triplex potest assignari.

Prima petenda est ex subita & multiplici coruscatione ignis bombardarii & tormentarii, radiis suis oculos ferientis: Secunda ex vehementia aëris, spiritus visorios dissipantis: Tertia ex impetuoso motu ejusdem aëris ab horrendo fragore causato, quatenus humores oculi commoveret & conturbat, atque insuper nervos opticos obstruit, per illapsum humoris à cerebro defluentis. Si enim fragor ille ac motus terram ipsam & tota nostra corpora vehementer commoveret, quid non possit etiam commovere humores oculi, atque efficere, ut agitato in cerebro pituitoso humore (præsertim quibus is est copiosior) facile ille in nervos opticos adigatur, eosque obstruat. Atque eadem ratio locum habeat in iis, quos ex pluribus sternutationibus in cæcitate legimus esse derepente prolapsos.

QUÆSTIO QUINTA.

An fieri possit, ut aliquis per nasum videat?

CURIOSISSIMAM hanc & planè paradoxam quæstionem movet, atque etiam affirmativè resolvit Felix Platerus *lib. i. prax.* & Joannes Rungius *in disput. de Vis. sympr.* Platero consentit. Sed addo hinc duobus testibus fide dignis alium oculatum, videlicet Henricum Smetium, qui monstrum hujusmodi oculis suis conspexit. Cæcum quendam (inquit ipse *lib. 5. miscel. med. epist. 13.*) utroque oculo orbem, naso pro oculis utentem vidi, cujus beneficio objecta omnia discernebat. Is dextro oculo ante annos multos, cum puer esset, privatus fuerat. Tandem juvenis factus (rusticus erat)

erat) ex ceraso in palum dumiligneum fastigiatum de-
 apsus, vultum ita impegit, ut nasum unâ cum oculo
 sinistro, gena, palpebrâ utraq; & supercilio disrumpe-
 ret, adeò fœde, ut chirurgus oculi globum evulsum
 prorsus crederet, eumque palo inhæsisse. Cicatrice
 tandem inducta, post annum ab accepta plaga, dum in
 gramine apricatur, fore lucem ac flosculorum cando-
 rem humi animadvertere ocepit per nasi cavitatem: &
 jam per quinque aut sex annos continuos visionem eo
 modo exercuit, ut quidquid offeratur, naso oculato di-
 stinguat exactè, sed despectando: suspectando enim lu-
 cem ferre nequit. Hucusque Smetius.

Causam porro modumque portentose hujus visio-
 nis declarat idem Smetius, videlicet, quod sicut pal-
 pebrâ superior abrupto musculo attolli amplius non
 poterat, sed conglutinata cum adnata oculi tunica cœ-
 luerat, ita etiam avulso musculo, qui oculum versus an-
 gulum externum retrahere solebat, pupilla in angulum
 nasi internum se prorsus abdiderat, & quia ossilla nasi
 non fracta modò, sed & luxata quodammodo, concin-
 nè restitui non potuerunt, accidit, ut nasus pressior la-
 tiorque, sinistram præsertim parte, evaserit: adeòq; ejus-
 dem naris meatum patentiore curatio reliquerit:
 per quem distorta latitante pupilla videndi munus
 obibat, & res quaslibet naso obvias intenoscebat qua-
 si per dioptram seu fistulam. Itaque in casu posito con-
 stat globi ocularis, ipsorumque visûs instrumentorum
 salvam atque integram exitisse compagem, etsi secus
 crediderat chirurgus, & adstantibus persuaserat.

Sed multò portentosius est, quod olim Heidelber-
 gæ contigisse à Marthæo Wagbero narratum sibi scri-
 bit Kepplerus: quendam scilicet oculo altero amisso,
 altero manûs palmâ tecto, si splendens quidpiam infra
 nares objiceretur, splendorem agnoscere, atque etiam

internoscere quodammodo potuisse. De quo portento optico quid sentiendum sit, resolutio sequentis quaestionis demonstrabit.

QUÆSTIO SEXTA.

An fieri possit, ut quis oculo altero amisso, altero palmâ manus tecto visionem exerceat?

Offe id fieri in casu quaestione præcedenti sub finem declarato sensir Kepplerus, adeòque credidit oculo eruto produci posse visionem. Quod sanè non paradoxum est. Sed audiamus rationem & modum hujus tam prodigiote visionis.

Exist. mat Kepplerus in casu illo spiritum animale lucis & colorum fuisse receptorem, cum hæc qualitates alias, dum oculus integer est, in tunica retina recipiantur. Lucem verò & colorem, ait Kepplerus, per hiatum aliquem è naso sursum in vacuum oculi cameram, & caput atque nervi visorii extremitates, spirituum sedem, intrasse.

Sed revera Kepplerus rei falsæ per falsas rationes patrocinium suscipit. Certè enim spiritus animales lucis & colorum minimè capaces sunt, quasi in ipsis, velut in tunica retina lucidorum & coloratorum imagines picturentur: sunt enim corpuscula fluida, neque stabilia, neque opaca (ad rectam autem visibilium picturationem corpus stabile & opacum requiritur) sed eatenus tantum lucis colorumquè capaces sunt, quatenus retinæ tunica vel immergi, vel insiti, illustrationem ab ipsa participant. Quod de meatu sive hiatu subjungit Kepplerus, id negatur ab Anatomicis, qui nullum talem meatum agnoscunt.

Itaque in casu proposito existimandum est, homini illi oculum minimè erutum fuisse, sed tale quid fortassis ei obtigisse, quale de Smetiano rustico quaest. præcedenti

lenti commemoratum est. Quocirca deceptus fuit Waggerus, dum secutus opinionem vulgi, credidit oculum verè amissum fuisse. In quem errorem propterea esse Virum Juris, quam Medicinæ peritiorum, nemini mirum videri debet.

QUÆSTIO SEPTIMA.

An quorum Animalium præstantior est odoratus, eorum visus sit debilior?

Opinio Cardani est, eos, qui bene & procul vident, debilem sortitos esse olfactum: & è contrario, qui bene olfaciunt, plerumq; non procul videre. Quod hæc ratione confirmat: quia, inquit, *oculus in frigido & humido: odoratus facultas in calido & sicco constituta sunt, atque in propinquis locis.*

Displicet hæc opinio 1. quia utriusque dictæ facultatis organum non adeò est propinquum, ut propter illam propinquitatem unum ab altero labefactetur.

Displicet 2. quia odorandi facultas non in summè calido & sicco consistit, sed in iis qualitatibus moderatè sibi invicem attemperatis: quâ quidem moderatione præditum sensorium non potest visus sensorio officere, quod humidum & frigidum est.

Displicet 3. quia simia, cujus oculus videndi facultate nulli cedit quadrupedum, odoratu adeò præstat, ut gustare nihil aggrediatur, quod non prius exploraverit odore; quæ vis (inquit Scaliger *exercit.* 298.) tam ei præsto est, ut non ad nares applicet, quod sentire velit: sed supra nares ad motum celerrimè apprehendat. Canibus item & acies videndi acutissima, & vis odorandi præstantissima est.

QUÆSTIO. OCTAVA.

Cur potiores Aquæ sint visu acutiores, quàm potiores vini?

Brevissimè ad hoc respondens Alexander Aphrodisæus *Sectione 5. problem. 54.* quoniam, inquit, multum vinum spiritalibus fumis videndi spiritum perturbat.

Sed quid si vino moderatè utamur; tunc enim cerebrum spiritusque visorii non ita calidis vini fumis turbabuntur?

Dicendum nihilominus est, quod dicit Aristoteles *lib. 2. de partib. animal. cap. 10.* sensuum operationem esse subtiliorem & clariorem ob cerebri frigiditatem, paucitatemq; caloris; calidioris enim sanguinis agitatio officium sentiendi intercipit. Jam verò potatione vini sanguinem agitari & calefieri, perspicuum est.

Objicies. Animalia calida cerebro prædita sunt calidiore, & tamen illa acutiùs vident, ut aquila: ergo cerebrum frigidius non reddit acutiorem visum.

Respondetur ex doctrina Aristotelis, acutè cernere duobus modis accipi posse: aliquando idem est, quod eminus res prospicere: aliquando idem, quod cominus rerum differentias discernere; atq; ab hoc posteriori modo propriè visus acutus debet appellari: à priori minùs propriè; is enim senibus convenit, quos nemo facile dixerit acutè cernere. Hoc senili modo etiam Aquila cernit res longinquas: ycinas verò non discernit exactè; dura est enim & sicca ob cerebri caliditatem ejus tunica retina: quapropter etiam solem fixo obtutu potest inspicere.

QUÆSTIO NONA.

*An lusciosis proſit, ſi averſi curru vehantur: obſi-
verò, ſi vehantur adverſi?*

Quæſtionem hanc pertractat eruditiffimus Plem-
pius lib. 4. *Ophthalmographia*, ubi ait: conſulunt
ſoc aliqui practici luscioſis ſive myopibus, ut ſcilicet,
cum curru vehuntur, ſedeant facie averſa ab equis, non
converſa ad equos, & rectè conſulunt; talis enim ve-
tio egregiè viſum eorum poteſt emendare.

Cujus ea eſt vera cauſa, quia luscioſi propinqua tan-
tùm diſcernentes, retinam oculi tunicam (in qua for-
natur viſio) nimium habent reconditam, ſeu à pupilla
remotam: ac proinde, ut viſus eorum emendetur, opus
eſt eis remedio, quod retinam antrorſum accerſat. At
nullum oportuniùs tali vectura: nam à ſingulis objectis,
quæ modò propinqua erant, mox ſenſim recedunt, &
ſimul etiam ſenſim prolicitur antrorſum tunica retina.
Adèò ut viſus nullo alio pacto feliciùs naturaliusque
ad res remotas contuendas ac diſcernendas poſſit aſ-
ſueſcieri, dummodo frequenter talis vectura inſtituatur.
E contrario autem dum converſa ad equos facie ſe-
dent luscioſi, obſtillant in ſitu ſuo vitioſo retinam. Po-
ſito enim, quod retina jam in procinctu eſſet, ut an-
trorſum accederet ad objecta remotiora percipienda:
ſeipſa tamen non poteſt accedere, quia mox illa eadem
remotiora fiunt propinqua: atque ita perpetuò non
niſi propinqua cernere perſeſerat.

QUÆSTIO DECIMA.

*An verum ſit, quod ajunt quidam, reculam quam-
piam oculo illapſam, altero oculo clauſo, ſpon-
te excidere?*

Multi exiſtimant (inter quos eſt Aëtius ſerm. 3.
c. 17.) ſi culex, vel aliud animalculum, vel recula
quæ-

quævis in oculum illapſa fuerit, altero oculo clauſo, & eo, qui affectus eſt, aperto, ſua ſponte elapſuram.

Hinc experimenti cauſam investigans Alexander Aphrodiſæus ſect. 4. problem. 58. inquit, *videndi ſpiri-
tum à clauſo oculo retentum, in patentem oculum tendere,
ipſumque implere ac tumefacere, atque ita extrudi ejicere,
quod in ipſum deciderat, utpote imbecillum, adde quod
ipſe erumpens conſertim ſpiritus per oculi ſpiramenta i-
lam extrudat beſtiolam.*

Omnia hæc falſa arbitror; non enim erumpit per oculi ſpiramenta viſivus ſpiritus, neq; altero clauſo altero oculus à ſpiritu illapſo tumefcit, nec denique illapſa res altero oculo clauſo elabitur; cùm hoc nulla experientia teſtetur.

QUÆSTIO UNDECIMA.

An oculis dormire apertis ſit magni mali indicium.

Plinius lib. 11. cap. 37. non modò lepores, ſed etiam multos homines oculis dormire apertis teſtatur. Julius item Scaliger comment. in Ariſtot. hiſtor. de animal. lib. 4. c. 10. ægrotam matronam vidiffè ſe ſcribere apertiſſimis oculis ſomnum capere. Nos aliquot vidimus (inquit Plinius ſupra citatus) qui ex dimidio apertis, ex dimidio clauſis oculis dormirent. Hoc Hippocrates in Prænot. magnum malum portendere in morbis aſſerit: ſed nescio an fidem mereatur. Scimus enim (inquit celebris quidam medicus Amſterodamenſis) nonnullis hominibus ita dormire naturale eſſe: novimus quibusdam conſuetum, quibusdam morboſum, nequaquam tamen periculofum eſſe; naturale quidem eſt iis, quibus in utero ſuperior palpebra ob materiæ defectum & conformationis vitium brevior formata eſt: conſuetum verò iis, qui ab incunabulis ſuſum vel retro continenter ſpectare aſſueti ſunt: morboſum

osum denique, quibus palpebra ab ulcere vel vulnere
rsum retracta.

QUÆSTIO DUODECIMA.

*An sit signum secutura mortis, si pupilla oculorum
in agro non reddant imagines?*

Quæstione non indignum est, num veritati con-
sentaneum sit, quod scribit Plinius *lib. 28. cap. 6.*
ubi fit clarè affirmativam propositæ quæstionis partem
implecti videtur. *Augurium*, inquit, *non timendi*
mortem in agritudine, quamdiu oculorum pupilla imagi-
em reddunt. Plinio consentiens Servius, tradit, in
moris triduo antè non apparere pupillarum ima-
gines. Ego (inquit Plinius *lib. 5. Ophthalmographia*)
lane hoc falsum scio; quia vidi sæpius non solum mori-
torum, sed & mortuorum pupillas reddere imagi-
es. Nam pupilla reddit objectorum imagines, quia
unica cornea lævis ac nitens reflectit appulas species;
quamdiu ergo illam lævitatem nitoremque non amittit
cornea, tam diu reflectentur species, adeoque imago in
pupilla exhibere non desinet. Atqui & instante morte,
& post mortem cornea lævis manet ac nitens; ac proin-
de in utroque statu reddit imaginem.

QUÆSTIO DECIMA TERTIA.

An oculus sit temperamenti aquei, vel ignei?

Oculus est temperamenti aquei, non ignei: ut bene
docet Aristoteles *de sensib. c. 2.* Nam corpus aqueū
imagines rerum vestibulum facilius recipere, & diu-
tius servare potest quàm igneum. Ipsa quoque praxis ana-
tomica, & ocularis inspectio, aqueū oculi temperamen-
tum comprobat. Galenus cum Platonis contrarium
sentit, propterea quòd oculus fulgorem ex se emittere
possit, ut in catts, lupis, leonibus, noctuis, & quibus-
dam

dam hominibus videre est: quales fuerunt Tiberius Cæsar, Cardanus, & similes, quos Nyctalopes appellant. At experimur etiam ligna putrida, squamas piscium & similia in tenebris micare, quæ tamen non sunt ignea. Huc accedit, quòd humores crystallinus, & spiritus opticus, si valde sint puri & subtiles, lumen exsurgunt, & extra oculum emittant: quod in tenebris conspicitur non de die, quia interdiu lumen majus obscurat minus. Denique sicut ex vehemente collisione silicis & ferri elicitur ignis: ita cùm oculus vehemente movetur, fit, ut ex eo fulgor quidam emicet: quòd experientia quotidiana testatur.

DISCURSUS VIGESIMUS SEPTIMUS.

EX GEOGRAPHIA.

De Partibus Terra.

PRÆFATIUNCULA.

Geographia objectum primum est Terra: unde & nomen habet. Per terram autem hic intelligitur etiam aqua. Terra enim & Aqua unum constituunt globum.

CAPUT I.

Doctrinæ Præliminares.

Prima. Geographia nihil est aliud, quàm doctrina de divisione terræ historica, ejusque representatione. Porro divisio terræ historica, vel est naturalis, vel civilis. Naturalis est, quæ fit per terminos naturales; ut sunt maria, fluvii, sinus. Civilis est, quæ fit per terminos politicos, videlicet regiones, regna, provincias, territoria, jurisdictiones.

Secunda. Terra alia est cognita, alia incognita. De terra cognita infra disseretur. Terra incognita

voca-

ocatur, quæ nondum perlustrata est, dividiturque in borealem & Australem. Illa est sub Polo Arctico : Ista sub polo Antartico.

Tertia. Octo sunt principales Terræ partes: Septentrionalis incognita, Australis incognita, Subboreas & Subaustralis cognitæ, America, Europa, Africa, Asia.

Quarta. Terra Septentrionalis incognita est Regio Hyperboreorum. Hyperborei autem dicuntur, quod sub polum ita vergant, ut Boreæ flatus non sentiant, utpote supra ipsum siti.

Quinta. Terra incognita Australis planè ignota est; cuius quidquid sub Polo Antartico terrarum jacet, id nullius hæcenus peregrinationibus lustratum est. Constat tamen terras ibi esse & quidem vastas ac longè lateque dispersas: licet non constet, quomodo illæ concuturæ & comparatæ sint.

Sexta. Partes Europæ Occidentales sunt Hispania & Gallia. Hispania olim discreta fuit in Provinciam Bæticam, Lusitaniam, Tarraconensem. Hodie sub *Lusitania* est Regnum Portugalliæ, pars Castiliæ veteris, parsque novæ. Sub *Bætica*, Grænata & Andalusia, & Estremadura. Sub *Tarraconensi*, Murcia, Valentia, Catalonia, Arragonia, Navarra, Biscaya, Asturia, Cantabria, Gallæcia, Legio, Castilia vetus & nova, (seu Regnum Toletanum) ac Baleares Insulæ, vulgò Majorica & Minorica dictæ: quibus à nonnullis accensentur Ophiusa & Ebusus: è quibus illa serpentes fovet, nec fugat.

Septima. Gallia hodie dividitur in quatuor partes. *Aquitania*; cujus Regionem sunt Biscaya, Bearnia, Bitornia Guenna, seu Calconia, Borbonia, Pictones, Santones, Lemóvices, Petrocorii, Cadurci, Arverni, Bituriges, Vāscones &c. 2. *Gallia Narbonensis*; cujus Re-

Regiones sunt Provincia (divisa in ditionem Pontificis & Regis) Languedocia, Delphinatus superior & inferior, Sabaudia seu Allôbroges. 3. *Gallia Lugdunensis* cujus Regiones sunt Britannia minor seu Gallica, superior & inferior, Normannia, Ducatus Andegavensis Belsia, Nivernia, Francia (speciatim sic dicta, in qua Regni Metropolis, Lutetia Parisiorum) Campania Burgundia superior & inferior (illa est Comitatus, hæc Ducatus) & Territorium Lugdunense. 4. *Gallia Belgica*; cujus Regiones sunt. Picardia, Veromandui Cambrense Territorium, Bononiæ Comitatus, vulgo Bolougne &c.

Octava. Partes Europæ Septentrionales sunt Insulæ peninsulæ, continentes. Insulæ sunt vel majores vel minores. Majores sunt Hibernia & Britannia seu Anglia cum Scotia. Minores sunt Orcades 30. Hebrides 43. & Peninsulæ sunt duæ, Scandia (sub qua Lapponia, Finlandia, Suecia, Norwegia) & Cimbrica Chersonesus. Continentes sunt Germania superior & inferior: è quibus illa dicitur Germania, hæc Belgium.

Nona. Partes Europæ Orientales sunt, Tartaria minor, Taurica Chersonesus, Sarmatia Europæa, Hungaria, Transylvania, Dacia, Mysia, Thracia, Græcia.

Decima. Partes Europæ meridionales sunt Illyricum & Italia. Illyricum sive Illyris dividitur in Sclavoniam, Albaniam, Dalmatiam.

Undecima. Africa dividitur in Regiones & Insulas. Regiones sunt 7. Numidia, Lybia, Nigritarum terra Æthiopia superior & interior, Æthiopia inferior seu exterior, & Ægyptus. Insulæ circa Africam sitæ sunt vel in Oceano Atlantico, vel in Oceano Æthiopico, vel in Oceano Orientali, seu Sinu Barbarico, sive mari aspero. In Oceano Atlantico præcipuæ sunt Canariæ, Insula Portus Sancti, Madera, & Insulæ capitis viridis. In

Ocea

Oceano Æthiopico præcipuæ sunt, Insula Ascensionis Christi, S. Matthæi, Principis, scilicet Portugalliæ, S. Thomæ, S. Helenæ, Anni boni. In Oceano Orientali post Caput Bonæ Spei sitæ sunt Insulæ innumeræ: in quibus eminent Madagascar & Zocotara, sive Socotora.

Duodecima. Asia hodie in quinque potissimum partes distribuitur, quarum prima Tartaria seu Scythia Asiatica. 2. China seu Sina, quæ continet urbes celebres 40. fossis murisque probe munitas. Regiam alii dicunt esse Paquinum, alii Xanthum, alii Quinsai, alii Nanquinum. 3. Indiæ, vetus & nova, ab Indo flumine dictæ, & olim divisæ Gange flumine versus Ortum & Occasum: posterius in novem partes sectæ, quarum nomina, Cambaja, Narsinga (cujus urbs præcipua Meliapor à D. Thomæ sepulchro clara: & nominatu frequens Comarinum Promontorium) Malabar (cujus præcipuæ Urbes Calecutum, Cochinum, Travancor &c.) Orixa, Bengala, Pegu, Sian (in qua Sian & Malacca Urbes celeberrimæ) Camboja. Partem Indiæ Septentrionalis tenet Rex Mogor. Japan Insula Sinarum Regno ab Ortum objacet, uti & Corea; illius Metropolis Meacum est. 4. Persarum sive Sophorum Imperium: sub quo comprehenditur Armuziæ Regnum peculiare. 5. Imperium Turcicum.

Decima Tertia. Universa Asia dividebatur olim in majorem & minorem, Regionem majoris, Sarmatia Asiatica, Scythia Asiatica, Serica, Sinæ, Indiæ intra & extra Gangem, eoq; spectantes. In continente sunt Gedrosia, Carmania, Drangiana, Arachosia, Sogdiana, Parapamisis, Bactriana, Hyrcania, Margiana, Parthia, Persis, Susiana, Media, Albania, Iberia, Colchis, Armenia, Mesopotamia, Assyria, Babylonia, Arabia (Petræa & Deserta) Syria, Palæstina (in qua Idumæa, Judæa, Samaria, Galilæa) Phœnice, Cilicia, Cappadocia, Galatia, Pontus,

X

Bithy-

Bithynia, Pamphilia, Lycia (proximæ quatuor provinciarum nunc appellantur Nartolia) & Insula Cyprus. Regiones Asiæ Minoris sunt, Phrygia duplex, Mysia, Lydia, Caria, Æolis, Jonia, Doris & Insula Rhodus.

CAPUT II.

Proponuntur variae Quaestiones Geographicae.

QUÆSTIO PRIMA.

Quot complectitur Regiones Terra subborealis?

Respondeo, octo: quæ sunt Spitzberga, Grœnlandia, Islandia, Frislandia, Scetlandia, Icaria, Novazembla, & Fretum Waygatz.

Spitzberga est ingens Regio sub axe Septentrionali, à gradu 75. ad 82. à scopulorum & montium jugis acutis nomen sortita. Insulane sit, an continens, hactenus incertum est. Huc delati sunt Guilielmus Bernardi & Joannes Cornelii Batavi An. 1596. cum per glaciale Oceanum quærerent viam in Regnum Cathay, & tractum omnem Sinensem per Fretum Anian. Regio illa omnis deserta ab hominibus ob acre gelu. Circa illam ingens est piscatio balænarum & morfarum, quas alii vaccas marinas, alii equos, alii elephantos, alii aliter appellant.

Angli narrant, equitem quendam Willoughbæum Anno 1553. temporibus Eduardi VI. Regis primum mortalium has oras eminus aspexisse, & ex eo perperam asserunt, earum possessionem ad se pertinere. Cæterum Spitzberga tota sita est sub Zona frigida. Mediterranea ipsius nemini adhuc sunt cognita.

Grœnlandia à virore nomen habens, est regio culta & fertilis, habens Præfectum, titulo Regis Daniæ imperantem. Continensne sit, an Insula, incertum. Hyems illic est novem Mensium: quo toto tempore ibi non pluit: æstas trimestris, Junio, Julio, Augusto.

Islandia

Islandia per 100. ferè milliaria Germanica in longitudinem protenditur. Qui circa medium hujus Insule habitant, maximum diem æstivum habent præcisè 4. horarum, & noctem unius momenti. Inventa creditur hæc Insula Anno Christi 1100. Occidentem versus habet montem Heclam, perpetuò flammæ fumosque eructantem: unde à multis creditur esse infernus, sive carcer damnatorum.

Frislandia cælum habet inclemens, regionemque frugibus destitutam. Hinc incolæ sunt Ichthyophagi. Angli, Scoti & Hollandi petunt inde pisces.

Scetlandia parer Regi Scotorum, putaturque esse antiquorum *Thule*, de qua Seneca; *Terrarum ultima Thule*. Alii Islandiam, alii Grœnlandiam, alii Frislandiam arbitrantur esse ultimam Thulen.

Fretum Waygatz à parte dextra habet Samoitas, à sinistra barbaros quosdam, quorum vestigia conspiciunt, ipsi nusquam comparuerunt.

QUÆSTIO SECUNDA.

Quot sunt partes Terræ subaustralis cognitæ?

Terra subaustralis cognita, (quæ non nisi quoad littora est detecta) novem partes complectitur, videlicet Plittacorum Regionem, Terram del Fuogo, Provinciam, sive Regnum Beach, Regnum Lucach, Regnum Maletur, Fretum Magellanicum, Novam Guineam, Terram Ferdinandi de Quir, & Fretum Le Maire.

Plittacorum Regio sic dicta est à Lusitanis ob incredibilem avium istarum multitudinem: terra del Fuogo ab ignium copia. Cum enim Magellanus fretum istum (quod ab ipso dictum est Magellanicum) scrutaretur, in parte sinistra visi fuere plurimi ignes sive foci. Porro Ferdinandus Magellanus fuit Lusitanorum Dux, qui anno 1520. universum terrarum orbem circumnavigavit:

vigavit: idemque iter animosè postea confecerunt Franciscus Drack Anglus Anno 1579. Thomas Candisch itidem Anglus, Anno 1557. & tandem felicior paulò successu Oliverius von der Nort Batavus Anno 1600. Sed & Ferdinandus de Quir Hispanus, absumptis eam in rem omnibus suis facultatibus, omnem terram Australem lustravit, emensusque est amplius, quam 20. leucarum millia. Narrat is illarum Regionum magnitudinem tantam esse, quanta sit totius Europæ cum Asia minore, usque ad Mare Caspium, cumque omni Persia, omnibusq; Insulis, tum Maris Mediterranei, tum Oceani Gallici & Germanici, ne Anglia quidem, Scotia, Hiberniaque exceptis.

Fretum *le Maire* sternit expeditiorem ad Insulas Australes viam, quam Magellanicum. Detectum est Anno 1616. unà cum aliquot Insulis Australibus.

QUÆSTIO TERTIA.

Quibus Inventoribus detecta est America, pars orbis maxima?

Americus Vesputius Florentinus Anno 1497. auspiciis Emanuelis Regis Portugalliæ, partem hujus terræ ultra æquinoctialem detexit, à quo tota regio nomen accepit. Primam hic glaciem fregit Christophorus Columbus Genuensis, qui auspiciis Ferdinandi Regis Castellæ Anno 1492. partem hujus terræ Septentrionalem cis æquatorem invenit. Dicitur *Novus Orbis*, tum propter immensam ipsius magnitudinem, quâ æquat Europam, Africam & Asiam: tum propter dissimilitudinem incolarum, arborum, animalium & similitum. Dicitur etiam *Atlantica*, quia vastissimo Oceano Atlantico seu Occidentali est circumfusa. Denique appellatur *India Orientalis* & *Nova* à similitudine incolarum cum Indis Asiæ, quia omnes penè nudi incedunt:

edunt: vel, ut alii malunt, quòd inventa sit eodem tempore, quo India Orientalis fuit à Portugallensibus ultrata.

QUÆSTIO QUARTA.

Quibus conjecturis usus est Columbus in inventione novi orbis?

Quidam existimant, Columbum ab Hispano quodam nauæ, cui nomen Buxolæ, didicisse novum orbem ad Occidentem. At Petrus Martyr tradit, Columbum, cùm sæpe navigaret trans Gades in Portugaliam, observasse ventos quosdam statis anni temporibus ab occasu flare consuevisse, qui multos dies constanti & æquabili tractu spirarent. Quos cum non aliunde, quàm ex transmarina aliqua orâ, cujus halitus gignerentur, prodire posse judicaret, animum adjecit ad istius terræ inquisitionem. Natus itaque annos 40. consilia sua Senatui populoque Genuensi exponens, spopondit, se, si à civitate aliquot navibus instrueretur, novas insulas detecturum. Sed hæc Columbi commentatio, ceu inanis fabula, explosa fuit. Columbus itaque ad Henricum VII. & Alphonsum V. Portugalliæ Reges confugit: apud quos cùm nihil proficeret, operam suam obtulit Ferdinando & Isabellæ Castiliæ Regibus, eorùmque auspiciis An. 1492. optatum assecutus est finem.

QUÆSTIO QUINTA.

Quenam est inter partes Orbis præstantissima?

Respondeo, Asiam olim fuisse, nunc autem Europam esse præstantissimam.

Primum probatur 1. Quia Asia est primi hominis Patria: unde omnes Posterì Adami sunt origine Asiani.

2. Quia Asia est primum Ecclesiæ domicilium, nobilitatum

tatum Politia Mosaica, Christi nativitate, prædicatione & morte. 3. Quia temperatissimo gaudet cœlo, & omnis generis deliciis abundat. Hinc in India Asiatica omnia dicuntur esse meliora, quàm in reliquis partibus, & Regio ipsa Regio paradisi appellatur. 4. Quia Asia fortissimorum Heroum patria est: putà Mosis, Josue, Alexandri Magni &c. 5. Quia primæ & maximæ Monarchiæ in Asia fuerunt, ut Assyriorum, Persarum Græcorum; & nunc quoque amplissima ibi sunt regna videlicet Chinæ, Magni Cham, Turcæ: &c. 6. Quia literaturâ maximè excelluit. Primi enim Artium inventores & cultores fuerunt Hæbræi, Chaldæi, Ægyptii. Typographiæ quoque & machinarum bellicarum inventio prima debetur Chinenfibus. 7. Quia omnis generis mercibus pretiosis abundat. 8. Quia est omnium amplissima.

Secundum probatur *Primò*, Quia Europa excellit aëris salubritate, qua non cedit Asiæ, tamen cedat amœnitate. *Secundò*, quia Agricultura in nulla terræ parte ita viget, ut in Europa. *Tertiò*, quia Europa est omnium populosissima. *Quartò*, quia insignis est Europæ fertilitas. *Quintò*, quia Europæi artibus Mechanicis liberalibusque sunt superiores. *Sextò*, quia Imperia nusquam sunt celebriora, quàm in Europa. *Septimò*, quia Europæi religionis sanctitate cæteras orbis nationes superant.

QUÆSTIO SEXTA.

An Lusitania & Portugallia sint idem?

Hodie Lusitania dicitur Portugallia: licet nec tota Lusitania sit Portugallia, nec tota Portugallia in Lusitaniam incidat. Nam pars Lusitiæ, quæ inter Tagum & Anam fluvium interjacet, sub Portugalliam non cadit, sed Regno Castellæ cedit. Pariter etiam Portugalliæ pars, quæ est inter Durium & Minium fluvium,

vium, ad Lusitaniam non spectat, sed est Jurisdictionis
Tarraconensis.

QUÆSTIO SEPTIMA.

Cur Septentrio appellatur vagina Gentium?

Respondeo, quia ex illis oris innumeræ gentes, velut aves egressæ sunt: videlicet Gothi, Ostrogothi, Westgothi, Vandali, Franci, Cimbri, Hunni, Heruli, Rugi, Alani, Longobardi, Alemanni, & alii plures, qui Danubio & Rheno superatis, omnem Europam, & præsertim Italiam altricem Imperii & Dominam 400. & amplius annis, perpetuâ quadam Regnorum successionem subjugarunt, & Romani nominis gloriam fere omnem extinxerunt.

QUÆSTIO OCTAVA.

Quenam Insula est omnium maxima?

Regnum *Monomotapa* in Æthiopia inferiore, situm est instar Insulæ inter duos ramos fluvii maximi, & in ambitu continet 750. leucas, seu tria millia milliarium. Insula *Madera* est ampla 160. gradibus, id est, milliaria Germanica 2400. *Madagascar*, seu Insula S. Laurentii in ambitu completitur milliaria quater millena, & longitudine sua Italiam superat. *Macazaria*, Insula Indiæ Orientalis in ambitu colligit leucas 300. *Sumatra* obtinet ambitum 700. leucarum. *Anglia* & *Scotia* in ambitu comprehendunt 1836. millia passuum, id est, leucas Germanicas 459. Ex his patet, *Maderam* esse omnium Insularum amplissimam.

QUÆSTIO NONA.

Quenam Regio plurimis & maximis abundat fluvii?

Hac de re audiamus Maginum. Nulla est (inquit ipse) aqualis Regio Hungariæ, quæ pluribus

majoribusq; abundet fluviis, quorum laus est, eos esse navibus ferendis idoneos, ac pisciferos. Inter eos quatuor sunt principales, *Danubius, Savus, Dravus, Tibiscus*. Horum tres priores communes sunt aliis nonnullis regionibus, sed Tibiscum (qui incredibili piscium multitudine abundat, ut ostendi in *Arte discurrendi de qualibet materia*) sola sibi vendicat Hungaria.

QUESTIO DECIMA.

Quanam sunt celebriores Urbes in Orbe terrarum?

Incipiamus ab Europa. In *Hibernia* excellit *Dublinum*, emporium nobilissimum & sedes Archiepiscopalis. In *Anglia* Londinum, Eboracum, Cantabrigia, Oxonium, Bristolia, Glocestria, Salopia, Vigornia, Bathonia. Ex his Londinum cum Orbis Christiani Emporiis de palma faciliè contendit. In *Cambria*, sive *Wallia*, urbs Landoff, cui 165. Parochiæ subfunt. In *Scotia* Edinburgum, Scone, Alherdon, Sterlinga, Fordunum. In *Hispania*, Granata, Hispalis, sive Sevilla (ambitu sex milliarium amplitudine, Emporium celeberrimum & omnium Hispaniæ Urbium ornatissimum ditissimumque, quòd Regi suo quotannis sesqui millionem aureorum solvit) Corduba, Valentia, Murcia, Cæsaraugusta, Tolosa, Barzelona, Tarracona, Compostella, Bajona, Burgos, Salmantica, Conimbrica, Vallisoletum, Toletum (ambitu 4. milliarium) Madritum, Palma in Majorica, Citadella in Minorica &c. In *Lusitania*, Lisbona, seu Ulißibona. In *Gallia* eminent Lutetia, Burdigala, Pictavia, Tolosa, Lugdunum, Rothomagum, Marsilia, Gratienopolis &c. In *Belgio*, (ubi numerantur urbes munitæ, plures quàm CCX.) Lovanium, Bruxellæ, Antverpia, cum reliquis passim notis. In *Germania* (cujus Urbes celebriores, utpote

utpote vulgò notissimas, non est, quòd prolixè commemorem) sunt inter alias civitates Hanseaticæ. Dividitur autem Hanſa Teutonica in 4. Regiones: Lubecenſem, Colonienſem, Brunſwicenſem, & Boruſſicam, habetq; ſibi ſociatas Urbes LXVI, nempe Vandalicas ſex, Pomeranicas octo, Boruſſicas ſex, Livonicas tres, Saxonicas tredecim, Weſtphalicas decem, Clivicas ſeu Marchicas ſeptem, Tranſſilanas tres, Geldricas ſeptem, Friſicas tres. *In Bohemia* excellit Praga Tri-Urbs. *In Moravia*, Olomucium & Bruna. *In Helvetia*, Tigurum, (cui parent 9. Præſecturæ majores, & 22. minores) Berna (quæ habet Præſecturas Germanicas 31. Gallicas 8.) Lucerna (quæ habet Præſecturas 12.) Uri (habens 10. communitates) Switz (diviſa in partes ſex, quas quartas vocant) Underwaldia (distributa in duos conventus) Tugium (quod duas habet partes, & in illis conventus quatuor) Glarona (diviſa in 15. partes) Baſilea (quæ habet Præſecturas ſex) Friburgum (cujus Præſecturæ quatuor, cum Bernatibus ſunt communes) Scaphuſia, & Abbatifcella. *In Valeſia* excellit Sediunum. *In Rhetia*, Curia & Clavenna. *In Norvvegia*, Nidroſia, & Bergæ. *In Suecia*, Stockholmia, Upſalia, & Nicopia. *In Gothia*, Loduſia, Waldburg & Calmaria. *In Finlandia*, Abo & Wiburgum. *In Gothlandia*, Viſubi. *In Dania*, ſunt urbes XLVII. inter quas præſtantior eſt Hafnia. *In Holſatia*, ſunt Gottorpium, Sleswicum, Flensburgum & Chilonium. *In Dietmarſia*, Meldorpa, Haida, Lugdunum (Lunden.) & Haſna. *In Stormaria*, Bredenberga arx. *In Italia*, olim fuerunt urbes 166. ut author eſt Ælianus; hodie ſequentes excellunt: *In Pedemontio*, Taurinum, ſeu Auguſta Taurinorum, Vercellæ, &c. *In Monteferrato*, Alba, Alexandria, Salutium, Cafalis, Aſti, Valenza; Nicæa, Carmamola, & Urbs Aquenſis. *In Liguria ſeu ditione*

Genuesi, Genua, & Savona. *In Thuscia*, Pisæ, Volaterra, Perusia, Florentia, Pistorium, Luca, Sienna, Cortona, Plumbinum. *In Latio*, Roma, Ostia, Cajeta, Tibur. Prænestæ. *In Umbria*, seu *Ducatu Spoletino*, Spole- tum, Burgus, Eugubium, Nuceria, Nursia, Amelia. *In Sabinia*, Reate, Narnia, &c. *In Campania*, Capua, Neapolis, Cumæ. *In Picentinis*, Sanseverinum, Saler- num, &c. *In Lucania*, Possidonia, Acropolis, &c. *In Calabria inferiore*, Consentia, Rhegium, Montalto, Terra nova. *In Calabria Superiore*, Tarentum &c. *In Terra Hydruntina*, Hydruntum, Brundisium &c. *In Apulia*, Barium, Thranum, Manfredonia, Ascolum, &c. *In Aprutio*, Aquila, Beneventum, Sulmo, Aquin- um, Theate, Pinna, &c. *In Marchia Anconitana*, Ancona, Recinetum, Lauretum, Camerinum, Mace- rata, Urbinum, Pisaurum. *In Flaminia*, seu *Romandiola*, Ferrara, Bononia, Forum Cornelii, Faventia, Forum Li- yii, Ravenna, Ariminum, Cæsena, Sarsina. *In Marchia Trevisina*, Venetiæ, Patavium, Vincentia, Verona, Tarvisium, Tridentum. *In Lombardia Cispadana*, Parma, Placentia, Mutina, Mirandula. *In Lombar- dia Transpadana*, Mantua, Brixia, Bergomum, Cremo- na, Mediolanum (ubi est arx, nomine Portæ Joviæ, quæ numeratur inter præcipua totius orbis propugnacula) Lauda, Pavia seu Ticinum (cujus ager, ob fertilitatem dicitur Hortus Mediolani) Novaria, Comum: quæ postremæ quinque urbes sunt in Insubribus. *In Foro Julii*, Aquileja, Tergestum, Goritia, Mons Falconis, Utina. *In Istria*, Pola & Justinopolis, quæ dicitur caput Istriæ. *In Sardinia*, Calaris, Oristagna, Sassari. *In Sicilia*, sunt hoc tempore civitates & oppida 273. è qui- bus maximè celebres sunt, Panormum, Messana, Mons Regalis, Syracusa & Catana. *In Insula Malta* est Urbs Melita. *In Minori Polonia* sunt tres Urbes prin-

principales: Cracovia, Sendomiria, Lublinum; quarum unaquæque habet civitates districtuales, minorem Poloniam concludentes. In *Majori Polonia* sunt Posnania, Gnesna, & aliæ. In *Livonia* celebrantur Riga, Dorporum, Rivalia, Velinum. In *Lithuania*, Vilna, & Novigrodo. In *Massovia*, Marschovia. In *Podolia*, Camieniec, & Lemburgum. In *Russia*, Leopoli. In *Prussia sive Borussia*, sunt quinque emporia celeberrima, nimirum Dantiscum, Melvingū, Brunsberg, Mons Regius & Memelium. In *Hungaria* sunt Buda, vulgò *Ofen* / Alba Regalis, vulgò *Stul-Weissenburg* / Strigonium, vulgò *Gran* / Belgradum seu Alba Græca, vulgò *Griechisch-Weissenburg* / Vesprium, Sigethum, Komora & Jaurinum, vulgò *Kaab*. In *Dacia* variorum sunt provinciæ, & in his suæ Urbes; ut in *Bosnia*, Bagnialuca, Metropolis; In *Servia*, Senderovia, sive Semendria, Vidina, Novogradum, Mons niger; In *Bulgaria*, Sophia Metropolis; In *Majore Valachia*, Zuccavia, Varna, Barlavia, Cucina &c. In *Bessarabia*, sunt Kilim & Moncastrum; quæ sunt in Provincia Valachiæ Majoris. In *Minori Valachia*, Ternovizza, Braila & Trefcotum. In *Transylvania*, Alba Julia, Principis Sedes, Hermannopolis, Stephanopolis (quæ & Corona atq; Cassovia dicitur) & Claudiopolis. In *Dalmatia*, Spalatrum, Ragusa, Sagena. In *Thracia*, Nicopolis, Philippopolis, Adrianopolis, Trajanopolis, Heraclea, Phinopolis, Apollonia, Byzantium seu Constantinopolis. In *Chersoneso Thraciæ*, Calliopolis. In *Græcia* sunt variorum Urbes, juxta seriem variarum Provinciarum. Itaque in *Macedonia* sunt Thessalonica, Pella, Stagira, Dyrrhachium &c. In *Epiro*, Nicopolis & Actium. In *Achaia*, Egira, Egium, Dyme, &c. In *Sycionia*, Sicyon, In *Arolia*, Calydon. In *Regione Locrorum & Opuntiorum*, Amphissa, & Naupactus. In *Phocide*, Delphi. In *Bæotia*, Thebæ.

In

In *Attica*, Athenæ: In *Corinthia*, Corinthus. In *Agria*, Neapolis Romanæ & Epidaurus. In *Laconica*, Lacedæmon seu Sparta. In *Messenia*, Messene, Methone, Corone, Arcadia. In *Elide*, Elis & Olympia. In *Megara*, Megara. In *Peloponneso*, Megalopolis. In *Eubœa*, Chalcis & Carystus. In *Creta* sunt Candia, Canea, Rhetimum, Sittia. In *Tartaria minore* sunt Theodosia & Tanas.

Ab *Europa* transeamus ad *Africam*: cujus celebriores urbes sunt in *Barbaria*, Tarodantum, Maroccum, Elmedina, Fessa vetus & noya, Larissa, Casar, Elcabor, Arzilla, seu Azella, Tingis, seu Tanger, Septa, Teza, Te-leusina; Algira, Bugia, Constantina, Tunettum, Guleta, Chartago, Biserta, Tripolis &c. In *Numidia* sunt plurimæ civitates, sed minùs celebres. In *Lybia* mera sunt deserta: quidam tamen dicunt eam esse habitatam. In *Nigritarum* terra sunt 25. Regna, in quibus celebrantur hæ urbes, Cano, Cabra, Melli, Gago & Dangala. In *Æthiopia superiore* sunt Beroa, Caxumo seu Cassumo, & Vella. In *Æthiopia inferiore*, Zeila, Barbara, Magadazzum, Mombazza, Quiloa, Benomotaxa, Cobazza. In *Ægypto* fuerunt olim Urbes vicies mille, è quibus Diodori tempore ter mille tantum extrabant. Verùm Ortelius summâ diligentia adhibita paucas supra 300. invenit; è quibus præcipuæ sunt Syene, Thebæ, Heliopolis, Memphis seu Alcairum, Babylon, Alexandria & Pellusium. In *Trogloditarum Regione* sunt quatuor urbes insigniores, videlicet Corondol, Alcoffer, Suachen & Sues.

Tertia Orbis pars, videlicet *Asia*, dividitur in majorem & minorem. In *Asia minore* sunt Provinciæ *Pontus & Bithynia*, ubi sunt Chalcedon, Nicomedia, Apamea, Prusa, Nicæa & Heraclea Ponti. Sunt & aliæ complures *Asiæ* Provinciæ, ut Phrygia, Caria, Mysia, &c.

In

In *Phrygia* sunt Miciadium, Ilium seu Troja, & Pergamus. In *Caria*, Milerus. In *Mysia*, Lampſacus, Abydus & Adramitum. In *Æolide*, Myrnia, Cuma & Phocæa. In *Jonia*, Ephesus. In *Doride*, Gnidium, & Halicarnassus. In *Lydia*, Sardis. In *Lycia*, Xanthus, Patara, Pinara, Olympus, Myrrha, Lymira, Telmessus. In *Galatia*, Ancyra, Sinope, & Amisus. In *Pamphylia*, Perga, Sida & Attalia. In *Cappadocia*, Trapezus, Cæsarea, Themyscira, Amasia, Iconium &c. In *Cilicia*, Hama (olim Tarsus) Adena & Heraclea. In *Armenia minore* sunt urbes minutæ, sed non claræ. In *Rhodo Insula* est urbs hoc eodem nomine. In *Moscovia* Metropolis est Mosckuua; & post eam celebrantur Volodimeria, Novogard, Smolensko, Biela, Roschouya, Tuverda, Plescovia, Duvina. In *Tartaria magna* sunt hæ inprimis urbes, Casan, Astracam, Crustina, Zahaspa, Samaracanda, Tascam, Cascar, Cambalu (Regia & Metropolis Imperii Magni Cſſiam) Caindo & Quinsai. In *Cypro* fuere olim XV. urbes: inter quas insigniores erant Paphus nova & vetus, Cithara, Curias, Amathus, Ceraunia, Nicosia, Famaugusta. Hodie dividitur in partes 12. & quibus præcipuæ sunt Nicosia, Famaugusta, Paphia & Pentalia. Numerantur verò præter has urbes, pagi 850. In *Palaestina* celebriores censentur hæ urbes. In *Galilea*, Nazareth. In *Samaria*, urbs hoc nomine: item Cæsarea Palaestina, seu Stratonis; Sichar sive Sichem. In *Judea*, Hierusalem, Rama, Gaza &c. In *Phœnicia* Sidon, Tyrus, Ptolemais, Emiffa, Capernaum. In *Arabia Petrea* Metropolis est Petra. In *Arabia felice* sunt Mecha, Medina, Zebethum, Aden. In *Turcomannia*, Elchia. In *Georgia*, Lori, Gori, Glisca, Tomanis. In *Media*, quæ hodie dicitur Servan, sunt hæ urbes: Tauris (Ecbatana antiquorū) Casbin, Turcoman, Saru, Sultania, Nassivam, Sechi, Eres, Ardovil, Sumachia. In *Mesopotamia*, Orfa, Mosus, Merdin,

din, &c. In *Perſide*, quæ hodie dicitur Farſi & Farſiſtan, Regia, eſt Siras, olim Perſepolis, & Cyropolis. In *Parthia*, ſunt Caſan, Sembran, Teraçan, Malam, Amadan, Coran, Turbat & Hiſphaham, Caput Parthiæ. In *Hyrcania*, Hyrcana, Beſtan, & Maſſandran. In *Margiana*, Antiochia. In *Bactriana*, Baçtra & Iſtigias. In *Paropanifo* Candahar. In *Aria* Eri. In *Carmania*, Chirmain. In *Regno Ormuz*, Urbs hoc eodem nomine. In *Indiis Orientalibus*. In *Regno Cambajæ* ſunt hæ urbes: Dana-ger, Bider, Decan, Sintacora, Caul, & Goa, quæ dicitur clavis uniuerſæ Indiæ. In *Camara* ſunt Onor, Mangalor, Batticalla, Mayander. In *Provincia Malabar* ſunt Calecutum, Urbs & Regnum; Cocinum, Urbs & Regnũ; Coulam, Urbs & Regnum; & Travamor Urbs. In *Regno Narſinga*, Narſinga, Biſnagar, Tarnaſſai, Ciromandei, Cael &c. In *Regno Bengalæ*. Congo & Bengala. In *Regno Sanga*, Citor. In *Regno Arachan*, Urbs ejusdem nominis. In *Regno Ava*, Urbs eodem nomine appellata. In *Regno Pegu*, Urbs ejusdem nominis, itemque Lavay, Martabane & Loſmin. In *Regno Siam* hæ ſunt urbes, Siam, Camboja, Odia, Campaa, Sincapura, Malaca & Quedoa. In *China* ſunt urbes celebres 240. inter quas Pequim eſt Regia.

Super eſt *America*, ubi urbes celebriores, in *America Septentrionali*, & quidem in *Nova Hiſpania*, ſunt Compoſtella, Colima, Culiacan, Paſcuar, Valadolid, Mexico, &c. In *Nitaragna*, Urbs Leonis & Granatæ. In *Iucatan*, Guatmala. In *Nova Francia*, Canada. In *America Meridionali*, & quidem in *Caſtella Aurea* ſunt Theonyma & Panamais. In *Peruvia*, Lima, Cuſco, Quito, Argyropolis, ſeu Della plata, Potoſium, &c. In *Chile* Urbs S. Jacobi. In *Braſilia* Fernambuco, Caput S. Auguſtini, Portus Omnium Sanctorum. In *Popajam*, Urbs hoc nomine, item Paſtoco, Calli, Carthago, Antiochia.

tiochia. In *Nova Granata*, S. Fides. In *Caribana*, Ura-
ba, Cenu, Caribana, Cartagena, Cumana, Veneriola,
Manacapana. In Regione *Tucumanorum*, Salta, Steco,
Corduba, S. Michaëlis, S. Jacobi. In *Hispaniola Insula*,
Urbs S. Dominici, Urbs S. Joannis, Portus Plata, Portus
Regius, Cavana, Xaragua. In *Jamaica, seu Insula S. Ja-*
cobi, Oristan & Sévilla. In *Cuba*, Urbs S. Jacobi & Ha-
vana emporium celeberrimum. In *Insula S. Joannis*,
Urbs hoc eodem nomine.

CAPUT III.

Varia Observationes Geographica.

OBSERVATIO PRIMA.

*De Navigatione in utramque Indiam per Septen-
trionem.*

Observant quidam Geographi, verisimile esse, in
utramque Indiam navigari posse per Septentrio-
nem. Nam valdè probabile est (inquit) quod
quemadmodum sub Austro, ita etiam sub Septentrione
Oceanus cohæreat: Deinde idem colligi potest ex fluxu
& refluxu maris. Tertio plerique scriptores asserunt
continentem esse Insulam. Denique Plinius *lib. 2.
hif. natur.* testatur, Gallia Proconsuli Indos à Rege
Suecorum dono datos, qui ex India commercii causâ na-
vigantes, tempestatibus erant in Germaniam ab-
repti: quod fieri non potuit, nisi pateret ex India in
Sueciam iter maritimum. Nec obstat frigus Regio-
nis; Etsi enim sol modicè ibidem elevetur: verisimile
tamen est, è sex mensibus, quibus sol non occidit, sed
continuè in orbem moventur, tribus ad minimum mare
ibidem navigari posse.

OBSER-

De translatione Posterorum Noë in Americam.

SINGULARI DEI providentiâ factum videtur, ut homines secus littora navigantes, vi tempestatis per vastissimos fluctus in Americam pervenerint. Sunt autem, qui putent solam lineam Cham ex posteris Noë in regiones illas delatos esse, ac proinde Americanos ex illis solis descendisse. Alii verò sibi persuadent, Asiaticos per fretum Anian, Europæos per Oceanum Atlanticum, Africanos per Promontorium Bonæ Spei, pervenisse in Americam; ita ut ex omnibus posteris Noë aliqui eò pervenerint.

OBSERVATIO TERTIA.

De nonnullis celebrioribus Urbibus.

IN Hispania nova est Urbs Mexico, duodecim Italicis miliaribus in circuitu patens, & instar Urbis Venetæ undique navigabilis. Censetur urbs illa totius orbis esse maxima, exceptâ Quinsai, ut postea dicitur. Habet quingenta Incolarum millia.

Celeberrima inter Urbes Peruvix est Cusco, ubi ante Christianorum adventum loco equorum habebant oves camelis non absimiles, equorum magnitudine. Ibidem fuerunt olim gigantes, quatuor virorum longitudinem aut æquantes, aut superantes.

Fessa est urbs pulcherrima, omnium totius Barbariæ, & populosissima. In ea sunt templa & Oratoria 700. inter quæ sunt 50. magnifica & sumptuosissime extructa. Summum templum in circuitu habet sesquimiliare, & tredecim visendæ magnitudinis ac altitudinis portus. In hoc templo singulis noctibus 900. Lucernæ accendi solent. Ibidem etiam sunt candelabra ænea, quæ 1500. lucernas capiunt, & alia mirabilia. Recipit autem hoc templum quotidie 200. aureos: qui sunt proventus

entus illius. Sunt præterea in hac urbe duo celeberrima studiosorum Collegia: pro quorum uno solum extruendo ferunt Regem Habu Henon 480. aureorum millia consumpsisse.

Urbs Quinsai, in confinio Chinæ sita, magnitudine cæteras omnes orbis totius urbes superat. Nam ejus circuitus est milliarium circiter centum, familiarum in ea numerantur sexaginta millia, supra unum millionē, Pontes habet lapideos duodecies mille; inter quos sunt aliqui adeo alti, ut subitus eos naves magnæ recto malo transire queant. Intra urbis intenia acus est, complectens in ambitu 30. milliaria, & habens in se duas Insulas, in quibus duæ elegantissimæ Regiæ Domus visuntur. In hac urbe Magnus Cham habet præsidium 30000. militum.

OBSERVATIO QUARTA.

De optimo Regno, Ducatu & Comitatu.

Communi proverbio dici solet, quod inter omnia Regna Gallicanum sit optimum: inter Ducatus vero sit optimus Mediolanensis, & inter Comitatus Flandria.

DISCURSUS VIGESIMUS OCTAVUS.

EX HISTORIA.

Complectens varia Monita, ad Historiam pertinentia.

PRÆFATIUNCULA.

Historia (qua proprie loquendo nihil est aliud, quam rerum gestarum Scientia) cum incredibili conjuncta est, non modo utilitate, sed etiam jucunditate, in omni vita & artium genere. Nam beneficio
Y Histo-

Historia, cursum Providentia Divina sibi semper similem, Ecclesia statum inter calamitates numquam non florentem, pietatis premia certissima, impietatis poenae ineluctabiles, Hæreticorum dolos irritos, Tyrannorum technas evanescentes. Imperiorum & conservationes, & mutationes, & everisiones mirabiles, familiarum flores subito vel enascentem, vel cadentem, Heroum facinorosa, denique exempla singularum artium innumera, uno velut intuitu perlustrare possumus.

Monitum I.

Historiæ Divinæ seu Canonice præ aliis omnibus indubitata fides tribuenda est: Cum enim à Deo sit profecta, & per ipsius actuarios & notarios consignata, nemini sanæ mentis ei fidem derogare potest.

Monitum II.

Non modò Historiæ Divinæ, quæ à Spiritu Sancto in veteri & novo Testamento dictata est, sed etiam humanæ fides adhibenda est, sed humana tantùm, id est, talis, quæ homini credit, non ut Deo aut Angelo fundenti oracula, sed ut homini; non quòd ille verum certò dixerit, sed quòd, cum sit probus & integer, verum dixisse præsumatur.

Monitum III.

Historicis, quæa, quæ narrant, aut viderunt ipsi, aut intellexerunt ab aliis, qui viderunt, fides habenda est, si probi sint: sin improbi, magno cum iudicio legendi sunt; ne scilicet admittantur illa, quæ pugnant cum principiis fidei, vel rectæ rationis, aut cum circumstantiis rei gestæ.

Monitum IV.

A descriptione historica nimia styli ornamenta arceantur. Stylus historicus quò simplicior, eò melior. Historia enim cum sit virgo castissima, requirit vultum
mini-

minimè fucatum; & cultum minimè mangonizatum. Inde tres leges hic servandas esse, prudenter monent ei historica periti.

1. *Atticismus convenit Historiæ*, id est, stylus mediüs inter Asiaticum & Laconicum. Atrica enim oratio contententem simplicitatem & gratam brevitatem conctatur: quæ utraq; insigne est historiæ ornamentum. Historia enim magis Logicum, quàm Rhetoricum est pus: ac proinde

Ornari res ipsa negat, contenta doceri.

2. *Lumina Rhetorica parce adhibeantur in historiâ.* Implificationes enim, exaggerationes, digressiones, hyperbolæ, allegoriæ, & omnino figuræ Rhetoricæ, cultum detrahunt dignitati historiæ.

3. *Character medius ut plurimum adhibendus est in historiâ.* Medius, inquam, inter sublimem & humilem. Hic enim congruit Majestati historiæ: nisi forte s diviniæ & heroicæ, vel viles veniant describendæ. Si enim grandis, hîc humilis abhibendus est character.

Monitum V.

Historiæ laus non postrema est, si historicus affectus describatur sine affectu. Si enim Historicus in-algeat affectibus (quales sunt duo potissimum, *Gra-a & Odium*) fieri non potest, quin mentiatur aligendo. minuendo. Historiarum itaque scriptor *affectus, & defectus* hominum describat sine affectu, si lit gignere affectum in lectore: semperque sibi ob oculos statuatur elegantem illam historiæ picturam, am Joann. Anton. Viperianus in libro de scribenda historia testatur se inspexisse, his verbis: In Historiam oportet inspicere tanquam in virginem quandam libe-am & incorruptam, nulli appetitioni servientem, veri-is cultricem, motibus gravem, sani succi, coloris sua-

vis, omni membrorum magnitudine & compositione perfectam, non levibus & inanibus rebus deditam, sed studentem gravibus & magnis, gradientemque ornat modico & decente, non ad voluptatem, sed ad honestatem exquisito, qualis matronæ convenit, non ut meretricis ille fucus, qui est Poëtarum maximè proprius.

Monitum VI.

Historici Authentici præferantur non Authenticis. Authentici autem sunt 1. divini, id est, qui mediante divinâ inspiratione rerum scribendarum notitiam hauscerunt. 2. Jurati, qui publicâ Magistratûs auctoritate scripserunt: suntque vel autoptæ, vel sua habent ex archivis, protocollis, actis & instrumentis publicis. 3. Illi qui communi doctorum virorum calculo approbati sunt.

Monitum VII.

Historici Latini Græcis præferendi sunt. Illi enim sunt ferme veraciores. Nam Græcia (si fides habetur proverbio) est mendax. Cave tamen, nè morose interpreteris hoc Consilium: præsertim cùm Græci post institutas Olympiades intra Cancellos veritatem magis se continuerint, ut ait Eusebius.

Monitum VIII.

Non sunt probandi historici, qui se suamque gentem semper in Capitolio locant, externos verò & hostes suos semper vituperant. Nam hi serviunt affectibus suis: quorum nubes eripit historiæ solem, id est, veritatem.

Monitum IX.

Historici Religionis heterodoxæ cautè legantur. Quia non rarò miscet virus hæreseos, incauto Lectori nociturum.

Moni-

Monitum X.

Historici Mercenarii & ollares, ut vocant, habeantur pro suspectis. His enim (ut quidam loquitur) bos nutus est in lingua & calamo, quod Demostheni obiectum fuit. Neque tantum spe præmiorum, sed etiam metu pœnæ vera dissimulantur, prava laudantur, ova excogitantur.

Monitum XI.

Historici legantur cum moderatione animi & venia; hoc est, cogitetur, fieri non posse, ut in omnibus circumstantiis sint Lyncei.

Monitum XII.

Historici legantur in lingua originali, aut, si aliquis et ignarus illius linguæ, versio eruditorum calculis probata legatur.

Monitum XIII.

Antiquorum historicorum scripta non examinentur secundum ea, quæ modernis temporibus geruntur. Nam temporum mutatio circumstantiarum mutationem inducit. Quicumque ergo cum fructu cupit legere ceteros historias, sit industrius antiquitatis indagator.

Monitum XIV.

Historia perfecta omnibusque numeris absoluta censetur, quæ tribus hisce notis, *Veritate, Explanatione, Judicio* insignita est. *Veritas* requirit, ut omnia narrentur pure & ex fide. *Explicatio* in eo sita est, ut circumstantiæ plenè ac fideliter recitentur, ex præscripto istius versûs:

Quis, Quid, Ubi, Quibus auxiliis, Cur, Quomodo, Quando.

Judicium postulat, ut virtutes & vitia non sileantur, etque pravis dictis & factis ex posteritate sit metus, ut requiritur Tacitus. Breviter tamen iudicium inter-

ponendum, sine proluxa in utramque partem disputatione.

Monitum XV.

Illæ historiæ non probandæ, quæ perpetuas laudes & virtutes ejusdem, sine ullis vitiis commemorant: vel contrâ, quæ perpetua ejusdem vitia, præteritis virtutibus recensent. Hoc nomine Polybius reprehendit Fabium Romanum, qui de Romanis & Pœnis omnia præclara scripsit: & Philinum Carthaginensem, qui Pœnos omnia laudabiliter & fortiter, Romanos autem turpiter & ignavè gessisse ait.

Monitum XVI.

In lectione historiarum nec nimis, nec minùs creditum esse oportet. Non illud, quia qui facillè credit, facillè decipitur. Non hoc, quia si nemo alteri crederet, vinculum humanitatis dissolveretur.

Monitum XVII.

Lectio Historica inchoanda est à brevissimis Chronicis, ita ut Historia universalis imprimatur memoria, habeaturque exemplar aliquod & idea, ad cujus locos communes, titulos & subtitulos aptari possit, quidquid deinde occurrit. Porro hic requiritur accurata rei Geographicæ cognitio: sine qua fieri non potest, ut historiæ Universalis ideam animo rectè complectaris. Deinde ab historia universali veniendum est ad historias particulares.

Monitum XVIII.

Perpensis accuratè omnibus historiæ circumstantiis, notatisque iis, quæ aut benè ac prudenter, aut malè & imprudenter gesta sunt, transeundum est ad historicas animadversiones seu Contemplationes, hoc est, conficienda sunt certa axiomata & aphorismi, ex historia, quæ perlecta est.

Pro exemplo talium animadversionum proponitur
Joan. Bernardo Bonifacio Marchione Oriæ, in epi-
ola ad Philippum Camerarium historia Pompeji &
Cæsaris: quarum summa hæc est:

1. *Ille locus fugienti deligendus, qui non facile potest
pugnari.* Hoc non observavit Pompejus, qui Ro-
ma fugit in Græciam, in qua militaris disciplina penè
omnis extincta erat, cum debuisset fugere in Hispani-
am, ubi viri bellicosi erant, & disciplina militaris vige-
bat; adeo quidem, ut cum Cæsar ibi infelicitè ultimo
relio pugnasset, desperatis jam rebus de consciscenda
ibi morte cogitaret.

2. *Ducis prudentis est ritè persequi victoriam.* Huic
monito non obtemperavit Pompejus. Cum enim
prope Dyrrhachium jam fregisset Cæsarem, persequi
neglexit victoriam. Quod cum Cæsar vidisset, nega-
vit eum scire vincere.

DISCURSUS VIGESIMUS NONUS.

EX CHRONOLOGIA.

*De rebus memorabilibus, quæ variis temporibus
gestæ sunt.*

PRÆFATIUNCULA.

Chronologia habet pro objecto emendatam ratio-
nem temporis, soletque vocari oculus & anima Hi-
storia.

SECTIO I.

*Variæ quæstiones de rebus gestis secundum seriem
temporum.*

Quæstio 1. Quot fluxerunt anni ab initio mundi
usque ad nativitatem Christi?

Y 4

Respon-

Responsio. Variorum Chronologorum varia est quoad hoc punctum Chronotaxis. Quidam ab exordio mundi usque ad Christum natum computant annos 3947. Theophilus Raynaudus 3983. Henricus Samerius 3950. Baronius 5199. Venerabilis Beda 5200. Naclerus 5201. Regiomontanus 6984. Pererius 4022. Salius & Torniellus 4052. Quæ posterior sententia præ aliis arridet Auctoribus modernis.

Questio 2. Quando & quomodo inchoata sunt, quam diu durarunt, & quando desierunt quatuor nominatissimæ Monarchiæ mundi?

Responsio. Prima Monarchia, quæ fuit Assyriorum, inchoata est Anno mundi 1932. stetit annis 1404. usque ad Assaraddonem, minorem natu Sennacheribi filium, quem cum Nabuchodonosor Primus seu Merodachus (fuerunt enim duo alij Nabuchodonosores, nimirum Nabolassor seu Senior, & Nabuchodonosor Magnus) Babylonis Prorex Regno vitæque exuisset, ipse Imperium Babylonicum (cui adiecit Assyrium) fundavit Anno mundi 3334. duravitque annis 183, ac desuit in Balthasare, Rege Chaldæorum.

Secundam Monarchiam, quæ fuit Persarum, exorsus est Cyrus, qui devicto Astyage, Medorum Rege, potentia auctus, etiam Babylonios subegit Anno mundi 3517. Substitit autem hæc Monarchia Anni 208. & defecit in Dario Arsætis filio.

Tertia Monarchia fuit Græcorum, cui initium dedit Alexander Magnus Anno Mundi 3724. perstititque annis 228. Extinctum est hoc Imperium in Demetrio & Philippo Gryphi seu Crypi filiis, Syriæ & Asiæ Regibus; à quibus Imperium devolutum est in Tigranem Armenum; atque inde pervenit ad Romanos Anno mundi 3958.

Quartam Monarchiam, videlicet Romanam, orsus est

est Cajus Julius Cæsar Anno mundi 4006. cujus Majestas lapsu temporum ad Germanos devoluta est.

Quæstio 3. Quot fuerunt Imperatores Romani à primo usque ad modernum?

Responsio. A primo usque ad Carolum Magnum fuerunt Imperatores septuaginta tres: à Carolo Magno, qui regnare cœpit Anno Christi 800. ad Leopoldum Primum, nunc imperantem, omnino quinquaginta; quem etiam Numerum prima littera L. nominis augustissimi refert, ut observat P. Michael Pexenfelder in *Apparatu Eruditionis*.

Quæstio 4. Quæ fuit omnium urbium prima, & quando condita?

Responsio. Prima inter omnes urbes fuit Enochia, Anno mundi 130. è Caino fratricida exstructa.

Quæstio 5. Quando, & à quibus fuerunt inventa Arma & Musica?

Responsio. Circa Annum Mundi 688. Jubal Instrumenta Musica, Tubalcain arma invenit.

Quæstio 6. Quo anno mortui sunt Protoplasti nostri?

Responsio. Anno mundi 939. mortuus est Adamus, altero post anno Eva.

Quæstio 7. Quis fuit mortalium omnium annosissimus?

Responsio. Mathusalem longævitate vitæ superavit omnes homines; mortuus est autem Anno ætatis sue 969.

Quæstio 8. Quo anno natus & mortuus est Abraham?

Responsio. Natus est Abraham Anno mundi 2039. Ante Christum 2014. Excessit è vita Anno mundi 2213. post transactos vitæ annos 175.

Quæstio 9. Quando vixit Job?

Y 5

Respon-

Responsio. Vixit circa Annum mundi 2398.

Quaestio 10. Quo anno, & quo auctore inventa est lingua Græca?

Responsio. Inventa est à Cadmo circa Annum mundi 2584.

Quaestio 11. Quando condita est Urbs Romana?

Responsio. Condita est Anno mundi 3302, annis ante Christum 751.

Quaestio 12. Quando Nabuchodonosor mutatus est in bestiam?

Responsio. Id factum est Anno mundi 3464.

Quaestio 13. Quando cœperunt Consules Romani?

Responsio. Initium Romanorum Consulum fuit Anno mundi 3545.

Quaestio 14. Quis, & quando fuit primus Dictator Romanorum?

Responsio. Is fuit Titus Largius A. mundi 3557.

Quaestio 15. Quando vixerunt celebriores pictores & Statuarii?

Responsio. Celebrissimi pictores Zeuxis, Parrhasius, Timantes; Statuarii verò Polyletus & Phidias floruerunt circa Annum mundi 3609.

Quaestio 16. Quando vixerunt Plato, Aristoteles, Euclides, Demosthenes?

Responsio. Plato natus est Anno mundi 3634. Aristoteles 3670. Euclides 3649. Demosthenes 3676.

Quaestio 17. Quando est natus, & quando cœpit regnare Alexander Magnus?

Responsio. Natus est Anno mundi 3718. annorum 11. successit Patri Philippo, & Anno 3720. in Asiam trajecit. Mortuus est Anno 3730.

Quaestio 18. Quando floruerunt Archimedes, Cato Major, Cicero, Virgilius, Horatius?

Responsio. Archimedes floruit Anno mundi 3854.
Cato

Caro Major 3883. Cicero & Pompejus 3973. Virgilius & Horatius 4012.

Quæstio 19. Quot fuerunt Pontifices Hæbrei?

Responsio. Fuerunt sexaginta octo, quorum primus Aaron, ultimus Caiphas.

Quæstio 20. Quot fuerunt Iudices Hebræorum?

Responsio. Fuerunt sedecim; quorum primus Moses, Legislator, vixit annos 120. Josue judicavit populum juxta Salianum annis 17. juxta Bellarminum 26. Othoniël judicavit annis 40. Aoth annis 80. Barac & Deborah 40. Gedeon 40. Abimelech 9. vel, ut alii malunt. 3. Thola 23. Jair 22. Jephthe 6. Abesän 7. Ajalon 10. Abdon 8. Samson 20. Heli Judex & Pontifex 40. juxta Samerium 20. Samuel juxta Salianum 22. juxta Bellarminum 20. juxta Samerium 32.

Quæstio 21. Quot fuerunt Reges Hebræi usque ad captivitatem Babylonicam?

Responsio. Fuerunt 39. E quibus tres primi, Saul, David, Salomon dominati fuere duodecim Tribubus Israël. Inde facta est Regni scissio in Israël & Judam Anno mundi 3060. ante Christum 995.

Quæstio 22. Quot fuerunt Reges Judæ?

Responsio. Fuerunt viginti. 1. Roboam. 2. Abia. 3. Asa. 4. Josaphat. 5. Joram. 6. Ochozias. 7. Athalia mulier Tyrannica. 8. Joas. 9. Amasias. 10. Oσίας, five Azarias. 11. Joathan. 12. Achaz. 13. Ezechias. 14. Manasses. 15. Amon. 16. Josias. 17. Joachaz. 18. Joakim vel Joachim. 19. Joachimus seu Jechonias. 20. Sedecias. Hic in captivitatem Babylonicam abductus est à Nabuchodonosore cognomento Magno, Anno mundi 3446. ante Christum 607.

Quæstio 23. Quot fuerunt Reges Israël?

Responsio. Fuerunt novemdecim. 1. Jeroboam. 2. Nadab. 3. Baasa. 4. Ela. 5. Zambri. 6. Amri. 7. Achab. 8. Ochozias. 9. Joram. 10. Jehu. 11. Joachaz. 12. Joas.
13. Je-

13. Jeroboam. 14. Zacharias. 15. Sellum. 16. Manahem. 17. Phaccia. 18. Phacee. 19. Osée, qui expugnatâ Samariâ, Sede Regiâ à Salmanasare Rege Assyriorum, abductus est cum populo in captivitatem trans flumen Euphratem Anno mundi 3314. ante Christum 739.

Quaestio 24. Quot fuerunt Duces Hebræorum, post liberationem è captivitate Babylonica?

Responsio. Fuerunt viginti; quorum primus Zorobabel; decimus septimus Judas Machabæus, ultimus Joannes Hircanus, relictis quinque filiis: è quibus Aristobulus, natu maximus, Principatum in Regni formam convertit.

Quaestio 25. Quot fuerunt Reges Hebræorum post Duces?

Responsio. Fuerunt novem. 1. Aristobulus. 2. Alexander Joannæus, Aristobuli frater. 3. Alexandra seu Salomé, ejusdem uxor, vidua. 4. Hircanus. 5. Aristobulus. 6. Antigonus. In hoc defecit sceptrum Judæ. 7. Herodes Ascalonita (ab Urbe Ascalone, ubi educatus, hoc cognomen adeptus) gente Idumæus, & Magnus dictus; sub quo Christus natus est. 8. Archelaus Herodis filius, qui ex voluntate Augusti Cæsaris, dimidium regni Paterni, Judæam & Idumæam, rexit: Antipæ fratri Jordanis & Galilæa cessit: Philippo fratri Ituræa. Ita Monarchia in Tetrarchiam abiit. Denique Archelao relegato Judæa facta est Provincia Romana. Notus tamen Rex à Cajo Cæsare creatus, Herodes Agrippa, fœdissimâ tabe periit. Hæc ex Roberto Card. Bellarmino. Raynaudo, aliisque celebrioribus Chronologis Pexenfelder sup. citatus.

Quaestio 26. Quibus mundi annis nati sunt Christus Jesus Salvator mundi, S. Joannes Baptista, S. Anna, ejusque Sanctissima & Gloriosissima Filia Mariæ Deipara?

Respon-

Responsio. Nativitas Christi & S. Joannis incidunt in annum mundi 4052. Deipara in Annum 4038. S. Annæ in annum 4016.

Quæstio 27. Quot fuerunt Romani Pontifices primo seculo Christiano, sive à Christo nato usque ad annum Christi centesimum?

Responsio. Quatuor hoc seculo numerantur Romani Pontifices: S. Petrus, S. Linus, S. Cletus, S. Clemens.

Quæstio 28. Quo anno obiit sanctissima Virgo Deipara?

Responsio. Obiit Anno Christi 46. ætatis verò suæ, ut creditur, 60. Aliqui in annum 72. mortem gloriosam differunt.

Quæstio 29. Qui & quot Imperatores fuerunt primo seculo Christiano?

Responsio. Fuerunt duodecim: Octavius, Augustus, Tiberius, Caligula, Claudius, Nero, Galba, Otho, Vitellius, Vespasianus, Titus, Domitianus, Nerva.

Quæstio 30. Quinam viri doctrinâ illustres vixerunt primo seculo Christiano?

Responsio. Hoc seculo eruditione insigni claruerunt Ovidius, Valerius Maximus, Titus Livius, Persius, Silius Italicus, Lucanus, Seneca, Pomponius Mela, Plutarchus, Cornelius Celsus, Epictetus, Juvenalis, Plinius Senior, Martialis, Statius, Halicarnasseus, Vellejus Paterculus &c.

Quæstio 31. Quid insuper memorabile accidit primo seculo Christiano?

Responsio. Hoc seculo Herodes Ascalonita & Agrippa vermibus consumpti, Theriaca inventa & vitri flexilis temperamentum, Colonia Agrippina condita, Prima Romæ bibliotheca Asinii Pollionis erecta, Phoenix, avis ex Egypto Romam allatus, Anno Christi 35.

Quæstio 32. Quot Romani Pontifices vixerunt secundo seculo Christiano?

Responsio.

Responsio. Undecim Pontifices hoc seculo rexerunt Ecclesiam Christi: S. Anacletus, S. Evaristus, S. Alexander, S. Sixtus, S. Telesphorus, S. Hyginus vel Hyginus, S. Pius, S. Anicetus, S. Soter, S. Eleutherius, S. Victor.

Questio 33. Qui fuerunt hoc seculo magni nominis Doctores & Scriptores?

Responsio. Inter Patres, Doctores & Scriptores eximii fuerunt S. Justinus Martyr, S. Irenæus, Hegesippus, Tertullianus, Clemens Alexandrinus, Justinus, Florus, Elianus, Appianus, Athenæus, Julius Pollux, Aphthonius, Philostratus, Frontinus, Diogenes Laërtius, Solinus, Tacitus, Plinius Minor, Suetonius, Aul. Gellius, Lucianus, Apulejus, Apollonius Tyanæus, famosus Magus.

Questio 34. Quot Imperatores rexerunt hoc seculo Imperium?

Responsio. Novem rexerunt; videlicet Trajanus, Hadrianus, Antoninus, Marcus Aurelius & Lucius Verus, Commodus Pertinax, Didius Julianus, Severus.

Questio 35. Quinam Imperatores tertio seculo rexerunt Imperium Romanum & quinam Pontifices Ecclesiam?

Responsio. Pontifices rexerunt Ecclesiam quindecim, & Imperium Imperatores supra Viginti. Pontifices fuere S. Zephyrinus, S. Callistus, S. Urbanus, S. Pontianus, S. Antherus, S. Fabianus, S. Cornelius, S. Lucius, S. Stephanus, S. Sixtus II. S. Dionysius, S. Felix Primus, S. Eutychianus, S. Cajus, S. Marcellinus. Imperatores fuere Caracalla, Macrinus, Heliogabalus, Alexander Severus, Maximinus, Maximinus & Balbinus, Gordianus, Philippus, Decius, Gallus & Volusianus, Valerius & Gallienus, Claudius, Quintillus, Aurelianus, Tacitus, Florianus, Probus, Carus cum Canino & Numeriano, Diocletianus & Maximianus, Plautianus, Vale-

Valerianus, qui excoriatus fuit à Persis, & sale conditus.

Quaestio 36. Quinam Pontifices Ecclesiæ, & quinam Imperatores Imperio Romano præfuerunt quarto Seculo Christiano?

Responsio. Pontifices præfuere rebus sacris 1. S. Marcellus. 2. S. Eusebius. 3. S. Melchiades seu Miltiades. 4. S. Sylvester. 5. S. Marcus. 6. S. Julius. 7. S. Liberius. 8. S. Felix Secundus. 9. S. Damasus. 10. S. Siricius. 11. S. Anastasius.

Reipublicæ Romanæ Seculari præfuere hi Imperatores *in Occidente*. 1. Constantius & Galerius. 2. Constantinus Magnus. 3. Constantinus Junior. 4. Constantus. 5. Constantius. 6. Julianus. 7. Jovinianus. 8. Valentinianus. 9. Gratianus. 10. Valentinianus II. 11. Honorius. *In Oriente*. 1. Valens. 2. Theodosius. 3. Arcadius &c. Cæterorum Imperatorum Orientis & Occidentis, uti & Pontificum Romanorum nomina videri possunt in tabulis, quæ passim extant. Neque enim iis recensendis ulterius immorandum, sed potius ad alia minus nota, magisque memorabilia pergendum esse arbitror; præsertim cum magnam esse videam in hac materia sententiarum varietatem & contrarietatem; diversis Chronologis diversam atque repugnantem temporum computationem ineuntibus.

Quaestio 37. Quando *Alleluja* in Ecclesia primum cantari cœptum est?

Responsio. Circa Annum Christi trecentesium trigessimum.

Quaestio 38. Quo tempore Salutationi Angelicæ addita sunt hæc verba: *Sancta Maria Mater* &c.

Responsio. Hæc additio facta est in quinto seculo Christiano.

Qua-

Quaestio 39. Quando incepit usus Cereorum in festo Purificationis B. Virginis?

Responsio. Incepit in quinto seculo Christiano.

Quaestio 40. Quando S. Benedictus Ordini suo dedit initium?

Responsio. Dedit Anno Christi quingentesimo Vigesimo.

Quaestio 41. Quando Boji sive Bavari ad Christum conversi sunt?

Responsio. Circa annum Domini quingentesimum quadragesimum.

Quaestio 42. In quæ tempora incidunt initia Principatus Polonici.

Responsio. In Annum Christi quingentesimum quinquagesimum.

Quaestio 43. Quando sunt inventa specula ustoria?

Responsio. Anno Christi quingentesimo decimo quarto.

Quaestio 44. Quo tempore Ars Serici ex bombycibus conficiendi ex Indiâ in Europam invec̃ta fuit?

Responsio. Anno Christiano quingentesimo quinquagesimo septimo.

Quaestio 45. Quo tempore primus Dux Venetorum creatus est?

Responsio. Anno Christi sexcentesimo nonagesimo septimo.

Quaestio 46. Qui sunt Auctores Regnorum Bohemici & Polonici?

Responsio. Post annum Christi sexcentesium Zechius Croata initium dedit regno Bohemiæ, & frater ejus Lechus regno Poloniæ.

Quaestio 47. Quis inter Sanctos fuit primum solenniter in album cœlitum relatus?

Responsio. Is fuit S. Suibertus Anno Christi 710.

Qua-

Quaestio 48. Quando introducta est exosculatio pedum Pontificis Romani?

Responsio. Anno Christi septingentesimo quadragésimo.

Quaestio 49. Cui Regi Galliarum, & quando datus est primùm titulus *Christianissimi*?

Responsio. Datus est primùm Carolo Martello Regi Galliae Anno Christi 740.

Quaestio 50. Quando inventa est inductio solearum ferrearum pro pedibus equinis?

Responsio. Circa Annum Christi septingentesimum nonagesimum.

Quaestio 51. Quando institutæ sunt Academiae, Bononiensis & Patavinae?

Responsio. Bononiensis instituta est circa Annum Christi 369. Patavina, circa Annum 790.

Quaestio 52. Quando conditæ sunt Urbes, Constantinopolis & Venetiæ?

Responsio. Constantinopolis est condita Anno Christi trecentesimo trigésimo, Venetiæ Anno 451. vel (juxta Bellarminum) 421.

Quaestio 53. Quo tempore Electores Romani Pontificis primùm appellati fuere Cardinales?

Responsio. Circa Annum Christi octingentesimum quadragésimum quintum.

Quaestio 54. Quo tempore lilia Scuto Francico inditæ fuerunt?

Responsio. Circa Annum Christi 845.

Quaestio 55. Quo tempore septem Electores Imperii Romano-Germanici instituti fuerunt?

Responsio. Anno Christi 996. sub Gregorio V. Pontifice.

Quaestio 56. Quando Burgundia Imperio adjecta est?

Z

Respon-

Responsio. Anno Christi nongentesimo quadragesimo quinto.

Questio 57. Quando inchoatus est Principatus Saxonicus, Lotharingicus, Sabaudicus, Moscoviticus?

Responsio. Saxonicus inchoatus est Anno Christi 970. Lotharingicus 981. Sabaudicus 998. Moscoviticus 990.

Questio 58. Quando primùm usurpari cœperunt in Germania ludi equestres seu Trojani, vulgò *Torneamenta*?

Responsio. Circa Annum Christi nongentesimum nonagesimum sextum.

Questio 59. Quando primùm usurpata fuit mutatio nominis Pontificii?

Responsio. Fuit primùm usurpata in Joanne XII. circa Annum Christi 996.

Questio 60. Quo tempore Pileus rubeus Cardinalibus attributus est?

Responsio. Anno Christi millesimo ducentesimo quadragesimo quinto.

Questio 61. Quo tempore Austria, Stryia, Tirolis, Carinthia, Burgundia, & Bohemia Augustissimæ Domui Austriacæ adjectæ sunt?

Responsio. Circa Annum Christi millesimum ducentesium, octogesium secundum.

Questio 62. Quando inventa est acus nautica, item bombardæ?

Responsio. Acus nautica inventa est Anno Christi 1303. bombardæ verò Anno 1380.

Questio 63. Quando vixit Tostatus *Stupor mundi*?

Responsio. Alphonsus Tostatus claruit circa Annum Christi 1440. qui natus annos non plus 40. scripsit quatuordecim bene magna Volumina Commentariorum in sacram Scripturam: Unde meritò de ipso scriptum:

Hic stupor est mundi, qui scibile discutit omne.

Qua-

Quaestio 64. Quando Imperium Orientis transiuit ad Turcas?

Responsio. Anno Christi millesimo quadringentesimo quinquagesimo secundo.

Quaestio 65. Quo tempore fuit primum circumgestata SS. Eucharistia processione publicâ & solemni?

Responsio. Id factum Anno Christi 1404.

Quaestio 66. Quando capta est Constantinopolis à Turcis?

Responsio. Anno Christi millesimo quadringentesimo quinquagesimo tertio.

Quaestio 67. Quo tempore Helvetii stipendium à Rege Galliae accipere cœperunt?

Responsio. Anno Christi millesimo quadringentesimo septuagesimo nono.

Quaestio 68. Quando & à quo Typographia primum inventa est?

Responsio. Inventa est Año Christi 1440. à JOHANNĖ Guttenbergio Argentoratensi, vel Anno 1452. à JOHANNĖ Faustio Moguntiae.

Quaestio 69. Quinam libri fuerunt primò Typis excusi, post inventam Typographiam?

Responsio. Liber D. Augustini de civitate Dei, & opera Lactantii.

Quaestio 70. Quando Camera Spirensis, seu Dicastrium Imperiale in Germania institutum fuit?

Responsio. Institutum fuit Anno Christi 1488.

Quaestio 71. Quando Austria decorata fuit titulo Archiducis?

Responsio. Anno Christi millesimo quadringentesimo octogesimo octavo.

Quaestio 72. Quando inventa est aqua fortis?

Responsio. Aqua, quam vulgò *Fortem* appellant,

metallorum secretioni deserviens (unde & secretor dicitur) inventa est Anno Christi 1593.

Quaestio 73. Quo Anno Regnum Sueciæ à Polonico avulsu est?

Responsio. Id factum est Anno Christi millesimo sexcentesimo quarto.

Quaestio 74. Quantum sanguinis effusum est bello rusticorum in Germania superiori sæculo?

Responsio. Bellum illud in universa Germania supra 600000. homines sustulit.

Quaestio 75. Quando titulus Eminentissimorum attributus est Cardinalibus?

Responsio. Id factum est Anno Christi millesimo sexcentesimo trigesimo.

SECTIO II.

In qua traduntur variae Observationes Chronologicae, rerum notabilium & memorabilium, ad tempora ante & post Christum natum pertinentium.

Prima Observatio. Seth duabus columnis insculpsit Artes à se inventas.

Secunda. Astrologia coepit coli circa Annum Mundi trecentesium.

Tertia. Lamech fuit autor bigamiæ circa Annum mundi sexcentesium.

Quarta. Mathusalem, etsi mortalium omnium vixerit diutissimè, millenarium tamen, utpote figuram immortalitatis & æternitatis, non attigit.

Quinta. Noë est auctor Architecturæ ante diluvium, & post diluvium vini.

Sexta. Sem circa Annum mundi 1660. instituit scholam privatam, quæ postea Hebræorum dicta est.

Septi-

Septima. Nemrod circa Annum mundi 1720. instituit scholam Chaldæorum. Sub eo nobilitas incepit.

Octava. Circa Annum mundi 1745. incepit Regnum Sueciæ à Magog nepote Noë ex Japeto, ut sentit Alstedius in Encyclopædia; qui addit, eodem tempore incepisse Regnum Scythiæ à Magog.

Nona. Regnum Germanorum inchoatum est circa Annum mundi 1790. sub Tuiscone, quem avus ejus Noë cum 20. ducibus misit in Provincias Septentrionales. Idem Tuisco condidit etiam Regnum Sarmatarum.

Decima. Hierosolyma, primò dicta Salem, condita est à Melchisedech Anno mundi 1890.

Undecima. Anno mundi 1970. condita est Urbs Trevirensis.

Duodecima. Triginta Annis post exstructam urbem Trevirensē, Tigurum conditum & Solodurum, quæ tres urbes dicuntur sorores.

Decima Tertia. Circa Annum mundi 2000. Hermes Trismegistus Chymiam docuit Ægyptios & literas ipsis dedit, & horas ordinavit, & primos libros edidit: quorum numerus fuit 25000.

Decima Quarta. Abraham docuit Philosophiam, Mathematicam & Astronomiam, fuitq; fœderis inventor.

Decima Quinta. Quidam nomine Hana Anno mundi 2230. invenit modum procreandi mulos.

Decima Sexta. Isis soror & uxor Osiris Germanos docuit lanificium, vini & olei usum Anno mundi 2280.

Decima Septima. Año mundi 2300. condita est Hispalis (hodie Sevilla) cujus conditor fuit vocatus Hispalis.

Decima Octava. An. mundi 2367. incepit Regnum Galliæ, duravitque Annos 1131. ac deinceps per Sicambros continuatum fuit.

Decima Nona. Anno mundi 2410. quadrigæ à Troilo inventæ sunt.

Vigesima. Anno mundi 2440. Lugdunum in Gallia conditum est à Lugdo Francorum Rege.

Vigesima Prima. Bojus, Germanorum Rex condidit Bojobinum sive Bubienum, quæ nunc Praga appellatur. Factum id est Anno mundi 2460.

Vigesima Secunda. Eodem Anno Amazones invenerunt bipennes & tympana.

Vigesima Tertia. Año mundi 2580. primum Græcum carmen scriptum est à Phemonoë.

Vigesima Quarta. Bellerophon invenit piraticam maritimam Anno mundi 2600.

Vigesima Quinta. Anno mundi 2680. conditum est Aschaffenburgum (Authoris patria) teste Alstedio, qui tom. 7. *Encyclopadia libro 33. cap. 8.* scribit in hæc verba; Anno Mundi 2680. *Aschiburgium conditum est ad Mœnum.* Et paulò superius hæc habet: *Gibeon præest An. 40. Jud. 8. Ulfinus (Tacito Ulysses) regnat annis 53. condidit Ulsiburgum, seu Aschiburgum vulgò.*

Vigesima Sexta. Anno mundi 2690. Scholæ Medicorum cœperunt, auctore Chirone & Æsculapio.

Vigesima Septima. Anno mundi 2700. Scholæ Poëtarum cœperunt, auctore Lino, qui fuit Præceptor Herculis & Orphei.

Vigesima Octava. Anno mundi 2790. Scholæ Italianæ prinitus cœperunt auctore Evandro, cujus *Mater Carmenta à carminibus dicta est.*

Vigesima Nona. Anno mundi 3090. Alladius Rex Latinorum, dum tonitrua imitari conaretur, hiatu terræ absorptus est.

Trigesima. Anno mundi 3320. natus est Epimenides Cretentis, qui vixit annis 157. dormivit 57.

Trigesima Prima. Anno mundi 3320. Draco erat legisla-

islator Atheniensium, qui tanta utebatur severitate, ut delicta omnia capitali supplicio plecteret.

Trigesima Secunda. Anno mundi 3379. inventum est oleum in Italia.

Trigesima Tertia. Simonides Ceus invenit Anno mundi 3380. artem memoriae.

Trigesima Quarta. Massilia in Gallia est condita Año mundi 3400. à Phocensibus, fugientibus ex Asia metu Cyri.

Trigesima Quinta. Anno mundi 3420. Papyrius invenit Jurisprudentiam apud Romanos.

Trigesima Sexta. Circa Annum mundi 3440. vixit Heraclitus Philosophus, qui semper flevit.

Trigesima Septima. Primi Romanorum Consules Anno mundi 3442. creati sunt, Lucius Junius Brutus, & Publius Valerius Poplicola.

Trigesima Octava. Anno mundi 3459. Miltiades in Campis Marathonis decem millibus Atheniensium sexcenta Persarum millia profligavit.

Trigesima Nona. Aeschylus Anno mundi 3460. tragœdias apud Græcos invenit.

Quadragesima. Año mundi 3480. Anaxagoras primus apud Græcos libros edidit.

Quadragesima Prima. Anno mundi 3483. Cometa apparuit, primus eorum, quos novimus.

Quadragesima Secunda. Empedocles Anno mundi 3494. Rhetoricam invenit.

Quadragesima Tertia. Anno mundi 3500. Leges XII. Tabularum ab Atheniensibus & aliis Græcis acceptæ Romam deportatæ fuerunt.

Quadragesima Quarta. Anno mundi 3519. Græcia variis bellis ita exhausta & attrita fuit, ut, teite Plutarcho, ea universa non potuerit constare exercituum trium millium militum.

Quadragesima Quinta. Anno mundi 3520. tertia die Augusti fuit Eclipsis solis tam terribilis, ut stellæ interdiu viderentur.

Quadragesima Sexta. Aristophanes Anno mundi 3540. comœdias invenit.

Quadragesima Septima. Circa annum mundi 3560. videntur primùm Biblia Hebraica in linguam Græcam esse versa. Nam Plato & alii Philosophi ea legerunt in lingua Græca.

Quadragesima Octava. Alexander Magnus anno mundi 3615. devicit Darium. Habuit autem Alexander in exercitu suo 32000. peditum, 4500. equitum, 182. naves: quo tam exiguo apparatu totum Orientem sibi subjecit.

Quadragesima Nona. Regnum Scotiæ incepit temporibus Alexandri Magni, circa annum mundi 3619.

Quinquagesima. Chartæ sunt inventæ in Ægypto circa Annum mundi 3200.

Quinquagesima prima. Stada antiquissima Urbium Saxonæ circa annum mundi 3208. perhibetur condita.

Quinquagesima secunda. Diocles Caristius Regis Aragoni Medicus primus anatomica scripsit anno 3650.

Quinquagesima tercia. Anno 3670. Schola Alexandrina in Ægypto instaurata est à Ptolemæo Philadelpho: qui bibliothecam quadringentis librorum milibus ibi instituit.

Quinquagesima quarta. Anno mundi 3701. secundum compitum quorundam Chronologorum Judæis præfuit annis 17. Joannes Hircanus, qui fuit tritavus Christi, postremus Judæorum Dux è posteris Davidis.

Quinquagesima quinta. Circa annum mundi 3710. floruit Chrysippus, qui scripsit libros Logicos 371.

Quinquagesima sexta. In annum mundi 3730. incidit bel-

bellum Punicum II. inter Romanos & Hannibalem, non totis septemdecim annis gestum, quod 1500000. virorum millia consumpsit.

Quinquagesima septima. Anno mundi 3760. Cato Censorius gloritatus est, se plura oppida in Hispania cepisse, quàm dies in ea egerit.

Quinquagesima octava. Regnum Macedonum desuit anno mundi 3785. in Rege Perseo, quem Paulus Æmilius devicit, cæsis 20000. Macedonum.

Quinquagesima nona. Anno mundi 3798. Cometa apparuit magnitudine solis, fulgore suo noctis tenebras dispellens.

Sexagesima. Anno mundi 3830. Mithridates Rex Ponti unâ epistolâ interemit 80000. civium Romanorum, qui per Asiam negotiandi causâ dispersi erant.

Sexagesima prima. P. Terentius, Varro Romanorum doctissimus, floruit circa annum mundi 3880. scripsitque libros 413.

Sexagesima secunda. Circa annum mundi 3910. Drusus sub Augusto Cæsare ad ripam Rheni 50. castella construxit. In his memoratur *Bonna* & *Boddriga*, vulgò *Boppert*. Idem construxit castellum Cattorum, *Cassel*.

Sexagesima tertia. Anno mundi 3923. 14. Februarii Octavius primùm Augustus Cæsar appellatus est.

Sexagesima quarta. Posonium, vulgò *Presburg* / conditum est à L. Pisone anno mundi 3940.

Sexagesima quinta. Anno Christi 19. Rex Germanorum Arminus à cognatis suis, mercede à Tiberio Cæsare conductis, occiditur.

Sexagesima sexta. Etiamnum hodie monstratur domus Pilati prope Turonium in Gallia; fuit enim à Vitellio relegatus.

Sexagesima septima. Anno Christi 64. Judæi arma

arripiunt, sed tristi eventu. Nam innumeris cæsis, tandem Hierosolyma à Romanis capta fuit, & Judæorum undecies centena millia partim immanifame, partim ultore gladio perierunt: atque insuper eorum centum millia sunt vendita in servitutem.

Sexagesima octava. Anno Christi 114. Judæi iterum rebellantes duce Barcochab, passim ad internecionem deleti sunt. In Ægypto 200000. trucidata sunt. Adrianus delevit 5000000.

Sexagesima nona. Maximinus Imperator An. Christi 237. per 400. milliaria soli Germanici vicos incendit.

Septuagesima. Anno Christi 252. pestis in Æthiopia exorta, per 15. annos omnes Romanas Provincias populata est.

Septuagesima prima. Anno Christi 329. Genobaldus primus Franconiæ Dux creatus est.

Septuagesima secunda. Schola Trevirensis omnium Germaniæ Academiarum antiquissima est.

Septuagesima tertia. Ingens terræ motus ferè totum terrarum orbem concussit anno Christi 367.

Septuagesima quarta. Regnum Hungariæ incepit anno Christi 381.

Septuagesima quinta. Anno Christi 398. Ordo Canonicorum Regularium à S. Augustino institutus est.

Septuagesima sexta. Anno Christi 409. Romæ sub Honorio Imperatore tanta fuit omnis annonæ caritas & raritas, ut homines hominibus jam imminerent, & in circo palàm audita sit vox illa: *Pone pretium humane carni.*

Septuagesima septima. In exercitu Honorii Imperatoris, nullo vulnere accepto, Gothorum millia ducenta ceciderunt.

Septuagesima Octava. Erfordia sive Erfurtum, cœ-
pit sub Arcadio & Honorio, anno Christi 421.

Septuagesima nona. Anno Christi 446. Muri Con-
stantinopolitani unâ cùm 77. turribus corruerunt.

Octogesima. Circa annum Christi 480. Arturus Rex
Angliæ inclaruit victoriis adversùs barbaros, In acie
uâ manu interfecit 460. hostes.

Octogesima prima. Justinus primùm Subulcus, de-
inde faber lignarius, postea miles, tandem Imperator
factus est.

Octogesima secunda. Slavi Illyricum & Dalmatiam
occuparunt anno Christi 614. & inde Slavonia appel-
latur.

Octogesima tertia. Mahomet Pseudopropheta 13.
annos impendit compositioni Alcorani.

Octogesima quarta. Bohemi originem ducunt à
Slavis, quia Zechuse eorum auctor, fuit natione Sla-
vus.

Octogesima quinta. Academia Erfordienfis fundata
est anno Christi 650. à Dagoberto Rege Franco-
rum.

Octogesima sexta. Circa annum Christi 682. fuit A-
dolphus Comes Nassoviæ, & Tutor Hassiæ.

Octogesima septima. Septimo Seculo Christiano
fuit institutus usus campanarum & instrumentorum
musicorum in Ecclesiâ. Eodem tempore conversa
est ad fidem Flandria per S. Eligium, Franci Orientales
per S. Kilianum, Hollandi & Frisones per S. Wille-
brordum & Suibertum.

Octogesima octava. Librorum millia centena vi-
cena conflagrarunt Constantinopoli anno Christi
476.

Octogesima nona. Anno Christi 757. institutum fuit
Parlamentum in Gallia.

Nona.

Nonagesima. Anno Christi 797. sol per dies septendecim obscuratus mansit mirabili prodigio.

Nonagesima prima. Carolus Magnus anno Christi 800. restituit imperium occidentale, deinceps à Germanis obtinendum.

Nonagesima secunda. Anno Christi 928. Leopoldus cognomento *Illustis*, ab Henrico I. Imperatore fit primus Marchio Austriæ.

Nonagesima tertia. Anno Christi 1010. omnium maxima fames & pestis grassatur, toto orbe terrarum.

Nonagesima quarta. Henricus (ni fallor) IV. Imperator Romano-Germanicus sexaginta duobus præliis interfuit, quæ inceperunt anno Christi 1065.

Nonagesima quinta. Anno Christi 1095. institutum est triduanum in principio quadragesimæ jejunium: & addictum cultui Deiparæ sabbathum. Eodem tempore institutum est Officium Beatæ Virginis.

Nonagesima sexta. Anno Christi 1013. viginti millia puerorum profecta sunt in Palæstinam ad bellum sacrum. Pecierunt autem fame, peste, gladio.

Nonagesima septima. Anno Christi 1168. corpora trium Regum Caloniam translata sunt.

Nonagesima octava. Anno Christi 1177. Monachium Baviaræ Caput constructum est.

Nonagesima nona. Anno Christi 1183. Otho Wittelspachius Principatum Baviaræ obtinuit; unde hodierni Baviaræ Duces.

Centesima. Anno Christi 1138. mortuus est in Gallia Joannes de temporibus Caroli M. armiger, ætatis suæ anno 361.

Centesima prima. Irnerius Wernerus Germanus primus publicè in Italia professus est Juris prudentiam.

Centesima secunda. Anno Christi 1155. Hermannus
Mar-

Marchio Veronenſis à Friderico II. Cæſare creatus eſt primus Marchio Badenſis & Hochburgenſis.

Centefima tertia. Circa annum Chriſti 1212. Guelphi & Gibellini maximas dant turbas: illis Pontificias, his Cæſareas partes ſequentibus.

Centefima quarta. Anno Chriſti 1250. centum millia hominum diluvio pereunt.

Centefima quinta. Anno 1232. Mechtildis Comitiffa Hennebergenſis parit unâ vice 350. liberos.

Centefima ſexta. Anno Chriſti 1241. Mons in Burgundia deſerit ſuam ſtationem & alii cuidam monti ſe aggregat, atque in hoc ſuo itinere necat quinq; millia hominum.

Centefima ſeptima. Anno Chriſti 1260. octo millia Orthodoxorum cædunt & vincunt centum millia hæreticorum Albigenſium.

Centefima octava. Anno Chriſti 1270. Comitiffa quædam prope Cracoviam unâ vice parit 36. liberos.

Centefima nona. Anno Chriſti 1276. Comitiffa quædam Hollandiæ parit unâ vice 365. liberos.

Centefima decima. An. Chriſti 1282. Veſperæ Siculæ 30. Martii fuerunt fatales Gallis: quippe qui ſpatio duarum horarum omnes ad unum in Sicilia ſunt trucidati.

Centefima undecima. An. Chriſti 1245. campanæ ſonitus, tum ad conſecrationem, tum Salutationem Angelicam decretus: concordantiæ Bibliorum editæ; Biblia capitibus diſtincta ſunt.

Centefima duodecima. Anno Chriſti 1291. Feſtum SS. Sacramenti inſtitutum, & genuflexio ad *Homo factus eſt* decreta fuit.

Centefima decima tertia. Domus Deiparæ Nazaretana è Galilæa in Dalmatiam anno Chriſti 1291. hinc in Picenum, in ſylvam Lauretanam translata fuit.

Centesima decima quarta. Admirabile tentorium, in quo Solis & Lunæ circuitus repræsentabatur, Friderico Imperatori à Soldano missum est anno Christi 1204.

Centesima decima quinta. Anno Christi 1239. Academia Viennensis in Austria constituta est.

Centesima decima sexta. Petrus de Vineis Friderici Imperatoris Cancellarius, ex oculatus, capite ad columnam, alliso interit anno Christi 1249.

Centesima decima septima. Anno Christi 1268. Conradinus Suevus, & Austriacus securi percussi sunt Neapoli.

Centesima decima octava. Circa annum Christi 1300. Ottomannus Imperium Turcicum à Tartaris hæctenus oppressum, longè latèque propugnare cœpit. Ab eo dicitur Imperium Ottomannicum.

Centesima decima nona. Anno Christi 1305. Clemens V. Sedem in Galliam transtulit, nempe Avenionem.

Centesima vigesima. Anno Christi 1311. Templarii uno die sublati sunt.

Centesima vigesima prima. Anno Christi 1315. tam sæva fuit & pestis & fames, ut plures judicati fuerint mortui esse, quàm superesse.

Centesima vigesima secunda. Anno Christi 1346. Angli cæciderunt 30. millia Gallorum; inter quos erant Principes undecim, 80. Barones, mille ducenti Nobiles.

Centesima vigesima tertia. Anno Christi 1363. Turcæ Joannem Palæologum Imperatorem Constantinopolitanum sibi faciunt tributarium.

Centesima vigesima quarta. Anno Christi 1371. Gregorius XI. Sedem Apostolicam ex Gallia reduxit Romanam.

Centesima vigesima quinta. An. Chr. 1394. Cometa apparuit, *Vern* dictus: qui putatur designasse defectiōnem Italorum ab Imperio Romano.

Centesima vigesima sexta. Anno Christi 1397. adversus Bajazethem Imperatorem Turcarum excitatum est illud belli fulmen Tamerlanes, Imperator Tartarorum; qui quater centenis equitum millibus, & peditarum millibus sexies centenis Bajazethem vicit (cassis ducentis millibus Turcarum) & catenis aureis victum in caveâ cancellata per Asiam circumduxit, ipsoque, equum conscensurus, usus est loco scabelli.

Centesima vigesima septima. Anno Christi 1408. Turca Janiticharos instituit.

Centesima vigesima octava. Anno Christi 1415. tam horrenda fuit eclipsis Solis, ut aves in terram deciderent.

Centesima vigesima nona. Anno Christi 1430. tria millia Helvetiorum trucidant 20000. in Exercitu Gallio ad Basileam.

Centesima trigesima. Anno Christi 1442. asperissima fuit hiems, 36. nivibus se invicem excipientibus.

Centesima trigesima prima. Anno Christi 1475. Reuchlinus didicit Romæ Linguam sanctam à Rabbi Abdia, singulis horis singulos aureos in didactrum pendens.

Centesima trigesima secunda. Anno Christi 1484. tantus vini proventus, ut non potuerit excipi ob defectum doliorum.

Centesima trigesima tertia. Morbus Gallicus circa Annum Christi 1495. primum in Germania auditus est.

Centesima quadragesima. Anno Christi 1345. vel 1349. Delphinatus ad Gallos transit, eâ conditione, ut Regum Galliæ primogenitus vocetur *Delphinus*.

Cent-

Centesima quadragesima prima. Anno Christi 1404. Jubileum à Paulo II. ad 25. annum reductum est.

Centesima quadragesima secunda. Anno Christi 1496. quadraginta millia familiarum Judaicarum ex Hispaniis pulsa.

Centesima quadragesima tertia. Anno Christi 1476. Ducatus Wirtenbergenſis inchoatus est.

Centesima quadragesima quarta. Anno Christi 1522. captus est Rex Galliae Franciscus I. ab exercitu Caroli V. ad Ticinum.

Centesima quadragesima quinta. Anno Christi 1529. Solimannus Turcarum Imperator Viennam frustra obsedit centenis & quadraginta millibus, amissis suorum 80000. iteratò 1531. sed eodem successu: denique 1533. tertium tentavit, sed non expugnavit Viennam.

Centesima quadragesima sexta. Circa Annum Christi 1549. numerata sunt per orbem universum monasteria 225044.

Centesima quadragesima septima. An. Chr. 1579. obiit Albertus V. Dux Bavariae cognomento *Magnanimus* qui leonem tanquam canem manu mulſit, & pedibus subſtratum habuit, assiduumque lateris comitem.

Centesima quadragesima octava. Hereditarius Catholicus Regis titulus Ferdinando Hispano concessus Julio II. vel potiùs restitutus, An. Christi 1582.

Centesima quadragesima nona. Henricus II. Rex Galliae in ludis nuptialibus lanceae fragmento perivit Anno 1546. Henricus III. à parricida cultro confoditus Anno 1588. in quo deſiit familia Valesiorum. Henricus IV. è gente Borbonia, cognomento Magnus, & ipſe parricidali cultro confossus interiit.

Centesima quinquagesima. Oppidum Plours in Italia.

lia cum 1500. hominibus monte obruitur Anno Christi 1618.

DISCURSUS TRIGESIMUS.

EX ETHICA.

De vitanda curiositate, tamquam homini periculosa & pernicioſa.

PRÆFATIUNCULA.

Ethica est pars Philosophiæ moraliſ. Hac enim dividi ſolet in Oeconomicam, Politicam & Ethicam. Porro Ethica officium eſt, docere moderationem affectuum, culturam virtutum, fugam vitiorum. Eam Marcus Tullius appellat vitæ ducem, virtutis indagatricem, expultricem vitiorum, inventricem legum, Magistram morum & diſciplinæ.

Plurima ex vana curiositate in genus humanum redundant, non modo pericula, ſed etiam detrimenta. Sicut enim qui guſtat aconitum, ut qualitatem ejus ſcrutetur, prius perit, quàm ſaporem ſentiat: ita qui curioſè rimatur ea, quæ ad ipſum non pertinent, prius ſeipſum peſſumdat, quàm cognoverit id quod ſcrutatur.

Curioſus dum querit quod non debet, invenit quod non vult.

Unde non immeritò S. Bernardus ſerm. 5. de modo vivendi curioſitatem appellat *damnoſam peritiã*.

Conſtat certè, non paucos ſtimulante inani curioſitate ſciendi res occultas ad ſe non pertinentes, imploraffe opem Dæmonis, ejuſque in cryſtallo, annulo, vel capſulâ, aliisq; rebus incluſi reſponſa ad quæſtiones curioſas avidè excepiſſe, atque adeo capitalis & jurati

inimici nostri consuetudine, non sine Creatoris injuria & propriarum animarū pernicie, familiariter usos fuisset.

Hujusmodi Spiritum, seu dæmonem familiarem habuisse fertur Cornelius Agrippa; de quo sic scribit Jo-
us in Elogiis. Immenso captu vastaque memoriâ scien-
tiarum, artiumque omnes Rationes, arcanaque intima
& summos apices complexus, disciplinas convellit, Re-
ligiones in dubium revocavit, studiorumque om-
nium labores festivâ declamatione derisit &c. Excellens
è vita nondum senex, apud Lugdunum ignobili & te-
nebroso in diversorio, multis eum tanquam necro-
mantiæ suspitione infamem execrantibus, quod Ca-
codæmonem nigri canis specie circumduceret; ita ut
cùm propinquâ morte ad pœnitentiam urgeretur, canis
illum sive collare loreum, magicis per clavorū emble-
mata inscriptum notis, exsolverit, in hæc suprema ver-
ba iratè erumpens: *Abi perditæ bestia, quæ me totum per-
didisti.* Nec usquam familiaris ille canis, ac assiduus ite-
nerum omnium comes, & tum morientis domini deser-
tor, postea conspectus est; cùm præcipiti fugæ saltu in
Ararum Galliæ fluvium se immeruisse, nec enataste, ab
his qui id se vidisse asserebant, existimetur. *Ita Jovius.*

Non minus periculosa, licet fortè minùs perniciosa,
fuit curiositas illius Juvenis Galli, de quo Schottus in
Phyfica Curiosa sequentem commemorat historiam.

Juvenis quidam in Gallia impuris amoribus deditus,
ut sciret, quid quovis loco ac tempore amasia, quanti
deperibat, nec tamen pro voto suo frequenter adire
poterat, ageret, dæmonem quærebat familiarem, à quo
id expiscaretur. Alteri ergo familiari suo animum
suum exponit, rogatque ut consilio vel auxilio se voti
sui compotem faciat. Respondit ille, habere se domi
capsulæ inclusum, quem quærebat, Dæmonem, eumque
fidelissimum, & ad reddenda responsa promptissi-
mum,

num, ideoque ne quidem pro magna pecuniæ summa eum venditurum. Licitatur alter nihilominus, & quantumcunque peteret pretium, liberaliter offert. Venalis non est, ait ille; nec, si esset, minùs centum aureis venderem. Accipe, ait Licitator, centum aureos, & mercem petitam affer. Hinc ergo, ut jocum solumque faceret amicus, gryllum in culina domestica venatu captum, capsulæ gossipio impletæ impositum emptori offert, docetque modum, quo responsa eliceret; nimirum ut, dum cubitum iret, capsulam sub cervicali collocaret, quæreretur quod scire vellet, aurem applicaret, & auscultaret: auditurum respondentem. His auditis latus emptor, solvit centum aureos, ac prima statim nocte, servatis priùs ritibus præscriptis, quærît quo loco esset amasia, quidque ageret? Audit respondentem, & discit quod scire voluerat. Redit die postero ad venditorem, agit gratias pro dæmone vendito, dilaudat fidelitatem amici, gratulatur sibi de pecunia tam bene impenta. Attonitus venditor, iugaris, inquit, non dæmonem, sed gryllum tibi vendidi, ut joco curiositatem tuam eluderem: en pecuniam tuam, quam retinere in animo nunquam habui: gryllum ocyus restitue; video enim Diabolum petitioni tuæ obtemperantem, per ipsum responsa dare. Sed nec pecuniam ut reciperet, nec mercem ut restitueret, adigi emptor potuit.

Minus perniciofa, perniciofa tamen fuit illa duorum Conjugum curiositas: cujus poena exitit, non Dæmonis illusio, sed status melioris in deteriorem commutatio.

Ajunt Principi cuidam in Saxonia subditum fuisse, qui ob gravem senectutem non amplius laborando victum sibi quotidianum comparare valebat. Ejus igitur miserrus Princeps, in aulam ipsum unâ cum con-

juge suâ recepit, ut illic findendis lignis, & cum uxor
in culinam aulicam portandis, operam daret. Dum Ru-
sticellus iste cum sua uxorcula, vetulus cum vetula, à
Principe sibi injuncto labore aliquamdiu functus esset
accidit aliquando ut muliercula portandis lignis ad-
modum defessa, virum suum in hunc modum querula
alloqueretur: Mi Marite, nisi Adamus & Eva in pecca-
tum lapsi divinum essent transgressi mandatū, utiq; nec
nobis præduri isti labores subeundi essent. Has queru-
las mulieris voces cum forte fortuna per fenestram pro-
spiciens inaudisset Princeps, mox rogavit senem quid
accidisset, quod uxor ejus tam flebiles q̄teustus funde-
ret. Territus misellus rusticus hoc improvise Principis
quesito, tandem rem, ut erat, confessus: Sortem no-
stram, inquit, deplorantes, inculābamus protoparen-
tes nostros, ut qui transgrediendo divinum mandatum
in paradiso, sinī causa hujus magni laboris, quem nos
quotidie sustinere oportet. Tum Princeps, Vos, in-
quit, ne culpam laboriosæ vitæ vestræ amplius in Ada-
mum & Evam transferre, & de illorum transgressione
imposterum conqueri possitis, vitam posthac otiosam
& tranquillam agatis per me licebit, nec ullos amplius
labores sustinebitis. Destinabo vobis commodum in
aula mea habitaculum, ac singulis prandiis atque cœ-
nis sex fercula vobis apponi curabo; eā tamen condi-
tione, ne quid de sexto ferculo gustetis; & ipse catinus,
cui illud à coquo inditum fuerit, semper opertus ma-
neat. Quamprimum autem sextam patinam aperue-
ritis, ad pristinos vestros labores redeatis. Dictum fa-
ctum. Vix octiduum abierat, quo istud par conju-
gum in dulci hoc otio vixerat, cum curiosæ mulieris
animum cupido incessit noscendi, quidnam ferculi sex-
tæ paropsidi inditum esset. Itaque Marito blandiens
vetula: Mi vir, ait, quid cibi in ultima scutella lateret?

At

et maritus constantior: Cave sis, inquit, malam rem, mea conjux! Nonne vides, quam jucundo fruamur otio, vitamque tranquillam & ab omni cura alienam agamus? quam tamen, levissimæ huic curiositati indulgentes, mox iterum perderemus. His verbis cum Maritus uxoris curiositatem aliquantulum commoveisset, paucis interjectis diebus muliercula virum artus adorta, tam diu aures ipsi vellicabat, donec bonus seniculus à vetula sua persuasus assensum præberet, sexamque scutellam retegeret, unaque musculus vivus, qui inclusus erat, exiliret. Veruntamen cum Principi famulus ciborum reliquiis asportatis, non reperto in sexta scutella musculo, animadverteret eam fuisse reclusam; sine mora, uti jussus fuerat, id Principi indicavit. Mox Princeps ambos accersiri jussit conjuges; utrumque marito exprobraret, cur ausus fuisset mandatum suum infringere, prohibitamque retegere scutellam? Hic tremebundus seniculus omnem culpam in vetulam suam transferens, in has tandem voces erupit: Mlementissime Domine, hæc uxor mea damnabili Curiositate ducta, usque & usque me, invitum licet, instigare non destitit, donec interdictam retegerem scutellam. Siccine? ait Princeps: Et Eva à serpente decepta blandissimis suis impulsibus Adamum pellicere non cessavit, donec ille fructu vetito vesceretur. Sed deum ambo in pœnam delicti è paradiso expulsi fuere: Eva quidem, quod se à serpente decipi passa sit; Adamus verò, quod morem gerens uxori suæ, comedisset de arbore, cujus esu interdixerat ipsi Deus. Habuit verò deinceps Adamus terram infœcundam suâ culpâ, & ex eâ necesse habuit laboriose quærere cibum quoad viveret. Itaque & tu, & uxor tua curiosula, ad pristinos labores redibitis.

Non absimile huic est, quod subjungo.

[Aa 3]

Prin-

Princeps quidam magni nominis opiparum instruxerat convivium : in quo dum varii ac festivi sermones ultro citroque miscerentur, inter alia quoque injecta erat mentio curiositatis feminarum. Ubi vir quidam primariæ nobilitatis ausus est dicere, tantam esse hodie nostrarum muliercularum curiositatem, ut si ea quondam in paradiso fuissent, non gustaturæ, sed omnia potius & singula vetitæ arboris poma devoraturæ fuissent. Hunc viri sermonem cum nobiles seminae quæ convivio simul intererant, ægerrimè tulissent (quod utique futurum ipse haud vanè præfenserat) ut dictam semel à se sententiam confirmaret, subdidit: fortè ejus rei experimentum capiendum ex occasione fortuito oblatâ, antequam à mensa surgeretur. Nec mora, quasi aliud quid acturus, clam coquo per famulum mandat, ut artificiosam appararet artocream, & quàm posset celerrimè mensæ imponendam curaret; priùs tamen vivam ei inderet aviculam. Strenuè mandata exequitur cocus. Infertur mensæ artocrea. Mirantur omnes artificiosam Coqui manum; Nesciunt tamen, quid intus lateret, præter Principem, & paucos alios, quorum intererat eam agere fabulam. Hoc ferculum cum aliquamdiu convivarum, præsertim mulierum, curiosis oculis expositum fuisset: hæ non contentæ pavisse oculos aspectu, desiderarunt etiam curiosum animum notiâ latentis cibi exsatiare. Res verò ex composito gerebatur; ac prohibitum erat structoribus, ne ullus, etiamsi id nobiles feminae postulaturæ essent, artocream discinderet ac divideret. Cum igitur nemo famulorum artificiosum tucetum difficaciter vellet, licet feminae id vehementer postularent; Ipsæ, denique, quòd se diutiùs continere non possent, desiderium suum expleturæ, junctis viribus artocream aggrediuntur; dissecturæ, ac visuræ quid

quid tandem edulii in ea contineretur. Vix cultro ad-
 erta fuerat farinacea caveola, cum repente inclusa a-
 ricula abiit, excessit, erupit, evasit, avolavit. Quod
 cum Princeps cæterique aulici conspexissent repente
 ingens toto triclinio risus obortus est. Cumque
 curiosa femina hac infidiatrice escâ captæ, atque in
 ruborem datæ fuissent, præ omnibus exultavit auli-
 cus ille nobilis, qui paulo antè in muliebris sexûs curio-
 sitatem invecus erat, quod assertionis suæ tam festivum
 atque extemporaneum specimen capere licuisset.

DISCURSUS TRIGESIMUS PRIMUS.

EX ETHICA.

*Dictamina quædam de vitanda Gula & Ebrie-
 tate.*

DICTAMEN I.

Intemperantia & ingluvies est fecundissimum plu-
 rimarum ægritudinum seminarium.

*Ubi est ventris ingluvies, ibi est morborum collu-
 vies.*

Abstinencia è contrario est sanitatis Magistra, & ad
 vitam prolongandam aptissimum medium.

Titum Pomponium Atticum Ciceronis amicitia
 notissimum, scribunt ætate jam provectum, ut incu-
 rabili morbo finem imponeret, inedia vitam finire
 constituisse. Sed cum vix biduum ab omni cibo ab-
 stinuisset, evanuit morbus, & æger pristinae valetudini
 restitutus est.

Fridericus Fornerus Suffraganeus Bambergensis
 Anno 1613. literis scriptis testatus est, se in Thuringia,
 cum in officio Visitatoris fungeretur, inter sex millia ho-

minum, quibus Sacramentum Confirmationis imper-
tiverat, multos valde annosos & longævos, atque adeo
inter sex millia diœcesanorum supra ducentos invenif-
se, qui annum centesimum excefferint. Inter quos
unus aliquis agebat annum centesimum quinquage-
simum, habebatque filios centum, nepotes 70. anno-
rum, pronepotes quoque & abnepotes. Atque h
omnes beneficio frugalitatis & temperantiæ ad eam
ætatem perducti fuere.

Veterum Medicorum iudicio, inter edulia omnia
nullum ad sanitatem conservandam, vitamque pro-
longandam efficacius est, quàm prîsanaide, cujus lau-
dibus Galenus Medicorum Princeps peculiarem con-
scripsit tractatum; Ubi inter alia scribit in hæc verba
Prîsana hordei bene cocta est optimum edulium, & in-
culpatissimum omnium eduliorum ad eûchymiam &
sanitatem. Sed ne ullum quidem alterum datur in-
ventu, quod (sive ut medicamentum, sive tanquam
nutrimentum exhibeatur) huic sit compos. Nam
blandi saporis est, & nullam habens insuavitatem: citò
digeritur, & facîle egeritur: arcet & abigit sitim ob-
lentorem, modicè nutrit & humectat: nusquam per-
angustos hæret meatus, sed ipsos permeat, & putridos
succos detergit, semiputres concoquit. Debet au-
tem fieri ex hordeo decorticato, non integro, sed
confrecto; neque coqui cum aqua simplici, sed cum
optimo gallinarum nigricantium jure, asperso piperis
& zingiberis pulvere. Hæc Galenus.

Sed vera prîsana, Galenicâ illâ & hordaceâ multò
nobilior, & ad sanitatem vitamque conservandam ac-
commodatior, est frugalis esculentorum & potulen-
torum usurpatio.

Qui amat vitam longam, amet mensam brevem.

Amavit utramque Zeno Citricus, Sectæ Stoicæ tam
mori-

moribus illustrator, quàm doctrinâ conditor; qui beneficio abstinentiæ vixit annis nonaginta sine ægritudine.

Abstinentiæ adjunxit cæteras corporis afflictiones Romualdus Anachoretarum Camaldulensium Fundator, vir integerrimus & abstinentissimus, qui *abstinendo & sustinendo* vitam ad annum vicesimum supra centesimum produxit.

Adeo vivere non est indulgere voluptatibus.

Gnome paradoxa, non cacodoxa est, quam subijcio.

Qui cupit vesci cibis multis, vescatur paucis; qui enim parum comedit, multum comedit, & qui multum comedit, parum comedit. Id ipsum hoc proverbio significare solent Itali: *Il mangiar molto fa mangiar poco.* Chi poco mangia, assai mangia, e chi assai mangia, poco mangia. Cui consonat dictum Gallorum: *Qui moins mange & despend, plus mange & despend: Qui plus mange & despend, moins mange & despend.*

In multis escis erit infirmitas. *Ecclesiastici 37.*

Propter crapulam multi obierunt; qui autem abstiniens est, adjiciet vitam. *Ibidem vers. 34.*

Unde Galli dicere solent, helluones facere sibi ipsis fossam sepulchralem dentibus suis.

Les gourmans font leurs fosses avec leurs dents.

Nec minùs verum est illud Italarum: *La gola n' ammazza più che la fame.* Breviter Plinius: *Cibis homines maxime pereunt.*

DICTIONEN II.

FRugalitate & abstinentiâ conservantur opes & bona fortunæ, voracitate verò dissipantur.

La cucina piccola fa la casa grande.

Grassa cucina, magro testamento.

A grassa cucina povertà è vicina.

La tavola è un ladrone segreto.

Certè hic fur duas opulentissimas civitates furatus est inter epulas Hugutioni Fagiola: qui accepto Lucæ, ubi tum erat, inter prandendum nuntio, Pisanos seditionem movere; prius inquit, prandeamus: postea satis tempestivè Pisas ad castigandos Rebelles veniemus. Finito ergo prandio celeriter Pisas contendit: sed à civibus exclusus Lucam properè rediit, ubi etiam portas occlusas reperit. Sic ergo undique exclusus, Veronam ad Canem Scaligerum se recepit, ejusque liberalitate vitam sustentavit. Cùm verò aliquando ad mensam sermo de hominibus voracitate insignibus incidisset, & Hugutio sibi adolescenti binos capones, quatuor turdos, armum ovillum, & pectus vitulinum in una cœnam vix satis fuisse, diceret: Petrus Napus homo valde argutus, atque etiam mordax, parum hoc, inquit, mihi videtur præ illo, quòd tu uno prandio duas opulentissimas urbes (Pisas & Lucam) intelligebat, quarum Hugutio fuerat dominus) absumpseris,

DICTIONAMEN III.

Meminerint potatores specialem inesse turpitudinem illi intemperantiæ, quæ in immodica sumptione potûs, seu ebrietate consistit: & hanc turpitudinem cum magnis detrimentis conjunctam esse.

Inprimis enim nimis loquaculus est ebrietas; & sæpe damnosè, semper periculosè detegit occultanda.

Infidelis secreti custos est ebrietas.

Doppo il bere ognun dice il suo parere.

Ex oculis, loculis, poculis cognoscitur homo.

Deinde temulentia est affinis stultitiæ.

Ex Vinolentia temulentia, ex temulentia amentia.

Reddunt delirum femina, vina, virum.

Ubi intrat vinum, ibi exit ratio.

Dove entra il bere, se n' esce il sapere

Quand

Quando le Vin entre dans le corps, le jugement s'en va dehors.

Primum poculum sanitatis est, alterum voluptatis, tertium contumelia, quartum insania. Pythagoras.

Nequè rationi tantum, sed sanitati etiam corporali, vitæque humanæ inimica est ebrietas.

Plures interierunt vinolentiâ, quam violentiâ.

Non facit ad multam crapula multa diem.

Multos exterminavit vinum. Ecclesiastici 31.

DISCURSUS TRIGESIMUS SECUNDUS.

EX ETHICA.

Instabilitati Fortunæ non esse fidendum.

DICTAMEN I.

Considera Fortunæ injurias, quibus hodie exagitaris, fortè cras, forte perendie in mera blandimenta optatosque favores conversum iri. Id ipse fortunæ Genius, qui nihil constans ac perpetuum suis polliceri potest, præter inconstantiam, non obscure patefacit. *Fortuna mutatur ut Luna.* Verissimum est illud Gallorum adagium: *Temps, Vent, Femmes, & Fortune, se changent comme la Lune.* Fortuna tessellata est, quia bona malis, mala bonis interpolat. *Ludunt invicem tessera variante felicitas & infelicitas.*

Nubila post soles, post gaudia sæpe dolores.

Fortunæ rota modò ab imis ad summa erigitur, modò à summis ad ima deprimitur. Repentè nunc hi ex alto dignitatum fastigio præcipitantur, nunc illi ex improvise in altum evehuntur. Hanc desultoriam Fortunæ levitatem experti sunt plurimi; Sortis modò faventis gloriosi sponsi, modò adversantis probrosa ludibria.

Sau-

Saulem ab Asinis, Davidem ab ovibus ad sceptrum Israëliticum, Gigem à bobus ad Lydium, Menelaum è fornice ad Macedonicum, Arsacem à latronum spelæis ad Parthicum, Telephanem à carrucarii officina, Hyperbalum à Laternis: Hunc ad Principatum Atheniensium: Illum ad aliud Imperium elevavit Fortuna.

Agatocles Patre figulo natus, usurpatâ tyrannide, ac Pœnis sæpius fortiter debellatis, cùm fortunæ filius crederetur repente crudelissimo fato à nepote Andragatho peremptus est.

Alcibiades in varia fortuna semper fuit audax, nunquam non fortis, sæpius felix. Athenis exceptus ut Deus, mox ejectus ut prædo, ad Persas transfugit; ubi Lysandro curante interfectus est: Verissima variantis fortunæ imago.

Dionysius Tyrannus Syracusanus, regno, virtute Timoleontis dejectus, ingens fortunæ ludibrium, Corinthi egit ludimagistrum: Throno in cathedram, sceptrum in ferulam commutato; Inter mortales vel fortissimus, si jacturam sensit: vel ignavissimus, si non sensit.

Scipio, postquam Hannibalem per armatas Legiones orbe exegisset, ipse reslante fortunâ, per urbanas rixas urbe exactus est.

Mirabilem fortunæ turbinem in Sejano orbis obstupuit. Quem enim manè (verba sunt Dionis Cassii lib. 98.) ut præstantiorem se universi ad curiam comitati fuerant, tunc quasi nequaquam se meliorem in carcerem rapuerunt. Quem coronis antè dignati fuerant, ei tunc vincula induxerunt. Quem tanquam Dominum stupaverant, eum fugitivi instar custodierunt, tegimenque obvelanti sese detraxerunt, alapis ingestis. Quem at tea prætextâ purpureâ veste decoraverant, cui genua flexerant, atque ut Deo, sacrificave-

caverant, eum tunc ad mortem duxerunt &c. Liberi ejus ex Senatus-consulto necati sunt: filiâ, quam pactus erat Claudii filio, priùs à carnifice constupratâ.

E contrario Agrippa victus, regnare jussus est à Cajo, catenâ ferreâ in auream versâ. *Adeo vincula Captivis & Regibus communia sunt.*

Viriathus, vir calliditatis fortissimæ, ex venatore latro, ex latrone subitò Dux & Imperator, occupatâ Lusitanîâ, per annos 14. Romanorum fasces infregit.

Carolus Galliæ Rex anno 1495. ducto in Italiam exercitu mirâ felicitate Regnum Neapolitanum occupavit, quod tamen paulò post ad Ferdinandum Alphonsi filium rediit; nihilque Gallis ex felicitate tanta superfuit, præter turpem morbum (Galli Neapolitanum, alii Gallicum vocant) quem altera Natio alteri imputat, pœnæ fœditate fœditatem culpæ insinuante, Carolus tertio post anno repentinâ morte extinctus est: è duobus regnis vix sepulchrum nactus, in quo putresceret.

Carolus V. Imperator, primùm per avi materni obitum, Hispaniæ, Neapolis, & Siciliæ Rex, tum hereditate paternâ Belgii Dominus, ac tandem Romano-Germanicus Imperator, per Europam omnem bellum gessit, & triumphum egit; Hispaniam suam tumultuantem compescuit, Belgas rebellantes in ordinem redegit; in Italia Mediolanensem Ducatum primò fœderatis, post sibi asseruit; Pontificem, Florentinos, Senenses, Genuenses, vel erexit socios, vel hostes afflixit; in Germania Solymannum Turcarum Imperatorem Viennâ depulit, Proceres acie victos sub jugum misit; Et quasi Europa tot victoriis angustior foret, delatus in Africam, Barbaris Gentibus Regem dedit, arcemq; posuit, ubi antè nec licèbat stare.

Sed tandem post tot erecta æternaturæ gloriæ trophæa,

phæa, fortuna Carolo Metis metam fixit, crexitque columnam terminatricem, cui inscripsit: NON PLUS ULTRA, propugnante urbem Metensem Guisio, & Cæsareanorum triginta millia absumente.

In attollendo premendoque Antonio Grimano, Venetorum Principe, fortuna mirabiles edidit ludos, alternantibus diversæ sortis impulsibus, ut exponit Jovius in Elogio virorum Illustrium; commemorans, quo pacto Antonius à prima adolescentia usque ad legitimam petendis laboribus ætatem, summos labores, tempestatumque pericula subierit: quomodo deinceps Procurator S. Marci sit factus, & ad culmen honorum pervenerit, patriæque acceptus & utilis fuerit, donec in prælio cum classe Turcica apud Sparadas Insulas, commutatis repente ventis, nec oportunè parentibus quibusdam Trierarchis, tota spe deiceretur, & propemodum deletâ classe Venetâ instructissimâ, clade maxima afficeretur, & Turcæ Naupacto potirentur. Grimano frustra se à Trierarchis per summam malignitatem atque ignaviam proditum conquerente, nec tamen in eos, quod essent nobilissimi ordinis, imperii severitatem exercente. Ejus fœde potius, quam male gestæ rei nuntius Grimanum summæ invidiæ exposuit, ut comminutâ repente ejus gratiâ atque auctoritate, Successorem ei Senatus decerneret Melchiorem Trivisanum, veterem inimicum, qui Grimano compedes injiceret, captivumque ad dicendam causam, Venetias continuo devehî juberet. Quo nuntio Grimanus ut insons, & egregiè animo constans, Senatui omnino parendum existimans, non expectato successore, compedes sibi ultro injecit, & peculiari mioparone Venetias devehctus est, Patribus sese compeditum, & judicii pœnam subire paratum ostendens. Nunquam antea Venetiis frequentius atque celebrius ullius re-
specta-

ſpectaculum fuit, cum eo habitu ſenex Imperator, & nihil tale ex æquo meritis, à rerum capitalium Miniſtris in carcerem duceretur, & plerisq; manarent lacrymæ ex memoria anteaſtæ vitæ. Publice autem accuſatus à Nicolao Michæle, demum non ut reus criminum, ſed ad minuendam invidiam, in Oſſarum, alteram Abſyrtidum Inſulam, relegatus eſt. Tandem cū aliquantiſper Romæ apud filium Cardinalem, nihilominus Patriæ inſerviens, vixiſſet, extinctâ Venetiis invidiâ, Patrum judicio revocatus eſt, *integritatis & virtutis ergo*. Hæc enim verba fuere publici decreti; quod nuſquam præclaram juſti Officii pietatem ullâ in re erga patriæ decus intermiſiſſet. Sequentibus annis Grimanus non modo Procurator S. Marci creatuſeſt, ſed etiam graviffimam legationem ad Franciſcum Galliæ Regem ſuſcepit, aliisque honoribus condecoratus, priſtinum gloriæ decus recuperavit.

Ludit in rebus humanis fortuna, & riſum Democriti ſternu Heracliti temperat.

DICTIONAMEN II.

Conſidera ſequentia pronuntiata, quæ tibi ad prudens regimen tui ipſius in utraq; fortuna magno erunt adjumento.

Primum. Sis fortunæ bonæ Rector, malæ victor. Si vero adverſæ fortunæ tela frangere non poſſis, cave ne ab illis frangaris.

Secundum. Qui non eſt fortunatus, fortunatus erit, ſi ſe per virtutem fortunâ dignum reddiderit. *Vera felicitas eſt, felicitate dignum videri.*

Tertium. Felicitas mera, eſt infelicitas vera. *Nimium boni, ſi nihil mali.* Fuit ſymbolum Tiberii Abſimari Imperatoris Orientalis.

Quartum. Magnæ virtutis eſt, cum felicitate luctaria
magnæ

magnæ felicitatis est, à felicitate non superari. *Felicitas & moderatio rarò habitant in eodem domicilio.* Huic affine est illud Italicum: *Con la prosperità difficilmente si lega la bontà.*

Quintum. Vera felicitas non fundat incolumitatem suam in ruina aliorum. *Infeliciissimi sunt, qui se aliorum infelicitate felices arbitrantur.*

DISCURSUS TRIGESIMUS TERTIUS.

EX ETHICA.

De sustinendis patienter molestiis & difficultatibus Agamiæ.

Considera illud Oraculum Apostolicum. 1. Corinth. 7. dico autem non nuptis & viduis, bonum est illis, si sic permaneant, sicut & ego.

Licet enim iis commodis careat agamiæ, quibus fortunata gaudent Matrimonia; Et contra aliis molestiis ac difficultatibus non careat, quæ nonnullis agamis perpeßu difficiles videntur; sunt tamen plerumque multo plura consortio feminarum annexa fastidia & onera, quæ ex variis hujus sexûs ineptiis, defectibus & excessibus originem ducunt.

Inprimis enim sunt feminae quædam admodum morosæ & rixosæ; de quibus (ut observavi in meo Itinere cœlesti *part. 3. dissert. ult.*) censent sapientes, præstare sub dio, ventis, pluviis, cæterisque Cœli injuriis expositum, quam cum tali muliere in eadem domo, vel sub eodem tecto commorari. Ejus enim litigia omnis aëris tempestates exprimunt, iisque præponderant, ut notavit Salazar. Mala mulier, inquit, cum clamat, tonat: cum probra & maledicta jacit, fulminat: cum contendit & litigat, nimbos & tempestates

states ciet: urit, cum querula est: & cum rigidam se,
minimeque amantem exhibet, glaciem effundit. De-
num si quæ aliæ sunt graviores Cœli inclementiæ, hæ-
c certe ab uxoris morosæ injuriis longissime superantur.
Expertus id fuit Socrates, quem uxor ejus Xantippe,
post multa verborum clamorunque tonitrua, aqua
ex fenestra demissa perfudit. Quo Lixivio ablutus
Socrates dixit: *Futurum putabam, ut post tonitruum
pluviam sentirem.* Vivit etiamnum Xantippe in suis
veluti neptibus, asseclis & imitatricibus.

Mortua Xantippe est jam pridem Socratis uxor;

Falsa hæc historia est; vivit adhuc hodie.

Vivit adhuc hodie. Non credis? Crede Roberto

Experto. Verè vivit adhuc hodie.

Aliæ sunt in perversis animi sui designationibus adeo
obstinatæ, ut nullis verbis, sed verberibus tantum ex-
pugnari contumacia possit.

Fustuarium est male Mulieris Magisterium.

*Buon cavallo vuol sperone, cattiva donna vuol
bastone.*

Aliis inest mira quædam, singularisque malitia, &
virulenta malignitas.

*Brevis omnis malitia super malitiam Mulieris. Ec-
clesiastici 25.*

Il n'y a que deux bonnes femmes au monde;

L'une est perdue, & l'autre on ne la peut trouver.

Femina nulla bona est, quod si bona contigit ulla,

Nescio quo pacto res mala facta bona est.

Imo quidam Satyricus sibi persuadet, ipsam Dæmo-
nis malitiam à malitia muliebri superari.

Aspide quid pejus? tigris; quid tigride? demon;

Dæmone quid? Mulier; quid Muliere? nihil.

Accommodata est præsentī instituto fabella non illepidā, quam commemorat Stengelius in opusculo de Divinis iudiciis.

Incessit aliquando malum Genium uxoris ducens cupidō. Sed erat monstrosa facie; nulla ei nube voluit puella. Itaque petulcā animum coactus est ducere, de alio marito acquirendo jam dudum desperantem. Nuptiæ nocturno tempore sub patibulo sunt celebratæ, totiꝝ provinciæ sagis & veneficis præsentibus. Post epulum ex assatis muribus, avicularum loco paratum, atque obscænis rebus conditum, in patibulo sedens cum utriculari tibia vetulus Cordobæ signum dedit ad choreas inchoandas; ad quas Spontaneum nondum satur cum accedere nollit, orta est in ipsis jam nuptiis discordia. Ex eo tempore postea ita ab uxore illa tractatus esse fertur pessimus ipse maritus, ut ab ea profugere cogeretur. Dum fugit, Agyrtæ in sylva herbas legenti tristis occurrit. Ibi narratis uterque suis infortuniis, & consiliis collatis, fœdus fecerunt ut communis esset utriusque in negotiando lucrū. Immo postea igitur sæpius usurpata, in hunc modum homines fefellerunt: Diabolus præibat, & homines vel morbis vel aliis intemperis invadens, miserè exagitabat: tum superveniens Agyrta, profitebatur se non solum posse omne morborum genus herbulis suis persanare, verum etiam ipsum ex infaestis hominibus dæmonem pellere. Pactis igitur nummis, demum facile se sinebat stygiū Alastor exturbari. Aliquando autem Agyrta cupiditate pecuniæ victus, non satis fideliter lucrum cum dæmone partitus est: in cuius rei vindictam noluit amplius ex occupatis corporibus egredi dæmon, qui & convitiis circumforaneum proscidit, eumque in suspicionem magiæ, capitisque periculum adduxit. Irratus ergo Agyrta, caco dæmoni comminatus est, ad-

ductu-

ducturum se illius uxorem, à qua horrendis modis
 plectendus esset. Hac adjuratione tam vehementi
 exterritus Satan, non modo paruisse, sed totam quoque
 pecuniæ summam Agyrtæ reliquisse dicitur.

Epimythion seu affabulationem Lectori Misogamò
 faciendam permittò.

Aliæ carissimò pretio, & multorum laborum, tædio-
 rumque impendio vendunt viris amores suos. Nostis
 hoc optimè, & propriis experimentis edocti estis, quot
 quot proci & amasi estis. O quoties aliis quiescen-
 tibus vobis est abnoctandum, quot excogitanda hu-
 manitatis officia, quot conferenda munera; quot
 devoranda tædia, quot oportet instar Prothei in-
 duere formas, quoties simulandum & dissimulan-
 dum, quoties cum periculo corporis & animæ
 neunda monomachia; ut fiat amici unius sordida
 & abjectæ pellicis. His accedit, quod licet sex-
 centa vestris amasiis contuleritis beneficia, exquisitis-
 sima obtuleritis munera, innumera præstiteritis obse-
 quia, plurimos; ut eis placeretis, annos impenderitis,
 vires tam corporeas, quam pecuniarias exhausseritis;
 Si tamen vel semel austerius eas aspexeritis, sinistri ali-
 quid prolocuti fueritis; obsequium desideratum ne-
 gaveritis, omnia præterita beneficia oblivione sempi-
 terna sepeliantur.

Aliæ ornant se, ut placeant oculis, quibus placere
 non debent. Mulier compta & lasciva gerit compe-
 des in oculis, quibus vinciat; gluten, quo affigat; ha-
 mum, quo inuncet; flammam, quibus adurat; sagittas,
 quibus confodiat, non suum duntaxat, sed etiam alie-
 num animum.

Audiamus D. Cyprianum hujusmodi mulierculas
 oratione gravissima perstringentem. Non metuis,
 inquit, quæ talis es, ne, cum resurrectionis dies vene-

rit, artifex tuus te non recognoscat, & increpans vigor
Censoris & Judicis, dicat: Opus hoc meum non est
neque imago hæc nostra est. Cutem falso medica-
mine polluisti, crinem adulterino colore mutasti, ex-
pugnata est mendacio facies, figura corrupta est, vul-
tus alienus est, DEUM videre non poteris, cum oculi
tibi non sint, quos Deus fecit, sed quos diabolus in-
fecit.

Aliæ amant libertatem exspatiendi, & ædes alienas
hortosque non suos visitandi: quæ si à maritis negetur
gravissimè offenduntur; si concedatur, pudicitia illa-
rum manifesto periculo exponitur.

*Mulier levicula, quæ sæpe ingreditur alienum hor-
tum, non raro inde egreditur scortum.*

Nimia Conversatio est Mulierum depravatio.

*Chi abevera il suo cavallo ad ogni fontana, e man-
da la sua donna ad ogni festa, in breve fa una
rozza, e una puttana.*

Jam olim agnovit Galenus, mulieres intra dome-
sticos parietes continendas esse. Nam *lib. de usu
partium* scribit, idcirco mulieres esse mento glabras,
quòd, cum domi continere se debeant, piloso illo con-
tra frigus munimento, ut viri, non indigeant. Huc
spectat illud Xenophontis in *Oeconomicis*, feminam
idcirco factam esse à natura molliorem, pulchriorem-
que, ne prodeat in aërem foras & illius lædatur inju-
riis.

Hæc eo consilio afferenda esse censui, ut, si lecto-
rem ad amplectendam agamiam non moverent, per-
suaderent illi saltem, viri prudentis esse, magna uti
circumspectione in uxore ducenda. Ajunt uxorem
ducendam esse oculis, auribus, digitis; nam oculis de
forma, auribus de moribus, digitis de dote judica-
tur. Sed officium aurium præcipuè requiritur; quia
con-

consideratio de moribus cæteris omnibus anteponen-
a est.

DISCURSUS TRIGESIMUS QUARTUS.

EX ETHICA.

De variis astutis, imposturis, ac dolositatibus.

CAPUT I.

*Memorabilis Historia de quodam impostore, qui se
alienæ Uxoris Mariæ callidissime & impuden-
tissime professus est.*

ANno 1559. Bertranda Rolsia Artigatenfis in Diœce-
si Regienfi, Prætori Regienfi porrecto supplici
bello queribunda exposuit, se ante annos plus minus
ginti Martino Guerra nupsisse, eique novem aut de-
cem circiter annis matrimonialiter convixisse, atq; ex eo
confectu natum esse filium, nomine Sanxium, qui ad-
uc in vivis esset. Ipsum porrò Martinum, quoniam
juvenili quadam levitate Patri triticum furatus esset,
patria relicta octo annis domo abfuisse; quo tempore
nil de eo fama acceperit. Interea venisse ad se quen-
dam, qui se Maritum Actricis, Martinum Guerram di-
ceret, re ipsa tamen esset Arnaldus Tillius, cognomento
Ansetta, patria Sagienfis. Quem non dubium est
cum Martino contubernii familiaritatem in bello iniis-
se, & hujus consuetudinis occasione multa domestica
& arcana tum de Eo, tum de Uxore illius exploravisse,
et tumque similitudine vultus, qua Martinum refert,
omne jus amicitiae violasse, novum fallendi genus com-
mentum esse, ad quatuor illius Sorores, Patruum &
aliquos consanguineos, ipsamq; adeo Rolsiam, atque
omnes denique Artigatenfes accessisse, iisque adeo pro-

pria & certa indicia exhibuisse ut non modo iis, qui a familia erant alieni, verum etiam propinquis omnibus, atque ipsi Uxori Rolsiæ sit visus esse is, quem se esse dicebat. Ut mirandum minime fuerit, quod ipse videndi recuperandique mariti cupiditate ducta fuerit; cum præsertim Tillius multa arcana & occultissima, quæ inter Conjuges intercedere solent, expressi loci & temporis circumstantiis, commemorare solitus fuerit.

Ita factum, ut Tillius personam Actricis Uxorio nomine adeptus, per triennium & amplius maritaliter ipsi cohabitaverit, omniaque Martini bona occupaverit, quæ istum Artigati, tum Andææ in finibus Cantabrorum possederat, unde Martinus ipse oriundus erat. Porro ex illa lecti communione duos prodiisse liberos, seque tandem de prodigioso Tillii dolo & inaudita impostura certiorē redditam, in rem totam diligentius inquisivisse, idq; ex autoritate Prætoris Regionis, jamque veritate comperta se postulare, ut impostori gemina pœna irrogetur, ignominiosa videlicet & pecuniaria, ita, ut capite aperto & discalceatus, indusioque solo indutus, ac tædam incensam manibus tenens, se in DEUM, Regem, ipsamque Rolsiam graviter peccasse fateatur, veniam admissi flagitii publicè petendo; pecuniariam insuper multam 2000. librarum luat, ac denique victrici totius litis impensas ac damna refarciat.

Tillius reus è contrario hunc in modum suam causam adversus Rolsiam, ejusque consanguineos & affines agebat. Si quis unquam, a jebat, à cognatis indignis calumniis appetitus vexatusque fuit, is ipse ego sine controversia censi debeo: quem cum omnes satis intelligant, esse reipsa Martinum Guerram Artigatensem, Petrus tamen Guerra Patruus novū & antehac inaudi-

tum

un crimen aduersum me excogitavit, eò nimirum con-
 lio, ut immunis sit à reddendâ ratione administratio-
 nis bonorum meorum, quæ ille meâ abusus absentia in
 em suam convertit. Deinde rem totam fusiùs ora-
 one persequens narrare cœpit, quemadmodum annos
 circiter octo Regi militasset, ac deinde suos revisendi
 impulsus desiderio Artigatum reversus esset. Ac tametsi
 temporis intervallum non modicam in vultu mutatio-
 nem effecisset, cum domo proficiscens omnino imber-
 bis esset, reversum tamen, cum à cæteris, tum præcipuè
 ab ipso patruo agnitum, & ab eo omni humanitate cul-
 tum esse, donec tandem suis rebus animum intendere,
 earumque rationem reposcere, ac fructus toto absen-
 tiæ tempore perceptos repetere decrevisset. Hujus
 nim rei, inquebat, cum illum amicè non semel com-
 monescissem, meque verbis blandis tantummodo du-
 i intellexissem, tandem coactus fui litem ei intendere,
 & iudicio fortunas meas persequi. Nam ad restituendos,
 quos perceperat fructus, reddendamque admi-
 nistrationis rationem nunquam adduci potuit: quin
 potius ipse & Geniti ejus ob eam rem offensi, vitæ
 meæ non semel insidiati sunt; & aliquando me hostili-
 ter aggressi, vehtë propemodum ad necem percussum
 in terram dejecerunt, crudeliter me illic mactaturi, ni-
 si uxor præsens interpositione & incubitu corporis sui
 fructus avertisset, meque ab interitu vindicasset.

His Tillius apud Judices prolatis, cœpit longam
 narrationem, eamque veram (ut postea apparuit) in-
 stituere de Cantabrorum regione, Martini patria, de
 ejus parentibus, fratribus, sororibus, cæterisque con-
 sanguineis, quo anno, mense & die nuptias contraxe-
 rant, de focero & focru, de iis, qui tum aderant, & ma-
 trimonium conciliarant, de vestium ornatu, quas quis-
 que eo die gesserat, deque omnibus iis sigillatim, quæ

tum ipso nuptiarum die, tum antecedentibus & consequentibus gesta fuerant; ita ut eos etiam designaret, qui media nocte in geniali thoro se inviserant. Præterea de filio Sanxio, deq; illius die natali, de causa profectionis, de iis, quos discedens obvios habuit, deque aliis rebus plurimis, in quibus singulis commemorandis certas personas denotabat, ex quibus postea quæreretur, num res ita se haberet, ut ejus narratio tanto verisimilior redderetur. Sanè tot, tamque variis, iisque verissimis signis prolixa oratione recensitis effectum est, ut Judices sibi persuaderent Tillium à crimine immunem esse. Licet enim ipsi magno studio operam darent, ut eum in mendacio quopiam deprehenderent, nihil tamen profecerunt, neque unquam turbare potuerunt, aut efficere, ut minùs appositè vereque ad omnia interrogata responderet, etiam si separatim interjecto temporum spatio sciscitarentur. Instituta deinde est inquisitio accuratior, adductis in medium plurimis testimoniis. Ex quibus 30. aut 40. Reo faventes, testati sunt eum revera Martinum Guerram esse, quod magnam ab ineunte ætate cum eo familiaritatem habuerint, agnoscerentque in ipso certas notas & indicia, quæ in Martino fuisse constaret. At plures erant, qui Arnaldum Tillium esse contendebant. Ad quorum testimonia, cum alia insuper indicia ex Martini filio Sanxio sororibusque petita accessissent, Tillius judicum calculis condemnatus est. Is verò Sententiæ latæ non acquiescens, provocavit ad curiam Tolosanam.

Patres pro sua prudentia, proque rei gravitate, Petrum Guerram Patrum, & Actricem Rolsiam sibi in Senatu jubent. Ibi inter se committuntur, & primo loco Mulier. Ac tum Tillius vultu fuit ita intrepido, eamque constantiam, & quidem multò majorem, quam ipsa Actrix, præ se tulit, ut pauci ex iis, qui in judicio

icio sedebant, existimarēt ipsum dolo malo agere. Sed
uia nondum de re tota liquebat, placuit Senatui ex
fficio inquisitionem de aliis capitibus instituere, a-
osque testes citare, distinctos ab iis, quos prior Iudex
udierat. Quid plura? his omnibus confectis, res
etiam obscurior quàm antea evasit. Ex 30. circiter te-
stibus, decem Martinum esse seriò affirmabant: octo
Arnaldum Tillium. Reliqui pugnantibus circum-
stantiis hærebant. Unde facile intelligi potest, Judi-
ces non médiocriter perplexos hæsisse, cum causâ gra-
tatem, periculum, & ancipitem casum perpenderent,
quo tanta in utramq; partem momenta apparebant.

Enimverò non esse Martinum Guerram, sed Arnal-
dum Tillium, aut insignem saltem impostorem, quin-
que aut sex rationes vehementer suadebant. Princi-
pio extabant testes amplius 45. qui eum esse Arnaldum
Tillium affirmabant, sui que testimonii rationem opti-
mam afferebant, quod utriusque, & Martini & Tillii
consuetudine familiaritateque usi fuissent. Quo lo-
co observandum est, aliquot fuisse in his testibus notatu
dignas circumstantias. Erat enim ex eorum numero
ipse Tillii avunculus, nomine Carbo Barrautius, in quem
suspicio nulla cadere poterat; quod nemini verisimile
fuit, hominem sanguine junctum tam atrox menda-
cium confingere voluisse; ut nullâ causâ extante Ne-
potis mortem ignominiosam quæreret. Id quod satis
Carbo ille patefecit, cum produceretur Reus, tum
apud Prætorem Regensem, tum in ipso Senatu. Eum
enim vinctum, gravissimisque compedibus oneratum
videns, statim lacrymari, ejusque miseriam defflere cœ-
pit. Altera circumstantia est, quòd inter omnes ferè
testes convenerit, Martinum Guerram esse staturâ pro-
ceriorem, colore magis fusco, corpore & cruribus gra-
cilioribus, scapulis incurvis, capite humeris appresso,

mento bifido, & paululum repando, inferiori labello deorsum pendulo, dentibus exiguis, naso lato & resimo, cicatrice quadam in vultu notatum; cum interim Reus corpore esset pusillo & compacto, cruribusque crassis; & cæterasillas notas humerorum, nasi ac vultus nullas gerens. Tertia circumstantia erat, quòd Sutor, qui Guerræ calceos conficere consueverat, testaretur eum calceos duodecim punctis constantes gestare solitum, cum huic novem sufficerent. Quartò asseribat nonnemo, Guerram esse peritissimum artis gladiatoris, cujus Tillius planè ignarus erat. Quintò extabant duo testes, quorum uni, nomine Joanni Hispano, Tillius in patriam reversus se patefecerat, remque ut celaret, rogaverat, asserendo Guerram esse mortuum, bonis suis testamento sibi relictis. Alteri Valentino Rubio eum nomine proprio compellanti & Tillium esse cognoscenti, digito silentium indixerat; idemq; fecerat Pelegrino Libero offio. Sextò accedebant alii duo testes, affirmantes militem quendam patriâ Rupefortanum, non multò abhinc tempore, cum Artigato iter faceret, miratum fuisse, quòd Tillius se pro Guerra gereret, quem constaret adhuc in vivis esse, atque in Flandria degere, imminutum in bello alterâ tibiâ, ejusque in locum suppositâ ligneam.

Altera ratio, quâ ostendebatur Reum non esse Guerram, erat ipsius collatio cum Sanxio Guerræ filio, quâ Prætor Regiensis deprehenderat, eos nihil inter se similitudinis habere: idque multorum confirmabatur testimonio.

Tertia Ratio erat, quòd Martinus Guerra ex Cantabria oriundus esset, cujus nationis linguam constat multum à Gallica Vasconicaque discrepare, Tillius verò hujus gnarus, illius ignarus erat.

Quarta adducebatur Ratio, quòd uno ferè omnium ore

ore constanter diceretur, Tillium ab ineunte ætate
lagitiosæ vitæ assuetum, omnique generi furacitatis
ac fraudulentæ addictum, versutiam istam ac impu-
lentem imposturam excogitavisse.

E diverso autem, ut Reus non Tillius, sed ipse
Martinus Guerra crederetur, efficiebant testes fere 40.
& in his quatuor ejus sorores, quæ hoc ipsum affirma-
bant, ejusque rei rationes graves & idoneas afferebant.
Erant autem sorores illæ tam honestæ probatæque fa-
mæ matronæ, quàm quævis aliæ in tota Vasconia. Ad-
hæc testes supradicti proferebant magna ex parte notas
quasdam, quæ refutari non posse videbantur: gestasse
videlicet Guerram in mandibula superiore duos sub-
natos dentes, in fronte cicatricem, ungues primis digi-
tis depressos, tres in manu dextera verrucas, guttam
sanguineam in oculo sinistro. Quæ omnia signa in
Reo extare comperiebantur. Huc accedunt com-
plura alia non spernendi valoris argumenta. Pri-
mum est, quod ex testibus multipatefecerint prævum
Petri Guerræ consilium, qui cum uxore Generisque
suis in Rei necem & exitium conjuraverat; eoque
ut cum Joanne Lozæo Consule Palensiensi pacisci volu-
erit, si ad ejus perniciem certam summam pecuniariam
conferre vellet, se reliqua suppeditaturum. Illum au-
tem respondisse, malle se ad ejus salutem, quàm perni-
ciem bona sua expendere, quem suum consanguineum
Petro ipso sæpè affirmante didicisset. Alterum est,
quòd testes ferè omnes affirmant, hunc Reum, cum
Artigatum venisset, nominatim omnes salutasse, qui
Guerræ noti fuerant, ut quemque primo occurfu ob-
viam habebat. Qui si in eo agnoscendo non nihil hæ-
sitare videbantur, tum eum res præteritas in memo-
riam revocasse, & singulos hunc in modum compell-
lasse: Nonne meministi, cum ante 10. 12. 20. annos tali
in

in loco eramus, talia agebamus, tali cæui intereramus, tales sermones inter nos habebamus. Tertium est, quòd Aëtrici Rolsiæ multa occulta & arcana, solis Conjugibus nota in memoriam revocaverit; quodque domum redux statim sibi à Rolsia tradi postulaverit femoralia quædam certicoloris, quæ ipsè in tali cista, cum proficisceretur, reliquisset. Id quod Rolsia verum esse fatebatur. Quartum desumitur ex similitudine inter Reum & sorores Guerræ, quæ tanta fuisset perhibetur, ut ovum ovo non videatur esse similius. Quintum denique, quod Reus juramentum Rolsiæ deferre, eoque se verè Martinum Guerram esse confirmare non recusaverit, Rolsia verò nunquam jurare ausa fuerit. Quæ cum ita se haberent, magnam causam Senatus habere videbatur, cur absolvendum Reum censeret, præsertim cum isthæc absolutio Matrimonio, ipsique proli ex eo susceptæ favorabilis esset.

Verùm Deus, ut ostenderet se laboranti veritati subvenire velle, ne tam prodigiosum scelus occultum remanens debitis pœnis eximeretur; effecit; ut eo ipso tempore, quo de rei summa pronuntiandum erat, verus Martinus Guerra adveniret. Is igitur ex Belgio redux, alterâ tibiâ lignèâ ingrediens, ut supra commemoratum est, libellum supplicem contra impostorem Tillium Judicibus porrigit, sibi que dicendi potestatem fieri postulat. Decernunt Judices, ut Tillius cum Martino adventitio committatur. Ibi Tillius se multò quàm unquam aliàs proterviorem præbet: istum Sycophantam, vanissimumque impostorem appellat, pollicetur quoque se liquidò demonstraturum, eum à Petro Guerra pecuniâ corruptum & ad mentiendum subornatum esse. Pergit deinde multa narrare, eumque de rebus plurimis interrogare, ad quæ Martinus non tam promptè appositeque respondebat,

debat, quam antea visus fuerat Tillius, & tum quoque videbatur. His visis & auditis, Judices novum istum adventitium hominem remotis testibus solum interrogant, & ab eo quædam occultissima quærunt, quæ à neutro adhuc quæsierant. Deinde eo remoto Tillium accersunt, eademque ex illo sciscitantur, qui ad omnia interrogata planè eadem responderet, quæ alter. Quæ res toti cœtui stuporem immisit, opinionemque iniecit, eum Magicâ impietate uti. Itaque Judices, quo certius judicium facerent, præcipuos ex eorum numero, qui testati fuerant, Reum esse revera ipsum Martinum Guerram, sorores item Martini cum earum maritis, ipsumque Tillii avunculum cum fratribus & consanguineis adesse jubent, ut ambo simul, de quibus erat controversia, eorum oculis sisterentur, atque hac tandem ratione verus agnosceretur Martinus Guerra. Vocati adsunt omnes, præter Tillii fratres, qui nullis literis, minis, aut imperiò adigi unquam potuerunt, ut adversus fratrem testimonium dicerent. Adducta igitur in medium prima omnium soror natu maxima, quæ paulisper Martinum nuper è Flandria reducem intuita, fratrem suum esse agnoscit, & flens in ejus amplexum ruit, Judices his verbis alloquens: Hic demum est Frater meus Martinus Guerra, quem perfidus iste proditor (Tillium præsentem indicans) me & sorores meas falsis indiciis diu ludificatus, mendacissimè hæctenus repræsentavit. Assenserunt deinde & aliæ sorores, cæteri que testes, qui causam Tillii foverant. Tandem etiam Rolsia in medium adducta illico Maritum agnovit & obortis lacrymis errati sui veniam petivit, eâ excusatione usâ, quod per suam imprudentiam, Tilliique callidissimam imposturam, alieno viro adhæsisset. Ita Tillii dolus planè & plenè patefactus; & reus, ob commissum crimen falsi, adulterii, furti &c. à Curia Tolosana ad eam

pœnam est condemnatus, ut ad fores Ecclesiæ Artigatenfis, genibus flexis, solo tectus indusio, capite aperto, pedibus nudis, restim in collo, facem accensam in manibus gerens, à Deo, Rege, Martino Guerra & Bettranda Rossa Conjugibus, delicti veniam peteret; ac deinde carnifici in manus traditus, ab eoque cum resti in collo per plateas & compita civitatis Artigatenfis circumductus, tandem ante ædes Martini Guerra statueretur, ibique in patibulo ejus rei gratiâ erecto gula laqueo ipsi frangeretur, ac postremò cadaver combureretur. *Ex Theatro Vita humana Laurent. Beyerlinck aliusq. Auctoribus.*

CAPUT II.

*De Concubina Solymanni Imperatoris, Turcarum, quæ miro astu sibi dignitatem Augusta, pri-
vignis verò necem comparavit.*

Solymannus Turcarum Imperator ex Circassâ Servâ primogenitum Mustassam suscepit, juvenem omni virtutum genere conspicuum, quem Provinciæ Amasiæ præfecit. Ex Rossâ verò, sive Roxolana serva quatuor filios genuit, Mahometum, Bajazethem, Selimum & Zeangrium gibbosum; filiam quoque Chameriam, quam Rostano Bassæ primario elocavit. Rossa suis liberis Imperium astruere cupiens, mirabili dolo usa est. Mupletum sacrorum inter Turcas Principem certiorum facit, constituisse se in honorem Dei & Mahometi Prophetæ templum cum Xenodochio exstruere: dubitare verò, an id Deo gratum futurum sit. Respondit illi, gratum quidem id Deo fore, non tamen in Rossâ, sed in Solymanni, cujus impensis ipsa, utpote serva, ædificaret, salutem cessurum. Astuta mulier suam sortem deplorare, cibo potuque abstinere, liber-

libertatem à Solymanno petere cœpit. Is cùm amore incredibile eam prosequeretur, misso diplomate liberam esse iussit. Illa templum ædificat, & Solymannum ad se ut antè accedere cupientem, objecto libertatis privilegio, à complexibus deterreret. Turcis enim cum serva rem habere licet, cum liberâ extra Coniugium non licet. Imperator amore ardens (contrâ morem Othomannorum Principum, qui societatem Imperii vitantes, uxores non ducunt, sed servas tantum formâ elegantissimas, è toto orbe delectas, atque in gynæceo Constantinopolitano, quod *Serraglio* ab Italico vocatur, educatas, sibi pro libito adsciscunt) eam sibi matrimonio iungit, quinque aureorum ducatorum millibus annuis dotis nomine assignatis.

Convertit inde animum Rossa ad Mustaffam privignum suum opprimendum: quò vivo nunquam ad filios suos perventurum Imperium suspicabatur. Itaq; cum ille in summa gratia apud Janizaros esset, astuta Noverca de Solymanni vitâ se sollicitam fingens, Selimi exemplum crebrò adducebat, qui Bajazethem Solymanni avum regnò pellere conatus esset. Jamq; & Rostanus Gener virtutum Mustaffæ elogiò, seni suspicioso metum amittendi Imperii injicere non desinebat. At cùm Solymannus remissius ageret, Rossa Veneno Mustaffam tollere frustra conata, adulterinas literas, Bassæ Amasiensis, Mustaffæ Præceptoris, nomine usurpato, Solymanno ostendit: quibus nunciabatur, Mustaffam Persarum Regis filiam ambire. Solymannus id affectati Imperii signum evidentissimum esse iudicans, Rostanum sub specie Persas aggrediendi cum exercitû in Amasiam mittit, revera autem comprehendendi Mustaffæ causâ. Is dolus quia non successerat propter Mustaffæ potentiam, Solymannus ipsemet eò proficiscitur, & filium ad se vocat. Qui licet Achmoti Bassæ

literis de insidiis certior factus esset, innocentiae tam fiducia cum exercitu ad Patrem profectus est. Rostanus Janizaros honoris causa obviam misit. Quam incredibile alacritate festivisque plausibus Mustaffa fam excepissent: Rostanus id injussu suo factum dicens, Solymanni suspicionem auxit.

Triduo antè somniaverat Mustaffa, se à Propheta quodam in paradysum primò deductum, locum virtuti & pietati debitum conspexisse: inde verò ad lavam duorum flumina pice nigriora, perpetuis flammis ebullientia, in quibus impiorum Regum animae cruciarentur, oculis suis objecta esse. Quod somnium non parum committes ejus deterruit. Ipse verò magno animo Patri obediendum esse dictitans; praesertim ubi consulto Magistro suo, mortem honestam vitae aeternae portam, totius mundi imperio anteponendam audivisset: Veste candida indurus, solus ad Patris tentorium accessit. Ibi priusquam in Patris conspectum venisset, à septem mutis, qui throno Imperatoris semper assistunt nutusque illius observant, indicta causâ comprehensus, cum se manibus fortiter defenderet, acclamante tandem per cortinas Solymanno, proditorem è medio tollendum, qui sibi multarum noctium vigilias peperisset, chorda arcus strangulatus est. Morte Mustaffa publicatâ Janizari furore perciti ad tentorium Solymanni currunt, vindictam innoxii sanguinis exposcentes: à quibus Imperator multâ largitione vix impetravit, ut Aleppum deduceretur, quò cognitionem causae rejecerat.

EX ETHICA.
CAPUT III.

401

Memorabilis Historia de Tyranno quodam, subditorum animos memorabili astu sibi conciliante, & principatum stabiliente.

IN Regno Persidis Tyrannus quidam Aloadim, Senex de montanis dictus, Muleram regionem occupavit, & multos sicarios, (quos vulgò Assassinos dixere) sibi conjunxit, eosque memorabili astu ad maxima facinora patranda obedientissimos reddidit. In valle quadam amenissima, & præruptis cinctâ montibus, paradisum omni deliciarum genere (qualem impius Mahomet suis sectatoribus proposuit) instruxit. In faucibus, per quas vias patebat aditus, arcem extruxit munitissimam, ne accessendi potestas esset, præterquam conscis. Affirmabat interim claves se Mahometici paradisi habere; & cum libitum esset, porciones soporiferâ quibus vellet am oblata, dormientes in eum locum deferri curabat. Expergesfacti, cum omnibus deliciis affatim uerentur, revera se in paradiso esse credebant. At opportuna oportunitate iterum medicato poculo sopitos extra paradisum efferri mandabat. Cum evigilassent, immo mœrore voluptates perceptas, jam quæ amissas commemorabant, & earum desiderio mortem exorabant, vitam flocci faciebant, & ad omnia, quæ Tyranno placerent, patranda, paratissimos sese offerbant; de paradisi gaudiis, si Principi obsequerentur, securissimi. Cæterum Anno Domini 1261. Allau Rex Tartarorum Senem hunc in paradiso triennali obsidione circumiectum, inopiâ alimentorum deditionem facere cœgit, locum abolevit, assecclas omnes interemit. *Pausanias Venetus Oriental. Hist. lib. 1. c. 28.*

Cc

CA-

CAPUT IV.

Memorabilis astutia, quâ Reus quidam pœnam mutilationis evitavit.

Quidam nebulo furti & perjurii damnatus, cû lingua ipsi præcidenda esset, Judices rogavit, pœnæ rigorem non nihil mitigarent, offerrens eis gemmas aures pro una lingua præcidendas. Postquam exorati fuissent Judices, Carnifex ad executionem accingitur. Sed dum caput detegit remotis capilli aure utraque privatum reperit. Quæ res coram populi spectantis risum excussit. Ipse quoque sceleratus tacitè & in sinum suum risit, suoque dolo fortunatus periculum omne evasit, Judicum calculis absolutus. *Gilbertus Connatus lib. 1. Narration.*

CAPUT V.

Memorabile factum, quo Plaga & Verbera evitata.

Joannes Meunius primus inter Poëtas Gallicanos sub Persona Zalotypi in genus muliebre gravissimè investus fuerat. Regina Galliæ vindictæ cupida, hominem in suam redactum potestatem verbis primum, mox etiam verberibus in gynecæo castigari jussit. Jamque detractis vestimentis puellæ matronæque nobiles virgis infestis misero instabant; Cùm ille multis precibus & lamentis vix à Regina obtinuit, ut sibi auctoritate Regiæ, unum quiddam, libertate exceptum permitteretur. Petiit ergo, ut quæ impudicissima omnium foret prima manus sibi injiceret. Eo dicto terræ omnes, ne proprio indicio seipsas vel accusarent, vel accusare volentibus anîam præberent, ab incepto destitire. *Ægidius Corrozetus de dictis & factis memorab.*

EX ETHICA.
CAPUT VI.

403

Memorabilis Historia de Henrico Duce Brunsvicensi, astutâ simulatione mortis occultante concubinam.

HAbebat Henricus Dux Brunsvicensis in Matrimonio Mariam, sororem Ducis Wirtembergici. In hujus gynecæo erat puella quædam eleganti formâ, genere nobilis, Eva Trotina. Cepit hanc Henricus deperire, & cum flagitium persuasisset, proles aliquot ex ea procreavit. Deinde quo minus res deprehenderetur, & ut ejus frueretur consuetudine diutius, suadet puellæ, ut reditum ad domum paternam simul et currum, equos, & quidquid erat ad profectiorem necessarium ipsi subministrat. Abit illa, cumque domum ire putaretur, in quandam Ducis arcem abducitur. Hujus arcis Præfectus jam antè instructus erat à Duce, quid fieri oporteret. Expeditur etiam, & impenditur opera quarundam muliercularum, quibus Dux maxime fidebat. Eva paucis post diebus, quam ad arcem venisset, in lectulum sese abjicit, & morbum simulat. Dux jam antè curaverat fieri simulachrum ligneum, quod hominis mortui caput, cervicem atque pectus repræsenteret: reliquæ corporis partes erant expressæ linteo quodam, cinere suffarto, sic ut solidum videretur. Linteum sic effarto caput & pectus ligneum adaptaverant: Linteum verò sic formatum erat, ut etiam capiti obduci posset. Compositum ergo corpus ad hunc modum, & obvolutū, humi reponitur, ut in mortuis fieri consuevit. Tunc una ex mulierculis accedens Præfectum Arcis, nunciat Evam esse mortuam: mox ille parari jubet thecam ad reponendū in ea corpus: deterrendi verò causâ, ne quis propius accederet, fingunt interuisse pestilentiâ, & ex juniperi granis aliisque rebus odo-

ratis faciunt suffitum. Postea fumus effertur, & cum pompa deducitur ad Ecclesiam PP. Franciscanorum. His exequiis aderat Ducis uxor, cum pedissequis & ceteris virginum, omnes cultu lugubri. Interim Eva bene valebat in arce Stauffenburgenfi: Ad quam subinde revivens Henricus, ab eo tempore septem ex ea prole sustulit. Hoc Ducis factum inter alia fuit à Protestantibus Imperii Principibus Cæsari in Comitibus Spirensibus Anno 1544. indicatum. *Sleidanus lib. 15.*

CAPUT VII.

Memorabilis calliditas cujusdam adulteræ ad ultimum suum extemporali astu occultantis.

Mulier quædam prope Florentiam publici hospitii Uxor cubabat cum adultero in lecto. Accedit interim alius, cum quo pariter turpem habebat consuetudinem. Eum sentiens mulier scalas ascendentem, accurrit, & per fenestras ingressum parantem acriter increpat, atque ulteriore aditu arcet: asserens non esse tempus, quo ei satis fieri posset, rogansque ut è vestigio abiret. Renitendo, altercandoque cum tempus aliquamdiu tereretur, superveniens vir, quid sibi vellet ea concertatio, quæsit. Femina ad fallendum prompta, ex temporale mendacium cominiscitur. Hic, inquit, irato animo in ædes nostras irrupit; supplicem, qui huc confugit, persequens: Adulterorum alter, qui in lecto cubabat, auditis hisce verbis profiliit, se ulturum injuriam clamans. Vir de causa dissensionis interrogans, cum ambobus collocutus pacem composuit, ejusque firmandæ causa ad communes epulas utrumque admisit. *Poggius in facetiis.*

CAPUT VIII.

Memorabilis calliditas cujusdam Hispani avaram meretricem deludentis.

Hispanus quidam Venetiis Patricii cujusdam Scortum ad turpe flagitium invitabat. Illa procax & superba, sexaginta coronatis noctem paciscitur. Accepta ille conditione, ad meretricem cum oculis venit, mercedem numerat. Nocte interpesta surgit, & observato loco, in quo meretrix margaritas (quibus vice monilum Mulieres Veneræ uti solent) reposuerat, eas omnes sigillatim devorat, inque lectum, meretrice dormiente, revertitur. Illa margaritas non repertas ab Hispano repetit, & vi etiam per suos Lenones hominem excutit. Implorat ille popularium fidem, & tandem liberatur hoc solo innocentiae signo, quod neque in vestibus, neque in oculis eas uspiam haberet. Sic avara meretrix suis artibus à callido Hispano delusa, pro sexaginta coronatis trecentos (erant enim margaritæ magni pretii) amisit. *Andreas Vesalius in anatomia Oesophagi & Ventriculi.*

CAPUT IX.

Memorabilis astutia cujusdam perfida mulieris ultimam voluntatem mariti sui non tam exequentis, quàm nequiter invertentis.

Obscuræ cujusdam mulieris non obscura extitit perfidia. Ea bonorum omnium ex asse heres à depreto relicta marito: eâ lege, ut bovem aratorem venderet, & pecuniam pauperibus in solatium & refrigerium animæ demortui erogaret: altero die à funere bovem in forum producit, gallum gallinaceum ejus ergo imponit: hunc viginti aureis, illum uno dumtaxat citantibus proponit; sed eo pacto oneroso, ut qui

bovem emeret, gallum quoque emere cogeretur. Invento emptore, pretium bovis pauperibus impendit, galli verò sibi reservavit. *Joannes Paulus in Spudopodia.*

CAPUT X.

De Adalgo Agarenorum Duce, libertatem maiori dolo recuperante.

CAptus erat ab Imperatore Ludovico II. Adalgu Agarenorum Longobardiam infestantium Dux & Princeps, vir astutus & versutus. Ejus sortem Imperator miseratus, familiariter eo uti cepit, & non raro sum cum eo consilia communicavit. Bai barus insidias Imperatori moliens, suadet, ut si Capuam ac Beneventum firmissimo Dominio possidere velit, nobilioris urbis cives aliò amandet, plebem hoc pacto faciliùs in officio retentum iri. Imperator consilium approbans, clam vincula & compedes fabricari jussit. Verùm Adalgus omnia nobilibus patefacit, ut dictis suis fideret, conciliet, compedes illis manicasque ferreas ostendit. Cives Imperatorem per eos dies ad venationem egressum Urbe excludunt, & Adalgo libertatem, perfidie pretium impertiuntur. Qui exercitu collecto, ut perfidiam perfidie adderet, longâ obsidione Capuam & Beneventum cingit. Obsidione pressi ad Imperatorem refugiant, facti veniam petentes, quòd non malitiâ suâ impulsî, sed barbari astu decepti, Principem suum Urbem exclusissent, Imperator Legatos non admittens, eorum denunciari jussit, æquissimum esse, ut qui per Adalgum peccassent, per Adalgum quoque committere penas luerent. *Cuspinianus ex Zonera & Cedreno.*

EX ETHICA.
CAPUT XI.

407

*Memorabilis Historia de Semiramide, cruento dolo
regnum Assyriorum occupante.*

Fuit Semiramis initio Vernæ cujusdam Regii ancil-
la & concubina. In quam cum aliquando oculos
conjecisset Ninus Rex Assyriorum, Mulieris formâ &
tempore captus, eam adamare cœpit. Obsecuta Regi
mulier, ita eum stupri consuetudine sibi obstrinxit,
ut nihil esset tantum, quod aut à Rege ipsa petere non
auderet, aut petenti Rex negare vellet. Ergo cum ali-
quando dixisset Regi, teneri se magno cujusdam rei de-
siderio; Rexq; eam, quidquid tandem illud esset, apertè
ac liberè proferre jussisset. Cuperem, inquit, hoc mihi
à te concedi, ut unum duntaxat diem sedere mihi li-
ceret in solio tuo, & jus dicere; utque omnes toto illo
die mihi, quemadmodum tibi, obtemperarent. Risit
Rex, & quod petebatur, concessit. Nec mora, edi-
citur, ut certo quodam die omnes Semiramidi pa-
reant. Illa initio, experimentum captura, quædam
haud magni momenti imperat. Ubi seriò omnes in
rebus omnibus obtemperare vidit, mandat Satelliti-
bus ac stipatoribus Regii corporis, ut Regem ipsum
comprehendant: comprehenditur; ut vinciant: vin-
citur; ut interficiant: interficitur. Ita illa imperium
diurnum fecit diuturnum. Muretus lib. 6. variarum
lect. c. 7.

CAPUT XII.

*Memorabilis dolus, quo usus est Bajazethes Impera-
tor Turcarum in fœdere cum Republica Vene-
ta ineundo.*

Bajazethes II. inito clam fœdere cum Ludovico Me-
diolanensium Principe, Bellum Venetis inferre
de-

decreverat: consilia tamen sua tegens, Andream Zancanum Venetorum Legatum benignè excepit, & cum eo etiam fœdus renovavit, sed fœderis capita Latinis scripta litteris ei tradidit. Est autem eorum legibus cautum, ut quæ suæ linguæ verbis scripta non sunt, ea præstari non sit necesse. Erat tum Constantinopoli Civis Venerus Andreas Grittus qui mercaturam in ea urbe annos complures exercuerat. Is, quod omnia Turcarum instituta calleret, eâ de re Zancanum admonuit, atque ut fœdus verbis Turcicis conscriptum pereret, pro suâ in Patriam charitate, illum est adhortatus. Zancanius re tentatâ, cum nihil efficere potuisset; cum fœdere latinis exarato literis ad Senatum Venetum rediit: & ne nihil videretur attulisse, id quod à Gritto ea de re Constantinopoli intellexerat, Senatum celavit. Sed Grittus ipse Senatum ea de re admonuit, ne imparati à Tyranno opprimerentur. Eam ob rem à Bajazethe in vincula conjectus Grittus, de vita periclitatus est: sed tandem liberatus, summam post aliquot annos dignitatem in patria est consecutus. *Bembus l. 4. Hist. Venet.*

CAPUT XIII.

Memorabiles doli Gerlachii Electoris Moguntini, Manfredi Ducis Tarentini, Henrici Boji, Adeldardi & Hattonis.

INsigni artificio, vel potius politicæ artis vitio usus est Iquondam Gerlachus Antistes & Elector Moguntinus, cum Adolphum Nassovium cognatum suum creare Imperatorem intendit. Noverat is inter Principes Electores non modica esse dissidia, qui Imperio, cui Caput quærebatur, vel imminabant, vel destinati erant quorundam votis, quæ ipse enervata cupiebat.

Ita

Ita autem ea enervare decreverat, ut illis ipsis in rem suam uteretur. Itaque cum Electoribus nonnullis secrete seorsimque agens, significat Wenceslao tunc Regi Bohemorum, in Albertum Austriæ Ducem Wenceslai hostem pleraque Electorum suffragia collimare: se tamen, si de Wenceslai consensu sibi constaret, impedire paratum. Persuaso Wenceslao Saxoniem aggreditur, huiusque inimicum Brunsvicensem spei ad rerum summam proximum fingit. Palatino verò Wenceslaum (qui insensus tunc Palatino erat) ceteris, ni impediatur, Imperio propinquiorem ostendit. Ita singulorum inimicos evertere promittens, omnes circumvenit, quando Adolphum Nassovium cognatum suum postremò Imperatorem nuncupavit, quem primò nuncupatum procul dubio consensus omnium rejecisset. Cuspinianus in vita Adolphi rem paulò aliter narrat, dum ait, Electores penè omnes votum suum commisisse Gerlacho, adjectâ hac conditione, ne suffragaretur inimicis ipsorum; de cætero rem disponeret pro arbitratu suo.

Obsidebatur Manfredus Dux Tarentinus à Pontificis Alexandri IV. exercitu Nuceriæ. Prælio decertare non ausus, per dolosum figmentum se ab obsidione liberavit. Emisit clam ex Urbe nonnullos, pariatque ille erat calliditate instructos; qui cum paulò longius processissent, subornarunt quosdam non minori astutia audaciaque valeptes, qui lugentium habitu ex Suevia cum literis, quas ipsi conscripserant, annuloque adulterino signarant, venire se diceret, fictisque lacrymis nuntiarent, Conradinum Suevum Conradi Imp. Filiû è vivis excessisse. Res & nuntiata & credita fuit. Captus dolo Legatus Pontificis solvit obsidionem. Bavari Tutores Conradini, tanquam si nullus superesset, cuius tutelam gererent, pupillus, ex Sicilia discesserunt.

Manfredus velut pro defuncto rem divinam facientem atratus ipse curavit, Gazaque Panormo ad se translata, ac milite veterano largitionibus sibi conciliato, novoque ex Africa milite barbaro mercede conducto, quasi jam nullus Regni Siculi hæres legitimus superesset, Rex salatur: priusque Regnum & opes firmavit, quam fieret a quoquam fides, Conradinum vivere, animis hominum errore occupatis. *Emilius lib. 7.*

Turpior fuit dolus ille, quo Henricus X. Bojus, cognomento Superbus, Fridericum Comitem Bogium adversarium suum è medio tollere constituerat. Poscit Henricus per legatos à Friderico tempus locumque colloquendi de modo inimicitias finiendi. Fridericus consilium pacis putavit non esse respondendum. Itaque Zwifaltense Monasterium communi consensu pro congressu deligitur. Fridericus nihil insidiarum suspicatus, candore Germanico magis quam raro, quo cingebatur, comitatu securus erat; Henricus verò numerosiorem penes se militem habebat. Itaque bonâ, ut apparebat, fide conveniunt, pacatè colloquuntur, convivantur, recipiunt se ad nocturnam quietem. At nocte intempestâ excitatur ad Friderici conclave tumultus, ipsum ad necem postulantium. Quid ageret in rem desperatâ? confugit ad opem Numinis, quæ sola extremè periclitantem exitio poterat eximere. Dum omnes elabendi vias rimatur, en ipsi, velut divinitus, ostenditur inobservatum aliàs ostiolum, per quod evadit in vicinam templum, indeque in turris fastigium. Irrumpitur in cubile, excutiuntur omnes anguli, mirantur percussores, quorsum petita fera evaserit? Itur in omnes Monachorum cellas, officinas, diverticula, irritâ ubique indagine. Noctem in suâ speculâ Fridericus egit insomnem, medius inter spem &

& timores. Interim facinoris, periculique rumor emanat ad Friderici domesticos, & ab his extra septa Cœnobii ad amicos, qui densati ad arma convolant, factoque globo parant vindictam. Jam se dies aperuerat, cùm Fridericus notavit conglobatos, animisque resumptis, Henricum è sublimi sic alloquitur: *Contra fas, bone Dux, fecisti, qui me in pace vocatum, pacis non ferens signa, inimicum te potius, quam amicum ostendisti. Nec ab hoc facto propria fama revocavit honestas, nec carnis, quâ conjungimur, affinitas. Ne autem malum pro malo reddere videar, te tanquam amicum fideliter admoneo, ne fideles meos, quos undique adventare cerno, expectes.* Henricus, cùm facto non posset infamiam detrahare, pudore potius quam metu trepidus, sese mox è loco proripuit, dignus, cui ad cognomentum Superbi, etiam fraudulentum truculentique titulus impingeretur. *Otho Frising. lib. 1. de Frideric. c. 18.*

Anno Christi 904. Cùm in Italia res essent utcunque quietæ, Ludovicus filius Bosonis Veronæ cum Exercitu, futuri improvidus degebat, nihil minùs metuens, quàm clancularias fraudes factionum. Illum Adelardus Papiensis Episcopus (qui occultè Berengarii, Invasoris Italiæ, partes sequebatur) dolose in hanc sententiam allocutus est. Quod Cœlites, tibi, ò Rex, Regnoque tuo fortunent, jam tandem es affecturus, quod multis retrò annis, omnes ex animo suspiravimus. Pacatam sine rivali obtines Italiam. Berengarius perpetuo clausus exilio, & rerum inops tam desit timeri, quàm jam dudum fuerat odiosus. Debes tuæ virtuti, quòd ameris ab omnibus: nos cœlo debemus, quòd Regem nobis dedit, qui nostrâ gaudet libertate, qui benignitate ac clementiâ temperat imperium, gratissimus subjectis, exteris formidandus. Hoc omnium animis altè infedit, te non domina-

tionem

tionem & servos, sed Rectorem & cives cogitare, nullaque re magis delectari, quàm dandâ nobis incolumitate. Crede mihi, genius noster est, bonum Principem diligere, easque suspicere virtutes, quæ gaudium generant & amorem. Experitis, opinor, quæ Procerum in te sit fides, quàm sincera charitas civitatum, quàm primum omnium obsequium. Accepisti plausus vulgi, in quibus nihil est fucatum; audisti acclamationes, quæ non habuere tempus fingendi, in illo fervore popularis in te pietatis, quâ nullum habere potes firmius munimentum. Neminem enim unquam meliùs tutatæ sunt excubiæ, vel tela circumstantium, quàm populorum favor, qui sibi non timent, sed timent pro Principe. Si dicere licet quod sentio, certè sentio, te esse bis securum: semel, quia te fortissimi viri circumdant; iterum, quia neminem habes, quem timeas. Aliud est, quod subtimidè quidem, sed tamen sine fūco dixerim, te videlicet nullo deinceps exercitu indigere, quia nec superest, quem subigas, nec subactus est quisquam, qui se tibi subesse non lætetur. Id beneficii, si tuæ beneficiæ adjiceret, ut neque cives militum contuberniis, neque hibernaculis coloni, neq; nobilitas exterorum æmulatione, premerentur, jam te universi, non modò ut Regem, sed ut Numen aliquod de cœlo lapsum, amarent. Id an tuæ virtuti conveniat, & majestati, tuæ sapientiæ est judicare. Certè post tot bella populi egerent aliquo levamento, & exhaustum stipendiis ærarium, nullâ meliùs arte, quàm sublatis stipendiis potest suppleri. Ludovicus hisce captus delinimentis, copias, militari Sacramento solutas, à signis dimisit. Mox Adelardus sociiq; conspirationis, Berengarium, per occultos nuntios orant, obsecrantq; ne eunctando fortunam invitantem deferat. Ille comperit clientum mente, ex Bavaria (eò enim Ludovici armis com-

compulsus profugerat) Italiam repetiit, & noctis silentio Veronam (cujus fide maximè nitebatur) noctis silentio ingressus, nonnullos compertæ fortitudinis viros, Ludovico infensos armat, & albescēte Die in arcem evadit, ac Ludovico, qui in D. Petri Basilicam confugerat, exoculato; pronâ Italarum voluntate, diadema recipit. *Ex Annalibus Boicæ Gentis part. 1. lib. 13.*

Post dolosum Episcopum sequitur dolosus Archiepiscopus. Is fuit Harto Moguntinus Antistes, cujus Pseudopoliticâ calliditate Adalbertus Babenbergensis bonis pariter ac vitâ exutus fuit. Res ita contigit: Adalbertus Conradum Hassiæ Comitem prælio victum interemerat. Cujus mortem vindicatûrus Ludovicus Imperator (quo postea sine prole defuncto, Stirps Caroli Magni in Germania imperare dissiit) Adalbertum citat ad comitia, de nece Conrado Hassio illatâ; aliisque facinoribus causam dicturum. Adalbertus causâ diffusus, spreto vadimonio adduci non potuit, ut se judicio sisteret. Quare hostis Imperii à Ludovico declaratus, & velut contumax, Ordinum suffragatione, bello petendus esse cernitur. Ille cûm tantæ se moli imparem sentiret, in arcem munitam se recepit. Ludovicus arcem conclusum obsedit: sed cûm obsidio extraheretur, nec spes esset propinqua, arcis rebus omnibus instructæ, in potestatem redigendæ, Imperator Hattonis Moguntini Præsulis, cujus ductum sequebatur, instinctu, ad artes conversus, præ se tulit, se obsessum recepturum in gratiam, si modò bonæ frugis & vitæ quietioris spem ostenderet. Adalbertus nihil suspicatus doli, non detrectavit oblatum de pace colloquium. Hatto, qui consilium dederat, ejus exequendi visus artifex aptissimus. Itaque fide publicâ receptus in castrum, Adalberto prolixè omnia de Ludovici clementia pollicetur, si eam implorare voluerit;

rit; seque in eam rem, quantam liceret, operam allaturum. Experiretur duntaxat benevolum Regis animum, & eadem, quâ invitabatur fide, præsentis genuprenfaret. Cum hæreret Adalbertus; Ego, inquit Hatto, in me recipio, me salvum te, & incolumem, quicumque tandem sit futurus eventus, in arcem reducturum. Credit asseveranti homo priscae credulitatis, seque accingit itineri. Paulùm ab arce procefferant, nondum soluto jejunio, cùm Hatto simulans esuriem: Grave (inquit) erit, nullo cibo refectionis, quod restat viæ ad Regem conficere: præstaret, si tibi quidem videretur, jentaculo saltē nos recreare. Idem, inquit ille, tecum sentio; revertamur in arcem, obsonii copiam habituri, cujus nulla est copia in popinis rusticanis. Regressi in castrum, curatis corporibus rectè proficiscuntur ad Ludovicum. Vix aulam intraverant, cùm Adalberto vincula & compedes injiciuntur. Expostulanti autem cum Moguntino de fraude, hic promptè respondens: atqui, ait, fidem tibi datam exsolvi; cùm nihil à me præterea exegeris, quàm ut te salvum in arcem reducerem: & reduxi quidem; Tu verò periculo tuo es me deinde ad Regem comitatus. Sed quidquid ille hominum, divumque fidem inclamaret, Majestatis postulatus, Judicum sententiâ confestim ad securim est abreptus. Ejus bona redacta in fiscum, Babenbergensem Ecclesiam postea locupletaverunt. Cæterum Annales Hattonis vasa frumentum, velut homine sacro indignum, meritò detestantur. *Otto Frisingensis lib. 6. cap. 5.*

DISCURSUS TRIGESIMUS QUINTUS.

EX ETHICA.

Complectens brevem quendam totius Ethicæ Christianæ nucleum, ex variis pronuntiatis concinnatum.

Pronuntiatum I.

Duplex est animæ officium, *animare & amare*. Primum illa exercet in corpore, secundum exerceat in seipsa, & erga seipsam.

Pronuntiatum II.

Quemadmodum Solis, ita & Amoris triplex est radius: primus directus: secundus reflexus: tertius refractus. Amore directo prudens anima Deum, reflexo seipsam, refracto proximum diligit.

Pronuntiatum III.

Jactura rei parva, spei magna, animæ maxima est.

Pronuntiatum IV.

Quando Diabolo resistis, *hostis* est: quando consentis, *hospes* est. Melius est Diabolum *hostem*, quam *hospitem* habere.

Pronuntiatum V.

Mala dæmonis suggestio malam affectionem, mala affectio delectationem, delectatio consensum, consensus operationem, operatio consuetudinem, consuetudo desperationem, desperatio damnationem infelicitatena trahit.

Pronuntiatum VI.

Malæ cogitationes sunt liberæ à contributione, sed non sunt liberæ à damnatione.

Pronuntiatum VII.

Ut quatuor venti cardinales; Euris, Notus, Austri, Boreas, in mari procellas: ita quatuor passionēs, Voluptas, Dolor, Spes, Timor, inordinatos motus in animo concitant.

Pronuntiatum VIII.

Magna vitæ pars elabitur malè agentibus; maxima nihil agentibus, tota aliud agentibus.

Pronuntiatum IX.

Si virtutem habes, omnia habes: si vitium, nè te ipsum quidem; quia servus es tot dominorum, quod vitiorum.

Pronuntiatum X.

Sicut aternitas omne bonum facit infinitè melius; & optabilius, ita omne malum facit infinitè pejus & intolerabilius.

Pronuntiatum XI.

Honores fugiunt, manet *aternitas*. Aurum te deserit, manet *aternitas*. Caro dilabatur, manet *aternitas*: & pro tam vilibus, tam sævâ *aternitas*: pro tam fugacibus, tam longa *aternitas*: pro tam fallacibus, tam vera *aternitas*: pro tam fragilibus, tam dura *aternitas*: pro tam brevibus, æterna *aternitas*. O inæqualem commutationem!

Pronuntiatum XII.

Ouinam sapieres & intelligeres, ac novissima provideres! sapieres, quæ Dei sunt: intelligeres, quæ mundi sunt: provideres, quæ inferni sunt; profectò inferna horrerēs, superna appeterēs, quæ sunt mala contemnerēs.

Pro-

Pronuntiatum XIII.

Superbia est centrum, à quo egrediuntur lineæ ad circumferentiam omnis iniquitatis.

Pronuntiatum XIV.

Superbia est pondus in balance, quo dum mens hominis elevatur, divina, humanaq; gratia deprimitur.

Pronuntiatum XV.

Proxima Superbiæ comes est humiliatio. *Chi troppo è stima, cade sovente al basso dalla cima.* Proverb. Italicum.

Pronuntiatum XVI.

Vera humilitas nec habet oculos, quibus alienos delectus conspiciat: nec aures, quibus propria enconia audiat: nec linguam, quâ laudes suas deprædicer: nec manus, quibus excelsæ dignitatis solium sibi fabricet: nec pedes, quibus ad mundani honoris fastigium ascendat.

Pronuntiatum XVII.

Quantò plus honoramur, tantò plus periclitamur. *Sæpe fulmina feriunt culmina.* Sæpe utilius est *despici*, quàm *respici*. Magnorum magna ruina est.

Pronuntiatum XVIII.

Principatus est Illustrissimum nomen, sed durissimum officium: cujus miseriæ si plenè omnibus perceptæ essent, non toties uno de solio litigarent duo, sed plura essent regna, quam Reges.

Pronuntiatum XIX.

Honores sunt sicuti flores. Nam sicuti flores, cum amœnissimè vigent, repentè messoris in falcem cadunt, ita honores, succisâ Patroni benevolentia, ex improviso concidunt. *Mundano honor finisce corpe un fior.* Proverb. Italic.

Pronuntiatum XX.

Sæpe dignior est honorandus, quàm honoratus.

Pronuntiatum XXI.

Magis tibi honorificum est, si homines mirentur te non esse promotum, quàm si mirentur te esse promotum.

Pronuntiatum XXII.

Nihil est in rebus humanis *magnum*, nisi animus *magna* despiciens.

Pronuntiatum XXIII.

Consummatæ virtutis est, honorem mereri & spernere.

Pronuntiatum XXIV.

Honor est tam grave onus, ut sine aspiratione ne quidem pronuntiari possit.

Pronuntiatum XXV.

Atlantem oportet esse eum, qui cælum honoris & portare queat, & non succumbere.

Pronuntiatum XXVI.

Corona Regia est Peripheria, sed laborum, absque centro quietis.

Pronuntiatum XXVII.

Sæpius ima petit, melius qui scandere novit.

Pronuntiatum XXVIII.

Gloriatio vana habet flores, sed non grana: quia verbis est plena, sed factis egena.

Pronuntiatum XXIX.

Qui multum gloriatur, non multum operatur. *La pecora che più grida, hà manco latte.* Proverbium Italicum.

Pronuntiatum XXX.

Avarus tribus hominum generibus maximè nocet: Sibi, Pauperi, Heredi.

Pronuntiatum XXXI.

Avari vivunt vitâ aſinorum, & mulorum, qui auream ferunt ſarcinam, & fœnum edunt.

Pronuntiatum XXXII.

Avarus antequam aliquid lucretur, ſe ipſum perdit:
& antequam aliquid capiat capitur.

Pronuntiatum XXXIII.

Arcula avari eſt ſepulchrum, in quo ſepelitur vita pauperum.

Pronuntiatum XXXIV.

Quod avarus congregat, heres diſſipat. Quod parcus ſervat, prodigus ore vorat.

Pronuntiatum XXXV.

Melius eſt ditare, quàm ditescere.

Pronuntiatum XXXVI.

Plerùmque per divitias tranſitur ad delitias.

Pronuntiatum XXXVII.

Primis ſæculis *Conſcientia*, ſequentibus *Scientia*, nunc *Entia* in pretio ſunt.

Pronuntiatum XXXVIII.

Nulla in mundo res eſt, quæ non conficiatur *pecuniâ*: nullum ſcelus, quod non impetret *pecunia*: nihil tam arcanum, quod non propalet *pecunia*: nihil tam ſublime & inacceſſum, quod non pertingat *pecunia*: nihil tam ſanctum, quod non contamineſcat & profanet *pecunia*. Denique omnia per *pecuniam*, ipſæ etiam portæ inferni, aperiuntur.

Pronuntiatum XXXIX.

Præſtat Te eſſe multi pretii, quàm poſſideremul-
ta pretioſa.

Pronuntiatum XL.

Paupertas dura, ſed ſecura, & ſine cura.

Pronuntiatum XLI.

Divitiarum tuarum abundantia est alieni desiderii pabulum.

Pronuntiatum XLII.

Divitiæ sunt benè utentibus pennæ, malè utentibus plumbum. Illis ad cælum attollimur, isto ad tartarum deprimimur. Verissimum est illud Italicum: *L'argento mena l'huomo all'inferno, e resta fuori.*

Pronuntiatum XLIII.

Clavis aurea aperit omnes portas, etiam cæli & inferni; illas per eleemosynam, istas per avaritiam.

Pronuntiatum XLIV.

Qui in hoc mundo abusi sunt divitiis, tam erunt in futuro sæculo inopes, ut aquæ guttulâ carituri sint: tam infelices, ut eam obtinere non possint: tam improbi, ut obtinere non debeant.

Pronuntiatum XLV.

Non qui parum habet, sed qui plura cupit, pauper est.

Pronuntiatum XLVI.

Si ad Naturam vivas, nunquam eris pauper: si ad cupiditatem, nunquam dives.

Pronuntiatum XLVII.

Sic gerere nos debemus, non tanquam propter corpus vivamus, sed tanquam non possimus sine corpore vivere.

Pronuntiatum XLVIII.

Qui voravit usque ad nauseam, jejundet usque ad famem.

Pronuntiatum XLIX.

Ubi est ventris ingluvies, ibi est morborum colluvies.

Pronuntiatum L.

Qui amat vitam longam, amet mensam brevem.

Pronuntiatum LI.

Qui cupit vesci cibis multis, vescatur paucis; qui enim parum comedit, multum comedit: & qui multum comedit, parum comedit.

Pronuntiatum LII.

Helluones faciunt sibi ipsis fossam sepulchralem dentibus suis.

Pronuntiatum LIII.

Infidelis secreti custos est ebrietas.

Pronuntiatum LIV.

Ex oculis, oculis, poculis cognoscitur homo.

Pronuntiatum LV.

Ex Vinolentia temulentia, ex temulentia amentia.

Pronuntiatum LVI.

Reddunt delirum femina, vina virum.

Pronuntiatum LVII.

Primum poculum sanitatis est, alterum voluptatis, tertium contumeliæ, quartum insaniæ.

Pronuntiatum LVIII.

Non facit ad multam crapula multa diem.

Pronuntiatum LIX.

Abstinencia non est substantia, & tamen tres substantias conservat, corpus, animam, pecuniam. Huc pertinent, quæ vulgò circumferuntur: *La cucina piccola fa la casa grande. Grassa cucina, magro testamento. Agrassa cucina povertà è vicina.* Proverbia Italica.

Pronuntiatum LX.

Voluptates mundi sunt sicut Medicorum pilulæ, quæ extrinsecus auratæ & saccharatæ, intus amari simæ sunt.

Pronuntiatum LXI.

Brevis est, & voluptas vitæ, & vita voluptatis.

Pronuntiatum LXII.

Rarò sine dolore finitur in amore. *Amare non è senza amaro.* Proverb. Ital.

Pronuntiatum LXIII.

In amoris regimine non vivitur sine crimine.

Pronuntiatum LXIV.

Quatuor abscondi non possunt, Amor, Tussis, Ignis, Dolor.

Pronuntiatum LXV.

Amantes sunt Amentes.

Pronuntiatum LXVI.

Amor est legis impatiens. *Amore regge senza legge.* Proverb. Italicum.

Pronuntiatum LXVII.

Libido est flamma, quæ sæpe non aquâ, sed sanguine restinguitur.

Pronuntiatum LXVIII.

Amor carnalis est prælium, in quo qui fugit, vincit.

Pronuntiatum LXIX.

Optimo stratagemate utitur, qui in pugna castitatis non adversus hostem dimicat, sed *aversus*.

Pronuntiatum LXX.

Non benè *casta* caro, si benè *past*a caro.

Pronuntiatum LXXI.

Oportet castimoniam asperitatibus corporis, veluti rosam spinis circumsepire, ut eam à defloratione Veneris conservemus immunem.

Pronuntiatum LXXII.

Quinque sensus sunt quinque fistulæ, per quas anima lethiferum inconcessæ voluptatis venenum attrahit.

Pronuntiatum LXXIII.

Oculi sunt scopuli, ad quos allisa pudicitia naufragatur.

Pronuntiatum LXXIV.

Speciosam *faciem* rectè *facem* dixeris; inflammat enim aspicientes.

Pronuntiatum LXXV.

Socii corrupti sunt socii corruptores.

Pronuntiatum LXXVI.

Virginitas dum tangitur, angitur: dum aspicitur, inficitur: dum concipit, concidit: dum generat, degenerat: dum parit, perit.

Pronuntiatum LXXVII.

Tutior est Virginitas inter *Leones*, quàm inter *Leones*.

Pronuntiatum LXXVIII.

Mulier est tactu viscus, visu basiliscus.

Pronuntiatum LXXIX.

Sicut ferrum trahit *Magnes*, ita virum trahit *Agnes*.

Pronuntiatum LXXX.

Fugite viri eas feminas, quæ dum formam proponunt, pudicitiam exponunt.

Pronuntiatum LXXXI.

Mulier superbè amicta, in facie picta, in sermone ficta, non uni vitio est addicta.

Pronuntiatum LXXXII.

Cavete viri à feminis. Cavete feminæ à viris. Homo Homini lupus est.

Pronuntiatum LXXXIII.

Liber obscænus omnium horarum est leno. Lectionem turpem turpe plerumque flagitium excipit.

Pronuntiatum LXXXIV.

Præstat libros tuos extinguendo, quàm animam tuam non extinguendo incendio ardere.

Pronuntiatum LXXXV.

Curiosus dum quærit quod non debet, invenit quod non vult.

Pronuntiatum LXXXVI.

Melius est habere bona, quibus invideant mali, quàm habere mala, quibus succenseant boni.

Pronuntiatum LXXXVII.

Meretur respectum, qui contemnit despectum.

Pronuntiatum LXXXVIII.

Laudatoris laudato non est laudati melioratio.

Pronuntiatum LXXXIX.

Aut vera objecit calumniator, aut falsa; Si vera, ostendit, quod emendes: si falsa, ostendit, quod vites. Ita semper per calumniam vel melior redderis, vel cautior.

Pronuntiatum XC.

Aut iusta est ignominia, quâ affectus es, aut iniusta; si iusta, execrare causam illius, hoc est, culpam tuam; si iniusta, tuâ te conscientia consolare.

Pronuntiatum XCI.

Aut potentior est, qui te læsit, aut imbecillior; si imbecillior, parce illi: si potentior, parce tibi. Nam irasci sine viribus, est bellare sine armis. *L'ira senza forza non vale una forza.*

Pronuntiatum XCII.

Aut probus est, qui te injuriâ affecit, aut improbus; si probus, ergo injuriam non intulit; quia probus non est, qui injuriam facit; si improbus, ne ab hoc quidem injuriam accepisti, quia

Laudari est, homini displicuisse malo.

Pronuntiatum XCIII.

Cùm tibi aliquis injuriam infert, noli curare, & vul-
nus omne curasti.

Pronuntiatum XCIV.

Dux sunt victoriæ longè pulcherrimæ: injuriam
vincere patientiâ, & beneficium beneficiâ.

Pronuntiatum XCV.

Quò minùs iram premis, hoc magis ab ira pre-
meris.

Pronuntiatum XCVI.

Hominis ad hominem *sympathia* est secundùm
naturam, *Apathia* præter naturam, *Antipathia* contra
naturam.

Pronuntiatum XCVII.

Sicuti magnum malum est, malum ferre non posse;
ita magnum bonum est, vincere in bono malum.

Pronuntiatum XCVIII.

Majoris animi est injuriam non *agnoscere*, quàm
agnoscere.

Pronuntiatum XCIX.

Dilige inimicum tuum, ne fias inimicus Christi, qui
sanguinem suum profudit, ne inimicus tuus inimicus
Dei maneret.

Pronuntiatum C.

Hæc quatuor pronomina, *Ego*, *Tu*, *Meum*, *Tuum*,
sunt quatuor fontes omnium litium & discordiarum
in hoc mundo.

Pronuntiatum CI.

In foro litigantibus tres sacci sunt necessarii: *saccus*
pecunie, *saccus chartarum*, *saccus patientia*.

Pronuntiatum CII.

Sæpe melius est tolerare, quàm litigare. *Spesso è me-
glio patire, che piatire.* Proverb. Ital.

Pronuntiatum CIII.

Rebus alienis uti nonnunquam, abuti nunquam conceditur. Sed aliis nunc legibus vivitur, juxta illud Italorum: *Sproni proprii, e cavalli d' altri, fanno curte le miglia*, hoc est, Equi alieni, & propria calcaria faciunt curta milliaria.

Pronuntiatum CIV.

Lingua est clavis ad vitiorum omnium conclavia.

Pronuntiatum CV.

Levis sermo facile volat, & facile violat.

Pronuntiatum CVI.

Non in ore, sed in pectore nascantur verba oportet.

Pronuntiatum CVII.

Est tempus, quando nihil, & est tempus, quando aliquid: nullum autem tempus est, in quo dicenda sunt omnia.

Pronuntiatum CVIII.

Loqui, & non cogitare, est jaculari, & non collimare. *Parlar senza pensar, è tirar senza mirar*. Proverb. Ital.

Pronuntiatum CIX.

Ex verborum copia cognoscitur cerebri inopia.

Pronuntiatum CX.

Qui libenter ludit, sibi ipsi infortunium cudit.

Pronuntiatum CXI.

Fortuna tessellata est, quia bona malis, mala bonis interpolat.

Pronuntiatum CXII.

Ludit in rebus humanis Fortuna, & risum Democriti fletu Heracliti temperat.

Pronuntiatum CXIII.

Sis fortunæ bonæ Rector, malæ victor.

Pronuntiatum CXIV.

Si adversæ fortunæ tela frangere non possis, cave
ab illis frangaris.

Pronuntiatum CXV.

Felicitas mera infelicitas vera.

Pronuntiatum CXVI.

Felicitas & moderatio rarò habitant in eodem do-
micilio.

Pronuntiatum CXVII.

Vera felicitas non fundat incolumitatem suam in
ruina aliorum. Infelicissimi sunt, qui se aliorum in-
felicitate felices arbitrantur.

Pronuntiatum CXVIII.

Deus non deserit nos, nisi prius deferatur à nobis:
ad sæpe desertus non deserit, contemptus non con-
temnit, offensus non offendit.

Pronuntiatum CXIX.

Dilige alterum, ut diligaris ab altero. Diligi, nisi ipse
diligas, non potes: odio esse aliquibus, licet ipse non
oderis, potes.

Pronuntiatum CXX.

Se solus amat, qui se solum amat.

Pronuntiatum CXXI.

Humanus respectus est DEI despectus.

Pronuntiatum CXXII.

Apem propter aculeum non odisti, sed propter fru-
ctum mellis foves: cur igitur aculeatas monitoris tui,
quæ tibi profunt, voces odisti?

Pronuntiatum CXXIII.

Fustuarium est mala mulieris Magisterium, *Buon Ca-
vallo*

vallo vuol sperone, cattiva Donna vuol bastone. Proverbium Italicum.

Pronuntiatum CXXIV.

Mulier compta & lasciva gerit compedes in oculis quibus vinciat: gluten, quo affigat: hamum, quo inuncet: flammam, quibus adurat: sagittas, quibus confodiat, non suum duntaxat, sed etiam alienum animalium.

Pronuntiatum CXXV.

Mulier levicula, quæ sæpe ingreditur alienum hortum, non rarò inde egreditur scortum.

Pronuntiatum CXXVI.

Nimia conversatio est mulierum depravatio. *Chi abevera il suo cavallo ad ogni fontana, è manda la sua Donna ad ogni festa, in breve fa una rozza, e una puttana.* Proverb. Italic.

Pronuntiatum CXXVII.

Idcirco mulieres non habent barbas (inquit Galeus lib. de usupartium) quòd, cum domi continere se debeant, piloso illo contra frigus munimento, ut viri, non indigeant.

Pronuntiatum CXXVIII.

Uxor ducenda est oculis, auribus, digitis. Nam oculis de forma, auribus de moribus, digitis de dote judicatur.

Pronuntiatum CXXIX.

Qui rei amatæ qualitatem considerat in amore, amittit illam postea sine dolore. Unde si Pater diligens filium perpendat se diligere rem corruptioni obnoxiam, eo mortuo non multum tristabitur.

Pronuntiatum CXXX.

Animus æquus est optimum ærumæ condimentum: imò in re mala dimidium est mali.

Pronuntiatum CXXXI.

Inventi sunt plures, qui non riserint, nemo, qui nunquam flevit.

Pronuntiatum CXXXII.

Nullam Deus homini prosperitatem vendere solet, nisi ad pondus alicujus adversitatis. Ubi gustus, ibi disgustus. *Nul plaisir sans déplaisir.* Proverb. Gallic. *Hoggi in canto, domani in pianto.* Proverb. Italicum.

Pronuntiatum CXXXIII.

Sicut in cœlo pura & mera sunt gaudia, in inferno uri & meri dolores; ita in terra, quæ inter cœlum & infernum media est, permiscuntur gaudiis dolores.

Pronuntiatum CXXXIV.

Præmissas mellis sequitur conclusio fellis. Nubila post soles, post gaudia sæpe dolores.

Pronuntiatum CXXXV.

Adversarum rerum sensus felicissimo cuique acerrimusest.

Pronuntiatum CXXXVI.

Qui caret cruce, caret cœli duce. Nam, ut D. Augustinus ait, si exceptus es à passione flagellorum, exceptus es à numero filiorum.

Pronuntiatum CXXXVII.

Ærumnæ hujus sæculi patienter toleratæ, sunt nummi aurei, quibus beatitudinem emunt, quicunque eam emunt.

Pronuntiatum CXXXVIII.

Duo sint tibi in quavis afflictione refugia, *Deus & Amicus*: Ille pro auxilio, iste pro Consilio.

Pronuntiatum CXXXIX.

Ut Deus succurrat nobis in adversis, piè colendus est in prosperis. Si oblivisceris Dei in prosperitate,
obli-

obliviscitur tui Deus in adversitate. Unde illud Gal-
lorum: *Qui en prosperité met Dieu en oubly, en adversité
ne sera aussi oüy.*

Pronuntiatum CXL.

Tota hominis vita vertitur intra duos cardines
spem & metum. Unde canit Poëta:

Vita quid est hominis? spes & formido futuri:

Hac inter dubii vivimus & morimur.

Pronuntiatum CXLI.

Affectus animi tui in statione contine, ne limitibus
virtutis egressi, aut omittenda, committant, aut com-
mittenda omittant.

Pronuntiatum CXLII.

Bonus Christianus debet per *angusta* ad *angusta* ten-
dere.

Pronuntiatum CXLIII.

Sperne mundum immundum, in quo periclitatur
castitas in deliciis, pietas in divitiis, charitas in inimi-
citiis, puritas in immunditiis, innocentia in quotidianis
vitiis.

Pronuntiatum CXLIV.

Quotidie cogita unde veneris, & erubescere: ubi sis,
& ingemisce: quo vadas, & contremisce.

Pronuntiatum CXLV.

Melius est audire Socratem de moribus, quàm Hip-
pocratem de humoribus disputantem.

Pronuntiatum CXLVI.

Malos reprehende, tanquam laudaturus aliquando:
Bonos lauda, tanquam non semper laudaturus. Sicut
enim boni peccaturi timentur, ita mali corrigendi
sperantur. Nemo quippe tam est malus in *Re*, qui non
sit bonus in *Spe*.

Pronuntiatum CXLVII.

Adolēcentem oportet habere tria: *docilitatem* in mente, *silentium* in lingua, *verecundiam* in vultu.

Non omnis tamen erubescētia est illa virtus verecundiæ, quam in adolēcente requirunt sapientes. Sæpe enim vestigium mali operis est erubescētia.

Prodet te *facies*, turpia cū *facies*.

Pronuntiatum CXLVIII.

Adolēscens corroget, senex eroget.

Pigram adolēscētiā egena excipiet senectus.

Verissimè Galli: *Qui n' est diligent en jennesse, pauvre en sa vieillesse.*

Pareissent en jennesse, souffreteux en vieillesse.

Pronuntiatum CXLIX.

Ut senum est docere quærenda ab Adolēcentibus, a Adolēcentum est quærere docenda à senibus.

Non te prætereant narratio seniorum, ipsi enim didicerunt à Patribus suis, quoniam ab ipsis discēs intellectum. ecclesiastici 8.

Apollonius Thyanæus interrogatus, cur ipse nunquam aliquid quæreret? respondit: *Quoniam adolēscens multa quasi vi; nunc autem non quærere, sed inventa docere opus est.*

Pronuntiatum CL.

Adolēscens in via doctrinæ utatur ductu præceptoris, tanquam vehiculo; sciendi desiderio, tanquam viatico; fidei memoria, tanquam sacculo viatorio.

Pronuntiatum CLI.

In addiscendis artibus diligentia opus est, nec nimia, nec minima. Quia nimia Artes obscurat: minima eas auditis evertit.

Pro-

Pronuntiatum CLII.

Illum ego adolescentem verè MAGNUM dix-
rim, in quo si aliquid quærat non MAGNUM
sola quærenti occurrat ætas.

Pronuntiatum CLIII.

In fructibus laudatur præcocietas, in servitiis de-
deratur velocitas.

Il servo sia veloce, come un cervo.

Pronuntiatum CLIV.

Servire, & domino non placere, est seminare, &
fructu non gaudere.

Servir senz a gradir, è gran pena nel servir.

Aspettare, è non venire;

Star in letto, e non dormir;

Servire, e non aggradire;

Sono tre cose di morire.

Pronuntiatum CLV.

Severitas domini est nervus, quod continetur in of-
ficio servus.

La briglia e il baston fanno il cavallo buon.

Pronuntiatum CLVI.

Indurata perversorum subditorum malitia non
ferenda, sed ferienda est.

Pronuntiatum CLVII.

Munera tunc maximè & placent, & placant, quando
absque antidoro conferuntur.

Temporibus nostris quicumque placere laborat,

Det, capiat, quærat: plurima, pauca, nihil.

Pronuntiatum CLVIII.

Mutuaturus alteri pecuniam, res sibi conciliet pa-
tronos. 1. *Jurisconsultum*, qui contra recusantem red-
dere debitum, lege agat. 2. *Theologum*, qui con-
scien-

scientiam debitoris extimulet. 3. *Militem*, qui non-
entem vi compellat ad solvendum.

Pronuntiatum CLIX.

Spiritus nationalitatis est contra rationem, quia
udat & vituperat nationem propter nationem.

Boni Viri, & boni Vini non est inquirenda origo.
Due tantum sunt nationes in mundo; una proborum,
altera improborum. Dictum Serenissimæ Christianæ
eginæ Sueciæ.

Pronuntiatum CLX.

Risus nec sit multus, nec ob multa. Illud Levita-
hoc fatuitatis indicium est.

Pronuntiatum CLXI.

Prudentissimus est, qui in rebus decernendis, non
am optimam opinionem putat, sed *optimam suam*.

Pronuntiatum CLXII.

Prudens consultatio sit actionum nostrarum Dux.
on comes, nec subsequa. Nota est paræmia: *Itali*
piunt ante factum, Galli in facto, Germani post factum.
u primos imitare, ne serò sapias cum secundis &
rtiis.

DISCURSUS TRIGESIMUS SEXTUS.

EX OECONOMICA.

raduntur varia Monita, Statum Conjugalem con-
cernentia.

PRÆFATIUNCULA.

Scientia Oeconomica noscitur ex objecto suo, quod est
duplex, *Primum & Secundarium*. *Primum*
est prudens gubernatio Familiae in societate domesti-
ca, quæ triplex est: *Conjugalis, Patria, Herilis*. *Pri-*
a respicit Virum & Uxorem, Secunda Parentes & Li-
Ee *beros,*

beros, Tertia Herum & servos. Secundarium objectum est prudens administratio rei familiaris.

Perfectâ naturâ contractûs, tum sponsalitii, tum Conjugalis, instituenda est electio Conjugis, non sine magna cautela & circumspectione; cum sit negotium grave, in quo si error committatur, facilius est malo remedium optare, quàm invenire. Porro electio conjugis sit prudens & fortunata, obtemperandum est monitis subsequētibz.

Monitum I.

Conjugium contracturus sit Fabius, id est, cunctator. Prudentia enim in hoc tam arduo negotio principaliter requiritur. Prudentia autem habet cunctationem, sicut imprudentia præcipitationem. Statui religioso novitiatus, sive annus probationis præmitti solet, secus Satui conjugali. Neque enim si semel accepisti uxorem, venum postea eandem exponere poteris, & cum alia commutare, sed necesse est *habeas tecum, servesque sepulchro*. Brevis est cunctiuncula: *Tu sis mea, Ego tuus*: sed longum habet epithonéma.

Monitum II.

Qui matrimonium inire desiderant, explorent mutuum *Amorem, Morem, Rem*: id est: Sinceritatem affectuum, Mores & Indolem, Facultates & opes.

Monitum III.

Uxor est ducenda Animo, Auribus, Oculis, Manibus. *Animo*: ita ut virtutem, probitatem scilicet & pietatem, respicias. Unde dici solet, eum invenire uxorem bonam, qui nil nisi bonam quærit. *Auribus*: ita ut aliorum consilia consulat. *Oculis*: ita ut venustatem quoque requirat; quia præterquam quòd deformitas corporis deformitatem animi plerumque indicet, virum quoque periculo incontinentiæ exponit.

nit. *Matribus* denique: ita ut etiam habeatur ratio
 dotis; quæ tamen in consideratione connubii postre-
 mum obtinet locum; neque enim faustum efficit con-
 ugium Dos, sed Virtus. Ideo Themistocles solitus est
 dicere: *Malo sponsam piam carentem dote optimâ, quam
 dote optimâ carentem piâ sponsâ.* Et verò unde dos
 ingreditur, inde matrimoniilibertas egreditur.

Monitum IV.

Cæteris paribus virgo potius ducenda, quam
 vidua. Duplex enim ei subeundus est labor, qui vi-
 duam ducit. Prior, ut dedoceat primi mariti mores,
 quos viduæ solent allegare: alter, ut suis sponsam mo-
 ribus assuefaciat. Quod in re simili expressit Musi-
 rus quidam, qui duplicem mercedem exigebat à disci-
 pulis, qui alium habuissent præceptorem, eò quòd
 difficilius esset oblivionis, quam memoriæ ratio.

Monitum V.

Dum sponsâ quæritur, de forma ultima cura sit. Fere
 dum pulchritudini sollicitudo adjuncta, & comes for-
 mæ metus: totque propemodum anxietatibus ma-
 ritus involvitur, quot elegantias in uxore quotidia-
 nis observat aspectibus. Ita forma Saræ tantum non
 Abrahamo exicio fuit, dum in Ægyptum descendens
 illi præcepit, ut se sororem suam diceret, sibi metuens
 ob illius venustatem. Quod expendens D. Ambro-
 sius lib. 1. de virgin. *His (ait) docemur, non magnopere
 decorem querendum conjugis, qui viro necem plerumque
 gignere soleat.*

Accedit, quòd species muliebris non paucos in frau-
 dem inducat, quibus objici posset illud Danielis 13. *Spe-
 cies decepit te;* vel quòd de stabilitate formæ spem va-
 nam conceperint, vel quòd putaverint, veram esse, quæ
 fucata & emendicata erat. Quod S. Bernardinus Eccle-

fiastes religiosissimus *tom. 4. serm. 36.* festivè confimans, narrat pueilam fuisse deformem, nanam & gibbosam, quæ cothurnis, comis ascitiis, dentibus emissis seu exemptilibus, vestibusque suffultis, ita perfernam immutaverat, ut in oculis proci gratiam inveni- & in conjugem ignobilis à nobili adlecta sit. Quæ ubi sub vesperam se exuens, cothurnos, comas, dentes, vestesq; seposuisset, maritus illam breviter cernens, atq; ingeniculantem ratus, assurgere jussit, propiusque intuitus, nanam, gibbosam, luscā, edentulam, totumque mundum muliebrem, dimidium utique uxoris suæ, super vicinum abacum repositum esse animadvertit, juxta illud Nasonis l. 1. de remed. *auro gemmisq; reguntur omnia, pars minima est ipsa puella sui.* Ne & tu sic decipere, famam formæ, animum corpori præferre memento: quod Ambrosius lib. 1. de virg. inculcans: *Cur, inquit, vultus pulchritudinem magis in conjugem, quàm morum requiras? placeat uxor honestate magis quàm pulchritudine.* Verissimè Salomon (cui expertum credendum) *Fallax gratia, inquit, & vana est pulchritudo. Mulier timens DEUM, ipsa laudabitur.* Proverb. 31.

Monitum VI.

Ducturus uxorem non respiciat primariò ad opulentam dotem, ad fundos, census &c. sed potiùs ad interiores virtutum thesauros: quibus si careat mulier, oneri potiùs quam honori erit marito suo.

Intolerabilius nihil est, quàm femina dives.

Id observavit Chavassius *de vera prudentia lib. 2. cap. 12.* ubi ait: Conjux longè ditior minimà exortà lite exprobrabit alteri tenuitatem suam, & premet illum tyrannide. Verissimè Plutarchus lib. de educatione. *Qui, inquit, seipsis longè ampliores capiunt uxores, non earum maritos, verùm dotis mancipia fecisse se nesciunt.*

Pla-

lacet mihi, estque ad præsens institutum perquam
loneum illud Martialis Epigramma:

Uxorem quare locupletem ducere nolim

Queritur? uxori nubere nolo mea.

Infer or matrona suo sit Prisce marito,

Non aliter fuerint femina, virque pares.

Sapientissimum est illud Macrobiani apophtegma:
sicut stultus est, qui empturus equum, non ipsum, sed
ænum, phaleras, ephippia inspicit: sic errat, qui uxorem
suam ex ornatu suo, & mundo muliebri, atque
pulenta dote æstimat. Et sanè talium stultorum in-
nitus est numerus. De quo queritur Hugo de Santo
Victore in libello ad socium volentem nubere.
*Ducuntur, inquit, hodie uxores, non causâ fornicationis
vitanda, sed causâ luxuriæ; non causâ prolis, sed causâ
ecuniæ.* Unde Marci Catonis filia junior, cum roga-
retur, cur post amissum virum alterum non duceret: re-
pondit se non invenire virum, qui magis vellet se,
quàm sua.

Monitum VII.

Non est à virò provectæ ætatis ducenda juven-
ula.

Uladislaus Bohemiæ & Hungariæ Rex, Ludovicò
Filio & Annæ Filix quærens nuptias, Viennam ad Maxi-
milianum I. Cæsarem profectus est, cum Liberis, &
Sigismundo Rege Polonia. Cæsar perebat, ut ne-
potibus suis ex Philippo Filio, Carolo aut Ferdinando,
Anna desponsaretur & vicissim Ludovicus stipulare-
tur, se neprem Cæsaris Mariam in matrimonium du-
cturum. At cum Anna proximè ad maturitatem acce-
dere videretur, libera Cæsari potestas facta est, ut eam is
vel sibi copularet, vel alteri nepotum destinaret. Tum
Cæsar: vivam, inquit, memoriam adhuc teneo
Friderici Cæsaris parentis mei, dicere soliti: Si

quis honestâ ratione Senem vitâ privare velit, obtru-
dat ei puellam juvenem: id enim senibus præsentissi-
mum esse venenum: quo dicto ego monitus, valdè
seniliter desiperem, si sciens volensque periculum mor-
tis adirem; deinde vehementer in puellam peccarem, &
brevis moriturus viduam relinquerem, non statim por-
tensem Caesarem maritum alium inventuram. Itaque place-
re consilium, quod dedit ille puellis, qui cecinit:

Si qua voles aptè nubere, nubè pari.

Optimè enim juveni cum juvene convenit. An-
nam ergo Viennæ retinuit, ut simul cum nepte Maria in
eodem Gynæceo educaretur, sermonemque Germa-
num perdisceret, donec ambo adolescerent, sponsa
& sponsa. *Dubravus lib. 32.*

Monitum VIII.

Conjugia ineantur inter pares & similes. Etenim
inter homines disparis & inæqualis conditionis
nonnunquam fausta fuerint connubia, sæpius tamen
funesta, quàm festa fuerunt. Conjugium itaque non
contrahatur cum dissimilibus. Quemadmodum enim
similitudo amicitiae, sic & conjugii est mater.

Cæterum variae in conjugio vitandæ sunt diversifi-
cates & dissimilitudines. Prima est diversitas Religi-
onis, quæ quid possit, ex Salomonis exemplo discere
licet, qui profanarum convictu mulierum factus est
idololatra. Constantinus Copronymus Imperator
Constantinopolitanus, cum Uxore Irene semper vixit
animo discordi; cùm illa idololatra, ipse iconomachus
esset. *Cuspinian. in Caesaribus.* Secunda est diversitas æ-
tatis; ut si senex ducat juvenculam, aut juvenis vetu-
lam. Hinc ait quidam: *Senex amator est ridiculus; Ve-
tula verò juveni est purgatorium.* Tertia est diversitas o-
pum. Si enim pauper ducat divitè, non uxorem, sed do-
minam ducit, ut supra insinuavi. Quarta est diversitas

com-

complexionis. Sic non bene convenit complexioni sanguineæ cum melancholica. Quinta est diversitas naturalium statûs, & conditionis. Sic anno 1567. totus pæor orbis Europæus risit Erici Regis Sueciæ cum Liëtors filia connubium. Hanc cum ille perditè adamasset, inque bis matrem geminæ prolis effecisset, etiam conjugem ducere, formæ unius tractus illecebrâ, non dubitavit. Cumque esset, qui imparitatem sanguinis, & Familiæ Regiæ dedecus inde profecturum obtineret, eum ille protinus duci, atque interfici iussit. *Floremundus Remundus lib. 4. Orig. hæres. cap. 16.*

Monitum IX.

Conjugium ante ætatem conjugio aptam non contrahatur. Aptæ verò censetur esse pubertas, saltem effecta, si nondum plena & perfecta: quæ legibus Romanis in masculis 14. in feminis 12. anno æstimatur. Neque enim nupta est (inquit Labeo) quæ virum pati non potest. Hesiodus viro trigessimum annum, feminæ decimum quintum connubio aptum constituit. Egyptii ante trigessimum, Lacedæmonii ante vigesimum quintum noluerunt matrimonium iniri. Socrus quintum septenarium, hoc est, annum 36. aptum esse matrimonio censuit. Germani hoc nomine laudantur à Cæsare, quòd sèra apud illos Venus extiterit. Plato vult, ut uxorem quisque ab anno ætatis trigesimo usque ad trigessimum quintum ducat. *Lib. 4. de Legibus.* Aristotelis iudicium est, anno 18. feminas, viros 16. connubio jungendos esse, quòd utriusque sexûs vires tum maximè vigeant. *Lib. 7. Polit. cap. 16.*

Monitum X.

Novi conjuges, matrimonio inito & consummato, in nuptialis festi hilaritate, adjiciant animum ad ea omnia accuratè observanda, quæ ratio conjugalis officii deposcit.

Porro in conjugali societate officia alia sunt communia, alia propria mariti & uxoris. Officia conjugum communia continentur amore & auxilio mutuo, itemque fidelitate conjugali & patientia. Officia propria mariti sunt, honorificè de uxore sentire, verècundè cum illa vivere, reverentiam potius, quàm merum ipsius conciliare, eam defendere ab injuria, exorbitantem demò prudenter & discretè corrigere. Officia uxoris propria sunt, esse domiportam instar restudinis, castimoniam studere instar Penelopes, dispensare labores domesticos instar apiculæ, esse Condam potius quàm Proam &c.

Monitum XI.

Conjuges, præsertim ætate provec̃tos, in usu conjugii decet esse temperantes & moderatos. Nam frequentata Venus imminutionem spirituum animalium & vitalium causat, ac proinde vires corporis, præsertim in hominibus ad senium vergentibus, notabiliter imminuit, estque proxima ad sepulchrum via. Unde Pythagoras rogatus à quodam, quando esset congregandum cum feminis? Cùm voles, inquit, te ipso fieri debilior. Clinias quoque interrogatus quando coitutu-
utendum esset? respondit, quocunque tempore maxime lædicipis. Quapropter conjuges sæpe revocent sibi in memoriam illud Pythagoræ apud Stobæum ferm. 15. *Ne sæpe homo ab homine.* Quo ille ænigmate frequentem Venereorum usum interdixit.

Cùm Anno 1513. decessisset Anna Regina Galliarum, summæ religionis & castimoniarum mulier, superstiti Ludovico XII. Galliarum Regi desponsata est Maria Henrici VII. Regis Angliarum Soror, eximiarum venustatis virgo. Quam in Galliam perductâ, Ludovicus incredibili sumptu, & mirâ ludorum varietate nuptias celebravit. Sed is dum ætatis & valetudinis, quæ ei tum erat tenuissi-
ma,

na, penè oblitus, intemperantiùs (ut ferunt) pro-
reandis liberis operam daret, correptus edaci febricu-
a, non multos post dies interiit. *Jovius in Leone X. l.3.*

Monitum XII.

Meminerint conjuges nihil perinde fœdum, ac sta-
tutū conjugali magis dedecorosum, imò & periculo-
sum noxiumque esse, quàm divisionem amoris conju-
galis, & affectum, concubitusque adulterinum.

Fœdus est concubinatus in matrimonio (inquit
Bonnenno) quia turpe est plures habere corporis sui
usufructuarias: cum uxor sit dimidium mariti, & cor-
poris ejus proprietaria & usufructuaria, ut loquitur in
no Basilico Jacobus Rex Magnæ Britanniae. Noxius
est, quia si sit unius cum una, illegitimi nascuntur liberi,
hec res familiaris commodè potest augeri: Si verò sit
unius cum pluribus (qui est coitus caninus) valetudi-
nem lædit, vitamq; exponit telis plurium amasiarum.

Imitatores viperarum sunt conjuges adulteri &
adulteræ. Viperæ enim adulterino cum murænis
coitu contaminari solent.

Cùm furit in Venerem, pelagi se in littore sistit

Vipera, & à stomacho dira venena vomit.

Muranamque ciens, ingentia sibila tollit,

Ac simul amplexus appetit illa viri.

Ciconia ex adverso est symbolum seu hieroglyphi-
um castitatis conjugalis, cum hoc genus avium ab
adulterino coitu magnopere abhorreat, commissum-
que capitali puniat supplicio. Si Ciconia mas odora-
tu exploret feminam adulterio pollutam esse, convo-
cat vicinas ciconias, & unà cum iis evolat in pratum,
ac ibi sistit adulteram. Hic ciconiæ ream circumstant
& circumeunt, ac veluti deliberantes decernunt pœ-
nam, factoque in delinquentem impetu illam rostris
configunt.

Si Magistratus & Principes pari hodie severitate in adulteros & adulteras animadverterent, tam effræni adulteriorum licentia non grassaretur. Sed profecto ipsi scelerum Judices & Vindices non rarò in eo ipsi delinquant, in quo delinquentes ab ipsis corrigend essent.

Infano alienarum uxorum amori indulgebat Augustus Cæsar: ipsis etiam maritis flagitio interventibus Mittebat ad Senatores, quorum erant formosæ uxores, suum annulum, postulabatque, ut uxores suas in lectica annulo obsignatâ & undique clausâ ad se mitterent, simulque annulum remitterent. Expleta libidine mulieres ad maritos suos, lecticâ iterum obsignatâ & occlusâ, revertebantur. Petierat aliquando ejusmodi turpe obsequium Cæsar à viro quodam primario; qui cum negare non auderet, suam calamitatem deplorabat. Athenodorus Philosophus, qui præsens aderat, causâ tristitiæ cognitâ, se cum stricto gladio in lecticam abdi, atque ita ad Cæsarem mitti jussit. Cæsar cum Senatoris uxorem sibi allatam putans, januam lecticæ aperuissêt, exiit gladium strictum tenens Athenodorus: quo viso admodum territus Cæsar, cum se, alloquio Athenodori confirmatus, rursus collegisset, juramento (adigente Athenodoro) se obstrinxit, nihil tale deinceps à se commissum iri. Porro id factum Athenodori adeò gratum fuit Cæsari, ut convocato Senatu Athenodorum multis verbis laudaverit: addideritque se cum turpem ageret, turpem ab eo fuisse correctum. *Cedrenus in Hist.*

Monitum XIII.

Caveant sibi conjuges à nocentissimo vitio Zelotypiæ, quod sicut à Furiis infernalibus accenditur, ita non rarò innocentis effusione sanguinis extinguatur.

Cu-

Cujus rei tragicum extrat exemplum apud D. Hieronymum *Epistola 49. de muliere septies ista.*

Vercellæ in Lombardia Vir Zelotypus accusavit uxorem de adulterio, juvenemq; suspectum compegit in antrum aliquod horribile, simulque uxorem alio conclusit, donec ad Judicem ejusque tribunal adducti, juvenis torturæ impatiens confessus est, se fecisse quod non fecerat. At mulier post omnes cruciatus constans, suspiciens in cælum exclamavit: *Tu testis es Domine Jesu, cui occultum nihil est, non ideo negare me velle, ne peream, sed ideo mentiri nolle, ne peccem; at tu miser homo (ad adolescentem conversa) si interire festinas, cur duos interimis innocentes? equidem & ipsa cupio mori, sed non quasi adultera; innocentiam meam mecum feram.* Duplicantur tormenta & Judex carnifici minatur extrema, ni à negante scelus exprimat. Crinès mulieris ligantur ad stipitem, & equuleo impositæ pedibus ignis subjicitur, latera ferro scinduntur, solvuntur membrorum compages, innocente feminâ exclamante: *Cæde, ure, lacera, non feci, venit dies, quæ veritatem in lucem protrahet.* Jam tortor suspirabat, nec erat vulnerei locus, corpus quod laniaverat carnifex, ipse horrebat. Solus animus Judicis expleri non poterat, qui in has voces erupit: *Quid miramini, si torqueri malit quàm mori? adulterium certè ab uno committi non potest; & reor esse credibilius noxiam negare, quàm innocentem.* Itaque utrumque damnat ad mortem: uterque ducitur. Miserrimi juvenis caput uno ictu amputatur. Femina verò ut altera Susanna flectit genua, & nolens oculos obvelari, cælum testem innocentiae invocat; itaque valido percussa ictu paucas guttas sanguinis per lactea colla diffudit. Repetit ictum carnifex, sed velut rupem feriret, ensis resilit. Ergo exurgit in iras; & thoracem exutus, quò feriret expeditius, tertium infli-

infigit ictum, sed incassum. Jamque tentabat ferrum jugulo immergere, dum ecce gladius ad capulum reflectitur. Novus igitur ensis, novus tortor adhibetur. Illa verò repetitis ictibus percussa, tandem seminis animis prosternitur, absque ulla læsione. Ad tumultum tamen sedandum corpori terra ingeritur, convolvitur in vestes, ut mortua sepelitur. Accidit autem eadem nocte alteram ibi feminam sepeliri, & hanc avibus ferisque devorandam projici. Sed illa sibi repente restituta, oculisque apertis blandè subridens, hæc verba protulit: *O bone JESU! Spes cordis mei, tibi vivo, & posthac vivam.* Quo spectaculo adstantes attoniti, veritique ne rursus in manus Tyranni incideret, incisis capillis, habituque virili indutam, cœnobiticam vitam quietè ac sanctè eam ducere permiserunt. *Vid. Binet consolat. egrorum c. 10. max. 2.*

Monitum XIV.

Persuadeant sibi conjuges, præcipuam conjugalis societatis energiam in amoris fideique reciprocatione consistere. Nam amor mutuus, cum pari fide conjunctus, est fundamentum felicitatis conjugalis. Est enim vinculum cordium, & condimentum ærumnarum conjugii. Oportet autem hunc amorem esse mutuum? licet enim amor solus nasci possit, solus tamen crescere non potest: quo pacto videmus uno ligno flammam non soveri in foco. Amor non est unius, sed duorum. Quare nisi adsit reciprocatio flammæ conjugalis, omnis affectus in fenum & vapores abit.

Oportet item amorem fidemque conjugalem non in prosperis tantum, sed etiam in adversis elucescere. Adversitas enim est Lapis Lydius, quo conjugalis amoris sinceritas integritasque probari solet, fuitque probata semper, ut illustrissimis exemplis mox docebitur.

Darius Rex Persarum duplici prælio victus ab Alexandro M. magnaue Imperii parte exiit, nullum triniticæ signum edidit: at morte conjugis auditâ, manum oculis admovit, nec potuit lacrymas cohibere. *Sabellius lib. 3. Exemplor.*

Cum Nero Senecæ ad mortem condemnato, genus mortis eligendi potestatem fecisset, isque disiectis in balneo venis effusionem sanguinis elegisset, Paulina uxor, ut suum marito amorem contestaretur, sibi quoque venas in tepenti balneo incidi iussit, certa simili mortis genere è vivis excedere: invito licet Senecâ, & repugnante Nerone: cuius iussu sanguis fluxu cohibitus, & ipsa in vita retenta fuit. Cum verò jam multum sanguinis effusum esset, pallida semper mansit, atque in vultu conjugalis amoris signa per omnem vitam circumtulit. *Baptista Fulgus lib. 4.*

Memoriâ dignissimus est amor conjugalis, quem Catalusius, qui Lesbi rerum potiebatur, erga uxorem suam ostendit; quæ cum in lepram incidisset, virum neque odoris gravitas, neque contagionis periculum teterruit, quò minùs uxori tam in mensa, quàm in lecto societatem præstaret. *Fulgus supra citatus.*

Cum quidam in Regno Neapolitano agricola agrum suum coleret juxta mare situm, ejusque uxor alitantisper ab illo disjuncta; à Piratis Mauris, qui in litus prædatum descenderant, capta esset, statim ut uxorem non apparere, piraticamque triremem non procul inde anchoras jecisse conspexit, arbitratus id quod erat, in ea uxorem esse, ad triremem velocitèr adnatavit, atque ejus gubernatore vocato, dixit se ideo venisse, quòd uxorem sequi statuisset. Quam rem cum Mauri non sine ingenti admiratione percepissent, cumq; postea Tunetano Regi narrassent, tantâ hominis charitate motus Rex, & virum & uxorem liberos esse

esse iussit, atque inter Regiæ custodiæ milites virum adoptavit. *Fulgosius citatus.*

Ardentioris amoris specimen edidit quædam Regina Angliæ, quæ intelligens Regem conjugem accepit in brachio vulnere, quod nescio quis ense venenato inflixerat, certissimæ morti obnoxium esse, nisi quod vulneris pus cum pari mortis periculo exfugeret; vidensque eum certum potius mori, quam aliena mortis periculum suum redimere; nocte decumbentem in lecto Regem suspenso gradu, ne exasperaret, accessit & illius brachium leniter prehensans, obductam plagæ fasciolam religavit, admotoque vulnere ore, animi plus quam virili, pus exsuxit, vitamque Regi, mortem sibi, triumphum amoris eò clariorem peperit, quod debilior sexus, Regiisque deliciis fractior, mori potius amore. Memorat hæc Georgius Vivienus *l. 2. de officio Patrisfamilias cap. 13.* Quibus similia narrat Rodericus in Historia Hispaniæ part. 1. cap. 4. de filia Regis Hispaniæ nupta Eduardo Regis Primogenito.

Conradus III. Rex Romanorum, contra Ducem Bavariæ Welfonem tyrannidem affectantem bellum gerens, Winspergam oppidum Sueviæ præmissâ obfidione in deditionem accepit, & ex gratiâ Matroni concessit, ut quæcunque humeris portare possent efferrent. Illæ neglectâ suppellectile suos singulæ matros humeris extulerunt. Et licet Fridericus frater Conradi contra pacta illas facere exclamarèt, Imperator tamen prudentiâ & pietate illarum collaudatâ, incolumes cum suis abire iussit. *Emilius lib. 7. & alii.* Hoc memorabili facinore sic delectatus est Laur. Medicus Florentinus Princeps, ut ejus Lectione à morbo gravissimo convaluerit.

Simili astu usæ Mulieres Cremonensium, cum à Friderico de

lerico Barbarossa ob rebellionem oppugnarentur, filios, Parentes, cognatos exportarunt.

Quin etiam eo bello, quod anno 1499. Suevi concederati contra Helvetios Maximiliani I. Cæsaris auxiliis gessere, cum Helvetii Blumenfeldam oppidum in potestatem redegressi, potestate obsessis facta, ut essent, quantum singuli humeris efferre possent: Uxor Roseneggii sciens eum maxime ab hoste peti, quod Praefectus oppidi esset, & praeteris deliquisset, Matrimonium suum in humeros elatum exportavit. *Ursifinus lib. 6. hist. Basila.*

Simile charitatis obsequium frater sorori praestitit.

Anno 1168. cum Fridericus I. Imperator gravissimam obsidione premeret Mediolanum, cives ad extremam penam perducti, deditiois fecere mentionem, promissa incolumitate civium. Cæsar unum excepit rebellionis Auctorem. Id ubi comperit Abbatissa loci, in quo ad venerationem servabantur tria corpora SS. Regum, siue Magorum, germana soror ejus, qui Rebellionis Auctor habebatur, pacta est cum Reinoldo Archiepiscopo Coloniensi vitam fratri (sciebat enim Cives extremam fame pressos necessitati cessuros) & pro munere pollicita est sanctas illas Reliquias trium Regum. Archiepiscopus sciens indignationem Cæsaris, honesta fraude illum circumveniendum putavit, pro munere deposcens, quod Abbatissa exportaret. Cæsar indulgit. Illa fratrem humeris, ut potuit, exportavit. Sic ille servatus est, & Archiepiscopus sacras Reliquias ex pacto accepit, & Coloniā misit. Dudum illae venerant e Parthia Constantinopolim, & inde Mediolanum, ubi annis 671. feruntur quievisse. *Cranzius lib. 6. Saxonia.*

Montignius frater Philippi Comitis Hornani, An-

no 1566. è Belgio in Hispaniam profectus est, suar
comprobaturus Regi innocentiam; verùm cum aure
Regias æmuloꝝ voces penitus obsedissent, custodi-
diæ mancipatur; quo nuncio accepto uxor hanc in-
tentionem mariti liberandi, ut novam, sic ingeniosissimarum
excogitavit. Quatuor ablegantur Belgæ, linguarum
periti, qui peregrinationis Compostellanæ prætextu in
Hispaniam proficiscantur, stipis emendicandæ speci-
chelym quisque secum ferentes; in quorum instrumen-
torum Musicorum maximo, quod Bassum vocant
omnis generis ferramenta, ad perfringendos carcere
oportuna, affabrè conclusa erant. Ubi ad arcem ven-
tum est, in subiecto vico specimen artis edunt. Admi-
rantur omnes peregrinorum ingenium. Præfectus arcis
eos advocari jubet, Dominum Montignium Musicæ
amantem exhilarandi causâ. Vocati parent, nec mo-
dò fidibus, sed etiam voce, Gallicè, Italicè, Hispanicè
suavissimè modulantur: ad extremum etiam linguâ
Belgicâ, quam, ut exploratum habebant, nemo custo-
dum intelligebat. Hac autem cantilenâ Belgicâ de-
cantant, cujus rei causâ advenerint, modum expo-
nunt, quo è carcere se expedire queat; emeret nimirum
hæc artis Musicæ instrumenta quovis pretio, ipsis
dissimulanter reluctantibus, in Basso reperturum fa-
brilia, quibus clathros carceris perfringat. Hacten-
us omnia feliciter, nec furdo caneant; at unum de-
fuit, nescio quo errore factum sit, ut versum illum,
quo bassum citra læsionem, arcano stylo aut clavo ex-
empto, aperire & claudere posset, ne perfractio illo
fraus deprehenderetur, concinere omiserint. Mon-
tignius ad voces has animum advertens, sed vultu pro-
bè dissimulans, ad Præfectum arcis conversus; Egre-
gios me hercle musicos, inquit: contendere tamen au-
sum vel te iudice cantionis Belgicæ harmoniam cæteris
lon-

ongè suaviorem fuisse. Adstipulante itaque Præfecto, antilenam de industria repeti iussit, sed idem error, qui prius contigit. Montignius artem illorum laudans, instrumenta Musica ab iis diu multumque reluctanti-
us tandem numerato pretio obtinuit. Peregrini-
am digressi, erroris à se commissi memores, novo astu
um emendare student; observant puerum à vicino
istore in Comitum usum petere panem, cui schedam,
ersum illum omissum continentem, inserunt. In-
ommodum autem accidit, tum temporis Præfectum
reis cum captivo Comite prandere, in cuius manus
ic fatalis panis incidit, ac dolo detecto spes omnis
bertatis Montignio præcisa est.

E tenui pendunt magnarum pondera rerum.

Hanc historiam Beyerlinck in *Theatro tit. Prud-*
ia, sequentem Xenophon *lib. 3. de Instit. Cyri* com-
memorat.

Cyrus Rex Persarum Tigrani Regi Armeniæ bel-
um intulit, eumque devictum unà cum uxore in cap-
ivitatē duxit; cūque non levia amoris indicia
dverteret Cyrus, quibus Tigranes in conjugem suam
erebatur, aliquando peramicè illum percunctatus est,
uod lytrum pro libertate uxoris suæ offerret, si quod
fferendum haberet; Cui confestim Tigranes: inter-
um ait regnum, ô Rex, si haberem, quod cū fors
bstulerit, libens sanguinem & vitam offero. Quo
esponso mirificè captus Cyrus, ambos libertati, Re-
jaque dignitati restituit. Jamque solo ac folio red-
itus Tygranes, perquam familiariter uxorem inter-
ogavit: ecquid de Cyri humanitate, deque Regia ejus
munificentia videretur? Num omnem aulæ appa-
atum satis observasset? Cui illa: ex quo tecum, inquit,
n vinculis fui, ita me devinctam habuisti, ut nunquam
oculos, aut mentem in alium defixerim, quàm in eum,
qui

qui me sanguinis sui impendio redimere paratus erat.

Monitum XV.

Proprium officium Mariti erga uxorem consistit *favendo & fovendo*. In *favendo*, id est, complectendo uxorem amore, sed maritali, hoc est, virum deest. Habeat igitur illam non pro sæce, aut serva, sed pro corde; adeoque eam non solum amet, sed & reveratur. Uniones aceto corrumpi, Physiologorum est pronuntiatum. Uxor unio est: acri severitate despoticæ aceto non melior fiet, sed deterior. In *fovendo* consistit officium protectionis & sustentationis. *Protectio* requiritur, quia maritus est caput. Nonque tamen est, quod maritus sibi persuadeat, se uxori superiorem esse, uti est Princeps subditis, aut pastor ovibus superior; sed sicut anima corpore superior est, cum quo naturali quadam benevolentia est conjuncta. Non igitur imperabit uxori despoticè, sed politicè, ut reverentiam potius, quàm metum conciliet. Uxor enim præcipua post maritum domus pars est. Unde *Ambros. de paradiso* ait: Sicut vir externis & politicis rebus, ita uxor domesticis est destinata. Officium *sustentationis* est, quo vir prospicit uxori de rebus necessariis. Vix enim conjugium fuerit felix, in quo maritus mulieris quadrâ vivere cogitur. De rebus autem necessariis, non superfluis prospiciat conjugii maritus ne eam aut abundantiam superbam, aut indigentiam impudicam faciat. Quare non indulgebit phantasia Uxoris in quovis ab ea desiderato corporis ornatu.

Monitum XVI.

Maritus identidem cogitet, mulierem ex viro fuisse sumptam, eandemque non ex capite ipsius prodidisse, ut viro dominetur, neque ex pedibus, ut ab ipso calcetur, sed ex latere, quæ cordis sedes est, ut eam ex

orde non secus ac seipsum amet. Permittat itaque
 xori imperium, sed restrictum & limitatum.

Monitum XVII.

Quemadmodum Sol stellarum Dominus absque
 mercurii societate cursum non perficit; ita & maritus
 imperium suum non nisi sapientiâ comite exercere de-
 bet.

Monitum XVIII.

Observatum est à Curiosis, viros fortissimos plerum-
 que esse uxorios, suisque uxoribus dominatum per-
 trere. Ejusmodi fuisse Herculem, Themistoclem,
 Alcibiadem & Spartanos, commemorant Historici. Cu-
 jus rei hanc aliqui allegant causam, quòd Heroes
 propter abundantiam sanguinis ac spirituum, sint ar-
 dentiores mulierum amatores.

Sed profectò non leviter delinquant, tum viri, tum
 mulieres, si hæc in illos, jugum femineum non excu-
 ntes, imperium exerceant: quod vitium erat olim
 modum familiare in urbe Romana. Unde Cato
 Romanus dicere solebat: *Nos omnibus totius orbis ho-*
nibus imperamus, & uxores nostra imperant nobis.
 modum deforme hoc est & contra naturam; quia
 vir imperitans marito, est corpus sine capite, & cur-
 ra sine auriga ab equi tractus. Atque ideo non ma-
 ritus, sed maritelli vocandi sunt, qui sic ab uxoribus tra-
 hantur. Cogitent uxores, se coruscare radiis marito-
 rum, non maritos radiis uxorum:

Solis ergo viris debetur gloria sceptri.

Hæc est via juris, cui multis in locis contraria est
 facti: arripientibus passim dominatum mulierculis,
 opprobrium sexûs dignioris.

Adducere libet non minùs ridiculum, quam in-
 num feminæ viro dominantis exemplum.

Virilis animi femina maritum suum imbellem ac m
 riculosum plagis affecerat, quòd unum de pullis ga
 linaceis, quos abiens ei servandos commendaverat,
 milvus abstulisset. Quamobrem absente rursus pu
 re, ne quem pullum avis rapacissima posset abriper
 universos eodem filo colligatos diligentius servaba
 Sed cùm ex improvviso irruens milvus unum unguib
 correptum auferre conaretur, factum est, ut omni
 simul raperet in sublime. Infelix maritus, memor
 ob unicum pullum malè à conjuge habitum, longè
 graviora formidabat, abreptis omnibus. Quare me
 ri, quàm suæ dominatricis mulieris iram denuò exp
 riri maluit. Ficus melle & aromatibus optimè cond
 itas vasculo illa condiderat: marito, cujus gulam fo
 midabat, præmonito, ne quid inde lingeret, propter
 quòd præsens illic venenum lateret. Is ad vitam
 dam uxoris indignationem mori cupiens, ficus ablig
 rivit universas. Reversa domum uxor, cùm pull
 omnes à milvo abreptos audivisset, virum ut custod
 idem negligentissimum fustibus delumbare decrev
 jamque fustem manu tenebat: cùm fatuus, ah noli, in
 quit, uxor mea, noli me jam moriturum verberare
 quandoquidem quantum quantum erat in vasculo
 veneni, id omne devoravi, ut tanti delicti pœnas ti
 perfolverem. Hic mulier in risum effusa stupida
 ignovit.

Monitum XIX.

Maritus memor mansuetudinis Christi, qui est
 Sponsus animarum nostrarum, non sœviat in conj
 gem suam, neque sit *quasi leo in domo sua, evertens domos
 mesticos suos*, ut loquitur sacer Textus Eccl. 4.

Accommodatus ad rem præsentem est muris & le
 nis apologus: quorum ille abroso leonis capti laque
 in præmia gratitudinis rogavit, ut filiam suam
 ux

orem acciperet. Annuit leo, sed nova nupta ad vim accedens, cum eam ipse propter corpusculi paritatem non observasset sibi obviam procedere, casu de leonis contrita est. Quam fabulam quotidiana experientia verissimam comprobat, dum non una filia pudet se matrimonio copulari cum juvene opulento, qui postea quasi leo dominatur in domo sua, uxorem teneram, timidam, mitem, benignam veluti unum leonino premens, & pessumdans, vix eam respirare finit.

Monitum XX.

Rectè Marcus Aurelius Imperator, uxor, inquit, admonenda persape, reprehendenda raro, violentis manus tractanda nunquam: nisi videlicet summa id exigit necessitas. Imò Chrysostomus *homil. 28. ad Corinth.* extrema, inquit, viri ignominia est, uxorem verberare. Et Plutarchus in Catone Censorino ait, uxorem verberans quasi in sanctissima Deorum simulachra manum inferens, à magistratibus est coërcendus. Potest maritus esse severus, sed non saevus. Imitetur Joannem & Socratem, qui patienter tulerunt vitia uxorum suarum, non crudelem Nerone, qui dilectissimam conjugem Poppæam, quam Octaviæ superinduxerat, gravidam ictu calcis peremit, quod ex nocturna irigatione tardius domum veniens, ab ea jurgio exceptus esset.

Monitum XXI.

Viri prudentes nulla suis uxoribus revelant arcana, vitia hoc ipso arcana esse desinunt. Lepidum est, quod de Senatore quodam commemorat Plutarchus, quem cum uxor importunè interrogaret, quid ageretur in Senatu (rumor enim erat aliquid agi rei sericæ) nullumque faceret flagitandi finem: Dicam, inquit, si possis tacere. Quâ silentium promittente, visa est (ait

Senator) aquila prægrandis transvolare civitatem accincta gladio magno. Hoc ostentum quid sibi velit, consultatur in Senatu. Videtur enim aliquo grande malum portendi civitati. Hæc Senator: antequam pervenisset in forum, jam concurrerat populus disputans de ostento aquilæ gladio accinctæ. Senatori demiranti quid sibi veller concursus populi, Senator retulit fabulam de uxoris silentio.

Monitum XXII.

Maritus uxoris suæ pulchritudinem ne in picturæ quidem ostendet, aut alienis oculis spectandam exhibeat. Hinc impudentissimè pariter & stultissimè egreditur Candaules Rex Lydorum, qui uxorem suam formosissimam omnibus prædicabat, eamque nudam sodales suo Gygi ostendebat: qui eâ visâ sic exarsit, ut ferre cogitaret, quo pacto amore illius potiretur. Uxor ægrotans insanum Candaulis amorem, eum adulterium occidendum permisit, cui postea se regnumque tradidit.

Multò prudentior fuit Maritus ille anonymus, qui cum speciosam haberet uxorem, nobilis quidam miles ad domum illius pictorem, à quo forma uxoris delinearetur. At superveniens maritus, pictorem è vestibulo stigio non sine stomacho exturbavit è domo, dicens nimis pronum esse, ut post copiam seu eclypon, ipsius etiam originalis & prototypi cupiditas nobilem incenderet, atque uxor etiam sui copiam faceret. *Casspa*
Ens l. 2. pag. 307. Epidorp.

Monitum XXIII.

Illustrissimum uxoris ornamentum est modestæ animique demissio. Quàm rara tam clara est mulier humilis nulloque fastu turgescens.

Id probè perspectum habuit teste Avila *epist. 53. ar.*
2. Vir quidam prudentiâ, divitiis & prosapiâ illustris

is, qui pauperulam duxit è caſa ruſtica & tuguriolo
 eritam, non cæco amoris impetu, ſed deſtinato con-
 io, ut uxorem haberet, cui non ſolùm ſuus in vultu
 cor, ſed & in animo virtus atque inſignis demifſio
 ter; quam ut intra limites modèſtæ demifſionis con-
 neret ſeros in annos, curavit veſtem illius, quâ pri-
 um ſuo in rure uſa fuerat, veſtem inquam ruſticanam,
 lem, pannofam, detritam, eo loco appendi, un-
 e ferè continuò incurreret in oculos uxoris, mone-
 etque primæ fortis ac conditionis; ne ſcilicet in ſeri-
 a toga, in purpura, in auro ſuperbiret, priſtinæ pau-
 ertatis immemor; ſed potiùs in altiffima fortuna ſe-
 ſam noſcens, animum ſervaret humilem, & viro ob-
 equentem.

Monitum XXIV.

Abſtineat uxor ab ornatu corporis ſuperfluo & im-
 modico, qui non ſolùm eſt gangræna rei familiaris,
 ſed etiam illex prævæ concupiſcentiæ.

Matronis luxui veſtiario deditis ad imitationem
 propono matronam quandam nobiliſſimam, quæ Anno
 624. non ſanguine tantùm & opibus, ſed & ingenio
 florens, novum veſtimenti genus invenit, tantæ con-
 cinnitatis & elegantix, ut omnium oculos in ſui ſpe-
 ctaculum raperet. Mirabantur aliæ feminæ non ſo-
 lùm veſtis pretium & artificium, ſed etiam felicitatem
 ingenii, quæ hoc artificium excogitaſſet. Palla erant
 perquam ſpatioſa è purpura ſerica: hanc acu pinxerunt
 ex auro tres Phrygiones, qui annum & ampliùs huic
 veſti aſſiduam operam impenderant. Ad cycladem
 hanc ſeu pallam additus thorax, feminæ habilis, ex eo-
 dem purpureo ſerico, aureis filis pictus. Primo au-
 tem die, quo Matrona veſtem illam induerat, obſer-
 vavit nimium in ſe oculos convolare, timuitq; ne aliæ
 atq; aliæ novi artificii curioſitate ductæ, imitari vel-

lent. Itaque ne facere cogere tur, quod recusare vi
posset, hortante vehementer conscientia, vestem illam
unico die spectatam, & semel exutam, nunquam in
duit amplius, sed pio consilio, quod superbiæ fuerat in
strumentum, religiosæ liberalitatis & elemosynæ or
namentum esse voluit, atq; omnem illum mundum mu
liebrem S. Mariæ Magdalenæ in templo quodam obtu
lit & sacrauit. Porro ex hac una veste altari frontale ser
pallium (vulgò antependium vocant) Sacerdoti sa
crum indumentum, calici velum, libro missali regu
mentum, sanctissimæ Eucharistiæ amiculum conse
ctum est. *Drexel. Trismegist. l. 3. c. 10.*

Monitum XXV.

Quod inter apes est fucus, hoc inter honestas ma
tronas est mulier, quæ fucō utitur.

Divus Cyprianus adversus Matronas, quæ faciem
fucō adulterant, Deum ipsum sic loquentem facit
Non metuis, oro, quæ talis es, ne cū resurrectioni
dies venerit, artifex tuus te non recognoscat, & à suis
præmiis promissisque removeat & excludat, atque
increpans vigore censoris & Judicis, dicat, opus hoc
meum non est, neque imago hæc nostra est. Cutem
falso Medicamine polluisti, crinem adulterino colore
mutasti, expugnata est mendacio facies, figura cor
rupta est, vultus alienus est, Deum videre non pote
ris, cū oculi tibi non sint, quos Deus fecit, sed quos
Diabolus infecit. Illum tu sectata es, rutilos atque
depictos serpentis oculos imitata es, de inimico tuo
compta, cum illo pariter arsurā. *Hæc D. Cyprianus.*

Monitum XXVI.

Uxorem non oportet esse moribus asperam, sed co
mem & humanam. Nam mores uxoris suavitatem
qua-

quædam conditi, sunt potentissimum maritalis amoris
licium, sunt funiculi charitatis, quibus uxor cor viri
tissimè sibi devincire potest. Asperitas ne quidem
a nomine uxoris, nedum in moribus à viris æquo
nimo toleratur.

Francorum annales referunt, Legatos à Rege Gal-
æ Philippo I. ad Alphonsum II. Castellæ Regem mis-
os, ut Delphino alterutram ejus filiam jam nubilem
eposcerent. Obtulit Alphonsus primogenitam, for-
nâ præstantem, Urracam nomine. Perculit Lega-
os asperitas nominis, Delphino, ut ajebant, displicitu-
a; quærunt itaque de altera, ecquod ei nomen foret?
Respondit Parens, Blancam nuncupari. Placuit no-
men Legatis. Urraca, inquiunt, Franci terrori, Blan-
a amoris futura est. Sed Blanca, inquit Pater, est
minùs formosa: Nomen, inquiunt illi, supplebit.
Ducta ad sponsum solo nomine placuit, atq; in Regi-
nam adlecta D. Ludovici Galliæ Regis mater effecta est.

Monitum XXVII.

Magnum uxoris decus est silentium & taciturnitas.
Non equidem verba prohibentur mulieribus, sed ver-
positas. Ubi uxor est loquacula, ibi volant convitio-
rum jacula. *In quella casa è poca pace, ove la gallina
canta, e' l gallo tace.*

Festivum est quod subjungo, & documentum con-
tinet cunctis loquacibus ac litigiosis feminis, si usur-
pare voluerint, utilissimum.

Femina quædam prudenti viro querebatur, mari-
tum suum ferè quotidie esse ebrium, & omnia susque
deque rotare, ac domum miscere. Querelas benig-
nis auribus vir accipiens, arbitrabatur id quod res
erat, insanam viri crapulam solutâ uxoris linguâ mirè
stimulari. Remedium ergo non modò spondens, sed

etiam in manus trandens: En ajebat, ô bona mulier, hanc tibi in lagenula aquam cape, & ubi maritus tuus benè potus domum venerit, tu hunc ipsum liquorem (erat aqua è proximo fonte hausta) quàm primùm sorbe, eumque in ore contine, dum in lecto virum composueris. Quantarum sit virium hæc aqua, res ipsa loquetur: experieris conjugem non multa turbaturum. Dicto audiens fuit mulier, comperitque spei suæ omniuno respondisse tam arcanæ virtutis pharmacum. Hîc femina sollicitè quærere, & quæ obsecro hæc aqua esset, & quo pretio comparari posset; O bona, inquit ille, è proximo fonte illam peterelicer sine ullis impendiis; quod enim liquori tribuisti, hoc silentio tuo adscribendum est. Quisquis garulam & contentiosam sibi sentit esse linguam, emat hanc aquam, eamque ore clauso contineat. Hoc certè Hebræus sapiens *Proverb. 27.* appositè monet: *Qui dimittit aquam, caput est jurgiorum.* Cui congruit illud S. Gregorii *lib. 5. Moral. c. 11.* ubi ait: *Aqua dimittitur, cùm lingua fluxus effunditur.*

Monitum XXVIII.

Prudens & modesta uxor lunam imitatur. Sic enim illa cùm abest à Sole, lucidissima est, at ei admodum non conspicitur; ita prudens & benè morata uxor præfente marito graviora negotia, quæque viro sunt propria, non attingit.

Monitum XXIX.

Cum omnis thori maritalis violatio non modò fœda, sed etiam admodum periculosa sit, tum sane ea, quæ culpâ uxoris accidit, longè est turpissima & periculosissima. De quo argumento tragicam commemorat historiam Gramondus *in lib. hist. Gall.* Non longè à civitate Montauban Castrum quoddam
inco

noctabat nobilis Francus, Reynesius nomine, qui
in uxorem duxerat Panatiam venustissimam virginem.
Et ecce quidam Paulinus Vice-Comes in eam exarsit,
quam variis munusculis sibi devinxit: & quò tutior
esset accessus, jam formâ hortulani, jam pictoris, jam
gloriâ in castrum sese penetrabat. Tandem frequenti
Vice-Comitis cum Panatia commercio id effectum
fuit, ut amor erga conjugem Reynesium in animo Pa-
natia penitus refrigesceret: qui rem subodoratus,
omnem movit lapidem, ut Paulinum in flagranti de-
prenderet. Interea unum ex Ephebis Rey-
nesius pecuniâ corruerat, injuriâ à Domina pridem
effectum; à quo cum scelus adulterii sæpius cum Paulino
perpetrati intellexisset, simulat se peregrinè negoti-
i causâ proficisci. Uxor illi crocodili lacrymis valedi-
cit, quibus infames ignes contegat. Die insequenti
adeft Paulinus cum germano Panatia similis farinae,
tam sine ullo metu fruiturus cupitis amplexibus. Di-
es & Vesper in epulas, nox detestandæ libidini de-
stinatur. Reynesius, qui ante discessum omnia pes-
cula ostiis amoverat, jam certus adulterum intus esse,
armatâ militum manu concubiâ nocte castrum in-
vadit, penetrat in cubile, ubi Paulinus cum conjugè re-
pertus, qui tumultu excitus sclopum arripit, in Rey-
nesium explodit, sed ictu irritò; Paulinus verò va-
riis vulneribus confossus occubuit ante pedes Pana-
tia. Frater dum per fenestram fugâ sibi consulere
conatur, à satellitibus infernè collocatis hastâ traji-
tur. Jam nobilissima fera supererat, infamis adulte-
ra, quæ se subduxerat, & in latrina (sit venia verbo)
abfconderat. Inde protracta jam veras lacrymas da-
bat, ruensque in amplexus conjugis, vim ac technas
Paulini exaggerabat, omnemque deinceps fidem per
sacra & profana spondebat. Insuper se medium, ac pro-

matre intercedit filius; qui jam patrem exarnaverat sed dum ab ephebo ad vindictam sceleris incitatur obruncat uxorem. Cadavera per triduum jacuêre inhumata. Hoc est frui cupitis amplexibus, dum v in domo non est.

Monitum XXX.

Vidua pōst mortem viri sui frequenter meminere illius effati Ambrosiani lib. de viduis prope finem: *Viduitas est Magistra fidei, Magistra castitatis*; & ab hac Magistra discant jura castimonix vidualis servare intermerata. Ad rem præsentem spectat lepida quædam historia, quam subjungo.

Vidua quædam locuples à tribus procis amabatur. Quorum infanum amorem cohibitura, consilio Matronæ & castæ & prudentis usa, talem dolum cōminiscitur. Singulos singulis horis ad se venire remotis arbitris jubet. Et cum vicini sui cadaver in proximi cœmeterii cripta, ubi ossa mortuorum asservantur, in loculo reconditum esset, primo imperat, ut amoris declarandi causâ ipse in loculum, cadavere exempto, ad matutinas usque preces descendat. Eo jussa faciente (quid enim amatore stultius?) secundum ad se vocatum Angelicis indutum vestibus, ad loculum custodiendum cum cereo ardente dimittit. Tertius paulò post superveniens, furiali habitu è pheretro mortuum eximere, & ad se deferre jubetur. Qui cum jussa exequi vellet, assidentem loculo Angelum conspicatus, metu primùm, mox religione motus fugam parabat: verùm amoris stimulo agitatus, Angelum aggreditur, qui se cereo ardente defendit. Is verò, qui in loculo latebat, per riuam Angelum, & diabolum sui causâ concertantes conspicatus, ne forte vivus loco mortui ab utrovis raperetur, è feretro magno impetu profiliit. Tum duo illi inopinatâ mortui resur-

rectio-

rectione territi, qua data via ruunt, & fugâ discrimini
e subducunt. Hoc astu stultos amatores ingeniosa
replevit mulier. *Joannes Paulus in Spudopadia.*

Monitum XXXI.

Vidua post excessum mariti è vivis sit accurata & fi-
delis executrix eorum, quæ à viro ipsi commendata fuê-
re, neque imitetur viduam illam, de qua lepidum
commemorat exemplum Robertus Holcot sacrarum
literarum laudatus interpres.

Fuit (inquit ille *sect. 3. in lib. sapient.*) Maritus qui-
dam non magnarum facultatum, qui cùm mortem
sibi imminere persentisceret, & ideo piâ quapiam largi-
tione animam suam expiare vellet, evocatæ ad se ux-
ori dixit, velle se bovem, quem in stabulo aleret, ven-
di confestim post obitum suum, & illius pretium ero-
gari in pauperes. Annuit sic jubenti viro perversa
mulier; at illo extincto fraude est usa, quæ risu an ira
dignior fuerit, ut arbiter esto. Bovem, uti promi-
serat, venalem fecit, sed non solum: felem cùm eo
sic conjunxit, ut qui bovem emere vellet, idem & felis
emptor esse deberet: & hanc quidem auri marcâ,
illum verò non nisi nummulo unico mercaretur. Re-
perit tandem fraudulenta hæc feminæ licitatio emp-
torem aliquem, qui & bovem & felem sic emit. Tum
illa nummulum, bovis pretium, in pauperes pro anima
viri erogavit; felis autem pretium, auri scilicet mar-
cam, in suos usus retinuit.

Monitum XXXII.

Ad secunda vota non temerè veniendum est; quia
nuptiæ secundæ rarò solent esse secundæ, idque duas
ob causas. Tum quia amor non est ita magnus in se-
cundo conjugio, ut in primo. Unde dici solet: *A-*
mor in primis nuptiis est aureus in secundis ligneus. Tum
quia

quia periculum contentionis metuendum est, si ad sint liberi; cùm vitricus dici soleat pater vitreus, & no verca prioris uxoris liberis esse soleat infesta & in iusta.

Sigismundus Burgundionum Rex ex priore conjugē sua, filia Theodorici Regis Italiæ, filium habebat Sigericum. Deinde aliam duxit uxorem, quæ Sigerico verè Noverca fuit durissima. Solemni igitur die quapiam, cùm puer videret eam induere vestimenta defunctæ matris suæ, novercam illis indignam esse dixit. Quid illa? mox viro suggerit falsò filium machinari necem patri, ut Regno potiatur. Credidit Sigismundus mendaci feminæ, & puerum vino somnoque sopitum strangulari iussit. Ita *Baronius ad annum Christi 526. num. 44.*

Et quamvis Novercæ plerumq; in vitam privignorum & privignarum non soleant grassari ferro, veneno, laqueo, communiter tamen malevolum in eos animum, & occasione datâ nociturum circumferunt. Hinc veteres Romani transitum ad secunda vota vehementer improbant (neque tamen vitabant, quod improbant) solebantque eam feminam coronâ pudicitix honestare, quæ uno contenta matrimonio, perpetuâ viduitate incorrupti animi sinceritatem restabatur. Talis fuit Valeria uxor Servii, quæ, cùm à propinquis rogaretur, cur amissò marito non nuberet alii, respondit, sibi virum semper vivere Servium. Putabat enim sibi eum vivere virum, quem in animo affectuque gestabat. Et sanè conjugium non corporis illecebris, quæ momentaneæ sunt, sed animi affectu, qui debet esse perpetuus, metiri oportet.

DISCURSUS TRIGESIMUS SEPTIMUS.

EX OECONOMICA.

De Administratione rei familiaris.

CAPUT I.

Varia Observationes administrationem rei familiaris concernentes.

Prima.

Rognostica secuturæ pluviae sunt 1. Fumus per ca-
mini gulam spissius subvolans. 2. Crebriores atro-
resque morsus pulicum. 3. Muscæ & vespæ equos
crius compungentes. 4. Canes gramina comedentes.
5. Sal humescens. 6. Puls ad ollam intus adhæres-
cens. 7. Mulierum dentes prurientes. 8. Nubes con-
turbæ, uti vellera, ab Oriente sparæ. 9. Grues silentiò
per alta cæli involantes. 10. Boves aërem olfactantes,
que contra pilum lambentes. 11. Hirundo lacum
circumvolitans, summissisque alis superficiem aquæ
perberans. 12. Ranae insuetum coaxantes. 13. For-
mica è cavernulis ova efferentes. 14. Corvi & cor-
vices crocitantés. 15. Terrestres volucres adversus
quam clangores edentes seseque perfundentes. 16.
una crescens obscurior. 17. Sub ortum Solis nigræ
nubes, rubentibus intervenientes. 18. Nubes, ante-
quam Sol emerferit, rubescentes. 19. Carbo ad ollas
oblatus adhærens. 20. Coopertus ignis ex se favillam
efficiens, scintillamve projiciens.

Secunda.

Si Sole occidente pluat, aut radii in se nubem tra-
hant: aut sub exortum nubes conglobentur, in
proxi-

proximè secuturum 'diem aspera tempestas expectetur.
Graves etiam tempestates minatur, repente, sine nubi-
bilo caligineque stellarum fulgor obfuscat.

Tertia.

Mari tranquillo sonitus, spumæ dispersæ, aquæ bul-
lantes, venturæ tempestatis indica sunt.

Quarta.

Sol pridie serenus occidens, & postridie serenus ex-
oriens, certissimam serenitatis fidem facit. Idem dixe-
rim de rubescentibus ad occasum nubibus.

Quinta.

Autumni serenitatem plerumque hyems ventosa ex-
cipit.

Sexta.

Autumnus siccus & serenus ver secuturum mode-
ratè calidum denotat.

Septima.

Si folia amygdalorum à floribus superentur, ferti-
litas erit: sin contrà, sequetur sterilitas, & in segetibu-
culmorum palearumque plus, quàm granorum erit.

Octava.

Greges avium nemoribus relictis, agros, villas, ur-
bes petentes: graculi ruratim sylvis valedicentes
verni flores & fructus uberores, quam consueverint
esse: pluviæ diuturnæ: quercûs & ilicis fœcunditas: lo-
custæ, vermes, erucæ, &c. Hæc omnia futuram an-
nonæ difficultatem significant.

Nona.

Rustici solent prognosticon anni desumere ex Ca-
lendis Januarii, sive ex diebus septimanæ, in quos il-
læ incidunt: putaturque hujus prognostici auctor
esse Venerabilis Beda. Res ita se habet. Si Calend-
Januarii incidunt in diem Dominicum, hyems erit
tran-

tranquilla, ver procellosum, æstas sicca, vindemia larga. Si in diem Lunæ, hyems erit mixta, ver bonum, æstas sicca, tempestas turbulenta, vindemia difficilis. Si in diem Martis, hyems erit nubila, ver imbriferum ac procellosum, æstas sicca, vindemia parva. Si in diem Mercurii, hyems dura erit & aspera, ver difficile ac turbulentum, æstas grata, vindemia larga. Si in diem Jovis, hyems erit placida, ver importunum, æstas sicca, vindemia bona. Si in diem Veneris, hyems erit mutabilis, ver bonum, æstas sicca & bona, vindemia copiosa. Si in diem Sabbathinum, hyems erit horrida, ob turbinum sævitiam, ver turbulentum & fruges vitiōsa.

Decima.

Clara dies Vincentii copiosam vindemiam pollicetur.

Undecima.

Clara dies Pauli (conversionis S. Pauli) bona tempora denotat anni. Si fuerint nebulae, pereunt animata quæque. Si nix, aut pluvia, tum fient tempora cara.

Duodecima.

Circa diem Purificationis Deiparæ hyems solet esse superior: & si dies illa sit clara, solet copiosior nix quam ante decidere, juxta rhythmum:

Sole micante, die purificante,

Nix erit major quàm antè.

Decima tertiā.

Si frigus incidat die Cathedræ S. Petri, solet illud durare 14. dies.

Decima quarta.

Aspera si non sævit hyems in mense secundo (hoc est,

Gg.

est,

est, in Februariō) crede mihi in sancto Paschate frigus erit.

Decima quinta.

Circa Æquinoctiūm utrumque Austri plerumque perflant, circa Solstitia Aquilones.

Decima sexta.

Si nix in Martio cadit, segetibus est periculosa.

Decima septima.

Usitatum est Colonis, prædicere tot tempestate pluviasque æstate oborituras, quot dierum in Martio nebulosa fuerit constitutio : totque Pascha consecuturas pruinas, & Augusto mense effumaturas nebulas quot in Martio rores ceciderunt.

Decima octava.

Noctua in imbre garrula serenitatem, sereno tempore tempestatem prælagit.

Decima nona.

Cum siccus fuerit, bona tempora denotat anni Martius, & frugum fertilitate beat.

Vigesima.

Martius siccus, Aprilis humidus, Majus frigidulus cellas & horrea replent.

Vigesima prima.

Quemadmodum cerasa florent, ita iudicium sumunt, vel potius conjecturam capiunt de futuro vineæ flore.

Vigesima secunda.

Moro virescente nullum vehemens & nocivum frigus arboribus & segetibus est metuendum.

Vigesima tertia.

Existimant Coloni, frigus in primam diem Maji incidens magnopere obesse segetibus.

Vige

Vigesima quarta.

Sunt, qui sibi persuadeant, si pluerit mense Majo, exiguum fore vini proventum.

Vigesima quinta.

Si fuerit clara dies Urbani, rustici optima quæque tibi de vino pollicentur.

Vigesima sexta.

Ex aëris constitutione, quæ fuerit circa festum S. Medardi, de tota messis tempestate conjectura fieri solet.

Vigesima septima.

*Baptista fuerit cum lux pluviosa Joannis
Ingrati messis plena laboris erit.*

Vigesima octava.

*Cum calor & pluvia coeunt æstate frequentes,
Agricola tacitâ gaudia mente fovent.*

Vigesima nona.

Pluviam incidentem in festum Visitationis Deiparæ, alii dies pluviosi subsequuntur.

Trigesima.

Si ante ferias Jacobi Apostoli triduanâ fuerit serenitas, frumenta bonitatem retinebunt: sin minus, fient lida.

Trigesima prima.

Maximam ubertatem sequitur plerumque sterilitas. exhaustæ sunt enim agrorum & arborum vires.

Trigesima secunda.

Assumptio MARIÆ clara promittit suavia vitæ.

Trigesima tertia.

Bartholomæus est primus Sanctus Autumnalis, cuius dies si clara fuerit, subsequetur bonus Autumnus.

Trigesima quarta.

Si clara fuerit dies Ægidii, quâ Cervi libidinis æstus agitari incipiunt, venatores integrum illum mensem serenum enuntiant, & eousque, donec cervi venerem dimiserint. Aliquando cervi tardiùs ad libidinem excitantur: quod hyemistardioris est indicium.

Trigesima quinta.

Grues migrantes clangore suo hyemis initium designant.

Trigesima sexta.

Aucupium mense Septembri est felicissimum, nisi æstas pluviosa fuerit. Tum enim pulli avium in nidi suffocantur mole imbrum.

Trigesima septima.

Si mense Octobri arboribus folia non deciderint, perfrigida hyems subeunda erit, aut frequentes erunt postmodum erucæ.

Trigesima octava.

Quando in sylvis est bona saginatio, & proventus glandium uberior, multæ nives hyemsque aspera futura existimatur. Multæ autem nives sæcundam messem prænunciant.

Trigesima nona.

Mense Novembri inspicere æsculum: si lignum invernus siccum, hyemem tepidam; si humidum, algidam fore puta.

Quadragesima.

Si dies Martini fuerit nubilus, turbida sequetur hyems: si verò frigida, erit hyems sicca.

Quadragesima prima.

Ospectoris anseris circa diem Martini album significat nives: nigrum pluvias.

Quadragesima secunda.

Porcelli, qui eduntur in lucem mense Novembri
uti & vituli circa festum S. Jacobi, raro ad maturi-
tatem perveniunt, aut educantur, propter instans
frigus & gramen marcescens.

Quadragesima tertia.

Natalis Christi mitis dat Pascha nivale.

Quadragesima quarta.

Si Natalis Christi venerit Lunâ incrementum ca-
siente, annus optabilis promittitur: si decrescens,
nimicus.

Quadragesima quinta.

Siligna cædas duobus diebus anni postremis, & pri-
mo Januarii, novâ Lunâ, non sentient cariem, & magis
magisque vetustate dureſcent.

Quadragesima sexta.

Fridericus III. Elector Saxonæ, de numero hyber-
narum nivium conjectare fuit solitus ex numero die-
rum, quia prima nive ad proximum superessent novi-
nium: idque ex vetustis, & sæpè comprobatis atten-
torum venatorum annotationibus.

Quæ hætenus allatæ sunt observationes, etsi non
certis & infallibilibus rationum momentis firmentur,
sed experiētiis tantum, iisque non semper evenienti-
us nitantur, suo tamen non carent usu, poteruntque
Oeconomo ad rei familiaris administrationē deservire.

CAPUT II.

*Dictamina & Præcepta practica ad Oecono-
miam pertinentia.*

Primum.

Mense Januario diffundenda sunt vina, & fru-
menta vertenda in lacunaribus.

Secundum.

Scrofam Menſe Januario aut Februario verri ſubmitte, ut in Aprili aut Majo pariat, cùm & tellus janua herbeſcat, & lacti ſit firmior maturitas.

Tertium.

Menſe Februario paranda eſt farina; hæc enim multo tempore conſervari poteſt.

Quartum.

Menſe Februario lupulus terræ commendandus & tempore Patchariſ fiſtibus alligandus eſt.

Quintum.

Menſe Februario ſtercorandi agri, ligna cædendæ ſentes recidendæ ſunt.

Sextum.

Menſe Martio transplanta arbores tempore ſereni & ſiccò, Lunâ decreſcente: & ita transplanta, ut aſquam priùs collocatæ erant partem, eam iſplam deinceps retineant, juxta illud Virgilii 2. Georg.

*Quin etiam cœli regionem in cortice ſignant,
Ut quo quæque modo ſteterit, quâ parte calores
Auſtrinos tulerit, quâ terga obverterit axi,
Reſtituant -----*

Septimum.

Siramis onuſtæ ſint arbores, eos menſe Martio reſeca.

Octavum.

Cùm arbores tranſponis, lapides in ſuperficie terra remove. Nam æſtate adurunt à Sole calefacti, & hyeme refrigerant: contrario planè modo iis, qui in fundo exiſtunt, aut in ſcrobibus collocantur. Hi enim æſtate refrigerant, hyeme calefaciunt.

No

Nonum.

Arbori laboranti veteris vini faeces aquæ mistas affunde: urinamque hominis aliquot mensibus veteram adde.

Decimum.

Salices Lunâ crescente plantandæ, decresciente amputandæ.

Undecimum.

Sere omnia crescente Lunâ in Piscibus, Cancro & Virgine, diebus tepidis, non frigidis: nam tepor producit, frigus enecat.

Duodecimum.

Quæ vitio carere cupis, interlunio lege.

Decimum tertium.

Omnia quæ caduntur, carpuntur, conduntur, incipientius decrescente Lunâ fiunt, quàm crescente.

Decimum quartum.

Abietes, pinæ & piceæ è semine projecto germinant felicius, & citius, quàm quæ transponuntur. Id contrâ fit in malis & pyris.

Decimum quintum.

Menſe Martio ſere hordeum & avenam. Sed conſuetudo loci & qualitas ubertasque ſoli in ſationibus & plantationibus eſt obſervanda.

Decimum ſextum.

ſciat Oeconomus, ſemen optimum eſſe anniculum; optimum deterius, trimum peſſimum; quod ultra eſt, terile. Caterum illud inter bona cenſetur optimum, quod eſt graviffimum.

Decimum ſeptimum.

In Martio ſerenda piſa, capæ, petroſelinum & reliqua ſemina ac olera.

Decimum octavum.

Mense Martio rosas, frutices, & herbas in hortis transpone.

Decimum nonum.

Accipitres omnis generis circa finem mensis Martii cape, & usibus tuis educta, hoc est, aucupii assuefacito.

Vigesimum.

Ab æquinoctio verno statuitur commodum tempus admissuræ equorum. Ita enim pulli undenis mensibus in utero materno gestati, duodecimo, ver-nante tempore gignuntur & in lucem eduntur.

Vigesimum primum.

Castrandi sunt sues bimestres verno & autumnali tempore: ut videlicet neque à frigore, neque ab æstu ipsis periculum creetur.

Vigesimum secundum.

Ova incubantibus gallinis supponenda sunt lunâ crescente.

Vigesimum tertium.

Si quæ vis mandare semina terræ, plantare herbas vel frutices, transponere arbores, inferere surculos, amputare frondes & ramos, ac si quid præterea ad diligentem hortorum culturam pertinet, illud omne fieri debet Mense Martio, Aprili & in principio Maji, in Septembri item & Octobri. Quam autem conferere volumus terram tempore verno, eam præparare ac fodere oportet in autumno, & vice versâ. Si enim terra ista utrumque bene percocta, tum æstivo solis calore, tum hyberno frigore, votis agricolæ optimè responderet.

Vigesimum quartum.

Mense Aprili seratur hordeum & avena, si mense præterito non licuit.

Vige-

Vigesimum quintum.

Mense Aprili sis memor hujus versûs Oecono-
mici:

Sparge fimum pinguem & multâ memor occule terrâ.

Vigesimum sextum.

In Aprili apes alveariis suis exire solent. Quare
mella ipsis danda sunt.

Vigesimum septimum.

Agni castrandi sunt ante festum Paschatis. Saltem
ita usû & consuetudine receptum est.

Vigesimum octavum.

Mense Aprili castrato boves, ut aratro sint aptiores,
& utiliter saginari possint. Saginantur autem & pin-
guescunt tum bonitate pabuli, tum lotione calidæ
aquæ.

Vigesimum nonum.

Mense Aprili sere cannabim, linum, cucurbitas &
id genus alia. Eodem tempore salices refeca & terræ
commenda. Cæterum quarto quolibet anno hæc
arbor cædi solet.

Trigesimum.

Mense Aprili anguillas, cum alni folia producant,
in cistis cape. Sturionem verò ab hoc mense usque
ad Junium cape.

Trigesimum primum.

Anseres depluma tribus vicibus: Mense Aprili, de-
inde in æstate, ultimò in autumnò.

Trigesimum secundum.

Apiaria vetera mense Aprili purganda sunt.

Trigesimum tertium.

Circa tempora Paschatis, Lunâ decrescente castran-
di sunt verres, hœdi, arietes &c.

Trigesimum quartum.

Mense Maji equæ equæ admittitur. Eodem tempore fit admissura in genere boum. Ita enim vaccæ, cum decem menses fœtum gerant, parient quando virebunt gramine campi, & pabula grata subministrari poterunt.

Trigesimum quintum.

Circa initium Maji prima ovium tonsura inchoanda est: in qua tamen optimum est, cœli temperaturam observare; ne aut frigore lædantur tonsæ aut intonsæ calore.

Trigesimum sextum.

Circa finem mensis Maji sere raphanos, carduos alies, & rapas: quarum satio & Augusto mense non est incommoda.

Trigesimum septimum.

Cum arundines piscinis valdè inimicæ sint, dabit operam bonus Oeconomus, ut solstitio æstivo sub aqua salce incidantur. Alioquin in usum tectorum rusticorum tempore hyberno supra glaciem demetendæ erunt.

Trigesimum octavum.

Circa festum Corporis Christi volitant examina apum, quæ circa illud tempus ab Oeconomo observanda sunt. Horâ octavâ ante meridiem usque ad tertiam aut quartam post meridiem emittunt examina: idque durat quinque septimanis.

Trigesimum nonum.

Circa festum Assumptionis B. Virginis mella apibus demenda sunt.

Quadragesimum.

Galli gallinacei mense Augusto commodissimè castrantur.

Qua-

Quadragesimum primum.

Ova mense Augusto gallinis ne supponas. Frigus enim pullos, qui serò nimis prodeunt, enecat. Optima fœtura est ante verum Æquinoctium.

Quadragesimum secundum.

Ova mense Augusto, decrescente Lunâ colligantur & servantur; nam servata durabunt.

Quadragesimum tertium.

Circa medium Septembris Lunâ decrescente, & infra horizontem versante cedantur ligna; sic enim cæsa durabunt.

Quadragesimum quartum.

Si voles anni futuri statum præscire, circa festum S. Michaëlis glandem apertam inspicito. Quòd si araneolum intus inveneris, infelix omen, quia infelix annus erit: si vermiculum, gratum omen, quia bonus annus & ferax erit: si nihil, lues per corpora grassabitur. *Hoc est prognosticon rusticum.* Cui addo aliud non abfimile: Si in globulis gallarum reperiantur vermiculi, ubertas frugum promittitur; si muscæ, bella portenduntur; si aranei, pestis significatur. Quod prognosticum hoc nritur fundamento, quòd vermiculi ex putrefactione nati designent constitutionem cœli calidam & humidam, quæ fœcundat terram; Muscæ verò urentem cœli siccitatem arguant, quâ inflammantur corpora, & velut ustulata implentur fervidis acribusq; humoribus; Aranei denique ex venenata, contagiosa atque impura putredine nascantur, quæ solet gignere pestilentes febres.

Quadragesimum quintum.

Mense Septembri lunâ decrescente transpone quercus, malos, pyros, & similes arbores frugiferas, radique earum vinum adhibe. Surculos superfluos ab arbo-

arboribus refeca, cùm plus habeant mense Septembri, quàm Martio humiditatis.

Quadragesimum sextum.

Octiduum circa festum S. Michaelis est optimum pro satione hyemali tempus. Obseruetur autem hæc regula Plinii: *Sementis festinata sape, serotina semper decipit.*

Quadragesimum septimum.

Poma & pyra collige sereno cœlo, & post meridiem, nec ante 16. Lunæ.

Quadragesimum octavum.

Uvas lege tempore sicco: aliàs vinum fit aquosum, Sed mustum Lunâ sub terra existente conficito.

Quadragesimum nonum.

Mense Octobri arbores transplantentur, serantur & amputentur: arietes ovibus, & hirci capris admittantur; ut fœtus fundant tempore verno.

Quinquagesimum.

Prudentes Oeconomi porcos saginatos tempestivè mactant aut vendunt: nam plerumque post saginationem moriuntur.

Quinquagesimum primum.

Circa festum Nativitatis Christi arbores optimè transponuntur; tum enim Natura circa inferiora magis operatur, sicuti verno tempore circa superiora. Hinc arbores transpositæ Martio & Aprili minùs firmi sunt roboris, quàm quæ in Decembri transpositæ fuere.

Quinquagesimum secundum.

Mense Decembri magna copia farinæ pareretur, & ex ea multi panes, obsessis aut navigantibus in Oceano deservituri pinfantur; huiusmodi enim panes septem mensibus conservari possunt.

Quin-

Quinquagesimum tertium.

Mense Decembri stercore agros. Nam sic

Absorbet liquidâ cum urve terra simum.

Quinquagesimum quartum.

Mense Decembri cædendâ sunt ligna; tum pro culina & focus, tum etiam pro ædificiis deservitura; illa quidem lunâ crescente, hæc verò decrecente.

DISCURSUS TRIGESIMUS OCTAVUS.

EX MEDICINA.

De Rebus ad sanitatem corporis spectantibus.

PRÆFATIUNCULA.

Medicina est ars bene curandi valetudinem corporis, præsertim humani. Ejus variae sunt species. 1. Physiologica, quæ versatur circa media sanitatis naturalia. 2. Diætetica, quæ differit de mediis sanitatis non naturalibus. 3. Semeiotica, quæ agit de signis Medicis. 4. Pharmaceutica, quæ est doctrina de Medicamentis. 5. Hygiastica, quæ tractat de modo sanitatem conservandi. 6. Prophylactica, quâ sanitas in morbos promergetur. 7. Therapeutica, quâ sanitas amissa restituitur. 8. Chirurgica, quæ medicâ & artificiosâ manu morbos externos ab homine depellit.

CAPUT I.

Medicè, hoc est, modicè, sive sobriè ac temperanter vivendum esse.

Vulgò jactari solet: *Medicè vivere est miserè vivere.* At hoc non hominum sapientum, sed desipientis plebeculæ diverbium est. Etenim vita *Medica*, hæc

five *Modica* & superfluitatem excludens, est vita sana deliciofa, ægritudinis expers, ac diuturna, ac proinde fortunata, & votis omnibus expetenda est.

Huc pertinet narratiuncula quædam non illepidæ de quodam natione Vascone, peregrè iter faciente. Hunc serus vesper fatigatum ad tabernam inopem deduxit. Apposita est cænula hospiti, sed omni ex parte olitoria, ex meris herbis composita: cui quidem vinum additum, sed dilutissimum, & à quo nulla sanè intemperies cerebro metuenda esset. Ita cibus, panis, potus, omnia quàm parcissimè subministrata. Ubi finem habuit hæc cæna, quæ penè principio caruit, ingeniosus diversitor cauponem ad se accersens: Obsecro te, inquit, Medicum mihi voca. Mox caupo: Ecce quid malum, inquit, in agresti viculo poscis medicum; hoc genus hominum nobis hîc ignotum. Cui subridens hospes: Num ô bone te ipsum ignoras; cænam mihi planè medicam apposuisti; agnosco valetudini eâ in re insigniter consultum: ut igitur merces operæ respondeat, cape Medici, non cauponis pretium.

Mensa modica, *mensa medica*: Mensa parca & sobria, medicina omnium præstantissima. Quâ in re nonnunquam pecudes plus quàm homines sapiunt. Serpens, cum senectus gravior obrepit, ut vetustam pellem exuat, diebus pluribus jejunat. Leo & lupo nihiùm saturi, ut morbum caveant, *medicè* seu *modicè* vivunt, & vix quidquam gustant. Ita vel à brutis animantibus humana eruditur gula.

CAPUT II.

Quæ sint bonæ valetudinis fundamenta?

SI quis compendio nosse cupiat prima valetudinis fundamenta, tres maximè præceptiunculas observat.

Prima est, omne genus pomi fugere.

Secunda, corporis motum non negligere, & quotidie unam horam minimum (quod Alexander Severus fecit) obambulare.

Tertia, vinum cibarium probè dilutum, simulque moderatum victum, tutissimum sanitatis custodem, magni facere.

Præceptionem hanc triplicem Poësis prisca hoc triplici versiculo complexa est.

Ut tibi non malè sit, fuge quidquid in arbore crescit,

Servares vires, si rura frequenter obires,

Bacchus amet Glaucum, victum quoq; sumito paucū.

Huc spectat, quod testatur Palladius cap. 113. apud Rosweidum p. 770. de Philoromo Presbytero, eum triginta duobus annis nullos fructus attigisse. Sed & Galenus Medicorum Princeps sapienter & utiliter abstinuit à fructibus.

His tribus valetudinis fundamentis adjungo tria alia saluberrima monita, prioribus non absimilia, quæ ad evandam sanitatem Germani veteres sapienti diverbio tradiderunt.

Primum monitum. Vis sanus permanere & horis omnibus exercere.

Secundum monitum. Cursum canis non æmulare.

Tertium monitum. Modico cibo utere.

Primo monito docemur corpus habere exercitatum, si velimus habere sanum.

Cernis ut ignavum corrumpant otia corpus.

Ut capiant vitium, ni moveantur aquæ.

Affiduè sedere, libris aut lecto semper inhærere, curiculo nunquam exire, valetudinem tacitè corrumpit.

Alterum monitum innuit, ut corporis exercitium sanum, non debere esse violentum. Ambulare, equitare, navigare, labores assumere, etiam currere

conducit, sed usque dum incipiat sudor erumpere, non tamen ubertim fluere. Nam Medicorum Senatus exercitia violenta improbat, tanquam minus salubria.

Tertium suadet temperantiam in cibo; nam sanitatis mater est abstinencia.

CAPUT III.

Consuetudo, quæ in regimine sanitatis vel illaudebilis, vel minus laudabilis est, nonnunquam tolerari potest.

Cum consuetudo inveterata sit acq̃uisititia quædam natura, quæ ingentis nostræ naturæ per continuu usum facta est familiaris: prudentis erit, eam nonnunquam, velut minus malum, tolerare. Satiùs enim est consueta retinere, quàm insuetà cum periculo adhibere. Unde Hippocrâtes aphorismo 50. ait: *Quæ a longo tempore consueta sunt, etsi deteriora sint, insueti tamen minùs molestare solent.*

CAPUT IV.

Vita sessilis non caret suis commoditatibus: debet tamen exercitiis corporalibus interpolari.

Vitam sessilem suas habere cōmoditates, exemplo suo comprobant damnati ad triremes, qui solent esse pingui, & velut bene habito corpore.

Ratio est, quia sessilis vita stomachum aliquo modo supportat, quem vita stataria & crebri incessus penalem faciunt. Accedit etiam in remigantibus frequentius exercitium corporis, quod homines facit robustos maximè si sessio conjuncta fuerit. Unde ad prolongandam vitam ea proderit deligere exercitia, quæ artus magis, quàm stomachum aut abdomen movent.

cujus

cujusmodi sunt sedendo remigare, aut ferram reciprocare.

CAPUT V.

Quanti ad sanitatem tuendam momenti sit exercitatio corporis?

Galenus *lib. 1. de tuenda valetudine* ait cunctos homines ad Musicam atque Gymnasticam seu exercitationem corporis propensos nasci, nec quidquam reeriri, quod corpus animumque magis componere, & ad bonam frugem inducere queat, quàm prædicta duo.

Unde etiam exercitationis utilitas elucescit. Illa enim in corpore sano bonum habitum generare, eumque tanquam sanitatis vel partem, vel causam conferantem retinere conatur. Certè Galenus infinitos prope imbecilles ad bonum habitum se revocasse, & numeros item alios, ne in morbos laberentur, solâ corporis exercitatione se conservasse gloriatur.

Galeno ad stipulatur Querceranus nobilis Medicus *diæterici historici c. 11.* ubi sic scribit: Inter alias maxime utiles, summèque necessarias vias ac rationes, ad humani corporis integram sanamque constitutionem conservandam, plurimosque ejusdem languores & infirmitates præcavendas ac propulsandas, in quas homo ex nimio otio & quiete facillè præcipitare solet, exercitium primum sibi locum jure vendicat. Est enim illum nostri caloris innati verum fomentum, & lignosarum superfluitatum in corporibus reduntium, aptum remedium: omnis plethoræ seu plenitudinis inducendæ obstaculum ac impedimentum; agilitatis ac promptitudinis corporis comparandæ incrementum: nervorum & juncturarum corroborantium idoneum & opportunum auxilium: nec non præcipua ac primaria causa apertionis pororum

ac meatuum, per quos fuliginosa illa & superflua sanguinis & spirituum, qui alias vitæ nostræ fomites ac sustentacula sunt, materia foras propellitur ac dissipatur. Unde fit, ut singulæ corporis facultates corroborentur & instaurentur: omnium sensuum, tam interiorum, quàm exteriorum actiones promptius & rectius perficiantur: liberior fiat pulmonum inspiratio & respiratio: cordis robur ac vigor restituatur: partes quoque nutritioni deservientes melius concoquantur, digerant & assimilent alimenta eorumque excretionem citius absolvant.

Porro exercitium corporis oportet esse moderatum; si enim fuerit immoderatum, laborque nimius citò adducet senectutem & mortem. Licet enim moderata quædam & opportuno tempore suscepta exercitatio ad sanitatem vitamque conservandam multum conferat, dum & nativum calorem excitat, & excrementa secernit & purgat, atque meatus corporis viasque aperit, quibus corpus perspiret, noxii humores & excrementa pellantur, atque alimentum per partes corporis facilius distribuatur: immoderatus tamen & nimius labor siccet corpora, tum nimiam humectantis spiritus consumptione, tum calore illo, qui ossium musculorum & membrorum omnium motu & confractione excitatur; quo fit, ut post labores humorem consumptum & membra omnia penè exhausta sentiamus.

CAPUT VI.

Regula quedam in exercitatione corporis observanda.

Regula prima. Corpora sana, quoniam quotidie comedunt atque nutriuntur, necessarîo multa excrementa generant: quæ proinde continuò à corporibus

per exercitationem educenda sunt; quia aliàs pravas dispositiones generant.

Regula secunda. Pingues & obesi, quantò magis exercentur, tantò prosperiore utuntur sanitate. Et licet exercitationes sint vehementes & acutæ, nihil tamen nocebunt. Contrà graciles in consummata ferè quiete detineri postulant.

Regula tertia. Qui inter pingues & graciles sunt intermedii, hoc est, quadrati, vel qui parum ad alteram partem declinant, si mediocriter, aut etiam vehementer, modò non immodicè exerceantur, utilitatem insignem percipiunt.

Regula quarta. Qui parum comedunt, parum exerceantur: uti & illi, qui multum vigilant: contrà qui multum comedunt, & multum vel profundè dormiunt, multum exerceri debent.

Regula quinta. Qui sicci sunt, vel nihil omnino, vel lentè, & minimè laboriosè exerceantur. Calidi quoque, & præsertim acri mordacique calore præditi, exercitationes modicas requirunt.

Regula sexta. Corpora frigida vehementer exercenda sunt, uti & corpora humida; utraque enim excrementis abundant.

Regula septima. Quæcunque corpora calida simul & sicca sunt, nullo modo exerceri convenit; quæ verò calida sunt & humida, exercitationem admittunt, at moderatam, non vehementem, nec citatam.

Regula octava. Corpora frigida & sicca ratione frigiditatis exercenda sunt: ratione autem siccitatis, neque celeres, neque validos requirunt motus, sed moderatos & potiùs lentos.

Regula nona. Corpora frigida & humida omnium maxime exercitationibus vehementibus & velocibus utantur; quippe quæ supervacaneam humiditatem

absumunt, & calorem nativum excitant, atque augent.

Regula decima. Homines convalescentes à morbo, inter cætera remedia ad recuperandam ex integro sanitatem pristinam accommodata, utantur præcipuè exercitatione corporali. Per hanc enim membra firman-
tur, humorum reliquiæ absumuntur, calor nativus excitatur, & denique totus corporis habitus restituitur. Magnopere tamen providendum est, ut à principio lenes, tardiac remissi motus existant: deinceps pro augmento virium augeri poterunt exercitia.

Regula undecima. Senibus magnum afferunt emolumentum corporalia exercitia; quia ipsorum ætas plurimam, ob caloris defectum, excrementorum copiam coacervat. Habenda est tamen ratio virium, quæ cum in senibus imbecilles sint, mitiores & moderatiores deprecantur exercitationes. Cæterum sunt quædam corporum senilium vitia, quæ quasdam exercitationes respuunt: verb. grat. vertigo, morbus comitialis, gravis ophthalmia, auditûs imbecillitas, respuunt exercitationes caput offendentes.

Regula duodecima. Locum, in quo fit exercitatio, ab optimis ventis perspiratum, & à pravis obtectum esse oportet. Unde ad septentrionem & orientem sita loca cæteris aliter sitis præferuntur.

Regula decima tertia. Locus, in quo fit exercitium, sit apertus, non conclusus, nec opacus, quoniam ubi liberior existit aër, minusque constipatus, corpora in ipso exercitata redduntur agilia & vividiora, quam si in crasso, denso & concluso exercerentur.

Regula decima quarta. Providendum est, ne à finitimis locis ad locum exercitationis ulla labes emanare queat, quæ aërem inficiens, mox corpora exercitata, spongiæ instar quidvis recipientia, labefactet. Talia
fo.

solent esse loca illa, quæ prope paludes: stagna, specus, cloacas sita sunt: Itaq; exercitationes omnes fieri debent in loco salubri & aëre puro, ut bene Aëtius *lib. 3. cap. 17.*

Regula decima quinta. Si quando cogantur homines sese in loco à sole perculso exercere, magnopere cavere debent, ne unquam sedeant vel quiescant: siquidem Aristoteles scriptum reliquit in *Problem.* quise exercent sub sole, illos magis uri dum sedent, quam dum moventur; quoniam cum in motu sunt, aërem agitant, quasiq; spiritu ventilantur: cum verò sedent, quia aër immotus permanet, vim solis acriorem experiuntur.

Regula decima sexta. Corporibus ad aliquam intemperiem declinantibus, eligantur in exercendo locus, & tempus intemperiei contraria. Sic frigida corpora exerceantur tempore calido, ut æstate: calida frigido, ut hyeme: humida sicco, & sicca humido.

Regula decima septima. Corpora moderata tempore temperato exerceri postulant, nempe verno.

Regula decima octava. Exercitatio tempore verno, hyberno & frigido sit major, quam æstivo, autumnali & calido. Calor enim in æstate est in corporibus hominum languidior, quam in hyeme. Itaque tempore æstivo plura colliguntur in corpore excrementa succedente postea hyeme per competentem exercitationem expellenda sunt.

Regula decima nona. Manè antecibum à quibuslibet sanis usurpanda est exercitatio. Nam quando hæc cibos præcedit, duplex, ac utraque insignis succedit utilitas: altera, quòd calor nativus excitetur, augeatur, & ad futuram concoctionem perbellè præparetur: altera, quòd succos utiles in universum corpus, prout à natura destinati sunt, optimè distribuatur &

excrementis faciliorem exitum præbeat. Ex adverso si post cibum quis exerceatur, non solum universi corporis habitui innumeræ cruditates ingeruntur, sed etiam universalis succorum concoctio impeditur. Exiguum tamen à cibo motum probant Sapientes, quod ille ventriculum magis accommodet, præsertim quando mox dormiendum est.

Regula vigesima. Nullus exercitationem incipiat, nisi prius excrementa per nares, os, alvum & vesicam expulerit, cibisque hesternus apprimè concoctus sit; quia aliàs crudis humoribus variisque recrementis corpus replebitur. Cognitionetur autem cibum jam concoctum esse, tum ex eructationibus, tum ex urinis; quæ dum albidiores sunt, abstinendum à motu demonstrant; dum verò ex albidis flaviores evaserunt, jam tempus exercitii suscipiendi adesse demonstrant.

Regula vigesima prima. Stomacho immodicè vacuo, ac planè esuriente, exercitatio ne suscipiatur; nam aliàs cibus ingestus, necdum à stomacho concoctus, à membris valde famelicis avidè nimis rapietur; ex quo cruditates & obstructions plurimæ orientur.

Regula vigesima secunda. Ne statim post exercitationem cibus assumatur, sed aliqua interponatur mora, quousque agitatio corporis jam sedata appareat.

Regula vigesima tertia. Tempore verno eligatur pro exercitio corporali hora meridiana; quando aëris status moderatior existit: æstate matutina; ut diei æstus, quantum fieri potest, evitetur: autumno & hyeme, vespertina; quia cum dies tunc sit brevior, cibus manè sumptus non potest nisi vespere concoctus esse: quam ad rem plurimum conducit exercitatio. In universum tamen nulla est oportunior hora, quam matutina, paulò ante cibi sumptionem. Tunc enim

cor-

corpora sunt leviora, & ab excrementis magis libera, magisque ob somnium prævium valida.

Regula vigesima quarta. In exercitatione corporis omnes illæ temporum constitutiones evitandæ, in quibus venti vehementissimi & pessimi spirant: cujusmodi sunt australes & aquilonares plurimi.

Regula vigesima quinta. In omni exercitatione corporis memento moderationis & aureæ mediocritatis. Immodica enim exercitatio omnibus nocet: pueris quidem, adimendo illis incrementum, & membra eorum colliquando: viris verò, inæquales temperies in eis gignendo: senibus denique, immodicam lassitudinem, siccitatemque ipsis afferendo. Porro immodicæ exercitationis signa sunt, si universum corpus præcalidum & aridum ac inæquale appareat: si labor coactè & non spontè dimittatur: si post sudorem pallor succedat: si denique insolita & valde molesta lassitudo sentiat.

Regula vigesima sexta. Exercitatio deambulationis melior est sub dio, quàm in porticu: melior in sole, quàm in umbra: melior in umbra, quàm parietes aut viridaria efficiunt, quàm quæ tecto subest: melior reposita, quàm flexuosa, ut Celsus observat *lib. 1. de Remed. cap. 2.*

Regula vigesima septima. Exercitio peracto, non oportet se statim quieti tradere, sed vehementiam motus pedetentim remittere: neque statim cibum capere, sed expectare, donec illa corporis perturbatio & quasi fluctuatio, & æstuatio ab exercitatione orta, penitus cessaverit.

CAPUT VII.

*An frictio corpori conducatur, & quo tempore modo-
ve instituenda sit?*

AD primum respondeo, frictionem humano corpo-
ri per commodam esse; atque inter alios effectus
hunc etiam illi competere, quod partes corporis red-
dat magis carnosas & plenas. Ratio est, quia plus
spirituum & sanguinis ad partes illas attrahitur, alimen-
tum quoque in exteriores illas partes validius elicitur.
pororum relaxatio faciliorem spiritibus, sanguini &
alimento viam præbet, inutilis & excrementitius hu-
mor in carne hærens digeritur ac dissipatur: quæ omnia
sunt assimilationis alimentum cum alio adjuncta. Imo
frictiones magis replent & impingunt corpus, quam
exercitia. Ratio est, quia frictio tantum externas
partes commovet, internis autem indulget quietem,
quas exercitatio sæpe nimium agit. Eadem est
ratio, cur remiges plerumque pingues & carnosius sint
quia scilicet membra eorum exteriora magis in motu
sunt, quam partes internæ.

Ad secundum respondeo, frictionem matutino
potissimum tempore usurpandam esse, post commu-
nium superfluitatum excretionem. Potest etiam ali-
quando adhiberi vesperti ante cœnam.

Ad tertium respondeo, fricandum corpus linteis
primùm blandiùs, deinde sensim, paulò fortiùs, donec
corpus incalescat, & rubere suffundatur.

Utea, quæ de fricatione dicta sunt, meliùs intelli-
gantur, notandum est, frictionis differentias præci-
puas sumi à qualitate & quantitate. Ratione quali-
tatis frictio est dura, mollis, vel media: ratione quanti-
tatis est multa, pauca, vel mediocris.

Fri-

Frictio dura corpus indurat, cogit, densat; mollis contrà emollit, laxat, solvit: media mediam rationem obtinet. Frictio multa carnem minuit, dissolvit, & fragilitatem inducit. Frictio pauca in eadem quantitate corpus relinquit; mediocris carnem auget; ita quidem, ut frictio dura mediocris carnem duram augeat, mollis mediocris carnem mollem augeat multa dura carnem minuat & induret. ●

CAPUT VIII.

*Quòd Somnus immoderatioꝝ vehementer obſe-
valetudini.*

Ratio hujus asserti est, quia postquam per justum somni tempus, quod est septem horarum (majori enim spatio illud non esse definiendum censent Medici) alimentarii & benigni halitus soporiferi absumpti sunt, necesse est, ut si homo diutius indulgeat somno, magna copia impuriorum & excrementitiorum halituum in cerebro accumuletur, & spiritus animales continentur. His autem sensuum instrumentis læsis, etiam ipsi sensus valde debilitantur, & nominatim memoria: varii denique morbi, tum in cerebro, tum in visceribus, tum in aliis corporis partibus gignuntur.

CAPUT IX.

Utrum noceat Somnus ad radios Lunæ?

Non expedit somnum capere ad radios Lunæ, quia per hoc caput infestatur. Nam Luna nimis huæctat cerebrum, & humores ex toto corpore attrahit. Jam verò ad somnum placidum requiritur vapor benignus & roridus, qualis oritur ex alimento rectè concocto.

CAPUT X.

An expediat Somnum capere supino corpore, incumbendo tergo?

Respondeo, hunc situm corporis in somno noxium esse, quia inde obstruitur cerebrum, & malè afficitur occiput nasciturque ephialtes. Porro ephialtes non est spectrum (ut vulgus credit) sed imaginatio orta ex obstructione posticæ partis cerebri. Si quis enim tergo incumbat, fit, ut spina dorsi, & quæ sub eâ sunt, cor propiùs attingant ac premant; præsertim si vapores quidam noxii circumstant cor. Hac compressione motus cordis impeditur nonnihil: impedito motu plures fuligines circa cor colliguntur, quæ in cerebrum ascendunt, & miras ibi ac monstrosas imagines gignunt.

CAPUT XI.

Cur Medici suadeant, ut somnus capiatur incumbendo dextro lateri?

Ratio hæc est, quia sic homo suaviùs soporatur, idque ob triplicem causam. 1. quia corde minùs pressio, expeditior est ejus motus. 2. quia dextra pars, quæ motus est principium, & diurno labore magis defatigatur, tum quiescit. 3. quia cum os ventriculi ad partem sinistram vergat, necesse est illud premi & gravari; atque ita varios vapores in caput ascendere, si quis in lævam recumbat.

CAPUT XII.

Calceat is sive vestit is pedibus non esse dormiendum.

HOc enim, si Magnino Excellentissimo Medico credimus, debilitat visum, lædit memoriam, & to-

um corpus extraneo calore æstuarè facit ob vaporum reflexionem.

CAPUT XIII.

*Cur Homo sapius sternutat quàm alia Animalia,
& an nimia sternutatio sit periculosa?*

Sternutatio nihil est aliud, quàm motus cerebri ex-
cutientis naturali robore inutilem humorem aut
spiritum, ortus à calore cerebri naturali, qui fundit ma-
teriam noxiam, & vim expultricem stimulat. Unde vul-
gò dici solet, sternutationem esse bonum effectum ex
mala causâ; quia est indicium roboris naturæ insur-
gentis adversus ea, quæ ipsi sunt inimica.

Porrò inter omnia animalia Homo sapissimè ster-
nutat, quia cerebrum habet amplissimum & frigidissi-
mum inter omnia animalia: foramina item narium &
cerebri latissima. Hinc facillè materiam sternutandi
colligere ac dissipare potest, si complexio cerebri sit va-
diior.

Sed cavendum est magnopere, ne sternutatio sit ni-
mia; hæc enim nonnunquam cum periculo mortis
conjuncta est. Strada certè commemorat in *Prolu-
m*: Pistorem quendam Romanum, posteaquam ter ac
cies continenti spiritu sternutasset, vigesimo quarto
sternutamento animam efflavisse.

CAPUT XIV.

*Ex quibus signis salubritas aëris cognosci pos-
sit?*

Primum indicium salubris aëris est, si ejus simplici-
tati nullus fœculentus spiritus, perspicuitati nihil
humidum, levitati nulla gravitas se permiscuerit. Quia
nebulosi vapores ferè sunt catarrhosi & pestilen-
tiales.

Secundum indicium est, si aër subinde ventis agitur, sed ventis salubribus. Ventri autem probantur ii, qui oppositu sylvarum aut montium antè retracti & accisi sunt, aut tanquam de longinquo itinere festi spirant, neque oriuntur de locis palustribus, lacustribus, foetidis, contagiosis. Genitorem, custodem, restitutorem bonæ valetudinis Aquilonem; languoris, pituitæ, morborumque patrem & conciliatorem Austrum vocant. Illius natura quasi mascula est & durior: hujus feminea & mollior, quo regnante nec pecudes quidem tuto in pratis errare arbitrantur Bucolicæ periti. Et gentes Septentrionales Australibus incorruptiori utuntur valetudine.

Tertium indicium est, si aër nunc frigore purgetur nunc calore; quia frigus densat noxios vapores, quo calor consumit & dissipat.

CAPUT XV.

Ex quibus signis colligatur aquam esse salubrem, vel insalubrem?

ASSERTIO PRIMA.

QUinque sunt genera aquarum; pluvialis, fontana, fluviatilis, putealis & stagnans. Primo ac laudatissimo loco sunt pluviales: secundo fontanæ: tertio fluviatiles, si leves, claræ, molles & bonæ sint: quarto puteorum, quæ sunt insalubres: quinto ac ultimo loco stagnorum, quæ sunt pessimæ. Nam aqua purificatur per motum, quo caret aqua reses, id est, ubique immota. Cæterum inter aquas stagnantes illa longè deterrima est, quæ hircines alit: ubi verò anguilla innatant, non adeò est noxia. Causa vero, cur nulla aqua sit salubrior, quàm pluvialis, sive quæ ex imbribus colligitur, ea est, quia talis aqua censetur

gigi

igni ex fontibus levissimis, subtilibusque tenuitatibus: quæ deinde per aëris excitationem perfusa tempestatibus liquefciendo defluit in terram.

ASSERTIO SECUNDA.

A Quæ sunt examinandæ partim gustatu, partim igne, partim pondere, partim denique diutinâ assertionatione. Laudatissimi saporis, odoris, coloris illam quam decernunt, quæ omni sapore, odore, colore caret. Item aqua illa, quæ pellucida & tenuis est; quæ candido superfusa linteo, nullas labe aut maculas relinquunt; quæ postquam calefacta deferbuit (vocant deactam) & quievit, nihil limi, fæcis, aut arenarum imo vasis relinquunt; quæ nihil sui post aliquam quietem perdit; quæ cum farinâ subacta bonum panem efficit; in qua celeriter decoquuntur legumina; quæ citò concalescit; quæ parum ponderosa est; quæ alveum, quo labitur, & saxa, quæ alluit, musconum prætexit; quæ, inquam, hisce qualitatibus affecta est, eam inter saluberrimas aquas connumerandam habeo.

ASSERTIO TERTIA.

Qualitas aquæ ex constitutione hominum & animalium eam bibentium deprehendi potest. In historiis est, quod Romani fundaturi oppida, & castra tentiva metaturi, pecudum extra sollicitè rimati fuerint. Quod si jecinora livida, aut vitata invenirent, quoniam id malum aquarum vitio evenisse sibi persuaderent, citra cunctationem alibi castra collocabant. Usque ad ingentia in aquis momenta sunt ad bonam corporis temperationem. Si quid enim in iis viscosum, crassum, impurum & crudum admixtum lateat, homines, qui illas bibunt, aut strumis deformantur, aut oculis excarnificantur, aut aliis invaletudinibus diuturnantur.

ASSER-

ASSERTIO QUARTA.

A Quæ ad Orientem sitæ, sunt salubriores his, quæ ad Septentrionem, uti & his, quæ ad calidiorum ventorum spiracula sitæ sunt. Ratio prioris est, quia aquas Orientales moderatio caliditas & frigiditas commendat. Ratio posterioris constat ex dictis supra capite decimo quarto.

ASSERTIO QUINTA.

Non censentur noxiæ aquæ illæ palustres, quæ secundum mare sitæ, Septentrionem respiciunt, aut inter Septentrionem & Orientem positæ sunt, ita paludes excelsiores sint littore marino. Idem iudicium esto de munitionibus, quæ sitæ sunt in paludibus. Ratio est, quia ex maritimarum tempestatum redundantia, vel cum in mare patet exitus, fit ut palustris venenatorum genera in fossis non nascantur, vel ubi fuerint nata, insuetâ fluctuum salitudine necerunt. Sin autem aquæ secundum mare ad meridiem vergant, aut occidentem, eæ utique non sunt salubres, quoniam æstate cælum meridianum calefcit sole exorto, meridie ardet: quodque spectat ad Occidentem, id sole exorto tepescit, meridie calet, vespere ferebatur.

CAPUT XVI.

Ut sanitas hominis diu integra conservetur, tria in eo substantias benè reficiendas esse.

In humano corpore est triplex substantia, spiritus, carnosa, & solida: quarum singulæ, si per sui similitudinem restaurationem sedulo conservetur, longam sibi humanam vitam promittere potest.

igitur ubi virtus incipit deficere ex defectu spiritus

uum, resectio facienda est per respirationem, transpirationem, & per eum, qui ex sanguine transmittitur vaporem: sed ut vapor utilis transmittatur, resectio fieri debet per alimentum spirituosum, id est, tenue, aëreum humidum: qualia sunt liquida reficientia, Vinum, verb. grat. & jura refocillantia cum aqua cinnamomi & similibus. Si defectus contingat in substantia carnosa, succurrendum per nutrimentum, quod in medio humidorum & solidorum corporum est, pro modo affectûs, & prout morbus magis minulvearget. Si in ratione substantiæ solidæ virtus deficiat, ut in phthisicis, opus est nutrimento solido, ut carne caponis, vituli, cancrorum, morsulis ex pincis, pistaceis, amygdalis & similibus.

CAPUT XVII.

Quot modis peccent communiter homines in resectione corporis contra leges sanitatis;

Respondeo, id tribus modis contingere, nimirum copia, qualitate & modo.

Copiâ peccat, qui plus ingerit alimentî, quam fames requirat & valetudo toleret. Hinc nimirum operatur stomachus, calor fatigatur & obruitur. Singularissimè noxium est, si cibus ingeratur corpori, priori necdum digesto. Thomas Morus, illustrissimum enarus Anglicani Sidus, sapienter prorsus & abstinenter hac in re se gessit. Nam (ut refert in vita ejus cap. Stapletonus) uno tantum cibi genere utebatur in mensa, quod plerumque caro bubula fuit; quia verò mensa pro status & officii decoro ferculis opplebatur, in quodcumque cibi genus primum incidisset, eo solo reficiebat. Juvenis multo tempore vino penitus abstinuit, at senex non nisi dilutum bibit.

Modo peccamus, cùm cibum malè mandimus, aliosatque alios bolos raptim glutimus, atque trajicimus & verbo proprio tuburcinamur. Hic quidem cibus non foret nimius, non noxius, modò sumeretur cum modo, qui si desit, plerumque nimius, & semper noxius est cibus. Antoninus Pius Imperator Capitolino teste, in cœna caseum avidiùs devoravit, nocte insequenti rejecit, alterâ die febri, tertiâ verò morte correptus fuit. Nimis quàm noxium tam præcipitanter comedere. Hinc putredines, hinc corruptus sanguis, hinc pessimi humores, hinc asthmata, hinc graviter halans anima, hinc morbi & vitia corporis innúmera: Audi igitur consilium, quod tibi suggerit Ecclesiastes cap. 37. *Noli avidus esse in omni epulatione & non effundas te super omnem escam: in multis enim escis erit infirmitas.* Non erravero (inquit Drexelius in libello de jejunio, cui nomen *Aloe*) si dixero, quavis hebdomade, imò quavis die multa hominum milliamori, qui ad plures annos protraxissent vitam, si minùs properanter & avidè comedissent, si nunquam (cum Plauto loquor) tuburcinati fuissent. Qui annos aliquot avariter vorant, & celeriter ingerunt, ante annos obeunt. Imò si quis prandio cœnula ve unicâ miùm tuburcinetur, & ut canis voret, facilè ignotum morbum contrahere poterit, cui soli possit mederi mors, nisi ante medeatur abstinencia. Usurpa igitur in refectioe corporis illud priscum Augusti Cæsaris *Festina lente.*

CAPUT XVIII.

Quòd cibi non debeant excedere in aliqua qualitate: verb. grat. in humiditate, frigiditate, caliditate, siccitate &c.

Ratio est, quia si excedant verb. grat. in caliditate Radurunt sanguinem, uti salvia, piper, allium nastur-

asturcium, & similes. Quòd si caliditas sit aquosa, at in peponibus, causat putredinem: si sit sicca, contumit & debilitat. Si cibi sint nimis frigidi, tollunt homini vivacitatem, & humores illius quodammodo conglaciant, ut cucumeres. Cibi nimis pingues & nctuosi supernant in ventriculo, impediunt digestionem & augent phlegma. Cibi dulces causant obstructions. Cibi excedentes in amaritudine non nutriunt, & insuper sanguinem adurunt. Cibi nimium lsi inflammant, exsiccant, obstructions causant, stomacho nocent. Cibi nimis acuti calore suo replent hepatis, perturbant mentem: uti porrum, allium, carnes salsae. Cibi austeri & stiptici constringunt, obstruunt, constipant, sanguinemque generant melancholicum. Cibi acetosi nocent nervis & membris nervosis, & ideo senectutem ante tempus inducunt, suntque causa Melancholiae.

CAPUT XIX.

Quòd alimentum hominis non debeat esse tepidum.

Ratio est, quia corpus nostrum iis alitur, ex quibus constat, id est; calido, frigido, humido & sic. At tepidum neque calidum est, neque frigidum, proinde est præter naturam.

CAPUT XX.

Explicatur Diætetica Ciborum.

Regula prima. Cibus potum præcedat, liquidus solidum, concoctu facilis difficilem. Nam hic do promovet concoctionem.

Regula secunda. Initium refectionis fiat à salsamentis, si qua sunt, item ab oleribus: quibus adjungatur caro.

Regula tertia. Præmissis cibo alternatim est biberendum. Ita enim facilius cibus cum potu miscetur & digeritur.

Regula quarta. Cibi omnes unâ mensâ sumendi, & simillimi, quoad ejus fieri potest, nostroque temperamento consentientes. Diversi enim & heterogenei cibi quasi seditionem excitant.

Regula quinta. Cibi sint ex bene habitis. Carnes verb. grat. sint ex juvenibus & pullis.

Regula sexta. Omnium ciborum basis & fundamentum est panis. Panis autem sit fermentatus, sale conditus, non mucosus, aut nimium siccus.

Regula septima. Cibus esto duplus ferè ad potum panis duplus, & sesquialter ad ova, triplus ad carnes, quadruplus ad pisces, adipem, & fructus humidiores. Hæc proportio panis ad cibum putatur maximè secundum naturam, utpote ex qua temperatissimum existit alimentum, quod nec humiditate, nec siccitate, neque caliditate aut frigiditate excedit.

Regula octava. Quibus ventriculus major est & capaciior, iis quidem copia cibi major, at minus nutriti convenit. Nam si tales parum comederent, non constringeretur ventriculus super cibum, sed remaneret spatium vacuum, quod deinde flatibus repleretur, contentionemque infringeret. Idcirco qui ita sunt constituti, melius habent, si plurimo cibo, minus tamen nutriti, reficiantur. Nam si bene nutriat, ad plethoram disponit. Quibus verò stomachus non ita capacior est, iis quidem cibi copia minor prodest, sed quæ multum nutriat, ne ex majore cibi quantitate ventriculus distendatur, & debilis reddatur corporique ex minus nutriente debitum subtrahatur alimentum.

CAPUT XXI.

Declaratur dietetica potus.

R*egula prima.* Exhibetur potus tribus de causis, videlicet pro siti naturali; pro distributione & concoctione ciborum in ventriculo; pro siti nonnaturalis aut morbosa. Potus pro siti naturali debet esse multi & citissimi nutrimenti: quale est vinum & cerevisia bene cocta. Quod si vires debiles sint, oportet parum & saepe bibere. Potus pro descensu, aut commixtione, aut elixatione ciborum in ventriculo, commodissime exhibetur, dum cibus assumitur, pro quantitate ciborum.

Regula secunda. Qui copiosum cibum assumit, copioso etiam eget potu, sed non confertim, aut simul quam plurimum, nisi virtus bibentis valida fuerit; nam qui robusti non sunt, largum potum vitare debent, ne vis ventriculi lædatur, & fluctuationes oriantur.

Regula tertia. In calidis biliosis naturis, aut dum alimenta levia assumuntur, quæ in calore facile dissipantur, aut corrumpuntur, potus sit vinum tenuissimum, cerevisia tenuis, & similia, quæ sua qualitate calorem contemperant; contra in frigidis naturis, aut dum alimenta sumuntur, quæ difficulter superantur, potus sit vinum aut cerevisia potentior, quæ calorem nativum excitat.

Regula quarta. Pueris cerevisia, aut vinum tenuius: senibus, meracius convenit.

Regula quinta. Hyeme plus edere expedit, sed minus (meracius tamen) bibere. At Vere paululum cibo demendum, adjiciendum potioni: sed dilutius bibendum, præsertim æstare.

Regula sexta. Post concoctionem ciborum in ventriculo, ut alimentum ad jecur per venas deferatur,

aliqui potu nullo indigent, quia amplos meatus habent & satis validam vim expultricem ventriculi, & attriticem venosi generis, aut alimentum suâ naturâ sat liquidum. Alii, quia contrario modo se habent potu aliquo indigent, qualis tenuium partium esse debet, ut secum facilius alimenta devehat. Exhibetur autem talis potus potissimum post integram concoctionem in ventriculo, ubi ructus nullam qualitatem ciborum referunt, ad minimum post quatuor aut quinque horas à cibo: quo tempore si siti molestantur, & gravitatem circa ventriculum senserint, bibere commodissime poterunt: dum verò coquitur in ventriculo cibus, aut abstinere oportet, aut parum assumere potius consueti, ne cibi in ventriculo fluctuent, & eos ipse minimè amplecti queat.

Regula septima. In corporibus sanis potus actu frigidiior præferendus est, quia melius sitim restinguit, appetitum excitat, viscera roborat, calorem nativum auget.

Regula octava. Vinum sit defæcatum & tenue, quòd si id tartaro acri redundet, corrigatur assumptis aliquot granis mastichis. Id enim Hermes Trismegistus observabat, ne vinum tartareis facibus corpus corrumperet.

CAPUT XXII.

An largior usus aromatum in cibus conducat valetudini?

MAgistri sanitatis rectissime judicant, aromata, & quæcunque latentem tegunt ignem, vitanda esse. Modicus & parcus aromatum usus non omnino excludendus, sed crebriorem illum & largiorem piperis similiumque condimentorum usum ab imbecilliore

ventriculo arcent periti. Contrarium namque rebus contrariis pessimè curatur. Galeni dogma est, contrarium curandum modicè contrario. Frigidum stomachum aromatibus multi caloris velle curare, insania est; hoc enim est, contrariū valde contrario velle persanare.

CAPUT XXIII.

An bellaria conducant valetudini?

SI meam hac de re quæris sententiam, è germano petore dicam quod sentio. Bellaria omnia, nebulae dulciariae, mellea scitamenta, liba, tragemata, ficus, carpesia seu cubebæ, uvulae, & quidquid horum est in mensam secundam inferri solitum, & omne sacchari variegatum blandimentum, nugæ sunt merissimæ, dulcis callacia, tyrannis gulae grata, sed sanitati noxia. E Medicorum scholis res nota, saccharum esse dentibus venenum, fellis augmentum, hepatis incendium, stomachi non leve nocumentum.

Vir quidam doctissimus & medicinae peritissimus, este P. Drexelio *lib. 2. de jejunio*, hanc tulit de omnibus nebulis dulciariis sententiam: Bellaria omnia stomacho adversaria, nocumenta certa, bullæ & phaleræ libidinis gulosæ. Stomachus valens & robustus hæc non cupit, debilis admittit, sed cum noxa, & mali originem ignorat. Hæc bonum stomachum corrumpunt, & malum non emendant, nec restituunt. Vultisne posse bonum stomachum? convenientia sibi & robusta, verbi grat. carnem bubulam leviter lixam, & similia appetit, saccharum & illas fraudes dulciarias valde averfatur. Malus ac debilis stomachus suæ quoque naturæ competentia sectatur, quod molle & dulce est amat, & plerumque sibi nocitura eligit. Cucumeres & pepones, placentas & pultes, cerarum, aliorumque fructuum colorata somnia expetit, bellaria & sacchari

vaframenta cupidè lambit, sed in suam perniciem. Vel pueris Medicorum hæc ratiocinatio non ignota: Omne pingue & dulce stomacho ac dentibus inimicum & amicū felli: sed bellaria pleraque maximam partem sunt dulcia: ergo dentibus & stomacho inimica. Adhæc si talia cibos alios præcedant, appetentiam omnem destruunt, si sequantur & in fine sumantur, alvum magnopere stringunt, juxta Medicorum axiomata. *Dulcia in fine constipant.*

CAPUT XXIV.

An cibum capere madidis pedibus officiat valetudini?

Hieronymus Cardanus in erudito illo de subtilitatibus volumine censet eos, qui frigidis & insuper madidis pedibus accumbunt mensam & comedunt, lethalem valetudinis noxam contrahere. Pedes frigidi caput & stomachum malè afficiunt: quod si ac frigus accedat mador, geminatum malum. Si deinde stomacho adeo non disposito ingeratur cibus, certa noxa. Hinc paulatim tussicula, tabes, &, quod pessimum, ignorantia mali.

CAPUT XXV.

Quâ mensura cibam potumque sumere oporteat.

Quilibet explorare debet vires & vasa corporis suæ, ut æqualem cibi potusque mensuram invenire atque observare possit. Communiter post annum ætatis trigessimæ sextum sufficere videntur duodecim vel sedecim uncie cibi per diem, & totidem, vel paulo plures uncie potûs. Quod intelligi velim de iis, qui toti sunt studiis addicti, sive sint debiles & ad senium

ergant, sive robusti & in ætatis flore constituti. Patres sanè, qui in eremo vixerunt, solo pane & aqua, ut est apud *Cassianum collat. 2. Abbat. Moysi cap. 19.* hanc mensuram observarunt, utpote qui duobus paximaciis, id est, duobus parvulis panibus, vix unius libræ, id est, duodecim unciarum pondus habentibus: fuerunt in singulos dies contenti. Quòd si Partes illi longâ loſti experienciâ, satis esse judicarunt duo paximacia, sive duodecim uncias (singula enim paximacia fuerunt solum sex unciarum, & duo simul juncta pendebunt libram duodecim unciarum, qualis fuit apud veteres in usu) & quidem panis sicci, absque ullo obſonio: quântò magis sufficere poterunt 6. 7. vel 8. unciarum panis cum 6. 7. vel 8. unciis obſoniorum, quæ duplo plus nutriunt quàm siccus panis. Huc accedit poco aquæ, quâ illi utebantur, quæque per se non nutrit, cerevisia vel vinum, quæ multumimenti præsent.

CAPUT XXVI.

An prandium debeat esse largius cœnâ, vel cœnâ largior prandio?

Hippocrates *lib. 3. de diata,* & Galenus *lib. 7. de mendendi methodo,* ac reliqui ferè antiqui largiorem præferunt cœnam. Recentiores permulti prandium valentius esse liberalius, propterea quòd diurno solis calore corporisque exercitatione juvetur concoctio.

Unicâ ego contentus sum distinctione, quam apud veteres reperio. Nam si corpus sit sanum, esto cœnâ largior, quia facilius meliorque per noctem fiet concoctio. Quam ob causam Medici omnes quiete & somno cruditates ventrisque repletiones curari præciunt; motus enim & vigilia magnopere distrahunt naturæ calorem, qui in quiete & somno ad unam il-

lam operationem vitæ inprimis necessariam totus colligitur, illique soli vacat anima, quæ dum vigilat, in plures operationes distrahitur. Accedit nocturnum frigus, quod per antiperistalticum calorem internum juvat, atque ad interiora compellit, quem exercitatio diurna solisque calor evocaverant. Ideo & plus comedimus hyeme & melius digerimus quam æstate; ventres enim hyeme calidiores sunt. Plantas quoque & arbores manifestum est feliciter nocte adolescere, quam cum diurno solis calore aduruntur. Accedit quod plus temporis intercedat inter cœnam & prandium quam inter prandium & cœnam, dumque mane somno surgimus, liberiores ventriculum magisque purgatum sentimus, quam cum vespere ad cœnandum accedimus; diuturna enim exercitatio & motus corporis cum vias omnes aperiat, secretionem potius & purgationem excrementorum juvat, cibi quæ per corpus universum distributionem, quam concoctionem promover. Itaque cum in somno melius, quam in vigilia cibos coquamus, liberius & largius cœnare quam prandere licebit.

Atque hæc intelligenda sunt de corpore sano & optime constituto. Si verò corpus vitiatum fuerit, & minus bene affectum, conducibilis erit interdum prandere largius, quam cœnare: quemadmodum si dolore capitis laboret, nimia ve pituita aut alio simili morbo; nam si talis homo multum cœnaverit, peius habebit propter vapores multos, qui noctu in caput trajiciuntur. Idem illi servandum, cui difficilis fuerit cibi descensus, ut aliqua per diem juvandus sit corporis exercitatione. Verum in omnibus retinenda est consuetudo, aut certè non subito, sed sensim & longo tempore mutanda.

Hanc doctrinam confirmat Alstedius, dum in sua
Ency

Encyclopædia sic scribit: Qui catarrhis, epilepsia, & similibus morbis capitis obnoxii sunt, quia somnus caput replet, inprimis si adsit redundantia crudi humoris in ventriculo, tales à copiosa cœna abstinere debent, & plus in prandio assumere.

Idem Author alio loco Encyclopædiæ suæ: In prandio, inquit, poterunt sumi 8. vel 10. uncia, vesperi 4. vel è contrario in prandio 4. & 8. vel 10. vesperi pro cœnâ; ita ut vel prandium sit largius cœnâ, vel cœna sit largior prandio, prout cuilibet est commodum. Verùm in istis diuturna consuetudo magnam vim habet: similiter & corporis dispositio. Nam si ventriculus pituitâ frigidâ & lenta abundet, magis conducit, ut aliquis semel tantum de die comedat: quia multum temporis requiritur, ut illa concoquatur vel extenuetur. Si tamen refectio in vesperam differatur, proderit meridie modicum quid tumere, præferim quod juvet ad nimiam ventriculi humiditatem exsiccandam: vel si meridie prandeatur, tale quid expediet sumere vesperi, verbi grat. passulas cum pane, vel similia. Maximè enim iis, qui ita affecti sunt, curandum, ut humiditas ista stomachi, quantum fieri potest, corrigatur; quia inde stomachus flatibus, & caput nebulis, lentoque phlegmate oppletur. *Sapientia*, inquit ille, *in sicco habitat, non in paludibus & lacunis.* Et Heraclitus, *Anima sicca, anima sapientissima.*

CAPUT XXVII.

Medicamentis valde moderatè, & nunquam sine vera necessitate utendum esse.

Instituta sunt, fateor, ad salutem humani corporis pharmaca, si tamen rem penitus inspiciamus, profecto

fecto deprehendemus eorum usum vel perniciosum esse, vel, cum salutaris est, emolumentum non sine nocumento afferre. O quantos sepelierunt pharmacopolæ potius, quam vespillones. Quanquam ego hic non Medicos, nec Medicorum dogmata, nec tam pharmaca, quam pharmacorum multitudinem varietatemque vitupero. Pannus dum lavatur, fit nitidior quidem, sic tamen crebriori lotionē arteritur, ut demum pertundatur. Ita prorsus humanum corpus medicamentis toties purgatur, exsiccatur, attenuatur, ut tandem penitus corrumpatur, & in tabem abeat. Novi virum Principem (inquit Drexelius lib. 2. de jejuniis) quem septem Medicorum placita suaviter deduxerunt ad plures. Potuisset vir ille vivere, si faber ferrarius, aut sector lignarius fuisset, quem pauperies copiâ pharmacorum abstinere coëgisset. Memini Medicorum Principem dicere: *Cavete à nobis quantum potestis.* Quid, quod peritissimi quique Medicorum parcissimi in applicandis sibi medicamentis extiterint; Complures novi viros feminasque post sumpta pharmaca incepisse seriò ægrotare, quibus antea constabat sanitas.

At prophylactico (inquiunt) opus est: præstat morbum prævenire, quam à morbo præveniri. Si morbum accersere sit præcavere, non malè hi ratiocinantur. Invaletudinem satis cavet, qui semel iterumque per annum alvi ductione corpus eluit. Mors in olla viri, ubi pharmaca tam crebra & multiplicia. At sunt homines tam perditè sui amantes, qui autument valetudinem sibi constare non posse, nisi omnes penè Pharmacopolarum ollas & pyxides liguriendo exhauriant. Hi ipsi sanitatis adjumentis præmaturam sibi mortem accersunt.

CAPUT XXVIII.

De admiranda aceti Scyllitici, ad sanitatem conservandam, vitamque prolongandam, efficacia.

SAlubre (inquit Galenus) & optimum est acetum Scylliticum. Ab ipsius enim Authore fertur, quicumque hoc utatur, longæ vitæ fore, & extrema ejus ad finem usque permansura. Et ipse quidem Samius senex hujusmodi extitit: quantum enim temporis vixit, haud ignoras. De ipso in libro traditum est, quod cum suis consanguineis hanc facultatem communicaverit, cumque illo medicamento uti cepit, quinquaginta annos natus erat, & usque ad annos 117. vitam produxit integer, nullâ unquam adversâ valetudine tentatus. Hæc sanè medicamenti author dissevit. Nos verò hujus viri & fidei periculum fecimus, & firmam constantemque hujus medicamenti facultatem esse testamur. Hujus aceti parum manè sorbeo. Tibi autem hæc evenient, ut nec faucium orisque partes unquam remollescant; os ventriculi bene valet, facile spiritum duces, vox rectè habebit, oculi acutissime cernent, aures in officio manebunt, nullusque latulentus vapor unquam in ventre excitabitur, nullum viscus suspensum erit, & bene spirans, beneque coloratus deges, ad civilia negotia rectè affectus, non cadum, non falsum ructabis, si aliquid illius aceti sumptieris: jejunus autem ut sumas præcipio, septemque stadia deambules: ita enim dissolvetur. Hoc aceto quicumque utitur, in victu quantumvis licentiofusesto; omnia enim cibaria conficiet, & à nullo unquam offensam patietur, neque valde implebitur, sed in melius proficere videbitur, nec supervacui quidquam

quam in corpore residebit, non flatu, non bilis, non stercus, nec urina, sed omnia facile excernet & educet. Alvus lubrica omnino erit, totiusque corporis purgativum medicamentum, etiam si ossibus excrementa inhæreant. Phthisicos item ab omnibus deploratos, hoc medicamento sanitati restitutos novimus. Morbo comitiali diurno efficaciter profuit, ut nisi post longa temporis intervalla non redierit: incipientem verò ac novum perfectè discutit, neque de integro hunc redire permittit. Ad podagras præterea & articulorum morbos, jecoris, lienisque durities vehementer facit. Et particulares quidem aceti scyllitici effectus hi sunt. Hactenus Galenus, & ex eo Matthiqlus, à me in Arte Discurrendi citatus.

CAPUT XXIX.

An, & quâ ratione Paterfamilias debeat esse peritus rei medicæ?

Cùm non semper præsto sint Medici, oportet Patremfamilias in promptu habere* medicamenta quædam in suo pharmacopolio domestico, ut vocant, atque insuper etiam perspectum habere modum utendi medicamentis familiaribus. In quem finem sequentes deservient regulæ.

Prima. Fundamentum Medicinæ unicum & Catholicum hoc est, ut per spiritum, qui est in rebus naturalibus, confortemus spiritum nostrum. Hic verò spiritus nihil est aliud, quàm quinta quædam essentia elementis immixta. Si quis itaque illam quintam essentiam possit quàm optimè segregare, eamque magis & magis intus assumere, vel saltem rebus illis frequentius uti, quæ prædictâ essentiâ abundant, ut sunt aurum, vinum, triticum, saccharum, Myroba-

lan

lani &c. non difficulter suæ suorumque consuler valetudini.

Secunda. Modus comparandi spiritum mundi, seu veram quintam essentiam, non est petendus ab Alchimistis carboniperdis, sed à veris Philosophis: quos inter excellit Cornelius Drebbelius, cujus brevissima commentatio de quinta essentia solidissimè monstrat modum facillimum parandi quintam essentiam ex auro, omnibusque mineralibus, vegetalibus & animalibus.

Tertia. Persuadeant sibi Patresfamilias, theriacæ vim esse mirabilem contra senectutem & venenum.

Quarta. Aloe, cubebæ, & myrobalani inprimis conducunt ad firmam valetudinem litteratorum.

Quinta. Singulis mensibus prodest semel aut bis vivere; vel certè uno die integro ab omni cibo potuque abstinerere.

Sexta. Singulis septimanis potest sumi acetum scyllicum: cui tamen, si quis sit senex, ob stomachum, paulum cinnamomi, gingiberis, & cardamomi addendum est.

Septima. Nonnunquam prodest uti ad purgationem Therebinthinâ Venetâ avellanæ magnitudine. Similiter etiam conditum gingiber jejuno interdum profuerit.

Octava. Hyberno tempore vinum helenium: absinthiacum, aut caryophyllacium in prandio utiliter bibitur.

Nona. Interdum parum confectionis Mithridaticæ, et Theriacæ Andromachi, temporibus nebulosis, æsertim hyeme, & constitutione pestilente accipere, est utile.

Decima. Medicamentis violentis, sive purgantibus, & confortantibus, tanquam venenis abstinendum.

Unde

Undecima. Contra pestem Paterfamilias sequentibus inprimis antidota adhibere poterit. Haustus urinæ propriæ vel pueri impuberis magno cum fructu contra pestem bibitur. Si quis peste corripiatur, præter dictum haustum urinæ, proderit lacti calido recens mulso (verba sunt Alstedii in Encyclopædia) pedibus ac tibias immittere. Tum enim lac coagulabitur & venenum attrahet. Præterea in conclavi suspensum in alto semper habeatur, præcipuè autem tempore pestis, vasculum quoddam æneum, aquâ repletum. Ista siquidem venenatos humores ac vapores intra conclave existentes ad se trahet, qui aquâ innatantes in pelliculam coeunt: quæ quò crassior, eò major copia veneni attracta, atque aër ipse sic purior salubriorque in conclavi efficitur. Purgatur insuper aëtherum odoriferarum suffitibus; in quarum censu habemus absinthium (aloë illam rusticorum) mastichethus, thymiana, styracem, succinum, lignum aloë, myrrham, ambram, moschum, juniperum ejusque grana (theriacam illam rusticorum) salviā, majoranam, serpillum, pulegium, rorem marinum, helenium & ejus generis alia. Nec incommodè collo appenderetur sacculus Jacobi Carpenfis hoc modo confectus. Recipe Arsenici albi crystallini partes sive uncias duarum, rubei partem unam: fiat placenta rotunda digiti crassitudine, cum ovi albumine, aut mucilagine Tragacanthi subacta: insuatur linteolo superaddito serico, & sic regioni cordis admoveatur.

DISCURSUS TRIGESIMUS NONUS.

EX MEDICINA.

De signaturis rerum ad morbos pellendos deservientium.

PROPOSITIO PRIMA.

Quodcunque habet signaturam partium hominis, illud confortationi earundem inservit, ac proinde morbos, quibus ea partes conflantur, fortiter pellit.

Hinc quia folia asari habent signaturam aurium, ideo ex floribus ejus conserva paratur, quæ comesta auditum magnopere confortat.

Cochleæ sunt acutissimi auditûs suntque insuper prælongis signatæ auriculis. Hinc ex præcepto Medicorum coquantur in aqua & sale, & despumantur, post exsiccationem macerantur in oleo succini & deinde destillatio instituitur: promanans inde oleum mirificè deservit ad recuperandum auditum.

Folium mentastri aquatici (est herba, cujus folia sunt angusta & hirsuta, flore è puniceo albicante) formam nasi refert. Hinc ejus extractum specificum est in amissione odoratûs, teste Nollio in *Medicina Hermetica cap. 3.*

Grana nigra herbæ Paris, seu aconiti salutiferi, habent signaturam pupillæ. Quapropter oleum inde prolectum seu expressum, ad oculorum effectus efficacissimum est medicamentum, à nonnullis *Animaoculorum* nuncupatum.

Lanugo malorum cydoniorum refert aliquo modo capillos: ideo decoctum ejus in restituendis capillis qui à lue venerea defluerunt, magnas obtinet vires.

Quæ cordis figuram referunt, cordi opitulantur: ut malum citrinum, fructus anacardi, radices anthoræ, nardus, melissophyllon.

Quæ pulmones repræsentant, conferunt pulmonibus, ut pulmonaria, herba Botanicis nota.

Juglandes habent integram signaturam capitis: cortex exterior, seu herbaceum involucrem figuram habet pericranii. Quæ de causa sal corticum juglandis, ad vulnera pericranii singulare est remedium. Cortex juglandis interior, seu ligneum putamen, repræsentat cranium. Pellicula circumdans nucleum refert meninges seu membranam cerebri. Nucleus juglandis, ipsius cerebri effigiem exhibet: ideo etiam cerebro conducit; nam nucleus tritus, si cum quinta essentia vini humectatus verticis capitis imponatur, cerebrum potenter confortat.

Folliculus floris Pæonicæ adhuc conclusus, sicut signaturam habet capitis, cum futuris & venulis cerebri circumdantibus ita mirificè eidem conducit.

Satyrionis radix formam testiculorum exquisitè repræsentat: unde Philosophi & Medici intellexerunt, ei inesse specificum arcanum ad conceptionem proliſque generationem promovendam, quod sterilissimi etiam mulieribus sæcunditatis donum impertiat.

PROPOSITIO SECUNDA.

Quodcunque habet signaturam morborum, illud ad eosdem morbos tollendos conducit.

Flos Lilii convallii habet guttæ signaturam, quia instar guttæ pendet: ideo in apoplexia magnus est ejus usus.

Cal.

Calculi signaturam habent cryſtallus, ſilex, radices
 axifragiæ, lithoſpermôn, nucleiceraſorum, perſico-
 um, meſpilorum: item capæ, fructus roſeti rubei:
 denique plurimi alii, in ſenticetis, rubro colore, in
 utumno ad maturitatem provenientes fructus. Ita-
 ue hæc omnia ad comminuendum calculum condu-
 unt.

Urina Lynceis coit in lapidem: ideo ejus urina ad
 reſicæ ſtillicidia prodeſt.

Agaricum, & reliquæ arborum excreſcentiæ, quæ
 ſupra ramos & frondes contra naturæ ordinem excreſ-
 cunt, humanorum artuum excreſcentibus partibus
 ceduntur.

Fræga habent ſignaturam lepræ, ideo Raimundus
 nullus fragorum in ſpiritu vini maceratoium uſum in
 cura leproſorum impenſè commendat. Similem
 ſignaturam habent viperæ: quarum proinde caro præ-
 parata leproſis utiliter exhibetur.

Salix non fert ſemen, ſed virgula ejus abſciſſa, etiam
 è emarcida, ſolâ infixione in terram creſcit: ideo bal-
 um ex decocto ſalicis præparatum, eſt præſtantiſſi-
 um ad membra tabida remedium.

Omnes maculoſæ plantæ maculas corporis noſtri
 ſtergunt.

Carduus benedictus cum ſuis punctiõibus curam
 euritidis indicat: uti & Carduus Mariæ.

Medulla rubra, quæ in lapidinarum juncturis re-
 ritur, & eruitur (vulgus *jecur lapidum* vocat) ſigna-
 ram dyſentericiæ habet: ac proinde in dyſentericis
 xionibus magno juvamine adhibetur.

Convolvulus in ſegetibus proveniens, inteſtina re-
 ſentat: ideo decoctum ejus eſt in Colica ſingulare
 medium.

Lunaria ſignaturam habet cancri. Hinc Medicus

quidam, teste Nollio sup. cit. affirmat se ejus usu o-
nes mamillarum cancos curavisse.

PROPOSITIO TERTIA.

*Quidquid è corpore aliquo extrudit naturam ali-
nam, idem quoque ex corpore humano natu-
ram alienam expellit.*

Exemplum primum ponit Quercetanus ex Parace-
Tetrad. p. 396. in antimonio. Cujus natura cum
sit spoliativa, & mundificativa, hinc fit, ut corporis im-
puritatem non secus absumat, quàm aurum & arge-
tum depuret, ut experientia testatur. In primis aure
tollit lepram: imò omnes morbosas impuritates.

Exemplum secundum suppeditat nobis alce. Sic
enim hoc animal, ut dictum est supra in Tetrapode-
logia, posterioris pedis dextri ungulâ in aurem immi-
sâ, eam perfricando se ab epilepsia liberat, ita pariter
homo eandem ungulam auriculæ sinistræ, ingruen-
tibus paroxysmo, immittens, eamque fricans, paroxysmum
depellit.

Exemplum tertium cernitur in ovo frigore conge-
lato, quod si ad tempus in aqua frigidissima ponatur
glaciale frigus ab eo extrahitur, ovumque in integrum
restituitur: ita pariter membra frigore vitata sanantur
per positionem in aqua frigida nivali. Et sic frigus ex-
trahit frigus.

PROPOSITIO QUARTA.

*Plantæ, quæ vel representant ipsa Animalia, vel
animalium partes, valent ad propellendos
morbos, qui ab iisdem animalibus subo-
riri possunt.*

ITa Serpentina major, quæ serpentem representat,
item Rhamnus, seu spina alba, in qua acutæ spinæ ha-
bentur.

EX MEDICINA.

515

pent similitudinem dentium serpentis, morsui serpen-
ino medentur. Ita semen Psilii, quod figuram puli-
is habet: pulices ipsos fugat. Ita denique Scorpio-
lis, Telepsium, aliaque similia, quæ caudam scorpio-
is analogiâ quâdam & similitudine representant,
agnam virtutem ad scorpionum plagas sanandas ob-
nent. *Quercetanus de signaturis rerum externis.*

PROPOSITIO QUINTA.

*Animalium partes, quarum balsamus est valde
fortis ad functionem aliquam expediendam, vi-
gorem similem conciliant similibus humani
corporis partibus, ut efficacius præsent id,
ad quod destinatae sunt.*

Ta pulmo vulpis prodest pulmoni hominis. Ita
mammarum muliebrium fissuris medetur inunctio
utinis, ex uberibus vaccinis præparati. Ita matri-
s gallinæ pulvis in collum matricis alicujus mulieris
jectus, ejusdem fluorem exsiccat, & sterilitatem inde
tam tollit, juvatque conceptionem. Ita denique essen-
præparata de ossibus cordis cervi Cor hominis in
ardiaca & syncope corroborat.

PROPOSITIO SEXTA.

*Nulla bestia, quæ venenum in aliqua tantum sui
corporis parte habet, continet in se balsamum,
quod sit veneni antidotum.*

Ratio est, quia hujusmodi bestia habet in se natu-
ram, quæ se à maligna veneni sui qualitate tuetur.
nde cor viperarum, etiam ad solem exsiccatum, &
lverisatum, veneno adversatur, illudque à corpore
stro expellit. Aculeos apum corporibus nostris
ixos mel sanat. Homini à scorpionibus icto, re-

medio est oleum eorundem, vel cinis, si parti læta
plicetur. *Henricus Nollus in systemate generali M
dicina Hermetica. cap. 4.*

DISCURSUS QUADRAGESIMUS.

EX JURE CANONICO.

*De institutione & electione Summi Pontifi-
cis.*

PRÆFATIUNCULA.

Sacrorum Canonum Scientia est dignitatis Ecclesie
sticæ Parens, castigatrix morum, Sacrorum rituum
Lapis Lydius, Monarchiæ Sacræ firmamentum.
Ejus decreta sunt Juris Civilis Jura, sunt legum profana-
rum leges, sunt Imperiorum omnium Imperia.

1. **C**HRISTUS secundum humanitatem est Caput
mysticum totius Ecclesiæ, tam Militantis, quàm
Triumphantis, juxta illud Pauli ad Ephes. 1. *Ipsum a-
dit Caput supra omnem Ecclesiam, quæ est Corpus ipsius*
2. **C**HRISTUS ex Ecclesia Militante ad Triumphan-
tem ascensurus, necessarium duxit aliquem Ecclesiæ
se in terris constitutæ Præsidem relinquere, qui ejus
Vicariam exerceret potestatem. Cùm enim Christus
esset Pastor bonus, non voluit nos hic in terris reli-
quere orphanos absque Pastore & Gubernatore gen-
rali, quem coram corporeis oculis intueremur, quem
de occurrentibus dubiis consuleremus, quem Caput
haberemus à Christo secundum, & inter homines pri-
mum. Accedit, quòd Regimen Ecclesiæ sub ea for-
ma manere debuérat, qua institutum fuerat à Christo
sed ante Christi Ascensionem institutum fuerat su-
per Capite visibili: ergo post Christi Ascensionem re-
manere

anere debuit sub aliquo Capite visibili; alioquin Remen Ecclesiæ, & consequenter ipsamet Ecclesia mutaretur, esset, quod dici non potest.

3. Christus per illa verba: *Pasce Agnos meos: Pasce oves meas*, Joannis 21. & 22. & Marci 16. elegit Petrum in Pastorem, Caput & Duce[m] totius Ecclesiæ Militantis. Atque ita factus est Petrus Fundamentum visibile Ecclesiæ super fundamento invisibili, quod est Christus.

4. Quod Christus S. Petrum sibi Vicarium & Successorem constituerit, satis insuper declarant illa verba Matth. 16. *Tu es Petrus, & super hanc Petram edificabo Ecclesiam meam, & tibi dabo claves Regni Cælorum, & quodcumque ligaveris super terram, &c.*

5. Papatus prout à Christo in Persona Petri institutus, est de Jure divino, sicut & potestas, quam Christus Petro dedit. Quod autem Papatus sit in persona ejus vel illius hominis, exceptâ Personâ B. Petri, non est de Jure divino, sed pendet ex electione humana.

6. Inter plures de Papatu contententes (inquit Barella à Barbosa citatus) non est de Jure divino nec vel illum esse Papam: ac proinde infert posse transiri de Papatu.

7. Petrus, cum Hierosolymis statum Ecclesiæ & fieri ordinasset ac roborasset, Sedem Apostolicam potestatis Antiochiæ primitus erexit. Postea verò jubente domino eandem Sedem Romam transtulit.

8. Romæ Sedes Apostolica ita stabilita est, ut ibidem ex necessitate divini præcepti remanere debeat, & que possit contra Domini jussu[m] aliò transferri. Minus, nisi id propter rebellionem populi, vel incursum hostium, aut aliam probabilem causam fiat.

9. Multorum opinio est, licere summis Pontificibus

bus successores sibi ipsis diligere, exemplo B. Petri, qui Clementem sibi in Papatu successorem constituisse fertur. Sed dici potest, Petrum, aliosque Apostolos multa habuisse privilegia, multaque ex speciali commissione & Divina inspiratione fecisse, quæ aliis Pontificibus concedere non debemus. Adhæc probabile est, Clementem à Petro non tam in Successorem electum, quàm Sacro Senatorum Collegio, ut ab eo eligeretur, præsentatum fuisse.

10. Papa non potest ante mortem suam sibi successorem eligere. Tum quia Papa & Episcopus habent se ad Ecclesiam, sicut Vir ad Uxorem: Vir autem, licet sit Caput Uxoris, non potest tamen ipsi alium virum constituere, quia mortuo viro uxor ab ejus lege soluta est. *i. ad Corinth. 8.* Tum quia vel taliter electus vivente adhuc Electore potestatem accepit, vel post ejus mortem accipere debet. Primum non est dicendum, cum duo suprema Capita in Ecclesia simul dari non possint. Secundum etiam admitti non debet, quia in hoc casu effectus nominationis refertur ad tempus inhabile, quo eligens non est amplius Pontifex: unde quemadmodum tunc non posset eligi, ita nec nunc potest eligi; paria enim sunt aliquid gerere tempore inhabili, vel tempore habili, & effectum ejus conferre in tempus inhabile. Itaque Successor Papæ non ante sed post mortem Papæ eligendus est.

11. Licet Electores in creatione Summi Pontificis Personam designent, solus tamen Christus immediate confert dignitatem & potestatem.

12. Papæ adhuc superstiti nulli licet verbo, scripto, promissionibus, aut quovis modo de successore tractare, sub pœna anathematis & privationis dignitatum.

13. Electio Summi Pontificis post B. Petrum fuit pe-

Senatum Ecclesiæ Romanæ, ex Presbyteris & Diaconis Romanæ urbis constantem : quos B. Petrus in cum assistentium Apostolorum, qui per orbem dispersi erant, Romani Pontificis Consiliarios & Coadutores instituerat : qui postea Cardinales nominari ceperunt.

14. Post tempora B. Sylvestri, quando Ecclesia bonis temporalibus & terrena potestate perfrui cœpit, oritur scandalis & scissuris inter prædictos Ecclesiæ natos, reliquus Clerus, populusque Romanus, ad assensum & corroborationem exhibendam, electioni Pontificis adjunctus est.

15. Procedente tempore Romanus Imperator suam auctoritatem electioni Pontificis interponere cœpit, sed usque processit, ut nullus Canonicè electus putaretur, nisi Principis decreto esset confirmatus. Atque hoc jus Principis expressa Pontificis auctoritate corroboratum fuit.

16. Adrianus I. Pontifex Maximus Carolo M. (in cuius persona Imperium à Græcis in Germanos translatum fuit) potestatem dedit eligendi Pontificem, & Apostolicam Sedem ordinandi. Cujus concessionis nullam Parisiis inter præcipuos Regni thesauros assertum fuisse tradit Gloss. in *Pragm. sanct. tit. de annatis, verb. Regalia*. Idem Jus Leo VIII. confirmavit, traditque Othoni Imperatori & successoribus ejus. Sed subsequentes Pontifices, præsertim Alexander III. prædictum Jus Imperatorium justis de causis abrogaverunt.

17. Nicolaus II. Pontifex sacram legem edidit de electione Romani Pontificis à sacro Cardinalium Senatu peragenda : statuendo, ut electio Papæ præcipuè à Cardinalibus perageretur, ac deinde reliquus Clerus ac populus ad eam comprobendam accederet.

18. Alexander III. statuit, ut ille demum Canonice in Papam electus censeretur, in quem duæ ex tribus Collegii Cardinalium partibus consensissent. Quod non intelligendum de omnibus Cardinalibus etiam absentibus, sed de iis solis, qui electioni interfuerunt. Et sic electio Summi Pontificis, excluso Cleri Populique consensu, solis Cardinalibus demandata fuit.

19. Si Sedes Apostolica vacaret eo tempore, quo generale Concilium congregatum esset, eo casu electio Papæ non ad Concilium, sed ad solos Cardinales pertineret. Idque re ipsa servatum fuit in electione Leonis X. tempore ultimi Concilii Lateranensis.

20. Contra eum, qui à duabus partibus Cardinalium in Pontificem electus est, nulla exceptio opponi potest præter hæresim, aut aliam exceptionem in Jure Divino consistentem.

21. Electus in Pontificem, quamvis non sit Cardinalis, verus est Papa. Imò etiam Laicus, dummodo Christianus sit, in Summum Pontificem eligi potest.

22. Papæ defuncto, Cardinales absentes statim moriendi, & per decem dies, à die mortis Pontificis computandos, expectandi sunt: etiamsi certum sit, eos intra decem dies venire non posse.

23. Cardinales non tenentur expectare, donec decem dies à morte Pontificis elapsi sint, sed possunt ante completum illud tempus ad electionem procedere si iusta subsit causa præveniendi, v. g. gravis aliqua Ecclesiæ necessitas, bellum ingruens, seditiones repente exortæ, timor aëris inficiendi, & similia, quæ iudicio prudentum relinquuntur.

24. Valida est electio Papæ, etiamsi absentes per decem dies expectati non fuerint: dummodo in aliis requisitis substantialibus non sit defectus.

25. Quamvis Cardinales absentes per decem dies expectati non fuerint, electio non est invalida, si per

electandi sint, non debent tamen vocari seu citari. Quod speciale est in electione Romani Pontificis, cum alii absentes vocari debeant.

26. Prædictum tempus expectationis decem dierum non est prorogandum, nisi gravissima causa dilationem suadeat. Sed licet tempus illud prorogatum fuerit, nihilominus tamen electio subsequuta valet, dummodo alia requisita non desint.

27. Durante prædicto decennio, Cardinales præfentes defuncti Pontificis exequias celebrare debent.

28. Gregorius XIV. in sua constitutione, quæ incipit *Cogit nos* &c. prohibet ne fiant sponfiones, seu excommiffæ (ut ajunt) super vita, morte & futura electione Summi Pontificis: ubi quidquid in excommiffis deductum fuerit, piis locis applicat: atque infu-
er personis Ecclesiasticis excommiffas facientibus pœnam privationis bonorum imponit, & tam eis, quàm aliis contra hanc prohibitionem delinquentibus excommunicationis pœnam infligit.

29. Cardinales omnes ad electionem Pontificis admittuntur, nullâ excommunicationis, vel interdicti obstante exceptione. Unde & Cardinales nuper creati & publicati eandem cum reliquis in electione Pontificis obtinent potestatem, etsi nondum insignia Cardinalatûs acceperint, sunt enim veri Cardinales; nam quando quis in Cardinalem nominatur (inquit Bar-
bosa) & assentit, verè Cardinalis efficitur.

30. Licet Cardinales, qui non sunt Diaconi, ex constitutione Pii IV. Sixti V. & Gregorii XV. in electione Pontificis vocem non habeant: huic tamen statuto Pontifices derogare solent, quando Cardinales creant: & super hoc Breve particulare expediri mandant.

31. Si plurimi Cardinales ante factam Pontificis

electionem decedant, ad solos superstites, qui vivunt, pertinebit electio, licet duo tantum remanserint; quia unus poterit eligere alium. Imò licet unus tantum remanserit, cæteris mortuis, vel exeuntibus, vel negligentibus, poterit ille ac debebit Papam eligere; quia Jus & nomen Universitatis in uno servatur.

32. Si omnes Cardinales mortui fuerint, tunc electio secundum quosdam spectabit ad Canonicos Lateranenses, quorum Ecclesia est propria Sedes Pontificis, super omnes Orbis & Urbis Ecclesias: secundum alios ad Concilium generale: secundum alios ad Patriarchas. Prima sententia est probabilior.

33. Si Papa deponatur à Concilio legitimè congregato, tunc electio novi Pontificis non ad Concilium pertinebit, sed ad Cardinales. Contrarium tamen dicendum esset, si Pontifex ob crimen hæresis depositus esset, & Cardinales essent participes criminis aut alià de causa suspecti, aut verisimiliter timeretur schisma, vel magna Ecclesiasticæ pacis perturbatio; tunc enim ob communem Ecclesiæ salutem posset Cardinalibus ad tempus, non in perpetuum, potestas eligendi Pontificem à Concilio adimi.

34. Electio Uxorati in Pontificem valida est; quo casu si uxor consentiat, poterit illa cogi, ut convertatur; si autem vir absque licentia Uxoris in Papam eligeretur, posset is ab Uxore revocari, ut teneatur ei debitum reddere.

35. Solus sexus virilis est capax Papatûs.

36. Cum Papa sub nomine Episcopi comprehendatur, & seipsum Episcopum nominet, Episcopus autem 30. annorum esse debeat, congruenter asseritur, Papam non debere esse minorem 30. annis. Valida tamen erit electio, si quis in ætate minori eligatur.

37. For-

37. Forma, quæ in electione Romani Pontificis sit servanda, à Jure communi non traditur. Unde Innocentius ait: *Non est hic alia forma ex necessitate servanda; imò quocunque modo appareat duas Partes con-*
cessisse in aliquem tanquam in electum, jus habet, & ve-
rus Papa est.

38. Per ipsosmet eligentes triplex forma, seu modus eligendi Papam introductus est: videlicet scrutinium, accessus seu communis inspiratio, & compromissum.

39. Ad scrutinium requiritur 1. Ut sint tres, & non plures, nec pauciores scrutatores, seu inquisitores & collectores suffragiorum. 2. Ut illi sint de Collegio, non autem extra. 3. Ut sigillatim & secretò votum exquirant. 4. Ut omnes eligentes, qui debent, volunt & possunt commodè interesse, congregentur in unum; in Camera enim non potest dari votum. 5. Ut scrutatores vota collecta scripto consignent, & mox publicent in communi. Quo facto, is demum censetur electus, in quem vel omnes, vel duæ ex tribus partibus consenserint.

40. Accessus fieri potest etiam durante scrutinio, quantumcunque publicato: quod speciale est contra jus aliarum electionum. Possunt enim Cardinales accedere alteri electo per alios, & omnino resilire electione quam fecerunt: & si usque ad sufficientem numerum duarum Partium pervenerint, censetur electio secuta per accessum. Quomodo autem accessus peragi debeat, exponit Gregorius XV. in sua constitut. quæ incipit *Aeterni*.

41. Compromissum fit, quando propter discordiam Cardinales in aliquem electionis negotium compromittunt, ut scilicet ipse quem voluerit eligat. Et de hoc debet confici publicum instrumentum.

42. Potest etiam electio compromissaria fieri per compromissum cum scrutinio mixtum; videlicet si ita compromissum sit, ut Compromissarii ipsi exquirant vota singulorum, illumque eligant, in quem maior & sanior pars consenserit. Et tunc non tenetur Compromissarius ad aliud, quàm ad id quod in compromisso expressum est. Itaque non est necessaria tunc collatio meriti ad meritum, zeli ad zelum, sed numeri tantum ad numerum, ut videatur an sit maior pars Capituli.

43. Possit Compromissarium, si unus tantum sit, se ipsum eligere, tradunt S. Antoninus & Azorius. Quod arbitror verum esse, si sermo sit de electione Papæ: Nam talis electione nec divino nec naturali Juri repugnat; cum etiam minimè repugnet eundem esse eligentem & electum. Est tamen repugnantia Juris humani; sed hæc non sufficit ad hujusmodi electionem annullandam; eò quod nulla exceptio à Jure humano proveniens contra talem electionem opponi possit. Verum cum vigore Constitutionis Gregorii XV. nemo possit sibi suffragium ferre, ideo nullus in se compromittere, aut post compromissum seipsum eligere potest.

44. Fertur Joannes XXII. compromisso in ejus personam facto, seipsum elegisse in Pontificem: & hac de causa compromissum deinceps in desuetudinem abiisse.

45. Est & alia forma eligendi Pontificem, videlicet per viam Spiritus Sancti, hoc est per unanimum concordemque omnium conclamationem sine ulla suffragiorum collatione. Fit autem hoc dupliciter. Primo per inspirationem, quando nullo inter eligentes ordine servato, ipsi quasi inebriati & (ut loquitur Barbosa) super se quasi facti eligunt. Secundò per quasi

inspirationem, quando subito unus post alium, sine aliquo intervallo eundem eligit.

46. Ad hoc ut electio non dicatur facta per viam Spiritus Sancti, sufficit vel unicum dissensisse.

47. Ante annos non valde multos introducta est nova forma eligendi Pontificem per adorationem, quando videlicet duæ Cardinalium partes, nullo scrutinio expectato, vocetenus aliquem ex Cardinalibus Romanum Pontificem salutant ac venerantur. Ita electus fuit Pius V. & plures alii.

48. Hodie per decretum Gregorii XV. ab Urbano VIII. confirmatum, electio Romani Pontificis aliter fieri non potest, quam in Conclavi, eoque clauso, & post celebratum in eo prima die sacrificium Missæ, cui Cardinales interesse, & in eo communicare solent; ac per secreta schedularum suffragia duarum ex tribus partibus Cardinalium in conclavi præsentium: præterquam si omnes & singuli Cardinales, similiter in Conclavi præsentis, nemine dissentiente, aliquibus ex eorundem Cardinalium Collegio committerent eligendi potestatem: aut nisi communiter ab omnibus & singulis Cardinalibus in Conclavi præsentibus, nemine dissentiente, quasi per inspirationem, nullo præcedente de persona speciali tractatu, per verbum *Eligo* intelligibili voce prolatum, aut scripto, si voce fieri non potuerit, expressum fuerit celebrata; ita ut electio aliter celebrata sit nulla eo ipso, & ita electus non Apostolicus sed Apostaticus habeatur: & tam ipse, quam eligentes, ejusque auctores sententiam excommunicationis aliasque censuras & pœnas ipso facto incurrant.

49. Sive electio fiat per scrutinium, sive per accessum, sive per scrutinium & accessum simul, non debet electi in Pontificem suffragium computari in

numero eligentium : Neque potest quisquam eligere seipsum, etiam per viam compromissi.

50. Votum Cardinalis absentis, etiam extra conclave tantummodo, licet sit in urbe, non admittitur. Votum autem ingredientis post Conclave reclusum tunc solum valere incipit cum ingreditur : hoc est, ad presentia tantum & futura negotia, non verò ad præterita valet.

51. Absens non potest in electione Canonica votum suum mittere per litteras aut schedulas, tempore scrutiniæ aperiendas.

52. Licet in Palatio Apostolico soleat construi conclave pro celebranda electione Pontificis, non est tamen huiusmodi locus de substantia electionis.

53. Si Papa moriatur extra urbem Romanam (in qua ordinariè fieri debet electio) novus Pontifex eligendus est in civitate, in cujus territorio seu districtu mortuus est Pontifex: nisi illa sit fortè interdicta, vel extra Ecclesiam Romanam in aperta rebellionem persistat; quo casu facienda erit electio in alia viciniore civitate, quæ nec interdicto subiaceat, neque sit, ut prædictum est, apertè rebellis.

54. Si in certo loco causarum & litterarum Apostolicarum audientiæ remanente, Papam alibi mori contingat, non ibi, sed ubi prædicta fuerit audientiæ electio celebrabitur; nisi fortè ante mortem ordinatum esset per Papam de Curia transferenda.

55. Qui canonicè electus non est, & tamen Papa haberi cupit, tam ipse, quàm ii, qui eum receperint, eique adherere voluerint, excommunicationem & totius sacri Ordinis privationem incurrunt: Viatici etiam communione, nisi in extremis positi, privantur.

56. Simoniacè electus vel assumptus in Papam, nullam habet potestatem spiritualia, vel temporalia administrandi.

nistrandi, suisque privatur dignitatibus, officiis ac beneficiis.

57. Ecclesia habet potestatem deponendi Pontificem non canonicè electum, seu auctoritatem & jurisdictionem incertam ac prudenter dubiam habentem.

58. Factâ electione Papæ, ipsius consensus accedere debet. Intermedio autem tempore, quo electi, forè absentis, consensus expectatur, non potest Sedes apostolica simpliciter dici vacans; neque liberum est Cardinalibus factâ jam unius electione, ab ea recedere, antequam electus consensum præster: ea verò, quæ ad rectam gubernationem necessaria sunt, debent Cardinales suo & nominati Pontificis nomine expedire; prout factum fuit in electione Adriani VI. donec de ipsius acceptance & consensu constitit.

59. Papa dum eligitur, statim plenam & liberam habet administrationem, nullamque confirmationem requirit. Nam confirmatio electionis per superiorem fieri debet, Papa autem nullum habet in terris superiores.

60. Electi in Pontificem consecratio, seu inthronizatio fiebat olim per Episcopum Ostiensem, hodie autem Cardinalium Decanus, id est, primus inter Episcopos, licet non sit Episcopus Ostiensis, hoc munus cum duobus aliis senioribus exequitur.

61. Electus in Papam est verus & legitimus Papa etiam antequam consecratur & coronetur, habetque auctoritatem regendi Ecclesiam.

62. Papa recipit Pontificatum & administrationem die electionis, licet de stylo, qui servandus est, non incipiat Pontificatum nisi à die coronationis. Sanè antequam coronetur, non tractat ea, quæ in regimine Ecclesiæ ardua videntur, nisi necessitate cogente.

DISCURSUS QUADRAGESIMUS PRIMUS.
EX JURE CANONICO.

De Cardinalibus.

I.

Nomen *Cardinalis* invenit S. Silvester, ante cujus tempora illud in Ecclesia non fuit auditum. *Barbosa Jur. Eccles. lib. 1. c. 3.*

2. Circa Annum Domini datus est Cardinalibus galerus rubeus ab Innocentio IV. Pontifice. *Coriolanus in Vita Innocentii IV. Camargo in sua Epit. fol. 256. & alii.*

3. Paulus II. Papa dedit birretum purpureum omnibus Cardinalibus, exceptis Regularibus. *Azor. Instit. Moral. part. 2. lib. 4. c. 5. q. 18.*

4. Cardinalibus ex Regularium Ordinibus assumptis Gregorius XIV. primum concessit usum rubri birreti. *Barbos. sup. num. 1. citatus.*

5. Gregorius XIV. Constit. 4. quæ incipit *Cogit*, damnat sponsones seu exco[m]missas factas super promotione Cardinalium, & quidquid in exco[m]missis deductum fuerit, piis locis applicat, atque personis Ecclesiasticis exco[m]missas facientibus pœnam privationis beneficiorum imponit, & tam ipsis quàm aliis huic prohibitioni contravenientibus excommunicationis pœnam infligit.

6. Districte interdicimus (inquit Sixtus V. in Constit. quæ incipit *Postquam verus ille*) ne quis ullatenus ad Cardinalatus honorem assumi queat, nisi qui antea Clericali charactere insignitus, & in quatuor minoribus Ordinibus per annum saltem habitum & Tonsuram gestaverit clericalem.

7. Ad

7. Ad Cardinalatum promoveri non possunt, qui
 illum utriusque sexus, etiam ex legitimo matrimo-
 nio, vel ex eo nepotem habent. *Sixtus V. in Constit.*
citata.

8. Perpetuò interdicimus (inquit Sixtus citatus)
 ne ullo unquam tempore assumatur aliquis posthac
 in S. R. E. Cardinalem, qui frater ex utroque vel alteru-
 ro parente germanus existat alterius Cardinalis viven-
 tis; ita ut eodem tempore duo fratres germani in eo-
 dem Collegio nullatenus esse possint &c. Prohibemus
 quoque ne Patruelis, vel amitino, aut Consobri-
 no Cardinale vivente, alter ejus patruelis, vel amitinus,
 ut Consobrinus ad Cardinalatum valeat promove-

9. Patruus aut avunculus nepotis ex fratre vel foro-
 re Cardinalis viventis prohibetur assumi ad Cardina-
 tum. *Sixtus V. sup. num. 6. citatus.*

10. Cardinales, qui sunt Episcopi, ex eo capite quòd
 sunt Cardinales, non excusantur à Residencia. *Saveb.*
Residencia. Azor instit. mor. part. 1. lib. 7. c. 4.

11. Religiosus ex eo quòd sit factus Cardinalis, non
 acquirit dominium, nec potest testari; cùm per digni-
 tatem Cardinalitiam non absolvatur ab iis quæ sunt de
 substantia Regulæ. *Bald. in Authent. licentiam. num. 3.*
de Episc. & Cler. Suarez de Relig. tom. 4. lib. 3.
19.

12. Licet Religiosus factus Cardinalis teneatur ge-
 rare habitum suæ Religionis, si tamen illum deponat,
 non incurrit excommunicationem. *Bonif. in Clem. 1.*
reversus. n. 33. de statu Monach. Diana part. 5. tract. 2.
resol. 66.

13. Religiosus factus Cardinalis potest in Baptismo
 Confirmatione esse susceptor seu Compater, quam-
 vis simplicibus Religiosis id sit prohibitum. *Gloss. verb.*

Abfolvit, in cap. unico. 18. q. 1. Id tamen non est prohibitum Episcopo Religioso. *Diana part. 5. tract. 1. res. sol. 67.*

14. Regularis factus Cardinalis, ab obedientia Superiorum religionis cæterisque observantiis Regularibus absoluitur, solique Pontifici subiectus manet. *Barbosa Jur. Eccles. lib. 1. c. 3.* citans alios Doctores asserentes Religiosum Cardinalem eodem modo eximere à Regulis, quo Episcopus Religiosus eximitur.

15. Illegitimi, etiam per subsequens matrimonium legitimi, ad Cardinalitiam dignitatem non sunt promovendi. *Sixtus V. in Constit. quæ incipit, Postquam veneris ille &c.*

16. Qui propter defectus, vitia, aut impedimenta ad sacros Ordines sunt inhabiles, nunquam fieri possunt Cardinales, etiam si cum illis auctoritate Apostolica dispensatum fuerit. *Sixtus V. citat.* qui etiam criminosi aut infamiae notâ signatos à Cardinalatu arcebat.

17. Cardinalitia dignitas requirit ætatem 30. annorum, uti etiam Episcopalis. *Squilant. de privileg. Clerici. Azor. Instit. Moral. p. 2. l. 6. c. 15. q. 14.* sed hoc intelligendum est tantum de Cardinalibus, Episcopis & Presbyteris.

18. In Diaconum Cardinalem nullus assumi potest, nisi saltem in vigesimo secundo ætatis anno fuerit constitutus: ita ut omnino intra annum ad sacrum Diaconatus Ordinem valeat & debeat promoveri; alioquin si anno elapso ad prædictum ordinem promotus non fuerit, eo ipso tam in Consistorialibus & omnibus aliis actibus & negotiis Cardinalitiis, quàm etiam in electione Romani Pontificis careat voce activa & passiva. *Sixtus V. num. 15. supra citatus.*

19. Non obstantibus iis, quæ de ætate Cardinalium di-

dicta sunt, potest Papa minores ætate creare Cardinales. *Divina Resol. Moral. part. 5. tract. 2. resol. 1.*

20. Papa non solet bigamum promovere ad Cardinalatum. *Azorius Instit. Moral. lib. 6. c. 7. qu. ult.* Hinc Antonius de Rosellis, Joannes de Lignano, quamvis Jurisperiti insignes, prædictam dignitatem nunquam obtinere potuerunt.

21. Pius V. die 26. Junii 1571. decrevit Cardinales in electione Papæ vocem habere, etiamsi Galerius Cardinalitius eis traditus non esset.

22. Papa de plenitudine potestatis, etiam nulla facta propositione, potest facere Cardinales, qui non habent qualitates requisitas supplendo omnes defectus, & valida est creatio. *Alex. conf. III. Card. Thusc. tom. 6. lit. P. Conclus. 49. num. 68.*

23. Ex constitutione Sixti V. quæ incipit, *postquam* verus &c. statuit, ut non possint plures esse Cardinales quàm 70. qui numerus si excedatur, creatio erit invalida, & supernumerarii hujusmodi nullum ex tali creatione titulum seu jus acquirunt.

24. Cardinales Papa appellat fratres, quando illos simul, eorumque Consistorium nominat. *cap. per Vergerabilem.* sed extra Consistorium singulos vocat filios, nisi sint Episcopi Cardinales. *c. Raynaldus, de testam.*

25. Cardinales Regibus æquiparantur, & in eis residet tota Majestas Christianæ Reipublicæ. *Decian. Conf. 8. num. 63. vol. 1. Surd. Conf. 453. num. 13.*

26. Reges Cardinalium Collegio locum cedunt. *Loter. de re benef. l. 1. qu. 8. Stephan. Gratian. discept. forens. l. 11. num. 6.*

27. Cardinalis electus statim à patria potestate sortitus est. *Gloss. Verb. Communitatem, in Extravag. Execrabilis, de prob.*

28. Cardinales sunt latus Papæ,, *Hofsiens. in cap. D. lectus, num. 2. de prab.* & ideo dum mittuntur legat dicuntur à latere, seu de latere. *Manfred. de Card. p. 1. c. 18.*

29. Cardinales tenentur residere in Curia ubi Papa residet, nec possunt ab illa recedere sine ejus licentia. *Barbos. de offic. & potest. Episc. p. 3. alleg. 53. 12.*

30. Collegium Cardinalium famæ restituit, sicut Status. *Innoc. in cap. cum te. & ibi Felin. de sent. & judic.*

31. A sententia Collegii Cardinalium non appellatur. *Gloss. Verb. Senatum, 16. qu. 1.*

32. Papa non exigit fidelitatem à Cardinalibus, sed exigit ab Episcopis. *Card. Thusc. lit. C. conclus. 10. num. 5.*

33. Cardinales habent Jurisdictionem Episcopalem in Ecclesiis, quarum sunt Titulares, uti & in aliis eorum Titulis subiectis. *c. his qua, 11. de Major. & obed.*

34. Cardinalis, etiam non Episcopus, potest cognoscere de causa criminali Clericorum suæ Ecclesiæ Tutelariorum. *Scipio de Rubeis in Aphorism. Episc. V. Cardinalis, num. 2.* Idque verum est, siue sint Presbyteri, siue Diaconi. *Layman Theol. Mor. lib. 1. Tract. 4. cap. 7.* Et possunt ibi matrimoniis interesse, & aliis, ut inter sint, licentiam concedere, *Sanch. de Matrim. lib. 3. disp. 28.*

35. Cardinales in suis Ecclesiis Titularibus conferre possunt beneficia, si sint in Urbe (*Diana part. 5. tract. 2. Resolut. 13.*) nam in absentia solus Papa confert, ut habetur in *Reg. 7. Cancellar.*

36. Cardinales possunt visitare personas sibi subiectas ratione Titulorum, illisque pœnas excommunicatio-

onis, suspensionis & interdicti irrogare, *Hostiens. & Joan. Andre. in cap. 1. de supplen. neglig. Pralat.*

37. Cardinales Presbyteri & Diaconi, quamvis Eufcopi non sint, possunt suis subditis & familiaribus conferre in propriis Titulis ordines minores. *Barbos. offic. & potest. Episc. part. 2. alleg. 3.*

38. Qui Cardinalem hostiliter insequitur, aut in Persona offendit, crimine læsæ Majestatis tenetur, & non solum tantum sed etiam qui consilium vel auxilium præstat, aut quoquo modo hujus criminis particeps existitur habetur *in cap. felicis*, docetque Cardinal. Thusc. *de C. concl. 100.* Leo X. constit. quæ incipit *Temerariorum*, extendit prædictam dispositionem capit. felicis ad invadentes Cardinalium domos. Et Pius V. constit. quæ incipit *Infelicis*, extendit etiam contra scientes & non revelantes.

39. Pœnæ *in d. cap. felicis* statutæ contra Cardinalem offendentes sunt plurimæ & gravissimæ. *Prima.* Tales committunt sacrilegium. *Barbos. de Eccl. lib. 1. c. 3.*

Secunda. Sunt perpetuò infames. *Farinac. q. 112. n. 109.*

Tertia. Habentur pro bannitis & diffidatis. *Farinac. q. 112. n. 11.*

Quarta. Amittunt testamenti factionem activam & passivam. *Anton. Ricciul. Tract. de jur. pers. extra grem. eccles. exist. lib. 4. cap. 58. num. 21.*

Quinta. Eorum domus devastantur, & bona confiscantur. *Farin. d. q. 112. n. 16. & seq. & q. 116. n. 28. num. seqq. & d. q. 112. num. 113.*

Sexta. Privantur locationibus & feudis, si quæ habent, & calibere ad dominos revertuntur. *Peregr. de jur. Fisc. lib. 5. tit. 1. num. 108.*

Septima. Privantur omnibus officiis & beneficiis spiritualibus ac temporalibus. *Farinac. d. q. 112. n. 113.*

Octava. Eorum filii ac nepotes privantur omnibus beneficiis ac dignitatibus Ecclesiasticis, & ad illas in posterum obtinendas efficiuntur inhabiles. *Sanch. i. praecept. Decal. lib. 2. cap. 28. n. 20.*

40. Cardinalis de Jure non potest damnari de crimine sine 72. testibus, si sit Episcopus: aut sine 64. si sit Cardinalis Presbyter. Si verò sit Diaconus, requiruntur testes 27. *Hostiensis & Joan. Andre. in cap. licet universis, de testib. per Text. in cap. Praesul. 2. q. 4.* Verum hodie dispositio d. cap. Praesul. locum non habet. Porro Cardinalis à solo Rom. Pontifice damnatur vel deponitur, aut excommunicatur. *gloss. in cap. 2. de Cleric. non resid. etiam non vocatis Cardinalibus. Bald. Conf. 328. Card. Thusc. tom. 6. lit. P. concl. 41. n. 64.*

41. Inter Regulas Cancellariae à Paulo V. editas ipse statuit, quòd in quibuscunque constitutionibus & Regulis in posterum edendis, non includantur ipsi Cardinales, nisi illae eorundem Cardinalium favorem concernant, vel de eorundem Cardinalium, aut majoris partis eorum consilio editae fuerint. Unde (*Lotter. de re benefic. lib. 1. q. 8. n. 83. ait*) Persona Cardinalis non censetur comprehensa sub generali persona.

42. Dispositio generalis odiosa non comprehendit Cardinales, quia speciali nota digni sunt. *Joan. Andr. in c. 1. de schism. lib. 6.* Unde etiam Cardinales non continentur sub revocationibus generalibus, nisi si de eis mentio specialis. *Tuschnus lit. C. conclus. 100. n. 39.*

43. Cardinales obviantes ei qui ad supplicium ductur, possunt eum veste aut pileo regendo liberare. *P. de delict. c. 34. Azor. Instit. Moral. part. 2. l. 4. c. 3.*

44. A sententia ex voto Cardinalium seu consensu lata minimè appellatur. *Azor cit. quaest. 20.*

45. De Consuetudine Curia statur dicto Cardinalis de his, quæ dicta vel facta sunt coram eo. *Hofstius de appellat. quod secus est in Episcopis. cap. fin. 6.*

n. 2.

46. Cardinales non afficiuntur sententiâ suspensionis vel interdicti in constitutione Pontificia promulgata, nisi specialis eorum mentio facta sit. *Azor d. qu.*

o.

47. Cardinalis dictum sine juramento aliquam facit præsumptionem. *Farinac. in prax. Crim. p. 2. qu. 63.* Cardinalibus tamen sine juramento, testificantibus non creditur in præjudicium tertii. *Cotta in Memorab. Verb. testis, Rebuffus tract. de Reprob. test. n. 297.*

48. Cardinales orto schismate, datæ contentione Concilium congregare possunt. *Manfred. de Cardinal.*

31.

49. Papa etiam in quæstionibus fidei reliquisq; articulis non tenetur Cardinalium consilium exigere de necessitate. *Mascard. de probat. conclus. 1262. n. 55.*

50. Collegium Cardinalium Sede Apostolica vacante non potest exercere ea quæ ad Pontificis potestatem & jurisdictionem dum vivit pertinent, nisi urgeat necessitas. *Clem. ne Romani, de Elect.*

51. Collegium Cardinalium non potest corrigere, mutare vel modificare constitutiones Summorum Pontificum, nec eis quidquam addere aut detrahere, præsertim circa illa quæ de electione Papæ disponunt, ut aperte probat *Clement. ne Romani*. Neque etiam potest mittere Legatos per Sedem Apostolicam, aut revocare transmissos à Pontifice defuncto, nisi necessitas urgeret. Tandem etiam non potest pileum Cardinalitium vel alia insignia Cardinalitia Cardinalibus recentior creatis conferre. *Barbos. Jur. Eccles. lib. 1. c. 3. n. 92.*

93.

52. Cuicumque Cardinali debetur Sedes Episcopalis præalta: & eo casu Episcopus in digniori loco chor sedeat, vel ex opposito in Sede humiliori. *Carem. Episc. lib. 1. cap. 13.*

DISCURSUS QUADRAGESIMUS SECUNDUS EX JURE PUBLICO.

De Electione, Officio, & Potestate Imperatoris Romano-Germanici.

PRÆFATIUNCULA.

Ius Publicum, prout hodie in Imperio Romano-Germanico usurpatur, ex tribus potissimum componitur. Primò, ex Aurea Bulla, quæ censetur Lex fundamentalis Imperii, utpote continens ea, quæ Imperii & Imperatoris jura, Electorum prærogativas & officia, omniumque Statuum Imperii tranquillitatem concernunt. Secundò, ex Constitutionibus Imperialibus, quæ post Auream Bullam late, & in Comitibus Publicis sancitæ & promulgatæ sunt. Tertiò, ex Capitulationibus Imperatoris, quæ sunt Capita & Articuli, quos Imperator ante Confirmationem se servaturum promittit.

1. Imperator Romano-Germanicus non fit per successionem sed per electionem. Nam via electionis est melior viâ successionis; quia electio fatuos ac juvenes à gubernaculis Reipublicæ arceat, quos successio sæpius non sine summo Reipublicæ periculo obtrudit quod satis superque probant Historiæ Gallicanæ. *Bernard. de Girard. tr. de l' Estat de France, l. 1. fol. 53. 54. 57. 91. & lib. 2. fol. 140.* Unde sapienter dixit olim Romanus quidam Senator: *Dii avertant Principes pueros, & Patres patria dici impuberes, & quibus ad subscribendum Magistri Litterarii manus teneant.*

2. Non est eligendus in Imperatorem qui non sit natio

natione Germanus. Tum quia ita obtinuit consuetudo inveterata, *Reink. de Regim. sacul. class. 3. cap. 4. Besoldus de success. & elect. diff. n. 1.* Tum quia ita ordinavit ac lege sanxit Otto III. Imperator, teste Cuspidiano in Otton. III. Münstero l. 3. & aliis, quibus adde Gleidan. lib. 1. Comm. & Althusium c. 6. in polit. ubi hanc legem legibus fundamentalibus Imperii accenset.

3. Ad hoc ut aliquis censeatur Germanus, ad electionem Imperii habilis, sufficit eum à Patre Germano progenitum esse, neq; requiritur necessarium, ut in Germania natus sit. *Arg. L. filios, C. de municip. l. 1. ff. eo-
em l. assumptio. §. filius, ff. eod.* Ita Fridericus II. patriam habuit, non Germaniam, sed Siciliam, quia tamen Patrem habuit Germanum, scilicet Henricum VI. Imperatorem, ideo ad Thronum Imperialem evectus est. *Peucer. lib. 5. Chronic. in vita Friderici II.*

4. Eligendus in Imperatorem debet esse familiaris. Porro nomine illustrium familiarum comprehenduntur etiam Baronum & Comitum eminentium nemmata: ex quorum classe ad Imperium evectos reginus Wilhelmum, Rudolphum & Guntherum. *uxtorff. disc. ad auream Bullam Thesi 31. lit. A. Quod
et vetustus requirit textus apud Goldastum num. 37.*
Die Fürsten sollen kiesen einen König / der ein freyer
Herz seye / und also frey / daß sein Vatter und Mutter
frey seyn gewesen / und nit sollen Mittel frey seyn.

5. Eligendus in Imperatorem debet esse Laicus, non Clericus. Pro quò facit c. cum ad verum. dist. 96. *uxtorff. ad Aur. Fu. l.*

6. Imperator electus omnia Electorum Principum privilegia, Litteras, Jura, Libertates, Concessionem, antiquas consuetudines, & dignitates, & quidquid ipsi Imperator usque ad diem electionis obtinuerunt, absque

absque dilatione confirmat. *Aurea Bulla cap. 1. §. 5.*

7. Electo Romanorum Regi Capitulationes, hoc est, certa capita, articuli & conditiones de Republica utiliter, & secundum leges Imperii fundamentales administranda proponuntur, quas electus, antequam confirmetur, se servaturum jurejurando polliceri debet. *Lymnaeus de jur. publ. lib. 1. cap. 13.*

8. Electus Imperator ipso electionis jure supremam jura Principis nanciscitur. *Paurmeist. de jurisd. lib. 2. cap. 4.* quæ in summa, perpetua & absoluta Imperii potestate consistunt: cujus vigore universalis Imperatori in omnes Imperii cives ac subditos competit Jurisdictio.

9. Imperator, utpote supremus Princeps, legibus solutus est, sed non divinis, nec naturalibus; cum jus naturæ sit potentius ipso principatu; DEI enim jus naturæ lex est, quæ licet ex principiis homini internis profluat, Deo tamen adscribitur; qui ut talia principia in nobis existent, ipse voluit, ut bene Charron *de la sagesse l. 2. c. 3.*

10. Imperator non est solutus iis legibus, quæ pertinent ad jus gentium, & concernunt pacta atque conventiones, non modò cum externis sed etiam cum civibus initas; his enim non minùs Principem quàm privatos homines obligari, eleganter docet Bodinus, *de Republ. lib. 1. cap. 8. pag. 137. 156.* Nam conventio Principis cum quibuscunque inita mutuam operatur obligationem, *L. Labeo, de V. S.* à qua si se Princeps eximere voluerit, deterrimam faciet conditionem suam, ac tandem à commercio suorum & exterorum, cum summo Reipublicæ detrimento exclusum se sentiet.

11. Fundamentalibus Imperii legibus Imperator solus derogare nequit, ut fatentur omnes. Cujusmo-

di lex est verb. grat. in Gallia lex Salica, in Germania vero Capitulatio & Aurea Bulla.

12. Imperatorem non ligant leges merè civiles & positivæ. *L. Princeps, ff. de leg. Novell. 105. c. 2. in fin.* Solent tamen pii Principes leges omnes actionum suarum normam statuere, tametsi non obligentur illis.

13. Si Imperator acta sua & placita à successoribus suis observari velit, decens & consultum est, ut & ipse Prædecessorum suorum gesta & statuta observet. Huc facit textus *in c. justitia, 25. q. 1.* Hinc prudentes Imperatores etiam pessimorum prædecessorum suorum, utpote crudelium Tyrannorum, acta confirmant. Quod de illis actis intelligendum est, quæ intrinsecam non continent pravitatem, neque rectæ rationi aut bonis moribus repugnant.

14. Omnis concessio Imperatoris ita interpretanda est, ut minus eo, quod jure majestatis ipsi convenit, concessum esse intelligatur. *Bodin. de Republ. l. 1. c. 8. Cravett. Conf. 615. num. 6. Otto de jur. publ. pag. 229.*

15. Imperator alios in partem sollicitudinis sæpe, in plenitudinem potestatis nunquam assumere censetur. Hæc enim omnem respuit divisionem, estque veluti sanctum sanctorum, in quod nemo intromittitur, nisi solus Princeps. *Reinck. 1. class. cap. 2. num. 238.*

16. Ad Imperatorem spectat leges universales condere. *L. 1. ff. de const. princ.* quæ ad omnes cives Romanos pertinent; easque interpretatur Imperator *l. 1. C. de ll.* atque etiam justa de causa abrogat, cum consilio tamen Statuum Imperii. *Goldastus part. 2. polit. Imper. tit. 1. §. nulla.*

17. Imperator aliquem à lege eximere, eique dispensationem impertiri potest. Hinc legitimat naturales

rales & spurios, etiam Imperii alieni, si in suo territorio existant; quo casu illa legitimatio etiam extra territorium valet; non est tamen extendenda ad bona extra territorium Imperatoris sita; cum scepra non sint confundenda. *Resenthal. de feud. c. 7. conclus. 19. num. 10. Covarruv. part. 2. de spons. cap. 8. §. 8.*

18. Famæ restituere aliquem, solius est Imperatoris. *Heigius p. 2. q. 21. num. 21.* Et per hanc restitutionem prior macula ita adimitur, quasi nulla inhonesta vita præcessisset. *L. Imper. C. de nupt. l. 1. C. de ser. passis. l. 1. §. deinde. ff. de postulan.*

19. Solus Imperator Statibus ac Principibus Imperii largitur veniam ætatis: adeo ut nec Cameræ Imperiali hæc potestas collata esse censeatur. *Speid. in notis ad Aur. Bul. cap. 5. fol. 211.* Cæterum qui veniam ætatis impetravit, non eo ipso fratrum impuberum tutelam administrare potest, nisi ad hoc quoque supplementum ætatis ab Imperatore impetraverit, ut rectè monet Arumæus *vol. 2. disc. 7. consil. 21. n. 133.*

20. Imperator potest concedere inducias moratorias, quas Germani *Anstands-Brieff* oder *Quinquennial*, Galli *Lettres de respit* appellare solent. Hæ verò litteræ non nisi ob gravem causam conceduntur, & cum Mercator ex infortunio ita facultatibus lapsus est, ut fidem Mercatoris servare non possit. *L. quoties C. de prec. Imp. off. Refer. Polit. August. de anno 1548. tit. Von verdorbenen Rauffleuthen.* Equum est autem, ut dicamus, huiusmodi dilationem etiam fidejussoribus patrocinari. *Argum. l. 1. §. magis, 4. ff. de solut. l. si fidejussores, §. in princ. ff. de legat. 1.* At contra mercenarios, qui labore quotidiano se alunt, induciæ moratoriæ denegari solent. *Matth. Stephan. de juris.*

21. Privilegia, quæ largitur Imperator naturâ suâ sunt revocabilia, si non per modum contractus aut dona-

donationis, sed precario concessa sunt. Semper enim privilegiis hæc clausula tacite inesse censetur, *rebus sitisstantibus, & in eodem statu permanentibus* : uti docet Befoldus in *delib. ex lib. 1. Pandect. quest. 13*. Et fundatur in *c. suggestum, de decimis c. 1. de cognat. spirit. c. penult. de precept.*

22. Imperator in Imperio de summis rebus cognoscit & judicat summarie, sublatis omnibus solemnitatibus Juris positivi, *L. apud quem, ff. de manumiss.* Sic solus Imperator in feudis regalem dignitatem annexam habentibus (vulgò *Sahn-Lehen* / oder *Seep-er-Lehen*) adhibito Consilio Aulico, *Reichs-Hoff-Rath* / exclusâ Camerâ Imperiali, exclusisque Paribus Curie des *Reichs-Maßen* / competens Judex est. *Ordin. Camer. part. 2. tit. 7.*

23. Factum vel exemplum Imperatoris prioris non obligat Imperatorem posteriorem. Nam Princeps, cui jure electionis succedit, antecessoris factum præstare non tenetur, idè præcisè quia antecessoris factum est, nisi aliunde illud præstandi sit obligatio. *Reink. de Reg. Sac. & Eccl. lib. 1. class. 3.*

24. Imperator alicui inferiori privilegium de non appellando concedere potest. *L. 1. §. 2. & 4. ff. à quibus appellare non licet, l. 37.* Atque hac ratione appellatio ab Electoribus vetatur. *Aur. Bull. tit. 11.* Eodemque privilegio gaudent Archiduces Austriæ, Duces Lotharingiæ & Burgundiæ. *Myns. obs. 58.* At hoc privilegium non obstante superest remedium supplicationis, quæ retractatio seu querela recursus appellatur. *Auth. de supplicatio, c. de prec. Imp. offerend. l. unic. C. de sent. ex. præt. l. ult. §. 5. Cod. de temp. appell. nov. 119. c. 15.*

25. Solus Imperator majora feuda, *die Sahn-Lehen* / confert. *Gail. obs. 1. num. 11.* Sic Rudolphus I. Imperator, cum Anno 1282. deficeret Stirps Austriaca, filium

filium suum Albertum Austria in feudavit. Unde Archiducum Austriae Origo. *Burffham in Relat. Hist. p. 22*. Soluti idem Imperator praedicta feuda adimit. *Schraeder. de feud. pag. 9. c. 4. n. 6.* cum consilio tamen Statuum. *Mayer de Jurisd. sess. 2. pos. 8. lit. K.*

26. Imperator habet jus creandi Doctores, Licentiatos, Notarios ac Tabelliones. *Bocerus cap. 2. num. 246. Sixtinus lib. 1. cap. 2. num. 27.* Est autem discrimen inter hos Doctores, Notarios, &c. & illos, qui Statibus Imperii auctoritatem habent; eò quòd horum instrumenta extra territorium praedictorum Statuum non valeant; eorum verò instrumenta, qui ab Imperatore creantur, per totum Imperium vigorem habeant.

27. Ad Imperatorem spectat Summa Imperii praetoria instituire: quale est verb. grat. Consilium seu Judicium Aulicum, item Camera Imperialis, & Dicastrium Rottwilense, das Kaysersliche Hoff-Gericht & Notweil.

28. Imperator subditos eorumque bona à Jurisdictione inferioris Principis subtrahere & eximere nequit. *Paurm. de jurisdict. lib. 2. c. 8.* Tum quia Imperator in capitulatione juramento promittit, Ein jeder Herrn und Stand bey ihren Hochheiten/ Würden Macht/ Geroalt/ &c. bleiben zu lassen. Tum quia omnia Rescripta & Indulta Imperatoria, tacitè clausulam hanc annexam habere censentur, *salvo jure Imperii, & uniuscujusque.* Ita tradit *Gæd. cit. à Beckers lib. 3. cap. 4.*

29. Universalia Imperii Comitia indicit Imperator non generali, sed speciali edicto singulis Imperii Statibus transmissio. *Althusius Polit. 33. cap. num. 5.* Verùm hæc indictio non fit nisi de consensu Electorum. Et ideo antequam Imperator diem futurorum comitiorum edicat aut promulget, singulos Electores per litteras consulere solet. *Paurm. de Jurisd. l. 2. c. 2. n. 20.*

30. Potest Imperator non modò tempus, sed etiam locum quemcunque (modò is intra Imperii limites sit) pro futuris comitiis definire. *Recess. Imper. de an. 1527.*

§. Und haben deroßalben wir.

31. Potest Imperator Statibus Imperii sub gravi præcipere, ut publicis Imperii comitiis personaliter intersint. *Recess. Imper. de anno 1522. §. Und wie wohl hoch vonnöthen.*

32. Ad feliciorē de propositis negotiis, in comitiis publicis, consultationem, Status S. R. I. in tres classes dividere solent. Prima est Electorum. Secunda est Principum, Prælatorum, Abbatum, Comitum, Baronum. Tertia est Civitatum Imperialium. Et tres istæ Statuum classes in votis ac sententiis proferendis convenire nequeant, & singulæ singulas tueantur sententias, tunc res ad Imperatorem deferri, ejusque arbitrio committi solet, qui eam plenitudine potestatis decedit, ut sufficienter declarat *Recessus Imper. de anno 1544. vers. Als wir aber in der Handlung/2c.*

Cum enim Carolus V. in Comitiis Spirensibus Anno 1544. Status Imperii discrepantes in concordiam redire frustra niteretur, Status controversiam Imperatorio Decreto definiendam esse censuerunt. Idem actum sub Ferdinando I. Rege Rom. & Imperatoris Caroli V. Vicarii in Comitiis Augustanis 1555. cum inter Principes Catholicos & Protestantē dissensio oriretur, quid de Episcopatibus, Archiepiscopatibus &c. quos illi tenuerunt, qui à Religione Catholica ad Lutheranam defecerunt, statuendum esset.

33. Imperator, annuentibus, vel saltem non reluctantibus Imperii Ordinibus statuta in Aurea Bulla contenta mutare potest. Certè Marquardus Freheims de *rut. Elect. instam. c. 2.* septendecim recitat puncta, quibus hodie ab Aurea Bulla recessum est.

DISCUR-

DISCURSUS QUADRAGESIMUS TERTIUS.

EX JURE PUBLICO.

*De quibusdam illustribus Europæorum Principum
ac Statuum prætensionibus.*

Nullum est regnum, nulla respublica, nulla Toparchia, aut Dynastia, quæ non aliquod habeat, ut appellant, *Interesse*. Porro *Interesse* cujuslibet Statû variis nititur prætensionibus. Quæ (ut Theodorus Sprengerus in sua compendiosâ, sed accuratâ illustrum quarundam in Europa gliscentium prætensionum deductione observat) non sunt de privatorum erga stulis, sed magnorum Principum territoriis, quæ eâ majori difficultate laborant, quòd claustris juris privati includi nequeant & plurimum ab annosâ vetustate petantur.

Atque ut à primo orbis Christiani Capite exordium ducam, Summus Pontifex (ut patet ex Registris Cancelliariæ Romanæ Curiae) prætendit jus in Regna Neapolis, Siciliae, Arragoniae, Sardiniae, Jerusalem, Angliæ, Hiberniæ & Hungariæ, quæ (ut ait Sprengerus) hominibus magium Ecclesiæ debent.

Asserit insuper prædictus Auctor 2. Regem Hispaniarum ratione utriusq; Siciliae servitia feudalia in hodiernum usque diem Romano Pontifici præstare.

Asserit 2. Papam sibi vindicare jus in Regno Arragoniæ, propter annum censum aliquot auri pontifici, promissum à Petro II. Rege Arragoniæ, cum in insulas Majoricam & Minoricam, à Saracenis subactas expeditionem pararet.

Asserit 3. Sedem Apostolicam prætere jus in Sardiniam, quòd Januenses & Pisani consilio Pontificis

is Saracenis Insulam illam extorserint, eosque à Pa-
pa investituram de illa accepisse constet.

Asserit 4. Romano Pontifici competere jus in reg-
num Hierosolymitanum, propterea quòd Regnum
Siciliæ cum prædicto Regno à Friderico I. Siciliæ Rege,
per matrimonium Violantæ conjunctum & unitum
erit. Cùm itaque Regnum Siciliæ indubitanter
apam ut Dominum agnoscat, licebit idipsum affir-
mare de regno Hierosolymitano: cùm accessorium se-
quatur naturam sui principalis. Addit tamen prædi-
ctus Author hoc argumentum videri lubricum.

Asserit 5. Præensionem Pontificiam in regna Angliæ
& Hiberniæ eo niti fundamento, quòd horum regno-
rum Reges anno 1212. se vasallos & tributarios summi
Pontificis constituerint. Quod etiam testatur Blon-
as *lib. 6. decad. 2.*

Asserit 6. Jus Pontificium in regnum Hungariæ
improbari posse testimonio Martæ tract. *de jurisd. p. 1.*
26. affirmantis, Lancellotum Regem Hungariæ
obedientiam Papæ promississe.

Plura alia Sprengerus asserit, vel potiùs asserere vide-
r, cùm re ipsa majori conatu præensiones Pontificias
propugnet, quàm propugnet. Multò fidiùs, pleniùs,
solidiùs, efficacius hoc argumentum pertractat Abrah-
us Bzovius *lib. de Pontif. Rom. c. 41.* ad quem remitto
ctorem, & interim adduco auctoritatem S. Gregorii,
matrimonium Ecclesiæ per Occidentem longè lateque
tens, quo ipse circa annum Christi 600. fruebatur,
monstrantis & declarantis; nimirum quoad Afri-
cam, epist. 73. lib. 1. quoad Neapolim, lib. 5. epist. 11.
quoad Campaniam, lib. 2. epist. 49. quoad Siciliam,
epist. 2. 3. 68. 70. lib. 1. & lib. 2. epist. 76. quoad Italiam,
epist. 1. 1. epist. 23. & lib. 5. epist. 12. & lib. 6. epist. 23. quoad
Dalmatiam, lib. 1. epist. 60. quoad Dalmatiam, lib. 2.

epist. 41. 44. 61. quoad Galliam, lib. 5. epist. 5. 6. 10. 55. & lib. 2. epist. 72. quæ omnia & singula à Divo Gregorio enumerata, an fuerint ex donatione & cessione Constantini M. an verò ex aliorum piorum concessione, non anxie requiro; cum nonnulla ex his potuerint alio quodam justo titulo Ecclesiæ Romanæ accedere, certatim contententibus piissimis Principibus Ecclesiam Romanam, juxta pollicitationem divinam mammillâ suâ lactare, & in superbiam sæculorum erigere. Constat igitur *interesse* Pontificum, seu præfessiones Ecclesiæ Romanæ in titulo non minùs justam quam verustam, fundatas esse.

Rex Hispaniæ prætendit jus in Regnum Lusitanum in Catalauniam, in Comitatum Rossilionensem, in Ducatum Britanniae & Ducatum Burgundiæ? quarum præfessionum deductionem legere licet apud Sprougerum supra citatum.

Rex Franciæ prætendit jus 1. in Regnum Navarroe hoc titulo, quòd Joannes Rex Navarroe, Regno interfecto, jussu Sixti IV. Pontificis Max. privatus, reliquerit Henricum Regem Navarroe, cujus unica filia Joanna nupsit Antonio Bonbonensi Patri Henrici IV. Regis Franciæ. Ex adverso Rex Hispaniæ, etsi admittat propinquitatem succedendi in Henrico IV. asserit tamen, se legitimam occupandi regni causam accepisse à Pontifice, qui Joannem excommunicavit, propterea quòd pro Ludovico XII. Rege Galliæ contra ipsum Pontificem militasset.

Prætendit 2. Jus in Regnum Neapolitanum ex acquisitione bellicâ Ludovici XII. Regis Franciæ, & Carolo Friderici II. Spurio expulso, Regnum Neapolitanum occupavit. Sed Rex Hispanus Summi Pontificis tanquam Domini Regni Neapolitani judicium pro allegat, quo pro Rege Neapolitano agnoscitur.

Prætendit 3. Jus in Regnum Castiliæ, hoc nix fu

fundamento, quòd Henrico Regi Castiliæ soror successerit, quæ filium Ludovicum Sanctum reliquit.

Præten dit 4. Jus in Regnum Portugalliæ; quam prætensionem Sprengerus ait esse longâ vetustate obtinuit, & à longinquo petitam.

Præten dit 5. Jus in Regnum Arragoniæ. Nam Martinus IV. Papa (inquiunt Galli) Petrum Regem Arragoniæ, vesperarum Sicularum auctorem, eò quòd dominium Regni Neapolitani sibi arrogare voluerit, Regno Arragoniæ privavit, & de illo Carolum Comitem Valensem, vulgò de Valois, Philippi Regis Franciæ filium investivit.

Præten dit 6. jus in Ducatum Mediolanensem, eò quòd Galeatius III. reliquerit Joannem filium, qui nuptiis duas habuit sorores, Mariam & Valentinam: quarum altera, post mortem primogenitæ, ex provisione Patris, decernentis, ut deficiente stirpe masculinâ, feminina, juxta propinquitatem gradûs, succederet, ducatum sibi arrogavit, quam Ludovicus Dux Austriæ duxit. Sed obtenditur ab Hispano 1. quòd dispositio paterna, feudum ex masculino femininum, citra Interessentium, & Imperatoris expressum consensum, facere non potuerit. 2. Quod Ducatus Mediolanensis ab Imperatore (qui illius legitimus Dominus est) investituram acceperit. Constat enim, quòd Carolus V. Imperator Philippum II. filium suum de eo investiverit.

Præten dit 7. in protectionem Genuæ, Carolo VI. Regi Franciæ delatam. Nam Regibus Franciæ jus acquisitum citra causam auferri nequit.

Præten dit 8. in superioritatem Flandriæ, Hannoniæ & Atrebat; eò quòd hi status se semper Regis Galliæ Vasallos professi fuerint. Huic prætensioni opponunt, Hispani Francisci I. Regis Galliæ à Caro-

Gallicæ succederent, arbitrantur eam Regibus Anglicis tanquam proximis esse debitam. Quibus responsum est à Gallis, quòd vigore legis Salicæ, femininus sexus Regni Franciæ sit incapax. Sed non acquiescunt Angli, censentes jus in lege Gallicana fundatum esse rationabile, quo femina ab hæreditate paterna excluduntur, cum æqualis natura æquales fratrum & sororum conditiones desideret, *l. pactum dotal. C. de collat. 2.* Quod verò attinet ad legem Salicam, ajunt Angli, se ut exteros eâ obligari non posse, cum leges abditos tantum obligent. Ad primam Anglorum replicam respondent Galli, allegatam legem *Pactum dotal.* habere duntaxat locum inter privatas personas, illustribus autem fallere, quas æquitas naturalis ad conservationem familiarium obligat; ideoque feminas ad regnum non admitti, ne hoc per ipsas ad manus extraneas devolvatur, in quorum manibus majorum prædicia videre luctuosum est. Fatentur quidem statibus aliorum populorum posse Principatus in columbia (cujusmodi est regnum Hispaniæ, Siciliæ, Lucaniæ, Sueciæ) sed ex aliarum Nationum consuetudinibus nullum Francis statutum obtrudi posse. Ad alteram Anglorum replicam respondent Galli, extraneos, naturales Angli sunt, legibus regni non esse obstrictos, nihilominus tamen quoad bona in territorio statuentium sita, illos obligari, ex communi sententia Doctorum; cum statuta, quæ non sunt personalia, sed realia (cujusmodi est statutum legis Salicæ) res ipsas jurisdictioni statuentium suppositas efficiant, à quorumque possideantur.

Habent insuper Angli tres prætensiones. Prima spectat immunitatem à Vectigalibus, Regi Daniæ penendis in transitu angusti maris, vulgò *der Sund*: nam immunitatem asserunt Angli à Rege Daniæ sibi

concessam esse. Altera prætenſio eſt in Islandiam & Schetlandiam, quæ non ita pridem innotuit, vocaturque à Theodoro Sprengero obſcura, eò quòd hiſtorici tradant, prædictas duas Inſulas ſemper ſub jurisdictione Norwegorum fuiſſe: imò nullis eas accedere, aut piſcationis, aut commerciorum gratiâ niſi ſpeciali impetratâ permiſſione Regis Norwegiæ, licitum fuiſſe, docet Ilac. Pontan. *in hiſt. Dan.* Tertiâ prætenſio concernit Hollandos, à quibus Angli propter piſcationem halecum in Anglicano Oceano certum aliquod veſtigal exigunt, tum quod Rex Angliæ obtineat dominium maris Anglicani, quodque extranei & peregrini Dominium iſtud demiffione Velorum recognoscere ſoleant: tum quòd certum veſtigal (*Danegeldum* vocant) Regibus Angliæ pro uſu maris ab omni antiquitate pendì ſolitum fuerit. Se-
 respondent Hollandi, mare nullum dominium admittere, cùm contra naturam ſit, illud dominio ſubjicere quod propter continuum fluxum & refluxum nullo terminos poſſeſſionis admittit, quodque natura laxum fecit, ut omnibus gentibus ad piſcationem ſufficere poſſit.

Rex Poloniæ contra Regem Sueciæ præten-
 dit in Livoniam, cujus clientelæ ſe illa quondam ſubjecit. Quam prætenſionem elidere conantur Sueci, aſſerendo Livoniam, antequam in Polonorum protectionem veniret, ab Imperatoribus Carolo V. Ferdinando Maximiliano II. patrociniò Guſtavi, Erici & Joannis Regum Sueciæ commendatam fuiſſe. *Chytr. l. 28. Saxxon.* Eſt autem juris, ut protectio ſemel accepta pro-
 bitu excuſi non poſſit. Protector enim jus quæſitum habet, quod ſine conſenſu illius tolli nequit. *l. fin. ff. de pact.*

• Rex Daniæ, tanquam Dux Holſatiæ, ſibi vendic-

præ-

præensionem contra Civitatem Hamburgensem (quæ
 e liberam civitatem imperialem esse asseverat) pro-
 preea quod in Hollarico territorio sita sit, & quæcunq;
 intra Principis territorii septa continentur, ea omnia
 ipsius jurisdictioni ordinariæ subiecta esse censentur,
omnes basilicæ 17. q. 1. nisi singulari beneficio privilegii,
 aut præscriptionis libera atq; exempta esse doceantur,
dilectus de capell. ita ut præsumptio pro Principe mi-
 litans, onus probandi in exceptionem allegantem reji-
 ciat. Hamburgenses è contrario adducunt matricu-
 lam Imperii de Anno 1521. in qua Hamburgum inter
 Civitates Imperiales collocatur, cui insertus tam diu
 habetur pro statu Imperii, donec contrarium probe-
 tur; illa enim quasi possessionem status probat. *Decian.*
resp. 66. n. 5. vol. 3. Cardinal. Thusc. concl. 674. n. 22.
 Cranzius tamen ex Caroli IV. judicio Civitatem Ham-
 burgensem mixti status appellat.

Dux Lotharingæ prætendit jus in Comitatum Sare-
 werdanum, tanquam feudum masculinum Episcopa-
 tus Metensis, per mortem Joannis Jacobi Comitis
 Sarewerdani, ob defectum masculorum, ad se devolu-
 tum. Quod verò feudum sit masculinum, in quo
 maxime cardo quæstionis vertitur, ex investitura Con-
 radi Episcopi Metensis, Friderico Comiti de Mors fa-
 cta, demonstrare nititur. Accedit, quod in dubio feu-
 dum semper præsumatur esse masculinum, ob præsta-
 tionem servitorum, quæ de natura feudi esse censetur.
 Allegat quoque sententiam Cameræ factam Anno
 1629. quâ sibi Comitatum Sarwerdanum totum adju-
 dicari censet. At Comites Saræpontani, qui cum Du-
 ce Lotharingæ de Comitatu Sarewerdano decertant,
 negant eum esse feudum masculinum, & pariter negant
 esse feudum Episcopatus Metensis, sed ajunt esse libe-
 rum feudum Imperii, quale in publicata Imperiali sen-

tentia declaratur. Quod attinet ad sententiam Camera de Anno 1629. ajunt eam non de Comitatu Sarewerdano, sed tribus aliis feudis Episcopatus Metensis intelligendam esse.

Dux Sabaudia^æ prætendebat olim in Genievam: cuius fundamenta, uti & copiosas exceptiones Genevensium, qui scire desiderat, legat Limnæum *lib. 5. c. 14*. Præten- dit, quoque in Ducatum Montisferratensem contra Ducem Mantua^æ, eò quòd Amedæus Dux Sabaudia^æ, Ducem Montisferratensem ejectum, in Ducatum restituerit; hoc enim beneficio permoti Duce Montisferraten- ses, se Domui Sabaudia^æ subjecerunt, & in signum subjectionis, nonnulla loca in territorio suo sita tradiderunt. E contrario Dux Mantua^æ tuetur se sententiâ Caroli V. qua ipsi Ducatus Montisferraten- sis adjudicatus esse dicitur. Diu hæc inter Jurisconsultos ventilata fuit quæstio, super quâ nobile Antoni Fabri pro Duce Sabaudia^æ prodiit scriptum, donec tandem instrumento pacis Gallico res componeretur; ita ut omnia loca, jura, & actiones Montisferrati cum omnibus pertinentiis Duci Sabaudia^æ concederentur. Præ- tendit denique etiam Sabaudus jus in Cyprum, eò quòd Philippus Thomasi tertii Ducis Sabaudia^æ filius filiam Principis Achaia^æ nomine Jambi duxerit, & occasione hujus Matrimonii cum Despota Græcia^æ bel- lum duxerit, qui victus Ducem Sabaudia^æ pro vero do- mino recognovit. Hinc in Sabaudia^æ insignibus cer- nuntur hæc literæ, F. E. R. T. hoc est, *Fortitudo Ejus Rhodum Tenuit*. Et etiamnum Dux Sabaudia^æ regens titulo Regalis Celsitudinis (*son Altesse Royale*) conde- coratur. Sed Galli tempore Henrici IV. prædictas literas ordine retrogrado sic exposuerunt: *Tout Re- tournera En France*; hoc est, *Totum Revertetur ad Fran- ciam*; insinuantes, Regem Gallia^æ omnes terras Sau-
bau-

baudicas in potestatem suam aliquando redacturum.

Inter Duces Brunswicenses & Civitatem Brunswicum antiqua est disceptatio, non solum gladio, verum & pennâ diu ventilata: Ducibus sibi jus in civitatem arrogantibus, titulo homagii præstiti & appellationis devolutæ; Civitate verò pro libertate sua multa diplomata Imperatoria producente, quibus se Imperio immediate contribuisse, fœdera liberè cum Principibus contraxisse, jus telonii habuisse ostendere nititur. Non diffitetur tamen, quod homagium Ducibus præstitit, quodque appellationes à Civitate ad Duces devolutæ fuerint: sed asserit hæc Ducibus non vigore jurisdictionis, verum specialis virtute privilegii competere.

Superfunt prætensiones, concernentes *Interesse* honoris & præcedentiæ, quæ passim amplam altercandi materiam præbent. Ut pauca è multis commemorem, Hispanus cum Gallo, Anglus cum Hispano, Brunswicenses cum Brandenburgicis, Saxo cum Bava, Hassus cum Pomerano, Aquisgranum cum Colonia Agrippina, Messina in Sicilia cum Palermo, Equites Florentini cum Melitenis, Nobiles immediati anconiarum cum civitatibus Imperii liberis, Senenses cum Florentinis, Genuenses cum Senensibus, pro Jure Iussionis speciosis admodum argumentis digladiantur, quæ vide apud Limnæum de Jure Publico, *tom. lib. 4. cap. 9.* In Hispania Archiepiscopus Burgenfis cum Toletano; in Gallia Turonensis cum Rhemensis, Burdegaleses cum Bituricensi; In Italia Mediolanensis cum Ravennate; In Polonia Episcopus Cracoviensis cum Archiepiscopo Gnesnensi; In Germania Herpoldensis cum Bambergensi de prærogativa discutant. *Vide Sprengerum supra citatum.*

DISCURSUS QUADRAGESIMUS
QUARTUS.

EX JURE PUBLICO.

De Circulis Imperii.

I.

Primitus nonnisi sex circuli in Imperio Romano-Germanico fuere constituti Augustæ Anno 1500. postea facti sunt decem. An. 1522. Norimbergæ, quod tamen alii Tieveris factum asserunt Anno 1511. Porro per circulum Imperii seu Politicæ Germanicæ nihil aliud intelligitur, quàm magna aliqua regio diversarum vicinarum Provinciarum conjunctione constituta, plures sub se status & Ordines Imperii comprehendens. *Wehner. præct. observ. lit. K. verb. Kraiß &c. Besold. Thesaur. Pr. lit. K. num. 37. § 39.*

2. Primus Imperii Circulus est Austriacus, Secundus Burgundicus, Tertius Rhenanus, Quartus Franconicus, Quintus Suevicus, Sextus Bavaricus, Septimus Quatuor Electorum, videlicet Comitum Palatini, & trium Archiepiscoporum, Moguntini, Trevirensis, Colonienfis, Octavus Westphalicus, Nonus Saxonie superioris, Decimus Saxonie inferioris.

Aliter dividit Circulos Imperii Vagetiſ in *orbe habitabili*, fol. 149. ubi ita scribit: Universum Regionum & Provinciarum omnium, quas complexu suo Imperium ambit, systema in certas sectiones resolvitur, quas circulos vocant; eorumque decem constituti. Primo continetur Franconia; Secundò Noricum & Bavaria; Tertio Austria & Tyrolis; Quarto Alsatia, cum Ducibus Lotharingæ & Sabaudia; Quinto

to Suevia, & Ducatus Württembergicus, ejusque districtus civitates liberae; Sexto Palatinatus Rheni, cum Electoribus Ecclesiasticis; Septimo Westphalia, cum Frisia Orientali, Julia, Clivia & Waldecko; Octavo Saxonia superior, cum Misnia, Lusatia, Marchia Brandenburgica, Pomerania, Principatu Anhaltino, atque Dantisco; Nono Saxonia inferior, cum Magdeburgo, Brunswicko, Brema, Meckelburgo, Luneburgo, Holsatia, Lubeca, Hamburgo. Decimum circulum Burgundia superior constituit.

3. Ad Circulum Franconicum, præter alios spectant, & ad Conventum circularem vocantur, Episcopi Bambergensis, Herbipolensis, Eichstettensis: Item Magister Ordinis Teutonici, Marchio Brandenburgicus, Comites Hennebergensis, Castellensis, Wertheimensis, Hohenloe &c. Quibus adde Comites de Schwarzenburg & Horpach &c. Item civitates liberae Norimberga, Rottenburgum, Winsheimium & Schweinfurtum.

Ad circulum Bavaricum pertinent inter alios, Archiepiscopus Salisburgensis, Episcopi, Passaviensis, Frisingensis, Ratisbonensis; Præpositus Bergtesgadenensis; Abbates Waldsachsensis, Rodensis &c. Abbatissa Altmünster, & Obermünster; Dux Bavariae Landgravius Leuchtenbergicus, Comes de Hage & Comes de Ortenburg, Baro in Stauffen, Baro in Degenberg, Civitates Freystatt & Ratisbona &c.

In Circulo Austriaco sunt duo Ordines, Ecclesiasticorum scilicet & Nobilium. In illo sunt Episcopi Tridentinus, Brixinensis, Viennensis &c. In hoc sunt præter Archiducem Austriae, varii Proceres, qui videri possunt in Recessu Imper. de Anno 1521. & apud Lymnaum de *Jure Publ. Imp. Rom. lib. cap. 7.*

Ad circulum Suevicum referuntur Episcopi, Curien-

riensis, Constantienſis, Auguſtanus: Item Abbates, Campidunenſis, S. Galli, Salmansweiller, Wingen-
garten, Ochſenhaufen, &c. cum Abbatiffa Lindaviens
& aliis nonnullis. Atque hic eſt primus ordo hujus
Circuli. Secundus Ordo continet Principes, Du-
cem Württembergicum, Marchionem Badenſem, Co-
mites ab Helffenſtein, Oetingen, Montfort, Fürſten-
berg &c. In tertio Ordine ſunt complures civitates,
ut Auguſta, Ulma, Bibracum, Lindavia, Ravensbur-
gum, Schaffhuſia, Eſlinga, Halla Suevica, Donawerda
&c.

Circulus Rheni conſtat tribus etiam Ordinibus: Ec-
cleſiaſtico, Principali, Civitatum liberarum. In pri-
mo ſunt Episcopi, Wormatiens, Spirens, Argen-
tinenſis, Baſileenſis, Veſuntinus &c. Item Abbates
Hirſchfeldenſis, Murbacenſis. In ſecundo ſunt Prin-
cipes, Duces & Comites ſæculares; videlicet Dux Lo-
tharingæ, Dux Sabaudia, Dux Bipontinus, Land-
gravius Haſſia; Comes Rheni, Comes Salmenſis,
Comes Hanoviens, Comes de Falckenſtein, Comes
de Wittgenſtein &c. In tertio ſunt Liberæ Civi-
tates, ut Spira, Wormatia, Francofurtum, Baſilea, Col-
maria, Schlettſtadium &c.

In Circulo Electorali, præter Comitem Palatinum
ſeu Electorem Heidelbergensem, ſunt Archiepiſcopi,
Moguntinus, Trevirens & Colonienſis: Item ci-
vitates liberæ, ut Moguntia, Colonia, Treviri: Item
Abbas S. Maximini juxta Treviros &c.

Circulus Weſtphalicus complectitur tres ordines.
Eccleſiaſticum, Principalem, & Civitatum libera-
rum. Eccleſiaſtici ſunt Episcopus Paderbornenſis,
Monasterienſis, Oſnabrugeniſis, Leodienſis &c. Item
Abbates Werdenſis, Stablonenſis, Corbeienſis, Her-
vordenſis, & Abbatiffa una Eſſenſis. In ordine ſæcu-
lari

lati sunt Dux Juliacensis & Montensis, Dux Cliviae, Comes Embdanus, Comes Manderſcheid, Comes à Bentheim, Comes Oldenburgicus &c. Civitates liberae sunt Colonia, Aquisgranum, Vesalia inferior, Marcondurum, Duysburgum, Hervordia &c.

In Circulo Saxoniae Superioris primus Ordo est Episcoporum; inter quos est Misnienſis, Mersburgensis, Naumburgicus, Brandenburgensis, Lubecensis: ad quos accedunt Abbas de Salfelt, & Abbatissa de Quedlinburg &c. In secundo Ordine sunt Personae saeculares; videlicet Dux Saxoniae Elector, Marchio Brandenburgicus Elector, Dux Pomeraniae, Princeps Anhaltinus, Comes de Mansfelt, cum aliis comitibus. Tertius ordo est Civitatum liberarum, ut sunt Dantiscum, Elbinga &c.

In Circulo Saxoniae inferioris eminent inter alios Archiepiscopus Bremensis & Magdeburgensis: Episcopus Hildesheimensis; Rex Daniae, propter ditiones ad Imperium pertinentes: Dux Brunſwicensis, Lauenburgensis, Meckelburgensis &c. Item Civitates liberae, ut Lubeca, Hamburgum, Gottinga, & aliae.

Circuli Burgundici Membra principalia sunt praecipui Principes Belgii, Dux Burgundiae &c. Comites Flandriæ & Hornanus &c. Sed de hac materia curatiùs alibi: quia allatus Catalogus Statuum sub regibus circulis comprehensorum, praeterquam quòd vetustus sit, etiam vetustatem olet; multa autem annis posterioribus in Imperio mutata sunt.

4. Goldastus differens de Regno Bohemiae *lib. i. c. 2. m. 5. & lib. 4. cap. 8. num. 13.* de circulis Imperii decimum, ex Statibus Bohemiae compositum, adungere conatus est; sed redarguit eum Arumæus *de iur. nat. cap. 2. num. 40.* quem sequuntur Reinkink *de iur. Sacul. & Eccles. 1. class. 4. c. 2.* & Freherus *ad*

Petrus de Andlo lib. 2. c. 2. qui sentiunt, quòd regnum Bohemiæ nulli circulo sit incorporatum, neque etiam ullum per se constituat circulum; cum Rex Bohemiæ nec Status Imperii sit, nec Imperii Recessibus, nec Jurisdictione Camera ligetur, sed particularia quædam Jura & privilegia habeat.

5. Ducem Sabaudia à circulis Imperii excludit *Miller in notis ad Martin. Rumelin. Aur. Bull. part. 2. dissert. 3.* Eumque velut oneribus Imperii exemptum, Italici Imperii Vassallis annumerat.

6. Divisio Imperii in decem circulos ideo facta est ut in Imperio omnia ordinatè decerni, Camera jurisdictionis melius exerceri, contributiones Imperii commodiùs exigi, ac Imperatoris decreta faciliùs executioni mandari possint.

7. Quinque res unicuique circulo Imperii in sua regione sunt demandata. 1. Cura & defensio pacis publicæ. 2. Executio justitiæ. 3. Contributionum moderatio. 4. Cura monetæ publicæ. 5. Inquisitio de vectigalibus. *Vide Recessus Imperii Anno 1555. & 1556.* His quinque capitibus, quæ singulis circulis demandata sunt cum annexis, adduntur publica cujusque regionis negotia.

Circa prædictas circulorum functiones notandum. 1. Defensionem pacis & tranquillitatis publicæ circulo cuique incumbentem, consistere in comprimendis, sedandis, vel impediendis motibus, & armis & vi publica, nec non in militum coitionibus prostigandis, conscriptione denique & delectu Principum exterorum in regione impediendis. *Vid. Recess. Imper. de Ann. 1555. & 1559. Item Cammerger. Ordn. part. 2. tit. 15.*

Notandum 2. Per executionem justitiæ à circulis procurandam, eam intelligi, quæ ob causam pro-

scri-

scriptionis & banni à Cæsare, vel Camera Imperiali, circulo viciniore, uni vel pluribus contra proscriptum est demandata. *Recess. Imp. de An. 1555. Et Cammerger. Ordn. part. 3. tit. 48. § seq.*

Notandum 3. Moderationem contributionum ad illum spectare circulum, in quo gravatus ordo seu status domicilium habet. Hic igitur circulus per delegatos inquirat de causis gravaminum, iisque auditis, per alios deputatos causam decedit. Dubia moderatores, post relationem Cæsari factam decidunt. *Recess. Imper. de Ann. 1548.* A sententia autem horum moderatorum ad Comitia deputatorum datur provocatio. *Althusf. politic. cap. 33. num. 100.*

Notandum 4. Ab eo circulo, cui cura monetæ publicæ in regione sua explorandæ est commissæ, Dominos Monetarios constitui, & ejus rei causâ contentus quorannis semel vel bis haberi in loco, quem circuli Præfectus, der Kraiß-Oberste designaverit. *Recess. Imper. de Ann. 1559.*

Notandum 5. Eos, qui monetæ cudendæ jus habent, hoc jure uti in loco vel locis à circulo assignatis, *Recess. Imp. de Ann. 1570.*

Ut omnia, quæ ad cujuslibet circuli curam & inspectionem pertinent, debito modo peragantur insti-
ti vel indici solent conventus circulares, vulgò
kraiß-Täge / quod ad officium eorum Principum,
ti vulgò die Kraiß-ausschreibende Fürsten vocan-
r, pertinet. Conventus autem circulorum vel sunt
nerales, vel particulares. Priores sunt, quando
nnes & singuli unius circuli Status: posteriores,
ando aliqui saltem ex quibuslibet scamnis conve-
unt. Priores Gesambte oder ganze Kraiß-Täge/
steriores Enge Kraiß-Convent appellantur. *Speide-
s Observ. Jurid. Polit. Hist. verb. Kraiß &c.*

9. Conventus particulares, vulgò die enge Kraiß-
Convent, tunc indicuntur, quando negoti i gravita-
celerem requirit expeditionem, nec ea moram admi-
tit. *Speidel. cit.*

10. Conventus circulares ordinariè singulis anni
semel minimùm celebrari & institui debent. Quan-
do autem circuli necessitas aliud suadet, possunt in-
dici Conventus quotiescunque necessitas postulaverit.
Recess. Imper. de Ann. 1570. §. Wir wollen wir.

11. Quilibet circuli suas habent singulares consti-
tutiones, vulgò Kraiß-Verfassungen/ubi continentur
ea, quæ ad constitutionem, conservationem, & exe-
cutionem circularium actionum spectant. Ut verò
omnia, quæ in huiusmodi ordinationibus compre-
hensa sunt, eò melius executioni mandari possint, ul-
tra Principis, qui vulgò die Kraiß-ausschreibende Gür-
sten appellantur, etiam Capitaneus circuli, vulgò ein
Kraiß-Obster constitui solet.

Varie autem sunt differentiæ inter Capitaneos cir-
culi & Duces circuli, qui Kraiß-ausschreibende Gür-
sten appellantur. *Primò* enim Capitaneus circuli ab
omnibus Statibus circuli eligi debet; quod de Ducibus
circuli, postquam semel constituti sunt, non di-
citur. *Secundò* Duces circuli perpetui creduntur
Capitanei autem sunt amovibiles. *Tertiò* Capita-
neus singulari iuramento Statibus obligatus est, secu-
Duces. Nam officium, das Ausschreib-Ambt/ unà cum
Directorio ipsis tanquam principalioribus circuli Sta-
tibus, in quos nulla suspitionis sinistra nota cadere po-
test, certè, non debet, absque ejusmodi vinculo seu nexu
relinqui solet.

Porro, cum diversa sint, officio Directoris & offi-
cio Judicis fungi, dicendum est, quòd, sicut Elector
Moguntinus, tanquam Archicancellarius Imperii, &
Col

collegii Electoralis Decanus, ceteros quidem Coelectores convocare potest, & in consiliis Directorum erere; non ideo tamen jurisdictionem, vel superioritatem respectu illorum habet; ita pariter circulatorum duces, præter jus convocandi, convorandi, & determinandi, nullam in circuitum, vel Constatum circuli jurisdictionem habeant, nisi ea vigore alicujus circularis conclusi ipsis singulariter demandata sit; cum quæ in circulis conclusa sunt, contra contumaces executioni mandare queant. *Paurmeist. de jurisd. lib. 2. p. 2. num. 135. arg. Reichs-Abchied de anno 1555.* quo casu id, quod ab ipsis peragitur, non cognita, sed potius, & propriè est executio. Itaque extramuros conclusæ executionis, circuli Duces non minus juris in reliquos Status, quam reliqui Status in Constitutus suos habent.

12. Circulorum Capitanei, die Kraiß, Obristen/ si Personæ dignitate principali fulgentes, ad singulare juramentum Statibus præstandum non obligantur. Sie werden bey dem Verspruch Fürstlicher Würden und wahren Worten gelassen) ex quo tamen non quitur, quod tales majorem licentiam vel potestatem habeant, quam alius, qui est minoris conditionis, & qui ad præscriptam formulam jurare tenetur, in effectu ad idem talis Princeps obligatus est, nec talitudo quidquam, quam corporalis juramenti præstatio (à qua alias illustres Personæ, consuetudine in Germania recepta, liberantur) remittitur. Interim verum est & manet, quod in Principibus aut Illustribus, quibus, quibus Fürstlichen / oder Gräfflichen Ehrauen / (sauben / und Worten (ut Germani loquuntur) eodem loco juramenti interponunt, nulla sit vel habeatur differentia à juramento, sed eorum promissiones ad fide factæ; omnino promissionibus juratis, Na quoad

quoad omnes effectus æquiparentur. *Speidel. sup. num. 8. citatus.*

13. Tametsi proprium officium Ducis circuli, *Ampt eines Kreis-ausschreibenden Fürsten* (quod consistit in jure convocandi Status circulares) distinctum & separatum ab officio Capitanei circuli nec hæc officia confundi debeant; non repugnat tamen hæc duo officia in una Persona concurrere & conjungi. *Ibidem.*

14. Quemadmodum in arbitrio Statuum circuli positum est, hunc vel illum pro Capitaneo circuli eligere; ita pariter in arbitrio electi est, istud officium vel acceptare, vel postmodum ad placitum resignare. *Ibidem.*

DISCURSUS QUADRAGESIMUS QUINTUS

EX JURE PUBLICO.

De Hansa Teutonica.

I. **N**omine Hansæ sive Ansæ Teutonicæ intelligitur fœdus quoddam sive societas complurium civitatum in Germania. Cum enim illarum à vicinis Principibus, tum ab Hunnis aliisque barbaris Gentibus identidem, cum ingenti jactura commerciorum, & securitatis publicæ detrimento, infestarentur; societatem inter se conceptis certis quibusdam fœderis capitibus inierunt. Conspirarunt autem in eam societatem inde à Finnico sinu, qui est in ultimo recessu Maris Balthici usque ad Rheni ostia Urbes præcipue quarum nomina infra recensentur. *Werdenhagen de Civitat. Hanseat. earumque Juribus & Wehnen Practicar. Observ. lit. H. Besold. in tract. de liber. Imper. civita.*

civitat. Item in discurs. de fœderib. fol. 24. Carpzovius
de Capitul. Casar. c. 6. num. 22. Otto de Jur. publ. c. 14.
Marsh. Stephan. de Jurisd. lib. 2. p. 2.

2. Hanseaticæ sive Anseaticæ dicuntur Civitates,
vel à Germanico *Ansee* / quòd præcipuè sint mariti-
næ, sive ad mare sitæ: vel à vocabulo *Hansen* / quo
Germani Heroes denotant, præsertim in Westphalia
& Saxonia; unde de iis, qui ultra sortem & conditio-
nem, seu merita sua æstimari cupiunt, dici solet: *Die wol-*
en grosse Hansen seyn: vel denique à voce Germanica
Handelstätt / quòd in Urbibus Hanseaticis commer-
cia præcipuè vigeant. *Vid. Auctor. citat.*

3. Fœdus Hanseaticum cœpit Anno 1200. ante tem-
pora Friderici II. imperatoris; & ita paulatim excrevit
Hanseaticarum civitatum potentia, ut post Annum
Christi 1300. Principibus terrore essent. *Auct. cit. juncto*
Arumao de Comit. c. 4.

4. In societatem Hansæ Teutonicæ receptæ sunt
& duntaxat Civitates, quæ jus habebant portarum
claudendarum & aperiendarum, sive illæ Prin-
cipem agnoscerent, sive omnino liberæ essent. *Ibidem.*

5. Dividitur Hansa Teutonica in 4. Regiones: Lu-
becensem, Coloniensem, Brunswicensẽ, & Borus-
sam: habetque sibi sociatas Urbes 72. nimirum Van-
alicas sex, Pomeranicas octo, Borussicas sex, Livo-
nicas tres, Saxonicas tredecim, Westphalicas decem,
Livonicas sex, Marchicas septem, Transsylvanas tres,
Silesicas septem, Frisicas tres. *Ibidem.*

6. Lubeca caput est totius Hansæ Teutonicæ, tum
propter facilem accessum (est enim medio penè loco sita)
tum ob Urbis Civiumque potentiam. In eâ asser-
tur Societatis Hanseaticæ Archivum, cum Jure evo-
candi & convocandi vicinas Urbes. Habet autem jun-
ctas civitates Vandalias quinque, Hamburgum, Ro-

stochium, Wisnariam, Stralsundam & Luneburgum ac præterea Pomeranicas, Stettinum, Anclonium, Gollanaviam, Gripswaldam, Colbergam, Stadgardam, Stolpam. *Ibidem.*

7. Colonia Agrippina, quæ Anno 1481. Hanseaticum Uibium numerum accessione sua auxit, primaria est secundæ Regionis Anseaticæ Civitas, habetque sibi sociatas civitates Clivienses & Markenses, Valsaliam, Duisburgum, Embricam, Warburgum, Unnam, Hammam: Item Westphalicas, Münsterium, Osnabrugum, Tremoniam, Sufatum, Herfordiam, Paderbornam, Lemgoviam, Bilefeldiam, Lippiam, Cæsfeldiam: Denique etiam Geldricas, Transisalanas & Frisicas Septentrionales. Geldricæ sunt Noviomagum, Zutphania, Ruremunda, Arnhemium, Venloa, Elburgum, Hadervvicum. Transisalanæ, sunt Daventria, Campi & Swolla, Frisicæ Septentrionales sunt Groninga, Bolswerdia, Stavera. *Ibidem.*

8. Brunsvica primaria tertiæ Regionis Hanseaticæ Civitas, habet sub se Urbes Saxonicas, Magdeburgum, Goslariam, Embecam, Gottingam, Hildesheimium, Hanoveram, Ullam, Buxtehudam, Stadam, Bremam, Hammeliam, Mindam. *Ibidem.*

9. Dantiscum, primaria Borussia civitas, habet sub se varias urbes Hanseatico foederi innexas; videlicet Regiomontum, Colmariam, Toruniam, Elbingam, Brunsbergam: Item Livonicas Urbes Rigam, Dorpatum, & Revaliam: quæ Germanicâ, reliquæ Slavonicâ utuntur linguâ. Accedit Berga in Norwegia, quæ & ipsa Juris est Hanseatici. *Ibid.*

10. Multa Hansæ Teutonicæ præclara facinora commemorat Cranzius in *Hist. Wandal.* Hoc certè comprobatur, Hanseaticarum ope Civitatum gravis bellorum fuisse composita, discordias vicinorum Regum

Prim

principumque sopitas, pacem restitutam, quod manum cederetur momentum ipsarum potentia allatura, se alterutri parti adjunxissent: ut proinde merito tanta Teutonica sequestra pacis, publicæque per Germaniam tranquillitatis conciliatrix multis jam sæculis abrita sit. *Ibidem.*

11. Hanseaticarum civitatum ope & operâ ad Belas, Anglos, Gallos, Hispanos, Italos, merces defuerant necessariae, ut triticum, siligo, lana, cera, comum, cannabis, linum, pix solida & liquida, chalybs, ferrum, pisces aridi, fassamenta, trabes quernæ & abietinæ, mali, & quidquid præterea terræ Septentrionales usus generis humani benignè suppeditant. Utque commodior esset mercium istarum per reliquum orbem distributio, impetrarunt diversis in locis Jus hospitium, constructis illic ad commercia exercenda inmentibus ædificiis, & obtentis variis privilegiis. Quæ loca autem fuere hujusmodi primaria Emporia: Novogrod in Russia, Londinum in Britannia, Brugæ in Belgica, & Bergæ in Norwegia. Hisce in Urbibus mercum erat omnibus illis, qui in Urbibus Hanseaticis habitabant, commorari, mercaturam exercere, & privilegiis frui societatis Teutonicæ, juxta leges ad eam spectantes, à reliquis Urbibus ipsarumque Legatis de publicâ potentia constitutas. *Ibidem.*

12. Quamvis Hansa Teutonica primis centum annis in formidabilem Regibus ac Principibus, quorum beneficiis nata erat, potentiam excrevisset, bella quoque pro tuendis immunitatibus sibi concessis cum Danis, Anglis, Suecis, aliisque populis magnâ felicitate transiisset; post annum tamen 1550. (quæ humanarum rerum est vicissitudo) sensim cœpit deficere; ita ut circa Annum 1560. animam prope agere visa fuerit. Et quidem deinceps Anno 1571. de instauranda.

hac societate, & renovando fœdere, formula quoque fœderis nova in Conventu proposita Anno 1579. se pauci in eam consenserunt. Demum Anno 1600. novæ Hanseatici fœderis leges conscriptæ, magnique conatus adhibiti fuerunt ad restituendum Hanseæ Teutonice vigorem pristinum; sed labori non corre spondit successus; ita ut illa olim grandis, & totâ Euro pæ celeberrima societas ad pauculas Urbes redacta sit. *Conringius de Judiciis Reipublicæ Germanicæ Thes.* 102.

DISCURSUS QUADRAGESIMUS SEXTUS. EX JURE PUBLICO.

De Nobilibus, Baronibus, & Comitibus.

1. **N**obilis exercens officium tabellionatus, vel mercaturam, privilegia nobilitatis perdit. *Alsted. in Encyc.*
2. Naturales liberi nobilitatē Parentum non coheredantur. *Alsted. cit.*
3. Nobiles immunes sunt à muneribus publicis. *l. honorem. ff. de muner. & honor. Tiraquell. de nobilitate. c. 20. num. 168. l. precipimus. l. senatorem. l. quoniam. Cod. de dignitat. lib. 12.*
4. Nobilis non est detinendus in carceribus propter debita. *Molin. de Justitia tract. 2. disp. 571. num. 1.* Secus, si renuntiet huic privilegio. *Garci. de nobilitate. gloss. 6. num. 18.*
5. Nobilibus pœna trirremium infligi non potest. *Aloyf. Riccius in praxi rer. for. Eccles. decis. 588. n. 5. decis. Cur. Archiep. Neapolit. p. 2. decis. 93.* Idem prodest in filiis doctorum *Ibid. decis. 279. n. 2.*

6. Nob

6. Nobili dicenti se habere mandatum creditur abs-
 e alia probatione. Tiraquell. *de nobil. cap. 20. num. 39.*
 7. Nobilis potest renunciare privilegiis Nobilita-
 tis. Barbof. *in l. alia. §. eleganter. n. 13. ff. soluto matrim.*
 8. Si Pater sit ignobilis, & Mater nobilis, filius se-
 quitur qualitatem Patris. Tiraquell. *de nobilit. cap. 18.*
m. 20. E contratio nobilitatem non amittunt filii
 ex Patre nobili, licet Mater sit ignobilis, ut infra
 cetur n. 20.

9. Habens filium Episcopum gaudet ob filii dig-
 nitatem prærogativâ nobilitatis, ut non repetetur ple-
 jus. *Barbosa civitatus.*

10. Nobiles regulariter à collectarum onere non
 sunt immunes. *Klock. de contribut. conclus. 38.* Quan-
 tum id à Voluntate Principum ut plurimam depen-
 det. Unde Reink. *class. 5. lib. 1. c. 4.* testatur Nobiles in
 omnia ratione illorum prædiorum, quæ ipsi sub cura
 aratro suo habent, à Collectarum onere & præsta-
 tione immunes esse, non verò ratione illorum quos
 coloni colunt. Verum immunitas ista, quocunque
 modo comparata fuerit, non habet locum, si
 cessitas, quæ vim legis solvit, emerferit. *Wintzler*
Collect. obser. 14.

11. Libera & immediata Imperii Romano-Germa-
 ni Nobilitas ideo talis dicitur, quia immediatè sub-
 jecta Cæsari, & à Principum reliquorum potestate li-
 ra est. Sunt enim ejusmodi Nobiles, Imperii cives
 immediati, nullum Imperii Statum pro superiore a-
 noscentes; & licet in territoriis Principum habitent,
 non sunt tamen eorum Landsassii, sed solum Impera-
 rem habent superiorem. *Besold. disc. de Ord. equest.*
 Solent autem hi Nobiles vulgò in Germania vo-
 cari, die Freye Reichs von Adel / die Freye Ritter-
 schafft / die Freye ohnmittelbahre Ritterschafft.

12. Immediatj Nobiles Imperij, licet à Principibus aliisque Statibus Imperij Fenda habeant, coram imperatore tamen non solent comparere, nisi ratione causarum feudaliū: in cæteris iudices singulares habent, vide licet Dicasteria Imperialia, ut Austregarum &c. *Beſoſſen. ſup. citat.*

13. Libera & immediata Imperij Nobilitas dividitur in tres classes, Franconicam, Suevicam & Rhenanā. *Recess. Imper. Aug. de Anno 1500.*

14. Olim Nobilitas libera & immediata Imperij erat Status Imperij, & ejusmodi Nobiles cum alijs Imperij Principibus ad Comititia vocabantur, uti apparet ex Bulla Sigismundi Imp. §. 2. & 4. à Goldasto *tom. 1. Conspectus Imper.* relata, uti etiam ex præmio Aur. Bullæ circa fin. Hodie verò isti Nobiles non numerantur inter Status Imperij, nec Comititiis intersunt. *Specimen del. in Notis ad Aur. Bull.* Finitis verò Comititiis charitativum subsidium ab ipsis peti solet, verb. gratia contra Turcas &c. uti factum post Comititia Augustanæ Anno 1500.

15. Constitutiones Imperiales de Immediatis loquentes, comprehendunt etiam liberam & immediatam Imperij nobilitatem, *Bidenbach in Nobil. quæst. 4. num. 1.*

16. Sunt quidam in Imperio Nobiles immediati qui licet nulla libera bona, castra &c. habeant, tamen ratione suæ personæ, ordinariæque subjectionis, nulli nisi Cæsari immediatè subsunt; ideoque non nisi in Camera Spirensi, Consilio Aulico Viennensi, aut Dicasterio Rotviliensi conveniri possunt, vocanturque *Greye Reichs von Udel. Reinck. 1. class. §. c. 10. 11. 23.* Quod ut melius intelligatur, notandum est, privilegia & Jura Nobilium in Imperio alia esse personalia, alia realia. Illa personam comitantur; hæc ipsi

ipsis bonis adherent & quoscunq; subsequuntur possessoribus. Unde si Nobiles Civitatum incolæ sint, aut bona non libera possideant, jurisdictionem, atque onera, nisi specialiter exempti sint, pati coguntur. Quæ tamen ad onera personalia non sunt extendenda, cum ratione personæ sint Imperatori immediatè subiecti. Rarò autem ipsis feuda, aut jus incolatus, sine onere subjectionis, aut multiplici libertatis restrictione concedi solent. *Beckers in Synops. Jur. publici lib. 3. cap. 10.*

17. Non omnes in Franconia, Suevia, Rhenanaque Provincia Nobiles sunt liberi, sed ii tantum, qui nolum Principem, aut Statum Imperii superiorem agnoscunt, nobiliaque & libera bona possident, eoque respectu Imperatori, Imperioque soli parent, neque illi, nisi in den gemeinen Ritterschafft Rasten (ut ipsi vocant) contribuere aliquid consueverunt. Ceterum multi sunt in iis locis Nobiles, qui vigore certorum contractuum, Principibus, in quorum territorio sunt, parent, iisque homagium & subjectionis iuramentum præstant. *Beckers loc. cit.*

18. Nobilium appellatione generali, etiam Duces, Comites, Barones veniunt. *c. constitutis extr. de testib. c. grandi de supplend. negl. Pralat. lib. 6. Tiraquell. de nobilitate c. 6. n. 15.*

19. Licet Nobilis in uno Regno, non sit habendus pro Nobili in altero; *Baldus cons. 387. col. 1. l. 1. cò quòd vis indulti tribuentis non excedat territorium, consuetudine tamen receptum est, ut pro tali habeatur. Anton. Faber in Cod. l. 9. tit. 28. defn. 12. n. 9.* Omnium enim Principum interest, ut singulorum majestas à cæteris omnibus comiter observetur.

20. Ad hoc, ut aliquis genere Nobilis dici possit, sufficit Patrem solum habere Nobilem, quamvis Mater sit plebeja. *Facit l. cum legitima, 19. de stat.*

hom. l. Eos, 22. c. de decur. l. liberos, 10. ff. de Senator. Et qui sunt tales, iisdem quibus alii Nobiles, Patrem Matremque nobilem habentes, privilegiis ac immunitatibus gaudent; nisi speciali pacto, aut constitutione, à successione, aliisque juribus prohibeantur. Unde ad hoc, ut filii nati ex Matre ignobili, à successione repellantur, pactum speciale requiritur. *Tiraquellus de Nobilitate cap. 17. & 18.* Quamvis negari non possit, nobilitatem paternam, adjectâ Maternâ, fieri splendidiorem.

21. Ex antiquissima Germaniæ consuetudine, Nobiles à præstatione vectigalium sunt immunes. *Koppen decif. 61, n. 4. part. 1. Bidenbach. quest. Nobil. 18.* Hanc tamen consuetudinem multis in locis evulsiſſe testatur Nolden. *de Nobil. c. 16. num. 42.*

22. Exercitium artis mechanicæ non ubique derogare Nobilitati, testatur Dænæus *de Polit. Christian. lib. 2. cap. 6.* ubi scribit, in Gallia artem vitriariam absque ignominia & nobilitatis imminutione à Nobilibus exerceri.

23. Imperatoris beneficio creat Nobiles Rex Bohemiæ in Bohemia, & incorporatis Bohemiæ Provinciis, Moravia, Lusatia, Silesia: ubi ad quatuor primarios Baronatus nemo admittitur, nisi vel ab Imperatore, vel à Rege Bohemiæ Baro fuerit creatus. *Cura in descript. Siles. part. 2.*

24. In laudem Germanicæ Nobilitatis (inquit Spelidius in *Specul. Jurid. Polit. Hist. observ.*) hoc omnino sciendum est, eam antiquissimam esse. Cujus antiquitatis argumentum maximum est, quòd inter Hispanos, Gallos, Anglos, Belgas, populos omnium mortalium judicio excelſissimos, ut quisque nobilissimus est, ita ad aliquam Germanorum gentem stirpis suæ antiquitatem refert.

In Hispania certè Nobilitatis flos originem suam à Germanica Gothorum gente repetit. Illisenim longo tempore tota paruit usque ad Annum salutis MCCXX. quo Saracenos successores nacti sunt Gothi.

Gallia, ut libertatis, ita Nobilitatis suæ initium, clarissimis Germanorum Francis, debere se fatetur, quid quid nonnulli ogganniant.

Anglos autem & Belgas Teutonicæ originis esse nemo negat, nisi qui dialectos ignorat. Et Angli quidem à Saxonibus oriundi, & nomen & linguam ab ipsis mutuati sunt. Contra Hunnos enim opitulatum Britannis acciti Saxones, loci amœnitate illecti, accersitis popularibus, propriis sedibus incolas exegunt. Quo tempore, scilicet Anno CDXLIX. Britannia à Saxoniæ populo ita dicto, *Anglia* nomen obtinuit. *Belga* autem maxima ex parte à Cimbris citerioribus, seu Transalpinis propagati sunt. *Vide Jacobum Vagerium de orbe habitab.*

His addo, quæ Lanfius in consuetat. de principat. inter Provinc. Europ. in laudem Nobilitatis Germanicæ sequentibus scribit verbis.

Ut Imperator noster inter omnes orbis Principes, sit primus & Princeps, ita patriæ nostræ Nobilitas, quæ ab Illo, ut à scaturigine descendit, & ad omnem virtutem irrigatur, meritò primas tenet, neque ullo modo peregrino indiget splendore. Quin cum propagato Imperio ubivis terrarum Colonias Nobilitatis nostræ collocavêre majores nostri: ut laterem lavent, qui in Italia Nobilitatum origines quærunt. Quippe etenim Germania cepit Italiam, non Italia Germaniam; Germania præfecit Italiæ Duces, Comites, Præsides, Juridicos & non semel immisit populum & unâ Nobilium examina: nihil tale vicissim accipit Germania ex Italia? nisi forsitan illos cives

cives suos aliquando recepit, aut interdum victores Germani ex Italia captivorum multitudinem ad operas domum misère. Nam ex Variana tantum clade, quam multos splendidissimè natos, Senatorium per militiam auspicantes gradum, fortuna depressit; alium ex illis pastorem, alium custodem casæ fecère Germani. Et fortassis hodieque multi in rustica Westphalorum plebe reperiuntur, qui præcipuas consulares, & Cæsareas veteris Romæ familias agnatione attingunt.

Scimus alioquin Romanas consulares familias hodie superesse nullas. Profectò nusquam gentium est Familia Junia, nusquam Valeria Publicolarum, Maximorum & Messalarum; nusquam Lucretia, Horatia, Posthumia, Menenia, Cassia, Virginia, Sulpitia, Veturia, Clælia, Sempronia, Servilia, Furia, Fabia, Cornelia, Emilia, Manlia, Quinctia, Papyria, Sergia, Licinia, Mutia, Hortensia, Fulvia, Fabricia, Curia, Cattoniana, Aquilia, Plautia, Livia, Decia, Claudia &c. Ubi nunc prosapia Paullorum, Lepidorum, Cincinnatorum, Crassorum, Scipionum, Syllarum, Mariorum, Clodiorum, Brutorum, Regulorum, Marcellorum, Lentulorum, Flaccorum, Capionum, Gracchorum, Lucullorum, Scaurorum, Murænarum, Pompejorum, & quidquid tandem ad hanc classem evocari potest?

Sed neque ex Veterum Regum, atque Imperatorum sanguine superest quispiam, qui avorum suorum nobilitate gloriari possit. Julii enim nulli, Octavii nulli, nulli Domitii Athenobarbi, nulli Vespasiani, Antonini nulli, Severi nulli; emortui sunt omnes, & in cineribus hospitantur.

Germanica verò nobilitas etiamnum viger & flores, neque vespillonum operâ indiget: ipsismet Italis non obse-

obscure illius gloriam extollentibus: Certè Antonius Campanus in oratione Ratisbonensi, Vestra, inquit, Nobilitas totum penè orbem, ut fons uberrimus inunda-
vit, ut nulla gens, nulla regio sit, quæ non nobilitatem suam à vobis habere gaudeat, & gloriatur. Et Æneas Sylvius: Ita agamus, ait, ut potius Germani, quam Itali nuncupemur: & si parum possemus, studia tamen nostra semper huc dirigamus, ut inclytæ nationi semper mos à nobis geratur.

Necaliter Itali, si veritati agnitæ refragari non velint, loqui possunt. Cùm hodie nobilissimi quique ex illis, aut Germanorum nepotes sint, aut certè fortunam omnem, ac splendorem Germanis debeant, Origine autem veri & indubitati Germani sunt, uti Italico sermone denominantur, *Signori de Collalto, della Scala, di Castel Barco, della Rovere, di Beccaria, el Carretto di Montefelso, di Porcia, Azzone & Angari, di Carrarese, Bolchetti, Carrasi, Rossi, Landriani, Caccioli, Farnesi, Bentivogli, Brancaloni, Gonzaghi, Abrilli, Pallavicini, Roverelli, Malatesti, Correggi, essanti, Soardi, Savorghani*, cum multis aliis.

Ita quidquid Itali in Nobilitatis suæ honorem magnificè dicant, faciantve, semper in partem laudis Patres Germani venient.

Et idem gratitudinis vineulum Europam tenet universam. Nam laudent Polonia, Dania, Suecia, Reges suos: illa Religiosissimum Sigismundum, ista fortissimum Christianum, hæc generosissimum Gustavumolphum: unà tamen cogitent, illos, & ferè omnes eorum cives, veros Germanos esse; atque olim Imperatores nostros aliquor eorum decessoribus summa regii culminis axiomata donavisse.

Factiter etiam magna Britannia, illa Angliæ, Scotiæ Hiberniæ, nobilium Regnorum triga, incompa-
bilis

bilis Jacobi sui illustrissimas virtutes, & præterea i Principes, Comites, Barones, & Equites suos præconia decantet: sed meminerit simul, illorum majores invictos Germanos, Saxones & Normannos fuisse quibus hæc princeps cura erat, ut posteris summæ fortitudinis, laudatæ justitiæ, & opulentam omnium virtutum hereditatem relinquerent.

Hispania quoque nobilitati ac Regibus suis primum poscat: sed interim expendat sedulo, & ignarum discat, gnara fateatur, Suevos Vandalos, Alanos Gothos, Hispaniam domuisse, hodieque Austriacos, hoc est, Germanos, ibi rerum potiri.

Gallia insuper decora sua, & XII. sæculorum Regnum ostenter, eoque nomine aliis nationibus novitios, & nudius tertius sumtos titulos objiciat, ac totorum heroum exercitus ex sua Nobilitate consarcinet, inque Orbis theatro ad Venerationem aliis proponat. Sed eadem opera observantiam parentibus Germani debitam ne neget, atque testificetur, maximam suam partem à Francis, aliisque Teutonibus hodie habitari: quin etiam publicâ grataque voce denunciet universis, Germaniam per XII. (& amplius) sæcula Gallis imperavisse, & tres Regnum Ordines successivè, per *Merovæum* Francum, Merovingos, per *Carolum M.* Ingelheimensem, Carolingios, & per *Hugonem Capetum*, Magni Witikindi Saxonis trinepotem, Capevingios (ex quibus Ludovicus XIII. nuper Gallico Imperio præfuit) sceptro Gallico admovisse. Ita quidquid extra Germaniam nobile & generosum est, id prope totum dignitatis suæ splendorem Germanis debet.

25. Quemadmodum Nobilitas Germanica Polonicam nobilitate, ita Polonica Germanicam libertatem superat. Faciunt Poloni nobiles quod ipsis placet, &

conversantur cum Rege suo non tantum veluti cognati (quod faciunt Galli) sed etiam veluti fratres. Decreta verò Regis Poloniæ in æstimatione Nobilium non durant ultra tres dies, ut ipsimet fatentur, teste Nicolao Bello-polit. *dissert. de statu Imper. tom. 1. disc. 22.*

26. Dignitatem & officium Comitum doctissimi viri ab antiquis Germanis deducunt, suamque opinionem fundant in Tacito, qui de moribus German. sic scribit: *Eliguntur in iisdem Consiliis & Principes, qui jura per pagos vicosque reddunt. Centenis singulis ex plebe Comites, consilium simul & autoritas adsunt.* Itaque dignitas & appellatio Comitum antiquissima est. *Be-soldus dissert. de Comit. & Baronib. Imper. §. 1.*

27. Vox Comitum à comitando & sequendo oritur. *L. item apud Labeonem. §. Comitem. ff. de injur.* Nam apud Romanos illi, qui Principem sequebantur, ejusque lateri adhærebant, Comites dicebantur. Atque hi tanto numero Principem comitabantur, ut Aula seu Residentia Principis Comitatus cœperit appellari. *Marquardus Freherus de Origin. Palat. c. 1. initio.* Ex quorum numero Præfecti Provinciarum constituebantur. *Be-sold. sup. cit. §. 2.*

28. Nostris moribus ille propriè Comes Imperii dicitur, qui Comitatum cum sublimi territorii jure, ab imperatore, vel alio superiore non recognoscente feudum, vel allodium accepit. *Beckers in synops. jur. publ. lib. 3. cap. 8.* vel certè tempore immemoriali ius acquisivit: ut Comites ab *Oettingen & Bollern* & *Paurmeist. de Jurisd. lib. 2. cap. 10. num. 15.*

29. Multi sunt Comites, qui de Comitatu non sunt investiti, sed à castris, quæ possident, longo temporis spatio, denominationis istius titulos acquisiverunt. *Beckers sup. citat.*

30. Sunt quidam Comites & Barones in Imperio, qui

qui suum Comitatum & Baronatum non habent immediate ab Imperio; sed sub aliorum Principum a Imperii Statuum jurisdictione bona possident, quod salvo jure eorum Principum, quorum veri sunt Landfassen, in Comitatum electa fuere. *Matth. de Afflict. in Tit. quis dicat. Dux & Comes, Col. 3. in fin.*

31. Qui est Comes & Baro, Comitem simplicem in Sessione præcedit. *Bald. l. sed & milites, in princ. ff. de excus.*

32. Etiam si Comes aliquis sit decies Comes, non ideo tamen præfertur Duci: nec is, qui decies Dux est ob hoc præcisè anteponitur alteri, qui in majori dignitate seu altiori ordine constitutus est. Unde immerito Carolus Dux Burgundiæ, per Legatos suos, in Comitibus publicis, Electoribus Imperii præferri petiit quod sexies Dux, quindécies Comes esset. Fundatur hæc doctrina in illo axiomate Philosophico: *In iis, quorum ordine differunt, supremum infimi non attingit infimum supremi.*

DISCURSUS QUADRAGESIMUS SEPTIMUS EX POLITICA.

*In quo traditur Regula generalis, ad regendam
Rem publicam deserviens.*

PRÆFATIUNCULA.

POLITICA est Scientia rectè gubernandi Rem publicam, habetque pro objecto principali Rationem Statûs, hoc est, Idolum, quod adoratur à Regibus: Cui si Religionem, si conscientiam, si divinam gloriam

intra

*Incrementum postponant, non dubito, eos verissimos Idolos
atras appellare.*

Præfens dissertatio complectitur quandam Regulam fundamentalem & universalem, ex Augustissimi Cæsaris LEOPOLDI PRIMI Symbolo, CONSILIO ET INDUSTRIA, desumptam, quæ ad omnem Reipublicæ gubernationem non minus est utilis, quàm necessaria.

Certè inter Regulas Archonticas, hoc est, ad regimen & gubernationem spectantes, principatum obtinet hæc Regula Cæsarea, CONSILIO ET INDUSTRIA, à Sapientissimo Imperatore nostro LEOPOLDO felicissimè hætenus usurpata: cujus vis & energia in eo consistit, ut negotia omnia, Reipublicæ incolumitatem concernentia, CONSILIO ET INDUSTRIA præveniamus, CONSILIO ET INDUSTRIA comitemur, CONSILIO ET INDUSTRIA obsequamur.

Enimverò hæc Regula, si dignitatem spectes, præcipua: si Originem, nobilissima: si eventum, fortunatissima: si consuetudinem, receptissima: si usurpationem, generalissima: si denique fructum, fecundissima censeri debet.

Hujus Regulæ Archonticæ ductum secutus LEOPOLDUS PRIMUS Imperator, Clementissimus Princeps noster, idemquæ Populorum Gubernator prudentissimus ac fortunatissimus, Sapientiæ suæ famam longè lateque dispersit apud externos, amoris tributum copiosissimè collegit apud domesticos, tra Barbarorum pectora implevit metu, necessitates fœderibus stabilivit Imperium, æmulationis exaravit ferociam, religionis crexit fiduciam, improptati indixit exilium, rebellionis castigavit proterviam, servivit tempori prudenter, ne servire cogeretur.

tempestatì infelicitèr, futura omnia prospexit, tantum commoda, quàm incommoda: hæc, ut averteret à suis; illa, ut converteret in suos; etenim salutarum suorum suam, damna suorum sua reputans, ita semper studuit hactenus, & studet etiamnum commodum singulorum, tanquam si genitus non esset suis.

Ne verò quisquam sibi persuadeat, hæc Regula prædictæ encomia, magnificè potius, quàm verè à me prolata esse, considerare libet multiplices, eosque præstantissimos effectus, qui ex **CONSILIO ET INDUSTRIA**, ad Regnorum & Rerum publicarum utilitatem promanarunt. Neque enim est accommodatior rem/ quampiam cognoscendi modus, quàm investigatio effectuum, qui ex ea oriuntur. Quem admodum enim impressa ferarum vestigia, quæ adfunt, feras ipsas, quæ absunt: & index horologii, quæcernitur, latentium motus rotularum, qui non cernuntur, manifestant; ita pariter notitia effectuum prærit notitiam causarum; ut de his, etiam nullo sensuum indicio proditis, differere, earumque declarare naturam possimus.

Porrò in hac dissertatione non multiplico Regulas & Dictamina, sed unicam duntaxat, eamque in **CONSILIO ET INDUSTRIA** consistentem, & multis illustratam historiis, statuo Regulam quam uti compendiosissimam, ita pariter expeditissimam, & ad regendam Rempublicam sufficientissimam esse censeo. Longum est enim iter per præcepta, breve per exempla. Illa ducunt, hæc trahunt; Illa suadent, hæc persuadent; Illa eminèssè ostendunt, hæc cominèssè demonstrant facta.

CONSILII ET INDUSTRIÆ EFFECTUS PRIMUS.

Aditus ad Principatum Consilio & Industria paratus, & declinata amulorum invidia.

MULTI, ut scopulum invidiæ Imperaturis periculosum devitarent, simulque aditum ad Principatum sibi pararent, consultò abstinuerunt ab invidiosis Regum Principumque titulis, & humaniter benevoleque populum, cui imperare cupiebant, tractarunt. Quâ lenitate ac modestia tandem & titulos Imperii, & Imperium ipsum consecuti sunt.

Carolus Martellus cum Franciæ Regnum non affaret modò, sed revera etiam teneret, Regios titulus aversatus est: Princeps Nobilitatis appellari contentus. Qua arte Pipino Filio Regnum obtinuit. *Emilianus lib. 1.*

Ulricus Grethanus Primus Frisiæ Orientalis Comes, cum eam dignitatem ab Imperatore Friderico in scio Frisiorum populo accepisset, nec Diploma cesareum in lucem producere, aut profiteri novum norem apud ferocem & libertatis retinentissimum pulum auderet; tempori serviendum & occasionem commodiorem expectandam existimavit. Inim à priori vivendi instituto minimè recessit: comis, benignus, placidus erga omnes: non Domini, l Rectoris Frisiæ Orientalis nomen præferre: Cotis titulum prorsus dissimulare, Generosi appellationem interdum admittere, interdum ne hanc quim poscere: denique talem se exhibere, ut auctoritatie potius, quàm Imperio regere, sapiusque litiumiter, quàm Iudex esse videretur. Quibus arti-

bus effectum est, ut admirabili studio & ipsum, & posteros ejus populus semper persecutus fuerit. *Ubi Emmius lib. 24. hist. Fris.*

Georgius Pogiebrachius mortuo Ladislao Rex Bohemiarum creatus est, non sine Procerum reliquorum qui opibus & nobilitate præstabant, invidia; ad quam declinandam, iis multum indulgit, mira que in gubernando arte est usus. Quamquam potentiorum postulata nunquam irrita dimittere niteretur, ostentatâ tamen potentia, ab omni eos seditione deterruit. Quin etiam non rarò illorum postulationibus occurrebat, ut petentium animos anticipatione benevolentiae magis sibi conciliaret atque obstringeret. Populi gratiam diligenter coluit; ut tam favore communitus, à Proceribus formidaretur. *Bonfinius lib. 8.*

His addo bina alia duplicis Dignitatis, Imperialis videlicet & Ducalis, exempla: quarum illa Electoribus, Hæc Electi ipsius *Consilio & Industria* obtenta sunt.

Fridericus Sueviæ Dux, Vir religiosus, prudens & fortis, Henrici V. Imperatoris ex sorore nepos, commendata habuit ab avunculo insignia Imperii, & ideo multi præjudicio decessoris hunc eligendum Imperatorem putabant. Alii verò, quòd Imperii jura nimis imminuta viderentur, fortem & acerrimum Principem requirebant. Ita pro se quisque Imperium velut fasces recusare, & à se ad alium potius transferre contendebat. Id cum ex composito inter Principes fieret, procurante Alberto Moguntino Archiepiscopo, qui domum Henrici non amabat, Saxones autem habebat in pretio; Fridericus etiam ipse, nihil subesset doli veritus, & penè certus de se eligendo, ut moderationis suæ specimen daret, & insignia Imperii Principibus

bus restituit, & ut cæteri, imparem se tanto oneri
passus est. Nec mora, qui cum Mogantino senserant:
quandoquidem, inquiunt, recusant Imperium, qui-
bus videbatur deferendum; Lotharius Saxonie Dux
implorandus, ne patiatur Imperii dignitatem jacere
contemptam. Itaque unanimi consensu illum ele-
gere, nihil recusantem. *Cranzius lib. 5. Saxonia cap. 1.*

Venetis non paucorum Senatorum studia incli-
nabant in Franciscum Foscarum, qui universæ Rei-
publicæ præfesset. Sed ejus ætas multorum vota re-
ardabat (alterum enim & quinquagesimum ætatis
annum necdum attigerat) quæ res majorem quadra-
gentariorum partem ab hoc proposito avocabat: mul-
tis longè senioribus, qui Mocenico Principi succe-
derent, adhuc extantibus. Effecit tamen Foscarus
cosmopoliticæ usus, vel astutiæ, vel prudentia, ut
poti sui compos fieret. Nam cum in quadraginta-
riorum numero aliquot essent, qui illi uni præcipuè stu-
derent; egit cum iis, ut in suffragando minimè sibi fa-
cerent, nisi cum ille annuisset. Quare conversus ad
ceteros, hoc unum se ab iis petere ajebar, ut denis
suffragiis ipsum principatu dignum censerent;
ipse enim & ignominie plenum sibi videri, si D.
Marci Procurator, semperque de Republica opti-
mè meritis, vix tria aut quatuor suffragia referret.
Quod cum illi ex animi sui sententia obtigisset (ne-
mo enim rem tam æquam negare ei poterat) nactus
oportunam, ut sibi videbatur, occasionem, annuit
autoribus suis, ut omni ope ac studio sibi adessent.
Istis igitur illis omnibus in Francisci nomen, astu-
te arte id adeptus est, ut quinque & viginti suffragia
sortiretur; qui numerus tunc temporis in eligendo
sufficiens erat. Quapropter stupentibus omni-
bus Dux salutatus fuit.

CONSILII ET INDUSTRIÆ
EFFECTUS SECUNDUS.

*Principatus Consilio & Industria auctus, non
vaeque ditiones acquisitæ.*

Cosmus Medices Dux Hetruriæ, cum de Urbe Senarum Ditioni suæ adjiciendâ cogitationem suscepisset, miro artificio politico (de quo in meis Historiis selectis verbo *Acquisitio*) usus est.

Primum apud Philippum II. Regem Hispaniæ, quæ urbem Senensem tenebat, egit, ut sibi pecunia in ulum Caroli V. Imperatoris commodata restitueretur, aut ejus loco Plombinensis ditio traderetur. Perpetuis deinde computatisque sumptibus, quos in bellum Senense impenderat, Spem de Universa Senensi ditione occupanda concepit. Quam ille cogitationem tum quidem, ne fidem suam Hispanis suspectam redderet, prudenter dissimulavit; petitionibus suis crebro renovatis, & de Plombino tantum factâ mentione: tempus scilicet idoneum operiens, quo declarandæ voluntatis occasio sese offerret; quæ se paulò post in manus dedit. Etenim cum ex literis Oratoris suum quem Romæ habebat, & Albano Duce rescivisset Philippum Regem Hispaniæ, cui tunc cum Pontifice & Caraffis bellum erat, pacem cum Pontifice, positis armis inire, eique Senensem ditionem tradere velle primum cum Albano, cui id negotium à Philippo Rege commissum erat, egit, ut negotium minimè precipitaret. Misit deinde ad Regem Ludovicum Toletanum, qui post repetitam meritorum Cosmi seriem modestè, iis nullam rependi gratiam, questus est. Tum quantum & ipsius Regis & Cosmi rebus allatura sit detrimentum Senarum in manus Caraffarum

consignatio, edisseruit; Caraffas videlicet non tam recentis beneficii, quàm veteris injuriæ memores, novâ potentiâ auctos universam Italiam, maximo Regis incommodo turbaturos. Cosmo verò etiam si universa pecunia exsolvatur, minimè cautum esse, si cogatur eos habere vicinos, quos, ut Regis rebus inserviret, tanquam hostes hæcenus persecutus sit. Proinde eum non posse tutò restituere, quæ in Senensi ditione possideret, ut Caraffis tradantur: quæ eadem tamen semper restituere paratus sit, modò illa in Philippi Regis potestate permaneant. Quòd si verò certum sit, Regi rem Senensem abdicare, non posse sine maxima injuria in alium, quàm in Cosmum transferri. Petere igitur eum, ut quando res suæ non amplius ferant, ut diutius in incerto dubii eventus alo fluctuet, quid suæ voluntatis sit, Philippus desinuat.

Eodem tempore, quo Cosmus Toletanum ad Regem miserat, Romæ famam spargi curavit, quasi perperuis Hispanorum delusionibus irritatus, Regis Galliarum amicitiam expeteret. Quod est (ut loquuntur Itali) Zelotypiam alteri injicere.

Philippus igitur, qui rem seriò agi credebat, reus suis in Italia (quibus seu fulciendis, seu destruendis magnum momentum Cosmus asferre posset) timere cœpit. Nurabant enim tum temporis res Hispanorum in Italia; hinc Brissaco Duce Regis Galliarum in Subalpina Regione progressus indies faciente: hinc Guisio in Regnum magnis motibus obnoxium magnâ vi irrumpente. Tandem igitur assensit, ut Cosmus suo beneficio Senensem ditionem possideret.

Non dissimili artificio postea Franciscus, Cosmilius, Joannam Austriacam Uxorem adeptus est. Cùm

enim eandem plures ambirent Principes, Franciscus primò beneficiis Cæsarem demerendum ratus, ei pecuniam & militem in bellum Turcicum promisit; tum morem sparsit de danda sibi Regis Galliæ Sorore uxorem. Cæsar igitur, qui ejus ope in bello constitutus, Joannam ei Matrimonio junxit.

CONSILII ET INDUSTRIÆ EFFECTUS TERTIUS.

*Subditi Consilio & Industria Principum in
officio retenti & firmatum Imperi-
um.*

EGregia firmandi principatum & continendi in officio populos ratio, est obsidum per speciem honoris, & sub alio, quàm obsidum specioso prætextu receptio.

Hannibal occupato Hispaniæ Regno, ut devictam gentem in fide retineret; ex interioribus Hispaniæ civitatibus delectæ juventutis aliquot millia Carthaginem, non tam præsidium (quamquam id prætendebat) quàm obsides fidei Hispanorum misit.

Philippus I. Franciæ Rex Procerum Vasconum liberos per speciem honoris aulicæque gratiæ pro obsidibus abduxit.

In Aula Regis Æthiopiæ, Stipendiariorum Regum filii, prætextu militiæ & ministeriorum Palatinorum, tamen verâ obsides educantur.

Pisanorum rebellio, quæ Carolo VIII. Galliæ Regi cum exercitu Italiam ingrediente, exorta est, potuisset opinione Guicciardini *lib. 1. Histor.* præcaveri à Florentinis; si illi, quod aliàs in levissimis motibus facere soliti erant, Pisanorum præcipuos Florentiam evocassent.

Non multum huic arti dissimile est (inquit Forstnerus)

us in notis ad Tacitum) illud Sophisma, quo Rex Hispan. Genuenses sibi obstrictos tenet, quoque primum Carolus V. Imperator est usus. Cum enim Ille Andrea Auriâ intercedente, arcem urbi, hoc est, iurum Civibus imponere non auderet; Genuensium pecuniam, quâ ferè illorum opes constant, mutuo impfit, eamque gravi fœnore pavit: & hac arte, hominum quæstus dulcedine illektorum opes sensim ad se attraxit; Urbemque in ære suo, hoc est, Civium stultitia in potestate habuit. *Thuanus*. Et hoc respectu beatus nunc Genuensibus, quàm Mediolano imperare Hispaniarum Regem, asserit Campanella *lib. 14. de Monarchia Hispan.* Cum Genuæ nihil decernebatur, nisi volente aut sciente Rege: verentibus Genuensibus; ne, si secus faciant, possessionibus ac redditibus, suos in Hispania habent amplissimos, spolientur.

Sed cur tanto suo dispendio (verba sunt Forstneri) Genuensibus mutuas accipit pecunias Rex Hispaniæ? Iunt Hispani, ut ita Rex velut oppignoratam sibi habeat fidem Genuensium. Sed quærere libet, cur ut oppignoratos sibi habeat Rex Genuensium animos, ignori mancipat regnorum suorum redditus, tribus aut quatuor annis antequam ipse eos perceperit? quæ Politica, quæ Oeconomica ratio hæc præcipit? cur usuras stulantibus Genuensibus promittit tam magnas, tam enormes? cur tot ab Hispanicis exercitibus ob non representata stipendia audiuntur querelæ? tot seditiones? tot defectiones? Ego sanè aliorum relationibus didici, & Indiis annuatim vix tres milliones ad Regem, reliqua ad privatos spectare: ipsam Hispaniam sterilem & desolatam: Ecclesiasticos decimis ac subsidiiis nimium gravari: Regni Proceres magnam partem decessisse: denique Hispanos Mercatores petenti Regi sex quingenta millia aureorum contribuere posse; ut

ære alieno, quo Carolus V. & Philippus II. sponte obstricti tenebant Genuenses hodie Rex Hispania Genuensibus inevitabili necessitate teneatur. Haec Forstnerus. Ego rem aliorum iudicio permitto.

CONSILII ET INDUSTRIÆ EFFECTUS QUARTUS.

*Potentia Lusitanica Consilio & Industria in
Indiis præclare stabilita.*

FRANCISCUS Almeida successorem in Indiæ Prætura acceperat Alfonsum Albuquerqueium: inter quos propter dispar studium æmulatio excitata, Lusitanos omnes in factionem adduxit. Uterque eorum cum esset animo excelso & singulari virtute præditus, idem sibi proponebat, sed non idem consilium sequebatur. Utrique enim propositum erat, pro CHRISTI religione, & Regis Lusitanorum Emmanuelis dignitate conservanda, & amplificanda vitam profunderetur. Sed alter ab altero in hoc dissentiebat, quod Almeida minimè tutum putaret urbes expugnare, ne videlicet distractæ Lusitanicæ vires imbecillæ redderentur: hoc autem erat illi decretum, Mare tenere, & potentiam maritimam prævalere. Id enim statuebat, eum qui Maris Imperium possideret, Indiæ totius potestatem assecutum. Itaque Maris erat illa antiquissima cura, & dum unam tutissimam navibus stationem haberet, reliquæ omnia contemnebat. Fieri enim non posse existimabat, ut tantum Militum supplementum è Lusitania singulis annis mitteretur, quantum ad arces multas firmis præsidiis muniendas sufficere posset. Albuquercius non præsentis tantum securitatis, sed futuri etiam Imperii, quod amplissimum fore confide-

bat, consilia intimis animi sensibus agitabat: nec ut piperis magnus numerus annis singulis in Lusitaniam importaretur, sed ut Imperii fundamenta jacerentur, laborandum censebat. Et quò auxilia magis longinqua essent, eò Coloniae pluribus oras Indiae occupandas statuebat: ut variis Lusitaniae Gentis Seminariis passim institutis exercitus in India conscribi possent. Mare verò minime tutum arbitrabatur iis, qui terram simul opes suas nequaquam stabilirent. Classem maximam unicà tempestate deleri posse: at opibus in terra comparatis classes refici, & Maris Imperium recuperare, non esse admodum difficile. Itaque condendam esse Civitatem statuebat, quae sobolem multiplicem procrearet, ut non semper esset necesse temporibus difficillimis ab auxiliis à Lusitania missis dependere; quae saepe numero in longissima & difficillima navigatione vel morbi multiplices imminuunt, vel fluctus & tempestates exhauriunt, vel hyemes intercludunt.

Quod quam prudenter fuerit ab eo excogitatum, rerum exitus multis post illius obitum annis facile comprobavit. Cum enim Solimannus Turcarum Imperator Aegypti Rectorem cum maxima classe in Indiam misisset, ut Lusitanos possessione pelleret, & arcem Diensem obsessam teneret, multisque diebus maxima tormentorum armorumque contentione oppugnaret: quamvis plurima detrimenta à Lusitanis, qui in arcis praesidio erant, accepisset, non tamen obsidionem tam citò solvisset, nisi certior factus esset de magnitudine classis, quae contra illum Goæ (quam Albuquercius bis expugnaverat) comparabatur. Neque rursus, cum Rex Campajæ eandem arcem cum maximo Turcarum auxilio sex mensibus obsessam tenuisset, tam facile à Joanne Castrio, qui tunc in India Jo-

annis

annis Regis Lusitanæ nomine Imperium administra-
bat, devictus fuisset, nisi Goa maximum ad eam victo-
riam atque multiplex instrumentum suppeditasset.
Ad eam namque magnitudinem Civitas illa pervenit,
ut facillimum sit, in ea justos exercitus conscribi, &
classes magnas ædificari. *Orosius lib. 7. Rerum Emma-
nuel.*

CONSILII ET INDUSTRIÆ EFFECTUS QUINTUS.

*Alexander M. Consilio & Industriâ Calani
de Sede Regni constituenda admoni-
tus.*

CAlanus Gymnosophista Alexandrum M. de stabi-
li Sede Imperii constituenda admoniturus, corium
fissum & retorridum in medium coniecit, ejusque
oram calcavit. Id uno loco pressum, repente cæte-
ris partibus erectum est. Idem circulans undique, &
pedibus stringens, in singulis partibus ostendit eve-
nire. Tandem cùm medium, seu centrum corii pe-
de premeret, omnes quievêre. Hoc pacto significa-
vit Alexandro Calanus in Meditullio Regni Sedem
stabilem collocandam, neque procul ab eo va-
gandum esse. *Plutarchus in Ale-
xandro.*



CONSILII ET INDUSTRIÆ EFFECTUS SEXTUS.

*Venetorum Respublica Consilio & Industriâ
plurimum Senatorum ac Ministrorum
florens.*

Inter varia media, quibus ad eam, quam omnes suspiciunt, magnitudinem evecta est Respublica Venetorum, præcipuum obtinet locum ea solertia, quâ summam rei non uni tantum Ministro, sed plurium prudentissimorum Ministrorum ac Senatorum *Consilio* & *Industria* committendam arbitrantur.

Plerumque successus est sinister, quando est unicus tantum Principis Minister.

Unde carpunt Historici Philippum III. Regem Hispaniæ, quod totius Regni vim penes unum Ducem e Lerma esse voluerit. Adeo Philippus III. Patri suo Philippo II. dissimilis erat; cujus unius Capite tam diffusum Imperium ut firmissimo axe vertebatur.

Plautianum tam altè extulerat Alexander Severus Imperator, ut non hic, sed ille imperare videretur. Plautianus enim ad se rapiebat omnia, quoscunque veller, describebat, spoliabat, occidebat, Severo nihil contrahente. Tandem eò dementiæ processit, ut & Severi amborum ejus filiorum (quorum natu major Bassianus filiam ipsius in matrimonio habebat) interficiendorum consilium ceperit. Sed prævenit Bassianus: ejus Imperio Plautianus inspectante Severo occisus sit.

Profectò nihil aliud Ludovici Sfortiæ res tantopere elixit, ut ex opulentissimo Principatu dejectus, tot tantamque rerum viginti dierum spatio jacturam fecerit: quibus

quibus bellum in multos annos ducere potuisset
quàm quòd Galeatium Sanseverinatem, bonum palæ-
stritam, sed malum militem, ex inordinato erga homi-
nem affectu, exercitibus suis præfecerit; Fratrique su-
æ ætate ac rei militaris peritiâ longè illum antecellentem
prætulit.

CONSILII ET INDUSTRIÆ EFFECTUS SEPTIMUS.

*Lenis Subditorum gubernatio Consilio & In-
dustria Principi persuasa.*

FRANCISCUS Marchesius Jure-Consultus à Genuen-
sibus ad Galeacium Mediolanensium Ducem Ora-
tor missus, cùm difficilem ad eum haberet accessum,
die S. Joannis vas herbæ basilicæ repletum Galeacio mu-
neris loco transmisit. Dux Marchesium statim accipit, ut
missæ herbæ causas intelligeret. Marchesius, ommissis iis
quæ à Genuensibus mandata erant, paucis Galeacium
affatus: Ego, inquit, Genuensium Orator ad te venio
quorum ingenia basilicæ herbæ persimilia sunt; Nam
leviter & leniter tacta, suavem perfundunt odorem
contrita, scorpiones procreant. Hac parabolâ adeo
Principis animū permovit, ut qui antea nullis flecteba-
tur rationibus, æquas aures deinceps præbuerit, &
Genuenses lenitate potius, quàm severitate
gubernandos censuerit. *Fulgosus*
lib. 8. cap. 10.

CONSILII ET INDUSTRIÆ
EFFECTUS OCTAVUS.*Tributa Consilio & Industriâ collecta.*

Darius Persarum Rex primus tributa gentibus imposuit. Verùm ne molestè ferrent, non ipse exigit, sed satrapas constituere iussit. Quibus in-entia tributa designantibus, ipse dimidiam partem emisit subditis. Quâ industriâ id consecutus est, ut benter dimidium penderent subditi, quasi magno eneficio à Rege affecti. *Polyannus lib. 7.*

Eduardus IV. Anglorum Rex blandum exactio- genus utili *Consilio* & felici *Industriâ* excogitavit, que *Benevolentiam* appellavit. Egit enim cum amis, ut sponte in sumptus belli pecuniam corrogarent: uod ipse ex ea re benevolentiam singulorum metiri crevissit; ut qui scilicet plus daret, ab eo plus se dili- arbitrareretur. Quo artificio postea Henricus VII. illo Gallico usus, magnam vim pecuniæ collegit. *Po- dorsus lib. 26.*

Lex Julia ab Augusto lata est, qua statuebatur, ut iæ hereditates, legata, donationesve mortis causâ alios pervenirent, earum pars vicesima ad fiscum rtineret. Hoc vectigal & Reipublicæ utilissimum cuique gratissimum fuit (inquit *Dio lib. 55.*) eò quòd enas hereditates acciperent. Excepti tamen ab hoc buto sanguine proximè juncti & pauperes.

In Hollandia statutum est, ut ex successioneibus & he- ditatibus collateralium tantùm, quadragesima pars, co pendatur, non verò ex parentum velliberorum cessione. Nam graviter ferunt liberi, si quid de terna hereditate à fisco sibi adimatur.

Papyrus, quamvis naturâ suâ levissima sit, in Hollandia tamen exactiōnis pondere gravatur. Nam Ordinum confœderatorum decreto, nulli contractus, aut instrumenta, sive publica, sive privata, in iudicium producta vim obtinent, quæ non fuerint descripta in papyro certi generis, ad hunc usum destinatâ, & certo jam pretio aestimatâ. Quod licet perexiguū videatur, tamen quia frequentissimus est talis papyri usus, paucorum denariorum congeries toties repetita, excrefcit incumulū ingentem.

Alibi chartis, quas lusorias appellamus, tributum imponitur; adjuncto decreto, ut non nisi unam aut alteram earum speciem, utpote ex certa Provincia, optifice hoc vel illo, qui etiam signo, quo dignoscantur, eas insignire solet, emere, aut vendere liceat; aliis quibuscunque proscriptis & eliminatis.

Mausolus Carix Regulus, petente tributum Regis Persarum, convocatis ditissimis suæ ditionis incolis, indicavit eis Regem Persarum exigere tributum, se vero pecuniis non abundare. Tum subornati quidam, se collaturos statim promiserunt, summamque singuli indicarunt. Quo artificio id est consecutus Mausolus, ut opulentiores partim pudore, partim formidine adducti, multò plura pollicerentur, & conferrent.

Ephesi ut colligerent nummos in usum Reipublicæ, interdixerunt feminis usum auri, argenti & gemmarum; si quid verò ejusmodi haberent, id civitati mutuò darent. *Aristoteles lib. 2. Oeconom.*

Antonius Imperator cognomento Philosophus, cum in conficiendo bello pecuniæ deficerent, omnia vasa aurea, argentea, crystallina & myrrhina, cum omni principali supellectile ornatuque Conjugis, publicè vendidit; ne tributa imperando, provinciis aut civitatibus esset gravis,

Veteres limitanea Regnorum loca non tam gravibus vectigalibus, atque ea, quæ in Meditullio Regni antea onerare solebant, meru defectiois, ut alibi à me notatum est. Veneti hodieque mitius tractare putantur Bergomates, Brixienſes, Cremonenſes, Mediolanenſium olim ditionis oppida. Et Neopolitani acerbius ab Hispanis habentur, quàm Mediolanenſes: qui tum Sabaudis, Gallis, Venetis conſilia Hispanis pernicioſiſſima inire poſſent, ſi durius haberentur.

Eſt & illa cautio prudens atque laudabilis, non per omnes viles aut liſtores ſed per aliquos ex civibus ad æmuniſ depuſatos, tributa colligere: hac enim inſuſtriâ humaniùs colliguntur vectigalia, eorumque mitigatur acerbitas.

CONSILII ET INDUSTRIÆ EFFECTUS NONUS.

Annona caritas Conſilio & Industria ſublevata.

Em hanc egregiè pertractat Forſtneus in notis ad Tacitum: quem proinde loquentem audire libet. Rem, inquit ipſe, maximæ utilitatis hic tradam; diſſilis annonæ curam & remedia.

Immitti frugum egeſtatem famemque à Deo ad castiganda peccata hominum, ſacris literis docemur *Hebr. 24. Deut. 28.* Quapropter ante omnia Indignationis Numinis commiſſorum pœnitentiâ ſclerum, precibus, jejniis bonisque operibus placanda eſt. Quo ſto, ſacillimum Deo erit, vel ſubitâ ubertate ſterilitatem corrigere, vel pauciſſimis panis fragmentis eam virtutem indere, quâ plura eſuſcientium millia ſaturentur.

Matth. 6.

Post Dei Opt. Max. providentissimam in genus humanum charitatem, proxima vitæ sustentandæ ratio in agriculturæ studio consistit: cujus neglectu deficit alimoniam, & perire fame homines necesse est.

Numa Romanorum Rex suum cuique p. go Magistrum præposuit. Hi crebrò fines pagorum obeunte bene maleque cultos agros in tabulis descriptos ad Regem deferabant: qui laudando promptos, castigando segnes, omnes ad rem utilissimam omni studio & labore prosequendam excitabat.

In quem finem Sapientissimus Wirtembergiæ Dux Christophorus, in singulis oppidis tres aut quatuor inspectores (indigenæ maternâ linguâ vocant Landstueler) constituit: qui ubique curarent, ut prædia, ager vineæ, horti diligenter colerentur. Neque excitare aut hortari satis est: juvandi sunt subditi, præsertim agricolæ, consilio, opè, semente, jumentis, peculio, qui de suis satis instructi non sunt. Removenda quæcunque cultui agrorum impedimento esse possunt. Neque venationibus, quarum infano studio nonnulli Principes laborant, aliisve operis ab opere rustico agricola distrahendi sunt: danda potius opera, ut suæ infundant quàm rarissimè Civitates invisant: lites & tribunalia Procuratores & Scribas non minùs, quàm Caupones ignorent.

Alliciendi deinde immunitatibus ac beneficiis, qui steriles & incultos agros primum subigendi laborem sibi sumant: illisque indulgeatur, ut primo triennio aut nulla, aut valde exigua tributa publico pendant. Quod pertinent Imperatorum Constitutiones: quibus cavetur, ut qui fertilia & sterilia loca ad Rempublicam pertinentia permissim possident, non possint fertilibus retentis sterilia deferere: Ut non possit heres scriptus ex prædiis hereditariis fertilia retinere, abjectis steri-

erilibus: ut Canon pro inculto fundo promissus, eo
 frugem meliorem postea redacto, minimè augeatur.
 Proxima superiori cura est, in horreis & granariis re-
 onere frumenta, quibus sequentium annorum sterili-
 s corrigatur: exemplo Josephi ex sacris literis sat no-
 de quo insuper Philo Judæus tradit: cum fruges
 m manipulis condidisse, neque trituras, neque pur-
 tas, quatuor de causis. 1. ne tam citò vitiarentur reg-
 ine suo destitutæ & nudatæ. 2. Ut rusticis trituran-
 us fruges & eventulantibus, singulis annis renovare
 memoria pristinæ copiæ. 3. Ne inihi posset numerus
 umentis, neve animus colonos deficeret, sollicitè secum
 putantes, non tam quod restaret quàm quod absum-
 um esset. 4. Ut jumentis sit am n & palea in pabu-
 n servaretur.

Scipio Amiratus milium & panicum, utpote corru-
 onis haud facilè obnoxium, in tenuiorum saltem ali-
 oniam commodissimè asservari, ex Plinio observavit.
 Est quoque peculiaris ad servanda in multos annos
 umenta struendorum granariorum solertia, quani-
 sit alios accuratè docent *Bulengerus* & *Vandermy-*
lib. de Vestigal. pop. Rom.

Tertia cautio est, non legibus tantum, sed pœnis
 am coërcere pestilentissimum curculionum genus,
 rdanarios scilicet & pantapolas; qui iniquissimis
 udibus onerant flagellantque annonam; cujus rari-
 elatantur, ubertate dolent. Horum dolos & Mo-
 polia accuratissimâ diligentia recenset *Nicolaus Mon-*
dam lib. 3. Speculi Gallici. Quæ si omnino reprimi
 n possunt, saltem eatenus coërcenda sunt, ut in foro
 umentario prima emendi facultas tenuioribus civi-
 usque ad certam horam; & post illos negotiato-
 us permittatur. Quo pertinet Francisci Mantuæ
 cis constitutio: ne cui, quod ex agris suis non colle-

gisset, plus quam usui familiæ suffecturum mercari licet.
ret. *Possevin. hist. Mant.*

Quod si istis cautionibus ob iniquitatem temporum uti non licuerit, vel illæ non profuerint: tum impeditur fame & penuriæ publicæ malo, ad fortiora remedia transeundum erit.

Primum omnium Curatores & Præfecti annonæ constituendi; quorum munus erit omnia procurare quæ ad emptionem, transvectionem & distributionem annonæ pertinent. Hoc modo olim Anno 1338. Florentiæ Curatores creati; quos Magistratum Abundantiæ vocabant, cum amplissima potestate obligandi redditus publicos, bona & personas civium: & erant isti opulentioribus civibus & mercaturæ deditis, qui a civitatis opibus & fide cæteros omnes præcellebant. ex Germania & Belgio, ex Mariis Ægæi Insulis, & Africa usque annonam quærebant. *Joan. Baptist. Hadrian. lib. 2. hist.*

Proximum erit censum inire civium, ut quantum alendo populo requiratur, exactè sciri possit. Consuetum præterea est præmiis negotiatores allicere: Verum gratiâ, ut prima navis tantum ex publico, altera alio quanto minus, & sic deinceps reliquæ accipiant. Etiam vectigalium immunitate donare ad tempus, & quando diu fames urget, oportet eos, qui sine illa id munus segniùs obituri essent. Claudius Imperator negotiatoribus certa lucra proposuit; suscepto in se damno, cui per tempestates accidisset; & naves mercaturæ causâ fabricantibus magna commoda constituit. Gentenses aliquando summâ annonæ difficultate pressi tres remes in mare milite instructas miserunt, quæ omnium navigia fructibus onerata à cursu instituto retracta Græciam deducerent. *Joan. Bapt. Hadrian. Cit.*

Sed præcipua industria in parsimonia & prudenti distributione

tributione consistit. Quibusdam æquum visum est, ut frumentum, pretio ex publico soluto, in medietatem conferre, & inde pistum panem viritum vendere. Cæsar, plebe favitiam annonæ incusante, ut frumento pretium, quod daret emptor, binosque nummos dixit de suo se additurum negotiatoribus singulos modios. *Tacitus 5. Annal.*

Neque civitatum tantum, sed & ruris eorumque in ruri degunt, ratio habenda, iisque mutuo annona data est.

Illam quoque parsimoniam non minima pars est, si in illa terræ pondera, validi mendicantes, quique otiosi rationem reddere nequeunt, aliò amandentur. Augustus Cæsar annis sterilioribus lanistarum familias, peregrinosque omnes, exceptis Medicis ac Præceptoribus, partemque servitiorum urbe expulit. Quod quidem in Lanistis & ejusmodi sortis hominibus reprehendi non debet: at homines nullâ aliâ re præterquam egestate Reipublicæ graves urbibus ejus fame enecare, à charitate Christiana plurimum horret. Imò alendi sunt alienâ ope, qui sibi ipsis provenire non possunt.

Cosmus Medices aliquot pauperum millibus per omnes Florentinæ urbis regiones compluribus mensibus annonam distribuit: & infantes à parentibus egeste coactis derelictos in Orphanotrophia recepit. Creati quoque Officiales, quibus à charitate nomen impositum, iis ex publico pecunia assignata, quâ pauperibus de alimonia provideretur, statâ horâ in quatuor urbis regionibus ad loca destinata confluentibus, ad panem recipiendum: quorum numerus ad viginti quatuor millia quotidie ascendebat.

Anno 1634. & sequenti, meo præcipuè consilio (inquit Forstnerus Cit.) cives Mompelgardenses inducti

sunt, ut quotquot in civitate pauperes & egeni, vel senio invalidi essent; in opulentiorum ædes distribuerentur; & ut exemplo cæteris præirem, pfe mihi regalendos sumpsi.

Est & illud non spernendum consilium, famis tempore aucupia, venationes, piscationes, quæ Jure Gentium olim communia, propria sibi hodie Principes fecerunt, omnibus permittere.

Ad hæc non solum emendandis moribus, sed etiam nummorum parsimoniæ deservit, lupanaria & cauponas publicas claudere: Conviviorum præterea sumptus, nuptiarum ac similibus solennitatum apparatus lege prohibere.

Concionatoribus denique incumbit, tempore famæ egenis patientiam, mediocribus abstinentiam ac parsimoniam, opulentis liberalitatem & beneficentiam suam adhibere.

CONSILII ET INDUSTRIÆ EFFECTUS DECIMUS.

Mercimoniis opibusque Regni Consilio & Industriâ prospectum.

ANno 1356. Anglis placuit providere, ne opes, quæ mercium usu quotidie in Angliam inferuntur, dissipentur, sed potius conserventur, & augeantur. Idque lege cautum est sub Eduardo III. ut nemini, neque Anglo, neque externo liceret aurum & argentum, si cælatum, sive signatum, è Regno in continentem exportare. Quo factum est, ut mercatores extranei mercium suarum pretia coacti sint in alias merces inferre: pecuniâ in Regno remanente. Atque hoc decretum servatur etiam nunc: Sequentibus Regibus leges illam velut Regno perutilem confirmantibus. *Forster lib. 19.*

Adhæc Anno 1439. in Anglia statutum est, ut non amplius liceret mercatoribus extraneis suas merces in Regnum importatas vendere aliis aliarum nationum hominibus, sed solis Anglis; ne illi monopolia inter se constituerent. Quæ lex ut Reipublicæ commoda etiam nunc servatur, teste *Polyd. cit. lib. 23.*

CONSILII ET INDUSTRIÆ EFFECTUS UNDECIMUS.

*Privitia pro Consilio & Industriâ Christianis
omnibus imitabili, acquisita ab hominibus
privatis.*

Homo ethnicus in urbe Nisibe, tenuioris sortis erat, qui cum 50. nummos aureos collegisset, quos prior locaturus erat, ab uxore Christiana ab hoc con-
silio ad aliud salubrius traductus fuit. Asseveravit illa, cuplerissimum ex tantilla pecunia scenus colligipos-
se, si in Christi honorem pauperibus nummos illos di-
stribueret: hunc enim liberalem promississe remunera-
tionem iis omnibus, qui sibi in pauperibus benefecis-
sent. Maritus hac spe illectus, pecuniam omnem in
superes expendit. Labitur tempus, diesque, quâ usura
petiissent exigi, transit: neque tamen quidquam spe-
ti scenoris refunditur. Querit queriturque apud Con-
gem Maritus. Quæ moestum consolata, ad templum
e juber, ubi prius elemosynas erogarat. Verum
cum venisset, nemo, præter indigentes, sese illi
ferret: ad accipiendum prompti omnes, nemo ad lar-
gendum. Ad Christum igitur conversus promissum
exigit, tandemque velut desperatâ re domum se rece-
diturus, nummum aureum, illis quos expenderat, simi-
m, in via reperit: quo in penuria rei familiaris panem
scemque coëmit. Hoc eviscerato, lapillus in illo de-

prehenditur miræ pulchritudinis : quem vir à muliere acceptum ad Lithopolam desert. Hic principio quinque aureos pro gemma offert : ad quod cum admirans hæreret venditor, alter vilitatem oblatis pretiis eum despicere ratus, mox decem, ac deinde viginti, postremo & quadraginta obtulit. Itaque cum serio hæc agere observaret venditor : eja, inquit, tantum pende, quantum ex æquo bonoque æstimandum nosti. Quapropter æquitatis Lithopola admonitus, trecentos illi aureos numeravit. Unde lætus insperato eventu civis, Christi tam liberalis remuneratoris religionem amplexus est. *Sophronius Prat. Spirit. c. 185.*

Juvat hinc etiam meminisse Historiæ duorum Coloniensium Mercatorum, ex Oeconomia Catholica Baptistæ de Gleen. *lib. 7. c. 10.* Hos Parochus ab illa Mercatoribus consuecta mentiendi jurandique licentia tractos, edimpulerat, ut non nisi necessariis ad vendendum usi verbis, candidè simpliciterque, qualis quæquæ merx, quodque ejus esset pretium, exponerent. Hoc candore sibi primum obstitere, dum in assueti hominum timidè laudatas merces, neque summo æstimatas à venditore pretio, gradatimque multa licitatione ad æqualitatem submissas, defugerent. Unde primus hinc annus sterilis ex lucro fluxit. Querentes tamen de illius consilii infelici successu, jussit durare in proposito Parochus. fore enim, ut constantiæ minimè pœniteret. Et verò eventus sana suasisse docuit. Siquidem ut vulgò cognosci illorum candor, æquitasque in pretiorum venalium cepit: tam crebris officinæ ipsorum emptoribus frequentatæ sunt; ut brevi magnis audaciis, non modò suam ipsi locupletarint sortem, verum etiam heredes post se, rarâ opum felicitate beatos, reliquerint.

CONSILII ET INDUSTRIÆ
EFFECTUS DUODECIMUS.

*rationum computus Consilio & Industria ex-
peditè factus, & suspicio peculatus
amota.*

Consalvus Magnus apud Regem suum Ferdinan-
dum, qui ex Hispania Neapolim navigarat, ab
avidis graviter delatus, cum ad Quæstorum men-
tum tanquam ad Tribunal vocaretur, ut sumptuum
ellicitorum & vectigalium rationes in codicibus æra-
rii & fisci annotatas audiret, simulque agnosceret,
penſi acceptique summas inter se comparatas, ma-
no excessu dispares, supputationi minimè congruere:
graviter, quàm lepidè respondit se privatas tabulas
publicis fideliores continuò prolaturum: quibus mul-
tus plus se impendisse, quàm accepisse præclare osten-
deret, testareturque se id totum, quod ex justa ratione
perisset, tanquam jure debitum, ab ærario Regio re-
stiturum. Protulit autem die sequenti tabulas, quæ
aureorum millia pro Rege bonoque publico ex-
empla continebant, ut Quæstoribus silentium, pudorem
Regi incuteret; pluribus etiam risum excuteret.
Primo itaque loco statuit ducenta millia aureorum,
rogata in egenos, piosque Sacerdotes ac Religiosos,
sui precibus, piisque operibus felicem Regionum ar-
dorem successum à Deo impetrarent. Secundo
subjecit sexcenta millia aureorum secretâ manu
peculatoribus data; quorum beneficio exploratis
ostium consiliis, multas victorias, ac denique libe-
ram, quietamque tanti Regni possessionem esset con-
secutus. Intellexit argutiam Ferdinandus Rex,
diligensque negotio finem imposuit. *Jovius in Con-
silio.*

Innocentius VI. Papa Avenione residens, Ægidium Sabinensem Episcopum, Cardinalem Hispanum in Italiam miserat, qui Pontificis partes contra Tyrannos tulerentur. Eo negotio feliciter confecto, Pontifex rationem sumptuum in id bellum collatorum, æmulorum suasu ab eo petiit. Ægidius paratum se simulans, militum magnam manum in Campo Viterbiensi Pontifici exhibuit, & carris aliquot militaribus præmissis, inter quos unus erat claves Urbium per deditionem receptarum vehens: Hi sunt, inquit, in quos thesaurum Ecclesiæ distribui, hæc sunt spolia auro redempta. Innocentius collaudatâ Ægidii solertiâ cariorem quam unquam antea habuit. *Garimbert. lib. 3. de vitis Pontificum.*

Carolus IV. Imperator ad subigendos Barones & Nobiles Regni Bohemiæ, usus est operâ & consilio cuiusdam Religiosi ex ordine Cisterciensium (appellabatur is Theodoricus Kagelwid, fueratque in cœnobio Levin educatus) cujus industria licet Regi comperta esset, utpote qui Curiam ejus multis annis rexerat; reperti sunt tamen, qui eum calumniarentur apud Regem, quod Regiam administrationem non satis fideliter tractaret. Rex hominem adesse jubet, & cunctis ejus calumniatoribus astantibus præfinit illi diem, quo de sua administratione rationem reddat. Tum ille, id ipsum verò possum etiam hoc momento expedire. Nichilque moratus, ait: Ad te veni Rex simplici religionis habitu, & pauculis in loculo denariis; eos mihi permitte: reliqua omnia tua sunt, tibi habeto. Tum Carolus factetiâ simul & facilitate hominis delectatus, ait circumstantibus: Quis ex vobis est, qui talem mihi suæ administrationis rationem reddat? Cuius proinde cepit esse Regi: à quo ad Episcopatum Mindensem primum, deinde ad Magdeburgensem promotus fuit, quo tamen utroque tandem relicto ad Regem reversus est. *Cranz. lib. 8. Vand. c. 32.*

CON-

CONSILII ET INDUSTRIÆ
EFFECTUS XIII.

Oppignerata Principis arces Consilio & Industriâ recepta.

Wenceslao III. Bohemorum Rege mortuo, mors per Aulicos (qui obsequia mortuo tanquam iventi exhibebant) eò usque suppressa fuit, donec omnes, qui ære vili mutuò dato, optimas Regis Arces ignoris loco possidebant, quasi mandato Regio ad rationem revocati, pecuniam creditam, certis nominibus deductis recipere, & Arces restituere compulsi essent. Actum demum mors divulgata, funusque Regium, quo decuit honore celebratum fuit. *Dubravins b. 16.*

CONSILII ET INDUSTRIÆ
EFFECTUS XIV.

Subditi ad excutiendum aliena dominationis jugum, Consilio & Industriâ animati.

Cyrus Persarum Imperator, si Justino *lib. 1. histor.* fides habeatur, suos ad Medorum jugum excutientum animaturus, Persépolim Regni Metropolim ingressus, convocatum populum die proximo cum senioribus ad vicinam sylvam excindendam adesse iussit, arboribusque alterâ deinde die ad lautissimum epulum invitavit. Et quando jam omnes, inter pocula ad hilaritatem solutos reperit, sciscitatus est, utra dierum maior grata esset? illane inter labores, an hæc inter laboris transitus transacta? cumque hanc omnes præferrent cum libertate inter gaudia traductam: Sed, inquit, illa præmittenda in labore fuerat. Nunc igitur si me sequimini, brevi

brevi labore Medorum exciso Imperio, nos in libertatem perpetuam vendicabimus. Parvus labor ingentem fructum daturus est. Arrisit tam splendida conditio, fidemque dedere, ad omnia sese ducenti Cyro obsecuturos. Qui paratissimo ad expeditionem usus milite, brevi non Persarum tantum, sed & Medorum dominus, servitutem his imposuit, quorum antea imperium formidaverat: parvo labore ingentium ipse cum suis opum possessor, & dominator populorum.

CONSILII ET INDUSTRIÆ EFFECTUS XV.

Imprudentia populi, patrocinium potentioris Principis admittentis, Consilio & industriâ Stefichori ostensa.

Stefichorus ostensus Hymerensibus, inconsultè Sabipsis protectionem Phalaris potentioris Principis admissam esse, hunc Apologum commentus est.

Equus, ait, pristinâ adhuc libertate in pratorum viridantium spatiosa amœnitate fruens, nullique jugo, aut habenz obnoxius, dolebat infesta suis pascuis cervorum agmina imminere, & optimos quosque bolos præcerpere. Quare submovendi hujus consortii avidus hominem adit, oratque adversus cervos, ut sibi præstet suppetias. Non detrectat homo. Itur in consilium, quo pacto id impetretur, ut ne tam impunè deinceps in pascua equorum irrumpant cervorum agmina? ac denique placuit, ut armatum suis hominem telis equus in dorsum acciperet, atque habenas ore admitteret, quo consultam ab homine viam directus ipse à prudentiore Magistro capefceret. Ita adversus cervos felici expeditione processum est, partim fugatis, partim in prædam abstractis feris. Sed equo deinde pristinam libertatem

repe-

repetenti, negavit homo id sibi fas videri: æquum enim esse, ut qui tam utilem equo navasset operam homo, rursum equi operâ ad suum commodum fruatur. Unde sub admittis inconsultè habenis equo impostum servandum fuit; exemplumque posteritati reliquit, non faciliè potentioris domini opem, nisi admodum circumspectè, admittendam esse.

CONSILII ET INDUSTRIÆ EFFECTUS XVI.

*Ingeniosi fabulatoris Consilio & Industria demonstratum, non expedire Principibus, ut
cujusvis familiaritas & oblata
ipsis opera admittatur.*

Fabulator quispiam excogitatâ ingeniosè fabellâ omnibus reipublicæ gubernatoribus demonstravit, quanto se discrimini exponant illi, qui temerè aliorum opera utuntur.

Lepus, inquit, Venaticorum timore canum in suo latebat per hiberna tempora nidulo absconditus. Erinaceus, cui minus commodum eo tempore diversorium in vicinia obrigerat, id conspicatus; accedit ad leporem, suamque illi adversus canes opem defert; promittens, infestis sese spiculis infestos hostes faciliè abactu-um. Sed lepus principio detrectabat, sui causatus niduli angustias. Tum verò Erinaceus, exiguum sibi locum pro defensione leporis sufficere, modò in extrema di parte illum cesserit, nihil se præterea exacturum. Quiescit demum lepus, & accepit in Angulo hospitè: cui primò quidem se continet, at sensim laxatis per corpus aculeatis setis, patientem leviora incommoda porum ad extremas nidi angustias coarctabat: idque se defensionis ac necessitatis gratiâ facere dictitabat.

bat. Sed lepore fidem datam incusante, graviusque inter nimias angustias quiritante, quoddam antiquam possessione ab ingrato hospite vim pateretur; Erinaceus denique respondit; quoddam si illis suis angustias minui acquiesceret, patere exitum: iret proinde, ac de meliori sibi diversorio provideret: nihil se causae habere, cur ab opportuno loco discederet. Ita lepus suam damnans levitatem, quoddam ignota fidei hospiti salutem suam credidisset, documentum posteris reliquit non facile cujusvis opem societatemque admittendam esse; ne amicus plus ipsis denique hostibus noceat.

CONSILII ET INDUSTRIÆ EFFECTUS XVII.

Plebs rerum novarum cupida Consilio & Industria delusa.

Lucii Cincinnati utile consilium semel datum, sepe Rempublicam Romanam in maximis periculis servavit. Cum enim plebs elata Tribunorum numerum duplicari vellet, eique Appius Consul acerrime repugnaret: tum Cincinnatus, consilio cum paucis communicato, annue, inquit, petitioni plebis; nam quod plures erunt Tribuni, eod debilius futura est singulorum potestas; cum unius intercessio potentiam omnium frangeret, ac retardaret. Plebs autem non intellexit se deceptam, sed veluti maximo affecta beneficio, Senatui gratias egit. *Plutarchus.*

CONSILII ET INDUSTRIÆ EFFECTUS XVIII.

Civium ambitio Consilio & Industria compressa.

Veneti, ut civium suorum ambitionem comprimerent, primatumque subverterent, praesertim in re bellicae

bellica (quæ ad res novandas, & ad tyrannidem in-
adendam præ cæteris togatæ dignitatis officiis ac-
commodata est) accivere sæpenumero ad militiam
terrestrem Duces externos. Idque etiampum, tam-
quam Reipublicæ salutare, observant: hac adducti ra-
one, quod, cum illi pacem inter cives, atque concor-
diam, æqualitatemque summo semper studio aluerint,
iniet publicæ, perperam consultum putent, si civibus
ntum auctoritatis concedatur, ut summæ ferum præ-
stantur, & integri exercitus illis subiciantur: ne do-
inandi assuetudine capti, clientelis atque amicitiiis
xi, & populari aurâ inflati, opibus ac Imperio ab-
antur: damno in perniciem Reipublicæ redunta-
to. *Boterus lib. II. de Republ. Vener.*

CONSILII ET INDUSTRIÆ EFFECTUS XIX.

*imixta, & Principibus suspecta Procerum po-
tentia Consilio & Industria obices
positi.*

Volent Principes nimix suorum Procerum poten-
tiæ varia objicere impedimenta, & ea, quibus illa
tur, fundamenta convellere, subtractisque alimen-
tignem ambitionis extinguere: Illis igitur, quorum
atum modum egressæ sunt divitiæ, solent Principes
nitates, curationes, legationes conferre damnosas,
optuosas, & quæ sine rei familiaris dispendio obiri
possunt. Si favore plebis nitatur aliquis, illum
um favorem iisdem, aut majoribus beneficiis atque
cebris derivant Principes in seipsos, aut in Rem-
licam. Qui nomen, famam & gloriam haber,
a arduis & periculosis objiciunt expeditionibus;
si non successerit negotium, aut spei eventus non
r espon-

responderit, minuatur auctoritas, quam is aliàs
 rum gestarum excellentiâ meruit. Si alicujus in A
 la aliove loco sit nimia potentia, eum specie ho
 ris aut legationis in longinquas amandant region
 Si armis fulciatur alicujus magnitudo, eum vario pr
 textu à militia in Aulam, ad honoratissima quæq
 officia, sed quæ potestate omni careant, transfer
 solent. Ita Constantius Cæsar Ursicinum in Orien
 equitum Magistrum sibi suspectum, ad se sum
 cum honore evocavit; eâ specie, ut consilio ejus Pa
 thicarum gentium arma minantium insolentia com
 pesceretur. *Ammian. Marcellin. lib. 14.* Homi
 tumidi spiritûs arcent Principes ab omni Magistra
 & Imperio, & iis tantum admovent officiis, quib
 honoratiores, non tamen valentiores evadant.
 Dux Bragantiæ, qui nomine uxoris in Regnum L
 ſitanæ jura sibi quædam competere putabat, p
 Regnum illud à Philippo II. Rege Hispaniæ occu
 patum, creatus quidem est Aurei Velleris eques, &
 usitatis honoribus affectus (nam & in templo pro
 mus Regi consistere jussus est) nihil tamen obtin
 quod vel opes ejus, vel potentiam augere potuiss
Conestagius lib. 8. de bello Lusitan. Est & illa cau
 usitata, ut si in magnum vitum conferre imperi
 aliquod sit necesse, pravi illius cupiditates ad
 dito Collegâ, velut Angelo tutelari, coër
 ceantur.

CONSILII ET INDUSTRIÆ
EFFECTUS VIGESIMUS.

*Infidentia & dissensio animorum inter seditiosos
Proceres memorabili facto Principis pro-
curata.*

Margarita Parmensis Gubernatrix Belgii, ani-
madvertens evulgato creditoque adventu Phi-
lippi Regis Hispaniarum in Provincias Belgicas, ali-
quos ex cœtu rebellantium Procerum timidiùs agere,
juvandam artificio Politico hanc partem existima-
vit: missis ad eos litteris benevolentia ac fiducia ple-
nis; quibus per certos nuncios accommodatas polli-
citationes clam adjecit. Ad aliquos etiam, quos Re-
gioni orthodoxæ non offensos noverat, epistolas de-
dit ex earum numero, quas illa apud se habebat Regis
mine subscriptas, cæterùm vacuas; quas verbis com-
muni tempore accommodatis. Has verò ita singu-
lariter tradendas curavit: ut alios nullo invitatu præteri-
t, id non omnino lateret: quo inter eos suspicio, at-
que ab alienatio suboriretur. Quâ industriâ effectum
fuit, ut multi partim metu, ne à sociis fœderatis dese-
derent, quorum nutare consilium animadverten-
t; partim spe, cujus pleni erant; quòd se à Rege
bellatos, honoratosque videbant; partim offensione
eorum, quibus se suspectos atque invisos faciliùs re-
ferunt, ommissis fœderatorum cœtibus, aut domos
reviserint, privata curaturi; aut transgressi Gu-
bernatrix in partes, gratiam Principis promereri,
quàm indignationem experiri maluerint.

Serada de bello Belgico.

CONSILII ET INDUSTRIÆ EFFECTUS. XXI.

*Diffidia inter Proceres & Populum in Republica
hostili ac rebelli Consilio & Industria
procurata.*

Cum Rex Hispaniarum longo bello contra Hol-
landos eorumque fœderatos Ordines nihil effecif-
set, suavit Justus Lipsius politicæ doctrinæ Magister
egregius, ut Hispanicum Hollandis inducias pacifce-
rentur: eâ spes fieret, quòd quorum animi in commu-
ni periculo adversus communem hostem uniti fue-
rant, periculo per inducias sublato, futuri essent
discordes.

Bellum (inquit Lipsius in Consultatione sua) cum
Batavis hætenus infelix, nec nunc felicius, nisi in to-
tâ facie rei aliquid immutetur. Loca valida omnia
habent & oportuna, militem exercitatum & satis bo-
num, victoriis animosum; ordinem aliquem in ara-
rio & tota gubernatione, quamdiu bellum & metus
est haud facilè solvendum. Ut ista remittantur &
amittantur, pax aliqua sit & quies, quæ nunquam in
talibus bellis inita sine bono aperto Regis. Majestas
illa Regis nominis & occultum in animis vinculum il-
lostrahit, aut potiùs extrahit, qui malè à Rege abie-
runt: gaudebunt quidam datum sic regressum;
milleni ad Regem ultro redibunt, si redeundi occa-
sio concedatur. Hæc præsidia hostibus detrahimus:
& in plebeia illa plurium gubernatione occasiones
diffidiis damus. Mihi crede, habent odia, factiones
& sua vulnera; sed occultuntur ea omnia, impenden-
te magno illo metu, qui æqualiter tangit omnes. Re-
mitte paullulum: ad ingenia & vitia sua redibunt: ut
boves

oves instante lupo coeunt, capita & cornua jungunt :
beunte quisque sibi pascit.

Hæc Lipsius : cujus consilium videntur secuti Hispani : nec omnino irritò conatu. Vix à Rege metus esserat, cum prorupere in dissidia & factiones processerant & populus. Plus Hispanus duodecennialibus induciis, quàm quadraginta annorum bellis profecit.

CONSILII ET INDUSTRIÆ

EFFECTUS XXII.

*Equilibrium Fortune inter factiones Consilio
& Industria Principis conservatum.*

SI duæ fuerint in Republica factiones potentes & Principi periculosæ, ante omnia laborandum est, ut pax inter dissidentes concilietur. Hac autem moderatâ, dabit operam Princeps, ne una factio, sublata inulâ, sola regnet.

Quo pacto Catharina Medicæ Galliarum Regina, Condæo & Guisco, Colignio & Cardinali Lotharino Media, neutram factionem eo usque deprimi volebat, ut ipsa in alterius potestate esse cogeretur. Quæ prudentiâ id est consecuta, ut Imperium mutuo mulatu atque invidiâ permitterent formidæ, & externæ; quod alter alteri minimè concessisset. *Henricus Davila lib. 2.*

Histor.

CONSILII ET INDUSTRIÆ EFFECTUS XXIII.

Bellicosi subditi à belli studiis, seditiosisque consiliis ad vitam ignavam Consilio & Industria traducti.

ROmani, ut Gallos recenter subactos in officio continerent, omnesque rebellandi occasiones tollerent, nullum efficacius reperire potuerunt remedium, quàm occasionem illis commodatamque discedendi suppeditare. Res adedò feliciter cessit, ut de populis, qui bellicosissimi fuerant, nihil remaneret præter famam, quòd Galli olim in bellis floruerint. Imò tempore Taciti penè fabulæ instar fuit, Gallos aliquando bellicosos fuisse. Ex quo non obscurè perspicitur, rorporem cum otio conjunctum, occasione divitiarum, quæ velut prodromæ antecesserant, in veterem Galliam intrasse; & illum tam armipotentem quondam populum dulcedine opum quas collegerat, enervatum fuisse, ut Romanis non esset ampliùs metuendus.

CONSILII ET INDUSTRIÆ EFFECTUS XXIV.

Frequens Officialium mutatio Consilio & Industriâ Æsopi Samiis dissuasa.

ÆSOPUS declaraturus Samiis, non facilè Præfectos veteres populi mutandos esse, hanc fabellam usurpavit.

Vulpes, inquit, in foveam inter paludes delapsa, cum à muscis oblecta teneretur, quæ hausto jam sanguine

NON

non tenuit pastæ erant; Erinæus vexatam miseratus, suam arcendis tam importunis hospitibus operam vulpi detulit, jamque explicatis aculeis, lautè ex hac rapina pastas aut ulturus, aut abactus erat. At vulpes officium hoc deprecata: noli inquit, frater satiatus abigere, ne aliæ famelicæ & impastæ succedant, quæ me totam denique exhauriant. Leviùs jam plenas sustinebo, quàm exhaustas impleretur sum. Ita Samiis, qui Præfectum suum peculatus damnaverant, mutationem sententiæ & Præfecti absolutionem persuasit. Quòd intelligerent, faciliùs se jam suis opibus ditatum sustinere deinceps posse, quàm si alium ex tenuiori fortunâ ad parem opulentiam aspirantem, admitterent.

CONSILII ET INDUSTRIÆ

EFFECTUS XXV.

Potentiores irati Consilio & Industria correpti, & ad saniora consilia traducti.

EOs, qui potentiâ prævalent, cum in iram exarserint, non oportet intempestivis monitionibus ac reprehensionibus irritare: sed potiùs eosdem nonnunquam affectus simulare ad tempus, ut, ubi ira refederit, à pacatoribus audiamur. Neque enim ira sub primum impetum ullâ prudentiâ consiliove tractabilis est. Hac ratione Otho Marium Celsum ad supplicium à militibus postulatam, simulatione irævinciri jussit, & majores pœnas daturum affirmans, præsentis exitio subtraxit.

Tacitus lib. 1. Histor.

CONSILII ET INDUSTRIÆ
EFFECTUS XXVI.

Imprudens & importuna vel monitio, vel reprehensio Principis Consilio & Industria correctæ.

Sigismundus Imperator iter faciens torrentem equo strajiciebat: in quo equus consistens mingere cepit. Tum quidam Aulicorum, Cæsaris equum naturam Cæsaris habere palam asseruit. Causam rogatus: quoniam, inquit, equus aquam torrenti addit. Cæsar verò habentibus dat. Animadvertit Imperator hoc dictorio perstringi se, quòd in Aulicum jam veteranum nihil beneficii contulisset: & subjecit, nunquam quidem sibi bene merendi voluntatem deuisse; sed Principum dona non semper eos locupletare, qui illa mererentur, sed quibus à Fortuna essent destinata: & id re ipsa comprobaturum se dixit, quamprimum otii aliquid & quietis nactus esset. Postea negotiis gravioribus expeditis, Cæsar pixides duas parari iussit, magnitudinis & formæ ejusdem. Unam auro, alteram plumbo replet, eodem pondere: & aulico illo monitore vocato præcipit, ut ex pyxidibus unam pro arbitrio eligeret. Anxius Aulicus librando modò hanc, modò illam tollit, nesciens utram potissimum debeat eligere. Tandem eam eligit, quæ plumbum continebat. Quod ubi ille reclusâ pyxide conspexit: jam patet, agebat Cæsar, non meam voluntatem, sed tuum infortunium obstitisse, quo minùs hætenus beneficium à me sis consecutus.

Carion. lib. 3. Chronici.

CONSILII ET INDUSTRIÆ EFFECTUS XXVII.

Nimia Principis in subscribendo facilitas & incogitantia, Consilio & Industria sororis correctæ.

Theodosii Junioris nimiam in subscribendis codicillis facilitatem, cum etiam sæpè literis non lectis subscriberet, indignè ferens soror Pulcheria, curat conscribi literas; in quibus uxor ipsius Eudocia, quam mirificè amabat, petita in servitutem tradebatur. Eas non lectas cum subscriptione confirmasset Theodosius, paulò post recitata coram fratre scriptura, gravi oburgatione ejus negligentiam perstrinxit, correxitque Pulcheria. *Theodorus lib. 5. cap. 36. Nicephorus lib. 4. c. 23.*

CONSILII ET INDUSTRIÆ EFFECTUS XXVIII.

Superbia Regis in receptione feudi Consilio & Industria ab Imperatore castigata.

Cum Rudolphus primus Austriacorum Cæsarum contra Ottocarum Bohemiæ Regem (qui Austriam à Margarita uxore dotis nomine obtinuerat, & eam repudiatam veneno sustulerat) bellum suscepisset: Moguntinus, Salisburgensis & Frisingensis Antistites, cum Comite Palatino, concordiam inter duos Principes tractaturi, Ottocarum Viennam accersunt, & cum eò in hunc modum paciscuntur: ut relictis terris Austriæ, Stiriæ ac aliis, quas Rudolphus jam occupaverat cis Danubium, Ottocarus contentus esset parte illa Transdanubiana ad Mora-

viam vergente, quæ Marchiæ campus appellatur; atque insuper feudum in posterum de Regno Bohemiæ à Rudolpho Imperatore reciperet; literis denique ac juramento concordiam ratificaret. Consensit Otto carus in omnia: unum rogavit sibi condonari, ne scilicet in publico feudum accipere cogeretur. Erat enim (inquit *Fulgosius lib. 6. c. 4.*) superbissimus, & verebatur poplite flexo illum adorare, qui olim ei servierat. Concessit Rudolphus, ut sub tentorio, seu papilione id fieret. Erat autem tentorium illud eo artificio factum, ut unico tractu in quatuor partes dissolveretur. Dum itaque flexis genibus accipit vexillum à Rudolpho, quidam fune tracto tentorium dissolvit, ut omnes palam Ottocarum ad Rudolphum genua provolutum videre possent. Id cum Uxori ejus Cunegundi, quam viventi Margaritæ superinduxerat impius, innotuisset: Vah, inquit, qui potentissimus es Rex, coram servo olim tuo (nam Rudolphus Magister Curia Ottocari fuerat) tam splendide ornatus, cervicem submittis, eumque palam cunctis videntibus adoras? Emasculatus es, neque Regiâ Coronâ dignus. Quibus verbis impulit Ottocarum, ut contra datam fidem, cum sua pernicie bellum Cæsari inferret.

Simili Stratagemate politico usus fuit Casimirus III. Poloniæ Rex, dum in fidem reciperet Stephanum

Walachiæ Despotam, multorum Regum

Victorem. *Cromerus*

lib. 29.

CONSILII ET INDUSTRIÆ
EFFECTUS XXIX.*Errores Principum Consilio & Industria Sapientum correcti.*

Miecislaus III. Polonorum Princeps avarè & superbe imperabat, & per Præfectos suos peculium expilabat. Gedeon Cracoviensis Episcopus blandè primùm monere Principem voluit; mox ubi contumacem advertit, solertiâ & industriâ severitate mixtâ utendum censuit. Mulierem subornat, quæ ordido & miserabili habitu assumpto, ubi in conspectum Principis venit, lamentabili voce & ementito ejulatu opem ejus implorat. Motus ejus lacrynis & importuno clamore Miecislaus, accitum, quid sibi velit, rogat. Cui illa: gregem, inquit, ovium, unumque numerosum habui, & filio commendavi: qui illum porrò Mediastinis pascendum commisit: hominem verò negligentia grex à lupis devoratus, & ego ad extremam inopiam inde redacta sum: rogo proinde, ut ejus culpa damnum datum est, ab eo præstetur. Citati Mediastini (& ipsi subornati) negant negligentia damnum illatum esse, sed culpa adolescentis, qui ejus mulieris non filius, sed privignus esset; Eum enim venationi deditum, feros canes alere: qui soluti partim ipsi gregem laniarint, partim dissectum ac dissipatum lupis in prædam objecerint. Adolescentem igitur damnum resarcire debere: se neque canes abigere, neque dispersis ovibus succurrere potuisse. Aderat & Adolescens, crimenque in Mediastinos refererebat, negabatque se ad gregem perdendum, sed defendendum canes alere. Neque tamen satis illorum dicta refellebat. Cognitâ

Qq s

causâ

causâ Miecislaus condemnat adolescentem damni illati. Approbant, qui tunc aderant Senatores Principis iudicium. Tum Gedeon: Justè, inquit, & sapienter judicasti Princeps. Tu filius es hujus amplissimi ac florentissimæ Reipublicæ; Sed tu te privignum ejus haberi mavis. Tu gregem tuum nummariis Judiciis & Magistratibus tradis. Tu feros canes, hoc est, acerbos & crudeles exactores ac præfectos facultatibus & sanguine innocentum saginas: quorum cupiditate & asperitate fit, ut tenuiores à potentioribus, perinde quasi à lupis, impunè diripiantur & opprimantur. Incensus hac oratione Episcopi Miecislaus, cum fremitu è Senatu sese proripuit: multa Gedeoni, multa cæteris Senatoribus, qui Gedeon dicta approbare videbantur, minitans. Proceres tandem impotentis Principis tyrannidem perosi, dignitatem ejus privarunt, & Cassimirum fratrem vel invitum in ejus locum subrogarunt. *Cromerus lib. 6.*

Carolus Philippus II. Hispaniarum Regis filius, puerili contentione Amitæ Reginæ colaphum impegerat. Quæ petulantia cum virgis castiganda videretur, ferocem puerum hac industria circumvenerunt. Dispensator Regius crebris suspiriis ingentem simulat dolorem, & postquam multis Caroli minis precibusque aperendam tristitiæ causam compulsus esset, tandem ei significat, Regem Philippum Caroli Patrem injuria amitæ illata commotum, morti ipsum adjudicasse. Perturbatus eo nuncio puer, intercessionem pro se herorat. Id se facturum pollicetur Dispensator. Interim simulat accessum ad Regem, ab eoque veluti redux, significat impetratam esse à Rege jacturam manus pro usura vitæ. At quomodo Rex ero, respondit puer, si mancus sim? Quid si manus jacturam virginis redimamus? subintulit Dispensator, Approbant

ad Caesarem, Principum & Episcoporum longa caterva stipatus Dispensator, ut fidem ejus rei puero faceret, Regem se adire fingit, & multa demum contentione, pollicitatione ac precibus hanc se gratiam obtinuisse proficitur. Ergo Cardinalis cujusdam correctioni subiectus, & ab eo virgis castigatus puer, eam poenam moderatè tulit, quam alioqui morte ipsa praevenire videbatur. *Acroam. Hugonis Blotii.*

Laurentius Medices Cosmi Filii prodigaliter industriè & solerter correcturus, Quaestori mandat, ut filio largitiones facturo obsequeretur, ea tamen lege & conditione, ut filius ipse manu propria pecuniam numeraret, numeratamque largiretur. Ergo cum octo milia aureorum muneris loco erogaturus esset Cosmus, Quaestorem ea lege habuit obsequentem, si ipse aureos illos manu sua dinumerare vellet. Lætus hac facilitate Cosmus, conditionem accipit. Sed vix bis mille numerarat, cum & temporis jacturam agrè ferre, & loci magnitudinem oculari inspectione cepit agnoscere. Atque hac paterna industria effectum est, ut filius in posterum esset in largiendo parcius atque restrictior. *Corrozetus de dict. Et fact. Memorab.*

Simili industria, sed non simili successu usa fuit Agrippina, ad corrigendam prodigaliter Neronis. Hic, esse Dione, militi prætoriano ob causam aliquam iusserat centies HS numerari, hoc est ducenta quinquaginta millia Philippicorum. Agrippina Neronis Coniux tam profusam impeditura largitionem, totam eam summam iussit coram Nerone in mensa exponi & expandi; ut vel ipso aspectu ad mutandam mentem moveretur Nero. At ille iussit alterum addi, cum dicto: *Nesciebam me tam parum dedisse.*

Cum Augustus Imperator aliquando multos esset morte damnaturus; nec Mecenas, qui Augusto valde familia-

familiaris erat, propter circumstantium coronam ac
eum percurrere posset, inscripsit schedulæ hæc verba
Surge tandem carnifex, eamque in Augusti sinum pro-
jecit. Qua lecta Augustus statim surrexit, dimisitque
quos erat interfectorius.

Ptolomæus Egypti Rex, cum in lusu alex totus es-
set, astitit puer ludenti, qui reorum nomina & cri-
mina è tabella recitabat, ut scilicet Rex eos designaret,
quos capitis supplicio dignos censuisset. Id videns
uxor ejus Berenice, semina cordata, non passa est ul-
terius legi, sed arrepto è pueri manibus libello ad ma-
ritum conversa: quid, inquit, an non oportebat tere-
lictis ludicris, vel maximè animum advertere, quando
de salute hominis agitur? Non enim casus humanor-
um corporum & tesserarum pares sunt. His auditis
Regem mirificè delectatum fuerunt, & nunquam po-
stea inter ludendum de causis capitis cognovisse.

CONSILII ET INDUSTRIÆ EFFECTUS XXX.

*Reges & Principes Consilio & Industria Mo-
rionum correcti.*

Alphonfus Arragonum Rex Morionem in Aula
habebat, qui censoria Virgula singulorum dicta
factaque notabat, & tabellis descripta Principi stato-
tempore offerebat, suo adjuncto judicio, quodnam sibi
ex omnibus stultissimum videretur. Accidit aliquan-
do, ut Rex Maurum servum fidelissimum cum ma-
gna Vi auri ablegaret, equorum comparandorum
causâ. Id factum Morio in diarium suum his verbis
retulit: *Alphonfus Rex Christianus Mahumetanum
servum, aliquot aureorum millibus onustum, ad Mahume-*

anos pro equis emendis dimisit. Exitus aëla probabit.
Ego verò, si bona fide revertatur, Maurum stultissimum
Alphonsum sapientissimum: si non revertatur, quod pro-
babilius est, Alphonsum stultissimum, Maurum sapientis-
simum, pro eâ quâ poleo, auctoritate Censoria, pronuncia-
re non verebor. Ægidius Corrozetus de dictis & fa-
ctis memorabilibus.

Nicolaus Morio Saxoniz Ducum, cum inter fratres
e dividenda Regione ageretur, Veste splendida indu-
tus, in confessum Procerum venit, &, ecquid placeret?
Fideticum Ducem interrogavit. Laudante eum Du-
ce, in proximum conclave se contulit, & forfice ve-
stem dissecuit: mox altera vestis parte amictus, ocu-
lis Principis se obtulit, &, nunquid placeret? roga-
tus: Principe verò factum ejus virgis castigandum as-
serente: ut libet, exclamavit Morio, dummodo te-
neque virgis cædant, qui divisione cum fratre ini-
pulschriorem hac vestem dilacerare conaris. *Hie-
remia Mederi acroama.*

Petrus Berenautus Morio facetissimus, Philippo
Assiz Landgravio de dolore capitis ex hesterni vini
intestate conquarenti, præsentaneum se remedium
communicare posse dixit. Data loquendi copia:
hæsterna, inquit, crapula hodierna expellenda est. Tum
inceps: At crastino die gravius ex capite laborabo.
urgites ergo te deuo, subjecit Berenautus. Quid
tertio die? iterum. Quid quarto? Idem. Et
quis tandem finis? Ut mei similis, in-
quit, evadas. *Hieremia Me-
deri Acroam.*

CONSILII ET INDUSTRIÆ
EFFECTUS XXXI.*Adulatio Consilio & Industria Principis
rejeſta.*

CAnutus Daciæ & Angliæ Rex animi cauſâ al-
quando juxta littus maris deambulabat, ibiqu
à milite quodam appellatus Rex Regum omnium po-
tentiffimus; utpote qui hominibus, qui mari, qui ter-
ræ longelateque imperitaret: ut fuorum aſſentatione
corrigeret ac redargueret, veſtem exuit, & ex e glo-
bum fecit, illique inſedit proximè ad aquam: æſtu ma-
ris tum fortè ex alto ſe incitante & commorente
Moxquè conuerſus ad mare: Unda, inquit, tibi præ-
cipio, ne pedes meos tangas. Vix ea verba protulera-
cùm ſubitò fluctus littori allifus, Regem totum con-
ſperſit. Tum ille ad ſuos: Quo jure, ait, vos me Re-
gem potentiffimum appellatis, qui hanc parvulam &
modicam undam imperio meo cohibere nequeo
Deus ſolus eſt Rex Regum potentiffimus & Dominus
Dominantium. Inde Vintoniam profectus, coro-
nam, quam geſtabat, Capiti ſimulachri CHRISTI
crucifixi, quod in templo Apoſtolorum Petri & Pauli
pendebat, ſuis manibus impoſuit; nunquam poſtha-
tali capitis ornamento uſus. *Polydor. lib. 7.*

CONSILII ET INDUSTRIÆ
EFFECTUS XXXII.*Confuſio morum & mutatio Impexii in Republi-
ca, Consilio & nduſtriâ vitata.*

STatuta Venetorum nulla inter Patricios & Plebe-
ſias matrimoniorum commercia concedunt, niſi
fortè

ortè amplior dos natalium vilitatem compenseret,
 hinc cùm antiquo Reipublicæ Venetæ decreto, Pat-
 ricia: dos mille sexcentis aureis definita sit; plebejam,
 Patricio nubat, bis mille conferre necesse est. Cuius
 legis & consuetudinis ea est ratio, ne Aristocrati-
 um Venetorum Imperium plebis affinitatum vinculis
 aulatum muretur in democraticum: & ne promiscua
 sanguinis confusio morum quoque confusionem in-
 duat.

Similis consuetudo viguit olim in Republica Ro-
 mana: ubi legibus duodecim tabularum sancitum
 erat, ne Patriciis liceret cum plebe connubia inire; cum
 Canulejus Tribunus plebis hanc legem abrogari
 peteret, & sanciri, ut Patriciorum plebisque connubia
 promiscua essent, Senatus magnopere repugnauit.

CONSILII ET INDUSTRIÆ

EFFECTUS. XXXIII.

*omines otiosi, ignavi, asoti Consilio & Indu-
 striâ e Republica ejecti, & furta ac latrocinia
 impedita.*

AD præcavenda furta & latrocinia: decretum
 fuit olim lege Solonis & Amasis Regis Ægypti, ut
 omnes otiosi, ignavi, asoti; imò universim omnes,
 si tenuioris essent fortunæ, sive cives, sive peregrini,
 licarent Magistratui, quâ ratione sibi victum com-
 pararent.

Eadem industriâ commendatur in Hugone Mar-
 tione Brandeburgensi, Ottonis III. Imperatoris
 cario; qui hominibus otio torpentibus, decoctori-
 bus, vagabundis &c. adeo infensus erat, ut eos in ju-
 rium vocaret ad reddendam rationem otii & sum-
 ptuum

ptuum. Unde etiamnum Florentiæ servatur consuetudo ab eo introducta, ut Magistratus in prædictæ farinæ homines inquirat, atque ex iis percunctetur, unde impensas vitæ necessarias desumant. Qui si innocentiam & rationem vitæ non probaverint, trahuntur ad supplicia, vel ex urbe ejiciuntur, ut Sabinus in vita Marci Chionis Hugonis scriptum reliquit.

Athenienses quoque diligentissimè inquirebant, quid quisque suorum ageret, & quonam quæstus sustentaretur. Idque eo faciebant consilio, ut homines honestatem sectarentur: memores, sibi vitæ rerumque gestarum rationem esse reddendam. *Valer. Max. lib. 2. c. 1.*

CONSILII ET INDUSTRIÆ EFFECTUS XXXIV.

*Vitæ & sanitati Principum adversus venena
Consilio & industriâ prospici-
tum.*

Ludovicus Septalius Excellentissimus Medicus varias præscribit cautiones & Industrias, viris Principibus adversus venena præsidio futuras.

Initio ait nihil aut parum adjumenti esse ab iis, quod cibos & potus Principum prægustare solent: tum quod veneni vires aliquantò tardius & lentius, si in præparentur, sese exerant: tum quod cibus potusque copiosus perimere possit hominem, si veneno infectus sit: etsi exiguus, prout à prælibantibus sumi solet, a hunc præstandum effectum invalidus sit. Quod si ipsi, qui prægustant, scelesti esse velint, mille modos invenient, quibus fallant & noceant: possunt enim præsumendo medicamenta se adversus noxiam venenæ vim commuare: possunt ventrem prius multo cibo implere

plere, dein vomitare virus: possunt illam partem
pare, quam veneni experiem sciunt. Cæterum præ-
pta Septalii hæc sunt.

1. Princeps in Ministeriis secretioribus puerorum
magis operâ quàm adultorum: & horum magis quàm
num (nisi & illi exploratæ fidei sint) utitor.

2. Pauci sint, qui hæc intima ministeria curent. Nam
ter multos semper unus erit sceleri paratus.

3. Indusia cæteraque linea supellex à fidissimis asser-
tor: sitque infecta fumo odorifero ex Lauri & ro-
um foliis.

4. Reconditas & atrâ bile involutas mentes caveto.

5. Uno ciborum genere nimis impensè se delectari
monstrato.

6. Boletos, fungos, ranas ne edito: ne sub prætex-
quòd hisce cibis naturâ suâ maligni aliquid insit, tu-
s Veneficia parentur & parentur.

7. Plerumque appositum sibi panem; quæsito co-
re, quòd aut durior sit, aut minùs pistus, mutato.

8. Si cibus aut potus peregrinum oluerit, aut sapue-
exspuito.

Hæc Septalius; qui addit falli eos, qui se ovorum
bilium esu tutos arbitrantur: nam & his Venenum
illimè infundi potest.

CONSILII ET INDUSTRIÆ

EFFECTUS XXXV.

amicus Principis, & insidiator vitæ illius,

Consilio & Industria factus ami-

cus.

Imperator Augustus, quàmvis plurimos, qui con-
ra se conjuraverant, extremo supplicio affecerit,
tamen toties insidiatori vitæ suæ, toties

Rr

per-

perduellionis reo, toties mortem promerito, non solum pepercit, sed cum eo etiam, licet hoste acerrimo, sempiternum fœdus iniiit, eumque maximis cumulavit beneficiis. Et cum Cinna capitis sententiam ac supplicium expectaret, hac oratione adversus eum est usus Augustus: Vitam tibi Cinna iterum do, prius hosti, nunc insidiatori ac parricidæ. Ex hodierno die amicitia inter nos incipiat: contendamus utrum ego meliore fide tibi vitam dedero, an tu debeas. Neminem deinceps Augustus habuit chariorem; à quo etiam scriptus est heres omnium bonorum: nec quisquam postea inventus est, qui optimo Principi insidiaretur. Vicit nimium Augustus inimicos suos clementiâ, quos severitate compescere non poterat.

Atque hoc consilium suggessit Augusto Livia conjux, quæ maritum suum sic aliquando allocuta fertur: Ego, Auguste, sic sentio, plus clementiam, quam sævitiam proficere. Nam benevolos & misericordes non ii tantum, quibus delicti gratia facta est, charos habent, ac gratiam referre student, sed reliqui etiam omnes reverentur & colunt, ut nemo eos deinde lædere audeat. At eos, qui irâ inexorabili utuntur, non modò odio habent ii, qui sibi metuant, sed cæteri quoque infensi, insidiis structis suam perniciem evitare student. *Dio lib. 5.*

Non absimili industriâ usus Carolus IV. Roman. Imperator, hominem, qui sibi necem paraverat, ad se vocavit, eique 1000. aureos dono dedit, quibus nubilem filiam nuptui collocaret: ejus se misereri dicens, cum filia natu grandior domi clausa esset. Homo gratias egit Regi, & ad conspiratores reversus: Nesciebam, inquit, qualis Carolus esset: nunc liberalem & clementem Principem ferire non possum. *Aneas Sylv. lib. 4. Comment. de Alphenf.*

CONSILII ET INDUSTRIÆ
EFFECTUS XXXVI.

ethales insidia Consilio & Industria Principum devitata.

Abas Persarum Rex, qui superioribus annis è vivis excessit, ut insidias inimicorum devitaret, singulis noctibus plures sibi lectos in diversis cubiculis parari jussit: unde nemo, ubi Rex dormiret, scire poterat: præsertim cum una nocte sæpius surgere, & ab uno loco in alium commigrare solet.

Quæ providentia Henricum quoque III. Angliæ Regem morti eripuit. Nam cum miles quidam, ob scelus quas causas Regi infensus, per fenestras noctu in conclave Regium ingressus esset, & ferro pulvinar Regem se cadere arbitratus) iteratis ictibus perussisset; commodum accidit, quod Rex ea nocte alio dormiret. *Polydorus Virgilius lib. 16. histor. Anglic.* Scipio Amiratùs in Parallelis scribit Eleonoram Toranam Cosmi Magni Hetruriæ Ducis uxorem primis ætatis annis, & invalidis adhuc novi Principatus funementis, longissima noctium spatia lusu & alea transigisse: non pravâ ludendi libidine, sed contra nebras, quæ tum in maritum designabantur & detestabantur, conjurationes.

CONSILII ET INDUSTRIÆ
EFFECTUS XXXVII.

Adversariis & Conspiratoribus Consilio & Industria Principum Fautores atque Clientes facti.

Ricus Gothorum & Danorum Rex, cum conspirationem aliquam contra se factam comperisset,
Rr 2 quos

quos majore suspitione notatos habebat, eos majoribus pluribusque beneficiis sibi obnoxios faciebat, majoremque tributorum partem illis remittebat : profectus se longè felicior ex fide, quàm ex pecunia civium fore; nec tantùm sibi lucra prodesse posse, quantum odia obessent. *Joan. Magnus lib. 4. c. 11.*

Subtiliore, magisque Cosmopolitico artificio, ad devinciendos sibi adversarios utebatur Agesilaus Spartanorum Rex; qui malevolos apertè quidem non laedebat; efficiebat tamen, ut semper eorum aliqui Duces ac Rectores mitterentur peregrè: quorum deinde deregendo in potestate nequiriam & avaritiam, mox imploratus à reïs, rursus opem ferendo ac patrocinando, ex alienis necessarios obstrictosque sibi reddebant. *Plutarchus.*

CONSILII ET INDUSTRIÆ EFFECTUS XXXVIII.

*Importuna petitiones & intercessiones Consilii
& Industria Senatûs Venetici cõr-
cita.*

SÆpe accidebat Venetiis, ut qui rem aliquam magnam, aut difficilem impetrare à Senatu Venetico cuperent, per legatos Regum & Principum causam suam commendarent. Interdum etiam ipsorum Pontificum, Regumque Venetias venientium patrociniò nitebantur: quorum auctoritati Senatus propitiocogebatur obsecundare. Quapropter Anno 1509 Senatusconsultum Venetiis factum est, ut qui à Senatu rem aliquam petaturi essent, ii neque Legatorum, neque Principum opera uterentur: pœna us, qui Senatusconsultum neglexissent, constitutâ. *Bembini lib. 7. Histor. Venet.*

CONSILII ET INDUSTRIÆ
EFFECTUS XXXIX.

*Indebiti honoris petitio Consilio & Industria
delusa.*

Ismenias Thebanus officio Legati fungebatur apud Regem Persarum : ad cujus alloquium ut admitteretur, Thraustem Tribunum militum, & admissi-
onum Magistrum enixè rogabat ; Cui ille : nobis, in-
quit, ô hospes lex patria est, ut quicumque ad Regis
congressum admittitur, cultum adorationis ei exhi-
beat. Id si præstiteris, satisfiet desiderio tuo ; sin mi-
nus, Vicariâ meâ operâ utare, & quidquid negotii mi-
hi commiseris, Regi fideliter referetur. Ismenias sci-
ens rerum suarum pondus, neque conscium
nullum, præter Regem, neque dilationem sine periculo
pati, personale Regis alloquium postulavit. Intro-
missus in conclave Regium, calliditate Græcâ annulum
è digito elabi consultò passus est, ut causam flectendi
poplitem haberet. Quod dum faceret, illud animo
cogitans : *Non tibi, sed annulo*, unâ hostiâ duobus Diis
avitavit ; dignitati muneris, & gratiæ Regali.

CONSILII ET INDUSTRIÆ
EFFECTUS XL.

*Congressus publici Consilio & Industriâ inter
Viros Principes instituti.*

Oportet cautissimos esse Viros Principes in con-
gressibus publicis & colloquiis, ne quid con-
gratiorum eorum dignitatem securitatemve committa-
tur.

Instituto colloquio inter Cerialem Civilemque ad-
versarum partium Duces, scisso Vahalis fluminis ponte,
in ejus abrupta progressi collocuti sunt. *Tacit. lib. 5. Hist.*

Ludovicus XI. Galliarum Rex cum suo Equitum Magi-
stro, quo cum similitates exercebat, in colloquium
descensurus, pontem amni cuidam imponi jussit, atque
in pontis medio cancellatæ velut fenestræ factæ, ut
conspici inter se exaudiri que colloquentes possent.
Æmil. lib. 10.

Notatu digna est Francisci I. Galliarum Regis cura, quæ,
cùm ex carcere Hispanico rediisset, sibi prospexit,
Rex Lanojo Neapolitano Pro-Rege, Alarcone militum
Duce, & quinquaginta equitibus comitatus, ad ejus
fluminis, qui Hispaniam à Gallia dividit, ripam venit.
Eodem tempore ac penè momento Militiæ Gallicanæ
Dux Lautrecus, cum duobus Regis Francisci filiis fu-
turis obsidibus, & pari equitum numero in opposi-
ta ripa constitit. In medio annis vacua navis erat
anchoris firmata. Ad hanc Rex scapha cum Lanojo,
Alarcone & octo aliis, qui omnes brevibus armati
erant telis, trajecit; & ab adversa ripa Lautrecus cum
obsidibus & octo aliis pari armatura ad alterum navis
latus se contulit. Deinde Lanojus & Alarco cum Rege
& octo comitibus navem conscenderunt. Idem illico
factum à Lautreco & suis pari numero. Postquam
omnes in navi constitissent, Lautrecus Delphinum Re-
gis Francisci Primogenitum ex sua scapha in navim
transtulit; qui Lanojo, & ab hoc Alarconi traditus in
Hispanicam scapham imponitur, eodemque momento
alter Regis filius Dux Aurelianensis in navim acceptus
est. Quod ubi factum, dicto citius Rex in suam sca-
pham desiliit, & ad ripam deVectus, Turcico miræ per-
nicitatis equo raptim conscenso, in tutum abiit.
Guicciardinus lib. 16.

CONSILII ET INDUSTRIÆ EFFECTUS XLI.

*Rebus propriis Consilio & Industriâ prospere-
tum, & impediti, qui impedire vo-
lebant.*

Philippus II. Rex Hispaniarum Cardinalem Ria-
rium ad se missum à Summo Pontifice, per Præ-
fectos in itinere magnificè excipi, ludisque & specta-
culorum varietate tam diu detineri iussit, donec Dux
Albanus Regnum Lusitaniæ (de cujus controversa
accessione Pontifex sibi cognitionem arrogabat) ar-
gis subegisset.

Eodem artificio usus est Cosmus Medicæus, quan-
do Cardinalem Salviatum, ne noviter jacta Principatus
Florentini fundamenta convelleret, extra Urbem
Florentinam per amicos detinuit.

CONSILII ET INDUSTRIÆ EFFECTUS XLII.

*Prospera corporis valetudo Consilio & Industriâ
Principum simulata, adversa dissimu-
lata.*

Ludovicus XI. Galliæ Rex, cùm post morbum,
quo apud ferrifodinas in Turonibus correptus
erant, meliuscule haberet, statim ea omnia agere cepit,
quæ morbum ex integro depulsum testarentur. Ita-
que exercitum lustravit, tributa acerbissimè exegit,
vitandi laborem, plusquàm vires permitterent, susti-
nit. Maciem ac deformitatem ex morbo contractam
splendidis vestibus tegebat: in delinquentes severis-
sime animadvertibat; creabat novos Præfectos ve-

teribus remotis: Legatos in omnes orbis partes dimittebat. Ex Britannia molossos, ex Regno Neapolitano equos, ex Sicilia mulas, ex Africa leones, ex Dani Alcen & Rhangiferos sive Reinigeros magna pecunia comparabat: atque hæc omnia ideo faciebat, ut omnes Regem corpore sanum, iudicioque valentem crederent: neve cuiusquam animum quidquam novandi turbandive cupido subiret.

Solymanus Turcarum Imper. luridi coloris vultum facio, inductoque genis purpurisso corrigere solebat, quotiescunque exterorum Principum Oratore ad alloquium admissurus erat: ut eum valentem a robustum credentes magis reformidarent.

Vivit adhuc, inquit Fortnerus in notis ad Tacit. in Germania Princeps è præcipuis: qui tametsi admodum Senex, quotidiano carnis Suillæ sale conditæ usque validam ventriculi constitutionem & integras corporis vires simulat. Idem paucos ante annos quendam ex Aulicis ingentem lapidem ambulanti Domino incommodum, è viâ submoventem, suo loco reponere iussit; quærens, an se adeò decrepitum putaret, ut transilire exiguum silicem nequeat.

CONSILII ET INDUSTRIÆ EFFECTUS XLIII.

*Inordinatus auri & divitiarum appetitus Con-
silio & Industria correctus.*

Pythius Lydus, quibusdam aurifodinis in sua di-
tione repertis, subditos suos universos, quæ fodien-
do, quæ purgando, quæ elaborando auro ita occupa-
bat, ut neque agrorum culturæ, neque domesticæ
rei, neque ulli omnino negotio vacare possent. Eju-
smodi itaque uxor subditorum permota querimoniis, hu-
mal

malo remedium allatura marito esurienti panes aureos, quos fabrefieri curaverat, in mensa apposuit. Is postquam ingeniosi artificis & uxoris ingenium colaudasset, aptas esui dapes afferri præcipit. Illa rursus aurea fercula & bellaria aurea iussit inferri. Quam ob causam cum Maritus famelicus vehementer ex-
 candesceret; Viden, inquit illa, panem magis quam aurum vitæ humanæ esse necessarium? Atqui dum omnes, quotquot habes, subditos, in metallum damnas, fieri non potest, ut agriculturæ, aliisque, quibus alimenta parantur, artibus incumbant. Quo ille veluti pharmano à sapientissima femina sibi propinatus, è chrysomania morbo animi periculosissimo convaluit.

CONSILII ET INDUSTRIÆ EFFECTUS XLIV.

*Filiis superstitibus Consilio & industria de
 successione Regni à Patre mortuo pro-
 spectum.*

Alexander Hierosolymorum Rex, ultima pressus agnitudine, scelerum suorum conscientia stimu-
 tus, & avarè crudeliterque in populos grassatus, cum timeret liberis suis Hircano & Aristobolo, ne post bitum suum Regno à subditis pellerentur, voca-
 tam ad se Alexandram uxorem monuit, ut cum animam ipse suam efflavisset, confestim cadaver in publicum efferri curaret, convocatisque illicò civi-
 bus, in demortuum maritum prius acriter investa, quod injustus, rapax, impius, nefarius, perditissimusque moribus fuisset: inde quasi illorum faveret vin-
 ctæ, palàm diceret, tradere se Alexandri corpus dila-
 tiandum civibus, ut quam in vivum nequissent, in

mortuum saltem itam exercerent. Dilacerarent itaque illud, & hoc vindictæ genere sævissimum ulciscerentur tyrannum; postquam verò hæc peregisset commendaret ipsis liberos ut innocentes, impuberes ac nihil mali commeritos. Quod Alexandra summæ severitate & prudentia executâ cum esset, ita quidem universæ multitudinis animos commovit, ut non solum liberis, Regnoque salubriter prospexerit, verum etiam mariti sepulturæ ac funeri consuluerit; siquidem populus hac tanquam liberalitate, justoque judicio delinitus, Regio more justa Alexandro persolvit. Prudentissimum enim verò & præcallidum Alexandri morientis consilium, nec minus Alexandræ post viri obitum egregium factum. Quâ in re etsi sola calliditas videatur locum obtinuisse, non caruit tamen occulto justitiæ præsidio: cum populus ipse iuste se cum agi ab Alexandra judicaret, quæ pro patris Tyranno sceleribus corpus ejus popularium iræ, qui injuriam acceperant, spontè permisisset.

CONSILII ET INDUSTRIÆ EFFECTUS XLV.

subditorum animi Consilio & Industriâ à Philippo II. Hispaniarum Monarcha Successori Filio conciliati.

Philippus II. Hispaniarum Monarcha, cum mortis proximus esset, grandem pecuniæ summam à suis subditis postulavit. Viderat ille quidem gravissimas omnibus, & difficultate plenam futuram esse petitionem illam, non tamen mutavit sententiam. Nimirum secum ipse constitutum clam habebat, non exequi eam petitionem, neque aliud eo artificio efficere, nisi ut filio heredi decedens ipse viam aperiret

ais à morte parentis statim primo gubernationis
 ordio dextrè, nec sine regiae auctoritatis specie, in
 populi gratiam, amorem ac benevolentiam sese posset
 sinuare; atque ita futurum haud dubitabat sapien-
 timus Rex, si heres filius duram illam parentis exa-
 tionem prosequi porro noller, & remitteret toram.
 ruit prudentissimi parentis consilio filius, ita qui-
 m, ut mox publico post ejus mortem diplomate
 ikerit, nunquam permissurum se, ut paterna illa, po-
 loque tam gravis postulatio executioni manderetur
 uoquam; & si quis in Concilio Regio futurus sit,
 i perurgere illius executionem porro velit, sciret is,
 temeritatem ejusmodi capite continuò luiturum.
 od cum in vulgus rumore publico emanavisset, in-
 edibile dictu est, quanto omnium ordinum applau-
 Rex novus fuerit consalutatus: nemine non per-
 sum habente, tali Rege se fore fortunatum. *Ex*
Math. de Henrico IV. lib. 1. Narrat. 4.

CONSILII ET INDUSTRIÆ EFFECTUS XLVI.

*Subditorum erga Principem amor Consilio &
 Industria procuratus.*

Venetici id maximè providerunt (inquit *Egnatius*
lib. 2. c. 1.) ut Princeps eorum ab universa civitate
 pensè amaretur. Institutum igitur, ut is quater in
 annos patricios convivio publico exciperet
 in palatium suum, Primò in festo S. Isidori 4. Aprilis.
 undò in festo Ascensionis Dominicæ: quo tempo-
 undinae frequentes habentur, & Princeps Bucen-
 to navi vectus, desponsato per anulum aureum
 ti, si quis qui ipsum deduxerunt, Patriciis, solenne epu-
 præbet. Tertium convivium celebratur mense
 Junio

Junio, quo die festum SS. Viti & Modesti colitur
Quarto convivio deputatus est dies Sancto Stephan
sacer: quo tempore etiam choreis & saltationibu
aliisque modestioribus ludis indulgetur.

CONSILII ET INDUSTRIÆ EFFECTUS XLVII.

*Duobus contrariæ factionis Legatis Consilio
Industriâ Principis satisfactum.*

VICTI erant Galli memorabili acie ab Hispan
Consalvo Ferdinando eorum Duce: Venera
que Hispanus Orator ad Leonardum Lauretanu
Venetorum Principem, Victoriæ Lauream nunciat
rus: & aderat eodem tempore Regis Gallorum L
gatus. Qui evocati à Duce ad Collegium seu Sen
tum Venetum; cum tristior alter, alter exultabund
similis assedisset, conversus Dux ad utrumque: Eg
inquit, coram vobis Pauli Apostoli verbis utar:
cùm divinæ voluntati nemo possit resistere, fleat
quoque ego cum flentibus, & gaudeam cum ga
dentibus. Quo Principis dicto adeo omnis invic
evitata est, ut Galli non minùs, quàm Hispani gu
tias illi agerent, indeque discedentes singularen
viri prudentiam magnopere admiraren
tur. *Egnatius lib. 6.*

cap. 2.

CONSILII ET INDUSTRIÆ
EFFECTUS XLVIII.

*Novitas vestium Consilio & Industria
Principis inhibita & prohibi-*

ta.

Huldericus Dux Wirtenbergicus patrii moris
constans censor atque vindex, cum imperante
Carolo V. Cæsare Hispani in Germaniam frequen-
ter commearent; atque, ut novitatis stultus admira-
tor est populus, vestitum illorum permulti imitaren-
tur, suis ille domesticis curtas tunicas severe interdi-
xit: & cum quidam pallium solito brevius fieri cu-
pisset, re prius à Sartore exploratâ, centonem versico-
rem assui iussit, & vestis defectum hac ratione
compensari: eâ lege, ut nisi hac veste indutus coram
sempre appareret, Principis indignationem incur-
reret: illud sæpe repetens: *Peregrina vestes peregri-
ni mores, peregrini mores peregrinos hospites Germa-
nia inducent.* Christophorus, qui Patri in Principatu
accessit, cum caligarum laxarum tam turpis, quàm
utilis & insanus usus passim inter Germanos milites
valesceret, Carnificem eodem habitu indutum
cedere voluit, omnibusque spectandum propo-
suit; ut ne quis eo vestitus genere ineptiret, in
quo Carnificem haberet æmulum.

Ex Jeremia Medero.

CON-

CONSILII ET INDUSTRIÆ
EFFECTUS XLIX.

*Opes veteres nimia liberalitate amissa Confili
& Industria recuperata, & nova acqui-
sita.*

HENRICUS III. vel (ut quidam volunt) II. Castellæ Rex, cognomento liberalis, cum nimis largitionibus, & imperitâ rei Oeconomicæ administratione, ad magnam tedactus esset egestatem, memorabi facto rem suam restituit in integrum.

Burgis (inquit Joannes Mariana *lib. 3. de Reg. institut.*) Rex Castellæ se Aucupio coturnicum oblectare solitus erat. Accidit, ut aliquando fessus ex Venatione rediret, nihilque obsonii ad Cœnam paratum inveniret: Obsonatore Regio significante, non modicam pecuniam omnem regiam, sed fidem etiam apud Creditores consumptam esse. Rex dissimulato in præsentia animi dolore, oppignerato pallio arietinas carnes emendat jubet, & ex iis, captisque coturnicibus cœnam apparari. Audit inter cœnandum, meliorem esse Procerum, quàm Regis fortunam, lautissima eos inter frequentare convivia, omnique curâ solutos, certarum luxu & splendore mensarum. Fortè ea nocte apud Regni Primatem cœnabatur; adest involuto capite Rex, omnia videt lætitiâ deliciisque redundare; audit peracta cœna pro se quemque narrare, quantum reddituum ex paternis oppidis, quantum ex Regiis vectigalibus quotannis perciperet. Posterâ die Resingit se gravi morbo correptum esse, cupereque Proceribus suprema mandata dare. Adsunt illi frequentes in conclavi ad hoc à Rege deputato, qui post longiusculam moram ferrea lorica tectus, stricto ense ad congregatos ingreditur, torvoque vultu & oculis vin-

dictar

etiam spirantibus quærit ex iis, quot singuli Reges Regno vidissent; diversis diversa pro cuiusque ætate spondentibus: Ego, inquit Rex, viginti hodie Reges Castellæ novi; vos enim omnes Reges estis, qui Regibus & opibus occupatis, mihi inane nomen & res egestatemque reliquistis. Sed hodierna dies rotam vertet, & merita reis supplicia decerner, nulque lictores cum sexcentis, quos armaverat militibus, elata voce evocat. Hic proceres metu conster- ti in genua provoluti, profusis lacrymis à Rege ve- nim petunt, quam is supplicibus impertivit quidem, tamen ex palatio non ante abire permisit, quam eo- rum arces & vestigia, quæ sibi jure Regio deberi exi- gebat, occupasset.

Expositâ industriâ, qua Rex Castellæ opes veteres superavit, subjungo aliam, quâ Princeps quidam ecclesiasticus magnas opes de novo acquisivit. Is ærarium suum non iniquo acquirendi modo augere cœpiens, in principio regiminis sui uno eodemque die- bus in oppidis omnibus ac municipiis, pagisque infuras, stateras, ulnas & pondera, ab incautis, & nil metuentibus mercatoribus, propolis, pistoribus, la- talisque negotiatoribus subditis auferri, ac in unum cum comportari jussit, eosque qui mensuras publicè datas corrupissent, pro qualitate delicti, personarum cultatum ita multavit, ut inde multis aureorum bus comparatis, ærarium suum non mediocriter erit. Simili modo quidam Rex Angliæ Mercato- rum falsam ulnam castigavit, adhibita brachii sui mensura, omnibusque per Angliam propo- sita, Klockius de *Ærariis* lib. 6.

CONSILII ET INDUSTRIÆ
EFFECTUS L.

Factio & seditio Atheniensis Consilio & Industria cujusdam Sophistæ pacata. Ubipura ad hanc rem pertinentia adducuntur.

Leo Bizantinus Sophista fuit corpore tam pinguis & obeso, ut cum ad sedandam factionem Athenis (ubi tum legati officioungebatur) suggestum conscendisset, risum omnibus moverit. At ille: *qui ridetis*, inquit, *Athenienses? an quod vobis videar pinguis?* Scitote, uxorem mihi esse longè pinguiorem: tales tamen, ac tantos (cum sumus concordēs) brevem admodum lectulus capit; discordes ne tota domus quidam. Quibus verbis tempestivè, & ad propositum accommodatè adductis, seditionem sedavit, populumque paci restituit.

Ut hæc materia de sedandis impediendisque conjunctionibus ac seditionibus penitiùs innotescat; habet iis, quæ hætenus à me allata sunt, Consiliis Industriis, alia quædam huc pertinentia adjungere.

Primum itaque nihil est in hoc genere rerum tamquam leve spernendum. E levissimis vaporibus nubibus generantur, quæ deinde atrocissimæ effunduntur tempestates. Cum de salute Reipublicæ agitur, crudelum esse oportet; vel saltem suspiciosum; licet vana cuipiam videri possint, quæ afferuntur.

Deinde ubi fraus nondum quidem detecta, inspecta tamen est; omnibus modis operam dare oportet, ut in pleniorē cognitionem veniamus. Quod ubi factum, injicienda seditioforum aut conjuratorum consiliis mora est; ut ita omnia detegantur, nobis munienti nostri tempus suppetat.

Huc pertinet, quod quidam movent, obijciendam esse conjuratis occasionem falsam (addo ego, & veram adimendam : cujus exempla postea afferentur) ut alio tempore commodius, quam nunc conjurationem executioni mandare se posse arbitrentur. Quam obertiâ Romani sunt usi; cum duæ Legiones, quæ Capuæ in hybernis erant, contra Campanos conjurarent; sparserunt enim Rumorem, quod legiones anno etiam sequenti essent ibidem hybernaturæ. Inde contrarij spatium nactos se rati maturius consultandi, dilulere scelus, donec Rutilius Consul malo Medicinam curare potuit. *Livius lib. 8.* Huic arti affines sunt aliæ, quæ in decursu patebunt.

Romani ad morus extra Urbem propellendos belum aliquod simulabant, aut parabant. Sylla, spectans ad seditionem milite, trepidum nuncium de hostis adventu finxit.

Pisander & Drusus suspensiones inter Conjuratos & diffidiosos ferendo, periculum discusserunt. Et sane non exigua prudentiæ pars est, in seditionibus, conjurationibus ac rebellionibus suspectum reddere illum, qui aliunde conflare invidiam illi, cujus potissimum consilio nituntur cæteri : quam notam Ducum artem Tacitus *lib. 4. Histor.* appellat.

Hac arte usus Hannibal, cum in agros Romæ vicinos ignem immisisset, & ad Quinti Fabii segetes ventum esset; cæteris omnibus clade atque incendio vastatis, his tantum abstinere jussit; ac etiam custodes adhibuit, qui prædatores omnes arcerent.

Sultani Egyptii infinitam hominum Cairum insistentium multitudinem suspectam habentes, præaltis urbem fossis distinxerunt : adempturi hac industria infido populo coeundi facultatem. Inter causas, ob quas Reipublicæ atque urbis Venetæ

constantem per tot sæcula pacem ac tranquillitatem nullæ unquam Civium conjurationes perturbant eam vel præcipuam arbitratur Boteius, quod interfluentibus passim aquis (Canales vocant) in multa veluti partes divisa sit Civitas.

Romani plebem seditiosam in colonias deducebant, eique agros dividebant: ut ab seditiosis Consiliis, quæ ex otio proveniunt, ad agriculturam vertetur. Militem seditiosum per Provincias sparsum externis bellis occupabant.

Quod Helvetiorum Democraticum Imperium præter morem Democratiæ seditionibus minimè obnoxium sit, ea est causa præcipua, quod illi stipendia apud exterarum gentes facere soliti, hoc modo egere possint, quidquid in suis urbibus & oppidis seditiosum ac turbulentum est. Magnus Dux Hetruriæ, testis Boccalino, classem perpetuò alit, ut urbium suarum purgamenta, homines inquam otiosi & ad seditionem proclives, militum vel remigum officio in ea fungantur.

Cum prædictis remediis affinitatem habent populorum translationes & veluti transplantationes. Paulus Æmilius, subtracturus Macedonibus omnium rebellionum materiam, primores gentis cum universa familia in Italiam transportavit. Philippus Macedoniæ Rex, ut pecora pastores nunc in hyberna nunc in æstiva loca trajiciunt, sic ille populos & urbes ad libidinem suam transfudit. Augustus Cæsar Suevos deduxit in Galliam, & in proximis Rheno agris collocavit. Carolus Magnus Saxonum toties rebellantium Nobilitatem, partim in Galliam Belgicam, partim in Daciam seu Transylvaniam traduxit: & hinc origo Civitatibus Saxonis in illa Provincia.

Græci suspectas urbes mœnibus nudare solebant.

Idem

em fecit Leo X. Pontifex, qui præcipuarum urbium viros, quos Urbini Dux munitionis causa construxerat, solo æquavit.

Solent nonnulli Principes Conjuratis aliqua pertrahere, quæ aperte petunt; sed impedire principum, quod aperte non petitur, sed tamen occultè inditur. Ita Henricus III. Galliarum Rex, cum contra sub specie fœderis contra Protestantes, conjurasse consilium comperisset; fœderi prudens subscripsit, sed principatum fœderis, imperiumque armorum, quod conjurati in Guisium transferre cupiebant, sibi assumptum. *Thuanus.*

Quod si verò ad manifestam intemperiem res deducta fuerit, tum populares viri, & qui plebem sibiroxiam habent, plurimum valebunt ad exuntem plebis furorem intra modestiæ alveum reducere.

Magno in populo cum sæpe coorta est seditio, sevitque animis ignobile vulgus; namque facies & saxa volant furor arma ministrat, tum pietate gravem ac meritis si forte virum quem conspexere, silent, arrectisque auribus adstant.

Fortè etiam interdum consultum erit, ut vir aliquis auctoritate præstans, bonus ac prudens, seditiosæ multitudini in speciem se ducem præbeat, qui pro improba cædes, rapinas & cætera seditionum mala prohibeat, aut saltem mitigare possit.

Exemplum refert *Thuanus lib. 5.* de seditione, quæ in Aquitaniam concussit. Cum enim seditiosi in Burdigalensi Georgium Chassanæum Curia Prætor, virum gravem, & qui gratia apud plebem vulgissimum, sibi Ducem per vim sumpsissent: ille tantâ sensim auctoritate, bonos cives, quasi etiam pietatem adscitos, multitudini seditiosæ immi-

scuit : ut hoc modo rapinæ cædesque cohiberentur
& perditorum hominum audacia refrænaretur
Quamquam autem non diu fallebat Chassanæus : tamen ille in quamlibet frementes, Imperatoris jure ut
præcipuo sex seditiosis, captatis occasionibus, quasi
dicto minùs audientes per comilitones confodi jussit.
Ita paulatim per quadriduum defæviente furore, motus
ut cunq; sedatus est ; donec Momorantius à Rege
cum exercitu missus, seditiones ulturus venisset ; atque
omnia, pro ea quam amplissimam obtinebat, per
restate composuisset.

CONSILII ET INDUSTRIÆ EFFECTUS LI.

Seditio popularis Consilio & Industriâ Menenii Agrippæ sedata.

Livius *Decad. 1. lib. 2.* refert plebem Romanam
ortâ aliquando propter potentiam & opes nobilitatis
seditione, ab urbe digressam esse : sed huic morbo
lo medicinam fecisse Menenium Agrippam, qui *Consilio
& Industriâ* usus, commemoratione hujus fabellæ plebem
bema turbem revocavit. Tempore illo, inquieti
Menenius, quo in homine, non ut nunc, omnia
unum consentiebant, sed singulis membris suum consilium,
suis propriis sensus erat, orta fuit dissensio inter
ventrem, & cæteras corporis partes : his indignatibus,
quod suâ curâ, suo labore, ac ministerio ventris
in rebus omnibus serviendum esset ; venter verò
medio quietus resideret, & non nisi voluptatibus fru-
retur. Unde orta inter membra corporis conspi-
tione, decretum est, ne manus ad os cibum appor-
rent, nec os aliunde fortè allatum acciperet, nec den-
quacunque demum ratione ori ingestum commo-

re-

ent. Atque ita dum membra hac ratione ventrem
ame domare vellent, evenisse, ut membra ipsa magno-
pere debilitarentur, ac denique totum corpus tabe con-
abesceret. Unde perspectum est, ventris quoque
non segne esse ministerium, nec magis aliillum, quàm
lere; cum cibum concoquat, & ex eo sanguinem con-
ciat, quo natura nostra vivit & viger, confectumque
in reliquas totius corporis partes, ad operationes vita-
es exercendas, diffundat.

Corpori humano persimilis est Respublica (ajebat
Menenius) in qua nobiles & opulenti pleraque Rei-
publicæ commoda ad se derivant, cum interim plebs
maior laboribus se cogatur impendere. Interea
men, ut à ventre digesti cibi in sanguinem venasque
transmittuntur, nervique illius virtute animantur;
præcipuum Reipublicæ præsidium roburque in
nobilitate procerum, atque opibus ditiorum consistit;
in quibus proinde plebem consentire, rationi con-
vnum videtur.

CONSILII ET INDUSTRIÆ EFFECTUS LII.

*Populari seditioni Consilio & Industria Solo-
nis Legislatoris de remedio pro-
spectum.*

Olom inter cæteras leges hanc quoque statuit: Si
ob discordiam seditio atque discessio populi in
as partes fieret, & ob eam causam irritatis animis
imque arma caperentur: tum qui eo tempore non
erutri parti se adjunxerit, sed solitarius separa-
que à communi malo civitatis secesserit; is
no patriâ, fortunisque omnibus careto, exul &
Si 3 extot-

extorris esto. Legis scopus est, non augere seditionem, sed bonorum virorum interventu, qui sese alterutri parti adjunxerint, compescere seditionem. Quod non fieret, si nulli parti se adjungerent. Nam qui neutri parti favet, neutrius amicus, imò omnium hostis judicatur. At qui uni alicui parti se favere simulat, hac simulatione potest suæ partis cives ad mitiorem traducere sententiam: & si ex alia quoque parte vir aliquis bonus ejusdem studii reperiatur, facile seditioni componetur. *Plutarchus in Solone.*

CONSILII ET INDUSTRIÆ EFFECTUS LIII.

Plebs seditiosa Consilio & Industriâ Heracliti philosophi instructa.

Heraclitus Philosophus in seditione plebis rogatus, ut coram ea sententiam diceret, quo pacto civitas redigi posset in concordiam, consensu suggestit ut poposcit calicem aquæ frigidæ, & paululum farinae inperfit; dein epoto calice discessit, nec verbum addidit. Hoc facto innuens, tum demum civitatem carituram seditionibus, si cives repudiatis deliciis assuescerent parvo contenti esse. *Erasmus lib. Apophr.*

CONSILII ET INDUSTRIÆ EFFECTUS LIV.

Seditio & defectio Subditorum in urbibus limitaneis Consilio & Industria præparata.

Darius metuens, ne regiones & urbes limitaneæ si durius haberentur, ad vicinos rebelliones commoverentur, citâ

tati, deficerent; tributum multò tolerabilius le-
usque ab iis, quàm à mediterraneis exegit: aliquos
iam ab omni tributorum onere immunes pronun-
avit. Atque hac solertia limitaneos, præsertim Col-
nos & Æthiopes, in officio continuit.

CONSILII ET INDUSTRIÆ EFFECTUS LV.

*bellum impeditum, & composita pax Consilio
& Industriâ Principibus omnibus imi-
tabili.*

Um duo Reges, Matthias Hungaricus & Casimi-
rus Polonicus adduxissent exercitus ad Urbem
ratislaviensem, & uterque suo regno Silesiam adji-
re conaretur, eluxit eximia concordia & amor pa-
træ nationisque Germanicæ in duobus Principibus,
Saxonico & Brandenburgico, qui conjunctis armis &
vim ad Germaniæ defensionem se accinxerunt, &
Saxones Principes in societatem honestissimi consilii
duxerunt, cum apud eos plurimum auctoritate &
benevolentia valerent. Itaque Electores illi, Brande-
burgicus & Saxonicus, adductis ad Reges Hungariæ
Poloniæ sex millibus equitum, testati sunt, se utrique
Regi amicos esse, nec permissuros, ut bellum ipsi inter-
gerant, exitiale Europæ, & utile Turcis. Quare ho-
stiles conditiones pacis utrique Regi se proposituros
se dixerunt: quas uter ex Regibus accepturus sit, ei
copias suas adjuncturos, ut alter vi opprimatur, vel
item reprimatur, atque ad ponenda arma compella-
tur; neque passuros se esse, ut exterorum armis Ger-
mania devastetur. Rex Casimirus & æquitatis, &
Germanorum Principum amicus erat: quare minùs
pace abhorrebat, quàm Matthias, qui ægrè ferebat

sibi leges præscribi, & cedebat invitus. Quia tamen videbat se Polonis & Germanis, si conjungerentur non fore parem, conditiones paci faciendæ proposuit. Re utrimque mutuis altercationibus discussa & disputata, Elector Brandenburgicus totâ causâ complexus, quatuor horis disseruit, & longâ oratione Germanorum Principum consilia, & pacis conditiones, Regumque voluntates, & pacta exercitibus exposuit. Atque ita pax inter dissidentes coaluit.

Richter in Axiomat. politic.

CONSILII ET INDUSTRIÆ EFFECTUS LVI.

Fortunati bellorum successus Consilio & Industriâ procurati.

Magnus Sfortia eum prudentiæ judicii que militaris tenorem usque ad vitæ exitum constantissimè tenuit, ut non temerè quidquam in rei bellicæ negotio decerneret, nisi accito vel infimo quoque centurione, & milite veterano; ut exquisitis separatim omnium sententiis, quod patrandum foret, multo rum judicio probaretur. Sed id tantâ dissimulatione peragebat, ut semper alienis exordiis & fabulis animi propositum celaret, atque aptè demum ad id quod vellet, instituto novo sermone deferebatur. quoniam eo pacto nunquam prolato interiore animi decreto, auctoritatem suam egregiè retineret: nec ob id persuasione prudentiæ animi minorum Ducum inflarentur; quando ii aliâ semper de causâ convocatos & fortuito demum sermone in graviores consultationem incidisse, humanitate Ducis faciliè existimarent. Verùm illos confecto negotio jucundè potius, quàm graviter in corona laudabat, qui feliciter in

dispu.

disputatione divinaissent : & id quidem jucundiore gratiâ, quòd liberaliter & nullo fastu gloriam communicare videretur. *Jovius in vita ejus.*

Quidam, ut viam ad victoriam sibi sternant, eamque veluti complanent; solent ejus hostis, quem oppugnaturi sunt, vicinos, sibi ante belli denunciationem socios adjungere, vel certè conciliare eorum benevolentiam; præsertim si è Regione illorum commealis petendus sit.

Ita Cambyfes Regem Arabum sibi conciliavit.

Ita ante annos aliquot supra triginta Ludovicus III. Galliarum Rex aggressurus bello statum Mediolanensem, prius sibi belli socium adjunxit Ducem Sabaudiarum, cui Mediolanensibus confinis est.

Eodem Consilio eademque Industria usus est Rex Galliarum, quando ante quadraginta plus minus annos oppugnaturus Hispanos in Brabantia, conciliavit sibi prius animos Hollandorum, eorumque in bello societatem expetivit.

Optimum fuit consilium Scipionis, quo censuit, Hannibali in Italiam irrumpenti primò quoque tempore, & in ipso quasi limine occurrendum esse; neque illo modo permittendum, ut meditullium, atque ipsa operii viscera penetraret, metum sui omnibus incursus. Imprudenter è contrariò egerunt Status Bohemiarum Anno 1620. adversus Ferdinandum II. legitimum Regem suum rebellantes; qui, cum exercitum hostilem in ipso Bohemiarum ingressu impedire possent, eum usque ad Urbem Pragensensem Regni Metropolitani in ipso Meditullio sitam, progredi passi sunt.

Prudenti, & ad reportandam victoriam accommodatâ industriâ usus fuit Comes Mauritius copiarum Hollandicarum Ductor, dum in prælio Novioportensi Flandria cum Hispanis commisso, naves omnes

à littore jussit abduci, ut occasione fugæ, speque elabendi militibus præcisâ, eos ad conflictum animaret monstraretque solâ eos virtute periculum imminere evadere posse.

Nulli in bello conatus feliciorum sortiuntur exitum, quàm de quibus hostis minimè suspicatur. Omne enim subitum hosti formidabile est. *Xenophon. 3. Cyropæd.* Unde Julius Cæsar hyberno tempore, &, ut Tranquillus loquitur, spurcissimis tempestatibus vel infido se æquori committere, vel aliàs ad expeditionem proficisci solebat, quò incautioribus hostibus superveniret. *Dio Cassius.*

Julius Agricola cum contra Monam Insulam exercitum duceret, navesque deficerent; depositis omnibus sarcinis, lectissimos auxiliarium militum, quibus nota vada & nandi usus, quo simul & se & equos & arma regere noverat, ita repentè immisit, ut obstupefacti hostes, qui classem, qui naves expectabant, nihil arduum, nihil invictum crederent sic ad bellum venientibus. *Tacitus in Agricola.*

Recentius exemplum est, quod ex Guicciardino recenset Forstnerus. Novaria Urbs Italiæ à Gallis obsidebatur, ab Helvetiis defendebatur. Inter hos Motinus Tribunus militum consilium cepit ob audaciam planè stupendum. Is convocata suorum concione, vehementi hortatur oratione, irent, & ultrò hostes in suis castris adorirentur. Rem quantò difficilior & periculi plenior videretur, tanto faciliùs successuram. Adjumento fore noctem, illatos tumultus atque terrores geminaturam. Igitur provecta jam nocte cùm in vallum hostilium castrorū eniterentur, primùm à tormentis ingentem cladem acceperunt. At illi ferociâ incredibili non periculis, non vulneribus, non miserabili cadentium ululatu deterriti, ad locum, in quo tormenta

menta disposita erant, contendebant. Atrox ibi re-
 rum facies: utrinque infesta nox; incertis per tene-
 bras, quid oppugnare potissimum, aut tueri oporteret:
 donec Germani milites, qui in castris Gallicis stipendia
 accipientes, ferè soli illa nocte egregiè pugnaverant,
 oriente jam sole, amissis tormentis cederent. Ergo
 victoria penès Helvetios fuit; tantà famâ toto orbe
 celebratâ, ut multi considerata consilii audacia, ferocia
 pugnæ, certissimæ mortis despicientia, felicitateque
 accessus; non dubitaverint anteferre facinus istud
 omnibus fortibus factis, quæ Græcas Romanasque im-
 plent historias. Scilicet pugnassee paucos contra mul-
 tos, sine equite, sine tormentis, nullâ adductos necessi-
 tate (quippe Novaria extra periculum erat, & brevi
 non parvam suorum manum sibi accessuram spera-
 ant) denique gloriam cum periculo, quàm ignobi-
 lem securitatem maluisse.

CONSILII ET INDUSTRIÆ EFFECTUS LVII.

*Exercitus Consilio & Industria cladi sub-
 ductus.*

¶ Rimo bello Punico Romanus Consul, parum pro-
 videri itinerum locorumque consideratione, exer-
 tum in locum humiliorem & collibus undique cin-
 ctum per imprudentiam induxerat. Hostes aditus
 sederant; & res, spectatis circumstantiis, sic erat
 comparata, ut sine ferro confectum bellum videre-
 tur. In eo necessitatis extremæ articulo, & vitæ mor-
 tisque confinio, Tribunus quispiam salutare suppedi-
 tans consilium: Consul, inquit, videsne collem illū non
 ab hostibus occupatum? illuc censeo mittendam
 cohortem militum, si te tuosque salvos cupis. Hostes
 enim

enim in eos irruent; interea tu, si Vir es, cum exercitu evades. Placet, inquit Consul, sententia tua; ne de cohortis mittendæ obedientiâ dubito: sed Ductorem illius, qui in certam mortem eat, ubi reperimus. Me ipsum offero, inquit Tribunus. Nec mora: quædringenti ad moriendum proficiscuntur, & cadunt. Solus Tribunus inter mortuos semimortuus ipse repertus convaluit; & sæpè postea utilem operam Reipublicæ navavit.

CONSILII ET INDUSTRIÆ EFFECTUS LVIII.

Epistola occulta Consilio & Industriâ belli pacisque temporibus transmissa & transmittenda.

JOannes à Porta *lib. 11. de Notis cap. 21.* existimat, intra siccas tabellas aliquantulum excavatas, & glutine denuò compactas, secretissimè posse litteras abscondi, & ad locum destinatum transmitti.

Pani incoxit epistolam arbitrariis notis scriptam Laurentius Medices Florentinæ Reipublicæ Princeps; & per nobilem quendam, mendici habitu tectum, misit ad Regem Ferdinandum Neapolim, quibus eum desalute filii, certiore redderat. *Brutus lib. 8. Histor. Florent.*

Placentæ plumbeam epistolam inseruit Polycrates capta à Drogneto Duce Erythræorum, misitque ad fratres suos. *Polyanus lib. 8.*

Lepori inclusit epistolam Harpagus ad Regem Cyrum; quâ eum incitavit ad oppugnandos Medos. *Herodorus lib. 1.*

Interiori vaginæ parti fuisse à quodam inscriptam Epistolam, testatur Frontinus *lib. 12. c. 13.*

Capi-

Capiti humano fuerunt inscriptæ litteræ ab Histyæo Mileſio, qui mancipio suo ægrotanti, facta curationis ſpe capillos raſit, & cuti capitis inſcripſit quæ ſignificata volebat: Mancipium verò, poſtquam crines iterum excreviſſent, ad Ariſtagoram miſit, cum mandato, ut ad reliquam ſui perfectamque curationem ab Ariſtagora raderetur. Raſit mancipium Ariſtagoras, & capiti ejus inſcriptam reperit hanc ſententiam: *Hiſtyæus Ariſtagoræ. Ioniam ad defectionem ſollicita.* Gellius *lib. 17. cap. 9.*

Candelæ cერæ incluſam epiſtolam ad Cameneciæ urbis Præfectum miſerunt Tencinius & Dreſicius Poſoni, per puerulum, cum hoc mandato, ut quando Cameneciæ veniſſet puer, juberet verbis ſuis Præfectum urbis ex ea candela accipere lumen. Præfectus ſuſpiratus quod erat, diſſecta candela epiſtolam reperit, quæ magnam rebus ejus lucem aſſerebat. *Cromerus lib. 20.*

Alii per aërem miſerunt epiſtolas, easque vel telis inſcriptas, vel alligatas. Inſcriptas quidem à Cleonymo Lacedæmonum Rege, dum Træcenem obſideret, hac ſententia: *Venio, ut civitatem in libertatem aſſeram.* Ita refert à *Porta lib. 2. c. 21.* Alligatæ verò à Timoxeno, apud Herodotum *lib. 8.* Idem factum ab Artabano, & non rarò à Turcis.

Avium quoque volatulatæ per aërem litteræ. De ſirundinibus id ſcribit Plinius *lib. 10. c. 24.* De Cornice, quâ uſus eſt Marthes Ægypti Rex pro curſore, ita ſcribit Ælianus in *hiſtor. animal. lib. 6. cap. 7.* Marthis Ægyptiorum Regis cornix fuit animal oppidò mannetum & cicur; ita ut epiſtolas quò ille vellet, facile perferret, eſſetque omnium nunciorum multò celerima. Eam itaque pro hujusmodi officiis, Marthes, cum defuncta eſſet, & columnâ, & ſepulchro honoravit.

De columbis scribit Plinius *lib. 10. c. 37.* eas magnis in rebus fuisse internuncias &c. Quid, inquit, vallum & vigil obfidio, atque etiam retia amne prætenta profuere Antonio, per cælum eunte nuntio? Loquitur Plinius de Hirtio, qui ad Decium Brutum Mutinæ ab Antonio obsessum litteras mittebat per columbas, quas fame & tenebris confectas vicino mœnibus loco imittebat, ut facilius ad escam à Decio rerum conscio expositam advolarent, atque ita Decius litteras eis dederet.

Columbam quoque Sultanus, dum à Gallis, Venetisque obsideretur Ptolemais, eò misit, quibus significabat se tridui intervallo cum copiis affuturum. Sed Veneti columbam conspicati, militari clamore ita eam terruerunt simul & debilitarunt, ut ex aëre delaberetur; moxque alligatis ei epistolis, Sultani nomine scriptis, quibus significabatur urbi obsessi succurri non posse, miserunt Ptolemaidem; quæ desperato auxiliorum adventu, ante triduum se suaque hosti tradidit in potestatem. *Sabellicus lib. 6. c. 6.*

Quidam scribunt epistolas, quæ non nisi nocturno tempore, vel non nisi pulvere, aut aqua aspersæ, vel igni admotæ legi possunt.

Nocte tantum legi possunt litteræ scriptæ aquâ distillatitia nitedularum, vel aqua salicis putrefactæ.

Aspectum fugiunt litteræ omnes scriptæ aceto, urina, lacte, adipe, sepo, pinguedine, gummi, lacte herbarum thymalli, donec pulvere aspergantur; tum protinus fiunt visibiles.

Scripta item omnia succo mali citrii, cæparum, cerasorum, cyclamini, aliisque cujuscumque pomi acris, sale denique ammoniaci, non nisi igne admoto leguntur.

A lumine aut calchanto scripta, tantum legi possunt, postquam charta in aquam demersa fuerit.

Quæ-

Quædam legi non possunt, nisi interposito lumine
siderum, aut candelæ: quædam affusâ aquâ hydrar-
gyri; de quibus singulis latè Joannes à porta lib.1.
cap.ult. Quod vero tithymalli supra dixi, habetur ex
Plinio lib.26. cap.8.

CONSILII ET INDUSTRIÆ EFFECTUS LIX.

*Pœna ob infelicem cum hoste conflictum formi-
data, Consilio & Industria decli-
nata.*

HAnnibal, cùm à Julio Consule Romano navali
prælio victus esset, timeretque pœnam à Senatu
Carthagenensi propter infelicem conflictum irrogan-
am; priusquam cladis acceptæ nuntius Carthagi-
em veniret, quendam ex amicis suis celerrimè ad Sena-
tum misit, significatum, Romanum Consulem cum
asse prævalida advenisse: censeretne Senatus cum
hoste configendum esse? Conclamavit Senatus for-
næ aleam tentandam, hostem invadendum esse. At
e: Invasimus, inquit, & confliximus, sed hosti for-
na favit. Siluerunt universi, nec quisquam damna-
potuit, quod fieri debere omnes judicassent. *Valer.*
7.c.3.

CONSILII ET INDUSTRIÆ EFFECTUS LX.

*Milites Consilio & Industriâ Ducis sui, mo-
dum debellandi hostes edocti.*

Mertorius Hispanorum contra Romanos Archistra-
tegeus, quod experimento didicisset, universo Ro-
manorum exercitui se minimè parera esse, ut milites
suos

suos inconsultè pugnam deposcentes id ipsum docere adductis in conspectum duobus equis, altero prævalido, altero admodum exili, duos admovit juvenes similiter affectos, robustum & gracilem: ac robustum prius imperavit, ut equo exili universam caudam unius impetu abrumperet: gracili autem, ut valentior pilos caudæ sigillatim, repetitis vulsionibus extraheret. Cumque gracilis fecisset, quod imperatum erat. Validissimus autem in equi debilioris cauda sine effectum luctaretur: Jam, inquit Sertorius, naturam Romanarum cohortium hoc exemplo ostendi: insuperabiles sunt universas aggredientibus: easdem lacerabimus, carprim, qui per partes aggressus fuerit.

CONSILII ET INDUSTRIÆ EFFECTUS LXI.

*Hostis Consilio & Industriâ in fugam actus
& victoria obtenta.*

Rex Macedonum Antipater (vel, ut alii volunt Antigonus) Megarenses bello adortus, elephantorum copiâ hostibus faciliè superior erat. Megarenses astu utendum rati, porcos pice oblitos, & ab igne injecto ardentes, in Elephantorum agmen immiserunt. Qui partim grunnitu (quo naturaliter terretur elephanti) partim aspectu ignis turbati, inque fugam versi, Megarensibus præclaram peperere victoriam. Qui victi fuerant, nocumentum verentes documentum, unâ cum elephantorum pullis porcos alere deinceps ceperunt, ut consuetudine natura vincerent, & grunnitui porcorum assuescerent.

Ælianus lib. 16. cap. 36. de animalibus.

CONSILII ET INDUSTRIÆ
EFFECTUS LXII.

*Victoria adversus hostes pio Consilio parique
Industriâ obventa.*

Philipppo II. Hispaniarum Monarchæ gravissimam
ab Anglis, Gallisque armorum conspiratione
unctis, bellum incumbebat. Ille viribus impar, ad
Deum sibi confugiendum esse censuit. Quo circa die
Laurentii, quo decretoria imminebat pugna, ad
sancti illius memoriam, illustre Monasterium constru-
endum Deo promissit: obtinuitque tam insignem
Henrico II. Galliarum Rege ad S. Quintinum vi-
toriam, ut ille viribus proffus attritis, nihil dein-
e egregium ausus sit. Philippus igitur, qui tam
ralesens Cælitum auxilium expertus esset, non minus
exequendo munificus; quam in promittendo li-
eralis, aptud Escurios monasterium veluti quadru-
icatum (Escuriale à loco dictum) Divo Laurentio
struxit, cum palatio Regio tam amplo, ut aulis
is, artiis, porticibus, conclavibusque quatuor Re-
am habitationi sufficiat, & intra septa fontes facile
quadraginta recenseat. Academia hic insignis est, in
quâ omnium facultatum disciplinæ traduntur, biblio-
ecam regiam conjunctam habet, quæ suâ latitudine
des 32. longitudine 18½. complectitur. Monaste-
lâtera, quæ quatuor angulis absolvuntur, ad pas-
s 224. excurrunt. Omnia ex variegato marmore,
crystallo, jaspide, aliisque pretiosis lapidibus sa-
bricata sunt. *Ortelius in Co-*
smograph.

CONSILII ET INDUSTRIÆ
EFFECTUS LXIII.

Bellum pio Consilio piaque Industria impeditum.

Cum Fridericus Dux Saxoniae, Comiti Bichlingi Antistiti Magdeburgensi bellum esset illaturus exploratorem misit, qui ejus consilia & apparatus bellicum indagaret. Is renunciavit, nihil bello opportunum parari, neque etiam conscribi militem: Antistitem insuper dixisse, se causam commissurum Dux qui pro se arma sumpturus sit. Quod cum Fridericus cognovisset: Alius, inquit, insanias, ut bellum inferat ei, qui confidit se Deum defensorem habiturum: Laudandus Antistes, qui spem suam in Deo collocavit: Laudandus Dux, qui Deum veritus, arma deposuit.

CONSILII ET INDUSTRIÆ
EFFECTUS LXIV.

Hostis Consilio & Industria à territorio alieno ad sua tutanda abductus.

Boño Consilio utilique Industria utuntur, qui bello petiti, incursiones hostis præveniunt, eumque transportatione belli in solum ipsius, ad propria tutanda abducunt. Sic Athenienses, consilio Periclis irruerunt in Peloponesum: Scipio in Africam: Agathocles in agrum Carthaginiensem.

Tentarunt id ipsum superiore bello Batavi, & quidem eventu felici, dum juncti Anglis, instructissimâ classe Gades munitissimum Hispaniæ oppidum viribusque expugnârunt, ac in prædam militibus dederunt, Deinde secundâ expeditione navali Canariam

fortissimum oppidum, nec non insulam Divi Thomæ ferro armisque subegerunt.

Idem ab eisdem factum Anno superioris Sæculi 99. cum classem emisserunt ad debellandam Indiam, Duce Petro Verdoësio, Viro perquam strenuo & rei polemicæ apprimè perito. Eadem belli alea tentata Anno sequenti, traducto exercitu in Flandriam, ubi hostem in proprio, & præ aliis amato solo oppugnârunt. Denique idem factitatum Anno 1604. cum armis & fame expugnarunt Slusam Urbem, maritimam Flandriæ, in hostium ferè conspectu, qui jam ampliùs, quam bienniali obsidione Urbem Ostendanam cinxerant & fluxerant.

Non minori prudentia Ludovicus Crassus Rex Francorum, postquam Imperatorem Henricum unum exercitu in Galliam adventare audiisset, exercitum ducentorum millium conscripsit, & extra fines regni, finitimas Imperii Provincias usque ad Rhenum usque lateque populatus hostes antevertit. Quare irritus Imperator, arbitrio Regis condiciones accept.

Pari fortitudine ac prudentiâ Philippus Rex Galliarum, Ludovici Crassi nepos, cum intellexisset Othonem Imperatorem magno cum exercitu Galliam invasurum, arces & oppida præsidio firmavit: deinde extra fines Galliarum progressus, hostes ingenti clade superavit. *Idem lib. 5. de Republ.*

CONSILII ET INDUSTRIÆ EFFECTUS LXV.

*multa à paucis Consilio & Industria utentibus,
aut bello victi, aut metu consternati.*

Atavi, cum non ignorarent illud Thucydidis: Si paucis navibus contra plures dimicandum sit, angustia
T 2
maris

maris sunt eligenda; Anno 1588. Alexandrum Ducem Parmensem quadraginta millia militum sub signis habentem, parvo numero navium ante portum Dunckerkanum coercuerunt, & ne cum exercitu suo egredi, alterique classi Hispanicæ se conjungere possent impediverunt.

Anno 1598. cum Franciscus Mendoza, Admirantius Arragoniæ & Castiliæ præesset exercitui Hispanico instructissimo, ex viginti octo millibus militum conflatò, Mauritius Comes Nassovius, Hollandicarum copiarum ductor, cum septem millibus illi obviam processit, & circa Eltenam oppidum Cliviæ aliquot horarum spatio paratus in acie stetit hostem a pugnam provocans: sed is metu & consternatione perculsus, cum provocante configere recusavit.

CONSILII ET INDUSTRIÆ EFFECTUS LXVI.

Ipsa Hostium multitudo Consilio & Industria in proprium commodum periculiq; depulsionem conversa.

PRudenter observavit Guicciardinus *lib. 2. hij* fœdera inter multos icta non eâ esse firmitate ut sperari non possit, unum fœderatorum aut remissorem fore, aut ab aliis disjunctum iri: cum citi primi impetus defervescere, citò varietate sententiarum inter eos exortâ fides debilitari soleat. Immo sicut Romanis olim salutare remedium contra Tribunitiam ambitionem fuit ipsa multitudo Tribunorum ob quam semper illorum unus in partes Senatûs pertrahi potuit, qui deinde collegis intercederet; ita seniper Principi auxilio esse posse ipsam hostium contra fœderatorum multitudinem: cum facili fieri possit

ut eorum unus (indulgento ei quæ privatim quærit)
à fœdere abducatur.

Hinc Sfortia Ludovico XI. Franciæ Regi, Pro-
cerum suorum rebellionem agitato suavit : ut in dissimi-
licujusque causa singulis eorum suam spem objiceret,
nihil denegaret. Ita res illorum retrò ituras; ac ar-
e disiecto præsentibelli conatu, cætera proclivia fore
rebusex sententia componendis. *Amilianus lib. 10.*
de reb. gest. Francor.

CONSILII ET INDUSTRIÆ EFFECTUS LXVII.

*Bellum offensivum Consilio & Industria im-
peditum.*

Corio Dacorum Dux, cùm sciret dissociatum
Quidem armis civilibus Populum Romanum, non
men occasione inde arreptâ laceßendum, existi-
ulandumque existimabat; quamquam imperitia
lgi ad bellum incitantis non decisset. Etenim
orio velut ex specula prospectans, cogitabat facile
osse contingere, ut bello externo ingruente dome-
ca restinguerentur incendia, & voluntatum in-
em tendentium conjunctione, funestior extra-
is infligeretur clades. Popularem vero animos,
i bellum & arma adversus Romanos identidem
petebant, & acriter urgebant, hoc ludicro specta-
lo coërcuit. Duos siquidem canes, ipsis inspe-
antibus inter se commisit; iisque strenuè & perti-
citer compugnantibus lupum immisit: quem illi
i conspexere, omisâ protinus, & velut condonatâ
icem irâ, conjunctis viribus invadentes, confecere.
o exemplo ingenii perspicacis Dux, & in conje-
andis rebus solertissimi à bello Romanis inferendo,

T t 3

ut-

ut pote ipsis, non sibi suisque profuturo, imprudentes subditos deterruit. Enimvero cum pluribus edoctus experimentis Scorio, probè intelligebat, si Romanos bello intestino occupatos, bello extraneo adoriretur fore, ut ipsi pace inter se composita, conjunctis viribus hostem extraneum, usque ad ejus internecionem, persequerentur. *Calium lib. 17. c. 25.*

CONSILII ET INDUSTRIÆ EFFECTUS LXVIII.

Flamma belli civilis & intestini, inò domestici inter Patrem & filium, Consilio & Industria, antequam in plenum incendium erumperet, extincta.

LUDOVICUS XI. Caroli VII. Gallorum Regis filius Adolescens naturâ moribusque ferox, & ante tempus sui juris cupidus, cum suis æqualibus adversus Patrem conjuravit, exercitu prævalido conscripto Carolus Pater se ad miseriam natum clamans, quæ parum sit tot annos in patrio solo cum externis Anglis atque Burgundis de dignitate pugnasse, ut etiam cum filio de Imperio certare cogatur: non tamen concidit animo, sed principiis obstandum ratus, antequam in se imperus fieret, Principes convocat. Plebique sentiunt, non armis sed *Consilio & Industria*, non asperitate, sed lenitate malum avertendum. Quia propter primum litteris ad omnes Regni sui Civitates datis subditiis præcepit, ne mandatis Ludovici filii obtemperarent. Deinde conjuratis impunitatem promissit. Postremo per Viros Principes magna auctoritate præditos, cum Ludovico Filio & Conjuratorum Capitibus egit de reconcilianda pace, demonstravitque, nihil aliud esse eo tempore tam turbulento d

Impe

Imperio certare, quàm Patriam perdere, quæ jam ante Anglorum armis tantopere vastata erat, ut non procul ab interitu abesset. His Consiliis & rationibus effectum est, ut Conjurati depositis armis confestim in gratiam cum Carolo redierint. Atque ita magna labe, quæ Rempublicam obrutura videbatur, prius est restincta, quam convallescere posset.

CONSILII ET INDUSTRIÆ EFFECTUS LXIX.

Tempore belli civilis saluti & incolumitati familiaria Consilio & Industria prospectum.

SI quando in Republica bellum civile exardesceret inter duas factiones, quod esset ancipitis justitiæ; ita ut perpenis utriusque partis belligerantis probabilibus fundamentis, videretur esse bellum utrimque formaliter justum (ut Theologi loquuntur) prudenter egerit Paterfamilias; si uni parti suam Ipse, alteri filius aut frater operam addiderit: ut quomodocunque demum fortunæ eventus ceciderit, saluti familiæ consuli possit per eum, qui partes feliciores secutus fuit; s enim apud victorem sibi præmium, proximis suis etiam obtinere poterit.

CONSILII ET INDUSTRIÆ EFFECTUS LXX.

ocietas belli, & qua ex ea nasci solent calamitates, Consilio & Industria declinata.

E Lagrante bello civili inter Casarem & Pompejum, soli ex omnibus Galliæ incolis Massilienses neque

Cæsaris partes, neque Pompejanam factionem secuti, cum ab illo rogati fuissent, ut in Urbem suam reciperetur, hoc memorabile responsum dederunt: Esse se socios Populi Romani; ceterum in præsentia neque curiosè se inquirere, neque sufficientes esse ad inquirendum, utrius causa iustior sit; proinde si quis amici more ad se venire vellet, utrumque se absque armis venientem accepturos: sin bello veniant, neutrum. *Dio lib. 41.*

Verfabatur nimirum ob oculos Massiliensium ille Aphorismus Politicus Thucydidis: *Vicina calamitates potius, cum licet, absque periculo spectanda, quam sese illis absque causa gravissima implicandum: Ne tota clades in nos ipsos tandem, quamvis duntaxat incendio supervenientes, non autem in ipsos incendiis auctores incumbat & ruat.*

CONSILII ET INDUSTRIÆ EFFECTUS LXXI.

*Bellum à Regibus contra Civitates & Respublicas
Consilio & Industriâ gestum.*

Bella quæ à Regibus & Principibus contra Urbes & Respublicas geruntur, trahendo & cunctando plerumque fortunata Principibus extitère. Quantumvis enim illa cupidè decernantur, tamen suscepta (ob sumptus, quos naturaliter civitates horrent, & propter commerciorum impedimenta, quæ plurimum detestantur) mox gravia esse incipiunt. Inde vel ob stipendia parcè præbita, vel commeatuum inopiam, vel parum amicam de Ducibus opinionem, quos plerumque aut conspirare cum hoste, aut sui commodi causa trahere bellum arbitrantur, vel certè suspicantur quantumvis magnos exercitus dissolvi necesse est.

CON-

CONSILII ET INDUSTRIÆ
EFFECTUS LXXII.*Urbes obsidione hostili cinctæ, Consilio & Industria liberatæ.*

Maximilianus I. Imperator ad recuperandum Mediolanum cum ingenti exercitu in Italiam venerat, eique Cardinalis Sedunensis cum selecta Helvetiorum manu sese conjunxerat. Trivultius, qui cum Carolo Borbonio Mediolanum defendebat, ut Cæsarem ab Helvetiis, quorum ope invictum fore certò sciebat, alienaret, talem dolum commentus esse dicitur. Nactus Clientem suum Helveticæ linguæ peritum, teras sua manu ad primarios Helvetiorum Duces scripsit, ut Cæsari in eo rerum momento suspecti redderentur. His litteris postulabat, ut quæ secum pepissent, brevi spatio perficere maturarent; se enim ad predictum instructa parataque omnia habiturum. Interarum bajulus præmiorum spe illectus, Cæsareis excubitoribus ultrò se capiendum obtulit. Cùm interrogaretur, cur sine tessera in eum locum venisset, respondit, se à Trivultio cum litteris, ad Helvetiorum Duces deferendis, urbe emissum esse: quas calceosutas mox promittit. Eæ ad Cæsarem deferuntur, quæ anxie lectas, atque relectas Cardinali Sedunensi tradit legendas. Præmissa consultatione Cæsar, quod insidias Helvetiorum timeret, crederetque Duces tantæ inter Helvetios auctoritatis, sine perturbatione periculoque rerum omnium neque accusari Trivultii litteris, prout oporteret, neque comprehendendi posse; retrò castra repenti vertit; præsertim cum aliam Helvetiorum manum contra Sedunensem à mulis evocatam adventare audivisset: affirmans

T t 5 sibi

sibi per quietem ea nocte apparuisse Leopoldum Austriae Archiducem atavum, & Carolum Ducem Burgundiae Socerum suum, eâ torvi oris specie, eoque cruento armaturæ cultu, quo hic ad Nancejum, ille ad Sempacum trucidati fuissent: acri sermone gestuque vetantes ipsum diutius morari, & ut se periculo statim eriperet, severè imperantes. Atque ita motis castris ad Alpes iter intendit, tanta omnium (præsertim Gallorum) admiratione; ut qui dudum formidando copiarum hostilium numero, apparatuque tormentorum maximo conterriti fuerant, inopinati eventus gaudium vix perciperent. *Supplement. 7ov. lib. 6.*

CONSILII ET INDUSTRIÆ EFFECTUS LXXIII.

Munitissima Arces & Urbes Consilio & Industria occupata.

ANno 1591. 24. Maji novem milites Hollandi vestibus, partim femineis, partim rusticanis induti, ova, caseum, butyrum &c. venum adferentes, ceperunt munitum propugnaculum Zutphanienſe: postea quam custodes loci his armis, quæ vestibus tecta habuerant, interfecissent: subsidiariam præstante operam turmâ militum, quæ in insidiis latens accurrebat.

Insigne fuit Stratagema illud, quo Anno 1590. Comes Mauritius Nassovius Polemarchus Hollandorum nave 70. fortissimis militibus, quorum Dux erat Carolus Heraugierus Capitaneus bello inclutus, repleta & cespitibus, ne apparerent, supernè testâ, munitissimam Urbem Bredanam, unâ cum arce seu propugnaculo, occupavit.

CON

CONSILII ET INDUSTRIÆ
EFFECTUS LXXIV.

*Exercitui de annona aliisque rebus necessariis
Consilio & Industria prospere
etum.*

Laudabilis & imitabilis est Industria Hollandorum, qui quotiescunque cum exercitu in hostem proficiscuntur, edicto publico mandant (quod in omnibus ferè unitarum Provinciarum Urbibus promulgatur) ut omnes mercatores, lixæ, alique, qui necessaria alimenta exercitui suppeditant, magnâ copiâ & singulari diligentia, panes, carnes, vinum, cerevisiam, aliaque esculenta & poculenta, omnem denique comeam, & quidquid vitæ humanæ, præsertim militari, necessarium est, conquirant & convehant ad usum exercitus: adjuncto privilegio immunitatis à vectigalibus; quia castra Hollandorum sunt libera, & ab omnibus tributis immunia. Additurque, ne ulli liceat quemcunque mercatorem, institorem, lixam, aliumque exercitui necessaria advehentem propter debitam quovis modo contracta, eo tempore detinere, vel in se vocare.

CONSILII ET INDUSTRIÆ
EFFECTUS LXXV.

*Copia militares Consilio & Industria per
alienum territorium tradu-
cta.*

Et et copiarum militarium per alienas terras traductio jure gentium omnibus debeat, qui nobis & aliis nos hostes non sumus: Est tamen hîc opus
Con-

Consilio & Industria, suntque observandæ certæ cautiones, quas distabit prudentia, ut res sine utriusque partis periculo & damno peragatur. Insignes fuerunt illæ, quas Mutinæ Dux Urbano VIII. Pontifici, transitum per Mutinensem ditionem petenti, hunc in modum præscripsit: Ut ante sextum diem, quàm Exercitus Pontificius fines Mutinenses, attingeret, Dux Mutinæ à Thadæo Barberino de adventu suo certior fieret. Utrædem viâ, quâ primi, sequentes incederent: Ne singulis diebus plures cc. equitibus & cccc. pedibus traducerentur: Ut in reditu eadem, quâ in transitu, observarentur: Ut damna à milite illata refarcirentur: Ne exercitus citra quinque milliaria Mutinæ, aut Rhegio Lepidi appropinquaret: Neve in oppidis, mœnibus, aut vallo munitis hospitaretur: Ductores Pontificii Commissarios Mutinenses recipere, qui transeuntes comitarentur, comearibus pretia statuerent, & licentiæ militari obstitent. Dux pontibus struendis ligna, militi annonam, iusto pretio & determinatâ in singulos dies annonæ pabulique portione præberet. Præscriptum insuper, quantum itineris primo die, quantum secundo, & sic deinceps, exercitus emetiretur: & quibus in locis pernoctaret. Postremò conventum fuit, ut si quis e Mutinensibus in militem deliquisset, is captus Provinciali Magistratui; & ubi versâ vice miles Mutinensem offendisset, supremo Pontificii exercitûs Duci puniendus traderetur.

CONSILII ET INDUSTRIÆ
EFFECTUS LXXVI.

*Ab agris & segetibus Consilio & Industria
propulsata militares injuria, & Agrico-
larum indemnitati consul-
tum.*

CUM Anno 1462. Fridericus I. cognomento vi-
ctoriosus, Comes Palatinus, commisso non pro-
cul ab Heidelbergâ prælio, cepisset Carolum Mar-
chionem Brandenburgicum, Joannem ejus fratrem
Episcopum Metensem, & Ulldericum Comitem Wir-
tembergicum: iis in arcem suam deductis, & ad
convivium invitatis, prohibuit apponi panem, eum-
que postulantibus dixit, se hoc agendi modo iis signi-
ficare voluisse, bella sic geri debere, ut impetatur ho-
stis, non innocens Agricolarum turba fame ne-
cet: quorum segetes illi crudeliter vastassent, &
frumentum in horrea comportatum succensis pagis
corrupissent.

Laudabilius multo egerunt Hollandi: qui, cum ca-
stra amplissima ad Gertrudebergam locassent; ita ut
pagus Ramsdonck castris inclusus esset; tanto
vigore militarem servavere disciplinam, ut rustici se-
curissimè agros suos colere, pecudes pascere, ova,
lac, butyrum, caseos, carnes in castris venum expo-
nere possent. *Lambertus Danaus in
Aphorism. Polit.*

CON;

CONSILII ET INDUSTRIÆ
EFFECTUS LXXVII.

Periculum ab epistolis hostium imminens memorabili calliditate depulsum.

PRudentes Principes & belli Duces litteras hostium, quibus civium aut militum fides ad scelus incitatur & sollicitatur, suppressendas arbitrantur. Licet enim Principes & belli Duces benevolentia fideique suorum confidant, non expedit tamen eorum aures hostilibus promissionibus & corruptionibus imbui. Patet vel unius infidiis vita, & nullum crimen avaritiæ sat grave est.

Quod si verò pluribus innotuerit prodicionis merces, in parte consilii erit prudentissimum Eumenis factum. Epistolæ sparsæ erant totis castris: quibus, qui Eumenis caput ad Antigonom detulisset, maxima præmia sperare jubebatur. Eumenes vocatis ad concionem militibus primò gratias egit, quod nemo inventus esset, qui spem cruenti præmii juratæ fidelitati prætulisset. Deindè callide adjunxit, confictas has à se literas, ad experiendos suorum animos. Hoc facto Eumenes & in præsens dubios fidei deterruit, & in futuros eventus instruxit universos, ut si quid ejusmodi rursus accidisset, non se ab hoste corrumpi, sed à Duce tentari arbitrentur.

CONSILII ET INDUSTRIÆ
EFFECTUS LXXVIII.

Impedimenta pacis conservanda Consilio & Industria sublata.

FRidericus III. Saxonix Dux, pacis studiosissimus Princeps, ut eam conservaret, & impedimenta
omnia

omnia conservationi obstantia amoliretur, nullas arces aut munitiones construxit, quin potius ab aliis constructas solo æquavit. Id quoque unice egit, ut pecuniis, si quas corrasisset, rite impensis, nihil earum posteris post mortem superesset. Admirantibus autem, ejusque rei causam, interrogantibus: Ne ajebat, ego leviter offensus aliquando, arcibus & pecuniis meis confusus, nimis facile vicinos me inferiores bello lacessam & pacem violem. Quod utique facturus non erat, omnibus belli nervis destitutus. Censebat Fridericus Rempublicam à Christiano Principe erendo & dissimulando rectius quàm inferendo & cliscendo administrari.

CONSILII ET INDUSTRIÆ EFFECTUS LXXIX.

res publica dissolvenda, bellicque intestini suscitandi occasio Consilio & Industria remota.

Moriens Ludovicus XII. Galliarum Rex duas reliquit filias, Claudiam & Renatam. Claudia Francisco Regi Galliarum nupsit; Renata autem, sapienti Procerum Gallorum *Consilio & Industria*, extraneum Galliarum collocanda in matrimonium censebatur; ne si alicui Galliarum potentissimo jungeretur, quod dimidiam maternæ hereditatis partem sequeretur, traheret, his oriri posset cum aliis liberis Franciscis ex Claudia susceptis, cum maximo pacis publico detrimento; timebatur enim, ne belli intestini semina inde provenirent. Itaque Renata Herculi Duci Ferrariensi in matrimonium data est. *7ovius in Alphonso Atestini vita.*

CONSILII ET INDUSTRIÆ EFFECTUS LXXX.

*Pax Consilio & Industria ab hoste impetrata
& excidium urbis impeditum.*

L Ampfacenis Alexander M. infectis armis immin-
nebat, propterea quod ad Regem Persarum ve-
defecissent, vel deficere attentassent. Missus a-
eum fuit Anaximenes Legatus, qui Alexandri & Ph-
lippi Patris res gestas diligenter descripserat, deprec-
rurus pacem. Cum verò Alexander, metuens, i-
Legatus veniam Lampfacenis exoraret, conceptis ve-
bis jurasset, se facturum omnia contra quam ille roga-
set. Hoc ergo, inquit Legatus, abs te peto, Rex, i-
Lampfacenorum conjuges & liberos in servitutem re-
degas, urbem totam excindas, & Deorum temp-
exuras. Hac Legati industria circumventus Al-
xander, Lampfacenis invitus pepercit. *Pausanias lib.*

CONSILII ET INDUSTRIÆ EFFECTUS LXXXI.

*A Venetis optimo Consilio & laudabili Ind-
ustria pax cum Turcis, metu gravio-
ris mali, inita.*


Veneti bello gravi à Solimanno Turcarum Im-
peratore pressi, ad pacem inclinabant. Fra-
nciscus I. Gallorum Rex, cum Venetam Reipub-
licam armis Turcicis ita cuperet attenuari, ut poss-
tam fortiter conatibus suis in Italia resistere non poss-
Legatum Venetias misit, qui mentione pacis inter C-
sarem & Regem Gallia injecta, ostentataque spe
auxiliorum, à Cæsare & Gallo adversus Turcas con-
reno

rendorum; non modo pacem, sed inducias etiam cum
 Solymanno dissuaderet: cum interea per Gallos Vene-
 torum decreta & consilia omnia, quorundam Patri-
 orum perfidia, Solymanno detegerentur: Veneti in-
 idias presentientes, pacem cum Turcis, vel iniquissi-
 na conditione, Nauplio & Epidauro traditis, pepigere.
Abell. Supplement. lib. 24. ex Jovio.

CONSILII ET INDUSTRIÆ EFFECTUS LXXXII.

*ex Consilio & Industriâ prudentis amici, etiam
 cum aliqua jactura dignitatis, bello præ-
 lata.*

Udovicus XI. Rex Galliæ bello à Carolo Fratre
 natu minore, qui cum Carolo Burgundo, & Fran-
 co Britanno fœdus percusserat, pressus; licet omni-
 Regum callidissimus haberetur; Francisci Sforciæ
 Mediolanensium Ducis *Consilio & Industriâ* usus, tem-
 ti cessit, & qualvis graves, durasque pacis conditio-
 suscepit: æquiore animo dignitatis, quam Regni ja-
 ram ferri debere persuasus; donec fœderis inani
 specie elusos, disjectis ac dissipatis eorum viribus,
 opprimeret. *Brutus lib. 1. Histor.
 Florent.*



DISCURSUS QUADRAGESIMUS OCTAVUS.

EX POLITICA.

Complectens Regulas particulares, ad gubernandam benè Rempublicam accommodatas.

CAPUT I.

Regula Platonica.

REGULA I.

De Prudentiâ & Fortitudine Principis.

Princeps ac Magistratus quilibet debet esse & prudens & fortis. Prudens, ne ex imperiti vulgi iudicio pendeat: fortis, ut quæ salutaria sunt, constanter exequatur. *Plato lib. 2. de Legibus.*

REGULA II.

Bonum commune in Republica sollicitè procurandum esse.

Summa Principis aut Magistratus in eo cura est, ut cives omnes in communi Reipublicæ salutem sanctè & honestè tuenda consentiant. *Plato ibid.*

REGULA III.

De pravis peregrinorum moribus non imitandis.

Ne in vestitu, victu, cæterisque huiusmodi civis peregrinorum intemperantes mores discant, diligenter prospiciendum, ac cavendum bono Principi. *Ibid.*

R.

EX POLITICA.

675

REGULA IV.

De Legibus Convivialibus.

Leges conviviales neque sint nimium laxæ, neque nimium severæ. *Plato citatus supra.*

REGULA V.

Nimia Principum licentia Reipublica pernicioſa.

Infinita potestas etiam in Regibus ipsis, quæ se legum vinculis coerceri non patitur, est certissima Regni ac Reipublicæ ruina, & proximè occasuræ prognosticon. Contra quam remedium est, ut leges observentur etiam ab ipso Principe, idque facere cogatur ab Ordinibus Regni vel invitus. *Plato lib. 3. de Leg.*

REGULA VI.

De Celeritate & Opportunitate agendi.

In rebus humanis secundum Deum agendi opportunitas & celeritas valet plurimum. *Plato lib. 4. de Legibus.*

REGULA VII.

Leges dominantur Magistratui.

Pessimè regitur ea civitas, in qua non leges præstant, sed voluntas Magistratum. Optimè vero illa, in qua leges dominantur ipsis Magistratibus. *Plato lib. 4. de Legibus.*

REGULA VIII.

Opes nimia Reipublica noxia.

Nimiæ opes divitiarumque copia Reipublicæ pernicioſa. Nam ex illa insolentia, dissidia, & immanis luptatum fœdissimarum usus & luxus oritur. *Plato lib. 5. de Legibus.*

REGULA IX.

Coercenda Lucri appetentia.

Lucri faciendi modus in Republica est Legibus

definiendus, ne quavis ars pecuniaria liceat, aut quodvis lucri genus concedatur. *Plato lib. 5. de Legibus.*

REGULA X.

Educatio Juventutis.

Adolescentiæ recta institutio est publicorum negotiorum omnium maximè ferium. *Plato lib. 6. de Leg.*

REGULA XI.

Officii ratio reddenda.

Nullus Magistratus à reddenda sui muneris ratione immunis esto. *Plato citatus.*

REGULA XII.

Mutatio rerum externarum cavenda.

Rerum externarum, ut ludi, suppellectilis, vestitus victus mutatio, semper est periculosa Reipublicæ morum enim immutationem simul affert. *Ex lib. 7. Platonis de legibus.*

REGULA XIII.

De Editionibus Scriptorum.

Ne quod scriptum in lucem edatur incio Magistratu. *Plato citatus.*

REGULA XIV.

De vitanda & punienda disputatione contra Deum ac Religionem.

Nequaquam in Republica bene morata tolerandæ disputationes contra DEUM, & ejus providentiarum Mala est enim consuetudo contra Deum disputandi sive id ex animo fiat, sive simulatè. Deinde eorum hominum voces coercendæ, qui ajunt, religionem esse hominum commentum, aut institutum, ut majoris cujusdam & augustæ potestatis metu homines incio continerentur. *Ex lib. 10. Platonis de legibus.*

REGULA XV.

Ignava mendicitas prohibenda.

Mendicitas otiosa & ignava non est in Republica toleranda, sed cogatur unusquisque victum sibi honestis artibus comparare. *Plato lib. II. de legibus.*

CAPUT II.

Regula Aristotelica.

REGULA I.

De iis rebus, quibus potissimum Respublica conservatur.

1. A, quæ maximè Rempublicam conservant, sunt, 2. Bonarum legum inviolabilis auctoritas. 3. Magistratum in munere obeundo prudentia, diligenter, alacritas. 4. Populi adversus Magistratus obsequium. 5. Civium inter se concordia. 6. Juris cuique sui, bonorum tuta possessio & conservatio. 7. Pauperum & inopum Civium publicum sublevamentum. 8. Equabilitas inter Cives, & pro conditione cujusque honoris, locus, & gradus assignatus. 9. Partium in Republica diversarum justum quoddam inter se temperamentum, ne una pars alteram opprimat, aut nimis possit. 10. Ea Reipublicæ forma, ut otiique dulcedine, quæ faciat, ut omnes præsentis rerum statu contenti sint. *Aristoteles lib. 5. Politic. c. 7. 8. 9.*

REGULA II.

De qualitate commerciorum.

In commerciis Civium cum peregrinis maximè cavendum est, ne civium boni mores externorum mercatorum lascivis, aut moribus turpibus corrumpantur. *Aristoteles lib. 6. Politic.*

REGULA III.

De foro pro commercijs constituendo.

Quia sine foro commercia esse non possunt, forum rerum venalium commodè exstructum, unum vel plura esse oportet: Civium quidem aut vicinorum inter se, intra urbem: peregrinorum autem remotiorum, extra urbem. *Aristot. lib. 7. c. 12.*

REGULA IV.

De discrimine inter Reges & Tyrannos.

Noverint Reges discrimen inter Reges & Tyrannos: quod in hisce consistit. 1. Reges à Civibus custodiuntur, Tyranni ab extraneis. 2. Reges amant suos Cives, & ab iis vicissim amantur: Tyranni eos odierunt, imò ipsosmet satellites suos metuunt. 3. Reges sublevant subditos suos tributis quantum possunt Tyranni eos onerant, ut exhaustiant & opprimant. 4. Reges nobilitatem Regni & viros bonos alunt, fovunt & conservant: Tyranni eosdem vi vel clam tollunt. *Aristoteles lib. 5. Politic. c. 10.*

REGULA V.

Uni non esse imponenda plura officia.

In Republica uni & eidem plura munera publice delegentur, sed singula singulis. Unum enim ut gerendo idoneum esse, multum est. *Aristoteles lib. de Politic. cap. 7.*

REGULA VI.

Magistratus non debere esse perpetuos.

Perpetui Magistratus non solent esse tam sine quam si ad tempus duntaxat eligantur. Et vices prestandi ac imperandi inter cives esse, longè tolerabilius est. *Aristoteles lib. 6. Politic. c. 2.*

REGULA VII.

De bono situ Civitatis.

Urbs commodo loco ponenda est, ubi & reliqua

ad hanc vitam necessariis abundet, & adiri commodè
possit à civibus, difficile verò ab hostibus. *Aristote-*
les lib. 6. Politic. c. 7.

REGULA VIII.

De eodem.

Bonus censebitur Urbis situs, si salubris eo loco sit
aër, si in colliculo statuatur, aut editiore loco & libero
in prospectum: si ad Solem orientem spectet: si
egrediendi & ingrediendi ratio, utpote flexuosa, ci-
vibus sit facilis, hostibus & extraneis difficilis. *Ari-*
stoteles lib. 7. Politic.

REGULA IX.

Civitas non sit nimis magna.

Civitas non eò felicior est, quo majore numero ci-
vium constat. Parvam enim præfert immensæ *Aristo-*
teles, quòd parva melius regatur. *Aristoteles lib. 7.*
ap. 4.

CAPUT III.

Regula Pliniana ex Plinii Secundi Panegyrico
ad Trajanum.

REGULA I.

Requisita in Consiliario Principis.

IN Consiliario Principis tria maximè requiruntur:
Libertas, fides, & veritas.

REGULA II.

Princeps assentationes oderit.

Princeps ut se hominibus imperare norit, ita se-
sum hominem quoque esse cogitet. Itaque voces
laudes, quæ Numini soli debentur, tanquam puti-
ssimas assentationes oderit.

REGULA III.

De præcipuis Principis Virtutibus.

In Principe tres maxime virtutes prædicantur: Pietas, Abſtinentia ſeu Temperantia, & Manſuetudo, ſeu facilitas eum adeundi.

REGULA IV.

De Successore Principis.

Optima prædeceſſoris Principis laus ſi ſucceſſorem bonum elegit & reliquit.

REGULA V.

De reddenda à Principe ratione.

Aſſueſcat Princeps cum Republica calculum ponere, & accepti expenſique rationem illi reddere.

REGULA VI.

Plebs non negligenda Principi.

Princeps fruſtra Rempublicam, plebe neglecta (velut defectum corpore caput, ac mox nutaturum) tueri ſtudet, & ſe poſſe putat.

REGULA VII.

De cura itinerum, portuum, commerciorum & annonæ.

Eſt boni Principis curare, ut itinera, portus & commercia ſint in toto regno tuta & libera: proſpicere item annonæ, & ſi qua ipſius regio inopia frumentis premitur, eam ſublevare.

REGULA VIII.

De Fiſco ſub bono Principe.

Fiſcus nunquam inops, aut nunquam ipſius maior cauſa eſt, niſi ſub bono Principe.

REGULA IX.

De Custodia Principis.

Fidelissima Principis custodia est ipſius innocentia.

REGULA X.

Nota boni Principis.

Notæ boni Principis ſunt 1. Si ſub eo malos Principes infectari liceat absque periculo. 2. Si ſubdiſ, & præſertim ipſis provinciis inter ſe diſſidentibus ſinceriffimè & promptiffimè jus dicat. 3. Si bonos amicos ſibi comparare ſtudeat. 4. Sinobis familias, etiam collapsas, reſtituat, & bene meritas augeat ac foveat. 5. Si ita det arma militibus, ut iis, utantur in ſe ipſum, ſi in Rempublicam eccet.

REGULA XI.

Aulicis detractoribus non eſſe præbendam aurem.

Nullis Aulicis à bono Principe minùs credendum, quàm iis, qui contra famam publicam ſuſurros illi de quo malos clam inſtillant. Meliùs enim omnibus, id eſt, famæ, quàm ſingulis, præſertim talibus creditur.

REGULA XII.

De Obſervantia Legum.

Non eſt Princeps ſupra leges, ſed leges ſunt ſupra principem.

REGULA XIII.

De cavenda fraudulentia.

Nunquam à quoquam deceptus eſt Princeps, niſi priùs alios ipſe decepit.

REGULA XIV.

De amore Principis.

Diligi Princeps, nisi ipse diligat, non potest.

REGULA XV.

Princeps bonus, quam felix dici malit.

Honestius est ad posterorum memoriam dici optimum Principem, quam felicem. Illud enim est virtutis, hoc fortunæ.

REGULA XVI.

Magistratus virum arguit.

Tunc verissimè judicatur, meruerit quis honorem nec ne, cùm eum adeptus est; nam Magistratus virum arguit. Prudenter tamen dijudicandi & examinandi prius sunt ii, quibus honores commendantur.

CAPUT IV.

Regula Liviana.

REGULA I.

Quid faciendum sit populo imbecilliori, si laesus sit à valentiore?

Vana est sine viribus ira. Itaque quantumvis injuria sit imbecilliori populo facta, illa tamen ab eo dissimulanda; vel demum vicinorum viribus adjunctis (ut pares esse possint potentiori) ulciscenda est.
Livius Decade 1. lib. 1.

REGULA II.

De Legatis scævum aliquid in nos molientibus tempore Legationis.

Legati, qui tempore & prætextu Legationis aliquid scævum in nos moliantur, puniri quidem possunt, honestius tamen ad suos cum querimoniam de ea Legatorum injuria & consilio remittuntur, *Livius Decade 1. lib. 2.*

REGULA III.

Quid agendum Novo Magistratui ?

Ne plebs veterem statum, novo repudiato repetat, prospiciendum est ac curandum iis, qui novo illi Magistratui præfunt, ut plebem tenuiorem multis oneribus sublevent, beneficiis deliniant, denique efficiant, ut se sub hoc novo statu longè feliciorum sentiat, quàm sub priori. *Livius Decad. 8. lib. cit.*

REGULA IV.

Non simul omnes subditi irritandi.

Cujusvis Principis vis tota in obedientium consensu sita est. Itaque magnopere cavendum, ne Princeps suos subditos omnes in se suâ sævitiâ concitet. *Ibid. lib. 2.*

REGULA V.

Temeritati plebis comitate obviandum esse.
Adversus plebis temeritatem nunquam Procures Senatus ira cerrent, sed comitate. *Ibidem.*

REGULA VI.

Quæ populo grata sunt, non vi eripienda.
Quæ populo grata sunt & commoda, vix illi eripias. Quæque vel concedenda, si cum iustitia aut salute Reipublicæ non pugnent: vel aliis beneficiis oblati ea non adimenda. *Livius lib. 3.*

REGULA VII.

Quod plebs frequenter sit contenta jure honoris, nec usum desideret.

Sæpe plebs potius ipso jure & honore sibi concessæ potestatis contenta est, quàm illius usu; ne videlicet à potentioribus videatur spreta, si jussu illi negetur.

REGULA VIII.

De largitionibus in statu Democratico.
In Democratico statu non tolerandus, qui plebis animum

animum privatis largitionibus (quæ ex publico fieri debent) delinir, & sibi sic conciliat, ut ex eo uno plebs in omnibus, velut ex Rege, pendeat. *Lib. 4.*

REGULA IX.

De subjectione Magistratûs in Statu Democratico.

In Democratico populi statu, usquequo Magistratus omnes populo subjiciantur, & communicentur, nulla quietis spes. Ubi iidem plebi subditi fuerint summa quies. *Lib. 4.*

REGULA X.

Providendum, ne Religio heterodoxa in Rempublicam irrepat.

Pestis, aut fames, aut bellum, aut quævis alia diuturna & publica calamitas, ut plurimum prætextus affert, ut multiplex & externa Religio tunc invadat Rempublicam, ac convalescat. Itaque tunc temporis, nequa inducatur veræ Religionis corruptela, maxime cavendum est à Magistratu. *Lib. 4.*

REGULA XI.

Plebs irritata delinienda.

Irritari plebis animi à potentioribus, sunt ab iisdem beneficiis deliniendi, non vicogendi. Sic sæpe Senatus Romæ egit. *Lib. 4.*

REGULA XII.

De reedificatione Urbis, incendio destruetæ.

Ad Urbem prius incendio consumptam citò reedificandam, debet Respublica ædificantibus materiam gratis, vel minimo pretio concedere: eosdemque privilegiis & prærogativis donare, velin perpetuum vel ad tempus. Sic Roma à Gallis exusta reedificata. *Lib. 6.*

EX POLITICA.

685

REGULA XIII.

Auctoritas Principum, populi consensu & viribus nititur.

Principes & Magistratus in populo regendo, imperioque tuendo, sese consensu hominum subditorum, & Dei auctoritate niti intelligant potius quam viribus propriis. Nam ubi populus vires suas semel agnoscit & æstimat, facillè Reges de folio dejicit. *Livius lib. 6.*

REGULA XIV.

De Pactis Principum in totius Regni detrimentum.

Princeps in totius Regni incommodum absque Ordinum consensu nihil pacisci, vel spondere potest. Non enim est Dominus regni usquequaque absolutus, sed potius ex legibus Administrator. Itaque soli Ordines de ipso Regni jure quidpiam imminuere possunt. Quapropter hujusmodi promissa à Principe facta sunt nullius valoris. *Lib. 9.*

CAPUT V.

Regula ex Annalibus & Historiis Cornelii Taciti.

REGULA I.

De Successoribus in Regnis Electivis.

In Electivis Regnis paulatim producendi, & in ignorum honorum consortium vocandi maturè àstantibus ii, quos sibi succedere cupiunt. Sic Augustus Cæsar successorem suum Tiberium evexit ad imperium. *Lib. 1. Annal.*

RE-

REGULA II.

De stabiliendo novo Principatu.

Ut novus & insolitus populo Principatus confitemetur, & libentius suscipiatur, veterum, & jam notorum Magistratuum nomina sunt retinenda, minimeque mutanda. *Annal. lib. 1.*

REGULA III.

De retinenda Ordinum Respectu Principis auctoritate.

Reipublicæ Ordinum & Procerum ad Principem nimis humiles preces, & servilis adulatio, eum a bono Principe faciunt Tyrannum. Sua enim a Consilio publico etiam in Principem auctoritas est servanda. *Ibidem.*

REGULA IV.

De Ingenio Vulgi.

In vulgo nihil modicum: terret, ni paveat: ut pavere ceperit, impunè contemnitur. Tamen utile est & collectum, & adhuc armatum vulgus, comitate permulcendum est, non armis & fortioribus remediis irritandum. *Lib. 1. Annal.*

REGULA V.

De Popularitate Principis.

Populi favorem popularitas Principi conciliat; vulgi si ludis, publicisque populi voluptatibus ipse frequens interfit. Sic Augustus Cæsar intererat ludis publicis. *Ibidem.*

REGULA VI.

Colendi, qui in spem Imperii aluntur.

Qui in spem Imperii aluntur, etiam privati colendi. Nam meminerunt in Imperio huiusmodi contemptus de se facti, & eos, qui se contempserunt, aluntur.

gunt, atque odio prosequuntur. Sic Tiberius Cæsar Archelaum Cappadociæ Regem odio habuit. *Ibidem.*

REGULA VII.

De dilatione sententiæ Capitalis.

Judicium Capitalium sententias, etiam Principis ipse, ad tempus aliquod differri satius est, quàm statim executioni mandari, quò maturiùs deliberentur, & examinentur. *Lib. 3. Annal.*

REGULA VIII.

De eligendo successore, vivo Regnante.

In Regnis electivis, quò seditiones vitentur, satius est quempiam Virum bonum, nobilem, & bene de Republica meritum, ex Ordinum sententia designari, etiam adhuc vivente Principe, ad Imperii successionem, quàm incertum relinqui, quis eo mortuo sit successurus. Sic Augustus Tiberium designavit, Tiberius Nerva Trajanum. *lib. 3. Annal.* Quam Taciti sententiam non probo, si vel alio modo seditiones evitari, & securitati publicæ consuli possit: vel graviora mala ex hujusmodi anticipata electione in Rempublicam redundant.

REGULA IX.

Principi non exprobanda beneficia.

Principi collata beneficia neque obscure, neque aperte sunt à privatis, vel Proceribus illi exprobanda, nimium jactanda. *Lib. 4. Annal.*

REGULA X.

Magistratus faciat ipse, quæ facta cupit.

Quæ Magistratus vult & citò & accuratè esse peracta, ipsemet curet, neque alii deleget. *Lib. 4. Annal.*

REGULA XI.

Habendam esse curam boni nominis.

Plerumque evenit, ut qui Principes famam hominum contemnunt, iidem etiam contemnunt virtutes, & præ-

præclarum quidpiam, dum vivunt, agere negligent.
Lib. 4. Annal.

REGULA XII.

De Aulicis Regimen affectantibus.

Hæ sunt Aulicorum gubernacula Reipublicæ affectantium artes, ut Principes à rebus publicis cognoscendis avertant, illisque voluptates pro hujusmodi tædio objiciant, aut in secessus aliquos & peregrinationes procul à Consilio publico abducant. Tunc enim ipsi rerum omnium arbitri sunt. Ita Sejanus Tiberium Cæsarem abduxit. *Lib. 4. Annal.*

REGULA XIII.

De coercendis delatoribus & accusatoribus.

Delatorum & Accusatorum præmia aut omnino tollenda, aut moderanda. Ita censuit Senatus Romanus sub Claudio. *Lib. II. Annal.*

REGULA XIV.

De extraneis in Senatum admittendis.

Etiā extranei, modò fidi, prudentes, ingeniosi, & Reipublicæ utiles, sæpe possunt, imò debent ad Reipublicæ gubernacula & Senatum admitti. Hoc Claudius Imperator in Senatu diffinit. Unde multi à venæ Romæ Senatores facti. *Lib. II. Annal.*

REGULA XV.

Securitati potius, quàm vindictæ consule.

Princeps quantumvis graviter offensus, prius securitati, quàm vindictæ consulat. Sic amici ad Claudium. *Lib. II. Annal.*

REGULA XVI.

Prognosticon futuri Principis.

Quale sit futurum novi Principis ingenium & regimen, apparet ex iis, quos primos muneribus publicis

proficit. Si enim bonos & egregios Viros eligit amicos & Magistratus, bonum & felix futurum est Regimen: sin malos, & gratiâ, pecuniâ, vel ambitu potius, quam virtute subnixos admovert, infelix futurum est. *ib. 13.*

REGULA XVII.

De suspecta mutatione Aulicorum.

Repentina Aulicorum, qui consilia & mores Principis improbant, & postea eosdem laudant, mutatio, semper infidiosa & suspecta censeri debet. *Lib. 13. in mal.*

REGULA XVIII.

Metui velle à Principe, periculosum.

Periculosum est, neque unquam cuiquam subditi ne ac feliciter tandem cedit, si se à suo Principe metuit. *Lib. citat.*

REGULA XIX.

Mercenarium praesidium fluxum.

Nihil tam fluxum est, quam potentia Principis non vi nixa, sed alieno duntaxat favore. *Ibid.*

REGULA XX.

Princeps iratus placandus.

Est prudentum Consiliariorum, iratum Principis non lenire, non accendere: & detractorum, agitorum fraudibus obviam ire. Sic Seneca & Neronem Agrippinæ iratum placarunt. *Ibid.*

REGULA XXI.

De repentina Principis mutatione.

Crudelis & feri Principis animus iratus prius in clementiam est suis, & statim postea mutatus, & in eundem comis ac blandus, certissimum est exitii in eum constitutum, ac brevi exequendi prognosticum. Nemo in Agrippinam Matrem. *Lib. 14.*

REGULA XXII.

De Artibus Principem dedecentibus.

Maturè in earum artium odium inducendus Princeps, quæ eum dedecent, ut Aurigarum, Ludionum, Citharistarum, Pictorum, reliquarumque similium. Principis enim in hujusmodi rebus occupatio ac studium, tum illi parat dedecus ac contemptum, tum cura Reipublicæ avocatum, denique ingenio stolidum reddit. *Lib. 14. Annal.*

REGULA XXIII.

De Aulicis ex aula maturo discessu.

Aulicum prudentem, ubi animum Principis esse mutatum, & crescere, qui sibi invident, agnoscere oportet discedendi ex aula honestam veniam mater petere, honoribusque cedere, quam pati, ut ex ea ciatur à Principe. *Lib. 14. Annal.*

REGULA XXIV.

Anarchia in Republica periculosa.

Præstat sub malo Principe esse, quam sub nulla. *Lib. 1. Histor.* Patet hoc ex bellorum civilium exemplo post mortem Neronis.

REGULA XXV.

De ingenio plebis.

Difficile est plebi vel totam Libertatem pati, vel tam servitutem. *Lib. 1. Histor.*

REGULA XXVI.

De retundendo sceleratorum impetu.

Scelera impetu, bona consilia morâ convalescere. Itaque primus sceleratorum impetus primo quo tempore vel infringendus est, vel objectis impedimentis ad tempus retardandus, ut evanescat. *Ibid.*

REGULA XXVII.

Consilia statim exequenda.

Nullus cunctationi locus est in eo consilio exequendo, quod non potest laudari nisi peractum.

idem.

REGULA XXVIII.

De subtrahendis furori plebis.

Quos furori plebis subtrahere velis, vincias, & quoad maiorem pœnam destinatos custodias. Sic vilis servatus sub Vitellio, sic Marius Celsus sub chone. *Lib. 1. Histor.*

REGULA XXIX.

Consilia media non semper probanda.

In rebus desperatis, & in quibus remedio citissimo opus, semper est terribilissimum media consilia ancilia, aut cunctationes sequi. *Lib. 3. Hist.*

REGULA XXX.

Imperii munimenta Liberi Principis.

Non legiones, non classes perinde sunt firma Imperii munimenta, quam numerus liberorum; in Rebus tamen electivis sæpè gravissima bella inter eos trahuntur. *Lib. 4. Histor.*

REGULA XXXI.

Princeps qualiscunque tolerandus.

Quomodo sterilitatem, nimios imbres, & cetera naturæ mala toleramus; ita luxus, avaritia &c. hominum tolerantia. *Ibidem.*

CAPUT VI.

Regule ex Historiis Herodoti.

REGULA I.

De non permittendis homini privato armis & militibus.

Tyrannidem facile in Rempublicam usurpat, & arma tractare, & milites habere ad sui custodiam speciali privilegio præ cæteris licet. Itaque hæc mini in Republica sunt concedenda. *Lib. 1. Histor.*

REGULA II.

Non sit difficilis aditus ad Principem.

Princeps ad tyrannidem sibi parat viam, qui vel paucis, vel nullis subditis suis concedit, ut ad sese absequi internuncio accedant. *Lib. 1. Histor.*

REGULA III.

De communi totius Gentis Consilio constituendo.

Ad pacem inter ejusdem Gentis & Linguae Respublicas liberas colendam, necesse est commune quoddam totius Gentis concilium constitui, in quo detius gentis controversiis rebusque communibus consultetur & statuatur. *Lib. 1. Histor.*

REGULA IV.

Cives vita suæ rationem reddant.

Demonstrent apud Magistratum tenues, tum civi seu incolæ, tum peregrini, quâ ratione victum tibi comparent: ne furtis & latrociniis abundet urbs, & Regio, in qua id negligitur. Hoc Amasis Rex Aegypti & Solon lege statuerunt. *Lib. 2. Histor.*

REGULA V.

De extraneis Mercatoribus.

Extraneos Mercatores, unius & ejusdem mercis, certam & eandem Regni & Reipublicæ Urbem accedere, quàm per totam Regionem liberè vagari, satius, ne pro mercatoribus fiant exploratores: & ut utrius cuique merci extraneæ sit locus destinatus. *ib. 2. Histor.*

REGULA VI.

De exploratione Regni sub specie munerum.

Sub specie munerum mittendorum maximæ regni explorationes fiunt. Ita Cambyfes exploravit Æthiopum. *Lib. 3. Histor.*

REGULA VII.

Novus Princeps beneficentiâ sibi subditos conciliet.

Novo Principi magnam subditorum benevolentiam conciliat liberalitas in eos, tributorum ratio, onerum immutatio, privilegiorum concessio. *Ibidem.*

REGULA VIII.

De ratione asservandi thesaurum publicum.

thesaurus publicus, quodque in eo aurum & argentum ad publicas necessitates reservari debet, melius in fideltas vel laminas confusum, aut conditum, liquesfactum asservatur, quàm in moneta jam cussa: tunc minùs facilè patet furibus, vel expenditur. fuit ratio asservandi Regii thesauri in Perside. *ib. Histor.*

REGULA IX.

Non oneranda Provincia Limitanea.

Limitaneæ Regni & Reipublicæ regiones non sunt tam gravi tributo, quàm Meditullianæ, oneranda quantumvis illæ sint opulentæ: ne fatigatæ rebellent ac desciscant. Darius quosdam populos minimè tributarios fecit, quod essent Limitanei, ut Colchi & Æthiopes. *Ibidem.*

REGULA X.

De dissimulatione novo Principi necessaria.

A novo Principe & nondum satis confirmato nihil in quempiam est proceribus gratiosum populo, aut potentio-rem, quantumvis meritum, vi apertâ retinendum est acerbius, sed multa ad tempus dissimulanda. *Lib.3. Histor.*

REGULA XI.

De Proceribus Principi suspectis.

Proceres, qui ob potentiam Principi suspecti sunt, sub honesto prætextu, verbi grat. legatione obeundæ &c. abducendi sunt. *Lib.5. Histor.*

REGULA XII.

De eodem Argumento.

Cum quis magni jam apud populum nominis, commendatus ac deprecandus est, ut id absque murmure & seditione fiat, debet alterius jam commendati nomine, quoque viri oppositis laudibus & cooptatione sensim communi ac dimoveri. *Ibidem.*

REGULA XIII.

De Exterminatione sceleratorum Procerum.

Eorum Procerum, aut familiarum, quas de Reipublica exterminari oportet ob perpetrata scelera, omnes

regia monumenta, præsertim publica, sunt vel
 orius tollenda, vel commutato nomine aliis tri-
 endenda. *Lib. 5. Histor.*

REGULA XIV.

Sententia in Concilio debent esse libera.

Summus Princeps, aut qui Concilio præest, æquo
 imo ferre debet, ut contrariæ sententiæ dicantur.
Lib. 7. Hist.

REGULA XV.

De moderatione in periculis.

Qui omnia pericula timet, nihil aggreditur: qui
 illa, facillimè perditur. *Lib. 7. Histor.*

REGULA XVI.

Adjumenta Exactionum.

Magna ad pecuniam à populo & subditis exigen-
 ti sunt adjumenta, Suadela & Necessitas. *Lib. 8. Histor.*

REGULA XVII.

Impedimenta Exactionum.

Magnarum agendarum, imprimisque pecuniæ
 subditis obtinendæ impedimenta sunt seditio &
 opia, seu impossibilitas. *Lib. 8. Histor.*

REGULA XVIII.

De divisione pecuniæ publicæ.

Pecuniæ publicæ, quæ viritim sine ulla necessitate
 ut civibus dividendæ, commodius in publici ali-
 us operis ædificationem usumque convertuntur,
 am viritim singulis civibus non egenis distribuun-
 tur. Sic pecuniæ Atheniensium ex consilio The-
 stoclis in structuram navium conversa est. *Lib. 7. Histor.*

CAPUT VII.

Regula ex Historiis Thucydidis.

REGULA I.

De viribus Reipublica mercenariis.

Ea Respublica facilè vinci potest, cujus vires sunt mercenariæ & extraneæ, non vernaculæ. *Lib. 1. Hist.*

REGULA II.

In Reipublica calamitate utilitas sæpe dignitati preponenda.

Quidquid ex æquitate & justitia faciendum est, licet sæpe non ex dignitate Reipublicæ fieri videatur, nihilominus faciendum est, ut bellum & calamitas imminens evitetur. *Lib. 1. Hist.*

REGULA III.

Illæ Respublicæ sunt dives & felix, quæ publicè dives & felix est.

Præstat Rempublicam publicè esse felicem, tantam & divitem, quàm singulos & privatos; nam illa felice, & hi quoque servantur: his solum beatis, illâ verò miserâ, tandem & ipsi evertuntur. *Lib. 2. Hist.*

REGULA IV.

De observantia legum in civitate.

Meliùs agitur cum civitate, in qua legibus, licet haud ita æquis, parètur, quàm cum eâ, in qua sunt quidem leges æquissimæ, sed quibus vel non parètur omnino, vel pro libitu tantum ejusque. *Lib. 3. Hist.*

REGULA V.

Tres causa ruina Civitatis, vel Reipublica.

Tres sunt causæ cladium in Civitate vel Republica. 1. Nimia in peccantes lenitas. 2. Nimia otii & voluptatum fruendarum & retinendarum pertinacia libido. 3. Nimia inanium Oratorum licentia & auctoritas, qui nos verbis potius demulcent & daces faciunt, quàm factis & re tutos præstent, *idem.*

REGULA VI.

Optimatio conservandi fœdera illibata.

Fœderum illibatorum conservandorum optima exitissimaque ratio est, si ab iis, qui fœdera paciuntur, commune aliquod Concilium, quod de eorum inter se controversiis postea cognoscat & judicet, communi consensu constituatur. *Lib. 5. Hist.*

REGULA VII.

De duplici ærario Reipublica.

Præter ordinarium ærarium, quod publicis sumptibus ordinariis sit destinatum, aliud quoque ad extraordinarias clades & calamitates sublevandas seorsanctequè reservatum in quaque Republica esse oportet. *Lib. 8. Hist.*

CAPUT VIII.

Regula ex Xenophonte de Pædia Cyri.

REGULA I.

Infelix Princeps, qui omnibus subditis odiosus est.

Unquam committendum Principi, ut omnibus suis subditis sit simul odiosus & exosus; tunc enim proriebit. *Lib. 5.*

REGULA II.

Devictis populis arma adimenda.

Bellicosius populis victis adimenda sunt arma; ludicri
convivia, lucra ex mercimoniis duntaxat relinquenda.
Ita Cyrus devictos Lydos tractavit. *Lib. 7.*

REGULA III.

De optima Principis custodia.

Optima Principum custodia, eorum virtus, & sub-
ditorum benevolentia. Cyri sententia. *Lib. 7.*

REGULA IV.

De Regum exploratoribus.

Regibus multi oculi, & aures habendæ, id est, mul-
ti homines fidei, qui verè referant ea, quæ passim fiunt,
& audiuntur. *Lib. 8.*

REGULA V.

Præfecti Provinciarum raro mutandi.

Qui præpositi benè & fideliter commissas sibi pro-
vincias regunt, ii vel nunquam, vel raro sunt mu-
tandi. Consilium Cyri. *Lib. 8.*

REGULA VI.

Præfectus Provinciarum adjungendi inspectores.

Ne qui provinciis præsent, summum in eas impe-
rium sibi usurpent, & à Republica vel Rege deficient,
adjungendi iis alii, qui sint vel pecuniarum quæsto-
res, vel urbium Præfecti, & tanquam Præsidum
Provinciae inspectores, mutuoque alii aliorum obser-
vatores. Sic Cyrus Satrapas allegit Præsidibus à se
jam constitutis.

REGULA VII.

*De extraordinariis Præfectorum Provincia-
lium inspectoribus.*

Annuatim inspectores in singulas Provincias cum
pote

est ate extraordinaria mittendi, qui regionis statum
 ognoscant, subditorum querimonias audiant, ac Præ-
 dum consilia intueantur, ac emendent ipsi, vel ad Re-
 em referant. *Lib. 8.*

CAPUT IX.

Regula varia ex variis Authoribus.

REGULA I.

Quanam sint opes urbium?

Opes urbis esse existimo, socios, fidem, benevolen-
 am. *Demosthenes.* Hinc Jonathan Maccabæus
 tum cum Romanis fœdus renovavit, & Spartanos in-
 tuam recepit amicitiam.

REGULA II.

Quomodo sit consultandum.

Quid fieri debeat, tractato cum multis: quid ve-
 fecturus sis, cum paucissimis, vel potius ipse recum.
Regius.

REGULA III.

Quomodo sit regnandum?

Qui vult regnare, languida regnet manu. Violenta
 mo imperia continuit diu. *Seneca.*

REGULA IV.

Magistratus non sint perpetui.

Imperandi patendique vicissitudo reprimat ingenia
 stuola, nec inebriari nimia licentia sinat. *Dionysius*
alicarnassensis. Hinc ejectis Roma Regibus constitu-
 tus est Senatus, dignitasque Consularis. Ne vero diu-
 rnitate imperii inolescèrent Consules, annuus is
 magistratus, & quidem duplex decretus, ut alius ab alio
 officio contineretur.

REGULA V.

*Malè regit, qui metu regit.**Multis terribilis caveto multos. Ausonius.*

REGULA VI.

*De sedanda factione Nobilitatis.**Nobilitatis factio maturè semper disturbanda, ad eamque rem efficiendam liberras populo proponenda. Sallustius lib. de Republica ordinanda.*

REGULA VII.

*Quenam in Republica maximè sint moderanda?**Tria maximè moderanda, vestigalia, sumptus publici, & judicia forensia. Idem ibidem.*

REGULA VIII.

*Oppressio plebis est oppressio Reipublicæ.**Plebs oppressa & spoliata, se, & Rempublicam facillè venalem habet. Idem ibidem.*

REGULA IX.

*Noscendum populi regendi ingenium.**Populi, quem regendum susceperis, mores imprimis noscendi: nec licet mali, statim, sed pederent mutandi. Plutarchus de civili administratione.*

REGULA X.

*Rempublicam capeffens qualis esse debeat.**Rempublicam capeffens 1. ea vitia sua, quæ maximè apparent, quamprimum mutet: postea verò reliqua. 2. Eatenus sit peritus dicendi, quatenus aliena voce ad animi sui sensa explicanda non egeat: imò populum movere possit oratione. 3. Non modo claro alicui viro se adjungat, sed etiam bono. 4. Non cuncta civitatis consilia aut decreta ad summum magistratum referat; sic enim meticulosa redditur Respubli-*

publica, & tandem in servitutem redigitur. 5. Cæteros Magistratus, maximè verò collegas suos, & in eodem munere versantes, consensu & concordia foveat. 6. Ad ea, quæ ipse per se præstare non potest, adsciscat libenter peritiores, per quos adjuvetur. Non sit lucripeta; qui enim talis est, à nullo unquam scelere abstinebit. *Idem ibidem.*

REGULA XI.

De Usurpanda Moderatione.

Citra modum potius, quam ultra modum consistas. *Socrates in Oratione ad Nicoclem.*

REGULA XII.

De Clementia in subditos.

Quàm acerbus Princeps est subditis & durus, tam durum Deum & ipse quoque experietur. Hostes armis domantur velut feræ, subditi mansuetudine & benevolentia velut oves. *Agapetus Diaconus.*

REGULA XIII.

Princeps ne sit contumeliosus.

Maledicta & contumeliæ in alium dedecent maximè Principem, & omnem dignitatem gravitatemque imit. *Cicero in Epistolis ad Q. Fratrem lib. 1.*

REGULA XIV.

Princeps ne sit inexorabilis.

Inexorabilem esse Principem præstat, quàm implacabilem, etiam in maximis injuriis sibi illatis. *Idem ibidem.*

REGULA XV.

De Principe, qui non est Oeconomus.

Princeps minimè æconomus, sed sua temerè dissipans, paulatim se suosque quoque exurit, ac deseritur tandem à suis etiam domesticis. *Plinius Cominatus.*

REGULA XVI.

Princeps Principi à se offenso non se committat.

Princeps summus ne alterius summi Principis, maxime cum quo antea vel bello vel verbis contendit, potestati unquam (si fieri potest) sese committat. *Cominatus.*

REGULA XVII.

Quomodo tractandi Legati.

Legati externi honestè quidem excipiendi, verumtamen & observandi, & cirò dimittendi, & iidem, si potes, in tuas partes trahendi. *Idem.*

REGULA XVIII.

Quid faciendum irrumpentibus hostibus?

Irrumpentibus hostibus vicinis sunt loca illis objecta munienda praesidiis validissimis, non autem actum statim decertandum. *Idem.*

REGULA XIX.

De morte Principum magna molientium.

Principes tunc maxime Deus eripit ex hoc mundo vel evertit, cum magna moliantur, sibi que videntur felicitissimi. *Cominatus cap. 50. de Carolo VIII. Reg. Francia.*

REGULA XX.

Quid faciendum cum protelatione opus est?

Ubi protelatione opus est, non statim respondenda, sed promissis & legatis semper novis, qui superius cum aliis acta nesciant, est agendum. *Cominatus cap. 116.*

REGULA XXI.

Conjugiis Regnum amplificandum.

Conjugiis sunt regna, ditionesque vicinae, quantum fieri potest, nostris adjungendae. *Idem cap. 116. & 117.*

EX POLITICA.

705

REGULA XXII.

De Modo Rempublicam conservandi.

Duabus rebus omnis Respublica maximè continetur: præmio & pœna. *Cicero ad Marcum Brutum.*

REGULA XXIII.

De injuriis à Principe remittendis.

Princeps privatas injurias sibi factas condonare potest, publicas verò, id est, Reipublicæ factas, aut aliis privatis illatas remittere non potest. *Philippi Macedonum Regis sententia.*

REGULA XXIV.

Quid sit agendum Principi in expeditione longinqua?

Principem longinquam expeditionem parantem, non modo regnum priùs componere, verum etià mandique cum vicinis populis pacem & securitatem habilitare oportet. *Polybius lib. 5.*

REGULA XXV.

In controversiis via media incunda.

Ubi neutra pars in pacta vel conditiones posita consentit, media quædam via, aut personæ utrique vendicandæ eligendæ aut proponendæ sunt, quæ postquam temperent. *Cominam cap. 41.*

REGULA XXVI.

De diffidentia prudente & imprudente.

Diffidentia prudens consilii fons est, at imprudens perpetua propriæ ruinæ & ingentium malorum conciliatrix: est autem imprudens, quæ ne mediis eodem prudenter provisus confidit. *Cominam*

RE.

REGULA XXVII.

Rarus sit congressus summorum Principum.

Principes summi aut raro, aut nunquam sese mutuo coram videant, si diu concordēs vivere, & alter in alterius admiratione esse velint. *Cominatus cap. 24.*

REGULA XXVIII.

Quomodo dissipanda sint seditiones?

Ad dissipandas seditionum hominum jam eollesas vires & consilia, quævis conditiones politicae quæ neque Dei cultum tollant, neque Regni leges fundamentales evertant, acceptandæ; modò Rei publicæ & Magistratui auctoritas sua salva maneat. *Cominatus.*

REGULA XXIX.

Pax melius pecuniâ, quàm armis emitur.

Pax tutius & compendiosius pecuniâ & comitatu emitur ab hoste, quàm certamine comparatur. Hoc modo eam emit Ludovicus XI. Rex Galliarum à Regem Angliæ.

REGULA XXX.

Quis censendus sit bonus civis?

Bonus civis est, qui non potest pati eam in sua civitate potentiam, quæ supra leges esse velit. *Ciceron. epist. 17. ad Brutum.*

REGULA XXXI.

Maximè necessaria in Republica præ aliis curanda.

Quæ præ aliis in Republica sunt necessaria, ea quæ præ aliis à Principe vel Magistratu curanda & constituenda sunt. Aristoteles porro 7. *polit. c. 8.* lex generatim constituit earum rerum, quæ Republicæ sunt omnino necessaria: videlicet victum, artificia, instrumenta

arma

ma, curam divini cultûs, & judicia publica. Danæus
erò *lib. 4. politic. c. 2.* septem recenset: videlicet me-
opolin, mercaturam, monetam, vias publicas, archi-
a, ædificia & opera publica, ac denique artificia.

REGULA XXXII.

Princeps non sit rebus vilibus intentus.

Principis inepti, & res ineptas, suæque Majestate
dignæ tractantis, hieroglyphica nota apud Ægypti-
erat *Elephas muribus venandis intentus*; qui labor
ntâ mole prorsus est indignus.

REGULA XXXIII.

Inepti à gubernatione civitatum removeantur.

Sex genera hominum Isocratis judicio à guberna-
lis civitatum repellenda sunt. 1. Quibus nemo
vativam quicquam credere audeat. 2. Qui corpora
probris & morbis contaminarunt. 3. Qui patri-
onia in turpes voluptates profuderunt. 4. Auræ
popularis captores & assentatores. 5. Qui ararium
populantur. 6. Qui populo invidiam constant &
ium.

REGULA XXXIV.

*Princeps ameliatur causas Rempublicam ever-
tentes.*

Causæ hujusmodi sunt multiplices: illæ autem
recipuæ, quæ hic commemorantur.

1. Enormiter delinquentium multitudo, & de-
quendi consuetudo; quando videlicet homines
titant quandam peccandi artem, quæ tandem in
temptum legum degenerat.

2. Atrociorum delictorum publicè concessa licen-
atque impunitas: quæ consuetudinem vertit in
udentiam, & mentes in effrænam rabiem agit, ut
ar brutorum erubescere nequeant, & scelera sceleribus

ribus annectere non desinant: donec eadem, clamore suo nubes penetrante, justam DEI vindictam provocent. Qua de re D. Bonaventura, Mali, inquit, mala sua, quod malorum ultimum est, amant: tunc autem consummata est infelicitas, ubi turpia non solum delectant, sed etiam placent, & desinit esse remedio locus, ubi, quæ antea fuerunt vitia, mores fiunt.

3. Tyrannis sive crudelitas; quæ secum trahit violentiam, fraudes, injurias, vindictæ cupiditatem, negligentiam in tuendis legibus, insanam regnandi libidinem, subditorum expilationem.

4. Autoritatis amissio; cum scilicet subditis imperitur vilis & abjecta opinio de Magistratu. Deficiente quippe autoritate, sequuntur mutationes imperiis exitiosæ. Quemadmodum autem consistit autoritas Magistratûs in sapientia, virtute, felicitate & benevolentia; sic amittitur imprudentiâ, malitiâ, infelicitate, & austeritate Principum.

5. Religionis & legum mutatio, quæ nunquam sufficitur sine magnis motibus. Quemadmodum enim in ædificio ruunt omnia uno tigno exempto: sic unius legis (sive Ecclesiasticæ sive Politicæ) mutatio, sæpe ruinam trahit omnium, præsertim si sit lex fundamentalis, & mutatio illius sit repentina & inopinata.

6. Scelerum impunitas; cum Magistratus se polluit societate scelerum, & eam ob causam non punit delicta.

7. Discordia civilis; quæ non est inter ejusdem Republicæ cives sententiarum diversitas (hæc enim est utilis), sed est bellum civile, primus ille, iisque gravissimus gradus ruinæ imperiorum. Odia siquidem intestina sunt implacabilia, & tantò crudeliora, quanto illiâ quibus geruntur, aut sanguine, aut alio amicitia vinculo se propius attingunt. Unde Politicorum

xioma est, quod bella civilia; vel potius incivilia non facile deponuntur; nisi patriâ vel funditus eversa, vel miserabiliter convulsa.

8. Luxuria; tum quia per illam œconomia exhaustuntur; ac proinde politica nervus, videlicet pectus, inciditur; tum quia regnum voluptatis planè pessumatur regnum virtutis.

9. Securitatis; in qua vel nullum, vel præceps est consilium. Hæc nimirum est humanæ fortunæ periodus; *ex successibus felicibus homines fiunt securi: ex securitate perbi: superbiam autem sequitur ruina.* Unde illud enecæ: *Sequitur superbos ultor à tergo DEUS.*

10. Pruritus belligerandi; qui politiam consumit et externis, vel domesticis bellis. *Politica nimis bellicosâ ipsam solet excedere.*

11. Irruptio hostium; præsertim barbarorum; qui luti turbo ac procella florentissimas Respublicas si obvias prosternere & pessumdare solent. Sic Assyrios Chaldæos Persæ, Persas Græci, Græcos Romæ de Imperio deturbaverunt. Sic Assyrii Regnum Israël, Chaldæi Regnum Judæ perdidit. Sic Galli & Ambri duce Brenno irruentes Romanam potentiam vicerunt. Sic Gothi in Romanum Imperium se insidentes, sub Arcadio & Honorio illud penè funditus everunt.

12. Defectio sociorum. Sic bellum Latinum sive sociale Romanam Rempublicam per 17. annos afflixit: Spartaniâ Sociis in Leuctrica pugna propter superbiâ deferti, insignem illam à Thebanis Epaminondæ cladem acceperunt.

R E G U L A XXXV.

Colenda amicitia cum vicinis & dissitis.
Respublica valde munificetur mutua amicitia aliarum Respublicarum. Est autem ista amicitia incunda

partim cum vicinis Rebus publicis, partim cum diffitis. Cum vicinis quidem; quia ut malus vicinus in œconomia magnum malum, ita in politia malus vicinus soniticum malum est. Cum diffitis autem; quia licet illi præsentibus auxiliari nequeant, absentes tamen cohibere possunt hostem communem, aut vias præcludere, ne nostram Rempublicam invadat; pecuniâ denique possunt nobis succurrere.

REGULA XXXVI.

In Republica non æqualitas, sed æquabilitas servanda est.

Meminerit Princeps, inter cives ejusdem Reipublicæ non æqualitatem, sed æquabilitatem servandam esse. Illa singulos æquat in omnibus, quod rationi dissentaneum est. Hæc cuilibet pro dignitate, & ordinis sui, ac meritorum ratione honorem decernit: quod Justitia distributiva exposcit.

REGULA XXXVII.

Miscenda clementia cum severitate.

Magistratus subditis ex æquo & bono jus dicere debet. Id verò assequetur, si jurisdictionem clementia & severitate temperaverit. Sapientes enim judicantur, qui non singula ad filum redigunt. Et ideo lex divisa ab æquitate est quasi corpus exanime. Necessè itaque est, ut clementia temperetur severitate, ne illa degeneret in lentitudinem, quæ parit impunitatem & peccandi licentiam. Ideo non nemo sapienter dixit, non esse inhumanitatem, sed potius summam humanitatem, cum multi paucorum animadversione salvantur. *Optima est misericordia puniens, & crudelitas parcens.* Appositè Plutarchus: Non est, inquit, suavior, aut utilior harmonia, quàm severitas cum clementia conjuncta.

REGULA XXXVIII.

Oppressio pauperum in Republica vitanda.

Princeps neque per se pauperes opprimat, neque per alios opprimi patiatur. Nam Princeps supremus, sicut pauperum pater & patronus, ita injuriarum ipsis illatarum severissimus ultor existit.

Libet hîc filii Imperatoris Abissini, in tuendis agricolis adversus venantium insolentias, justitiam, & in eosdem exercitam divinam ultionem, considerationi Principum proponere.

Duo viri nobiles aprum insecuti, segetes conculcaverant, tolerabili primùm damno, dein agricola quiritante irritati, per iram & lasciviam totum agrum obriverant. Non tulit rei indignitatem Magni Æthiopum Imperatoris filius: plenus irarum rem ad patrem refert, additque vocem, nunc quoque Magnatus ingerendam: stare non posse Regnum, in quo pauperes opprimuntur. Nihil Regi lætius accidit, fitumque complexus: Macte, inquit, hoc animo fili tualem te pauperes, talem tu Deum experiere. Tibi delinquentes jus concedo: cognitâ causâ, lege licet itagas. Nec ille cunctatus, auctores damni de vi accusatos morte, socios in quadruplum damnavit. Continud pro salute captorum preces, intercessiones, nonnulla jura afferebantur. Diviti scelerato nunquam deest Patronus, quia nunquam defunt Advocati legales. Maximè laborabat pro liberatione reorum Johannes Imperatoris filii Præfectus ac Moderator, quod omnem in se derivatum iri invidiam prospiceret. Ipse rusticus dies noctesque ante Imen Aulae regiae prostratus, veniam inimicis rogabat. Quæ animus juvenis exasperavit; constabat enim rusticum minis cognatorum adactum deprecari. Rex in filium in necem Nobilium obfirmatum audisset,

clam egit, ut connivente custode evaderent rei : ratus tam severo exemplo Nobilitatem exacerbari, filio utile non esse. Regius juvenis audita reorum fuga silentium tenuit; sic enim iracundiam tegere doctus erat. Sed cum improbis venatoribus pepercerit humana conniventia, non pepercit divina Nemesis. Læna cum catulo cervum insecuta, fugientibus occurrit; atque in eo ipso agro, quem obriverant venando, semesos lacerosque reliquit. Ita poenas legibus debitas, sed potentia discussas, belluæ exegerunt. *Autor Hist. Abiss. num. 9.*

REGULA XXXIX.

De liberalitate Principum in largiendis eleemosynis.

Principem debet esse beneficum in omnes, præsertim in egenos, quia horum nutritius à Deo constitutus est.

Exemplum illustrissimum beneficentiæ in pauperes Principibus omnibus semper hucusque præbuit Augustissima Domus Austriaca, ut patet ex meo Adamante Austriaco, ad quem lectorem remitto.

Enituit etiam hæc beneficentia in Ludovico XIII. Rege Franciæ, de quo memorat Sallianus in *epist. dedicat. Tom. 3. Annal. num. 11.* habuisse eum mille nummos aureos in singulos menses, Regum more sepositos, quos in privatas delicias, ludos, cæteraque animi oblectamenta expenderet; sed eorum octingentos passim erogasse in pauperes, vix quinta parte recreationibus reservata.

REGULA XL.

De observatione & executione legum.

Principes nihil contra leges statuant, sibi que persue-
deant, Legibus potius, quam Regibus obtemperandum
ess.

esse, si contrariis concurrant frontibus. Etenim legum executio est vallum & fossa Reipublicæ. Neque enim leges in scriniis & tabulis, sed in moribus civium esse oportet. Ideo Legatus Atheniensis Spartâ reversus, & interrogatus, quomodo Spartani Rempublicam suam administrarent, funem, furcam & gladium in curiam attulit, & in eis positam esse dixit Spartanorum incolumitatem. Et sanè oriuntur seditiosæ populi voces, & adversus Magistratum conjurationes, ubi non viget executio legum.

REGULA XLI.

Leges Reipublicæ non faciliè mutandæ.

Leges aliæ sunt fundamentales, aliæ non fundamentales. Priores non sunt mutandæ, nisi sint iniquæ. Quod si æquæ sint, & causa gravis mutationem suadeat, non nisi sensim ac leniter sunt mutandæ. Præstat enim (ut Bodinus loquitur) legis conditionem, utcumque iniquam tolerare, & paulatim non utendo antiquare, quàm momento abrogare. Oportet autem leges novas ad populi naturam moresque accommodatas esse, ut consensus illius tantò facilius eliciatur. Si enim populus non consentiat in mutationem legum, cicatrix potius ferenda, quàm novum ethale vulnus infligendum est.

Quod attinet ad leges non fundamentales, quæ concernunt servitutes, jura testamentorum, contractus, & similia negotia politica, has interdum convenit probatione circumstantiarum mutari. Homo siquidè non semper fert leges tam absolutæ prudentiæ, ut in illis nihil successu temporis possit desiderari & emendari. Iam tamen mutatio debet esse parca & prudens, ne levis fundata civitas legibus evertatur. Nam crebra legum mutatio, præterquam quod parit contemptum legum, subditos ad seditionem commovet, &

Magistratûs auctoritatem imminuit. Rectè igitur sentiunt Politici, cùm de legis mutatione agitur, omnia esse in statera ponderanda. Nam nisi admodum circumspectè hic agatur, ilias malorum solet oriri, cùm periculosum sit fundamentum alicujus domus mutare. Unde quidam Politicus ait: Ne quis substructiones altissimarum ædium, salvis illis, renovare se posse putet; quæ etsi non ruant, plustamen ipsa concussio domûs incómodi, quàm novâ materia utilitatis est allatura. Nihil itaque magis ad concordiam stabiliendam in Republica conducit, quàm leges & mores veteres, quantum fieri potest, retinere.

REGULA XLII.

De subditorum erga Principem amore.

Subditi ament Principem, ut vicissim amèntur a Principe. Amor enim amoris est semen. Amor amore, non alio pretio emi solet.

Egrediè suum Regi Poloniæ testatus est amorem Comes Tancinus, ut in historia Polonica legisse memini.

Cùm Henricus III. primum Poloniæ, deinde Galliciæ Rex (quem patriâ profugum Poloni in Regem suum elegerant) in Galliam, ad capeffendum regnum suum avitum reditum pararet, Tancinus Regis amantissimi pariter & amantissimi discessum præ cæteris immoderatè ferens, abeuntem insecutus & assecutus fuit, ac flexis humi poplitibus, in monumentum & pignus amoris perpetui, vel unicam ligulam vestis regię sibi impertiri vehementissimè postulavit, quam carni vivæ, ut ipse inquebat, velut testem sui in Regem amoris infereret. Quem rarissimæ benevolentię affectum in hominè extraneo summo opere admiratur.

ratus Rex, regium annulum pretiosissimo insignem
adamante in tesseram affectus mutui ipsi donavit.

Quò difficilius, hoc perfectius amoris specimen ex-
hibuit quidam Præfectus Regius, qui, ut servaretur fi-
lius Regis rarò fidelitatis amorisque inusitati exemplo
suum proprium furenti populo necandum tradidit:
Res hunc in modum accidit.

Lius Imperator Sinensis, ordine decimus, Imperium,
seque ipsum superbiâ, opum prodigentiâ, atque im-
primis sævitiâ infamavit. Hinc ei cognomentum
Cruelis adhæsit. Nihil ille pensi habebat, utcunque
res agerentur, dummodo animo suo obsequeretur:
Imperio, populo, denique sibi exiriosus. Et cives
quidem de barbara feritate questi, cum non paucis
Præfectorum communi causæ faventibus, dictis scri-
ptisque Tyrannum insectabantur. Sed jam ultra
remedium processerat obstinatio. Non modo non
esset minacibus subditorum querelis trauulentus
Princeps, sed insuper etiam iras iration, inquiri severe
esset in eos, qui de se sinistrè loquerentur. Et quia se-
ditionis autorem investigare non potuit, sævitiam
omnes exercere decrevit: edicto capitali sanciens,
ut quis quocunque loco, vel tempore, quacunque
causâ cum quopiam loqueretur, ac ne mullita-
ret quidem; hac enim suspitione perpetuo torque-
retur, omnium se peti, & configi maledictis: tor-
mento domestico tyrannorum, semper quod meren-
ter, timentium. Ingens hominum multitudo furore
tyranni jam è medio sublata, in Regia Urbe velut quod-
dam iustitium indixerat. Nulla vox, passim silentium,
ubi prodeundum in publicum, quasi muti & atto-
riti, defixis in terram oculis incedere, tanquam in to-
m sibi excidissent.

Chaocungus, Vir inter Præfectos Regios perma-
Yy 5 gnæ

græ autoritatis, sæpe monitum, increpitamque tyrannum, sed incassum, denique inter alia hujusmodi verbis alloquitur: *Difficilius est Imperator, hominum Ora quàm Flumina compscere. Hac quidem, etsi congesta ripis, denique tamen exundant, & late stagnant, vastant omnia; de clausis per vim hominum linguis pericula time.*

Ipsam triennium edicti imperialis atrocitas tenuit, cum tot injuriis irritata plebs, effusi torrentis instans. Regium Palatium invadit, ipsum Regem quærit. Sed is subito tumultu vix elapsus, vicinam urbem ex fugâ tenuit. Reliqua ejus familia omnis à furente populi occisione occisa, excepto parvulo filio, cui effugienti fida Chaocungi domus ad salutem patuit. At ea res statim innotuit. Quare furentes ad Chaocungi domum advolant, circumfunduntur armis, & Principem superbis vocibus ad necem postulant.

Chaocungus iratam multitudinem lenitate verborum demulcere nequidquam conatus, in his rerum angustis fluctuantem contemplatione periculi animum distrahebat in diversa; Et, jam hæc, inquit, omnia Imperatori prædixeram. Merito quidem incidit hæc illius rebus calamitas, quia nullus ab eo locus relictus est consiliis meis. At si filium ejus, fidem meam implorantem, trado furentibus, næ ego infidus, & Imperatori inimicus audiam. Quid si filium meum substituiam, staturâ, vultuque Principi parem?

Hæc secum confusè volvens Chaocungus, ut & populi placaret iram, & filium Imperatoris servare suum, quem habebat domi, filium ei tradit. Quæ Principem esse credentes, mox cruda feritate laniant innocentem victimam, atque concidunt, immoto Patre spectante. Ita servatus est Princeps, inaudito Senatu, nis ad eum diem, subditi erga improbum etiam Imperatorem amore, ac fidelitatis affectu.

Porro Lius Imperator à rebellante plebe nusquam
 eptus, exutusque Imperio, reliquam etatem in ob-
 curo ac fugitivus egit: Illustri ad posteros documen-
 o, quid timendum sit Regi, qui timeri à suis mavult
 anquam tyrannus, quam amari instar benigni Patris.

Historia Sinica Martini Martini.

REGULA XLIII.

Principes salutaribus monitis acquiescant.

JACOBUS IV. Rex Scotiæ ob spreto juvenili sto-
 ditate, animique torpore salutares monitiones, se-
 sum cum potiore parte Nobilitatis Scoticæ perdidit.
 um Rex (inquit *Buchananus de rebus Scoticis lib. 13.*)
 l exercitum proficiscens, Limnuchi vespertinas in
 de sacra conciones audiret, Senex quidam ingressus
 t, capillo in rufo flavescente, ac in humeros promif-
 fronte in Calvitium glabra, capite nudo, veste lon-
 uscula cyanei coloris amictus, ac linteo cinctus, cæ-
 ro aspectu venerabilis. Is Regem quærens, per tur-
 m obstantium penetravit. Ubi accessit, rustica qua-
 m simplicitate super solium, in quo sedebat Rex, in-
 us. Rex, inquit, ego ad te sum missus, ut te admo-
 am, ne cœptum iter prosequaris: quam admonitio-
 m si neglexeris, tibi tuisque nociturus es. Insuper
 onere te iussus sum, ne mulierum familiaritate, con-
 etudine aut consilio utaris: secus, verò si feceris, &
 mmo, & ignominia res tibi futura est.

Hæc elocutus turbæ sese immisecuit: nec, cum pre-
 us finitis Rex eum requireret, usquam comparuit,
 que eod magis mirum est visum, quod eorum, qui pro-
 is adstiterant, atque cum observaverant, cupidimul-
 ex eo sciscitandi, nemo ejus discessum senserit. Po-
 a cum Rex non modo data ab ignoto homine mo-
 a, sed etiam salutaria suorum Procerum consilia
 rneret, & amoris nobilis feminae captivæ, omissa re-
 mili-

militari, nimis indulgeret, otiosoque exercitui in agsterili comœatus deesset, extenuatis eâ de causâ copiamemorabili prælio ad Fluidonem victus, cum nobilitate sua penè universa interiit.

REGULA XLIV.

De laxamentis publicis in Republica.

Laxamenta publica politica servire debent honestatæ moderatæ voluptati, ne vel lassent, vel luxent Republicam. Sic itaque instituantur huiusmodi laxamenta, ut faciânt vel ad virtutis civilis atque militaris exercitium, vel ad corporis animique recreationem. Ad virtutes civiles conducunt solemnia convivia, convivia anniversarii, solennitates nuptiales, ludis scenici, videlicet comœdiæ & tragœdiæ, symphoniæ musicæ & similia. Ad virtutes militares excitandas pertinet studium venationis, equitationis, ludus gladiarius, lucta, certamen hastilium, exercitum sclopetorum & arcuum statis temporibus, lusus pilæ, cursus super glacie, lusus latrunculorum, sive scacchia. Corporis animique recreationem faciunt lusus honesti & choreæ, quæ intra honestatis fines cohibentur. Porro hic obiter notandum est, quatuor saltationum genera dari. Alia enim est saltatio militaris, quæ facit robur & agilitatem corporis: alia lasciva & impudica: alia artificialis & concinna: alia sancta & heroica; quo pacto Rex David ante arcam fœderis saltatus legitur.

REGULA XLV.

De privatis recreationibus Principum.

Cum animum Principis non oporteat velut arcum continuis seriorum negotiorum occupationibus intentum esse, consultum est, ut is nonnunquam certis, iisque congruis laxamentis remittatur. Quo in genere nihil determinati præscribi potest, cum alii aliis rebus

ationibus juventur, & suus cuique modus arrideat. Sarochus Tartarorum Rex, Magni Tamerlani filius, gravioribus curis defatigatum relaxaret animum, saturas in usum arcus, Eropus Rex Macedoniæ mensuras & lucernulas, Attalus Imperator Asiaticus statuas are fusiles conficiebat.

Aurelianus Imperator mimis: Otho Dux Austriæ, pimento *fucundus*, motionibus: Quidam ex Variæ Ducibus, de quo *Platerus lib. 3. Observation.* is mirificè delectabatur. Unde etiam in ejus natus parvulus nanus integrè armatus, manu hastutens, gladioloque accinctus, in artocrea sic inclusus fuit, ut conspici non posset: qui, artocream enlatâ, & cultro de more apertâ, erumpens, strictoque gladiolo gladiatorum in morem saliens, omnibus risu & admirationem movit.

Innocentius VIII. Pontifex horas successivas, quas suis Pontificiis vacuas habebat, putandis hortorum arboribus impendebat.

Claudianus IV. Pontifex ex arculis artificiosè concinnis delectationem capiebat singularem. Habebat etiam alias arculam eburneam affabrè & singulari arte factam. Huic Christophorus quidam Germanus Serarius faber, seram aptaverat tantæ parvitat, ut manus unguis magnitudinem haud multum excederet: attamen confertam tam multis machinis, atque armis tantæ parvitat, tenuitatis & gracilitatis, ut summa admiratione intuentes afficerent, tum etiam quasi oculorum aspectum etiam acutissimum ingerent, ut nec Lynceus ille ex Argonautis, nec qui in Homeri in unius juglandis putamine describere numerare illa, aut à se invicem distinguere, ac indicare poruisset. Ex hujus itaque artificis peritiâ cum cepit Pontifex animo voluptatem, ut ipsi (admoniti-

monito prius, ut ad se tempore minus impedito rediret) numerari statim 25. aureos iusserit. Deinde vel post aliquot dies reverso tantum auri impertivit, quantum una manu tollere è capsula sua potuit.

Nonnullos Principes apprime delectat Astronomia. Inter quos Alfonso X. electus Romanorum Imperator, Rex Castellæ & Legionis plaris fecit celestium rerum notitiam, quam Romani Imperii administratio nem, & plus ex ea se gloriæ veræque laudis, quam e Corona Imperiali consecuturum arbitrabatur.

Robertus Rex Sicilia, ut libenter, sic diligenter adeoque perite in rebus Astrologicis versatus est, ut quid adversi vel secundi astra portenderent, cettissimè se posse denuntiare arbitraretur. Itaque Philippus Valesium Franciæ Regem missis ad eum litteris sedulo admonuit, ut cum Eduardo III. qui tum Anglis imperabat, nequaquam collatis signis, si præsens esset, dimicaret; se enim inspectâ juxta leges Astronomiæ ejectioniturâ, & diligenter examinata, fortunatum illum in rebus bellicis futurum cognovisse, & de Gallis potissimum insignes victorias, si in aciem cum eo descenderent, reportaturum. Nec illa prædictio eventum prædicto frustrata fuit. Nam post aliquot annos in Picardia cum Eduardo confingere ausus Philippus, licet copiarum numero longè superior esset, luctuosam admodum, & Galliæ calamitosam cladem accepit; quandoquidem è suis triginta millia eo in prælio desideravit, & ipse fugâ vix periculum evasit.

Atheas Rex Scytharum suum ipse equum non sine voluptate pectebat, fricabat, insternebat; cumque Legatis Macedonibus in stabulo hæc agens deprehensus esset, rogavit num etiam Philippus Rex Macedoni huiusmodi res exercebat?

Abas Rex Persarum equos suos ferreis soleis ipse in stabulo

abat, atque exarmabat; & quories venatum ibat, aut
 urbe in urbem migrabat; aut expeditionem belli-
 m suscipiebat, semper famulum lateri adequitantem
 cum ducebat, qui in fericis hippoperis habebat omne
 nus instrumentorum fabrilium; ut si quando vel
 benæ, velephippium, aut phalæræ, aut aliud quid-
 am sartiendum esset, illud sibi ministerium Rex ipse
 uoque suo præstaret. Quæ omnia Petrus à Valle-
 tricius Romanus se vidisse testatur.

Complures alii Principes animum relaxaturi, artes
 chancas exercuerunt.

Nero Musicam, picturam & plasticen & callebat, &
 enter tractabat.

Valentinianus Imperator venustissimè pinxit, & si-
 lachra seu cera, seu limo dexterrimè finxit. Rudol-
 phus quoque II. Imperator icones pulcherrimè deli-
 vit, & vultus hominum ad vivum expressit.

Cyrus manu sua plantavit arbores, earumque ordi-
 in quincuncem disposuit.

Sambrivius Tuisconum Rex Septimus æconomia
 liosus fuit, & primus docuit modum coquendi ce-
 siam.

Albertus IV. Dux Austriae fuit architectus peritissi-
 mus, & in dolandi, tornandique arte versatissimus.

Carolus V. Cæsar horologia, automata, rotasque
 tentarias subtilissimo artificio fabricavit.

Guilielmus Dux Bavariæ, postquam ditionum sua-
 regimine se abdicasset, & Maximilianum filium in
 m suum succcessisset, manuariis artibus sese exerce-
 & oblectabat. Inter alia confecit horologium li-
 m, in quo rotæ ligneæ, clavique ipsi erant lignei;
 panulam vero ex vitro conflata in cluserat, quæ
 modò horas indicabat, sed etiam dormientes e-
 o excitabat, siculneo malleo campanulam leniter
 atiente.

Ferdi-

Ferdinandus I. Magnus Dux Hetruriæ gremiali præcinctus, limare aurum, polire gemas, detergere arma solebat.

REGULA XLVI.

*In defendenda libertate patriæ magnis animis,
& heroicâ resolutione opus est.*

Hujus rei specimen luculentum exhibuit Petrus Caponius, qui Florentinæ Urbis, & annexæ ditionis libertatem contra Gallos animosè propugnavit. Cùm enim Carolus VIII. Gallorum Rex Florentiam armatus numerofo cum exercitu eſſet ingreſſus, & civibus qui contra libertatem nihil erant permiſſuri, duriffimas fœderis condiciones proponeret, Petr. Caponius Quatuor-viris unus ad negotium cum Rege expediendum electus, rei indignitate commotus, Scribæ Regio iniquiſſima capita de ſcripto recitanti, chartam manu abripuit, & Rege ipſo ſpectante concerptis, cum ſtomacho in hæc verba erumpens: Quandoquidem tam iniqua poſtulat, agite vos Galli, tubas veſtras & cornua inflate, nos campanas noſtras pulſabimus ſimulque cum dicto, collegis ipſum ſequentibus, regio cubiculo ſeſe proripuit. Quâ libera voce & Gallos terruit Caponius, & patriæ libertatem conſervavit. *Guicciardinus lib. 1. Hiſtor.*

REGULA XLVII.

Principem oportet habere ſeptem Concilia.

Per Concilium Principis intelligitur congregatio hominum ſelectorum, ad conſulendum (unde communiter vocari ſolet Conſilium) vel pacis, vel belli tempore: quorum opera Princeps præteritorum meminuit, præſentia cernit, futura providet.

Hujusmodi Concilia ſeptena Principem habere oportet.

Primum Concilium est *Quæstorium*, quod ærario & ecuniaz publicæ præficitur.

Secundum est *Togatum*, quod politicis negotiis destinatur.

Tertium est *Militare*, quod polemica curat, & ræst negotiis martialibus.

Quartum est *Frumentarium*, quod provinciæ proicit de annona, & constituit Canonem frumentarium.

Quintum est *Legale*, cujus est considerare, quibus magistratibus & Rectoribus provinciæ egeat.

Sextum est *Criminale*, quod ad multas & pœnas destinatum.

Septimum est *Censorium*, quod inquirat in vitia & tutes subditorum.

REGULA XLVIII.

Juvenes non sunt eligendi in Consiliarios.

Axioma Rabbinicum est: *Qui discit à Junioribus, similis est ei, qui edit uvas immaturas, & bibit vinum torculari.* At qui discit à senioribus, similis est ei, qui edit uvas maturas, & bibit vinum vetus.

REGULA XLIX.

Consiliariorum consilia sint tempori accommodata.

Consilia aliàs bona desinunt esse bona, si non sint poti accommodata: idque ostenditur exemplo is Albani Gubernatoris Belgii.

in crescentibus superiore seculo motibus Belgarum, Regis Hispani est missus in Belgium. Ante omnia, priusquam Albanus se itineri accingeret, quæsit in secretiori Regis Concilio, an severè, ut antè verò mitiùs cum Belgis agendum videretur.

Nonnulli mitiora consilia præferentes, dicebant,

eam indolem Belgarum esse, ut non nisi molli imperio & salvâ libertate in officio contineri possint; optimam verò esse illam imperii rationem, quæ moribus & imperio subditorum, quantum licet, est accommodata. Priores Belgii Gubernatores nihil profectum per exercitum severitatem: alia igitur & contraria remedia esse tentanda; exemplo Medicorum, quibus ubi priora medicamenta successu caruere, alia, & sæpe contraria curandis ægrotorum corporibus solent adhibere. Inutilem esse illam contumaciam, cum eo consilio persistitur, per quod nihil hactenus profectum.

Albanus è contrario severitate majore quam antea Belgas coercendos esse existimabat. Habendam quidem aliquam rationem indolis Belgicæ, jam autem eam specie ac prætextu libertatis in licentiam properare, & ad detrectanda Principis imperia proclive esse: severitate igitur edictorum, eorumque constanti executione lupatum insolenti temeritati ejus injiciendum, nam lenitatem imperii non futuram nisi effretis licentiæ incitamentum Gentem, quæ non amat Principem, metu in officio contineri debere. Adhuc Belgarum in Hispanos odium esse plus quam Vatinianum, severitate quidem hactenus nihil profectum; at causam non esse in ipsa severitate positam, sed in nimis remissa severitate eorum, qui hactenus res Belgicas cum Imperio administrarunt. Quod etiam leniôra, quam ante hac usurpentur regimini consilia, verendum esse, ne infringatur vis eorum quæ jam promulgata sunt, edictorum, & Regis auctoritas omnino pereat. Dum Princeps semel gratificatus contumaciæ subditorum, aperiri viam perpetuæ ejusdem dedignationi parendi; proinde salvâ Regis auctoritate non posse quidquam remitti de edictorum

severitate

verissima executione. Denique jam partem Belgarum descivisse, ceteros de eo deliberare, & secutus propediem reliquorum exemplum. Qui deliberavit, jam descivisse: quid nisi jam vim meditantibus alibi, alibi inferentes, vi ad officium revocarentur? nimis impareffe Reipublicæ curandæ remedium lenitem & modestiam inermis imperii illis opponere, nisi jam partim sunt armati.

In Hispanorum Consilio gravissima sunt visæ Albani rationes, placuitque ejus sententiam approbare. Id profectò eventus non correspondit voto & expectationi. Nam aucti ea severitate motus Belgarum, & sub Albano integræ ab Hispanis provinciæ devêre.

Nonequidem diffiteor Albani Ducis consilium roboratis & momentosis fuisse nixum rationibus. Interim negari non potest id fuisse magnopere informatum. Cujus rei si quis ex me causam quærat, non tam attulerim, quam quòd hujusmodi consilium specius inter deliberandum rationibus probari, quam rerum ac temporum statu utiliter in opus conferri, executioni mandari potuerit.

Certè publica consilia non ex rationibus simpliciter, ex futura etiam executione possibili aut impossibili capiuntur. Melius est consilium, quòd minus vires & exequi possis, quam quòd magis probes, exequi non possis. Plus virium tunc erat Belgis, ut opprimi possent, aut flecti: minus virium in Duci Albano erat, quam ut retentam auctamque severitatem ad optatum evenum deducere possent. Itaque consultantem non tantum vires rationum, etiam vires suas spectare oportet: quæ si minores, maximæ prudentiæ est, minora consilia majori præferre.

REGULA L.

Tributorum exactio sit prudens.

Prudens erit tributorum exactio I. si fuerit moderata; immoderata enim Rempublicam pessumdat, & corpus Politicum instar febris hecticæ consumit; cum videlicet Princeps aut Magistratus rem auferat cum pulvisculo, ut Plautus loquitur, & publicum ærarium sit spoliarium. Hujusmodi exactio fuit illa Ducis Albanii in Belgio (si vera narrant nonnulli Historici) qui unius diei intervallo, ex rebus promercalibus, quæ venditæ fuerant, septingenta ducatorum millia sibi comparasse dicitur.

Prudentius & suavius egerunt quondam Maccareses, quorum consuetudinem, ad coercendas nimias Regis exactiones laudabiliter introductam, commendat Thomas Morus in *Utopia lib. 1. pag. 42.* Re enim quo die primum auspiciatur imperium, jurejurando adstringitur, nunquam se uno tempore supra 1000 auri pondo aut argenti, quantum ejus auri pretium æquet, in thesauris habiturum; propterea quod tantæ opes videantur sufficere, siue Regi adversus rebelles, siue regno adversus hostium incursionem esset dimicandum; cæterum minorem esse summam, quam ut animos Regi faciat ad invadenda aliena: quæ inter præcipuas legis hujus conditiones, & consuetudinis introducendæ causas una fuit.

Deinde ad prudentem tributi exactionem requiritur, ut sit suavis. Cum enim asperissima in auribus vulgi vox sit *Tributum*, oportet eam asperitatem amicabili quadam exactionis dulcedine mitigare. Quod si verò Princeps, aut Magistratus suavitate nihil impetret, dicat cum Themistocle: *Duabus Deis comitatus venio, Suada & Violentia.* Et subd

nic cogitent illud Taciti : *Suasio ab eo, qui jubere potest, vim necessitatis adfert.*

REGULA LI.

Princeps non sit Machiavellista.

Caveat Princeps, ne dictamina Machiavellicis principis imbuta sectetur.

Hujusmodi autem principia sive axiomata sunt varia. *Primum* : Fides, clementia, liberalitas, omnes denique virtutes damnosa sunt civitati. *Secundum* : Principi pejerare, fallere, & dissimulare sine ulla dulatione licet. *Tertium* : Religio animos hominum deprimit : sævitia subditos in officio retinet. *Quartum* : Felix est Princeps, quem populus non diligit. *Quintum* : Tutā est civitas, quæ dissidia & factiones nutrit. *Sextum* : Rex ille est sapiens, qui uni publici studiosos & amantes tollit. *Septimum* : Ante omnia optandum est Principi, ut pius videatur, non tamen re ipsa sit talis. *Octavum* : Oportet principem semper adversarium in se alere, ut eo oppresso potentior videatur. *Nonum* : Princeps inanium versatilis, arte usque factum in sævitiam & perfidiam habere debet, eoque re ipsa uti, quoties expediens.

Quam verò hæc principia & periculosa, & perniosa sint, testantur tragici exitus eorum Principum, quæ in suo regimine usurparunt. Inter quos primo loco numerandi sunt Cæsar Borgia, & Ludovicus Fortia : quorum ille exiguum Ducatum Urbinaem per infinita scelera vix occupatum non diu tenuit, sed ex illo ejectus, & velut hominum pestis, hominum consortio exclusus, in culina Regis Aragoniæ miser, exul, mendicus, diu jure culinario offatue rancidâ victitans, infelicem animam efflavit. Hic verò Ducatum Mediolanensem magna perfidia

Occupavit, sed ex eo Gallorum armis depulſus, unâ cum uxore in arce Lochiana diu miſer & captivus vixit, atque in eadem cum ſuis illis præceptis Macchiavellicis mortuus ac ſepultus eſt.

REGULA LII.

Princeps fidem datam accuratè ſervet.

Sicuiquam (inquit Bodinus lib. 5. de Republ.) fidem frangere fas eſt, dare certè nefas eſt. Sin fidem dare juſt eſt, datam ſervare oportet: præſertim ſi à Principe data ſit. Nam, ut rectè Tholoſanus lib. 8. de Republ. cap. 8. ait, Principis verba ad firmitatem propemodum divinam accedere debent. Quod obſervavit Sigifmundus Imperator, qui cum veterano militi exigenti promiſſa dixiſſet: *Immoderata fuit petitio tua;* iſte autem reſpondiſſet: *pateras negare cùm peterem, nunquam ſine turpitudine quod promiſſum eſt, reſcindere non poteris;* ſubjunxit Imperator: *Si ex duobus alterum me facere oporteat, faciùs rerum, quàm fama jaçturam ſubibere oportet.*

REGULA LIII.

Fœdera inter Principem & ſubditos armatos, periculofa ſunt, & eventu infortunata.

Ex omnibus fœderibus nullum eſt, quod difficiliùs ſervari poſſit (inquit Bodinus lib. 5. de Republ. c. 6. Adde ego, quod periculo magis obnoxium ſit) quàm quod iſtum eſt cum ſubditis. Quia nihil æquè Principum mentes exulcerat, quàm cum ſubditis paciſci quibus contumeliâ accepertint, & ad pacta ſervare compelli. Ludovicus XI. cum ſubditis, à quibus deſertus ac proditus fuerat, pacem inire coactus eſt, ſed eos omnes, paucis exceptis, clam aut apertè necandos curavit: Ducem inquam Nemoroſum, Magiſtrum militum, Ducem Burgundionum, & Comitem Armoricum. Mejerus, qui res Belgarum ſcripſit, fratrem

qu

quoque Carolus eo numero complexus, veneno sub-
atum tradit. Ætate superiori Rex Fessarum à fratre
niore obsessus, & iniquissimis conditionibus pacisci
actus, jurejurando sese obligavit. Sed eodem
momento fratrem, quem ad complexum admiserat,
affocari, ac de sublimi solario coram exercitu dejici
mandavit: & confestim exercitus omissio Duce (qua-
corpus decusso capite) animo fractus, Regis Im-
eria sequi non dubitavit.

Consimili stupore atque amentia Dux Hyorchus
um Henrico VI. Rege Anglorum, quem opibus ac
orentia superarat, fœdus iniit; quo quidem sibi to-
us regni procurationem se vivo, liberis verò, poste-
isque suis Regnum mortuo Rege pactus est. Rex
mnibus assensum præbuit, & tamen paulo post Hy-
rcho manum injici, atque ejus capiti fictilem coro-
am contumeliosè imponi, postremo securi percuti
mandavit. *Ex Bodino citat.*

REGULA LIV.

*Magnum Reipublicæ firmamentum est confæde-
ratio cum populo aliquo potente & belli-
coso.*

Non ignorarunt hanc Regulam Reges Galliæ, qui-
us inita, sæpiusque renovata cum Helvetiis fœde-
tantum emolumentum, quantum hostibus eorum de-
imenti attulerunt.

Primus inter Galliæ Reges cum Helvetiis fœdus ini-
t, & annua stipendia publicè singulis pagis Helveti-
is persolvit Ludovicus XI. Hic cum Carolum Bur-
undia Ducem odio haberet, neque tamen aperto
ello eum petere auderet, studuit eum cum Helvetiis
ommittere; ut autem hoc facilius efficeret, & ad
mnes casus Helvetica auxilia parata haberet, fœdus

Cum illis spatio decem annorum duraturum pepigit & Helveticis pagis annuas præstationes largitus est, septem millia Francorum singulis : bello quoque Burgundico magnam pecuniæ vim iisdem suppeditavit, ne ejus inopia bello abstinere, & de pace agere cogerentur. Victo denique ad Moratum Carolo, amplissima munera publicè privatimque largitus est confœderatæ Helvetis, ne Burgundiam jure belli invaderent, multorum animis in Burgundia ad deditionem pronis. Porro filius Ludovici Carolus VIII. anno 1488. patrum fœdus cum Helvetis renovavit, & eorum suppetiis militaribus usus est eo bello, quo Franciscus ceterioris Britanniae Ducem vicit; potissimum verò bello Neapolitano fortem & fidam operam militis Helvetici multis in locis expertus est. Qui verò huic Imperio successit Ludovicus XII. cum Mediolanum recuperare vellet, ut Helvetos amicitia Ludovici Sfortiæ averteret, fœdus ipse quoque in decennium cum ipsis inivit.

Successit Ludovico Gener Franciscus Valesius. Hic Helvetos in Insubribus ad Marignanum memorabili prælio superavit, & abducto in Galliam Maximiliano Sfortiæ, Imperio Mediolanensi potitus est. Ceterum tam splendidam victoriam adeptus Franciscus satisque gnarus quanti & ea Gallis constaret, & quam non incruenta fuisset, nihil prius potiusque habuit quam cum Helvetis pacem & amicitiam facere, eoque Regno Galliae fœdere firmo & stabili conjungere. Junxerunt autem fœdus cum Gallo omnes Helvetici pagi, eorumque fœderis socii, uno Tigurinorum pagum excepto.

Finito hoc fœdere, Henricus Galliarum Rex Francisci filius & Successor, novum fœdus cum Helvetis fecit, iisdem legibus, quibus Pater, quod quinquen-

nium

um post ejus obitum duravit. Confectumque est hoc fœdus Solodori anno 1549. atque eo Pagi & Confœderati omnes tenebantur, exceptis Tigurinīs & Bernatibus.

Postea Carolus IX. Henrici Filius Galliarum Rex, denuò fœdus cum Helvetis pepigit, conditionibus non multum diversis à paterno & avito fœdere. Rege Hispaniarum utem suam rivalitatem propter fœdus hoc generale irrodente, operamque dante, ut Helvetos paulatim ad eas partes alliceret, Reges Francorum ipsius conatus semper obstiterunt, neque ille in fœdus eorum recipi potuit tanquam Rex Hispaniarum, quamvis ratione domus Austriacæ ex fœdere ipsis junctus sit. Propenebant quidem Helvetorum Catholicorum animi, ad fœdus cum Rege Hispano ineundum, sed Bellegarræus Regis Galliarum Legatus, hanc animorum inclinationem cernens, ob oculos ipsis posuit magna auxilia & beneficia, quæ à Regibus Galliarum ad stabiliendam eorum libertatem accepissent, quam ex adverso Austriaci omnibus viribus conati essent pessundare. Helvetos bellum gessisse cum Leopoldo Archiduce Austriæ, qui pugna Sempachiana cæsus fuerit, & cum Alberto & Maximiliano Imperatore octo præliis commissis, ne igitur fiderent fœderi inito cum familia, quàm tam graviter offenderint, & in quâ vulnus, quod ex mortis Principum ab ipsis cæsorum accepissent, etiam sanguinem stillaret. Non dubium esse, quin Rex Hispaniarum ex familiâ Austriacâ prognatus, odio hæreditario perniciem ipsis machinetur: quapropter ejus potentiam illis suspectam esse debere.

Quæ commonefactio tantam vim habuit, ut legati Regis Hispaniarum re infectâ domum redierint. Sed postea cum Rex Galliarum propter bella civilia tot negotiis in suo Regno implicitus esset, Rex Hispaniarum exoptatam

pratam reigerendæ apud Helvetos, cùm nemo esset qui ipsi adversaretur, occasionem nactus, quando quidem amicitia mercenariorum, deficiente pecunia evanescunt, auro Gallico non ampliùs in Helvetiâ lucente, tot ducatonas inter minores Pagos Helveticos dispersit, ut priora liliorum semina præfocarent, & in Gallia Helvetii contra Helvetios in acie stantes conspicerentur; quorum illi tanquam fœderati debita Regi officia præstabant, hi tanquam stipendiarii Regis Hispaniæ, infesta in Galliam arma pertuierant. Cùm igitur hi viderent pensiones à Rege sibi debitas non solvi, & ducibus ac Tribunis suis stipendia non numerari, quinque minores Pagi arctiori vinculo cum Rege Hispaniæ se conjunxerunt: & Phifferus Chiliarcha, qui magnâ apud Helvetos auctoritate pollebatur, ipsis auctor fuit, ut solem in Indiis Orientem respicerent, & veterum amicorum obliviscerentur. Potentiores tamen Pagi in amicitia Regis Galliæ constante perstiterunt.

Hac adversa tempestate, Brustardi, qui postea factus est Galliæ cancellarius, prudentia eluxit. Nam bellicis intestinis maximè sævientibus, cùm Rex nullum aliud sceptrum haberet, quàm lanceam, nullam luparam, quàm tentorium, nullum thesaurum, aur ærarium, quàm jus legitimi Regis, Helvetios præter omnem spem retinuit. Postea Henricus IV. pro se & successore suo fœdus cum Helvetis renovavit, Anno 1602. pollicitus se Helvetis pro annuis pensionibus, quæ illis debeantur, soluturum auri in yriadem.

REGULA LV.

Nimium erga Ministrum aliquem affectum Principi cavendum esse.

Inordinatus Principum erga Ministros quosdam affectus.

fectus, semper cum periculo & detrimento tum principis, tum Reipublicæ conjunctus est. Profectò nihil aliud Ludovici Sfortiæ restant opere afflixit, ut ex pulentissimo principatu dejectus, tot tantarumque rerum viginti dierum spatio jacturam fecerit, quibus bellum in multos annos ducere potuisset, quàm quod aleatum Sanseverinatem, bonum Palæstritam, sed malum militem, ex inordinato erga hominem favore & affectu, exercitibus suis præfecerit, fratrique suo, ætate rei militaris peritia longè illum antecellenti, præturit. Plautianum tam altè extulerat Alexander Severus Imperator, ut non hic, sed ille imperare videretur. Plautianus enim ad se rapiebat omnia, quoscumque vellet proscribebat, spoliabat, occidebat, Severo nihil contradicente. Tandem eo dementiæ processit, ut Severi, & amborum ejus filiorum (quorum natus major Bassianus filiam ipsius in matrimonio habebat) interficiendorum consilium cœperit; sed prævenit Bassianus, cujus jussu Plautianus, inspectante Severo, cecidit. Apud Sueffionem (inquit Massonus libro Secundo Annalium Franc.) Carolus Rex Gallorum à proceribus Regni derelictus est, propter Hagannem Laudunensem. Hic modicæ originis, solus annuum consiliorum particeps erat, ac sine illo neque mi, neque foris quidquam ardui gerebatur. Tanta securi hominis gratia Regi ipsi exitio fuit, cum Proceres moleste ferrent unum omnibus, eumque ignoti proximum, nobilissimis viris anteponi.

REGULA LVI.

Inusitati favoris signa, Ministro alicui à Principe (præsertim truculento) exhibita, suspecta sunt, & periculosa.

Solimannus Turcarum Imperator inusitato amore com-

complectebatur Ibrahimum Magnum Vezirium; quod ut erat acri vir iudicio, insuetos fortunæ favores suspectos habens, Solimannum non semel rogavit ut gratiam in ipsum suæ modum poneret; vereri enim se, ne illi invidiam in Aulicorum animis inflammaret, sibi quæ tandem exitio esset. Cui Solimannus promisit, nunquam se vivo atque imperante interimendum Ibrahimum. At hæc promissa quis exitus excepit? Tandem perfidiæ accusatus Ibrahimus (jurene an injuriæ periculum intereat) Solimanni offensionem incurrit. Quægeret religiosus scilicet Tyrannus? Turcicæ legis interpretes consuluit, quo pacto posset Ibrahimum saltem fide de medio tollere? Responderunt illi, tunc occidendum, cum Imperator somnum caperet; hominem enim ex Alcorani seu Turcicæ legis sententia, dormiendo non vivere. Ita post tam amica promissa strangulatus miser interiit. *Ex Mambrino Roseo.*

REGULA LVII.

Exteriorum dominatus raro gratus.

Populus plerumque invitus fert externum imperium. Nam licet Princeps alienigena rem bene gerat & commodè gubernet, tamen quia moribus & ingenio differt, nec eam erga populum repræsentare potest benevolentiam, ac si esset indigena, faciliè oriuntur dissensionum occasiones. Atque ita fit, ut Princeps, qui principatum ad se delatum, suasque fortunas tueat aliunde militem & reliqua militaria præsidia adducat, iisque sese communiat. Milites verò alique Ministerii extranei, beneficiis à Principe honoribusque affecti, magnam multitudinis invidiam & odium in concitare solent.

Quocirca qui externæ alicujus gentis imperium suscipit, nisi magna quadam & eximia sit prædeditus dexterritate, multis haud dubiè iisque gravissimis implicabitur.

cur difficultatibus. Cùm Wilhelmus Neapoleos
Siciliæ Rex, hominem Gallum ad splendidum quod-
am atque primarium officium evehisset, tantâ iracun-
dia populus exarsit, ut Gallos ferè omnes una conjura-
tione necaverit.

Hardicanutus Rex Danorum Angliam subjugaverat,
potentissimo exercitu populum oppresserat, sed An-
glica conjuratione Danos omnes interemerunt, nec
multo post Regem ipsum Anno 1041. veneno sustu-
erunt.

Consimili ferè casu Poloni Hungaros, quorum Re-
gem sibi cooptaverant, ob unius Poloni interemptine-
m occidissent, ni Cracoviensi arce tuti fuissent, nec
non tumultus antè conquievit, quàm Hungari arce
iuncta domum rediissent.

Franci cum Scotis diu arctissimo fœdere conjuncti
erant, & utrique veteres, & communes adversus An-
glicæ inimicitias exercuerant; sed cum Maria Scoto-
rum Regina Francisco Francorum Delphinati nupsis-
set, ac Franci Scotorum populis dare leges conaren-
tarentur, Scoti supplices Anglorum patrocinio se subdere,
immo peregrinorum imperium perpeti maluerunt,
et prius Francos, Anglorum opibus & auxiliis adju-
ngere & obsidere desierunt, quàm Franci omnes,
his conditionibus acceptis, à Scotia excessissent.

in lib. 6. de Republica. c. 5.

REGULA LVIII.

*Gratitudo Reipublicæ adversus Benefactorem
publicum, cum detrimento boni publici con-
iuncta est.*

Inter mirabilia & memorabilia non immeritò nu-
meratur exitus sive abductio puerorum Hammeliæ.
est civitas inferioris Saxonie ad Visurgin flu-
vium

vium sita. Historiam inter alios narrat P. Athanasius Kircher *lib. 9. Musurgia par. 3. cap. 3.* Contigit e Anno Christi 282. eo qui sequitur modo.

Cùm cives Hammeliæ ingentibus murium agminibus infestarentur, malumque in tantum crescere, ut nihil serè sive fructuum sive segetum, quod muriorosionibus non esset obnoxium, reperiretur; de repente vir quidam ignotus & antea non visus, statum prodigiosa conspicuus comparuit; qui quidquid murium Hammeliæ & in vicino districtu esset, confestim eliminaturum se, dummodo certa pecuniæ summa scumpaciscerentur, pollicitus est. Mercede à civibus promissa, vir ille ex pera qua cinctus erat, fistulam extraxit; & simulatque eam inflavit, ingentia murium agmina ex omnibus domorum angulis ac foraminibus prorupère, & Aulædum illum sonantem ex Civitate ad flumen usque sunt secuta. Ibi aulædum succinctâ veste flumen ingredientem secuti sonantes, unâ omnes spontaneâ submersione perierunt. Hoc peracto, vir ille conditam mercedem exposcit. Cùm autem cives ex avaritia & pecuniæ retinendæ cupiditate tergiversarentur, neque promissam pecuniam persolverent, minacibus illos verbis increpuit, asseruitque, nisi mercedem darent, futurum, ut aliam exigeret mercedem, multò promissâ maiorem, soluturæque difficiliorem. Minæ cum risu exceptæ: post die circa meridiem denuò vir ille comparuit, habitu venatoris, vultu terribili, purpureo inusitatæ compositionis pileo; fistulamque longè à priori diversam summatim ac insonuit, repentè pueri omnes totius civitatis, quadriennibus usque ad duodennes egressi, ludione illum tripudiantes secuti sunt. Est autem extra civitatem ad Visurgis ripam mons quidam seu potius collis (quem incolæ montem Calvariae, Rösselberg appellan-

ellant) & in monte caverna sat ampla, jumentorum
abulationi accommodata. In hanc cavernam unâ
cum omnes pueros duxit venator, atque ab eo tem-
pore nullus unquam puerorum comparuit ampliùs,
ec unquam rescitum deinde quidiis factum, aut quò
perierint. Unica puella, quæ infantem brachiis ge-
rabat, & præeuntes assequi non poterat, rem éminùs
pexit, & regressa oppidanos monuit: qui agminatim
omnes egressi, in omnibus angulis suos liberos, sed fru-
stra quæsi verunt.

Hoc tam insolenti eventu viduati liberis suis Ham-
melienfes, solent in hunc usque diem annos suos in in-
umentis publicis computare ab egressu filiorum
eorum. Testatur P. Athanasius Kircherus se in ea
ope fuisse, & montem ipsum vidisse, totamque rei ge-
nseriem minutâ picturâ in Ecclesia expressam summâ
miratione contemplatum esse. De rei gestæ verita-
tè dubitare non licet, tum propter unanimem multo-
rum scriptorum consensum, tum propter constantem
volarum urbis traditionem. Affirmant omnes (in-
quit Abrahamus Ortelius in Theatro in Descript. Du-
ci Luneburg. ex litteris Arnoldi Fretaghii Medici
e datis) annum, diem & numerum exeuntium
puerorum Senatus Hammelienfis annalibus consigna-
tum esse. Addit Ortelius, non fistulæ, sed tympani
opueros à venatore eductos esse; & in plateâ,
quam educti sunt, nefas esse tympanum pul-

Quòd si quærat, quâ virtute illa murium & pue-
rum educio facta sit? Responder P. Athanasius,
her eam haud dubiè ope Dæmonis contigisse, qui
es & pueros illos fascinavit, & traxit; atque hos
de occulto Dei judicio in aliam Orbis partem
tulit. Certè Transylvaniæ Chronica testantur,
circa

circa idem tempus in Transylvania ignotæ linguæ pueros derepentè apparuisse, qui ibidem sedem figentes linguam suam ita promoverint, ut in hodiernum diem Transylvani dividantur in Saxones, Ciculos, Siculos, & Hungaros: quorum primi non aliâ, quàm Germanicâ Saxonicâ loquuntur linguâ, teste Martino Bronionio in Chronologia Transylvaniæ.

REGULA LIX.

Injustitia Regnis & Rebus publicis admodum perniciosa est.

Veritatem hujus Regulæ comprobat recens historia, quæ narratur in epistola quadam, quam P. Victorius Rictius Vicarius Provincialis ordinis Prædicatorum Imperio Sinenfi Patri de los Angeles Provinciali Philippinarum prædicti Ordinis transmissit.

Jam pridem (inquit Auctor Epistolæ) Idololatriæ & Mahumetani (è quorum infami Secta non pauci Sinis versantur) cupiebant legem Evangelicam in Imperio Sinico destruere. Verum quia videbant P. Joannem Adamum è Societate Jesu, magnum in viciis Domini apud Sineses operarium, magni à Rege fibro ob Astrologiæ scientiam, non ausi sunt sese illi opponere, donec Regem Xunchy nuncupatum, mortuum viderunt. Cum enim in Imperium illi successisset Julius septemannorum, intrudere se cōnati sunt cum Ministris & Gubernatoribus, vires & animos suppeditante pecuniâ. Atque ita cùm hujus conjurationis Sathanicæ electus esset in Ducem Mahumetanus quidam nomine Xanus Kuangisen, Nanquin oriundus, homo astutus & pessimus, quique maximè oderat P. Joannem Adamum (à quo plura beneficia receperat; quique illi vitam, quam vivebat, debebat Deique legem, & omnes Evangelii Ministros: tu

mem

memorialia obtulere, & libellos infames ac publicos in legem Christianorum & Patres, quibus afferebant, Dei legem falsam esse; & Sacerdotes Europæos Regni perturbatores: Quare illico capti sunt in aula P. Joannes Adamus, unâ cum aliis duobus à Societate Jesu, qui tunc in urbe Pequini degebant, duabus in Ecclesiis, quas in illa urbe regia habebant; & terribilibus clausis carceribus, novem unusquisque illorum onustus carnis ferreis. Nomina Patrum sunt, P. Gabriel Maellanes Lusitanus, P. Aloysius Bulio Italus, P. Ferdinandus Verbieft Belga, & P. Joannes Adamus Germanus. Accidit hoc 16. Nov. 1664. Tunc in aulam vocati sunt reliqui omnes Evangelici, cujuscunque Regionis essent, qui toto erant Imperio dispersi, & alii ex Sinæ; magnæ autoritatis dignitatisque, ut audire utrinque sententiam causa judicaretur. Triginta ex Ministri eo tempore reperti sumus ex tribus Religionibus; inter 15. ferè Provincias ejusdem Imperii, & 16. tantummodò comparuere in urbe Regia, reliquis decem se variis in Provinciis occultantibus; quocunque eventu, uno veluti ictu lex Evangelica tingeretur: à Societ. Jesu quinque fuere, quinque meo ordine.

Probari non potuit, Dei legem esse falsam; nam Patres Societatis Pequinenfes traxerunt illico in Tartarum idioma (quod callent) præcepta Decalogi, à cum brevi explicatione, & alium libellum singulem characteribus Sinicis scriptum per P. Joann. Adamum; Visaque sunt omnia utilia, & legi naturali conformia, ita ut admirationem & venerationem illis insarint. Nec etiam probari potuit, Ministros Evangelii esse Regni perturbatores; quandoquidem debebant, Regibus obtemperandum; cumque Adversarii dicerent, in urbe Macaensi 20. millia militum

esse ad Regni invasionem, falsum esse deprehensum est; nam suis videbant oculis Civitatem Macaense jam penitus destructam & desolatam; ita ut residui in illa sunt Lusitani, de illa penitus deserent tractent, Goamituri. Ergo hæc puncta missa fecerunt, & alia aggressi sunt, ad tribunal astrologiæ spectantia, cujus Princeps erat P. Joan. Adamus; affirmantes, dictum Patrem mortis causam fuisse Regis Xunchii, eò quod diem & locum aptum non seligisset, quo quidam Regis consanguinei defuncti humo tradendi erat (Slongrui Sinicè vocatur, & superstitione plena, quæ in sepulturis mortuorum Sinæ utuntur, res planè inter illos gravissima) atque ideo Regem esse mortuum adeo Juvenem, quipiam qui solum vigesimum quartum ætatis annum attigerat, qua de causa mortem mereri P. Adamum, & morte quidem crudelissimam. Verum fuit, hoc genere superstitionis Patrem abstinuisse: quare negare non potuit. Atque ita decimo quinto Aprilis anni 1665. mortis sententiam protulerunt in P. Joannem Adamum, ut foribus excarnificaretur, ejus caput amputaretur, cum filio suo legali Puan nuncupato, & aliis septem ejusdem tribunalis, & amicis (in universum erant octo personæ) morri quoque condemnantes Parentes, fratres, filios, patruos, omnes sanguine, & affinitate junctos (hic patres quoque omnes comprehendebatur) atque hæc tyrannicæ sententiæ forma erat; prætereaque privantes præeminentia, officio, omnique dignitate, bonaque illorum omnia fisco Regio appropriate, declarationem nominum personarum in alio tempore differentes. Hæc sententia prolata contumuit tellus (res planè intolita & rara in Urbe Pequim) & tam fortiter concussa est, ut multa ruerent ædificia (licet non alta sint, sed dimissa, quæ in Sinis habentur

inā cum parte mœnium Urbis ; & ubi terra fuit
 aperta, patuit tam profundè, ut nunc etiam pateat fo-
 rea illa, & ejus profunditas reperiri non possit. Cæ-
 lum Ægyptiacis tenebris se obtegit adeo ; ut in me-
 die candelas accendere necesse fuerit, quo proxi-
 mum quisque suum agnosceret. Tunc illico de cœ-
 lo decidit igneus globus, magnus & terribilis, qui urbi
 minimebat horribili cum fragore, omniumque in Ur-
 be degentium tremore, ac si dies judicii immineret ;
 aque perseveravit per mensis dimidium. Proflie-
 vant continuò ex globo illo scintillæ incendiariæ, quæ
 universam Urbem coëgerunt ; ut domorum suarum,
 & que familiaris curam haberent, ne ignis omnia absum-
 eret ; ac tamen si aqua copiosa sit subministrata ; ut
 ignis accensus extingueretur, quia tamen ignis Dei erat,
 contra sententiam iniquam ; quæ ex palatio Regio
 minata fuerat, nihil potuit omninò humana omnis
 gentia, ut iræ DEI sese opponeret. Atque ita
 Maji ejusdem anni tantus è globo illo ignis erui-
 & emanavit in ipsum palatium Regium, ut irreme-
 abiliter totum incenderit ; quod quamvis adeò in-
 ens sit, ut ferè quatuor leucas habeat in circuitu ; tò-
 n tamen arsit, & excepta solâ aulâ regiâ, in cineres res-
 ta sunt reliqua omnia. Cognitò hoc lamentabili suc-
 cussu, totâ Urbs Regia una voce clamabat, asseverabat
 e, DEI cœli supplicium esse, ultionemque in favo-
 rem fidei suæ ac Religionis. Unde Rex ad mutandam
 sententiam coactus, vocato ad se P. Joanne Adamo, sci-
 tus est ab eo, num talia prodigia naturaliter fieri
 possent ? respondit Pater, non posse, sed esse supplicia
 eo immissa ob injustitias, quæ fierent in illo Impe-
 Metropolique Pequin ; rogavit Patrem (ut audivi
) oraret Deum, ut plagæ illæ cessarent (nam terræ
 us adhuc continuabant tribus aut quatuor vicibus

in die & die sequenti, qua palatium arsit, quæ fuit secunda Maji, festo magno Archiepiscopo D. Antonino sacro, mortis sententiam revocavit, tum P. Adami, tum liquorum omnium, aperuitque totius Imperii carceres & ad omnes Provincias litteras dedit, ut mores depravatos in melius mutarent, bene viverent, Justitiam facerent, obedientiam, & pietatem exercerent, abstinerent à lusibus ac odiis; idque talibus verbis, ramque paternâ exhortatione, ut nec Catholicus id melius dicere potuisset. Atque ita finis impositus hisce plagis solum perseveravit in cælo rara quædam stella, quæ e die magna cum celeritate solem semper quasi insequi videbatur, nec tamen assequi poterat. Hæc eo stylo recensere placuit, quo ab Auctore epistolæ supra citæ scripta fuere.

REGULA LX.

Religionis dissidia sunt Regnorum excidia.

Quantas Regnis ac Rebus publicis strages calamitates invehat discrepantium conflictus Religionum, luculentissimè testatur illa, quæ Anno 1572. Parisiis juvæ Caroli Regis, Hugonotorum seu Calvinistarum patra est cædes, sanè memorabilis: quam, quòd in nuptiis (inquit Strada *de bello Belgico Decade 1. lib. 7.*) peractis est Henrici Navarræ Regis (qui postea fuit Rex Galliarum, dictus Henricus IV.) ipsa divi Bartholomæi nocte Bartholomæanas noctes, seu Parisienses nuptias appellarunt. Placet rem commemorare verbis Bartholomæi Gramondi Auctoris Gallici, qui *Hist. Gall. lib. 6.* sic scribit.

Ecce atrox & crudele consilium! Proponuntur Henrici Borbonii cum Margarita Valesia nuptiæ solennibus festivè transigendis. Sæctarii turmatim nobiles sectæ columina, primores conveniunt. Exit interea decretum à Rege edictum, quo jubentur statâ die Catholici, unâ sæctarios internecone delere, eâ mente, ut pri-

prima factionis capita Lutetiæ patrâ cæde, dies eadem
 foret decretoria sectæ per totam Galliam, obstabat fides
 solenniter data: prævaluit vetus axioma, fidem vio-
 lantibus violari posse. Sanctam esse debere & incon-
 ussam fidem, quâ subditus Regi suo tenetur, à quâ to-
 ties discesserat Secta, quoties è re ipsius fuerat. Revoca-
 tur Ambasianæ, Meldensis, & aliarum proditumum
 memoria, queis Gallia & Reges petebantur.

His persuasum Regi aliàs invalido & inermi, dolo
 rageret. Specie nuptiarum ludicro in eam diem in-
 cito vocantur sectariorum præcipui, dant se in viam
 arifios Nobiles è Secta Galliæ Provinciis circumfusi:
 ucescit D. Bartholomæi dies dicta in lanienam, pa-
 untur Nuptialia: purpurâ & bysso vestiuntur secta-
 nobiles, nuptiis sui Principis festivè honorandis (ita
 enricum appellabant tum sectæ caput) & ecce (hor-
 sco referens) Lutetiæ, & reliquâ passim Galliâ necan-
 uno omnes ordine: non sexûs, non habita ratio
 atis, donec explerentur sanguine & ultione lanistæ,
 vulgus cruoris avidum: totam per noctem Luteria
 pleta cædibus: postridie redintegratur acrius la-
 ena. Colignius (sectariorum belli Dux) inter cæ-
 magnum sui desiderium reliquit sectæ: is paucis
 diebus, dum ex Regia domum redit, sclopo è fene-
 disploso sauciatus fuerat, privatâ, ut creditum, ul-
 ne, ex nece Guisii, quam ipse procurasse creditus.
 morant questum, pro tempore audentius, vultuque
 ci minas meditatam, dedisse causam Lanienæ, quæ
 facta, dum ipse adhuc à vulnere tardabatur; cæ-
 è fenestra in vicum projicitur; non satis occidif-
 nisi ostenderetur.

Horrendum spectaculum! natat in sanguine quan-
 st Luteria, privatique per urbem rivuli dum de
 guine undique confluyente in Sequanam exonerant,

colorem fluvii mutant; jugulantur noxii juxta & innocentes pro libidine percussorum, ut quemque res privatae agebant, aut odia. Nec caesi omnes, plerique asylum invenere in Urbibus, quas Secta occupabat; quosdam affinitas cum Catholicis contracta salvos habuit, quois delitescere datum, donec desavissent ira & furor, Numerus per Galliâ caesorum triginta ferme millia.

Memorable est facti atrocitate, quod ferunt Reginae Margaritæ libri memoriales (ea Henrici Navarrae Regis Conjux ignara mali) inter proscriptos Leyranus, vir nobilis, non procul regia habitans invadit sub carbaseo indusio nudus; postquam vulnus acceperat, exiit se cubili, fugitque in Regiam, ubi asylum fore sperabat ex Rege Navarro; urget sicciorum globus, proripit se victima in Principis, qui fortè tum aberat, Aulam; instabat jugulo ferrum; venerationem locutus amiserat, prævalente, quod vulgo per seditionem licentiâ, Quid faciat infelix homo? Quandoque optimum est ex necessitate consilium; irrupit facto instratum impetu, thorumque occupat Rege vacuum; expergiscitur implacido horrore Regina, feralique hominis amplexu cruentatur tora, & letho eripit. Hæc illi Alii sub Principis lecto delituisse semivivum hominem describunt, donec decederent ira & ultio. Navarrae Regi & Condæo, Principibus è Gente Regia parcitur si Calvinii errores exuerent; exiunt, redeuntque vomitum, ubi primum data occasio fugiendi.

Plerisque placuit ex toties læsâ Regis per sectariorum patientiâ, furor legitimus, placuit Ultionis modum. Quidquid id est, internecionem prodidit effectus intilem; neque enim, ut spes erat, ex cæde concordia fuit inter indigenas, aut veneratio, & cultus erga Regem; quin potius armavit in illum inermes, subditi que prompti nuper capaces obsequii, in rebellionem ind

induxit. Habet enim ferri & flammæ vel in ipsos hæreticos contra fidem datam, sævitia id singulare, ut peccantibus succedat progenies lætior : pullulantibus elut in hydra perniciofa capitibus. Armatur secta in iustius, si quo jure defendi potest seditio in Reges. Tacitus Gramondus.

REGULA LXI.

Homines athei & seductores juventutis in Republica minimè tolerandi.

Anno 1618. in Gallia Parlamenti Tolosani placito damnatus est ad rogum Lucilius Vaninus gente Italicus; à plerisque pro hæresiarcha habitus, Medicinæ speciem Professor, reipsa Atheus, impostor, & in iuventutis seductor erat. Is postularus corruptus per novum dogma juvenutis, in vincula conjectus; ubi se Catholicum orthodoxum mentitus, distulantisper, quam meruerat pœnam : jamque ob datum probationum dimittendus erat. At testium, vorumque accessu indiciorum impietatis retentus, natui Tolosano audiendus de more reus oblatu est. Lucilius metu magis, quàm ex conscientia, de Deo, que providentia multa à veræ Theologiæ principis haud dissona dixerat. At enim quia probationis tandem convincebatur, post exactum in lite in ienda semestre, capitali supplicio fuit condemnatus. Qui cum à Religioso sacerdote admoneretur, ut suæ salutis prospiceret, eum cum objectâ crucifixi effigie aspernatus, Christo his verbis illudebat : Id? illi (Christo crucifixo) in extremis timor suum expressit; ego imperterritus morior. O vos, vel ab ipso impietatis omnis authore non ferendum! Et patuit brevi, scelestum hunc hominum falsò esse se imperterritum mori. Erat enim illi in extre-

mis aspectus ferox & horridus, mens inquieta, & perturbata; & quanquam philosophicè mori se, clamabat identidem, vitam tamen finisse ut brutum nemo negaverit. Antequam rogo subderetur ignis, iussus sacrilegam linguam cultro submittere, negavit, neque eruit, nisi forcipum vi adactus; apprehensam canifex ferro abscidit: subsecuta vociferatione blasphemii horrenda: dixisses, mugire ictum bovem. Reliqua absumpsit ignis: cineres in aërem parsi. Captum ipso supplex omnis, inventusque inclusus vase crystallino immanis inter aquas bufo objicientibus veneficium, respondit, ex vivo bufone, postquam a ignem liquatus fuerit, malo remedium esse, alias lethale. In carcere Sacramentis frequenter utebatur, dissimulans astutè conscientiam. Ubi autem vidit ereptam sibi spem vitæ, larvam exuit, qualisque vixerat, obiit, & abiit. *Ex Gramondo Histor. Gall. lib. 3.*

REGULA LXII.

Principem pacis, quàm belli studiosiorem esse oportet.

Christianos Principes vel eam ob causam à belligerandi appetitu decet abhorreere, & consilia pacifica præferre bellicis, quod Diabolus sit odor pacis & autor incentorque bellorum: Enimverò quàm avidè sitiât humanum sanguinem, per bella & cædæ effundendum, Tartareus prædo, innotescit nobis exemplis, quæ commemorat Philippus Camerarius *in operis succisus cap. 69.* ubi ita scribit: Huc adijcere vultum fuit Historiam sanè memorabilem, quam inter Anglos & Gallos accidisse, in Annalibus se reperisse quendam ex amicis mihi narravit. Cùm uterque Rex in Normandia magnum & instructum exercitum in aciem produxissent, jam jam prælium iniuri: nonnulli ex du-

cib

bus Gallorum timentes fortitudinem Anglorum & fe-
 licitatem (quam cum magna clade sæpius experti fue-
 rant) nec non dubiam, incertamque bellialeam perpen-
 dentes, eò rem deduxerunt, ut ambo Reges ad collo-
 quium singuli cum paucis familiaribus venirent, si for-
 assis controversia absque prælio inter ipsos transigi &
 componi posset. Conventum itaque est, ut in eadem
 planitie, in qua acies instructæ erant, locus idoneus,
 & ab insidiis tutus eligeretur, ad familiarem duorum
 Regum congressum & colloquutionem. Exploratâ re,
 cellum quoddam desertum, & propè dirutum, me-
 dium inter acies deligere placuit. In quo cùm Reges
 armati, remotis arbitris placidè colloquerentur, &
 ipsorum familiares, quos pari numero secum armatos
 sumptèrant, ante ostium interea excubias agerent,
 non difficulter inter eos mitigatis animis convenit, ut
 utriusque Regis exercitus in castra reduceretur, & in-
 tucis, de conditionibus pacis altero die maturiore
 consilio deliberaretur. Dum his aliisq; familiaribus ser-
 monibus duo illi Reges essent occupati, & ex hostibus
 nunciis esse facti viderentur, seq; ad suos recipere vellent;
 ecce tibi anguis immanis ex angulo sacelli præter opi-
 nionem prorepit, & quasi invasurus Reges, suis eos sibi-
 perterrefacit. Illi cernentes hanc minacem & virus
 thale spirantem bestiam, ad se tortuosis flexibus acce-
 rantem, colloquium mox abruptum, & ut se ab eâ
 defenderent, gladios stringunt: mutatisque repentè
 animis, neuter alteri gladium exertum habenti fidens,
 se foras raptim proripiunt. Familiares ipsorum, ignari
 quid accidisset, & inopinato rei eventu percussi, cùm
 non persuaderent, inter Reges jam dudum hostes, ex
 colloquio privato coortam esse simulatam, strin-
 gunt & ipsi gladios suos, & velut conficturi, Regi-
 bus suis assistunt. Quod cùm exercitus, qui non procul

ab eo loco stabat in acie, conspicerent, absque morâ, quasi signo dato, prælium ineunt: & ne quidquam prohibentibus Regibus, erroremque demonstrantibus, tanto furore manus conferunt, ut multa millia cæsa sint: duravitque prælium, donec eos nox segregaret.

REGULA LXIII.

Consultum est, ut Principes præter ordinarium ærarium, habeant thesaurum occultum, non nisi in extrema necessitate usurpandum.

Maximilianus primus Imperator eximia bonitate summaque liberalitate præditus fuit; adeò ut plerique nihil in eo reprehendendum duxerint, nisi quòd sæpe ob penuriam rei pecuniariæ res magnas prosperè inchoatas deferere coactus fuerit. Non tamen unquam, etiam in summa necessitate, voluit auream argenteamque, & ex multis sæculis à Patre, Avo, Socro & Majoribus suis congestam supellectilem, distrahere aut alienare, sed integram Neostadii in Austria Nepotibus reliquit. Post mortem Maximiliani Ferdinandi Archidux jussu fratris Caroli V. Cæsaris aperto thesauro ac viso obstupuit, atque incredibilem thesaurum patri suo in Flandriam transmissit. Adeò ut qui eum pauperem ex tot bellis gestis arbitrabantur, mirati sint tantas ab eo relictas fuisse divitias. Quatuor ille arcas Argentinæ, quatuor Ulmæ, quatuor Augustæ Vindelicorum, quatuor Norimbergæ habuit: in quibus omnibus thesauri continebantur, quos reliquerant Fridericus III. & Albertus Cæsares, nec non Duces, Sigismundus & Philippus, ille Austriæ, hic Burgundiæ. Fueruntque, ut supra insinuatum est, arcæ illæ postea Neostadium translatae.

REGULA LXIV.

*Principes non semper videant oculus alienis, & au-
diant auribus alienis, sed nonnunquam etiam expe-
rimentopersonali (cautè tamen) subditorum suo-
rum fidelitatem & obedientiam ex-
plorent.*

Leo V. Imperator Constantinopolitanus cùm legem
inxisset in summis Urbi imminentibus periculis, ut qui-
unque post crepusculum deprehenderetur in plateis,
verberibus cæsus conjiceretur in carcerem, donec il-
lucesceret: volens custodum experiri fidem, noctu so-
lè Palatio mutato habitu sese proripuit. Cumque à
primis & secundis custodibus pecunia se redemisset, à
tertia custodia pugnis flagisque cæsus carceri traditur.
Cum autem vix multis signis custodiæ Magistro per-
suasisset Imperatorem se esse, tandem dimittitur. Ela-
pso nocte cùm sol illuxisset, custodibus urbis evocatis,
Imperator num quis nocte præterita sit deprehensus,
interrogat. Et pecuniâ quidem corruptos graviter
multavit, magnisque vicissim muneribus locupletavit
eos, qui cæsum se custodiæ mancipaverant. *Cuspinia-
nus ex Zonara.*

DISCURSUS QUADRAGESIMUS NONUS.

EX POLEMICA.

*Varia Regula, ad rem Militarem pertinen-
tes.*

PRÆFATIUNCULA.

*Complex est Politica, Togata (de qua disserui in
precedentibus) & Sagata, qua præsentem sibi
vindicat dissertationem, diciturque POLEMICA,
seu*

sen rei militaris scientia. Illa legibus, Hac ferro & armis rem agit. Illa providet, ne pax & tranquillitas publica amittatur. Hac amissam recuperare nititur. Illa lenibus plerumque consiliis, Hac duris, & contumaciam hostium fracturis utitur. Utraque certis Regulis ad finem intentum conducentibus ex virorum sapientissimorum placitis firmanda est.

CAPUT I.

Regulae Platonicae.

REGULA I.

De duplici genere bellorum.

Bellorum duo sunt genera; unum civile, alterum peregrinum. Civile peregrino longè est periculosius: ac proinde ad civile restringendum, bella externa suscipere expedit. *Ex Platone lib. 1. de legibus.*

REGULA II.

Bellum non nisi pacis causâ gerendum.

Etiam victoriæ ipsæ sunt nonnunquam victoribus funestæ. Itaque bellum per se nunquam optandum, sed pacis tantum causâ suscipiendum est. *Plato ibidem.*

REGULA III.

De studio rei Militaris

Militaris disciplina pueros maturè docenda, & illi ad eam sunt assuefaciendi. *Plato lib. 7. de Legib.*

REGULA IV.

Bello per venationes assuescendum.

Venationibus liberi, præsertim Nobilium, qui ad bellum sunt assuefaciendi, strenuè exercentor. *Plato citatus.*

REGULA V.

De vigore disciplina militaris.

Militaris disciplinæ cognitio vigere debet in quavis
duratura Republica. *Plato lib.8.de Legib.* Estque Ty-
rannorum, nolle ut subditi militaribus se rebu exer-
ceant. *Ibidem.*

REGULA VI.

De vitanda in bello Anarchia.

Jure militari nunquam anarchia toleratur. In bel-
lo enim nihil sine Imperio faciendum. *Ibidem.*

CAPUT II.

Regula Liviana.

REGULA I.

*De bello à debilioribus adversus potentiores
suscipiendo.*

Qui populi per se & singuli sunt vicino hoste im-
becilliores, pessimè sibi consulunt, & exitium su-
m accersunt, dum singuli & seorsim adversus eū bel-
tuscipiunt; iidem autem collecti & conjuncti facile
vincunt. Itaque societas & unio illis omnino ser-
vanda est, si modo salvi esse velint. *Livius decad.I. lib.I.*

REGULA II.

*Vicinis bellum inferentibus celeriter occur-
rendum esse.*

Celeriter vicinorum populorum contra nos moti-
s, incursibus, bellis & injuriis est occurrendum.
ioquin enim in contemptum apud eos adducimur,
illi audentiores fiunt. *Livius decad.I. lib.I.*

REGULA III.

Hostis territus celeriter urgendus.

Perterritis hostibus & victis instandum, neque eis
con-

consulendi, aut sese colligendi spatium dandum est
Livius loco citato.

REGULA IV.

De certamine exulum.

Exulum pro Patria recuperanda certamen in prælio
solet esse asperrimum, ac proinde iis nostrum fortissi-
mi opponendi. *Livius decad. i. lib. 2.*

REGULA V.

De militibus suspectis.

Milites, de quorum ad pugnandum voluntate du-
bitas, non prius quam ipsi certamen postulent, pro-
ducendi ad pugnam, sed in castris continendi. *Livius
loc. citat.*

REGULA VI.

De Polemarcho exoso.

Exercitui odiosus Dux non præficiendus; seipsu-
m enim & exercitum perdet. *Livius cit.*

REGULA VII.

De Duce belli fœderatis dando.

Non permittat potentior populus ut socii absque
Duce à se accepto bellum gerant. *Livius cit.*

REGULA VIII.

Hostes ante pugnam fatigandi.

Iniquissima est pugna, cum integri à fessis excipiun-
tur: ac proinde curandum, ut prius hostes etiam van-
terroribus ac pugnīs fatigemus, dum ipsi integras cor-
poris vires ad eos invadendos servamus. *Livius
cit.*

REGULA IX.

Victi premendi, ut plena sit victoria.

Hoc curandum maximè, ut victi hostes castris quo-
que statim exuantur, ut plena sit victoria, illique an-
imum despondeant. *Lib. 3.*

EX POLEMICA.

751

REGULA X.

Celeritas in bello maximè prodest.

In bello sæpe ex puncto temporis maximarum momenta rerum avertuntur, & pereunt. Itaque celeritate opus est. *Ibidem.*

REGULA XI.

Bellum paci seditiosa præferendum esse.

Vel infelix bellum paci, quæ seditionem domi mo-
ret, est præferendum. *Fuit hæc Senatus Romani senten-
tia, Vide Livium Decade 1. lib. 4.*

REGULA XII.

*De summa potestate in bello periculoso consti-
tuenda.*

In summo belli discrimine necessaria est summa po-
estas, eaque extraordinaria, quæ omnibus rebus cum
perio summo prospiciat. *Ibidem.*

REGULA XIII.

De nocturno usu militiæ equestris.

In nocturnis tumultibus parvus equitum usus est.
enim ea turba moderatu difficilis in tenebris. *Ibid.*

REGULA XIV.

De mutua oppugnatione castrorum.

Magna hostibus trepidatio injicitur, si, cùm castra
veniunt oppugnatum, ipsorum & castra oppu-
gnatum mittamus. *Ibidem.*

REGULA XV.

*post cladem in bello acceptam quid agendum sit
Magistratui?*

Est boni Magistratûs, suorum animos ob cladem
acceptam dejectos, publicis edictis & scriptis in bonam
erigere. *Lib. 4.*

RE.

REGULA XVI.

Vicini non diu bello exercendi.

Quò diutius vicinos bello exercueris, eò formidulosiores hostes habebis. Tales fuere Volsci, ab Romanis exerciti. *Ibidem.*

REGULA XVII.

De militia hyemali.

Continuata etiam per hyemem militia, & hostes terret, & nostros magis militares facit. Sic Romani hyemare ceperunt in tabernaculis. *Livius lib. 5.*

REGULA XVIII.

Vicini bello appetiti juvandi.

Vicini populi auxilio juvandi prius, quam à potioribus opprimantur. Nam iis oppressis, postea cilei ipsi in prædam cedunt, qui alios adjuvare nonglexerunt. Ita contigit Hetruscis neglectis Vejis. *Lib.*

REGULA XIX.

Prima belli præda Militi danda.

Prima in bello ex hostibus præda militibus danda. Maximè eos in reliquum bellum acuit & animat. Camillus Volscorum prædam dedit militibus. *Lib. 6.*

REGULA XX.

Non invadendus hostis loco superior.

Aut nunquam, aut rarò hostis in colle, & de superiore loco pugnans, est invadendus. Nam qui in eum cum subeunt, facile & lassantur, & vincuntur. Galli victi à Popilio. *Lib. 7.*

REGULA XXI.

De pugna militum sub Duce charo.

Acerrimè sub eo Duce pugnant milites, quem habent charum. Sic pugnarunt Romani sub Valerio Corvino. *Lib. 7.*

EX POLEMICA.

75

REGULA XXII.

De pugna obsessorum & circumfessorum.

Circumfessis & obsessis una salus nullam sperare salutem. *Lib. 7.*

REGULA XXIII.

De severitate disciplina militaris.

Ubi adversus validos hostes, & eodem nobiscum armorum genere utentes bellum est; severissimâ disciplinâ, & Manlianis imperiis opus est, quibus exercitus noster contineatur, & conservetur ac victor fiat. *Ibidem lib. 8.*

REGULA XXIV.

Quomodo resistendum hosti potentiori?

Cum neque ad pugnandum hosti par es; neque cum pacisci vis, in oppidis te contineto: & si quod ex his hoste oppugnetur, communibus viribus defendi-
r. Lib. 8.

REGULA XXV.

Ubi castra sint collocanda?

Eum locum in bello capere est consultissimum, ubi cunctationem hostium, qui sibi mutuo auxilium ferre conantur, dirimere, aut impedire possis. *Lib. 8.*

REGULA XXVI.

is, quæ belli Ducem militibus charum faciunt.
Imperatoris in exercitu comitas, curaque de laucijs, de inopia militum, prædæque donatio, magnam illi benevolentiam conciliant, & sæpe iratum militem placant. *Ibidem.*

REGULA XXVII.

De conditionibus belli iusti.

Semper iustum bellum est; quibus omnino necessariis: semper pia arma, quibus nulla, nisi in armis, spes

spes vitæ posita est, omnibus aliis rebus aquis & iustis tentatis & oblatiis. *Livius lib. 9.*

REGULA XXVIII.

De breviori via ab exercitu eligenda.

Ea exercitui via brevior est, quæ apertior, tutior, a minus impedita est: & quæ commeatu non laborat. Atque hoc in genere peccatum est à Romanis in furcis Caudinis. *Lib. 9.*

REGULA XXIX.

Exercitus via Ducem habeat.

Absque viæ Duce nunquam in ignoto, aut hostili loco iter exercitui faciendum. Quod quia non observarunt Romani, inciderunt in Furcas Caudinas. *Lib. 9.*

REGULA XXX.

De modo tractandi hostem potentem, in potestatem reductum.

Hostem in tuam potestatem reductum, præsertim potentem, aut summo beneficio (intactum relinquendo, vitamque donando) tibi concilies: a omnes ad unum trucidando, viribus in posterum spoliis & exhaustias. Media enim via neque eum tuum amicum parat, neque inimicos tollit. *Ibidem.*

REGULA XXXI.

De frumento ad obsidionem necessario.

Obsidio absque frumento pro exercitu obsidendi prius parato, temerè suscipitur. *Lib. 9.*

REGULA XXXII.

De Metropoli Regni ante alias urbes oppugnanda & tutanda.

Metropolis Regni quemadmodum est ab hoste primis tentanda & oppugnanda; sic à nobis tutanda & defendenda. Sic Umbri Romam invaserunt. *Lib. 9.*

EX POLEMICA.

755

REGULA XXXIII.

Miles sit potius horridus, quam cultus.

Miles horridus esse debet, non cælatus auro. Vir-
us enim est militis decus, & dives hostis; quamvis pau-
peris victoris præmium est. *Lib. 9.*

REGULA XXXIV.

*De colligendo exercitu seu delectu mili-
tum.*

Robustissimus exercitus esse solet, cum vir virum
git. *Ibidem.*

REGULA XXXV.

*Suspectam esse prædam, ab hoste nobis obje-
ctam.*

Præda ab hoste nobis sæpe, ut in insidias præcipi-
mur, objicitur. Itaque nunquam eò cum exerci-
tu, nisi explorato loco, ne lateant insidiæ, veniendum,
idem.

REGULA XXXVI.

Alacritas militum ad victoriam confert.
Alacris militum pugnam expetentium animus plu-
rimum hostes terret, & ad victoriam prodest. Con-
verò languidus eorundem animus nihil boni omi-
tur. *Lib. 10.* Certè miles, qui invitus & coactus pu-
gat, facile vincitur. Id accidit Samnitibus cum Pa-
pio pugnantibus. *Lib. cit.*

REGULA XXXVII.

De confirmando exercitu trepido.

Exercitus antea trepidus; itineribus deviis & mu-
ltis locorum exercetur & confirmatur; fitque
(ut Fabius dicere solebat) salubrior & nobilior.
Lib. 10.

DISCURSUS XLIX.

REGULA XXXVIII.

*Certandum lente cum hoste ferocissimè ag-
grediente.*

In certamine cum eo hoste, qui in primo prælio ferocissimus est, lentè primum pugnandum est, ut hostem fatigato, vires nostræ sint integræ: ac proinde facile vincatur. Hoc pacto Samnites à Fabio victi. *Lib. 10.*

REGULA XXXIX.

Hostis à tergo est invadendus.

Plurimum ad victoriam prodest, in medio certamine per circumvectos ex nostris hostem à tergo aggredi. *Ibidem.*

REGULA XL.

De modo tractandi milites ignavos.

Sæpe ignavos milites cogit strenuè pugnare, cum aliqui sunt dispositi ex eorum numero, qui eos fugientes excipiant & occidant. *Ibidem.*

CAPUT III.

Regula ex Annalibus & Historiis Cornelii Taciti.

REGULA I.

De sedanda seditione exercitus.

Exercitus seditio statim non vi, sed blandâ Dicitur cum oratione cohibenda. Sic à Junio Bruto sedata fuit seditio Legionum Pannonicarum. *Lib. 1. Annal.*

REGULA II.

De Exercitu seditioso placato.

Exercitus seditiosus placatus statim in hostem dicitur tendendus, ut quietior sit. *Lib. 1. Annal.*

REGULA III.

De restitutione Disciplina Militaris.

Laxior disciplina militaris, & militum timiditas, aut turpis fuga, severitate restituitur, quâ sola fortiores fiunt. Sic à Lucio Apronio in Africa Romani milites confirmati. *Lib. 3. Annal.*

REGULA IV.

Bellum inferendum hosti discordi.

Tunc tempestivè bellum hosti infertur, cùm ejus proceres inter se dissident. Sic Germanicus Cæsar Germanis bellum intulit, cùm Arminius & Segestes discordarent. *Lib. 1. Annal.*

REGULA V.

Vitanda exercitui loca paludosa.

In loca paludosa nunquam temerè ducendus exercitus. Vix enim in talibus locis poterit par esse indigenis, quantumvis copiosus & robustus sit. In quo genere peccatum à Germanico, dum Catos aggredere. *Lib. 2. Annal.*

REGULA VI.

De domando hoste vago.

Adversus vagum hostem equitatu pollentem, & minime certis locis consistentem, difficillima est belli gerendi ratio. Unde nisi prædâ ille oneretur, aut ad maxima loca compellatur, vix fundi potest. *Lib. 3. Annal.*

REGULA VII.

Vicinis belligerantibus vicina nostra loca munienda.

Vicinis bello inter se certantibus, vicina utrisque nostra sunt valido subsidio firmanda, ne vicinus hostiâ elatus nostram quoque partem turbet. Sic audius rescripsit Attilio Histro. *Lib. 12. Annal.*

Ducis belli hæc summa prudentia est, ut utatur clementiâ adversus supplices, celeritate adversus fugientes, severitate adversus resistentes. *Lib. 14. Annal.*

Conservatio unius oppidi non est preferenda toti Regioni.

Unius oppidi quantumvis egregii conservatio non est totius regionis, & belli summa, & necessitati præferenda: sed illud deferendum est potiùs, quàm rerum summa pericliteretur. *Lib. 14. Annal.*

De hoste in regionem nostram irruente.

Hosti in nostram regionem irruituro itinera præcludenda, comeatus & aqua adimenda, præsidia in ipsa regionis aditu fortissima opponenda, & quæ urbes primæ obijciuntur, commeatu & valido milite munienda. *Lib. 15. Annal.*

De annonâ providendum exercitui.

Magnus in exercitu Ducum error est, de commeatu exercitui iter suscepturo priùs non prospicere. Sic Pærus damnatus, Corbulo laudatus fuit. *Lib. 1. Annal.*

De adventu Ducis in castra hostium.

Dux exercitus sine obside non veniat in castra hostilia. *Ibidem.*

De præsentia Principis in pugna decretoria.
Ab ea pugna, in qua de summa rerum semel agendum

dum ac decertandum est, periculosissimè semper summus Princeps abesse solet. Nam ejus absentia & Duces & Milites timidiore facit, & partem exercitus ad ipsius custodiam, & sæpe meliores abducit. *Lib. 2. Hist.*

REGULA XIV.

De oppugnatione urbis nocturna.

Nunquam noctu oppugnatio urbis tentanda. *Lib. 3. Hist.*

REGULA XV.

De divisione prædæ militaris.

Expugnatae urbis præda ad militem, deditæ ad Duces pertinet. *Ex lib. 3. Histor.*

REGULA XVI.

De quodam stratagemate praeliari.

Fama sparsa de supervenientibus auxiliis in ipso praelii fervore, facillè terret hostes & fugat. Hoc stratagemate usus Antonius Primus Vitellianos fregit. *ibidem.*

REGULA XVII.

De pugna in qua immixtus equiti pedes.

Semper est periculosa nobis ea pugna, in qua intermixtus equiti pedes est, & depugnat contra nos. *ibidem.*

CAPUT IV.

Regula ex Historiis Herodoti.

REGULA I.

De modo aggrediendi hostem in praelio.

Quâ parte potest hostis in praelio plurimum, sive perlatu, sive equitatu, ea maximè vel stratagemate fallendo, vel vim inferendo terrendus, vel insidiis adorandus, vel consilio in varias partes deducendus est.

Hac Regula usus Cyrus, opposuit camelos equitatu Cræsi. *Lib.1. Hist.*

REGULA II.

De qualitate Imperatoris exercitus.

Non est exercitui præficiendus à Rege vel Republica, quem ipsa graviter prius offenderit; ne offensus studio vindictæ exercitum, & unâ Rempublicam prodatur & perdat. Exemplum habemus in Artage Harpagum exercitui præficiendo. *Lib.1. Hist.*

REGULA III.

Militia non negligenda in Republica.

Ubi nullus est militarium virorum ordo & cura, ibi nulli sunt Reipublicæ nervi. Itaque talis Respublica faciliè evertitur. *Lib.2. Hist.*

REGULA IV.

Ante bellum, hostis vicini conciliandi.

Ejus hostis, quem oppugnaturus es, vicinos tibi prius socios facias, vel concilies, maximè eos, è quorum regione com meatus tibi petendus est. Ita Cambyses Regem Arabum conciljavit. *Lib.3. Hist.*

REGULA V.

Regio inexplorata non invadenda.

Alienum populum & regionem antequam aggrediaris aut invadas, notam vel per te ipsum, vel per fidos exploratores habero. *Lib.3. Hist.*

REGULA VI.

Transfugis non esse credendum.

Transfugis non temerè credendum, aut quidquam in bello committendum, etiam fidem justæ suæ ex partibus fugæ facientibus, & sese strenuos adversus partes defertras præstantibus. *Ibidem.*

EX POLEMICA.

761

REGULA VII.

Cavendum Militi à rusticis.

Exercitui longinquum & remotum à finibus iter
conficienti maximè ab insidiis incolarum & rustico-
rum inprimis cavendum est. *Lib. 4. Histor.*

REGULA VIII.

De servando tuto reditu.

Exercitus in alienam Regionem irrumpens tutum
reditum sibi servet. *Ibidem.*

REGULA IX.

Socijs belli nullus in acie locus præscribendus.

Socijs belli à nobis ascitis optio loci in acie honesti-
s conceditur, quàm locus certus præscribitur. Hanc
optionem Cyprii dederunt Jonibus. *Lib. 5. Hist.*

REGULA X.

De modo equitatum hostilem frangendi.

Tutissimum adversus equites equosve quantumvis
eroces in prælio remedium est, si aliqui pedites sum-
mittantur, qui equos ipsos in certamine concidant,
ut vulnerent. *Lib. 5. Hist.*

REGULA XI.

De divisione Exercitus.

Quoties in exercitu plures strenui, magnique Duces
convenire, nisi hostium vires eos simul arma conjun-
gere cogant, commodius & ad pacem inter se tuendam,
ad hostem fatigandum, copias dividunt, & in diver-
sa loca abducunt, ubi eorum quisque rem per se & bel-
lum gerat. Ita Duces Darii in diversas Regiones di-
visi fuere. *Lib. 5. Histor.*

REGULA XII.

Non credendum vires hostium minuendi.

In deliberatione de bello suscipiendo non iis temerè

credendum, qui vires hostium per contemptum diminuunt. *Lib. 7. Histor.*

REGULA XIII.

De Exploratoribus captis.

Exploratores in exercitu deprehensi non semper necandi: sed si & copiosus, & rectè instructus est exercitus, per eum sunt circumducendi, ac dimittendi, qui famam rei terroremque suis augeant. *Lib. 7. Histor.*

REGULA XIV.

Bella cautè suscipienda.

Quieta, florentesque Respublicæ & Regna sese in periculosi belli societatem debent ægrè ac lentè demittere. *Ibidem.*

REGULA XV.

De pugna parvi exercitus cum magno.

In angustiis locorum est à parvo exercitu cum magno confligendum, non in æqua planitie & patenti loco, ne minor exercitus à majori circumveniat. *Lib. 7. Histor.*

REGULA XVI.

Non certandum cum desperatis.

Desperatis, & jam extrema quæque optantibus nequaquam est prælium offerendum, sed mora tantum & impedimenta objicienda, ne amissa recipere vel denuo sese erigere possint; statim enim disfluenta dilabentur. *Lib. 8. Histor.*

REGULA XVII.

Exploranda suspectorum militum fidelitas.

Susceptorum ac timidorum militum fidelitas virtus est aliquo periculo illis objecto exploranda priusquam tuto eorum opera uti possis. Ita Phocæses probavit Mardonius. *Lib. 9. Histor.*

EX POLEMICA.

763

REGULA XVIII.

Observanda in acie.

In acie fortissimo exercitus hostilis robori robur quoque nostri exercitus est opponendum, & ii maxime, qui cum ejusmodi hostibus sunt depugnare assueti. Sic Mardonius Lacedæmonii opposuit Persas robur exercitus sui. Sic Pausanias Athenienses Medis opposuit. *Ibidem.*

REGULA XIX.

De persecutione devicti hostis.

Hostes fugientes raro securè extra nostrum territorium persequimur. *Lib.9.Histor.*

REGULA XX.

De celanda fuga devicti exercitus.

Fugientis & victi exercitus clades, quantum fieri potest, eos celanda est, per quorum agros iter est illi exercitui faciendum. *Ibidem.*

CAPUT V.

Regula ex Historiis Thucydidis.

REGULA I.

Extinguenda statim vicinorum bella.

Potentum vicinorum bella aut à vicinis quietis statim extinguenda, aut ipsos quietos vicinos trahent in idem bellum, ac iisdem malis involvent. Ita Græcia fuit implicata bello à Corinthiis & Corinthenis primum commoto. *Lib.1.Hist.*

REGULA II.

Non sine gravissima causa oportet se bellis vicinorum implicare.

Vicina calamitates potius, cum licet, absque periculo spe,

spectandæ, quàm sefe illis absque causa gravissima implicandum, ne tota clades in nos ipsos tandem, quamvis duntaxat incendio supervenientes, non autem in ipsos incendiï auctores, incumbat. *Lib. 1. Histor.*

REGULA III.

Belli nervus pecunia.

Bella non magis armis, quàm sumptibus geruntur. *Ibidem.*

REGULA IV.

Belli socii prudenter accersendi.

Socii, quorum opera in bello strenua, aut non accersendi, aut temerè non dimittendi. Inde enim suspiciones graves, ac tandem similtates ac bella oriuntur. *Ibidem.*

REGULA V.

De Belli Fulcro.

Bella sustinent magis opes superflue, quàm violentæ collationes. *Lib. 1. Histor.*

REGULA VI.

De modo bellum gerendi.

Bella consilio, pecuniæ vi, & resistendo potiùs, quàm aggrediendo conficiuntur. *Lib. 2. Histor.*

REGULA VII.

De Prælio Navali.

Si paucis navibus contra plures dimicandum sit, angustia maris eligendæ. *Lib. 2. Histor.*

REGULA VIII.

De tempore idoneo ad faciendas eruptiones ex Urbibus obsessis.

Ad eruptiones ex obfesso oppido faciendas, maxime idonea est nox tempestuosa & illunis, ea que obfervanda à Ducibus. *Lib. 3. Histor.*

REGULA IX.

De modo instituendi ab exercitu itineris per loca ignota.

Alienis consiliis, alienoque ductu non est temerè & facile cum exercitu pergendum. Duci in loca ipsi ignota, nisi validus sit ipsius exercitus, & reditûs rationem prius planè perspectam habeat, itemque à duce viæ ob-
sidēs acceperit. *Lib. 3. Hist.*

REGULA X.

Pax bello præferenda.

Pax tuta cuivis bello, etiam iusto, est præferenda; adeo ut ne magnæ quidem alicujus prosperitatis in-
expectato eventu recusari debeat oblata. Porro iis maximè pax est quærenda, & oblata acceptanda, quibus aliena auxilia ad bellum gerendum sunt necessaria, præsertim si jam sint accita. Quod si nonnulli Martem spirantes, populum identidem aut Magistratum ad arma capeffenda concitent, optimum talium nomen est frænum, si ipsimet in huiusmodi bella & pericula deducantur, fiantque earum, ut cæteri, participes. *Lib. 4. Hist.*

REGULA XI.

Oppida bello occupata bene firmanda.

Prudens belli Dux non tam de novis oppidis occupandis, quàm de occupatis firmandis ac retinendis de-
bet esse sollicitus. *Lib. 4. Histor.*

REGULA XII.

In bello potior est is, qui prior in campum prodit.

In bellis, qui prius instructus & paratus prodit, agnas hosti commoditates eripit, & metum injicit.
Lib. 5. Histor.

RE-

Contra belli Duces non facile admittendæ querimonie.

Duces exercitus & Primores Reipublicarum semper sunt belli tempore multorum invidiæ & calumniæ obnoxii, propter detrimenta, quæ privati, & quidem multi tunc accipiunt. Itaque non sunt tunc privatorum querimoniæ contra eos pro justis criminibus audiendæ, vel si propter eas à munere depnendi. *Lib. 5. Histor.*

REGULA XIV.

Belli societatem à nobis petentibus non facile credendum.

Extranei auxilium societatemque à nobis petentes, ut plurimum de se, suis opibus, suaque potentia & fide strenuè mentiuntur. Itaque nisi prius res eorum à nobis fuerint exploratæ, iis non est credendum. *Lib. 6. Histor.*

REGULA XV.

De Necessitate & Utilitate Equitatis in Militia.

In præliis ac victoriis absque firmo equitatu nullum hosti, etiam fugienti, magnum incommodum afferri potest. Peditatus item quantumvis firmus absque equitatu in præliis tanquam nudus censetur. *Lib. 6.*

REGULA XVI.

In Prælio navali cadendi naucleri.

In navali prælio qui nautas aut naucleros occidunt facile sibi victoriâ comparant. Ad eos verò cadendos, conducit parvis navigiis peritos jaculatores imponere, qui tempore conflictus navalis eos telis percutiant. *Lib. 7. Histor.*

EX POLEMICA.

767

REGULA XVII.

Prælium nocturnum periculosum.

Prælium noctu committere, nisi exploratissimo in loco, tesseraque facili data, ac denique ratione ad receptum victis idonea prius constituta, periculosissimum est. *Ibidem.*

REGULA XVIII.

Victis celerrimè fugiendum esse.

Victis sese recipientibus quam celerrimè iter est faciendum, ut loca, per quæ eundum est, præoccupent, antequam ab hoste teneantur, & usquequò aliquod insuperabile vallum ac interstitium inter se & hostes objecerint, velut flumen, oppidum suum &c. *Ibidem.*

CAPUT VI.

Regula ex Xenophonte de Pædia Cyri.

REGULA I.

Exercitus semper occupetur.

Exercitum nunquam otiosum esse oportet, sed in eo, ut vel noceat hosti, vel sibi necessaria paret, vel se milititer exerceat, semper occupatum. *Lib. 1.*

REGULA II.

Castra vallo & fossa munienda.

In castrorum metatione tutissimum est, vallo & fossa castra nostra semper munire. Ita fecit, & faciendum censuit Cyrus. *Lib. 3.*

REGULA III.

De nocturno itinere exercitus.

Noctu proficiscenti exercitui maximè silendum, nam iter nocturnum tutissimum fit per aures, diurnum per oculos, utrumque verò per præmissos semper viros & exploratores. *Lib. 5.*

RE-

REGULA IV.

Milites à belli Duce non contemnendi.

Milites dum videntur haberi contemptui, boni quidem & strenui desinunt esse alacres: mali verò fiunt deteriores. Dictum Cyri. *Lib. 5.*

REGULA V.

Durissimi in bello hostes fames & frigus.

Durissimi hostes duo, & à nullò exercitu superabiles, fames & frigus. *Lib. 6.*

REGULA VI.

De com meatu militari.

Commeatus plurimùm milites alit, qui cibis salis acutis & mordacibus constat. Dictum Cyri. *Lib. 6.*

REGULA VII.

De impedimentis Exercitus.

Impedimenta exercitus vel in medio, vel in extremo agmine collocentur. *Ibidem.*

REGULA VIII.

De construenda Acie.

In acie struenda maximè prospiciendum est, ne hostes à sinistra ab hostibus circumveniri possint, aut ne nostri ordinis, seu agmina sic inter se procul collocentur, ut aliis laborantibus auxilio statim adesse non possint. *Lib. 7.*

CAPUT VII.

Regule variae ex variis Auctoribus.

REGULA I.

Quando bellum suscipiendum sit.

Prælium aut bellum suscipiendum omnino negamus, nisi cum major emolumenti spes quam damni metus ostenditur. *Suetonius.*

REGULA II.

Quomodo pugnandum in mari?

In praelio navalipotior est ejus conditio, qui pelagus tenet, & in pleno mari navigat, quam qui circa litus pugnat. Est enim navalis certaminis ars & commoditas summa, si per medios hostes præterlabi, ac princeps in pugnantes impetum facere possis. *Polybius lib. 1. Histor.*

REGULA III.

Accepta clades statim compensanda.

Clades accepta, si fieri potest, novo aliquo devictæ artis lucro statim, & damno hosti illato, compensanda est; alioqui fiunt languidiores victi. *Idem ibidem.*

REGULA IV.

De sedanda militari seditione.

Ad sedandas militum seditiones, plurimum confert, si quempiam ad eos mittere, qui cum ipsis militibus eos humaniter tractarit, & quem ipsi diligant. *Idem ibidem.*

REGULA V.

De Militibus levis Armaturæ.

Pedites & levis armaturæ milites, cum sunt pauci, profunt: cum multi, juvant. *Philippus Cominaus.*

REGULA VI.

Distributio prædæ post adeptam Victoriam.

Parta victoriâ pars spoliiorum in sacrum & pauperum usum reservanda est, pars in præmia, quæ sunt munus danda, pars cuique pro suo jure tribuenda. *Idem lib. 8. Histor.*

REGULA VII.

Quid agendum Exercitu perterrito ?

In exercitu perterrito claudenda castra, & viæ, ne qui ex eo transfugiant ad hostes, occupandæ. *Herodorus lib. 9.*

REGULA VIII.

Spolia non nisi hoste devicto colligenda.

Spolia ex hostibus demum post eos fufos partamque plenè victoriam sunt legenda, idque ne priùs fiat, severè est in exercitu prohibendum. *Idem ibidem.*

REGULA IX.

Subditorum rebellium punitio non prohibenda.

Nullus Princeps, aut belli Dux à suis subditis iuste puniendis arcendus est : & qui id facit, parem in se legem statuit, ne suos & ipse subditos puniat delinquentes. *Thucydides lib. 1. Histor.*

REGULA X.

Legati Hostium observandi.

Non committendum, ut hostium Legati, qui nostros terrere possunt, cum quopiam nostrorum colloquantur. *Thucydides lib. 2. Histor.*

REGULA XI.

Quomodo Hostis irruens sit avertendus.

Hostem abducere à nobis ad sua tutanda consilii tiffimum: itaque in illius regionem irrumpendum. Sic Periclis consilio irruerunt Athenienses in Peloponnesum : Scipio in Africam : Agathocles in agrum Carthaginensem.

REGULA XII.

Quid maritima Civitas potissimum spectare debeat ingruente bello ?

Maritimæ civitati ac Reipublicæ satis est, etiam dum

terrâ invaditur, si maris Imperium retineat: terram autem & agros vastari potius, quàm se de Imperio maris deici patiatur. Hoc, Consilium Atheniensibus à Pericle datum. *Thucydides lib. 2. Hist.*

REGULA XIII.

Bella per conjugia dissolvuntur.

Conjugia inter hostes & hostium Duces inita est facillima belli dissolvendi ratio. *Idem ibidem.*

REGULA XIV.

Pecunia indeficiens bello necessaria.

Pecunia, quæ non deficiat, paranda est ei, qui fidum, strenuum, & obsequentem exercitum habere velit. *Xenophon lib. 1. de Pædia Cyri.*

REGULA XV.

Quid belli Duci benevolentiam militum conciliet?

Imperatori summam militum benevolentiam conciliat, si vulneratos in prælio excipiat ipse, curet, foveat, & ipse cum Medicis, dum eorum vulnera tractantur, adsit. *Idem lib. 5.*

REGULA XVI.

De hybernis in hostico.

Exercitus in hostico securè hybernatur, si castella vicina occupavit. *Idem lib. 6.*

REGULA XVII.

De Exploratoribus exercitum proficiscentem præcedentibus.

Profecturum exercitum speculatores equites semper præcedant, quàm longissimè possunt; & maturè regula renuntient exercitui. Hi verò equites quosque ex indigenis possunt, capiant, & de hostium locustatu, numero interrogent, & quàm certissima quest, expiscantur. *Idem ibidem.*

DISCURSUS XLIX.

REGULA XVIII.

Non extenuanda hostium vires.

Non extenuandæ hostium vires, ubi consilium de certando capitur, sed potius augendæ. *Idem ibidem.*

REGULA XIX.

De militia extranea.

Infirma est Respublica, imo facile evertitur, quæ nullos nisi extraneos milites habet. *Polybius lib. 1. Histor.*

REGULA XX.

Quid agendum exercitui imbecilliori?

Exercitus imbecillior potest saltem commeatum firmiori intercludere sæpè: ac proinde id saltem conetur. *Idem ibidem.*

REGULA XXI.

Magnum ad victoriam momentum.

Magnum ad victoriam adjumentum est, hostium impetum eminùs sustinere, aut in re inutili eludere ipsos autem jam ita lassos cominus & gladiis aggrediac cadere. *Polybius lib. 2.*

REGULA XXII.

Quid agendum pluribus cladibus acceptis?

Exercitus pluribus cladibus jam acceptis perterritus, eidem hosti non est temerè obijciendus. Obijciatur autem temerè si priusquam confirmetur aliquâ felici pugna & victoriâ de hoste, tamen iterum in aciem educatur & pugnet. *Polybius lib. 3. Histor.*

REGULA XXIII.

Quomodo subigendus sit hostis sapius victor?

Hostis sapius victor, potius cunctatione, quam prælio subigitur, modò illi oppida firma nulla sint, in quæ se tutò recipiat, nobis autem & militum multitudo adsit, & suppetat commeatus. Sequendus tamen est & quan

& quantum licet premendus conferto, non dissipato agmine. *Idem ibidem.*

REGULA XXIV.

De pugna in patentibus campis.

In patentibus campis nunquam ei sponte & ultro certamen suscipiendum, qui equitatu est longè inferior, quàm hostis. *Idem ibidem.*

REGULA XXV.

Quenam oppida potissimum oppugnanda?

Ea potissimum oppida hostium oppugnanda, & si fieri potest, intercipienda, in quibus commearus, resque aliæ ad bellum necessariae sunt ab illis collocatae. *Idem ibidem.*

REGULA XXVI.

In bello civili Metropolis occupanda.

In bellis civilibus Metropolis Regni imprimis, si fieri potest, occupanda, aut conservanda. Ita peccavit Pompejus, qui post pugnam Pharsalicam Romam deseruit. *Cicero in epistolis ad Marcum Brutum.*

REGULA XXVII.

Cautio adhibenda in bello civili.

In bellis civilibus sunt, quicunque publicis exercitiis præsent in nostras partes, præmiis, pecuniâ & honoribus traducendi. *Cicero citatus.*

REGULA XXVIII.

Insuperatum auxilium pralio interveniens maxime salutare.

Auxilium quantumvis exiguum ex insperato pro nobis hostibus ostentatum, vel in eos irruens, etiam eos victores in fugam vertit. Nam formidolosiores sunt hosti, qui pugnae interveniunt, quàm ipsi qui pugnant. *Thucydides lib. 4.*

DISCURSUS XLIX.

REGULA XXIX.

Hosti occurrendum esse.

Hosti invadere volenti, si ultro ipse occurras. & tuos animos addis, & hosti detrahis. *Thucydides lib. 6.*

REGULA XXX.

Castra quâ formâ esse debeant?

Castra metanda circulari forma, non quadrata. *Xenophon. lib. de Republ. Lacedæmoniorum.*

REGULA XXXI.

De hoste perterrito in sua Regione persequendo.

Si hostis in sua propria Regione sit perterritus & imparatus, est persequendus, non autem tempus illi concedendum per longam alicujus sui oppidi à nobis susceptam obsidionem. *Polybius lib. 4. Histor.*

REGULA XXXII.

Magnanimi Principis est non tam opes, quàm gloriam bello querere.

Eluxit hæc magnanimitas in Sanctio Rege Navaræ, de quo Philippus Camerarius Operar. succisivæ Centur. i. sequentem commemorat historiam.

Memoriæ proditum est, inquit, Castellæ Regnum in Hispania quondam à triginta Barbarorum Regibus Duce ac Imperatore Smaragdo, occupatum fuisse. Unde cum illi magnum Christianis terrorem injicerent, brevique setotâ reliquâ Hispaniâ, quæ Christianorum erat, potituros esse confiderent: Sanctum Navarræ Regem collecto forti magis, quàm numeroso exercitu, adversus eos profectum fuisse: cum prius pulcherrimum clarissimumque jusjurandum jurasse nunquam se ex bello, nisi partâ victoria reversurum. Excogitaverant barbari cum alia multa ad prohibendas nostrorum incursiones aptissima: tum catenas quasdam ferreas, quibus ita vias omnes occluserant.

ut equitatu, quò plurimùm valebant nostri, omnis ad-
empta spes faciendæ in hostem irruptionis videretur;
sed nihil virium habent adversùs prudentiam subdola
& astuta consilia: debiles sunt omnes adversùs con-
stantiam machinæ: imbecilla & inutilis adversus forti-
tudinem multitudò. Deo duce per medios hostes sibi
& suis viam ferro faciens Sanctius, non prius destitit,
quam barbaros suos, fugatos, castris exutos, docuit vi-
ctoriam non in munitionibus operibusque bellicis, sed
in causæ bonitate positam esse: qui pro Christi nomi-
ne dimicarent, eorum impetum non posse, ne collatis
quidem in unum aliorum omnium viribus, sustineri.

Superatis igitur, & in potestatem redactis hostibus,
omnium nostrorum, & imperatorum, & militum, in-
credibilis concursus ad Sanctium factus est: alius am-
plexari eum: alius ad genua accidere: alius fortem
illam dexteram barbarorum domitricem, Hispania-
rum liberatricem, victoriarum confectricem exoscula-
ri: qui propter multitudinem propiùs accedere non
poterant, vultu, oculis, manibus, corpore, quasunque
poterant animi sui significationes dabant: unâ omnes
voce & bellatorem fortissimum & Imperatorem invi-
ctissimum consalutabant. Inde cum de dividendâ præ-
dâ agi ceptum esset, quæ tanta erat, quantum triginta
potentissimorum Regum collatæ in unum locum opes
coacervare potuerant: nemo erat in universo exercitu,
qui non ita sentiret, itaque prædicaret: quantamcun-
que sibi partem ex ea vel deposceret, vel etiam suo jure
umeret Sanctius, nunquam tantum ad eum perventum
esse, ut non multò plus ipsius virtuti præclarisque
factis deberetur. Erat in castris Barbarorum auri, ar-
genti, facti infectique permagna vis: gemmarum ma-
ximè pretii admirabilis multitudo: multum tape-
rium, multum conchyliaræ vestis, multum peristroma-

tum: ut est illa etiam in bellis luxuriosissima gens: armorum omnis generis optimorum, & exquisitissimo artificio fabricatorum infinitus prope numerus: eque præstantes permulti: phalararum, ephippiorum, catenarumque ornamentorum equestrium incredibilis copia: captivi longè plurimi, ex quibus ingens pecunia confici posset; quibus omnibus ex rebus Sanctitum, ut quantum vellet sibi ipse sumeret, summo omnes consensu obsecrabant.

Ille alacri vultu, cum gratam sibi illam esse exercitus voluntatem significasset: Non me, inquit, barbaricorum opum cupiditas, ut hoc bellum aggrededer, aut in prima acie stans corpus meum telis hostium obicerem, induxit: Christianæ mihi pietatis ardor, & hujus pulcherrimæ Regionis ab injusto immanium belluarum dominatu vindicandæ studium, facies ad eam rem & stimulos subdiderunt. Nunc cum id, quod volui divino beneficio, & vestra, milites, virtute consecutus sim, non committam; ut majori animo videar armorum & stantium copias, quam inermium & jacentium spolia contempsisse. Ornamento ista sint primum immortalis Dei nostri, Divorumque templis ac delubris, ut partim in sacratissimis reposita, partim theolispudentia propagent in omne tempus memoriam nostri, posterolque nostros ad suscipiendam semper magno animo Religionis nostræ defensionem exsuscitent: ditent cætera egenos & exhaustos, pro suisque meritis, milites: ut cum juventutis suæ firmitatem in periculis & laboribus consumpserint, habeant olim, quo senectutis imbecillitatem in tranquillitate atque otio sustentare possint. Ego quidem, quod ad me attinet, præter has catenas, quas inspecantibus, adjuvantibusque vobis perfregi, atque perrupi, & præter illam gemam, quam meis manibus dejectam illic jacen-

rem videtis, (hæc autem dicens, monstrabat illis prostratum, & in sanguine suo involutum exanimem Smaragdum, hostilis exercitus paulò ante Imperatorem) nullam omnino mihi mercedem, nullum præmium aut postulo aut appeto. Ergo ad conservandam tam nobilis victoriæ memoriam, & incitandos pariter successorum suorum animos, & ipse postea catenas pro insignibus gestavit, & instituit, ut iisdem insignibus cæteri post Reges uterentur. Ac quoniam eo in prælio præcipuum, quem dixit, barbarorum ductorem Smaragdum, quia ipse manu obruncaverat, ejusdem nominis gemnam medio illarum catenarum complexu voluit contineri; quin etiam, propter hanc aliasque similes victorias, Regibus Navarrae honoris ergo tributum est, ut iungantur, coronentur, consecrentur, &c. *Philip. Caesar. Operarum successuar. Centur. 1.*

Rectè Bodinus in *Method. histor. c. 6.* ex sententia Aristotelis Principem instituendum putat, ut solidâ ve-riq; laude pascatur, in eaq; sensim adolescat. Qui si gloriâ, inquit, non erit contentus, in Tyrannum evadet. Quæret enim opes ac voluptates: hinc ad rapinas ac supra converteretur. Id, quod accidit Dionysio juniori, quem Pater in otio ac deliciis ita educaverat, ut neque ergastulo in lucem prodiret, neque ullis omnino disciplinis imbueret, neque veræ laudis gustum haberet. Qui autem gloriæ cupidus erit, non modo infamiam & vitæ turpitudinem fugiet, sed etiam intelliget verum nec in sola virtutis actione versari.

REGULA XXXIII.

Bellum in hostico gerendum.

Princeps minori damno & periculo suo extra fines nationis propriæ, quam intra eos bellum gerit. Bellum in hostile solum transferre (inquit *Daneus in Aphorismis Polit. pag. 102.*) quantum possumus, debemus.

Nam ea ratione magis terretur hostis, & ad sua tutand
revocatur. Atque hoc consilium datum est olim Cy
ro à Cræso, apud *Herodot. lib. 1. pag. 41.* Prudenter *Li
dinus lib. 5. de Republ. c. 8.* Non decet, inquit, fortem a
magnanimum Principem in imperii sui visceribus præ
lium committere, si hostes extra fines imperii an
tevertere possit: aut certè alios exercitus, uno omisso
vel munitissimas ac plurimas arces, quibus sese recipiat
habere oportet: alioqui periculum imperii ac fortu
narum omnium facturus.

Romani certè sapientissimo consilio navigandum
in Africam, & eò omnem belli vim transferendam ei
se decreverunt, quo Carthaginenses non de Sicilia se
lùm, verùm etiam de seipsis & regione sua decertan
cogerentur. *Polybius lib. 1. pag. 40.*

Nec minùs prudenter Ludovicus Crassus Rex Fran
corum, cùm Imperatorem Henricum unà cum Impe
riali exercitu in Galliam adventare audisset, ipse con
scripto ducentorum millium exercitu (tot enim Sug
gerius in historiam retulit) extra fines Regni sui a
Rhenum usque finitimas Imperii Provincias longè la
teque populatus, hostes antevertit; quâ re perterr
tus Imperator, pacis conditiones arbitrio Regis accepi

Pari fortitudine ac prudentiâ Philippus Augustus
Ludovici nepos, cùm allatum esset, Othonem Impera
torem, sociatis cum Rege Anglorum & Regulis Belga
rum armis, magno cum exercitu adoriri Galliam decre
visse, arces & oppida Regni sui præsidio firmavit, a
deinde extra fines propriæ ditionis progressus, hostes
ingenti clade prostravit.

Et certè si Franciscus I. Rex Galliæ, cladem illam
quam ad Ticinum accepit, in ipsis Galliæ visceribus per
pessus esset, Regnum universum in extremum discer
men adductum fuisset. Cùm vero res gesta sit extra Ga
lliam

am in Italia, detrimenta multò leviora fuère: quia
 ivibus interim tempus ad animos colligendos, vires-
 que recuperandas datum est, ut de salute desperandum
 non esset.

REGULA XXXIV.

Hostis in bello periculosè contemnitur.

Nihil est quod sæpius hostes alteris efficiat superio-
 res, quàm eorum contemptus, & nimia propriæ vir-
 tutis confidentia.

Proverbium Ludovici XII. Regis Galliæ teste Co-
 rinæo *in commentar. de reb. gest. Ludov. & Carol. l. 2.*
 at, Dedecus & detrimentum esse comites ac veluti
 edissequas superbiæ.

Exercitum Maximiliani I. Cæsaris, Ducibus Rudolpho
 halthinò, & Georgio Fronspergio in Italia ad Vicen-
 tum, in angustissimis montibus circumfesso, Bartho-
 mæus Livianus Dux Venetus evocavit ex urbe Se-
 tum cives & mulieres, ad spectandam lanienam Ger-
 manorum. Sed copiæ Cæsareæ, Germanis fortissimè
 micantibus, exercitum Venetum fuderunt, dissip-
 ant, & submerferunt maximam partem, etiam eo-
 rum, qui ex urbe ad spectandam cædem Germano-
 rum egressi fuerant.

Anno 1514. ad Borysthenem fluvium pugnatum est
 memorabili prælio inter Ducem Moscoviæ, & Regem
 loniæ Sigismundum. Tanta fuit Moscorum con-
 fidentia, & hostis despicientia, ut Polonos numero lon-
 inferiores, ultro paterentur transire fluvium. Sed
 m ad manus ventum est, vicerunt Poloni operâ Scl-
 tatorum, quibus carebant Mosci. Cæsa horum tri-
 ta millia, capti plurimi, teste Curæo in *Annali-*
is Silesiæ.

Itaque hostis nunquam contemnendus (inquit
 ucydides *lib. 5. Hist.*) quantumvis timentis speciem
 e se ferat.

Patet

Patet hoc in primis, præter allatas historias, in Joanne Comite de Hoya, qui cum multis præliis irritasset civem Osnabrugensem, à quibus Ericus Episcopus frater ejus expulsus fuerat, multosque civium & cæcidisset, & captisset, tandem audentior factus, contempsit hostem. Unde captus, cavæ inclusus fuit, in qua vir proceres se erigere non posset, & septennio integro in ea detentus, Anno 1444. liberatus fuit. *Cranzius lib. 11. Session. cap. 37.*

Patet deinde in Flandris Gandavenfibus, quibus Philippus Valesius Gallorum Rex Anno 1328. prædecertavit. Cum enim Gandavenfes ante conflictum in Gallorum contemptum ac derisionem formassent gallum gallinaceum ex tela cannabacea, adjecta hac inscriptione: *Cum gallus hic cecinerit, Galli victores erunt* magno illis hæc derisio ac despicientia constitit; quando irrisorum undeviginti millia cum octingentis acie occubuerunt. Auctor Maris histor. Anno Domini 1328.

REGULA XXXV.

Polemarchus belli injusti neque autor, neque fautor, neque actor sit.

Dux Buckinghamus in Aula Caroli, Regis Angliæ Matris Parentis, apprimè potens, & primæ admisionis amicus, abusus favore Principis sui, suavit ei Anno 1602. bellum, Regi Christianissimo inferendum, quod Parlamentum Anglicanum postea pronunciavit esse infestum, & cum detrimento Regni conjunctum.

Iraque post primam eamque infelicem expeditionem, cujus motor & Ductor fuit ipse Buckinghamus dicitur illi à Parlamento dies, quâ purgaret crimina aut poenam lueret. Arguebatur, ut dixi, belli con-

eges moti in Regem Gallia, neque Decreti prius in Parlamento, neque denunciati hostibus antequam moveretur : quorum alterum agebant esse contra leges Regni, altero violatum videri jus Gentium & fidem publicam; accedebant & alii variorum, quæ Reo imputabantur, tituli criminum: peculatus, flagellata nona, perduellionis, oppressi populi, patrocinii denique Arminianæ Sectæ in Anglia præstiti.

Buckinghamus metu Parlamenti, urgebat expeditionem alteram, sperans in armorum strepitu se aut impunitatem, aut dilationem iudicii consecuturum. Rex quoque actione de exhibendo reo frequenter interpellatus, exceptione dilatoriâ vitabat iudicium, atque interim classem sedulo instruebat, sperans ubi vela in portum dedisset Buckinghamus, finem accusationis fore. Igitur die vela facturum erat, cum Felto centuriæ militis legatus incautum ferro adortus trucidat. Hærenti vulneri mucronem exemisse fertur ipse Buckinghamus: repêrçussurus, si posset, percussorem suum. Ullam morientis verba in sicarium hæc erant: Ah! ca, mene sic necas? Tantus erat omnium ordinum concursus ad videndum cum morte luctantem Buckinghamum, ut dilapsus Felto, circumstantium oculos ellicerit. Mox tamen erubuit ob ingloriam & metus famam fugam, seque sponte & nullo compellente exiens: Me me, inquit, adsum, qui feci; mihi debita est libertas & populi. Hærentibus, qui circumstant & dubitantibus; Ego, inquit, in Buckinghami stomachum pugionem altè impressi; & ne quis gratis à me dictum existimet, faciet me collati in populum bene manifestum pugio, capulo eburneus, anceps & brevis. His auditis, tota Buckinghami familia in percussoribus iruebat; cum intersit Carletonus, noxium caput capulo reservans. Rogatus Felto, quam ob causam inno-

innocentem trucidasset, negavit innoceatē esse, qui opprimebat populum, qui tyrannicè incumbēbat Regi, qui tot cives bello injusto perdiderat. Adhæc sibi privatas justissimè conquerendi causas esse, qui licet munere suo optimè semper functus sit, nunquam tamen ac primum ejus centuriæ munus, ob iniquitatem & malevolentiam Buckinghami, accessum habere potuerit; quamvis lege & more militari substitui debuisset, præfecti bis terque cæsis. Adjiciebat, stipendium sibi non esse persolutum, distractâ in pravos usus pecuniâ publicâ.

Quanta porrò Feltonis extiterit contumacia & temeritas, vel ex eo intelligi potest, quod veritus, ne à Buckinghami familia post cædem patrata statim occideretur, substituerit voci interceptæ schedam, galericinulo implicitam, in quâ hæc erant exarata verba: Non ambio laudem ex facto memorabili; nunc ejus ultionem omnium fui. Sui censesores sunt, qui hæc legent, non præcones mei; odi laudem ab impuro ore; excæcæ estis omnes usque in hanc diem; ignavus est, mentiturque se Nobilem aut militem, quicumque imbelli meretur negat victimam se Deo, Regi & patriæ.

Joannes Felto. Actum Sanctuiche 23. Aug. Anno 1628.

Atque hic fuit exitus Buckinghami, belli injusti actor & actor injustus. Felto non multò post capitali supplicio admissum scelus expiavit. Nec defuere, qui causæ Anglicanæ Martyrem ex percussore facerent.

DISCURSUS QUINQUAGESIMUS.
EX THEOLOGIA.
de Christo, & benedicta Matre ejus Maria.

PRÆFATIUNCULA.

Sacra Theologia est scientia de DEO rebusque divinis, quæ occupatâ arce gloria, ceteris omnibus scientiis non modo palmam, sed etiam spem palma erigunt, cum de principatu agitur. Quod enim inter aves aquila, inter montes Atlas, inter arbores Cedrus, inter mares Mare, inter Maria Oceanus, inter Sidera Phœbus, inter humana literaturæ scientias est sacra Theologia. Quales ejus si inquiris? Ajo illam terrarum bono in cœlo tam, & dono quodam providentiæ à Deo mortalibus esse necessariam, in qua suas omnes vires humanum experiretur ingenium. Si auctoritatem requiris? quot illa verba tota, quot apices, tot propè veritatis mysteria eloquitur. ipsa commune facta oraculum, oraculis omnibus voce ademit, sola digna audiri.

QUÆSTIO UNICA.

*an Christus verè & propriè fuerit Filius Maria,
& hac Mater Christi.*

Clarissimam Virginem Mariam verè & propriè Matrem Christi, ac proinde Christum ejusdem filium vera & propria significatione fuisse.

probat 1. ex cap. 2. Matth. Accipe Puerum & Matrem ejus, & fuge in Ægyptum.

probat 2. ex Joan. 2. Erat Mater Jesu ibi.

probat 3. ex Lucæ 1. Unde hoc mihi, ut Mater mihi veniat ad me?

Pro-

Probatur 4. Quia illa dicitur Mater, ex cujus substantia concipitur, & nascitur filius; Constat autem ex Sacra Scriptura, Christum conceptum esse ex substantia Beatiss. Virginis. Nam *Luca 1.* dicitur, *Quod nascetur ex te Sanctum, vocabitur Filius DEI.* Accedit testimonium S. Pauli epist. ad Rom. 1. *Qui factus est ex semine David secundum carnem;* id est, ex Beatissima Virgine, à Davide per feminalem generationem descendente. Atque hac ratione Christus dicitur contentus fuisse in lumbis antiquorum parentum.

Addo, Deiparam magis dicendam esse Matrem quàm reliquas Matres; nam ipsa sola subministravit materiam proli; in cæteris autem Matribus concurrerit etiam semen Patris, ut bene notat Suarez *d. 11. sect. 2.* Gabriel *in 3. d. 4. quest. unic.* Tannerus *disp. 2. qu. 2. dub. 1. num. 24.*

Ex dictis colligitur, Deiparam concepisse Christum in loco ad concipiendum fœtum accommodato, videlicet in utero. Ratio est, tum quia ad generationem atque adeo ad Maternitatem contrahendam non sufficit quovis modo ministrare materiam, sed materia ministrari debet modo naturæ accommodato; alioquin ministrans non dicitur Pater, aut Mater, sicut Adam non dicitur Pater, aut Mater Evæ, quæ ex Adæ costæ formata fuit. Tum quia sicut illa non dicitur parere filium, quæ illum per naturales vias non emittit; ita neque illa dicitur Mater Christi, quæ illum in utero non concepit. Ex quo patet falsitatis convinci sententiam eorum, qui asseriebant Christum conceptum fuisse in corde Beatiss. Virginis, quos bene refellit Cajetanus *2. part. quest. 31. artic. 5.*

Restant solvenda nonnulla argumenta, quæ ad infringendam doctrinam prædictam formari possent.

Argu

Argumentum I.

Si Christus esset verè & propriè filius Mariæ, & hæc Mater illius, sequeretur Christum formatum esse non solum ex sanguine Deiparæ, sed etiam ex ipsius semine. Fœtus enim, inquit Galenus, non solum formatur ex sanguine tanquam ex materia, sed etiam ex semine femineo & virili quoad partes solidiores, ut sunt venæ, arteriæ, nervi & similes, quæ facilius formantur ex re crassa & viscosa, cujusmodi est semen, quàm ex sanguine, qui magis tenuis est, & fluidus) non videtur autem verosimile CHRISTUM formatum fuisse ex semine Virginis: Tum quia ipsa non mansisset Virgo. Tum quia Patres & Ecclesiæ Doctores communiter asserunt, Christum formatum fuisse ex sanguine Beatissimæ Virginis, non factâ seminis mentione. Ergo Beatissima Virgo non est vera, & propriè dicta Mater Christi.

Responsio ad Argumentum.

Respondeo primò: si semen femineum est necessarium ad conceptionem, dicendum est Deiparam cultate naturali convertisse Sanguinem in semen, illudque transmisisse ad locum conceptionis; sine ullo men inordinato concupiscentiæ motu, aut corporis illatione, seu venerea voluptate; nam hæc transmissio censetur facta cooperante Spiritu Sancto, aut tantum celeritate, ut naturalium partium commotio non fuerit, atque adeo nihil detrimenti illatum erit integritati & puritati Deiparæ, ac si solus sanguis ad eam partem transmissus fuisset. Quamobrem dum S. Patres asserunt Christum formatum fuisse sanguine Beatissimæ Virginis, assignant præcipuam conceptionis materiam, non excluso semine. Quinimò S. Anselmus *lib. de conceptu Virginis* c. 13. § 14.

ait Christi Corpus formatum fuisse de semine Mariæ. Dici insuper potest, nomine *sanguinis* à Patribus comprehendendi etiam semen, quia hoc ex sanguine puro, magisque digesto conficitur, juxta Aristotelem *lib. 1. de generatione animal. cap. 18. & 19.* Quamquam in hac re de beatæ reverentiæ locus esse debet, dum loquimur de semine Beatissimæ Virginis, ne aliquid contra integritatem ipsius puritatem asserere videamur, ut bene monet D. Bonaventura *in 3. disp. 4. artic. 2. quest. 1.*

Respondeo secundo: piè, & valde probabiliter sustineri posse, Christi conceptionem factam fuisse ex solo Deiparæ sanguine, absque illius semine. Ratio est, tum quia hoc modo magis elucescit integritas tantæ Virginis; & sicut Spiritus Sanctus supplevit virile semen, ita etiam credi potest, supplevisse fortassis quidquid ex femineo semine formari potest, ut bene observat Suarez *3. part. tom. 2. disp. 10. sect. 1. col. 3.* Tum quia femineum semen non est necessarium ad generationem, ut docet Galen. sibi contrarius *lib. 1. de sanitate cuncta cap. 1.* Aristoteles *lib. 1. de generatione animal. cap. 2. & lib. 2. cap. 3.* Avicenna *lib. 9. de animal. cap. 1.* S. Thomas *3. parte quest. 31. art. 4. ad 3.* Sanchez *lib. 9. de Matrim. disp. 17. num. 9.* Nam experientia compertum est, feminas aliquando in balneis exstantes, virile semen à viro decisum, & aquæ innatas virtute attractivâ matricis, casu & contra propriam voluntatem recepisse, atque concepisse, nullo ex semine emisso semine, alioquin veneream delectationem sensissent, quod tamen experientiæ repugnat. Ex quibus patet, semen feminæ ad conceptionem generationemque prolis non esse necessarium: ac proinde rectè dici posse, Christum ex sanguine, non semine Beatissimæ Virginis conceptum fuisse.

Dices, aliæ feminæ ad formationem sætis subministrant

strant menstruum sanguinem; ergo etiam B. Virgo eundem sanguinem subministravit, & consequenter Christus non videtur conceptus ex purissimo sanguine B. Virginis.

Respondeo juxta probabiliorem sententiam, etiam in aliis feminis non formari fœtum ex sanguine menstruo, sed ex eo sanguine, qui, nisi formando fœtui deserviret, menstruus esset; sanguis enim menstruus est sanguis vergens ad corruptionem, quem proinde natura appetit expellere; sanguis verò, ex quo formatur fœtus, non est sanguis corruptus, sed purus, magisque digestus. Ita S. Thomas 3. *part. quest. 31. art. 5.* & alii quos citat & sequitur Suarez 3. *part. tom. 2. disp. 10. sect. 1.*

Argumentum II.

Ad conceptionem atque aded ad maternitatem contrahendam, requiritur primò: ut sanguis maternus congregetur in utero materno; nam uterus suscepto virili semine statim attrahit ex venis sanguinem ad formandum fœtum. Secundò requiritur, ut calor vitalis uteri foveat semen, illudque congruo tempore disponat & præparet usque ad perfectam conceptionem, quæ perficitur 40. vel 80. diebus circiter, pro qualitate sexûs. Sed intelligi non potest, quomodo hæc facta fuerint in Beatissima Virgine. Ergo ipsa non videtur concepisse Christum, consequenter propriè loquendo non videtur vocanda Mater Christi.

Responsio ad Argumentum.

Affero, hæc omnia in B. Virgine contigisse, adeoque non esse ipsi denegandum titulum Maternitatis Christi. Etenim sanguis B. Virginis, virtute Spiritus sancti, suppletis virtutem seminis, attractus fuit ad ipsius uterum, & debita dispositio ad formationem corporis requisita præcessit. Quanquam hæc facta

fuerunt breviori tempore, quàm naturaliter fieri possent. Imò Doctores communiter opinantur, formationem & organizationem corporis Christi factam fuisse in momento seu brevissimo temporis spatio; sicut & formatio corporis Adami protoplasti nostri facta fuit unico momento, teste S. Chrysostomo *homil. 13 in Genesim.* Quamprimum itaque B. Virgo consensum suum exposuit his verbis: *Ecce ancilla Domini, fiat mihi secundum verbum tuum*, statim Spiritus sanctus guttulas sanguinis in corpore Virginis dispersas collegit, transmisit ad uterum, condensavit, figuravit in corpusculum, organizavit, Verbo Divino univit.

Argumentum III.

Etiam Joseph appellatur in sacra scriptura pater Christi, & tamen revera non erat pater Christi, nisi putativus; ergo similiter ex eo quòd B. Virgo in sacris literis nuncupetur Mater Christi, non licet inferre eam esse veram, sed tantùm putativam Matrem.

Responsio ad Argumentum.

Respondeo, duplicem esse disparitatem inter Mariam & Josephum, quoad præsens punctum. *Prima* est, quia Joseph in Sacra Scriptura non vocatur simpliciter Pater, sed putativus, ut patet ex illo Lucæ cap. 3. *Jesus erat quasi annorum triginta, & putabatur filius Joseph.* Et hic locus scripturæ explicat alium, in quod illud vocabulum *putabatur* omittitur. *Secunda* in eo consistit, quòd Joseph non communicaverit Christo suam substantiam, sicut Maria, quæ Christum concepit eumque peperit.

Argumentum IV.

Christus in Evangelio vocat Mariam *Mulierem*, non

non Matrem; ut patet ex cap. 2. Joan. *Quid mihi, & tibi Mulier?* Et ex cap. 19. Joan. *Mulier ecce filius tuus.* Imò negare videtur eam esse Matrem: *Quæ est Mater mea;* Matth. 12. ergo Maria verè non fuit Mater Christi.

Responsio ad Argumentum.

Respondeo, Mariam à Christo vocari *Mulierem* per antonomasiam, & per excellentiam, indicando esse illam *mulierem*, de qua dictum fuerat Genesis 3. *Inimicitias ponam inter te & mulierem.* Dum autem Christus dixit, *Quæ est Mater mea?* non negavit illam esse Matrem suam, sed docuit & instruxit adstantes, non esse dimittenda præcepta Dei, & ejus prædicationem propter Matrem, & alios consanguineos. Ita Becanus de *Incarnatione* c. 28. qu. 6. Vide Bonacinam *ibidem* disp. 1. quæst. 4.

DISCURSUS QUINQUAGESIMUS PRIMUS.

EX THEOLOGIA.

De Antichristo.

C A P U T I.

Utrum Antichristus sit jam natus, an verò nasciturus.

Cum opposita juxta se posita magis elucescant, ordo doctrinæ postulare videtur, ut post dissertationem de Christo, agamus de Antichristo, Christi antagonista, imò jurato, & capitalissimo ejus inimico: Ut respecta hujus bestię extrema nequitia & malitia, Christi Servatoris nostri sanctimonia magis eluceat.

Porro inter quæstiones, quæ de hoc argumento proponi solent, prima esse potest, ac debet ea, quæ tempus nativitatis Antichristi concernit.

Circa quod opinantur nonnulli, Antichristum jam esse natum, & quidem in persona Neronis Imperatoris Romani: quem proinde putant vel necdum esse mortuum, vel certè in fine mundi resuscitandum, ut officio Antichristi fungi possit. Ita sensit Victorinus in cap. 17. *Apocalyps.* & multi veterum, teste Hieronymo in cap. 11. *Danielis.* Unde S. Augustinus lib. 20. civit. c. 19. *Nonnulli, inquit, illum (Neronem) resurrecturum, & futurum Antichristum suspicantur. Alii verò nec eum occisum putant, sed subtractum potius, cum putaretur occisus, & vivum occultari in vigore ejus ætatis, in qua fuit, cum crederetur extinctus; donec suo tempore reveletur, & restituantur in regnum. Sed multum mihi mira est hac opinantium præsumptio.* Promovit hanc opinantium suspicionem, quòd etiam inter Gentiles fama sparsa fuerit, Neronem non esse occisum, sed à morte subductum. Ita Suetonius in Nerone cap. 57. *Non defuerunt, inquit, qui per longum tempus, vernis æstivisque floribus tumultum ejus ornarent, ac modo imagines prætextas in rostris proferrent, modo edicta quasi viventis, & brevi magno inimicorum malo reversuri. Quin etiam Vologeses Parthorum Rex missis ad Senatum Legatis de instaurandâ Societate, hoc magnoperè rogavit, ut Neronis memoria coleretur. Denique cum post 20. annos adolescens exisset conditionis incerta, qui se Neronem esse jactaret, tam favorabile nomen ejus apud Parthos fuit, ut vehementer adjutus sit.* Hæc Suetonius: quæ Tacitus his verbis confirmat: *Sub idem tempus Achaia atque Asia falsò exterrita, velut Nero adveniret, vario super exitu ejus rumore, eumque pluribus vivere fingentibus, credentibusque.*

Ex qua Gentilium fama, aliisque argumentis, (re-
 tius dixerim, figmentis) opinatus est Severus Sulpitius
ib. 2. historia, Neronem vel ipsum Antichristum, vel
 certè Antichristi collegam & socium futurum. Unde
 creditur (inquit Sulpitius) etsi se gladio Nero trans-
 xerit, curato vulnere ejus esse servatus, secundum il-
 lud quod de eo scriptum est; *Subductus est, sub saculi*
Nem mittendus, ut mysterium iniquitatis exerceat. Et
 quod mireris, hanc sententiam Sulpitius imponit
 tiam S. Martino: Cùm, inquit, ab eo de fine sæculi
 quæreremus, ait nobis: Neronem & Antichristum
 riuus esse venturos; Neronem in occidentali plaga,
 Regibus subactis decem, imperaturum: ab Antichri-
 sto verò Orientale imperium esse capiendum: qui
 uidem sedem & caput regni Hierosolimam esset ha-
 biturus &c. & ipsum denique Neronem ab Antichri-
 sto esse perimendum, atque sub illius potestate univer-
 sum orbem, cunctasque gentes esse redigendas. Hæc
 Sulpitius; quæ si verum est S. Martinum dixisse, di-
 cit non velut Propheta, sed quasi recensens opinionem
 priorum, quæ tamen caret fundamento, cùm fide hi-
 storica certum sit Neronem esse occisum & mortuum.
 Non tamen negaverim, Neronem æquè ac Antio-
 chum Epiphanem fuisse insignem typum & figuram
 Antichristi; præterquam enim quòd fuerit Monar-
 cha superbissimus, luxuriosissimus, potentissimus,
 sceleratissimus, fovit etiam Simonem aliosque Magos,
 fuitque Christi hostis & Christianorum, qui primam
 in eos persecutionem solennem excitavit.

Sectarii ridiculè sibi imaginantur, Pontificem Ro-
 manum esse Antichristum: sed Cornelius à Lapide
in Epistol. 2. ad Thessal. novem rationibus eruditè de-
 monstrat, Antichristum necdum venisse, sed esse
 venturum, & consequenter nec Papam Romanum,

nec alium, qui vivat, aut vixerit, esse Antichristum.

Primò, quia unus erit singularis homo, qui dicetur Antichristus, ut Cornelius probat: *Papa* verò non est nomen hominis singularis, sed nomen officii communis, in quo unus alteri succedit; non minùs, quàm nomen Regis, Imperatoris, Episcopi &c. igitur Papa non est Antichristus.

Secundò, Antichristus non veniet, nisi postquam omnino eversum fuerit Romanum Imperium à decem Regibus, ut patet ex *cap. 7. Danielis v. 17.* at Romanum Imperium nondum est eversum, nec visi sunt hætenus 10. Reges illud evertentes.

Tertiò, Antichristus erit è diametro contrarius Jesu Christo, voletque ipsemet haberi Christi & Messias, tolletque fidem & cultum Christi: talis autem nec est, nec fuit hætenus Papa, aut alius quispiam.

Quartò, Antichristus abrogabit in Ecclesia iuge Sacrificium (quod non potest esse aliud, quàm Sacrificium Missæ) omnemque Religionem, ut patet ex *12. cap. Danielis*: atqui hætenus perdurat Missæ Sacrificium, cultusque divinus in Ecclesia Romana: ergò hætenus in Ecclesia Romana non est visus Antichristus.

Quintò, Antichristus Deo vero, omnique Numini adversabitur, voletque ipse solus haberi & coli in templo ut Deus: atqui nec Papa, nec quis alius hætenus omne Numen sustulit, voluitque ipse in templo coli ut Numen.

Sextò, Antichristus, ut docet *Daniel cap. 12.* tantùm regnabit dies mille ducentos nonaginta: Papa verò plusquam mille annis in Ecclesia regnavit & præfedit.

Septimò, Antichristi imperium erit ultimum mundi, & sub finem mūdi inchoabitur: Papatus autem diu ante finem mundi viguit & floruit.

Octavò,

Oftavò, Antichriftus occidet Eliam & Enòch, ut patet ex *cap. 11. Apocal.* tum ex communi fententia Patrum; hoc autem de Romanis Pontificibus nemo fæmentis afferuerit.

Nonò, Antichriftus non regnabit Romæ (illa enim ante Antichriftum evertetur & concremabitur à decem Regibus, ut probat Cornelius) fed Jerosolymis, juxta illam quæ habentur in *cap. 11. Apocal.* Papa verò non Jerosolymis, fed Romæ hierarchicam exercet potestatem.

CAPUT II.

Antichristi natales.

Circa natales Antichristi observandum est primò, quod eum fore Judæum, & quidem ex tribu Dan oriuntum, juxta illud Genes. 49. *Fiat Dan coluber in via, cecidit in semita.* Unde *Apocal. 7.* inter duodecim tribus, in quarum qualibet duodecim millia signati numerantur, omittitur tribus Dan, eò quod ex hac tribu nasciturus Antichriftus. Quapropter omnes Dantitæ Antichriftum, ut contribulem sequentur, & nemo ex eis salvabitur.

Secundò observandum est, Antichriftum loco humili, & ex vilibus nasciturum parentibus. Inde enim Daniele *cap. 7.* vocatur cornu parvulum, quod semper crescet, & regnum non hæreditate, sed fraude obtinebit.

Tertiò observandum est, Antichriftum, ut volunt aliqui, nasciturum in urbe Dan, quæ postea dicta est Cæsarea Philippi, vel (quod est probabilius) Babydone, hoc est, in media ipsa barbarie, & nationum uti colluvie, sic & superstitionum confusione.

Quartò observandum, quod tradit Damascenus, Antichriftum ex concubitu fornicario, vel (ut alii sentiunt)

ex adulterio, vel denique ex incestu Patris cum filia (quæ aliorum est opinio) procreandum.

CAPUT III.

Utrum Antichristus sit futurus Diabolus incarnatus, vel saltem filius Diaboli.

A Postolus 2. *ad Thessal. c. 2.* testatur, adventum Antichristi fore secundum operationem Satanæ. Ex quo nonnulli deducunt, eum fore Diabolum incarnatum, ut opponatur Christo Deo incarnato. Sicut enim verbum per humanitatem assumptam operatum est, & vim suam exeruit: Ita Satanæ per carnem Antichristi assumptam operabitur, & virtutis Satanicæ specimina edet. Ita loqui videtur Theodoretus. Verum quia fieri non potest, ut Diabolus, aut alia Creatura carnem, aliamve Creaturam hypostaticè assumat, sicut Deus assumpsit carnem humanam, ut docent Theologi; hinc Hippolytus Martyr *libro de consumptione sæculi*, censet Antichristum fore Dæmonem, non quidem incarnatum, sed tamen in carne apparentem, falsâ & phantasticâ carne de falsâ virgine assumptâ.

Alii existimant Antichristum non fore Dæmonem, sed hominem, qui tamen ex Virgine operâ Dæmonis concipietur, uti Christus conceptus est ex Virgine de Spiritu Sancto. Ita opinantur nonnulli apud Rabbanum, *Tractatu de Antichristo*.

Verum non potest Dæmon Virginem fecundare, nisi ut succubus aliunde semen humanum exceperit, quòd deinde Virginis utero infundat, ac proinde non manebit virgo, quæ ab eo imprægnata fuerit, sed more cæterarum puerperarum claustris virginitatis referatis concipiet & pariet.

Probabilius itaque opinatur Franciscus Suarez cum multis aliis, Paulum verbis suprâ citatis significare voluisse, quod Antichristus à puero omnem operationem Diaboli in se suscipiet; quodque Diabolus in utero Matris humores Antichristi sic attemperabit, ut ejus temperamentum & complexio fiat propensissima ad inane genus vitiorum. Et hoc ipsum videtur indicare voluisse S. Hieronymus in cap. 16. *Isaia*, ubi Dæmonem vocat *Patrem Antichristi*.

Addunt aliqui primò, quòd Antichristus saltem à Matre, muliere corruptissima, Diabolo consecrabitur; quòd vi hujus consecrationis, vel potius Execrationis, Dæmon Antichristi corpus & animam ab ipsa infantia, imò ab utero possidebit, ac inhabitabit. Secundò, quòd Antichristus non aliam nutricem, quàm beneficam illam Matrem, nec alium pædagogum, quàm Satanam sit habiturus: à quibus ad omnem impietatem informabitur. Ex quibus omnibus propterea est colligere, qui fructus à maledicta ejusmodi specie, ab execrando surculo, à Diabolica cultura exspectandi sint.

CAPUT IV.

Mores & indoles Antichristi.

Antichristus erit homo sceleratissimus, ita ut totus non videatur esse aliud, quàm peccati organum, mancipium, & complementum. Nam jura omnia, divina & humana pessumdabit, & omnium peccatorum colluvies in eo collecta esse videbitur, sive, ut Divus loquitur Irenæus, tota peccati universitas in eo habitatura est. Unde Scriptura Sancta vocat eum filium perditionis; id est, perditissimum, & perditioni acquirere dignissimum, atque ex ipsa, quasi perditione na-

ne natum , ad se aliosque in barathrum perditionis præcipitandum. Cujus tanta erit impietas, ut divinos sibi honores deferri , sacrilegâ mente sit postulaturus. Volet enim sibi offerri sacrificia, 'dedicari templa, nunc cupari vota: Volet per suum nomen jurari: Volet non tantum duliâ, sed etiam Latriâ, latriâ ipse dignissimus, adorari: Volet denique invocari, ut dator & author omnium frugum, opum & bonorum, imò ut author omnis gratiæ & gloriæ.

Hujus extremæ nequitix & malitiæ administros se præbunt Judæi, quos Antichristus sibi primò conciliabit, judaizando & promittendo eis bona temporalia, quæ ipsi à suo Messia avidè expectant: dando eis thesauros, quos Dæmon ipse subministrabit; erit enim opulentissimus: cujus opulentiam extollit Daniel cap. ii. dum ait: *Et dominabitur thesaurorum auri & argenti, Et in omnibus pretiosis Egypti.* Anselmus in Elucidario per hos thesauros intelligit omnem pecuniam, quæ in mari vel in terræ visceribus occultata delitescit, & per Dæmonem Antichristo prodetur, ac tradetur. Hinc ergò Antichristus à Judæis recipietur, & habebitur quasi Messias promissus, totque sæculis ab iis avidissimè expectatus. Habebit verò suum Antichristus præcursores, uti Christus habuit Joannem Baptistam. Is erit insignis impostor, videbiturque miracula facere, & coget imaginem Antichristi ab omnibus adorari. De hoc Impostore intelligunt Irenæus, Ribera, Viegas & alii illud Apocalypseos cap. 13. *Et vidi aliam bestiam ascendentem de terra, Et habebat cornua duo similia Agni, Et loquebatur sicut Draco.*

Hæc porrò bestia nequissima, imitatione quadam conabitur fungi quodammodo officio Spiritûs Sancti. Antichristus enim (inquit Josephus Acosta lib. 2 d

le tempor. noviss. cap. 17.) qui volet coli ut Deus, imitabitur mysterium SS. Trinitatis, quæ est in Deo, scilicet ut Draco infernalis seu Diabolus sit Pater, Antichristus sit filius, hic vero impostor seu præco sit instar spiritus Sancti. Sicut enim Patri Christus defert, & Christum Spiritus Sanctus clarificat: ita Antichristus olet Diabolum ut Patrem suum, Antichristum verò pseudopropheta iste signis magnis, ope Dæmoniacâ paratis, prædicabit & nobilitabit. Ita citatus Acoſta, qui etiam ibidem cap. 11. mirum cujusdam præcursoris antichristi in Peru à se visere refert exemplum: qui cum esset Doctor Theologus, & quasi oraculum illius loci haberetur, à muliercula deceptus, dicebat se esse receptorem mundi per efficaciam, Christum verò fuisse tantum per sufficientiam; ideoque flammis traditus, pertinax in sua superbia & hæresi, bis miser, à morte præſenti ad æternam transiit.

CAPUT V.

Antichristus erit similis bestia.

Joannes in Apocalypſi ſua cap. 13. ait: *Et vidi de mari bestiam ascendentem, habentem capita septem & cornua decem, & super cornua ejus decem diademata, & super capita ejus nomina blasphemiae. Et bestia, quam vidi, similis erat pardo &c.*

Per hanc bestiam communiter intelligunt Doctores Antichristum, ob bestialem ejus feritatem. Unde Gregorius Nazianzenus jambico s. ait. *Quid est Antichristus? bellua venenum vomens.* Porro septem capita hujus bestię designant literaliter septem Reges, qui præcedent Antichristum, quorum regna se unus occupabit. Symbolicè verò septem capita significant Regum discordiam ac dissidia. Hinc olim Soly-

Solymanus Turcarum Imperator, ut suum imperium potentius esse imperio Cæsaris ostenderet, ejus Legatis dixit: *se esse Draconem unius capitis, sed multarum caudarum; Cæsarem verò & Christianos esse Draconem multorum capitum, sed unius caudæ*, quasi diceret: meum Imperium est monarchicum, ideoque concors & validum: Christianorum verò Imperium est polyarchicum, ideoque discors & imbecillum.

Per decem illa coronata cornua intelliguntur decem Reges, qui veniente Antichristo erunt in orbem, quibus ipse tres prælio profligabit, & occidet, mox ceteri septem territi, sponte se ei subdunt, uti docet Daniel Prophetæ cap. 7. Comparatur autem Antichristus pardo, quia hæc bestia est maculosa, crudelis, sanguinaria, velocissima. Talis erit & Antichristus, scilicet maculatus omnibus sceleribus & versatilis in omnibus fraudes ac dolos: item sanguinariæ Crudelitatis, & plurimorum homicida: atque insuper velocitatis inusitatæ, quia fulminis instar pervadet orbem, eumque sibi subigendo, ingentem inde plausum triumphum & gloriam obtinebit: cujus symbolum est ocellata & speciosa pellis pardi.

Præterea non ineptè, meo quidem judicio, comparari potest Antichristus cum ariete. Nam aries animal apprimè pugnax, convocato in caput suum totum robore, nervoque Martio, tantâ pugnandi contentione, tantâ victoriæ cupiditate in adversum rivalis caput adverso & ipse capite incurrere solet, ut majori (si parva licet componere magnis) vix fuerit pro fortuna Græciæ decertatum: tantâ ictûs vehementiâ feriens consuevit hostem, ut mirari liceat, referri integra prælio præliantium capita; quæ sanè si non carnea, sed filicia forent, crediderim, collisione attrituque vehementiore, excutiendas scintillas, vel in Trojanum incendium suffecturas.

Arietinam hanc indolem imitabitur Antichristus, quando suo pugnaci & turbulento, adeoque verè arietino, imò plus quam arietino, quia impio & sacrilego, quia cædes & vulnera spirante, quia sacris & non sacris exitum machinante capite, in Deum pariter ac Divos impinget; cum enim nullum Divis, sed omnem Deo, hoc est, sibi ipsi (neque enim atheus præter se alium agnoscer Deum) sit impensurus honorem, omnem ipsa & Deo & Divis honorem auferet: Quorum tamen frequenter erit memor, sed semper cum contumelia & injuria, præsertim Divorum, quos optimè coli docebit, si contemnantur, & ne quidem in imagine tolerantur. Incurret etiam hic truculentus aries in templas aras, quando aras & haras, sacra & profana permixtebit, templisque dejectis & everfis, arando magis quam orando ea colere, exemplo suo edocebit. Incurret item hic aries in sacras leges, quia legem conde vendi sine legibus, & ex legem promulgando libertatem, veram re ipsa libertatem opprimet: jugum ine Christi leve & suave excutiendo, jugum ipse gravissimum admirando simulationis artificio, imponet, non sibi tamen, sed aliis; quia novus hic Legislator præleges gradietur, ut vel hinc intelligi possit, ab eo leges conculcatas esse. Arietabit præterea ferocissimus iste aries sacras Indulgentias, quas in exilium mittendo, viriorum omnium faciet indulgentiam. Arietabit sanctissima Sacramenta, Sacramentorum Ministros omni crudelitatis genere persequendo. Arietabit viuentes ac morientes, quia utrosque ita concutit, ut illis fidem, istis spem, utrisque charitatem excutit. Arietabit superbos & humiles: nam superbi non feret, quod ipse superbus sit: humiles non terabit, quod ipse humilis non sit. Arietabit vitam, quia rependet ei interitum, à quâ vitam hau-

hauserat. Arietabit Orbis Christiani Principes, & optabit Reipublicæ fidelis capita videre sine capite Imperatorem sub imperio, Magnates in servitute. Arietabit denique hic Ariet Orbem universum, terrâ ipsâ sub tam execrabili pondere ingemiscente.

CAPUT VI.

Antichristus falsis & fictis miraculis aliisque fallaciis conabitur homines seducere.

IN epistola 2. ad Thessalonicenses cap. 2. scribit Apostolus Paulus de Antichristo in hæc verba: *E tunc revelabitur ille iniquus, quem Dominus Jesus interficiet Spiritu oris sui, & destruet illustratione adventus sui enim: cuius est adventus secundum operationem Satana in omni virtute & signis, & prodigiis mendacibus, & in omni seductione iniquitatis eius, qui pererunt.*

Ex his verbis non obscure perspicimus, Antichristum, ad homines seducendos, usurum multis fallaciis, dolis, fraudibus, & artificijs: primum quidem, comitate magna, & gratiâ singulari se insinuandi, captandique hominum benevolentiam. Deinde hypocriticâ probitate, & sanctimoniam simulatâ. Tertio sapientiâ & eloquentiâ incredibili; callebit enim omnes artes & scripturas. Quarto, promittendo & largiendo; possidebit enim ingentes opes ac thesauros. Quinto, reluctantibus inferendo terrores, & tormenta exquisita. Sexto, faciendo signa & prodigia rudibus admiranda.

Circa quæ signa & prodigia observandum est, nec Antichristum, nec Dæmonem posse facere verum miraculum, sed solum Deum. Miraculum enim est quo

quod fit super omnem naturæ vim, quodque omnium naturalium causarum & creaturarum vires excedit, & transcendit. Itaque Antichristus faciet miracula, non tamen vera, sed ficta, falsa & mendacia: & quidem quadrupliciter, scilicet ratione & respectu omnium quatuor causarum. 1. Respectu causæ finalis: quia eo ne faciet illa Antichristus, ut homines in mendacium & errorem inducat; nimirum, ut per hæc miracula prober se esse Messiam & Deum, sicuti fecit Christus. Ita SS. Ambrosius & Chrysostomus. 2. Ratione causæ efficientis, quia eorum Architectus erit pater mendacii, nimirum Diabolus. 3. Ratione causæ materialis erunt præstigia, quibus Antichristus fascinet oculos hominum, ut videatur facere id, quod revera non faciet. Erit enim Antichristus (inquit Cyrill. *cap. 15.*) magia instructissimus. 4. Respectu causæ formalis, nam quæ ex hisce non erunt præstigia, naturaliter fient per applicationem oculum causarum naturalium. Unde mira quidem sunt, non tamen miracula, quæ omnes naturæ vires superent.

Cæterum *Apocal. 13.* speciatim tria miracula Antichristi describuntur. Primum, quod unum est Regis sibi subjectis, vel potius seipsum plagâ mortiferâ in bello, vel aliunde acceptâ) faucium, sanaturus. Hæc tamen plaga re ipsa non erit mortifera, sed talis hominibus videbitur tantum (inquit Cornelius) vel si revera erit incurabilis, id tantum erit respectu artis & opis humanæ; Dæmoni enim totum corpus nostrum pernoscenti & pervadenti naturaliter curabilis erit: ac proinde nec vim creati agentis transcendit curatio, nec miraculum erit. Alterum miraculum est, quod Antichristus faciet ignem de Cælo descendere. Sed & hoc naturaliter potest facere Dæ-

Eec

mon;

mon; quo pacto scimuseum ciere fulmina, tonitrua, & tempestates, concitando vapores & nubes. Tertium est, quòd Antichristi præcurfor & pseudopphetia faciet statuam ejus loqui. Sed neque hoc vim miraculi obtinet; scimus enim Dæmonem sic locutum esse olim per Idola, & per Pythones etiamnum loqui naturaliter.

Adhæc Sybilla *libro 3. Oraculorum* de aliis etiam miraculis mentionem facit; quòd videlicet sistet mare, solem, lunam, & mortuòs ad vitam suscitabit: sed addit, non fore signa vera; illudet enim oculis hominum uti jam per suos circulatores & præstigiatores illudit Dæmon.

Similia de Antichristo tradit Methodius Episcopus & Martyr in suis revelationibus, quæ referuntur *tom. 2. biblioth. SS. Patrum*. Faciet, inquit, multa signa & prodigia sophistica; cæci respicient, claudi ambulant, surdi audient, dæmoniaci curabuntur, convertet solem in tenebras, & lunam in sanguinem apparenter.

Et Hippolytus Martyr *Orat. de consummatione mundi*: Leprosos, inquit, mundabit, paralyticos excitabit, expellet Dæmones, longinqua non aliter quàm præsentia denunciabit, mortuos suscitabit, transferet monte ante oculos spectantium, siccis pedibus ambulabit super mare, deducet ignem è cælo, convertet diem in tenebras, & noctem in diem, solem circumiaget, quòd libuerit.

Et S. Ephrem *tractatu de consummatione mundi & Antichristo*: transferet, inquit, montes & insulas facillaciter, & currere quidem videbitur mons coram cunctis spectantibus, licet omnino à suis fundamentis non sit motus, super abyssum incedet, & in ea, ut super terram ambulare se simulabit. Magna tribulatio erit in diebus illis, quando seipsum ut Deum ostentabit formida

midabilibus portentis, per aërem volitans &c. Ita S. Ephrem.

CAPUT VII.

De atrocissima Antichristi persecutione: ubi de exercitu & Monarchia ejusdem.

Nonnulli ad declarandam magnitudinem exercitûs Antichristiani, adducunt illud Apocalypsis 9. v. 16. ubi dicitur: *Et numerus equestris exercitus vicies millies dena millia*; id est, duæ myriades myriadum, myrias enim continet decem millia, duæ ergo myriades myriadum sunt ducenta millena millia, sive ducenti milliones. Itaque ducentos milliones equitum, juxta hunc computum, haberet Antichristus. Quantus ergo foret peditatus illius? Verum hic locus (ut arbitratur Cornelius) non spectat ad Antichristum, sed ad tempora prævia.

Nihilominus indubitatum est: exercitum Antichristi fore maximum, instar arenæ maris, juxta ea, quæ habentur in cap. 20. Apocalypseos. Atque hujus numerosissimi ac potentissimi exercitûs adminiculo, Antichristus sensim ita suum dilatabit imperium, ut illud non aliis, quàm terræ finibus terminetur, atque ipse tandem totius orbis fiat Monarcha.

Sed ista Antichristi exaltatio & gloria, conjuncta erit cum gravissima & acerbissima Ecclesiæ, Christi quæ fidelium oppugnatione, depressione & persecutione: quam in præcis Gentilium & hæreticorum furoribus adversus Christum & Christi sponsam, velut in umbra quadam & rudiori imagine delineatum cernere licet.

In primis enim quæ primis trecentis post Christum annis sub Nerone, Decio, Diocletiano, aliisque Imperatoribus perpassi sunt Christiani, hæc omnia patientur simul

simul Christiani tribus annis cum dimidio ab Antichristo, imò longè plura & diriora. Nam Nero & cæteri ejus sequaces fuerunt tantummodò typus & præludium Antichristi.

Deinde quæ de Arrianis; pestilentissimis Ecclesiæ hostibus Athanasius, de Wandalis Victor Uticensis, de Donatistis Opratus Milevitanus & alii scribunt, ea fuere non nisi umbræ quædam Antichristi & Antichristianæ persecutionis.

Sed præ cæteris exaggerant, ac detestantur Sancti Patres malitiam Imperatorum Constantii & Juliani: quæ tantò fuit nocentior quantò fraudulentior. Etenim Constantius inconstantissimus novas semper fides quærebat, ut Sanctus loquitur Hilarius. Constantius miris artibus & fraudibus orthodoxos pervertere satagebat. Constantius patientiam & lenitatem affectabat, sed per Ministros furorem suum explebat. Constantius in exiliis separabat Confessores ab invicem, ne mutuo se solarentur & animarent: quâ consolatione Decius & Diocletianus eos non privarunt. Constantius volebat videri & haberi Christianus & Catholicus, ideoque Catholicos Orthodoxos ad suam Sectam pellicere satagebat fictâ benevolentiam, ne videretur imitari sævitiam Decii & Diocletiani, cum tamen ipsa esset sævior; nam fideles ita discruciabatur, ut tamen eos enecari nollet, atque ita ipsi sine martyrio viverent in tormentis. Unde S. Basilius *epist.* 60. asserit, tam atrocem & horribilem fuisse persecutionem Constantii, ut putet eam esse initium persecutionis Antichristi. Et S. Hilarius *lib. ad Constant.* Pugnamus, inquit, contra persecutorem fallentem, contra hostem blandientem, contra Constantium Antichristum. Et infra, nocentissima hujus Imperatoris blandimenta perstringens, sic loquitur: Non dorsa cædit, sed

sed ventrem palpat; non proscribit ad vitam, sed dicit ad mortem: non tradit carceri ad libertatem, sed intra palatium honorat ad servitutem: Non latera vexat, sed cor occupat: non caput gladio defecat, sed animam ferro occidit: non ignes publicè minatur, sed gehennam privatim accendit: Christum confitetur ut neget.

Constantium, & Constantio antiquiores Tyrannos, Decium, Diocletianum, &c. superavit Julianus Apostata, ideoque præ illis omnibus fuit typus & præcursor Antichristi. Ipse verò Antichristus suos omnes typos & præcursores superabit: quia omnes eorum persequutiones, quasi præambulas quasdam velitationes Antichristiana complectetur impietas, & longè transcendet. Tunc enim Diabolus extremas iras & vires exferet. Unde dicitur cap. 12. Apocalypsis: *Va terra & mari, quia descendit Diabolus ad vos, habens iram magnam, sciens, quod modicum tempus habet*: Scilicet tres annos cum dimidio, ut patet ex capite citato versu 14. Nimirum Diabolus imitabitur accipitres in Norwegia, qui celerrimè ad prædā involant, eò quòd ternas tantum lucis horas habeant, quibus volare & prædari possint, ideoque festinant, quia sentiunt diem senescerem. Idem facturus est in fine mundi Diabolus, qui vocatur accipiter Aquilonis.

Quocirca tunc erunt Martyres, ut testatur Hippolytus tract. de consummat. sæc. prioribus sæculis illustriores & sublimiores: certabunt enim contra draconem Antichristum omnis nequitiae principem, & de utroque triumphabunt. Huc spectat, quòd S. Theresia Spiritu Prophetico celebris, asserat duplicem Religiosum Ordinem, S. Dominici videlicet, & Societatis Jesu, tempore Antichristi contra hæreticos & Antichristianos præ aliis pugnaturum, & Ecclesiam

propugnaturum, atque ideo ex utroque fore illustres, tum Doctores & Prædicatores, tum Martyres. Ita referunt tum alii, tum Franciscus Riberà in ejus vita lib. 5. c. 5.

CAPUT VIII.

Eversio Romæ & Romani Imperii per Antichristum & asseclas ejus.

Daniel Propheta cap. 7. suæ Prophetiæ præcipua mundi Imperia & Monarchias sibi succedentes ordine recenset. Prima fuit Assyriorum & Babyloniorum, quæ Danieli repræsentata fuit per Leonem. Secunda Persarum, significata per Ursū. Tertia Græcorum, adumbrata per Pardum. Quarta & ultima Romanorum, indicata per bestiam decem cornuum. Post quæ, ut ait Daniel, undecimum parvulum cornū (id est, Antichristus) consurget & crescet, facietque bellum adversus Sanctos & prævalebit &c.

Est autem communis Patrum sententia, teste D. Hieronymo, in cap. 7. *Danielis*, Romanum Imperium sub finem mundi destruendum. Roma quoque sub illud tempus, ad pristinam Imperii dignitatem, atque etiam ad vetera crimina, & à Christianismo ad Ethnicismum redibit, Pontificemque suum expellet, & fideles persequetur, uti fecit tempore Neronis, Decii & aliorum Imperatorum Gentilium. Unde in Apocalypsi cap. 17. Roma sub finem mundi futura, vocatur *Babylon, meretrix magna, sedens super septem montes, ebria sanguine Sanctorum, & Martyrum Jesu, quæ vino iræ fornicationis suæ potavit omnes gentes.*

Sed audiamus insulsum, quod Beza nobis hic objicit argumentum. Romæ, inquit, jam non imperat Romanus Imperator, sed Papa Romam occupavit, quo proinde Imperium Romanum destruxit, & est Antichristus.

Miror, sanè tam cæcum fuisse Bezam, ut non viderit, aliud

aliud esse Romam, aliud Romanum Imperium; Romanum siquidem Imperium, & Romanorum Imperator sine Roma consistere possunt. Quamdiu enim unus Rom. Imperator alteri in eadem potestate & dignitate succedit, uti hactenus factum vidimus, sive Romæ imperet, sive non, sive plures obtineat provincias, sive pauciores, est & dicitur Romanus Imperator, censeturque Romanum obtinere Imperium. Etenim Româ ab Hunnis & Gothis captâ, non desit Romanum Imperium, nec Romanus Imperator, uti nec S. Leo desit esse Romanus Pontifex. Paret id etiam ex communi omnium sensu; omnes enim Leopoldum Imperatorem modernum vocant Romanum; Ipsique ad eò Lutherani suos Electores vocant Electores Imperatoris, aut Regis Romanorum. Similiter Valens, Arcadius, Theodosius, & cæteri usque ad Justinianum fuerunt Romani Imperatores, & tamen Româ caruerunt.

CAPUT IX.

In quo loco, & quâ ratione Antichristus sit occidendus?

Antichristus filius perditionis, homo peccati, caput execrandum, Orbis lues, generis humani opprobrium, pestis Ecclesiæ, juratus Dei hostis, verbo Antichristus, & Antitheus, impletâ propè mensurâ peccatorum suorum conabitur malitiæ & nequitiae suae manum supremam imponere. Itaque prædicabit se verum esse CHRISTUM & mundi Servatorem; Christum verò nostrum, impostorem fuisse: quæque de Christi miraculis, regno, morte, resurrectione, & ascensione in Cælos à Prophetis prædicta sunt, in se uno omnia certissimè implenda.

In quem finem bipedum nequissimus finger plagam ethalem & incurabilem, ex eaque se mortuum simulabit.

labit, ac triduo transacto, inopinato omnibus se redivivum sistet & ostendet, ut scilicet hac ratione imitetur Christum tertio die à morte resurgentem, ut testantur Beda, Primasius, Richardus, Ansbertus.

Post hanc fictam & hypocriticam resurrectionem, coram toto populo ascendet in montem Oliveti (uti significat Daniel *cap. 11.*) voletque instar Christi in cœlum ascendere, ex quo se primitus descendisse mentietur. Atrolletur autem in aëra à Dæmonibus, assumen-ribus speciem Angelorum, cunctis admirantibus, ejusque divinitati acclamantibus, ut ait Pererius; sed mox à Christo per Michaëlem Archangelum deturbabitur & terrâ dehiscente, vivus à Dæmonibus rapietur in infernum: ubi cum suo Pseudopropheta cruciabitur die ac nocte in sæcula sæculorum, ut habetur in Apocalypsi.

Exercitus verò Antichristi, igne de cœlis delapso, totus afflabitur & concremabitur. Quæ strages quanta futura sit, declarat S. Johannes in Apocalypsi *cap. 19. vers. 17.* his verbis: *Et vidi unum Angelum stantem in Sole, & clamavit voce magna, dicens omnibus avibus &c. Venite, & congregamini ad cœnam magnam DEI.*

Porrò hic Angelus stat in Sole, ad indicandum, hanc Antichristianorum Ultionem fieri in oculis totius mundi. Advocatio & Invitatio volucrum significat ingentem fore stragem, adeò ut ad Cadavera Antichristianorum depascenda & devoranda, undique vultures, aliæque Carnivoræ aves advolent. His enim Deus hanc cœnam cadavericam, hanc assaturam præparavit.

Alludit autem S. Joannes tum ad illud *Jerem. 12. Venite, congregamini omnes bestia terræ, properate ad devorandum*: tum etiam ad illud *Ezechielis 39.* ubi de eadem Antichristiani exercitûs internecione loquens Deus, ait: *Dic omni volucris & universis avibus, cunctisque*

bestiis

bestiis agri: Convenite, properate, concurrite undique ad victimam meam, quam ego immolo vobis, victimam grandem &c.

Lactantius illam exercitus Antichristiani cladem paulò aliter *lib. 7. c. 17. & 18.* describens, Cum hæc, inquit, facta erunt, Justi & Sæctatores veritatis segregabunt se à malis & fugient in solitudines. Huc impius Rex inflammatus irâ veniet cum exercitu magno, & admotis omnibus Copiis circumdabit montem, in quo justi morabuntur, ut eos comprehendat. Illi verò, ubi se clausos undique atque obsessos viderint, exclamabunt ad Deum voce magna, & auxilium cæleste implorabunt. Et *cap. 19.* Commotus igitur Deus ancipiti periculo, & miserandâ comploratione justorum, mittet protinus liberatorem justorum. Tunc aperiatur cælum medium intempestâ & tenebrôsâ nocte, ut in orbe toto lumen descendantis DEI tanquam fulgur appareat. Et paulò post: Qui priusquam descendat, hoc signum dabit: cadet repente gladius de cælo, ut sciant justi ducem sanctæ militiæ descensurum. Et descendet ille comitantibus Angelis in medium terræ, & antecedit eum flamma inextinguibilis. Virtus autem Angelorum tradet in manus justorum multitudinem illam, quæ montem circumfederit, & concidetur ab hora tertia usque ad Vesperum, & fluet sanguis more torrentis &c. *Hactenus Lactant.*

Post Antichristi ejusque affeclarum stragem, & atrocissimam Ecclesiæ persecutionem Deus pro sua clementissima bonitate, spatium aliquod temporis concedet, ut Christiani, Judæi, aliique homines à tot plagis, & immani illâ Antichristi persecutione respirare, & respirare, si lapsi fuerint, Deoque reconciliari & salvari possint. Quod ut commodius præstare valeant, Diabolus ipse cum Antichristo in tartarum deturbabitur

babitur, juxta illud Apocalypsis 20. *Et Diabolus, qui seducebat eos, missus est in stagnum ignis, & sulphuris, ubi & bestia (Antichristus) & Pseudopropheta cruciabuntur die ac nocte in secula seculorum.*

Veruntamen homines mundani pretiosissimo illo tempore gratiæ abutentes, sicut pueri a motâ virgâ, ad ingenium redibunt, nubent, & nubentur, potabunt, & epulabuntur, prout in diebus Noë fecerunt, donec ex improviso Deus mundi finem adducat, Christumque Judicem mittat.

DISCURSUS QUINQUAGESIMUS
SECUNDUS.

EX SCIENTIA QUODLIBETICA.

De Rebus ad varias scientias spectantibus.

PRÆFATIUNCULA.

Scientia Quodlibetica est Scientia Miscellanea, ut nomen ipsum per se declarat, tractans de rebus variis, ad varias Scientiarum Classes pertinentibus. Unde hanc scientiam non ineptè quis comparaverit Virguncula curiosa, quæ amœnissimum Litteraturæ humanæ viridarium ingressa, per omnes Scientiarum arcolas vagatur, & ex singulis flosculum aliquem decerpit, odorato serpo aut fasciculo inserendum.

CAPUT I.

De nonnullis rebus ad Meteorologiam spectantibus.

OBSERVATIO I.

De Vento quodam mirabili ferrum afflatu suo consumente.

TEstantur Auctores idonei fideque digni, se in diversis Indiæ locis conspexisse clathros ferreos, solvendi afflatu quasi consumptos, seu friabiles redditos; ita ut levi digitorum tactu & confricatione in minutissimas particulas instar straminis seu fœni aridi resoluti fuerint. *Joann. Godefridus in Histor. Antipodum part. I.*

OBSERVATIO II.

De quodam mirabili & exotico vento, qui homines absque sensu doloris perimit, omniaque corpora à corruptione præservat.

Cùm olim Hispani ex Regno Peruano ad Regnum Chiles itinere pedestri & montano proficiscerentur, experti sunt mirem quendam ventulum, sed sensim sine sensu ita viatorum corpora penetratione intimâ afficientem, ut multi ex illis mortui conciderint, antequam se mori sentirent. Multorum opinio est, virtute huius ventuli intimas corporis humani fibras penetrans, extinguere calorem naturalem, sine quo vita consistere nequit. Nonnullis etiam manuum pedumque digiti afflatu ventuli illius deciderunt. Qui insuper hoc sibi habet proprium, quòd nulla cadavera ipsi exposita computrescant. Cujus ea est ratio, quòd ventulus ille sit admodum siccus, omnis autem putrefactio à calore & humiditate oriatur. *Joan. Lud. Godefridus loco sup. citato.*

OB-

De fulgure & fulmine.

1. In Brasilia rarò decidunt fulmina , at fulgura tanta sunt , ut solem superare videantur. *Josephus Acosta Anno 1560.*

2. Feles, canes, & capras præ aliis animantibus esse obnoxios fulmineis ictibus , experientia testatur. Hinc sitonante & fulgurante cælo , canis in patenti campo cum homine versetur , territus sub pedibus ejus refugium quærit. Causam hujus experimenti in halitus ex animalium istorum corporibus exhalantes conjicit Bartholinus: quos tanquam materiam cognatam, & nutrimentum aliquod fulminei spiritûs , fulmen ipsum subsequitur. Hinc feles sæpissimè in ipsis domorum limitibus fulmine feriuntur.

OBSERVATIO IV.

De nive & grandine.

1. In Æthiopia nullæ sunt nives, nec in alto mari. *Alvarez de rebus Æthiop.* At in Tartaria etiam æstare decidunt, quas frigus immensum, ventusque omnia abripiens, comitatur. *Hispal. p. 4. c. 23. citatus à Jonst. in Thaum.*

2. Anno 1395. grando decedit, quæ humanas exhibuit facies : viriles cum barbis, muliebres cum pèplis & crinibus. *Jonstons in Thaumato-graphia, de meteoris cap. 9.*

CAPUT II.

Observationes ad Lithologiam, sive ad scientiam de lapidibus spectantes, in quibus ostenditur, multa de adamante à veteribus falsò cre- dita, & errorem ad posteros pro- pagatum fuisse.

Multa, eaque miranda de adamante tradide-
runt veteres, quorum falsitatem posterorum
experimenta detexerunt. Existimarunt illi 1. Ada-
mantem nullis ictibus frangi posse. 2. Magneti per
eum vim omnem adimi. 3. Ignibus illum sic resiste-
re, ut nunquam incalescat. Contrarium experti sunt
complures Neoterici, teste Camerario *Memorabil.
Medic. cap. 8.* Nam & in scobem malleo redigitur, &
ferreo atteritur pistillo. Ignibus cedit, & in calcem vi-
lammæ diuturnæ redigitur. Existimarunt item tum
veteres permulti, tum recentiores nonnulli, propina-
to adamantis pulvere dysenteriam gigni, imò eum
esse præsentissimum venenum. Sed id falsum com-
pertum non modò in adamante integro, sed etiam in
eius pulvere. Nam mancipia quædam integros de-
coravêre adamantés, ut furtum tegerent, & rursus
integros illasâ egresserunt valetudine. Drachmæ
unius pondere sub forma scobis propinatus ada-
mas non magis quàm panis obfuisse dici-
tur. *Cardanus lib. 2. tract. 5.*

De rebus ad Chromocriticam, hoc est, ad scientiam de natura colorum spectantibus.

OBSERVATIO I.

Modus parandi colorem roseum.

Recipe partes minii duas, cerussæ partem unam, quæ conterendo probè misceantur. Vel summauripigmenti, & minii, æquales utriusque partes, & agitando bene commisce. *Weckerus de secret. lib. 16.*

OBSERVATIO II.

Modus conficiendi colorem flavum & luteum.

Recipe baccas rhamni circa festum S. Laurentii lectas, illisque contusis adde paululum aluminis triti, in vase æneo asserva.

Vel accipe cortices mali, quibus detrahe, & abijce tunicam asperam externam, reliquas in frusta secunda superinfunde aquam, pone ad ignem, ut bis tertio ebulliant, adde alumen tritum, & sine adhuc semel bullire.

Optimum parabis colorem luteum, si ovi vitellum cum croco permiscueris. Vel excipito crocum & alumen tritum panno lineo, superinfunde acetum, exprime. Item poteris invicem commiscere crocum vitellum ovi, gummi Arabicum, & alumen, atque ad usum reservare.

OBSERVATIO III.

Modus parandi colorem viridem.

Baccas rhamni post festum S. Michaëlis lectas contunde, aquam superinfunde, aluminis paulillum adde. Deinde probè commisceantur, & per duos dies reliquantur.

Elegantem colorem viridem paraturus, accipe mellis quantum satis, cui affunde paulò plus aceti, commisce invicem diligenter in vase vitreo vel cupreo (quod melius) quo obturato, per duodecim dies fimo immoretur.

OBSERVATIO IV.

*Quod plantæ & animalia nigri coloris sint
mala notæ, secus aromata.*

Quæcunque plantæ atro colore squalent (inquit Kircherus in *Arte Magnæ lucis & umbræ lib. 1. part. 3.*) atræ se bilis alumnas hoc ipso lugubri indumento monstrabunt. Imò aliquid humanæ naturæ contrarium & deleterium portendunt. Unde Pythagoras agebat, res atrî coloris ad mortem pertinere. Hujusmodi herbæ sunt hyosciamus, sinilax, mandragora, apii, solani, & papaveris plura genera, aliæque consimiles herbæ ac plantæ, quæ partim atris, partim luteis, cinereisque, aut maculosis pallore interfuso floribus constant. Earum noxi effectus sunt tetra somnia, bilis atræ augmentum, vertigo, epilepsia, lethargus. Semina hyosciami devorata non homines tantum, sed & reliqua animalia vertigine percussa demerant. Napellus quàm formidandus sit, ipso flore, mortui hominis cranium exprimente, satis demonstrat. A faba quoque pallidæ indolis herba Pythagoras non sine ratione suos discipulos abstinere voluit, quod sumentibus frequenter errorem stuporemque animi cum insigni perturbatione afferat, flatulento verò vaporis halitu, satyrisque affectibus suis ita eundem convellat, ut sapien-
tiæ studiosos reddat incapaces ad mentis actiones cum dignitate obeundas: idque addito quodam à natura ipsi impresso characterismo demonstrat: siquidem humor, quo macerata fuit, atrâ quadam fuligine tinctus remanet.

Idem

Idem de animalibus nigris iudicium esto : quorum carnes frequenti usu melancholicum commovere augereque humorem, quartanas inducere febres, carcinomata causare consueverunt, ut plerique testantur Medici. Hanc ob causam bubalus nigræ carne, & pillo, retroque aspectu formidabilis in cibo vetatur. Felles quoque nigri coloris, cum venenatâ quadam & lethiferâ qualitate cerebri meatus obstruunt, epilepsia, aliorumque symptomatum lethiferorum causa sunt. Pili ejusdem animalis phthisim efficiunt. Eandem ob causam à noctuæ, hirundinis nigræ, aliarumque nocturnarum avium esu, atque universim à carnibus nigris, cuiusmodi est lupina, bubalina, anatina, pavonina &c. abstinendum esse suadent Medici, qui tales carnes pessimi succi esse iudicant.

Alia Ratio est de pipere, lapide Bezoar, balsamo, baccis juniperi, aliisque similibus, quæ licet colore nigra sint, non tamen obsunt, sed profunt potius, quia sua vi aromatica cor spiritusque vitales quàm maximè roborant; quia rerum istarum nigredo ex differentiâ prorsus temperamento oritur: constat enim quædam igneâ & solari virtute, suntque temperamenti calidi, sicci & adusti, cujus dicta nigredo veluti quidam index est. Adhæc specificâ quadam dote, qua, sicut & alia omnia ferè aromata cor vitæ fontem roborant à naturâ prædita sunt. Illa verò, quæ dixi feralis aspectûs animalia & plantæ, ex frigido humido, vel frigido sicco temperamento, crassoque & fuliginoso succo constant, atque insuper malignam indolem ipsæ gravis eorundem odor, cum nescio, quod virulentum oleant, manifestat.

OBSERVATIO V.

*Judicium Physiognomicum de iis Hominibus,
qui colore nigri sunt.*

Observant Physiognomi, omnes homines, qui valde nigri sunt, esse timidos, imbecilles, præcipitis consilii, inconstantes. Ratio physica est, quia cum ab externo calore intenso evocetur interior, fit, ut partes interiores naturali calore destitutæ frigescent, & accidentali calore subinde, incalescant. Atque hæc sunt causæ prædictarum dispositionum in Æthiopibus. Nigrescunt verò illi humore evocato ad cutem, ibique ducto. Illis enim, quorum exteriora nigra sunt, evocatus est humor cum calore ad partes exteriores, ibique ab externo calore ambiente adustus.

CAPUT IV.

*Derebus, quæ ad Phytologiam, sive a^{scien}-
tiam de Plantis & vegetabilibus
pertinent.*

OBSERVATIO I.

*Antipathia inter Cucurbitam & Muscas
atque Culices.*

Antipathiam intercedere inter cucurbitam & muscas atque culices, experientia comprobatur, quæ auctor Joco-serior. *Natura & Artis Centur.* 3. *proposit.* 44. asserit, equum à muscis & culicibus non edi, si pili ejus succo foliorum cucurbitæ madefacti fuerint.

Antipathia inter Radicem Cinara, & Gonorrhæam Veneream.

Hanc antipathiam Joannes Langius à Weckero lib. 5. de secret. citatus, ex eo colligit, quòd radix cinaræ in vino cocta & pota, sit præsens remedium adversus morbum illum, videlicet gonorrhæam, venerèam, additque seipsum felici successu id probasse.

OBSERVATIO III.

Lappa medicamentum nephriticum.

Si semen inventum in pilulis & globulis lappæ minoris in levissimum pulverem redigatur, & cum pauculo vino albo & generoso adhibeatur, renes ab arenulis efficacissimè repurgabit, sed aliquanto celerius, si cum aqua vitæ sumatur. *Mizaldus ab experto.*

OBSERVATIO IV.

De Nasturtio, herba sternutatoria.

Tragus part. 1. herbarii cap. 26. triplex distinguit nasturtium, hortense, aquaticum & pratense. Primum semen mordacius est, quàm folia. Et de hoc nasturtio hic præcipuè sermo est, cùm dicitur illud habere vim provocandi sternutationem.

Aliqui facturi jocum inter saltantes, & lætitiæ ludicram inter eos excitaturi, nasturtii semina ac folia siccata comminuunt in pulverem, & pavimentum loci in quo choreæ ducendæ sunt, clam aliis pulvere illo inspergunt: qui saltantium motu elevatus, & tam horum quàm spectantium nares ingressus, eas vehementer vellicabit, tantamque omnium sternutationem excitabit, ut in cachinnos soluti, saltum interrompere cogantur. Eundem effectum facit pulvis ille, si pulveri tabaci miscetur, & naribus attrahatur.

OBSERVATIO V.

De herba in qua sericum nascitur.

In Virginia novi Orbis Provincia est herba, in cujus foliis præstans nascitur sericum, membranæ tenui splendenci simile. Alta est duos pedes & dimidium; foliorum longitudo duorum pedum est, latitudo dimidii. In Anglia specimen hujus texturæ confectum est. Ibi enim tela integra è stamine serico, à prædicta planta deumpso, confecta, pro bona & legitima est habita.

Arioth. in Virginia.

OBSERVATIO VI.

Quomodo sciri possit, quot grana habeat malum punicum?

Unum malum punicum aperi, ejusque grana numera, quorque in eo reperiis, tot in singulis malis punicis esse judica. *Aphricanus & alii.*

OBSERVATIO VII.

Laudabilis consuetudo, ut à novo subdito nova arbor plantetur.

Laudabilis, totique Reipublicæ proficua consuetudo in quibusdam locis Ducatus Würtembergici introducta est, ut quilibet post receptionem in subditam arborem novam frugiferam in loco quodam communis plantare teneatur: Er muß auff die Allmandt in fruchtbaren Baum setzen lassen. *Speidel. in Specul. Jurid. Polit. Hist. observat.*

OBSERVATIO VIII.

Modus arbores sylvestres extirpandi.

Lupini florem in succo cicutæ uno die macerato, ablaqueatis arborum eradicandarum radicibus ingerito. Vel diebus canicularibus illas ad medullam que perforato, & petroleum cum sulphure injicito. *Democritus & Plinius.*

OBSERVATIO IX.

Lucrum ingens ex arboribus sylvestribus.

Arbores sylvestres, præsertim si glandiferæ sunt, arario locupletando plurimum conducere, testatur Klockius in tract. de arario lib. 2. cap. 2. num. 47. ubi ait, unam Hassiæ sylvam, si glandis copia suppetat annuatim 200000. porcis sagiandis sufficere, & lucrum inde proveniens summam 30000. florenorum superare.

CAPUT V.

De rebus, quæ ad Zoologiam, sive ad Scientiam de Animalibus pertinent.

OBSERVATIO I.

De Eruca noctiluca, præsentissimo veneno tangentem necante.

Scribit Herrera in nova Hispania, reperiri in montibus Quatimalensibus Americæ, genus quoddam erucæ, quod nemo impunè & sine vitæ periculo contrectet; unde luce ventri ejus innata, veluti lampas de quadam, viatores monet, tanquam pestem fugiendum esse animalculum, quod tam exitiali luce corruscat.

OBSERVATIO II.

Araneus Bufonis victor, & Hominis liberator.

In Britannia solum conclavium scirpis virentibus consterni solet. Quidam fasciculos aliquot in cubiculum congesserat, sparsurus cum esset concludum. Cum à prandio supinus in conclavi dormiret, bufo ingens è fasciculo erepsit, & os dormientis obsedit, infixis superno atque inferno labro quatuor pedibus. Detrahente certa mors erat, non amovere morte crudeli.

ius. Suafu quorundam sub fenestram delatus est supinus jacens, in qua ingens araneus telam texuerat. Ille conspecto hoste suo se librat, bufonique spiculum inigit, quod cum tertio ictu repetiisset, abduxit bufonem pedes, ruptusque vi veneni decidit. Hanc hospiti suo gratiam rependit araneus. *Erasmus, & ex eo Schenckius observat. 7. lib. observat. 115.*

OBSERVATIO III.

Bufo manantem è corpore sanguinem sistit.

Gesnerus apud Jonstonum in *Thaumatographia* classe 10. cap. 3. art. 3. commemorat, Fridericum Saxoniæ Ducem, bufonem veru ligneo transfixum, in urina diligenter arefactum, sindone involutum, hæmorrhagiâ laborantibus, tam diu manu tenendum dedisse, donec intra manus incalesceret; atque ita sanguinem epressum fuisse.

OBSERVATIO IV.

Quod Mures & Sorices vim habeant partem corporis pilosam reddendi depilem.

Mizaldus ait, urinam murium & soricum pilosam corporis partem reddere depilem; restitui verò pilos alparum sanguine, aut earundem pelle, si ei loco affricentur. Quod subjungo, lepidum & certâ experientiâ comprobatum est.

Vir mihi notissimus, ex cujus ore historiam habeo (inquit *Schottus Physicæ curiosæ lib. 3. cap. 23.*) cum Romæ brumali tempore sub vesperum domum ex Urbe revertisset, & clausis ad primum ingressum cubiculi fenestris ac valvis, illatoque lumine, ad studendum se composuisset; videt ingentem soricem ad valvas interiores cubiculi oberrantem, & exitum quarentem:

ingressus enim absente viro illo per fenestram apertam, inclusus manserat. Arripit ergo baculum, qui fortè ad manum erat, & forici ad parietem atreptanti tam validum infligit ictum, ut sanguis per baculum ad manum usque momento temporis, percutiente id minime advertente, magnâ copiâ deflueret, manumque commacularet. Quo facto, abjicit per fenestram apertam foricem, & studia prosequitur, mentum cum maxilla dexterâ sustentans manu, cubitoque mensâ innixus, ut facere solent, qui libros meditabundi legunt. Die sequenti cum primum in conspectum venit Collegarum suorum, risu excipitur & cachinnis: erat enim (quod ipse non adverterat) menti pars dextera, dexteraque maxilla penitus depilis, pars verò reliqua pilis hirsuta. Subito igitur è conspectu hominum se subducit, & partem quoque alteram barbæ abradi novacula curat, antitotumque ad pilos recuperandos adhibet. At cum pili jam crescerent, non minori quam antea risu excipiebatur: erant enim qui de novæ erumpebant, mollissimi instar lanæ, reliqui verò serati in modum duri; nec parum expectandum fuit, donec ad æqualem utrique duritiem reducerentur.

OBSERVATIO V.

Antipathia inter aconitum, & scorpiones.

Antipathiam esse inter aconitum & scorpiones, eo liquet, quod hi torpeant aconiti tactu, stupeantque pallentes, ut loquitur *Plinius Hist. Natur. lib. 27. cap. 2.* Unde aconitum in vino calido datum, scorpionibus eorumque ictibus adversatur. Mirandum sanè, quod cum hæc duo sint exitialia venena, in homine tamen commoriantur, ut homo superfit, & vivat.

OBSERVATIO VI.

Serpentes ut absque periculo tractari possint.

Succus raphani, perunctis eo diligenter manibus effici-

ficit, ut securè & absque periculo serpentes tractare possis. *Cardanus ex Tarentino.*

OBSERVATIO VII.

Serpentes quomodo capiantur, aut fugentur.

Serpentes vini incontinentes sunt; ideo eos aliqui vino in fistilibus ad sepes deposito venantur; ebrii enim capiuntur. Fugiuñt verò è loco, ubi absynthium, aut artemisiā, aut abrotonum circa eum plantaveris, aut melius fraxini cineribus locum consperferis.

OBSERVATIO VIII.

Contra ictus seu morsus serpentum.

Si à serpente quispiam morsus fuerit, nisi febricitet, bibat succum è foliis fraxini, vino albo generoso exceptum, foliisque ipsis tegat morsum. Miraculum (inquit Mizaldus) à multis felici successu probatum expertum demirabitur.

OBSERVATIO IX.

Serpentum regeneratio.

Serpentes (inquit S. Gregorius Nyssenus *orat. 3. de resurrect. Christi*) licet vivida, alioquin animalia sint, hyberno frigore enecti, sex mensibus in cavernis terræ delitescunt immobiles. At cùm statum tempus advenit, & tonitrua in mundo audita fuerint, fragor ille nubium ipse est quasi signum surgendi: quare celeriter exsiliunt, & post tot mensium veluti mortem ad consueta opera prodeunt.

OBSERVATIO X.

Canes officio militum fungentes.

Inter memorabilia refert Plinius *lib. 7. c. 40.* quòd Garamantum Regem canes ducenti ab exilio reduxerint, præliantes contra resistentes.

Propter bella etiam Colophonii, itemque Castabulenses, militares canum cohortes habuere, quæ primæ

dimicabant in acie, nunquam prælium detrectantes. *Majolus in diebus Canicularibus rom. 1. Colloq. 7.* Huc spectat quod, ut refert Ovetus *lib. 16. hist. c. 11.* Canes in Hispaniola Insula in militum Catalogo conscripti, duplicique stipendio donati fuerint.

OBSERVATIO XI.

Mira canis benevolentia ac beneficentia erga hominem captivum & famelicum.

Bossius in *Historia Rhodiana* commemorat, unum aliquem ex Christianis à Turcis profugum, in profundam cisternam, aquâ tamen vacuam, descendisse, suis viribus exinde evadere non potuisse, canem odoratu hominem miserum investigasse, repertoque panem diurnum dimidiatum, sibi in escam deputatum, quotidie attulisse; ipsum verò canem à demenso quotidiano detracto, post aliquot dies extenuatum, custodi seu nutritori, cur præter solitum macresceret, admirationem primum, deinde voluntatem explorandi iniecisse, atque ad cisternam dimidiam panis partem ferentem, injicientemque vidisse; Christianum verò in cisterna delitescentem beneficio canis servatum, vitæque donatum fuisse.

OBSERVATIO XII.

Casus ex lacte Hiræ.

Rem inusitatam, planeque exoticam refert Aristoteles *lib. 3. histor. animal.* ubi scribit, hircum quendam in Insula Lemno tantum lactis ad mulctram dedisse, ut ex eo minuti casei confecti fuerint.

OBSERVATIO XIII.

Memorabiles Caprarum proprietates.

Capras perhibent non minùs noctu, quàm interdiu cernere. Ideo caprino jecore si vescantur Nyctalopæ, vespertino restituntur visui.

Capras

Capras & auribus & naribus respirare, ex eo colligit *Ælianus*, quod Naso obstructo nil offendantur.

Nunquam non febri laborant capræ. Itaque in emptione capras sanas sanus nemo promittit. *Varro lib. 1. de re rustica cap. 3.*

Capræ *Gymanteæ* sex integris mensibus non bibunt, sed mare intuentes, atque ore hyantes auras excipiunt, hac ratione sitim levantes.

Capræ sylvestres in *Lybia* sunt magnitudine bouum, tam agiles, ut in distantissima saliant cacumina, tantâ membrorum duritie, ut nec frangant cornua, nec caput diminuunt delapsæ. *Ælianus lib. 14. cap. 16.*

CAPUT VI.

De nonnullis ad Anthropologiam, sive Scientiam de Homine pertinentibus.

OBSERVATIO I.

De variis nominibus, qua variis hominibus ob varias causas imposita fuerunt.

Theotimus Episcopus Tomitanus, ab Hunnis, qui ad Istrum habitabant, ob frequentia & illustria, quæ patrabat, miracula, *Romanorum Deus* appellatus fuit. *Nicephorus lib. 21. cap. 45.*

Anaxagoras Clazomenius, ob admirandam physiologiæ scientiam, *Mens* dictus fuit. *Calius lib. 9. Antiqu. Lect. c. 5.*

Phocion Atheniensis ob frugalitatem *Chrestus* sive *Bonus* est cognominatus. *Alex. lib. 2. c. 11. ex Plutarcho.*

Aristides ab eximio cultu justitiæ appellationem *Justi* sortitus est. *Plutarchus in Aristi.*

Quintum Merellum antiquitas appellavit *Pium*, quod Patrem assiduis precibus & lacrymis ab exilio revocaverit, *Volater. lib. 17. Anihrop.*

Hermes *Trismegistus* dictus est, quod apud Ægyptios maximus Philosophus, maximus Rex, & maximus Sacerdos extiterit. *Beyerlinck in Theatro vitæ hum.*

Cognomen *Magni* Alexandro Macedoni & Cn. Pompejo Romano attributum est. *Plutarch. in Sertorio.*

Quintus Fabius salutaris est *Maximus*. Cui hanc gloriam invidens Scipio : qui sit, inquiebat, ut tu conservandis duntaxat exercitibus, *Maximi* cognomen adeptus sis: ego cum hostibus confligendo, *Magni*? Respondit Fabius: At nisi ego tibi milites conservassem, tu non habuisses, quibus hostes vinceret. *Polyannus lib. 8.*

L. Cornelius Sylla ob fortunatos in præliis successus cognomen *Felicis* adscivit. *Calvus lib. 24. cap. 6. Antiq. Lect.*

Philippus Burgundiæ Dux *Audacis* cognomen accepit, quod saltu periculoso mensam transilierit, ut Carolo VI. Regi Gallorum proximus sederet. *Beyerlinck in Theatro vitæ hum.*

Chærephon tragædiarum scriptor, à lucubrationibus nocturnis, quibus majorem in modum extenuatus erat, cognomento *Noctua* appellatus fuit, ut Aristophanes testatur.

Archilochus Parius, quod loquax & vocalis esset, *Cicada* cognominatus est. *Lucianus in Pseudologista.*

Quintus Fabius Maximus Dictator, propter benigni-

gnitatem & mansuetudinem naturæ cognomen *Ovinus* meruit. *Volater lib. 16. Anthropol.*

Diogenes vulgò *Canis* dicebatur. Cùm autem varia sint canum genera, percunctanti qualis ipse canis esset? Epidè respondit: *esuriens, Melitæus, satur, Molossus*: quòd cibi appetens blandiretur: saturatus, morderet. *Laërtius lib. 6.*

Simili cognomento insignitus fuit Franciscus Dandulus Venetorum Dux, quòd cùm apud Clementem Pontificem pro Venetis Legatus fuisset, neque alia ratione iratum Pontificis animum propter ereptam Ferrariam placare posset, catenâ collo innexâ quadrupes Pontificem cœnantem accessisset, eoque consilio iram illius expugnasset. *Egnatius lib. 3. c. 3.*

Paulus Jureconsultus Patavinus, qui Anno Christi 230. sub Alexandro Severo Imp. floruit, propter eximiam juris civilis peritiam *Jureconsultorum Coryphaeus* appellatus est, teste Politiano.

Origenes *Syntracticus*, id est, *Compositor* nuncupatus est, quod multos libros composuisset. *Suidas.*

Tatiano Oratori cognomen *Simia* inditum est, quòd omnia ingeniosè imitando exprimeret. *Calius lib. 3. c. 10. Antiq. Lect.*

Robertus Auberti Ducis ex Ida Burgundiorum Ducis sorore filius, ob vitæ turpitudinem Diabolus est appellatus: qui tandem resipiscens sanctitatis opinionem obtinuit. *Guagninus lib. 3.*

Carolus quidam Francorum Rex propter ignaviam, & quod nihil serium ageret, dictus est *Maleferiatus*. Ita scribit *Ritius lib. 1. Reg. Franc.*

Tiberius Cæsar propter nimiam vini appetentiam pro Tiberio *Biberius*, pro Nerone *Mero* appellatus est. *Suetonius.*

Titum Vespasianum Romani, propter humanitatem,

tem, mansuetudinem & popularitatem *Delicias generis humani* appellavêre. *Fulgosius lib. 5. cap. 1. ex Suetonio.*

Marcus Antonius Pius Imp. cùm nimium curiosus esset, poneretque maximam diligentiam in quibusdam reculis indagandis, *Cuminifector* appellatus est. *Dion & alii.*

Cornelius, quia Patrem cæcum baculo regebat, *Scipio* cognominatus, nomen ex cognomine posteris dedit. *Macrobius lib. 1. Saturnal. c. 6.*

Livio Salinatori, quòd ex sale novum vèstigal constituisse, sal cognomentum dedit. *Ex Histor. Roman.*

Scarbicus Comes missus cum aliis ad Henricum IV. Imperatorem à Boleslao III. Polonorum Rege, Glogoviæ ab Imp. obfesso, ut pacem peteret: cùm Cæsar legatis thesaurum ingentem ostenderet, his verbis: Hic, inquit, Polonos perdomabit; Scarbicus legationis Princeps jactantiam Cæsaris repressurus, annulo, quem digito gestabat, in thesaurum projecto: Aurum, inquit, adjiciamus auro. Quod scommma intelligens Cæsar, gratias agendo illud eluturus dixit Germanicè *Hab Dancē*. Unde familiæ Scarbicianæ id nomen adhæsit, ut *Habdanci* dicantur. *Cromerus lib. 5.*

Curiones apud Romanos à curis, quibus macilentiores reddituri fuerant, denominati sunt. Ex qua Gente tres præcipui oratores lumen totius Senatûs atque Imperiî fuêre.

Philippum II. Regem Francorum *Adeodatum* vocitarunt, quod obsecrationibus eum Pater Ludovicus tertia tandem ex uxore, ipse magnus natu impetrasset. *Æmil. lib. 6.*

Ericus Canuti Fratris Regis Vandalorum eadem cùm ulcisci conaretur, crebris præliis victus, *Pedis Leporini* cognomen accepit, quòd frequenter fugâ sibi contuleret. *Cranzius lib. 3. Vandalia c. 36.*

M. Crassus avus ejus, qui bello Parthico interiit, eò quòd nunquam in vita riserit, *Agelastos* cognominatus est. *Cicero Tuscul. quest. lib. 3.*

Scipio Africanus minor, eò quòd defuncta parente excisus utero, in lucem venerat, primus Romanorum Cæsar dictus est. *Silius Italicus lib. 13.*

Gratianus Imperator *Funarius* est dictus, quòd ei funem quinque etiam robustissimi milites è manu extorquere nequierint. *Paulus Diaconus & alii.*

Papyrius, à pedum pernecitate, quâ victor omnium suæ ætatis æqualium fuit, *Cursoris* nomen accepit.

Artaxerxes Persarum Rex Longimanus vocatus est, quòd manum dexteram haberet alterâ longiorem. *Plutarchus in Artaxerxe.*

Antimachus Poëta cognominatus est *Psēcas*, id est, *Pluvia*, quod inter colloquendum sputo adstantes conspergeret. *Suidas.*

Corneliis datum est cognomentum *Asina*, quoniam Princeps Corneliæ Gentis empto fundo, cum sponsores ab eo solenniter poscerentur, asinam pecuniâ onustam produxit in forum, quasi pro sponsoribus præsens pignus. *Macrob. lib. 1. Saturnal. c. 6.*

Otho IV. Imperator, qui 38. annis imperavit, ob re- rum gestarum magnitudinem *Miraculum Orbis* appellatus fuit. *Bern. Corius in ejus vita.*

Julianum Imperatorem ab hirsutie *Capellam* nuncupant. Idem *Simia purpurata* audit. *Cælius lib. 25. c. 17.*

OBSERVATIO II.

*Locus, in quo nulli Hominum aut nasci, aut
mori fas est.*

In Insula Delo (quæ est Cycladum media, clara Templo Apollinis) lex fuit sancita, ne quis hominum in ea vel moreretur vel nasceretur. *Plutarchus in Apophtheg-
mar.*

mat. Itaque puerperæ , & morituri in vicinam Insulam Rheneam deportabantur. *Strabolib. 10, Geograph.*

OBSERVATIO III.

Cur hominibus circa intestina plurimus, circa jecur nullus adeps concreascet.

Jecur, quia membrum est valde calidum, nullum intestina, quia frigida, copiosum adipem admittunt; adeps enim ut generetur, frigore indiget, cum aliter non conficiatur, quam appulso sanguinis ad partes frigidas.

Sed hæc doctrina videtur oppugnari exemplo cordis, quod est membrum calidissimum, & tamen adipe circumvestitur; ergo excessus caloris non obstat generationi adipis.

Respondeo, cordis adipem ex illius temperamento non provenire (nam cor temperamento constat calidissimo: quo, nisi aliud obstaret, materia omnis adipis resolvenda & consumenda esset) sed ex singulari cura & providentia naturæ circa Principalis membri conservationem satagentis, ut adipe circumjecto refrigeretur, nimiaque impediatur exsiccatio, quæ ex perenni cordis motu oriri posset.

OBSERVATIO IV.

Oculum hominis erutum, seu destructum naturaliter restitui posse.

Oculum hominis (idem est de aliis animalibus) opere Medicinæ, si destructus fuerit, reparari posse, constat experimento ante paucos annos Pragæ in Bohemia facto: de quo Excellentissimus Medicus Marcus Marci Pragâ Anno 1662. ad amicum in hæc verba scripsit. Ante dies octo, inquit, invisit me quædam Persona nobilis ex terris peregrinis Angliam repetens, honoris gratiâ; atque inter cæteros discursus incidit mentio de oculis

oculis restituendis. Affirmabat verò oculum erutum posse restitui, & si vellem, mox demonstraturum in quovis animali. Jussi adferre anserem, qui occidi debuit. Ille verò lanceolâ oculum discidit, ut humor aqueus totus efflueret: mox humorem Crystallinum, unâ cum vitreo digitis expressit, ut loco oculi nihil nisi foramen adesseret: in quod de aliqua aqua, quam secum habebat, modicum instillavit; & ecce oculus subito impleri cœpit, & infra quadrantem horæ fuit perfectus, qualis antè fuit: quem anserem in hodiernum diem servo, & aliis ostendo.

Circa hoc punctum notandum primò, anserem illum post reparationem oculi vidisse, sed minùs perfectè, quia cicatrix in pelliculis oculi facta non satis æqualiter coaluerat; quod futurum ipse artifex prædixit, qui inter operandum errorem suum fassus fuit.

Notandum secundò, non videri dubitandum, quin humor aqueus ex oculo expressus medicamine restitui possit. Id enim, teste Schoto in *Magia naturali*. r. part. lib. 2. probavit. P. Nicolaus Cabæus Soc. JESU in agno, cujus utrumque oculum acutâ lanceolâ perforavit, totumque humorem aqueum expressit, ac vulneri deinde applicavit vittam madefactam succo chelidoniz majoris, postridieque deprehendit agnum habere oculos sanos, videreque ut priùs. Si ergo succo chelidoniz adhibito aqueus humor, salvis adhuc oculi tunicis, restaurari potest, poterit etiam eodem, aut alio restaurari vitreus & crystallinus humor.

OBSERVATIO V.

De abscissione aurium in Hominibus facinorosis.

Aurium, sive cartilaginis in aure dextra vel sinistra abscissionem inde ortam esse, scribit Usilius in *Sex maleficis*, n. 22. & seq. *Instit. de actionib.* quòd in auribus
vena

vena quædam promineat, quæ prolificum contineat sperma, cujus venæ abscissione, procreationis vis, seu semen prolificum submoveatur, ne hominum facinororum, quibus in pœnam commissi sceleris auriculæ abscinduntur, posteritas ulla relinquatur, quod fieret, si liberos generarent. Quod confirmans Bodinus *de Republ. lib. 5.* asserit Scythos indignè ferre quoddam ad venerem inepti sint, & ideo seipso castrare parotidos venæ, quæ sub aure latet, sectione.

OBSERVATIO VI.

De Metamorphosi, seu transmutatione Hominis in Anserem, vel aliud quodcunque animal.

Ajunt extare librum quendam Joanni Trithemio adscriptum, in quo Auctor transmutationem hominum in quodcunque animal promittit, putantque multi id absque arte & ope diabolica fieri non posse. At multa Trithemio impia affinguntur, quæ tamen, si à rerum peritis examinentur, naturalia esse deprehenduntur. Ego arbitror illud Trithemii promissum viâ duplici posse compleri: vel arte catoptrica seu speculari, vel arcanaiore quadam rerum applicatione, quâ homo se in aliud quod animal conversum putet. Certè P. Athanasius Kircher in *Arte Magna lucis & umbra lib. 10. part. 3.* docet, per specula plana machinam catoptricam ita constitui posse, ut homo speculum intuens, loco humani vultus, a fini, bovis, cervi, accipitris, aut similibus animalium vultus sibi videre videatur. Addit P. Athanasius, se hujusmodi machinam catoptricam penes se habere, quæ in ingentem omnes admirationem rapidum inspicientes loco naturalis faciei, nunc lupinam, modo caninam, jam alterius animalis faciem intuentur.

Sciendum insuper, res quasdam naturales esse, quæ mox ubi per os assumptæ fuerint, imperium in phantasiam

nam hominis exercentes, eum in id transmutant, ad quod vel maximè inclinaverit. Ita novi radicem (verba sunt P. Athanasii citati) quæ in cibo sumptæ, homines, ill'co in anseres & anates transmutat, non secundum visum exteriorem, sed interiorem; ita ut qui eam sumpserint, se anseres esse arbitrentur. Sunt & aliæ res, quæ per cibum sumptæ, in feles, canes, lupos dictâ ratione transmutant atque transformant.

OBSERVATIO VII.

De Arte nova Cryptologica, & Catoptrica, qua duo homines, aliquot milliaribus à se invicem distantes, nullis intervenientibus epistolis, aut Internunciis, occultos animi conceptus sibi mutuò manifestare possunt.

Non ita pridem inventa est Ars nova Cryptologica & Catoptrica, qua duo amici, ad duo vel tria millaria ab invicem distantes, non tantum occultos animi conceptus nullo penè negotio sibi manifestare; sed & nova quadam replicatione catoptricâ amicis absentibus præsentem se sistere possunt. De quo quidam Athanasius Kircher in *Arte Magna Lucis & Umbra* lib. 1. cap. 1. scribat, audire libet. Hoc inventum, inquit, propriè meum est, cum apud nullum Auctorem, quod sciam, simile quid me legisse meminerim. Inventum mirum, & solâ curiositate Regiâ dignum, tum hoc unico non tantum occultos animi sui conceptus tuto & securè amicus amico communicare, sed & literas integras transmittere, murisque inscribere; imò suam propriam effigiem umbratilem, & quamlibet imaginem, summâ facilitate in maxime aliam distantiam, & sub plusquam Gygantea

Ggg magni-

magnitudine sistere amico possit. Qui uberiores hujus artificii declarationem desiderat, legat ea, quæ P. Athanasio loco citato afferuntur.

CAPUT VII.

De rebus ad Artes Mechanicas spectantibus.

SECTIO I.

Recensentur varia Artificia Mechanica.

ARTICULUS I.

Quâ arte cultri & gladii ita acui possint, ut ferum instar plumbi incidant?

A Qua ex contusis lumbricis per pannum expressis & succo raphani æquis portionibus mixta, usque adeo duram & densam reddit aciem cultrorum, et sium, aliorumque instrumentorum, quæ bis aut tertium cuderentur, in aqua illa extincta fuerunt, ut ferum aliud, ac si plumbum esset, facile incidant. Hoc artificium testatur Mizaldus se à quodam Parisiensi Macheropæo accepisse.

ARTICULUS II.

Quâ arte charta pergamenâ possit reddi translucida instar vitri, exclusâ fragilitate?

Chartam pergamenam translucidam instar vitri, non tamen fragilem reddes, si eam super ferrum læve calidiusculum sensim lacrymâ abietis aut laticis imbueris. Cardanus lib. 13. de varietate rer. cap. 36.

ARTICULUS III.

Quâ arte pingi possit imago, qua oculos ad te semper, quocunque te verteris, conversos habeat?

Reperta est quædam ratio sanè mirabilis, quâ vultus humanus ita ad vivum exprimatur, ut intuentem, quocunque loco steterit, defixa semper acie contueatur, haud secus ac si mobiles imago haberet oculos, quos ad omnem locum, quò spectator convertit, propriâ virtute circumferat. Ut autem hujusmodi imaginem quocunque respicientem conficere possis, ita operare. Sistat se tibi vir aliquis eo habitu quo volueris pro prototypo, qui tuos oculos perpetuò constanter & immobilitè fixis oculis respiciat. Hujus igitur hominis de dicta ratione respicientis vultum, si ad vivum depingeris, habebis intentum; semper enim, quocunque te verteris, in te respicere, videbitur. Cujus rei hæc est ratio, quòd radiatio utriusque oculi respicientis hominis, in pictoris oculos facta, pyramides funder visuales, quarum bases sint oculi imaginis; quæ cum ad vivum principio sint fundatæ, & iidem perpetuò punctis insistant, tuis quoque oculis semper insistentes, quocunque te verteris, perpetuò te persequentur; cum siam, respectumque à principio acquisitum mira quam vi, & proprietate perpetuò conservent: quod unquam tamen fieri cernimus, si oculi temerè delineatur; neque enim hoc unquam in statuæ alicujus æmulatione oculis successum habet; cum enim statuam oculi sphericæ ut plurimum sint figuræ, & promineant extra plani superficiem, fit, ut basis pyramidis visualis perpetuam quoque mutationem subeat, neque oculi in obliquo respectu totam oculi basim comprehendant; Undè etiam consequenter memorata sta-

tua prospectum in omnem partem nequaquam habebit. In solis igitur planis superficiebus, huiusmodi omnem partem imaginis alicujus prospectus dictâ ratione fieri potest. Hinc mortis imaginem cum arcu quidam ita artificiosè depingunt, ut telum arcui impositum, quocunque te veritas, non sine horrore in te explodere velle videatur.

ARTICULUS IV.

Novum artificium imagines aeri incisas omnium colorum genere tingendi.

Prodiit hoc sæculo mirabile quoddam imaginum tingendarum artificium, quod ajunt in Gallia inventum esse. Spectantur in eo artificio imagines omnium colorum genere depictæ, sed non semper & ubique nisi tunc potissimum, cum luci fuerint expositæ (tinguntur enim illo non pictæ imagines, sed æri tantum incisæ) quæ hoc artificio tinctæ, ne ullum quidem visum sperari ad candelam, aut interdiu ad umbram demonstrant coloris vestigium: at soli luci quæ diversæ expositæ, imagines phantastico quodam & omnigeno colore depictas ostendunt; ut modò cælestis iridis colores, modo eos, qui in cauda pavonis, cæterarumque avium plumis aureis, puniceis, croceis, purpureis, rubeisque resplendent, te conspiciere arbitreris. Horum colorum alii ad lucem, aliis interim latitantibus, maximè perspicui sunt: hisce verò ex latibulis productis reliqui evanescunt. Res hæc mirificum aspectum decipit, cum hic color nequaquam terrenus nec penicillo inductus, sed latentis naturæ industria per evaporationem, ut jam dicetur, productus sit.

Porro modum huiusmodi imagines conficiendi tradit P. Athanasius Kircher in arte magna lucis & umbræ.

ora lib. 10. part. 2. afferens se cum nullo docente invenisse. Accipe, inquit, Salis Communis, Salis Ammoniaci, duplum primi, Vitrioli Romani, Cyprii, Viridis nimirum & Cerulei, Aluminis Tolfici (Itali vulgò *della Rocca* vocant) tantum ex uno, quantum ex altero, misceantur omnia simul, ponanturque in balneo vaporatorio Chymistis noto, & mox ubi liquefactam salium micuram vaporare senties, acceptas imagines æri incisas vapori expones, & mox colores salibus vitriolisque naturaliter insiti vaporique permixti, imagines dictâ colorum genesi tingent

ARTICULUS V.

Qua Arte confici possit Lætus pneumaticus?

Lætis pneumaticis, seu vento & aëre repletis, multum in regionibus calidioribus utuntur. Parantur autem hoc modo: Ex corio consue cervicalia, & culcitra eâ industria, ut inspiratum ventum seu aërem contineant. Hæc aëre syringe pneumaticâ inspirato imple, spiracula diligenter claude, & linteaminibus operies. Et habebis lætum stratum, non minùs mollem, quam in æstivo tempore frigidiusculum. Iter facturus exime aërem inflatum, & saccos vacuos facilè vehes, postea iterum, cum quiescere aut dormire voles, in-
tendos.

ARTICULUS VI.

Quomodo ferro rubigo eximi, & ne arma rubigine obducantur, præcaveri possit?

Ferro rubiginem è vestigio eximit, eique splendorem conciliat, oleum tartari. *Alexius Pedemontanus.*
Ad arma quod attinet, accipe ramenta plumbi, & pone ea in oleo per dies novem, ad solem & aërem,
Ggg 3 atque

atque hac mistura inunge arma, eruntque à rubigine immunia.

ARTICULUS VII.

Modus efficiendi, ut lac non possit coagulari.

Ajunt, si lacti saccharum injicias, nec coagulari posse, nec butyro efficiendo idoneum esse.

ARTICULUS VIII.

Qua arte silices possint emolliri, ita, ut instar cera sint tractabiles?

Silicem igni injectum impensè finito calefieri, & quasi ignescere, deinde misce inter se aquam separatariam, acetum & sanguinem hircinum, atque hanc mixturam affunde silici, ut totus cooperiatur. Mollitur tunc ajunt silicem aded, ut instar ceræ tractari queat, intraque illum abscondi litteræ, aut pecuniæ, atque aliò deferri. indurescere denuò, si lacti caprino imponatur.

Præter hunc modum, supra in Lithologia allatum alii silicem ignitum ut antea, jubent immergi in aquam tartari ferventem, & extractum denuò injicere eidem aquæ, & in ea per horæ dimidiæ spatium relinquere. Quo pacto filex non modò reddetur mollis, sed ductilis etiam, ut instar corii extendi queat.

ARTICULUS IX.

Qua arte effici possit, ne ligna igne ardeant, & comburantur?

Ligna & tabulata alumine illita non ardent, nec ab igne læduntur: uti nec postes, fores, aut lacunariæ viridi imbura, dummodo crusta durior iis obducatur, & alumen, plumbique albi cineres, pigmentis copiosè misceantur. Cujus rei specimen edidit Archelaus Mithridatis Præfectus in lignea turri contra Syllan

Ducen

ducem Romanorum, quam ille frustra incendere co-
atus fuit. Eodemque modo Julius Cæsar castellum
incombustibile ex materia laringa circa Padum con-
struxit, ut tradit Plinius.

ARTICULUS X.

*Qua arte confici possit lignum ebeni, ut videa-
tur esse naturale?*

Omnis generis ligna formam ebeni acquirere pos-
sunt, præsertim si sint dura & lucidiora, ut buxus, ce-
rus, morus alba & nigra: cujusmodi ligna ad hoc
sunt omnium aptissima, quamvis nigra morus albæ
preferatur. Sumito itaque hujus generis ligna, & in
aqua aluminosa per tres dies, vel ad solem, vel prope
ignem ponito, ut tantum calefiant: deinde coquito
in aqua quoadmodum in oleo communi, vel Sefamino, in quo sit
Sesamoli Romani & sulphuris, singulorum tantum,
quantum avellanæ respondeat. Quo autem magis
cocta fuerint ligna illa, eò etiam nigriora fient, modò ne
nimium coquantur. Nam tunc & ambusta & fragilia
sunt. Rite autem cocta si fuerint, nihil in eo genere
valchrius desiderari posse videtur. *Alexius Pedemon-
ianus.*

ARTICULUS XI.

*Qua arte possit ex plumbo confici argentum
vivum?*

Sumito plumbum in tenues laminas redactum: po-
natur in vase vitreo, unà cum sale communi interpo-
sito; deinde vas cooperiatur optime, & sub terra re-
linquatur per dies novem, & argentum vivum postea
seperies. *Fallopianus.*

ARTICULUS XII.

*Quomodo effici possit, ut lapides quivis mol-
lescant?*

Lapides quivis facile mollescunt, si illos in sanguine
Ggg 4 cali-

calido bovis, & pinguedine vervecis, cum forti aceto pernoctare permiseris. *Mizaldus.*

ARTICULUS XIII.

Quâ ratione lapis bufonius comparare, itemque sciri possit, an sit legitimus?

Lapis Bufonius in capite bufonis delitescit, qui hac praxi ex eo elici solet. Bufo in quampiam caveolam cum panno puniceo detruditur, soli ardentissimo per dies aliquot exponitur, ibique tantisper retorretur, & siti excruciat, donec lapidem, onus capitis, deponere, & per os evomere cogatur: debet autem lapis ille per medium cavæ foramen, vasculo supposito, excipi, vel aliter detrahi, idque celeriter, ne à bufone resorbeatur. Sunt, qui paulò tutiùs, ac faciliùs rem eam exequantur. Bufonem illi pertuso multris locis vasi fictili immittunt, & formicis depascendum in myrmecium conjiciunt. Sic enim fit, ut ex ea bufonis carne, lapis bufonius cum ossibus relinquatur.

Quòd si lapidem illum aliunde acceperis, dubitesque an legitimus sit, rei veritatem sic poteris explorare. Ostendatur lapis bufoni, qui si in altum se levaverit, ac si lapidem vellet contingere, ac saltu præripere, signum est eum esse verum atque legitimum. Nam bufo invidet illum homini. *Ex Relatione cujusdam Medici Regii, qui Mizaldo testatus est, se id vidisse.*

ARTICULUS XIV.

Quomodo macula omnis generis ex vestibus pannisque deleri possint?

Accipe salis communis optimè triti, & saponis nigri, singulorum quantum satis est: quibus optimè mistis maculæ inungantur; deinde cum siccatae fuerint primo lixivio, aquâ tepidâ laventur, & maculæ evanescunt. *Alex. Pedemon.*

ARTICULUS XV.

Quomodo macule pannorum sericorum & aliorum delenda sint?

Vervecis pedes anteriores in cinerem redigito, & fiat pulvis inde, quo panni prius aqua madefacti aspergantur; postea cum ad solem siccati fuerint, iterum aqua humectentur, pulvereque ut prius aspergantur. Quibus sæpius iteratis, pulvis diligenter aquâ abluitur, & maculæ evanescent.

ARTICULUS XVI.

Quomodo macula atramenti ex panno tollenda sint?

Pannum prius aceto acerrimo lava, exprimendo bene manibus, & fricando; deinde lava eundem aquâ & sapone, & maculæ delebuntur.

ARTICULUS XVII.

Quomodo macula atramenti vel vini ex pannis lineis vel laneis deleri possint?

Accipe succi malorum limoniorum, vel aurantiorum, vel citriorum quantum sufficit, quo maculæ humectentur, & siccentur sæpius; deinde aquâ frigidâ bluantur, & delebuntur. Quod si ex atramento fuerint maculæ, sapone albo & aceto laventur.

ARTICULUS XVIII.

Quomodo pelles & coria à corruptione præservari possint?

Pelless siccas, aut in sole diligenter siccatas, excusso pulvere in arcis loco sicco collocabis. Sufficiet autem eas semel in anno aëri sereno exposuisse. Porro melius servantur pelles cum sibi similibus. Nam à lineis humectantur, laneis verò immixtæ eroduntur à tineis.

Hæc Cardanns. Proderit etiam subinde pelles bacillis excutere.

Coria loco mundo & altiore à terra seruari debent, ut nec udo, nec pulvere tangantur, præsertim quæ tin-cta sunt; hæc enim duo, humiditas scilicet & pulvis omnia corrumpere solent, velut & laneos pannos. Pulvis enim erodit, & blattas procreat; humiditas au-tem affert situm, & ex situ putredinem. Ventus igitur, qui refrigerat, & siccatur, prodest: qui pulverentus est, qualis censetur ecnephias, actyphon; aut humidus, cujusmodi est Auster, & marinus, corrumpit omnia, ut etiam laneos pannos.

ARTICULUS XIX.

Quomodo paranda sint ocrea, ne aquam transmittant?

Halinitrum ceræ liquefactæ mixtum, prohibet ne omnino ocreæ transmittant aquam, si ad ignem eâ mixturâ diligenter imbutæ fuerint. Oportet autem halnitrum esse tenuissimè contritum. Si ceræ pingue quidpiam admiscueris, adhuc melius erit.

ARTICULUS XX.

Quomodo pictura veteres renovari & illustrari possint?

Respondeo, id tribus potissimum modis fieri posse, & solere.

Primus. Misce cum ovi unius albumine vinum album, & panno laneo unge depictam tabulam, aut telam, eritque imago illustrior quàm antea.

Secundus. Recipe Resinæ crassæ & albæ libram unam, gummi uncias duas, terebinthinæ Venetæ unciam unam, olei lini uncias duas. Resina primùm ad ignem liquecat, & coletur; gummi in oleo communi tinatur, donec mollescat: quod cum fuerit percola-

tum

um, misceantur omnia simul, & coquantur igne lento, miscendo continuè, quousque ritè omnia fuerint permixta, & servantur ad usum. Hac mistura si pictura aliqua munda fuerit illita, splendida ac pulcherrima vader.

Tertius. Recipe olibani masculi, & gummi juniperi, singulorum quantum satis. Misce & fiat pulvis, cui addatur terebinthinæ Venetæ quantum satis esse videbitur, & misceantur omnia bene ad ignem, deinde coquantur, ac servantur. Cùm uti volueris hac mistura, prius calefiat, deinde pictura leviter illinatur, evadeturque nitida, & citò siccabitur.

S E C T I O II.

Reconsentur varia Artefacta Mechanica.

ARTICULUS I.

De Corona Imperiali Rudolphi II. & Regiæ Regis Galliarum.

Rudolphus II. Imperator curavit sibi confici coronam ex auro ornarique pretiosissimis adamantibus Orientalibus, quæ uno millione aureorum æstinatur, & asservatur Viennæ. Ita testatur Auctor descriptionis particularis Regiminis Ferdinandi II. cap. 22. pag. 44.

Corona verò, quâ Reges Galliæ coronantur, teste Coquille *en l'histoire du Pays, & Duché de Nivernois* 1666. eam, quâ Imperatores nostri utuntur, & pretio, & pondere longè superat; dicitur enim valere centies & undecies mille octingentos, & quadraginta coronatos.

ARTICULUS II.

De quodam memorabili curru.

Joannes Blaeu in Theatro urbium Belgicæ fœderatæ

rata Currum Veliferum his ipsis quæ subijcio verbis describit.

Illustrissimus Princeps Mauritius, inquit, Nassovia Comes, Geldriæ, Hollandiæ &c. Gubernator, Præfectus exercitûs fœderati Belgii, ut belli studia, quibus inclaruit, tot urbium arciumque victor, honesto otio, quod Principibus invidere nefas, diffunderet, stupendæ artis currum sibi in suam suorumque aulicorum voluptates fabricari iussit. Si rotas, remonem, aliaque tanti apparatus spectes, currus est: C. vela, si Rectorem, si impellentes ventos, navis est; ita ut currus velifer aut velivolus, & navis rotis vecta per auras & terras dici possit. Viginti octo vectorum capax, tantâ celeritatē & impetu ventorum fertur, ut spectantium oculi in motum Rectoresque defigi non possint. Duarum namque horarum spatio quatuordecim milliaria Hollandica decurrit, à Scevelinga, unde abire solet, Pettemum usque continuo planoque littore Oceanum juxta. & Maris Borealia.

Rei novitate capti periculum fecere hujus sive navigationis, sive aurigationis, sive utriusque, plurimi Magnates, Principes, Comites, Duces, Legati Gallorum, Britannorum, Danorum, ac ipsius Imperatoris. Voluit etiam eo vehi Franciscus de Mendoza Arragoniæ Admiralis, cum è prælio Flandrico captivus in confinibus Hagæ Comititis detineretur.

Fingunt Poëtæ, Berecynthiæ Deum Matris currum leonibus vehi, Jovem Aquilâ per auras, Dianam cervis, Venerem cygnis, Solem per cœlos rapi equis, Triptolemi currum ab anguibus, Junonis à pavonibus. At solum Mauritium, uti fama rerum gestarum per universum orbem vexit, ita venti per Hollandiæ littora non semel vexere, spectantibus & in admirationem raptis domesticis & exteris.

Autor

Autor artificiosæ hujus fabricæ fuit Simon Stevinus, Mathematicus celeberrimus, Principi Mauritio charissimus.

ARTICULUS III.

De alembico eâ arte constructo, ut sola ustiorum speculorum ope majorem in distillando efficaciam obtineat, quàm ignis validus.

Lens convexa (inquit Athanasius Kircher in *Arte magna Lucis & Umbra* lib. 10.) violentissimè ignem accendit, imò citius vehementiusque quàm concavum speculum: adeo ut mihi certum sit, quòd non ligna tantùm aliaque accendat, sed & plumbum liquefaciat. Idem præstat pila crystallina. Si itaque fortissimo igne opus sit; conficiatur alembici uterus sphaericus ex ære, vel plumbo, aut vitro: circa quem applicentur vel lentes, vel pilæ crystallinæ, ita ut sol quocunque diei tempore semper superficiem ventris alembici irradiet, & videbis effectum mirabilem: nam tota die alembici ventrem ita potenter calefaciet, ut calor ad quodvis oleum, aut quintam essentiam extrahendam sufficiat.

ARTICULUS IV.

Memorable vestimentum, ex pilis Salamandra confectum.

Papa Alexander (inquit Robertus Holcot Ordinis Prædicatorum in Academia Oxoniensi Magister eximius in c. 3. *Sapient. Lect.* 33. & ex eo Arcones in *Isaiam* pag. 216.) habuit vestimentum quoddam de pilis Salamandræ, quod quidem vestimentum quando ab igni debuit, non lavabatur in aqua, sed projiciebatur in ignem, & non comburebatur, sed fulgentius reddebatur.

debat. *Hac illi. Quæ confirmans quidam magni nominis Ecclesiastes: Pellis Salamandra, inquit, si qua sordes aut nevos contraxit, non aqua sed igne expurgatur. Quod sane rarissimum naturæ prodigium cense- bet.*

ARTICULUS V.

De bombardis, earumque inventoribus.

Inventio bombardæ vulgò, sed non verè tribuitur Berchtoldo Schwarz Monacho Franciscano. Nam ante tempora Berchtoldi bombardæ fuerunt in usu. Etenim tempore Caroli M. Camoscus Frisiæ Rex scopet ictu Hollandiæ Comitem cum duobus filiis transverberavit. Et Rogerius Baco, qui circa annum Christi 1284. obiit, pulveris pyrii meminit. Porro Naucerus originem hujus machinæ ad tempora Ottonis IV. & Innocentii III. Anno 1213. refert. Froissardus etiam mentionem facit bombardarum Anno 1340 & Anno 1355. item Petrarcha, qui obiit Anno 1374. Historia item rerum gestarum Alphonsi XI. Castellæ Regis docet, barbaros Anno Christi 1343. bombardas informes tamen (dolia namque ignivoma appellantur) multis antea sæculis in bello usurpasse. Denique Petrus Maffei tradit, ænea tormenta conflare, vetustissimo in usu esse apud Sinas sive Chineses. Ex dictis constat, bombardarum inventionem non ita simpliciter, ut vulgò fit, adscribendam esse Berchtoldo Schwarz: sed potius usum illum, & perfectionem (rectius dixerim, imperfectionem) qualis hodie cernitur.

ARTICULUS VI.

Lorica ex glacie.

De Cynamolgis (quæ est gens Indica, corpore hirsuto & villoso) asperrima hyeme cum Tartaris prælio certa-

certaturis hæc scribit Vincentius in *Speculo Histor.* lib. 32. cap. 11. Cynamolgi, inquit, hyeme asper-
rima ante pugnam in aquam se conjiciunt, deinde in
pulvere volutantur, sicque pulvis admixtus aquæ super
eos congelatur, ut quasi lorica glaciale facere vi-
deatur. Hinc dum Tartari sagittas super eos jaciunt,
ac si super lapides sagittassent, retrò sagittæ redeunt,

ARTICULUS VII.

Memorable Atrium.

Inter omnia palatia Hagæ Comitum maximè eminet
illud quod Curia Hollandica appellatur: intra quam
cernitur Atrium magnitudinis & latitudinis eximie,
constructum (ut antiqua Hollandiæ Chronica testan-
tur) ligno quodam Hibernico immarcescibili, quod
nec araneis, nec vermibus ullis obnoxium est.

ARTICULUS VIII.

Domus ex sale constructa.

In Africa gens est Hammanientum cum Troglody-
tis commercia habens, qui propter multiplices & exu-
berantes venas salis, cæmentitiis illum nectunt strui-
bus, atque ex eo domos integras conficiunt. *Solinus*
cap. 31. Sed quamvis mediis habitent in salibus illi, non
est in toto corpore mica salis.

ARTICULUS IX.

*De Characteribus Typographicis, eorumque
inventoribus.*

Joannes Guttenberg Argentinenſis ſub Friderico
II. characteres Typographicos, ſeu Artem Typogra-
phiæ invenit Argentinæ. Inde Moguntiam veniens,
andè feliciter complevit, ut loquitur Joannes Wimpf-
elingus, qui circa illud tempus vixit, ac proinde ma-
gnam meretur fidem. Guttenbergium Argentinæ
ſecuti ſunt Joannes Mentel, Adolphus Ruſchius, &
Mar-

Martinus Flachus. Porro hanc artem Anno 1471. Neapolim attulit Sixtus Rufinger Argentinenfis & Ulricus Han Romam. Quidam inventionem hujus artis adscribunt Joanni Fausto Moguntino Anno 1452. verum ille fuit Guttenbergii adjutor. Petrus Bertijs hanc gloriam tribuit Laurentio, cognomento *Johannis*, Harlemenfi, cui Faustus fit artem & typos suffuratus, & Moguntiam detulerit, ibique Anno 1442. libros edere cœperit. Denique rudimenta hujus artis Chinenfisibus ante aliquot sæcula fuerunt cognita. Interim verum est illud Aristotelicum : *Nil prohibet artes easdem, à diversis, vel eodem, vel etiam diverso tempore, citra ullam communicationem inveniri.*

C A P U T VIII.

De rebus ad Grammatologiam, sive scientiam de literis, pertinentibus.

ARTICULUS I.

Quomodo literæ albe, & charta candida concolores, legi possint?

SAl ammoniacum tritum, & aquæ mixtum literas albas, & à papyri colore non differentes reddit: sed si igni admoveris, nigrescent, eruntque legibiles. Ad hunc modum aluminis pulvere scripta non apparent, nisi chartam, dum voles legere, in aquam demergeris. *Mizaldus.*

ARTICULUS II.

Quomodo literæ penitus abstergi possint?

Si literas (idem est de aliis lituris & maculis) penitus abstergere velis, calamo in calcanthi & salnitri aquam intincto, supra literas delineato. Vel è sale alkali &

i & sulphure, parvis conglobatis orbiculis perfricato
iteras, & mox erodentur, ut nec vestigium remaneat.

ARTICULUS III.

Alius modus literas oblitterandi.

Literas sic facile oblitterabis ac delebis. Accipe car-
nem leporinam, sicca, tere in pulverem, & vivæ calci
misce, literisque superpone & illine, & infra triduum
nullum earum comparebit vestigium. *Tradit Mizal-
lus ex libro quodam vetustissimo.*

ARTICULUS IV.

Alius modus id ipsum præstandi.

Accipe cerussæ optimè contritæ, lactis ficuum, sin-
ulorum quantum sufficit. Misceantur, & fiat massa;
quæ cum exsiccata, ac deinde rursus imbuta lacte, atque
sexies factum fuerit, fiat pulvis, & servetur. Quan-
do autem literas, vel alias atramenti maculas à pa-
pyro auferre voles, sumito pannum lineum aquâ imbu-
tum, quem prius expressum, pone supra literas, vel
atramenti maculas, & tam diu relinque supra positum,
donec illæ humectatæ sint. Quod cum factum fue-
rit, pulvis prædictus superaspergatur, & relinquatur
per unam noctem, deinde manè panno aliquo lineo
co fricetur leviter: quo facto papyrum candidissi-
mum videbis, & ad scribendum aptissimam. Quod
atramentum penitus deletum non esset, iteretur ut
prius, & fiet quod desideras.

ARTICULUS V.

Literas ut à muribus tuearis.

Atramentum librarium diluto absynthii tempera-
tum, literas à muribus tuetur: ipsa verò absynthii her-
bæ vestibus inserta, tineas arcet. *Dioscorides.*

Literæ ne comburi possint.

Accipe acetum acerrimum, & ovorum albuminum. In quibus dilue & coagita hydrargyrum, eaque mixtura ter papyrum inunge, ac toties resicca. Postea scribe in ea quidquid visum fuerit, & in ignem projice, videbisque sine ulla combustionē resilire. *Ubi videro credam Weckero, id lib. 14. de secretis ex antiquo libro asserenti.*

ARTICULUS VII.

Ad scribendum literis aureis, sine auro.

Sume croci & auripigmenti partes æquales, dilue cum felle caprino, & tam diu sub fimo equino sepeli donec fiat veluti spissamentum: quo aureæ literæ scribi vel pingi poterunt. Idem fiet, si acceperis drachmas duas aloes, & croci tantundem, eaque in pollinem redacta, albumine ovi exceperis, & diu multumque agitaveris. *Mizaldus ex quodam Grammatographo.*

Alium modum tradit Alexius Pedemontanus. Accipe, inquit, auripigmenti, crystalli, singulorum unciam unam, redigantur in pulverem singula: deinde miscantur cum albo ovi, & fiat liquor ad scribendum.

ARTICULUS VIII.

Ad scribendum literis argenteis, sine argento.

Argenteas literas sic facies sine argento. Summi stanni optimi unciam unam, argenti vivi uncias duas misceantur, & liquecant. Deinde terantur cum aqua gummata, & ex ea materia, ubi opus erit, formetur litera.

ARTICULUS IX.

Ut characteres, aut verba quacunque in charta scripta, & combusta, in manu scribentis appareant.

Pennâ recenter aptatâ, urinæque tuæ recenti intinctâ, scribe in cava aut convexa manu sinistra quosvis characteres, aut verba, clam aliis, attendendo diligenter, ut ductus, & verba bene omnia exprimantur, nec deinde sudando, aut alia ratione deleantur. Cùm jam amissum spectaculum ludicrum exhibere voles, scribe a tractamento in charta candida eosdem characteres, aut verba; & postquam exsiccata fuerint, accende chartam & projectam in mensam penitus combure. Residuum cinerem pone supra eum locum manûs, ubi scripsisti antea characteres, aut verba, actere: adhærebit pulvis urinæ, & verba antea in charta descripta apparent in manu, non sine spectantium stupore: præferam si varias cruces, & signa alia in speciem superstitionis, præmiseris.

CAPUT IX.

Observationes Topographicae, quibus memorabilia quædam de variis civitatibus traduntur.

1. Rima mundi civitas appellata est Enochia, quam Cain filius Adami Protoplasti Anno mundi 150. construxit. Porro Philo recitat septem civitates, quas Cain condiderit.

Anno Mundi 1658. Noë egressus ex Arca scribitur condidisse urbem Sagalbinam, juxta Araxim amnem majoris Armeniæ.

Anno Mundi 1723. Misraim condidit urbem ubi cognominem Misraim, quæ alio nomine dicitur Memphis. Eodem tempore fuit condita Tanais,

seu Zoan. In hac Urbe, ceu Regia Pharaonis administratæ sunt decem plagæ Ægypti, per Mosen & Aaronem, *Psalm.* 78. 12. Hæc Urbs olim duobus milliariibus distita fuit ab Heliopoli, & uno milliari à Memphis. Sed hodie tres istæ urbes sunt redactæ in unam, quæ appellatur Al-Kair, habens 15. milliaria in ambitu.

Anno Mundi 1841. condita fuit Hierosolyma à Melchisedek, & appellata primò Salem, quod nomen retinuit usque ad Annum Mundi 2159. Deinde à Jebusæis dicta fuit Jebus: quæ nomenclatura obtinuit usque ad Annum mundi 2897. cùm à Davide fuit expugnata, & *Civitas David* appellata, usque ad Annum Mundi 2933. Tum enim cœpit appellari *Jerusalem*, quæ, dic. Pacis visio. Primitus Urbs Salem occupavit solum montem Sion. Sed ampliata fuit à Davide factâ accessione duorum montium, Acræ & Moria: ita quidem, ut mons Sion appellaretur civitas superior, reliqui duo, civitas inferior.

Porro Hierosolyma vicies ter est occupata, & ultima occupatio conjuncta fuit cum excisione factâ per Titum. Postquam Hierosolyma mansit spelunca latronum annos 60. postea Ælius Adrianus Imp. Romanus rudera aliqua penitus diruit, & ad montem Golgothæum ædificavit novam Urbem, quam à suo nomine appellavit Æliam Capitolinam, quamvis Christiani nomen antiquum Hierosolymæ ipsi indiderint.

Incomparabile ornamentum Urbis Hierosolymitanæ veteris fuit templum Salomonis, quod quàm splendidum fuerit, vel inde colligere licet, quòd David filius Salomoni reliquerit 2700. milliones, sive 2700000000 florenos, templi structuræ impendendos.

Anno mundi 2460. Bojus Rex Germanorum contulit *Bojonum*, sive *Bubienum*, quæ nunc *Praga* appellatur.

ur. Eodem tempore Amazones uxores Cimbrom, in Asia condiderunt Ephefum, multasque alias civitates.

Circa Annum Mundi 3399. conditum est Byzantium, amplificatum verò à Pausania circa Annum Mundi 3480. & Anno Christi 328. à Constantino M. quo inditum est ei nomen Constantinopoleos. Transiit insuper Constantinus M. Imperium Romanum in hanc urbem, eamque *Novam Romam* appellavit: persuadens sibi eam æternam Imperii Sedem futuram, sed mille tantum annis, minùs triginta, Christiani Imperatores eam retinuerunt, & interim Roma vetus exterarum Gentium, Gothorum & Vandalorum direptionibus objecta fuit.

Roma vetus in annuis redditibus supra centum quinquaginta auri milliones possedit: subditos in orbe universo supra trecentos hominum milliones complectebatur.

Ambitus Urbis Romæ qui nunc est, tredecim milia passuum non excedit.

Duodecies capta fuit Roma à Germanis; nimirum Brenno, ab Alarico Gothorum Rege bis, scilicet Anno Christi 408. & 410. Item à Genserico, à Ricimere, ab Odoacro, à Totila bis, scilicet Anno Christi 547. & Anno 550. Præterea ab Arnulpho Francone, ab Othone III. Saxone, ab Henrico IV. Francone, ac demum ab exercitu Caroli V.

In Persici sinûs freto Insula est ac Urbs splendidissima, Armuzia nomine, tam & sterilis, & nihilominus omnibus abundans, ut nulla in orbe terrarum civitas esse credatur, in qua sic divitiæ cum paupertate, copia cum inopia, commoda cum incommodis, arte naturam superante, sint conjuncta. Excrevit hæc Urbs, ob loci situm, portusque Insulæ geminos,

nos, in emporium earum mercium omnium, quæ ex Oriente, Occidente, Aquilone & Austro devehuntur. Est ibi, præter cætera mala, tantus æstus, ut ardere omnia videantur, nec usquam alibi tantus sit, ne sub ipso quidem Æquatore. Hinc mira loci siccitas. E tale & sulphure tota Insula composita esse videtur. Certè fluvii ipsi æstate in salem, uti apud nos hyeme in glaciem, concrescunt. Æstui intolerabili sic utcunque mederi solent. In ædium atriis è frigida thermæ fiunt: in iis collo tenus, & temperandi æstus, & conciliandi soporis causâ, velut in liquidis culcitris, versâ in deliciis Necessitate, pernoctant. *Nicolaus Trigaultius in vita P. Gasparis Barzai.*

Memorable est, quod de Ultrajecti (vulgò Utrecht) situatione in Topographia Belgii legisse me memini: eo scilicet loco hanc urbem positam esse, ut inde unius diei itinere pedestri petvenire queas ad quodcunque libuerit è quinquaginta minimùm oppidis, quæ Urbem Trajectensem veluti coronâ cingunt. Quod cum Philippo II. Regi Hispaniarum significatum fuisset, magna is voluptate affectus est. Quin imò pluribus experimentis compertum est, posse aliquem manè Ultrajecto egressum, ad quodvis è sex & viginti oppidis circumjacentibus, etiam lento gradu inambulanter accedere, genio inibi indulgere, & vespere rursus ad carnem venire.

Urbem Trajectensem concinæ & elegantes domus hypogæa quoque & ædificia subterranea pulcherrime structa opere exornant. Tempia ejus sunt magnifica præsertim Divæ Virginis, à Friderico Ahenobarbo Imperatore conditum, in partem multæ, ipsi à Pontifice Maximo, ob excidium splendidissimæ Urbis Mediolanensis, & omnium inibi templorum, ut perhibent, irrogata. Miraculo fuit, cum jacerentur hujus temp
fun

fundamenta, inventam fuisse voraginem quandam, sive
urgitem vorticolum : cui cum nihil omnino posset
superstrui, & in fundum iret quidquid injiceretur (pla-
ne ut de Dianæ Ephesiæ templo veteres testantur histo-
rici) bubulæ pelles ingestæ sunt : quo facto solidatus
idem est fundus, & superstructa ei prædicta ædes
ædificata. In cujus rei memoriam extant apud Ultrajecti-
nos hi versus :

Accipe posteritas, quod post tua secula narres,

Taurinus cutibus fundo solidata columna est.

Inter Cives Ultrajectinos memorant Hadrianum
I. Pontificem Maximum, Caroli V. Imperatoris ante
pontificatum præceptorem, cujus hoc memorabile ex-
stat Romæ Epitaphium : *Hadrianus VI. hic situs est,*
qui nihil sibi infelicius in vita duxit, quàm quòd impera-
ret.

Vixit quoque Ultrajecti ante annos viginti Maria
Thuermanna, Latinæ, Græcæ, Hebraicæ, aliarumque
linguarum peritissima, omniumque fere scientiarum &
virtutum laude florens, ut meritò *Musarum decima* appel-
lari possit.

A civitate Ultrajectensi (quæ nuperrimè armis
Galicis fœderatis Hollandorum Ordinibus erepta est)
transitum facio ad Urbem Coloniensem, aliasque Im-
perii civitates.

Constructa est Colonia quatuordecim annis ante
Christi nativitatem, hoc est, eo ipso tempore, quo Bea-
tissima Virgo Deipara in lucem edita est; cum Ea Chri-
stum anno ætatis suæ decimo quarto peperisse tradi-
tur : id quod sequenti comprobatur programme.
Programma hoc est : *Als Anna hatte geben die Ge-*
sigste Mutter (Anagramma) Ist die Reichs-Stadt
Sollen am erst angebauet. Unde hæc Urbs Beatif-
simæ Virginis coæva & collactanea dici potest. Qua-

propter ad perpetuam hujus rei memoriam festum Nativitatis B. V. in Sacello Senatorio Coloniae ab omnibus Reipublicae Coloniensis Patribus conscriptis sollemnissime celebratur, & Senatores semper ante ingressum Curiae in praedicto Sacello missam audiunt; quique Sacrificio missae non interfuerunt, in curia pro praesentibus non habentur, nec praesentis aliis senatoribus distribui solitis fruuntur.

Argentina (vulgò *Straßburg*) à nonnullis comparatur cum Urbe Veneta, eò quòd, sicut Venetiis, ita & Argentinae naves per diversos canales ad omnes ferè urbis plateas duci possint: cum hoc tamen discrimine, quòd aqua Veneta salsa sit & foetida, Argentinensis clara & dulcis. Celeberrima est turris Argentinensis, quae anno 1277. aedificari coepit, anno 1439. ad finem perducta fuit, postquam in templi & arcis fabricam 670. anni insumpti fuissent. Ea inter miracula orbis à Germanis scriptoribus numeratur. Ac licet quidam turrim Landshutanam in Bavaria (*Landshut*) altissimam Germaniae esse velint, constat tamen Argentinensem esse altiore. Artificioissimum est in ea horologium anno 1574. perfectum, constans fistulis 2136.

Norimberga Urbs Imperialis anno 1320. Privilegium Caesareum obtinuit, quo parentibus Jus conceditur filios inobedientes carcere coercendi, & vivos in profluentem demergendi. Quod licet durum sit, cum Patria potestas in pietate, non atrocitate consistat, accedit tamen ad Juris veteris rigorem, quo Parentes Jus vitae & necis in liberos habuerunt.

Ulmæ est Organum, cujus unica fistula ter mille libras appendit, & 315. amphorarum Ulmensium capax est, quam ego ante sex annos conspexi.

Pfullendorffium Urbs Imperialis (Ptolomæus Bra-
gudorum appellat) in Suevia superiore sita, olim Co-
mitibus de Pfullendorff paruit: quorum Comitum
sedes eo loco fuit, ubi nunc est patibulum: quam se-
dem Domina quædam Pfullendorffensis unâ cum op-
pido solis delicatiorum Piscium jecinoribus abliguri-
sse dicitur.

Hailbronna Urbs Imperialis ad Neccari ripam meri-
tionalem sita, pagos habet quatuor, in quorum uno
Bochingen dicto, captus est anno 1497. ex vivario lu-
cius piscis, qui in eo annis 267. vixerat.

C A P U T X.

*De rebus pertinentibus ad Scientiam Hodæpori-
cam, sive de iis, quæ Itinerantibus ob-
servanda sunt.*

Ingressurus iter, præter alia itinerantibus necessaria,
sumat secum 1. Horologium rotatile. 2. Tabel-
lam Geographicam, in qua delineata sit regio, per
quam iter instituitur. 3. Hodæporicum seu Itine-
rarium, videlicet libellum, in quo notata sint oppida,
virescentiæ, milliaria &c. 4. Ignitabulum, & candelam
portandam, ut noctu insidiatoribus, aliisque periculis
obviare, manè commodius se vestire, vesperi verò,
priusquam se ad quietem somnumque componat, le-
ctum collustrare, ac demum, ne aliquid ex rebus suis
in hospitio relinquat, certiùs cavere, & providere possit.
2. Non expedit hospitio egredi jejunum, præsertim
in celo nebuloso, humido, perfrigido, aut solo paludoso,
frigido &c. Saviente hyeme, pauxillum vini poten-
tis cum buccella panis sumatur; hoc enim frigori,
& congelationi resistit.

3. Itinerans ad manum habeat odora menta calida, verb. grat. pomum ambræ, ex laudano, aromatibus & inosco: ut cerebrum calefiat, & spiritus confortentur. Pauperes utantur putiegio & mentha.

4. Quemadmodum non expedit, ut itinerans pecuniam suam ullibi ostendat, aut ostenter, quia per hoc invitantur fures, & latrones ad rapiendum; ita minimè consultum est, respondere ad mentem interrogantis, dum ab eo quæritur, unde veniat, aut quò, vel quâ tendat; prudentia enim dicit, huiusmodi interrogatores ancipiti responso fallendos esse.

5. Itinerans manè radiculam zingiberis conditi, vel corticis citri conditi: post prandium autem parum sacchari rosati sumat.

6. In itinere non sunt sumendi cibi magnæ quantitatis, & exiguæ qualitatis. Alii dicunt, comedendum esse bene intensivè, non extensivè.

7. Caro jam primum excoriata vitanda est, quia diasintheriam parit.

8. In itinere usum raphani & nucum contra venena, suadet *Simon Güntherus in hortulo sanitatis*. Eiusdem opinio est, quod absynthites conducat itinerantibus.

9. Itinerantes minùs lassantur, si deferant secum artemisiam in manu, aut calceis. Certè hæc herba tunsa cum axungia & applicata, fatigationem, doloremque pedum ex itinere contractum, tollit.

10. Si itinerans callum contraxerit, poterit eum tollere succo cæparum nonnihil exsiccatò, & cum thure ac adipe gallinæ permixto.

11. Caveant sibi itinerantes, (inquit *Simon Güntherus in citato hortulo sanitatis*) ne incautè, & continuò, nimisque diu tempore hyberno nives inspiciant; Cùm enim albedo disgreget spiritus visivos, dissipantur illà
inspe-

inspectione, & debilitantur oculorum vires. Nigras itaque vestes induant, & præ oculis nigrum aliquid gestent, in quod oculos defigant, ut fiat spirituum visiorum congregatio & unio. Suadendum est etiam, ut viatores præungant oculos felle picæ avis; hoc enim mirificè conducit ad præservandos oculos illætos à nive. Providendum denique de vitreis aut Crystal-
linis conspiciis, quæ debebunt oculis superligari; hi enim aliàs propter compositionis suæ nobilitatem & teneritudinem, patiuntur noxam, non modò à frigore in hyeme, sed etiam à calore & pulvere in æstate: ita ut nonnunquam aliqui planè excæcentur. Quòd si aliquod malum in oculis obortum fuerit, linteo atro excalesfacto crebrò fovendi sunt. Juvabit insuper, si oculi suffumigentur vapore orto ex lapide candefacto, qui vino extinctus fuerit. Denique etiam prode-
rit decoctum paleæ tritici, si lana succida eo madefacta, ad locum affectum applicata fuerit. *Hæc Günthe-
us.*

12. Itinerantes in hyeme, non modò caput, collum, aures, & omnia membra bene tegant mollibus pannis aut pellibus; sed etiam vesperi benè lavent manus & pedes aquâ salitâ, quò magis contra frigus durentur.

13. Itinerans frigoris vehementia congelatus, non statim ad locum calidum ducatur, sed in loco temperato moveatur, & paulatim calefiat. Oleo liliaceo calido, anethino, vel camæmalino, membra fricentur: decumbat patiens in lecto, & bene tegatur, atque dormiat.

14. Si membrum aliquod fuerit à frigore congelatum, ponatur primùm in aqua frigida, recenter ex fonte vel puteo hausta, ibique sistatur aliquamdiu, ut remollescat: postea fricetur succo raparum assatarum, vel oleo aliquo calido. Si verò pars aliqua corporis ex-
con-

congelatione nigra esset, & mortua, periti chirurgi opera requireretur. Denique nec illud est ignorandum, quod qui frigore pereunt, sumant initium à genitalibus. Unde proderit ea solvere bono vino calido.

15. Si in manibus pedibusque itinerantis rimæ & scissuræ à frigore factæ fuerint, curabit illas unguentum ex olibano, adipe porci & anseris; item cinis cancrorum fluviatilium, & cinis ungulæ asini, cum axungia porci, vel anseris. Pix quoque rimis pedum utiliter illinitur.

16. Præter dicta, Medici itinerantibus in hyeme suadent 1. Ut in ore teneant tria vel quatuor grana piperis, vel cariophyllorum, cinnamomum, aut quid simile. 2. Ut siler montanum, seu seseleos semen cum bono vino bibant; hoc enim præservat à frigore, pellitque tussim. 3. Ut non careant oleis calidis, ad ungendum collum & nucham: atque hæc membra benè tegant & cooperiant; neque etiam careant calidis odoramentis. 4. Ut manus & pedes ungant alliis tritis, uti & galbano soluto in vino albo. 5. Ut manè ante egressum utantur calida aliqua confectio-
ne, quam secum portent; uti sunt conditæ nuces, conditum zingiber, conditus calamus aromaticus, conditum ex raphano, & similia.

17. Si pedes viatoris ex ambulatione, vel angustis, aut duritie calceorum vel ocrearum, per pustulas, aut abrasionem cutis læsi sint, superligetur calidus pulmo agni vel ovis. Item inspergatur vulneri pulvis ex veteribus calceis, aut soleis. Contra dolorem, inunge succum caparum, contra tumorem misce succum sambuci, & axungiam, ut fiat unguentum: quo si partes læsas inunxeris, citò sanaveris. Contra dolorem & inflationem utere cicuta cocta in vino albo, la-

bo, lavando eâ locum affectum. Ungatur item locus affectus unguento facto ex oleo, & sevo arietis. Pedum dolorem cum tumore à fatigatione factum, tollit plantago cum aceto trita.

18. Eques iter agens in hyeme, antequam se in viam det, fricet multum pedes, deinde inungat oleo de stœchade, vel de euphorbio &c. ut calor ad actum reductus, melius conservetur in pedibus: factâ frictione & unctione, involvantur pedes mollibus pannis bombycinis, vel lineis, deinde lana succida supponatur plantis pedum, & superinducantur ocreæ largæ, ut in iis pedes, pedumque digiti moveri possint.

19. Si equus in itinere amiserit appetitum comedendi, fricetur illi os & lingua sale, postea abluatur bono vino, & paulatim per vices detur ei fœnum, & parum avenæ vel zeæ seu speltæ. Poterit etiam inter ambas manus teri medulla panis, & affusâ quartâ parte mensuræ vini, equo præberi.

20. Si equus à fabro ferrario per incussionem clavi sit lœsus, quæratur & aperiatur vulnus, permittatur effluere quod intus est, abluatur aceto & sale, postea ponatur intus galbanum, vel saccharum liquefactum, aut folium verbasci feminæ, probè inter lapides contusum! appositaque rursus ferreâ soleâ, poteris iter tuum tutò proseguere.

CAPUT XI.

*Derebus spectantibus ad Charientologiam, quæ
est Scientia tractans de jocus, salibus,
facetiis, &c.*

ARTICULUS I.

Inscriptio vexillaris.

JOannes Dux Andegavenſis Neapolitanum Regnum
armis ſubacturus, hoc ſymbolum vexillo militari
inſcribi jufferat: *Fuit homo miſſus à Deo, cui nomen erat
Joannes. Quo intellècto, Alphoſus Rex Neapolita-
nus hoc ſymbolum vexillo ſuo inſcribendum curavit:
Ipſe venit, & non receperunt eum.*

ARTICULUS II.

De capitibus Nobilium & plebejorum.

Nobilis quidam famulo ſtipatus cœmiterium tranſ-
ibat, ubi ingentem craniorum ex ſepulchris erutorum
acervum conſpicatus, famulo ait: *Hac, ut vides, capita
cæteris candidiora, nobilium: illa verò minùs candida,
ruſticorum & civium fuere.* Diſſimulabat famulus, re-
ſponſum in opportunam differens occaſionem, quæ ſe
non longo poſt intervallo obtulit, cùm patibulum
præterirent, plurimaque maleficorum capita & oſſa
candidiſſima ſub patibulo ſparſim jacentia viderent;
tunc enim famulus ad herum ſuum converſus: *Nun-
quid Domine, inquit, etiam hac Nobilium capita fue-
runt?*

ARTICULUS III.

*Memorable & lepidum factum cujusdam Heri,
mendacium ſervi detegentis, & men-
dacem corrigentis.*

Iter unà faciebant Dominus ac ſervus (inquit Sten-
gelius tom. 2. de *Judiciis Divinis* cap. 9.) Hic, ut ſibi
apud

apud herum locum nomenq; faceret, multa admodū
 jactanter mendaciterque narravit vidisse se, cū varias
 terras peragraret. Occurrit equitantibus transversā
 viā fugiens vulpes: quā conspectā, *Magna erat hæc
 vulpes*, ait Dominus. Cui mox servus: *Hoc nihilest*,
 dixit: *Ego vidi vulpem bovi magnitudine parem*. In-
 tellexit facilè Dominus, non vulpem, sed mendacium
 servi posse cum bove æquiparari. Sed se pressit, & ve-
 luti admirabundus obtulit. Silentium servo pro admi-
 rationis indicio & plausu fuit. Quia autem dies pau-
 lō ante ceperat, convertit se Herus ad matutinas pre-
 ces, & à Deo iter prosperum precatur, id quē tam clarā
 voce, ut servus omnia syllabatim audiret. Inter cæte-
 ras formulas adjecit, petere se, ut eo die precipuè, sese à
 verbo mendacii custodirer; tunc enim satis à periculo
 fluminis se custoditum iri. Advertite ea vox & precan-
 di ratio servum; qui non potuit se continere, quin avi-
 dissimā curiositate interrogaret Dominum, quid sibi
 id genus comprecandi voluisset? visus est initio tergi-
 versari herus, & invitus ad eam quæstionem respon-
 dere. Sed urgente magis magisque famulo, tandem, quasi
 ingens arcanum detestatur, cum alto suspirio dixit:
*Flumen est nobis transeundum hodie, in quo omnes mer-
 guntur, quotquot eo die mendacium dixerunt.*

Oppalluit ad hoc dictum servus, & mendacii recen-
 tissimi conscientia ictus visus est tremere. Pergunt
 in itinere, atq; non multò post ad rivum ambo perve-
 niunt, vado transeundum. Ibi jam in ripa equitan-
 tem Herum subsequens servus rogat, ut subsistere
 paulisper velit. Ex subsistente interrogat, hiccine sit
 ille fluvius mentientium interfector? nolle se tentare
 vadum; cū in vulpe comparanda puter aliquantu-
 um à se erratum esse; neque enim eam bovi,
 sed juvenco duntaxat parem fuisse. De vulpe parum
 curo

curo, ait Dominus; Cæterum non hic est rivus, de quo dixeram; alius occurret: nihil tibi hoc loco metue. Hæc fatus calcaria admovit equo, & vadum, servo ter-
 gum ejus premente, superavit. Paulò post ventum est ad alium amnem, quo viso servus cepit denuò præpi-
 dare & quærere, *Hicne fluvius mendaciloquos morte ple-
 dere solet?* Cumque herus responderet, neque istum esse timendum; addit servus, se gravem habere causam tam sollicitæ interrogationis: non enim ampliùs se fati-
 tis meminisse prædictæ vulpis magnitudinem; existi-
 mare se, ne quidem juvenco parem extitisse, sed vitulo lactente non fuisse majorem. Salva res, intrant & exe-
 unt etiã ex hoc hoc vado. Sed ad tertium tandem fluvium accedunt; ad cujus præripia cùm venisset: *Hic tandem est ille veritatis defensor, & mendaciorum punitor fluvius*, ait Dominus. Ad quæ verba attoni-
 tus servus, penè ex equo lapsus est. Verùm ubi se vi-
 resque collegit, veniam à Domino precatus, negavit se transiturum, eò quòd mendacii eo die à se prolati conscius esset: Nam vulpem à se alibi conspectam reliquis communibus vulpibus fuisse magnitudine omnino parem. Hoc àudito, *Et hæc quoque aqua*, inquit Dominus, *est aliis communibus aquis par, neque solet mendaces mergere.* Ita Herus Consilio & Industriã usum mendacem servum, aquarum minitacione, cura-
 vit, & ad veritatem promendam promovit.

ARTICULUS IV.

Memorable & lepidum factum Thomæ Mori, quo ostendit fures non esse facile defendendos, præsertim in judicio.

Thoma Moro in Anglia pro tribunali sedente, crumensicæ aliquot, similisque farinæ homines producti sunt & accusati. Ibi Assessorum unus, vir gravis & senex,

senex, eos, qui fures illos accusabant, graviter reprehendit, quòd in custodiendis crumenis aliisque suis rebus tam negligentes fuissent: atque ita furto occasione multis præbuisse. Hujus importunitate offensus Morus, Assessores judicii dimisit: sequenti vero nocte unum ex cleptis illis ad se adduci iussit, & quid fieri vellet monstravit: impunitate, si id fecisset, promissa. Sequenti die Morus iterum pro tribunali sedens, primum eum, quicum ante egerat, produci jubet. Multorum furtorum accusatus, facilem sibi ait fore purgationem; modò vel ipse iudex, vel Assessorum aliquis, secreto aures sibi præbere vellet: revelaturum enim aliquid, quod ipsorum omnium interesset. Tum Morus unum ex Assessoribus eligendi potestatem fecit. Ille verò seni illi hesterno suo Advocato, rem omnem aperturum se dixit. Itaque cum illo seorsim abscedens, auri nescio quid insufurrat: interim verò marsupium ejus quærit, & inventum aufert. Illo jam ad subsellium reverso, Morus quendam in carcere attulerat, qui fame periret: rogare se, ut Assessores parvâ stipendii ipsi subveniant. Mox singulis manum ad crumenam admoventibus, senex quoque ille marsupium quærit; eoque non reperto vehementer commotus, queritur crumenam sibi eo ipso in loco, ubi jus dicitur, furto ereptam. Tandem Morus rem omnem exponit: monens, ne posthac tam acerbè reprehenderet eos, quibus tale aliquid contingeret; neve futurum & crumenifecarum susciperet patrociniū. *Ent*
lib. 1. Epidorp.

ARTICULUS V.

Vanus ostentator delusus.

In Alsatia, non procul ab urbe Argentinenſi Vir Avorum, quàm nummorum ditior habitabat. Poterat is quidem fumosas majorem effigies, exesas carie

clavas, confossas jaculis peltas, perforatas crebrâ glan-
 de galeas, infectos rubiginē gladios ostendere; inter-
 ea tamen tenui admodum quadrâ vivebat; propter
 quod oculi aëre potius, quàm auro repleti essent.
 Nihilominus divitias ille suas jactabat, & nescio quam
 secretam opulentiam. Adeo robusta est superbissima
 jactantia, ut nec validissimis quidem sinistræ fortuna
 brachiis dejici possit. Ut verò ostentator ille crede-
 retur habere opes, quibus carebat, quotiescunque vi-
 cinam urbem ingrediebatur, eques videri volebat.
 cum tamen equo careret. Calcaria ocreatis pedibus
 aptabat, sed jumentum, cujus lateribus calcaria admo-
 veret, nullum habebat. Rescivit hoc Magistratus, &
 ludos voluit facere ridiculum hominem. Citatur
 ergo in Curiam: ubi eum è Senatoribus quidam can-
 nitie Venerandus hisce verbis allocutus est: Querela
 contra te, Nobilis Domine, ad Magistratum delata
 sunt. Accusationis caput hoc est: Diceris ante portas
 urbis equum tuum cursu exercuisse, & infantem illic
 temerè ludentem, equi calcibus obtritum esse. Re-
 spondet Nobilis, equum suum oviculâ mitiorem esse:
 à quo proinde nullum cuiquam periculum immineat.
 Fortè, inquit, cives vestri similitudine vultûs, aut
 vestis decepti, mihi imputant, quod alter deliquit.
 Tum Senatus testibus rem agere, & veritatem
 vel ab invito extorquere se velle simulavit. Hic
 miser inter angustias deprehensus, quid consilii cape-
 ret, non satis percipiebat. Ostentationem fateri, du-
 rum; adire periculum capitis durius videbatur.
 Itaque capitis, quàm equi hætenus simulati, causam
 agere, satius arbitratus: Ut videatis, inquit, Patres
 conscripti, accusationis adversus innocentiam meam
 constare inanitatem ac falsitatem: scitote (& hujus
 dicti testes invoco omnes incolas pagi mei) jam à ro-
 to de-

to decennio stabulum meum ab omni jumento vacuum, desertumque fuisse. Quibus auditis, Senatus omnis in latum effusus cachinnum, Reum absolvit à crimine homicidii, sed non liberavit à vitio inanis jactantiz. *Drexelius tom. I. Operum.*

ARTICULUS VI.

Jurgiosa mulier lepto & ridiculo remedio à viro correctæ.

Habebat quidam jurgiosam in primis mulierem; adeo tamen sive ex caupona rediret, sive laboraret, aut comederet, maledictis ab ea impeteretur. Et quanto eam frequentius verberabat, tanto contumeliosior redderetur magisque jurgabatur. Cum igitur verberibus nihil profectum esset, aliâ viâ rem aggrediendam putavit maritus. Itaque quotiescunque ipsa ei malecebat, continuo arreptâ tibiâ utriculari, licet esset doctissimus, & planè asinus ad lyram, ludere & canere incipiebat. Uxor sonitum tibiæ utricularis molestè ferens, maledictis maledicta accumulabat. Pro in proposito persistente, mulier præ ira saltare cepit. Tandem cum tibiâ utricularem inflare non valeret Maritus, Ipsâ instrumentum invisum & exonerat ex ejus manibus excussit. Quod cum resumpsisset ille, & canere pergeret; mulier indignantissima mo exivit. Die sequenti illa domum redux, adita maledicta: Vir ad solitum cantum se convertere. Quare mulier se victam ostendens, imprecationibus abstenuit, omnemque Viro benevolentiam profert, dummodo tibiâ utricularem deponeret. *Gargom. tom. I. Conviv. serm.*

Salarium faceto responso melioratum.

Publius Virgilius Maro, cum in arte Veterinaria excelleret, Romæ Magistri equilis Augusti Cæsaris amicitiam nactus, equos curabat, & in mercedem singulis diebus panes tanquam unus ex stabulariis accipiebat. Interea à Crotoniatis pullus equinus miræ pulchritudinis Cæsari dono fuit missus, qui omnium judicii spem faciebat virtutis & celeritatis inusitatæ. Virgilius autem eum ex morbosâ equa natum, nec robore nec celeritate valiturum respondit. Idque reipsum compertum fuit. Quod cum Magister stabuli Augusto Cæsari retulisset, duplicari ipsi in mercedem panes iussit. Cum deinde ex Hispania canes Augusti missi essent, Virgilius, quibus dotibus valituri essent prædixit. Quo cognito, iterum mandato Cæsaris Virgilio panes duplicari fuere. Dubitavit tandem Augustus, Octavii filius esset necne? & remotis arbitris Maronem consuluit, possetne id ipsum ex Physiognomia cognoscere? Maro veniam precatus, quod difficile foret, hominum æquè ac brutorum natales agnosceret tandem tamen, eum se pistoris filium arbitrari asseruit. Admirante responsum Augusto, ex muneribus panariis id se colligere dixit: quod cum tam multa hæc nus prædixisset, præter panes tamen nulla munera accipisset. Facetiam æqui bonique consuluit Augustus eumque Pollioni commendavit: meliori assigna mercede. *Donatus in vita Maronis.*

ARTICULUS VIII.

Uxor Viro in omnibus contraria.

Maritus uxorem suam flumine præterfluente abruptam & submersam, inverso tramite, adversoque flumine ascendendo anxie quærebat. Quam ob causam obju

objurgatus ab obvio, quòd non secundo flumine descenderet, respondit, si mors meæ uxoris ipsius vitæ respondeat, de quo vix dubito, probabile est, eam adversus flumen niti, utpote quæ in vita sua moribus meis semper contraria fuerit.

ARTICULUS IX.

Adulteri ridicula delusio.

Quidam adulter vesperi eques urbe egressus, in vicino pago libidini indulturus, cum ad destinatum locum venisset, equum dumeto, quod pago vicinum erat, alligavit, & ad consuetas spurcicias festinavit. Pagi incolæ, quibus adulteri prava consuetudo, & luxuriosa vita non erat ignota, equo clanculum abducto, in ejus locum bovem prægrandem substituunt, eique apparatus equestrem insternunt, & mox excitato tumultu mœchum conjiciunt in fugam: qui cum, tenebricosa nocte aspectum, pavore attentionem eripiente, putatitium equum conscendisset; bove ad insolitum onus & flagra incussa mugiente, ac per arva & invia discurrente, brevi eques inter vepreta excussus jacuit, ratusque Dæmone se vectore, scelerumque ultore exceptum, quâ potuit viâ pedes urbem repetiit.

ARTICULUS X.

Vinum varium pro qualitate Hospitum.

Nobilis quidam festivi ingenii homo, triplicis fortis vinum habebat, quod pro convivarum & hospitum qualitate curabat apponi. Ne verò res ulli patefceret, ita cum famulo convenit, ut si ei diceret: *Valesne utrumque?* vilius vinum afferret: dicente verò: *Quid gloriaris?* mediocre; at si diceret: *Noli me tangere*, fortissimum vinum promeret. Accidit verò, ut Nobilis ille sæpe Poëtam convivam haberet, cui mediocrè vinum apponebatur. Poëta ex iterata sapius

hac dictione, *Quid gloriaris?* delum advertens, hos mensæ accumbens versus composuit :

*Tu non laudaris, si fers mihi Quid gloriaris?
Si fers utcunque, rapiat Cacodæmon utrumque,
Ibis ad astra poli, si fers me tangere noli.*

ARTICULUS XI.

Politia Hirschaviensium.

Magistratus Hirschaviensis Principi cuidam ab ipsis discedenti comitem se adjungebat, usque ad portas civitatis eum deducendo; ubi cum à Principe regredi juberentur Patres conscripti, Consul agebat: *Illustrissime Princeps, nos Celsitudinem Vestram usque ad patibulum comitabimur, postmodum revertemur.*

ARTICULUS XII.

*Ridicula narratio de Rusticis, profunditatem
Putei mensurantibus.*

Est in vicinia nostra pagus non ignobilis (inquit Auctor Joco-seriorum Naturæ & Artis *Centur.* 1. *propos.* 49. Ego verò crediderim, pagum illum non esse in vicinia, sed in Utopia) puteum habens profundum, totipago aquam subministrantem. Hunc, cum temporis successu limo & sordibus oppletus fuisset, expurgare cupiebat loci Prætor & incolæ. Situlam ergo prægrandem conficiunt, & funem ductarium haud mediocriter crassum coëmere constituunt, quo situla appensa communi labore & opera in puteum demitteretur. Ne tamen longiorem, aut brevior, quàm par erat, funem coëmetent, superfluis, aut inutilibus sumptibus; putei profunditatem à trochlea, cui funis circumducendus, ad fundum usque explorare prius statuunt. Cum modus nullus occurreret, consilium ineunt, & quid facto opus sit, sedulò inquirunt. Post diuturnam consultationē, Prætor, utpote cæteris sapien-

tior

tior, hanc proponit pragmatiam, è Mathesi rustica depromptam. Scimus, inquit, Staturas nostrum omnium. Itaque unus aliquis è nobis se suspendat è trochlea, alter ex hujus pedibus, tertius è pedibus secundi, & sic deinceps, donec ultimi pedes fundum contingant. Tum in unam summam conjiciamus omnium sic concatenatorum staturas palmis exploratas, & sciemus, quot palmorum funem comparare oporteat: neque enim hic longior esse debet, aut brevior, quam suspenforum catena. Placet consilium, & collaudata Pratoris prudentia, operi admoventur manus. Jam longa catena suspenforum pendeat, nec procul à fundo aberat infimus, cum supremus, qui trochleam apprehenderat, manus sentit calore & attritione adeò arefactas & inflammatas, ut iis, nisi humectatis & refrigeratis, suspenforum onus sustinere non posset. Socios ergo monet, fortiter ut sibi cohæreant, donec spuito manuum volas madefaceret: & cum dicto manus à trochlea dimover, omnesque in puteum præcipitat.

ARTICULUS XIII.

Arguta & Sophistica Ovorum multiplicatio.

Filius rustici studiorum cursu finito sapius de scientia à Patre tentatus, respondit, tempus doctrinæ suæ declarandæ nondum adesse. Accidit, ut parentibus unâ cum filio mensæ accumbentibus, tria ova apponerentur: *Nunc*, inquebat filius, *occasionem nactus sum specimen doctrinæ meæ edendi. Ego demonstrabo hic quinque esse ova, etsi tria tantum conspiciantur.* Patre interrogante, quonam modo id demonstrare veller? *Ubi tria sunt*, inquit filius, *ibi & duo sunt; sed hic tria sunt, ergo & duo sunt.* Subsumebat, *sed tria & duo faciunt quinque; ergo cum hic tria sint, & duo, erunt quinque.* Patrens concedebat totum, dicendo, *bene est, fili mi, laudo*

acumentuum. Ego itaque ex his quinque ovis duo comedam, unum matri dabo, reliqua duo tu comedes.

ARTICULUS XIV.

Morio hydrophobus.

Cardinalis Lotharingus mari Romam petiturus, Henrici II. Galliarum Regis Morionem Bruscherum, qui salibus suis itineris fastidia & molestias leniret, comitem habere desideravit. Cum verò navis conscensum nullâ arte aut facundiâ Morioni persuadere posset, tandem hac sua oratione omnem periculi metum illi adempturus: *Nullum, inquit; naufragium nobis metuendum est, quia Sanctissimi Patris, Romani Pontificis auspiciis navigaturi sumus. Cui Morio: Audivi, inquit, sapius, Papam dominium habere in Cælo, terra & purgatorio, sed mari eundem dominari nunquam audiui. Absit igitur, ut me huic tam instabili elemento committam.*

ARTICULUS XV.

Incarceratus à Morione incarcerando.

Episcopi Herbipolensis Morio, cum gravius aliquando deliquisset, famulo incarcerandus committebatur. Ubi verò nihil captandæ quieti opportunum in carcere, præter durum solum conspexisset Morio, ingressurum se negavit, donec stramina importarentur. Quæ cum famulus importasset, jamque lectulum ex iis pararet, Morio à tergo famuli ostium carceris occludens, eum incarceravit, à quo incarcerandus ipse erat, clavesque detractas Principi mensæ adhuc unâ cum cæteris convivis accumbenti, attulit, dicendo: *Ægrè admodum hunc Nebulonem carcere conclusi. Cui Princeps: Tunc illum incarcerasti, cui ego te incarcerandum tradideram? Ergo, ait Morio, malè fuerit à nobis intellectum.*

ARTICULUS XVI.

Magister Grammaticæ à discipulo malè intellectus.

Ulmæ Magister Grammaticæ discipulo mandavit, ut valvis scriptum affigeret, quo significaretur, se illa die *propter negotium publicum* non docturum. Discipulus malè intellecto Magistri mandato, schedam affixit hæc verba continentem: *Magister Grammaticæ hodie non docebit propter negotium publicum.*

ARTICULUS XVII.

De Asino, qui, dum bibe et, lunam cum aqua hausit.

Cùm aliquando in Regione Asophorum nocte concubia senescentis Lunæ pulcherrima facies reluce-
ret, & ejusdem effigies placidissimè redderetur in stagno, accidit, ut interjectu nubeculæ tegeretur in cælo
sidus, & simul imago Sideris in stagno evanesceret.
Itaque Regionis incolæ, ut sunt ingenio nocturno, planeque ad Lunam elaborato, cùm illam diu multumque,
sed nullo successu, quæsiuissent; tandem rumor incre-
buit, asellos (nempe loci Genios) aliquantò antè po-
tum eò venisse, & infatiabili porandi licentia Lunam
in aquis veluti pisciculum delitescentem, quàm ampla
est, totam hausisse. Movit eares solertissimos popu-
lares; qui satellites, nihilò civibus argutiores, expe-
diunt, ut auritas pecudes Majestatis reas illicò sistant
ac rapiant ad tribunal. Dictum factum. Nullo ne-
gocio, cæteris conjectis in carcerem, ne multitudo
Parrum æquitatem inflecteret, unus ex his Lunæ fu-
runculis paulò petulantior, collum indutus in vincu-
la sistitur ad Judicem, causam dicturus. Hic verò
Senatûs acutuli Princeps acutissimus, blanditiis cum be-
stia primùm agendum ratus, è Sella, quàm Romanâ
Iii 5 plus-

plusquam Majestate conscenderat, placidissimâ manu dorsum aselli palpat, ac mulcet suavissimè Catulum Melitensem. Rogat, obtestatur per & suas, & reliquorum Patrum querelas & lachrymas, per aras & focos, per quotquot haberent omnia cum illo communia, ne sibi demum soli putaret tantùm boni natum: Lunâ, si nesciret, nullum inter sidera salutaris, nullum omnino divinius: redderet oculum nocti, sororem Phœbo, terrarum orbi delicias suas. Sed precibus à Reo ne verbum quidem exprimitur. Declinandum igitur fuit ad partem alteram. Furere proinde Judex vehementer incipit, edicere, interminari, quando clementem habere se nollit, experiretur iratum. Juber obstinatum in scelere bestiam fuste primùm, mox & fideculis excruciaci, dum dolor confessionem extorqueat. Verùm cum ne sic quidem efficeret quidquam, è Judice factus repentè carnifex, in Senatu, in ipso Patrum conspectu plaudentium laniam exercet, & infelici asello alvum rescindit, scrutaturque intimas viscerum latebras. Uno verbo, Lunæ, quam inquirebat, partem omnino nullam invenit, sed imaginem ipse suam, ad vivum expressam in asello, stolidus homo apprehendit. *Vincentius Guinifus in Allocutionibus Orationis.*

CAPUT XII.

Complectens doctrinam, pertinentem ad Scientiam Oeconomicam, quod videlicet Mater proprio, non alieno lacte filios suos nutrire debeat.

TAcitus olim magnopere commendavit Germanorum consuetudinem, quâ suum quæque genitrix infantem propriis alere solebat uberibus, excluso ancillarum, aliarumque nutricum ministerio. Nec sanè

sanè immeritò, cùm lac matris, spiritusque materni longè magis ad vires corporis ingentique in prole augendas conducant; ipsum enim (inquit Avicenna) est magis nutriendum, quod magis simile est substantiæ nutritivæ præteritorum, quibus alebatur, dum in ventre erat. Ne verò infantes, quod fieri nonnunquam solet, simul cum nutricis alienæ lacte, vitia etiam & mores improbos imbiberent, matres ipsas eadem provida dispensatrix natura, duplici quasi fonte instruit, fonte inquam candidioris sanguinis, unde alimenta suppetent fœtui. At inertia (inquit celebris quidam Ecclesiastes) aut amittenda metus formæ, non rarò in causa est, cur matres non absque insigni liberorum detrimento, suo fungi nolint officio, & prolis lactationem committant aliis. De quibus S. Chrysostomus in Psalm. 50. homil. 10. *Erubescit fieri nutrix, quæ facta est mater, & pietatis insignia abscindit superbia.* Quod factum plus quam belluinum detestantur Ecclesiæ Doctores. Equis porrò ferat, ut indies videmus, præpotentes ac prædivites Dominas, acanthides, lusciniæ, graculos, psittacos, caniculos, summâ curâ ac diligentia nutrire, sinu fovere, ad blandiri, complecti, liberos autem rurali feminæ, aut corruptæ alendos exponere. In quâs jure meritò exandescens Clemens Alexandrinus lib. 3. *Pæd. c. 4.* Quæ Psittacos, inquit, & graculos nutriunt, filios domi natos foris exponunt; gallinarum autem pullos excipiunt, & quæ sunt expertia rationis, iis præferunt.

Non desunt Theologi, qui feminas, absque justa causa & necessitate non lactantes prolem, peccati mortalis condemnent, propter gravia incommoda, quæ inde oriri consueverunt. Sæpe enim contingit infantum corpora animosque corrumpi, dum alieno lacte eucantur. Corpora certè non ita vivida fiunt & nobilia;

quia

quia lac fugere compelluntur naturæ suæ non conforme. Cujus rei specimen habemus in brutis animantibus. Si enim hædi ovium lacte alantur, pilos teneriores gignunt; & agni si lac caprarum sugant, lanâ existunt duriori. Et quisquam miretur, si infantes lac sugant nutricis ferocis, iracundæ, cholericæ, eos pervicacis cervicis existere? similiter si temulenta, si impudica, si improba nutrix sit, eadem vitia in prolem transfundi! Tandem hoc omnibus matribus persuasum velim, ut si à liberis suis amari, observari suosque mores ac nativam indolem iis instillari cupiant, nutricibus alienis eos nequaquam committant, quæ secundariam tantum, & supposititiam in iis educandis curam atque industriam adhibere solent: unde sæpe non parvæ difficultates incommoditatesque consecutæ sunt.

Hujus rei fidem facit eventus sanè insolens, qui Lutetia Parisiorum ætate nostra innotuit.

Vir inter primarios urbis consiliarios, prolem enutriendam & lactandam commiserat conjugi Vinitoris cujusdam sui, extra urbem in agris & vinetis commoranti; cumque de sedulitate mulieris nihil ambigere-tur, tota ei puellulæ cura ita concredita est, ut ferè curam ipsius parentes viderentur ad tempus deponere, & nutrici quodammodo resignare. Contigit autem infantulam nutricis negligentia, igni propius admotam, in facie ustulari, & gravem ei deformemque maculam inuri. Quid faceret illa, quæ parentibus id nunquam auderet deregere? inito consilio cum conjuge, suam ipsa prolem nec ætate, nec facie ab similem, loco alterius supponit, & cum plures menses altera visa non esset, credunt parentes suam esse, quæ erat aliena.

Itaque

Itaque ætate crescens educatur in Urbe Parisiensi more Nobilium, quæ filia rustici erat; quæ filia Consiliarii, ignobiliter versatur in agris, & more rustico enutritur. Tandem & illa rustica secundum nobile genus putatitium, alterius Consiliarii filio opulento & nobili in matrimonium datur, cum dote correspondente. Altera penes vino rem commoratur ignobilis. Putatitia mater urgetur scrupulis conscientiæ, ob dolum, damnumque legitimæ proli inde exortum. Post multos tandem annos Jubilæo adveniente compuncta, suasu Confessarii fraudem detegit illis, quos res ista concernebat. Agnoscitur puella legitimæ per notam quandam secretam, quam in ortu attulerat: agitur de recuperanda dote extraneæ data, res ad Judicem decernenda deferitur, disceptatur de valore matrimonii, tanquam in quo error substantialis circa personam fuerit commissus. Quibus omnibus incommodis sanè gravissimis caruisset mater, si propriam prolem lacte proprio nutrire non detrectasset. *Marchantius in Candelab. Mystic. tract. 8.*

Quod si tamen mater ob causam rationabilem prolem suam lactare ipsa non possit, nutrix idonea, non sine magna circumspectione, deligenda est. Infantes enim naturam & mores cum lacte nutricis sugere, quotidianis docemur experimentis. Quod argumentum accuratè tractatur à Gellio, aliisque Auctoribus; qui monent, nutricem non sine accurato delectu judicioque constituendam esse, ne tenellis infantulis nutricum vitia cum lacte infundantur. Remum & Romulum larrociniis addictos fuisse, autumant scriptores gravissimi; propterea quod aliquanto tempore expositi, lacte lupæ nutriti fuerint. Mithridates quoque Romanos crudelitatis & aviditatis lupinæ arguebat, utpote qui originem suam referebant ad Remum

Remum & Romulum,uberibus lupæ enutritos. Dion *lib.2.de Cæsare* crudelitatem Caligulæ imputat nutrici ejus, quæ papillas sanguine solebat illinere; unde & ipse eam contraxit ferociam, ut jam adultus sanguinem è cætorum cadaveribus stillantem avidè lingeret, optaretque unicam populo Romano cervicem, quam uno ictu decuteret. Tiberium Cæsarem potatorem maximum fuisse tradunt, quod nutricis mores in se transtulerit. Tartari nonnulli suos infantes lactant lacte canino, ut evadant feri, pugnaces, rixosi instar canum.

Illud (inquit *Mendoza lib. 4. problemat. 7.*) testibus oculatissimis & locupletissimis accepi, virum Religiosum, & optimis moribus imbutum, in publico valde moderatum & modestum, cùm se solum & ab arbitris se motum crederet, in morem capræ saltare & currere solitum fuisse, nec se continere potuisse, quin hanc ludicram saltationem exhiberet. Rogatus hanc reddidit causam, quòd lacte capræ fuisset educatus.

Simillimum est illud apud Justinum *lib. ult. de Rege Hispaniarum. Habis* nomine, qui cervæ lacte enutritus, cursu pernicissimo cervos adæquavit.

De Philippo II. Hispaniarum Monarcha memorant Historici (præsertim *Perrus Matth. histor. Henrici IV. Regis Gall. lib. 1. narrat. 4.*) nutricem ei obtigisse, morbo ex libidine infectam, & ab ea tanti Regis prolem contraxisse ulcus fœdum ad quod sanandum ipsos quatuordecim menses impendi necesse fuerit.

Duas sorores, moribus, ingenio, formâ discrepantes nominare possem (inquit Mariana de instit. Reg. *lib. 2. c. 2.*) alteram modestissimam, quæ matris lacte nutrita fuit: alteram, quæ agresti nutrici atque temulentæ com-

commiffa, pravo lacte ingenium commutavit, & ferox evafit.

E contrario de Caracella Imperatore quanavis faviffimo, non legitur magnum Christianis negotium eum faceffiviffe. Cujus rei caufa fortè fuit (ut fentit Baronius ad Annum 217.) quòd è nutrice Christiana lac fuxerit, ut refert præter Baronium Tertullianus.

C A P U T XIII.

Continens Eruditionem mifcellaneam, de rebus variis, ad varias Scientiarum claffes pertinentibus.

ARTICULUS I.

Curiofa Observationes de Umbri.

1. **S**ciaphia eft Scientia differens de natura umbræ. Porro umbra eft lucis soboles, & individua comes, quam nonnulli Solis & Lunæ fimiam appellant.

2. Umbrarum aliquæ (præfertim quæ ab arboribus diffunduntur) falutiferæ, aliquæ noxiæ censentur. Dum enim arbores ferventiffimis Solis radiis percuffæ æftuant, fit, ut hoc æftu humor, in subtilioribus arborum partibus, puta foliis exiftens, dilatatus rarefcatur, & in subtiliores vapores expiret. Hi autem vapores naturali arborum qualitate imbuti, eadem confimilem fibi aërem imbuunt: qui mixtus aëri umbrofo, ubi hominum, aliorumque animalium laxatos æftu poros lubierit, iis vel nocumentum, vel emolumentum, præ diffufæ qualitatæ ratione, adfert.

3. Umbræ earum arborum, quæ naturâ constant ærea, humano corpori falutiferæ funt. Tales funt umbræ Pyri, Pomi, Cydoniæ, Amygdali &c. quòd etiam

etiam omnia aurantiorum, citriorumque genera pertinent. Atque hæ umbræ tantò sunt saniores, quanto fructus homini plus conferunt. Siquidem hæ arbores vapores expirant, vaporibus naturæ, id est, spiritibus valdè confimiles; unde & iis spiritus hominis æstuanstemperatur, confortatur, & corporis humani membra mirificè instaurantur. Hinc Ægyptiorum mos fuit, ut omnes illos morbos, quorum vis esset in perturbatione spirituum (cujusmodi sunt phrenesis, melancholia, scoromia, vertigo, tristitia) arborum, dissipativâ quadam facultate pollentium, amicis umbris, adhibita etiam musicâ, curare soliti sint.

4. Loca umbrosa, salutiferis herbis, rosis, thymo, origano, hyssopo, mentha, nardo, aliisque plantarum salutiferarum speciebus confita, dum salutiferis suis vapidisque halitibus umbrosum aërem imbuunt, iisdem corpus humanum mirificè confortant: & singula quidem membra eâ qualitate imbuunt: quâ imbuta naturaliter appetunt. Hinc umbræ herbarum cardiacarum cordi; pulmonariarum pulmonibus & pectori; hepaticarum hepati; satyricarum veneri &c. apprimè conducunt.

5. Omnium arborum graveolentem odorem spirantium umbræ capiti noxiæ sunt: tales arbores sunt Pinus, Larix, Abies, Terebinthus, Cypressus, Sambucus, & omnes species Picearum. Vidialiquos (inquit P. Athanasius Kircher *in arte magna lucis & umbræ lib. 1. part. 2.*) qui sub Larice, Pinu, & Abiete dormientes, ita fuerunt his bituminosis gravati spiritibus & odoribus, ut febri inde contracta, multis mensibus lecto affixi hæserint. Carolus Clusius *in suis Exoticis* commemorat, quoddam genus Laricis in America reperiri, sub cujus umbra dormientes, tam potente delirio corripiuntur, ut expergiscentes, & usu rationis desti-

destituti, miros inde mores assument: nonnulli Prophetas, quibusdam milites, aliis mercatores, singulis denique id agentibus, ad quod eos naturalis incitat propensio. Narrat Herrera in *Historia America*, arborem quandam *Aquapun* dictam, in novo Regno Granatensi tam potentis esse virulentiae, ut Hispani primum exitialis facultatis ignari, sub umbra ejus dormientes, hydropicorum instar, immodico omnium membrorum tumore distenderentur. Barbaros quoque nudos, aut ebrietate sopitos, sub arbore illa diutius commorantes, rupta nimio tumore pelle, omnibusque intestinis effulsis, miserando mortis genere extingui.

6. Luscinia maximè amat umbram Fraxini: cum enim summa illi cum serpentibus, & his cum Fraxino antipathia sit, inter hujus arboris umbrosos ramos, veluti in arce munitissima, contra hostem tuta vivit.

7. Umbræ umbris quandoque contrariæ sunt. Ita dolorem capitis, quem quis in umbra Juglandis contraxit, mox in umbra Tiliæ mitigari sentit. Qui ex moru canis rabidi hydrophobiam contraxit, si sanatus umbram corni subierit, in eandem irremediabiliter relabatur. Quod primum in quodam Lugdunensi Anno 1636. observatum est, teste Auctore *Pentagoni Medic. Philosoph.*

ARTICULUS II.

Mira vis Seminis.

Latet in exiguo seminis corpusculo quidam spiritus opifex, qui virtute plastica operatur sine tumultu, & absque omni conspicuo instrumento producit opus admiratione dignissimum, idque ex rudi & informi materia, in qua nulla dissimilitudo, nulla varietas, nulla partium distinctio sensibus occurrit. Videmus enim in semine, sine ullo tamen vestigio totam latere arborem

Kkk

cum

cum radice, trunco, ramis, foliis, fructibus. Ex grano hordei procedit radix, culmus, spica, grana. In ovo, semine volatiliū, latet volucris cum omnibus membris, colorumque differentiis. In semine animalium delitescit corpus cum universis membris, corde, cerebro, pulmone, hepate, splene, vesica, stomacho, renibus, nervis, venis, tendinibus &c. Quis res tam varias & disparatas in homogeneo corpore latentes segregat? quis materiam uniformem nunc in ossa solidat, nunc in liquorem spargit, nunc in mollem carnem conformat, modò in nervos & cartilagines extendit? certe nullus alius, nisi plasticus ille spiritus, ab auctore naturæ singulis rebus, quæ generatione propagantur, inditus.

ARTICULUS III.

Memorabiles Historia de quibusdam Ovis.

Anno 1669. Rusticus quidam ovum prægnans alio ovo ostendit Bartholino, ut ipse testatur in litteris ad Sachsum Medicum datis. Aliud ovum ovo prægnans asservatur in Thechnicotheca Regis Daniæ, ut præfatus Bartholinus commemorat.

De alio ovo in Angliā edito Harvejus *Exercit. II. de generat. animal. p. 86.* sic scribit: Vidi ovum perexiguū intra aliud gallinæ ovum majus, omni ex parte perfectum, & cortice circum circa obrectum, contineri. Ovum hoc Serenissimo Regi Angliæ Carolo, præsentibus multis aliis spectandum exhibui.

Atque ut nonnunquam ova aliis ovis prægnantia, sic in ovis varia monstra quandoque reperta fuere.

Aldrovandus in *Histor. Monstrorum. fol. 389.* refert gallinam, quam ipse domi aluerit, post multa ova unum pusillum sine luteo edidisse: in cujus albumine serpens instar vermis compertus est, in quem ovi vitellina fuisse conversum suspicatus est Aldrovandus, edidit quod

quòd nonnulli observaverint, gallinas ab aspidibus nonnunquam compressas fuisse.

Ambrosius Paræus *de Monstris lib. 24. c. 2.* Monstrum adducit, quòd Augustoduni in ædibus Dancheronis Causidici inventum fuit, dum ancilla ova multa frangeret, butyro incoquenda. Erat Monstrum illud humana facie, capillitio colubris undique horrente, tribusque colubris mento barbæ instar hærentibus: quod Carolo IX. Regi Galliæ Metis agenti transmissum fuit.

Romæ in diversis ædibus ac temporibus cocta & aperta sunt duo ova: quorum alterum durum, alterum molle ac forbile erat, & in utroque inventus scorpio: in hoc vivus, in altero mortuus.

ARTICULUS IV.

Modus assuescendi avem, ut quoties avolaverit, ad te redeat.

Avi cuiusque adhuc involucris partem rostri superioris absconde, ut sola cibum capere nequeat, illamque ciba, quoties opus fuerit: assuescetque cibum à te petere & sumere. Volucris jam factæ permittite, ut liberè in loco clauso circumvolitet, & quoties fame stimulante à te cibum petit, porrige. Tandem ita assuesctam, post toleratam aliquamdiu inediam è fenestra dimitte. Avolabit illa quidem, sed brevi adacta fame ad te revertetur. Redeunti ergò promptè cibum offer, iterumque dimitte. Quotiescunque famebit, ad te redibit, quoniam sola sine rostro superiori integro cibum sumere non potest. *Auctor Joco-serior. Natur. & Art. Centur. 1.*

ARTICULUS V.

Nonnulla de serpentibus.

1. Serpentem esse typum resurrectionis nostræ asserit *Gregorius Nyssenus Orat. 3. de Resurrect. Christi.* Serpentes

pentes enim, inquit ille, vivida alioquin animalia, hi-berno tempore enecti, sex mensibus in terræ cavernis delitescunt immobiles. At cum statum tempus ad-venit, & tonitrua in mundo audiuntur, fragor ille nu-bium quali signum illis est profectioms: quare cele-riter exiliunt, & post tantum temporis ad consueta opera prodeunt. Et neget aliquis homines, tubâ Dei de cælo resonante, animari posse, ac reviviscere.

2. Serpentes vini magnopere appetentes sunt. Unde nonnulli vinum in vasis fictilibus ad sepes depo-nunt, quo cum inebriati illi fuerint, capiuntur.

3. Quidam, succo raphani perunctis manibus, turd-tractari posse serpentes, sibi persuadent, ego nunquam expertus sum.

ARTICULUS VI.

*Ulcus pessimum afflatu pueri duodennis cu-
ratum.*

Gallorum Regis Frater natu minor, laborabat ulce-re pessimo, ac prodigiosa turpitudinis, qui afflatu per-petuo pueri annum agentis duodecimum curatus est. Neque sanè absque ratione; quia Spiritus procedens à corde impuberis, qui tamen sit ætate firmâ præditus omnino syncerus est & incorruptus, potestque corru-ptos emendare humores. *Cardanus citatus a Wecke-ro lib. 5. de Secretis.*

ARTICULUS VII.

Ædificiorum fundamentum humana corpora.

Mancipiorum in Japonia miserrima est conditio ut sæpe mori malint, quam servitutis sustinere incom-moda. Quapropter si quando Dynastæ nova con-struunt ædificia, rogant servi specie officii, ut liceat sibi corpora sua extruendo operi substernere. Persuaden-

enim

enim sibi Japonenses, æterna esse opera, nullamque pasturam ruinam, quibus pro fundamento sit caro humana. Annuente igitur petitioni illorum Dynastâ, miseri illi superimpositis saxis oppressi comminuuntur. *Varenius in descriptione Japonia.*

ARTICULUS VIII.

Memorable incendium turris, pulverem tormentarium continentis.

Mechlinia urbs Belgii ingentem cladem ab incenso fulmine pulvere tormentario 7. Augusti Anno 1546. cepit. Erat in muri ambitu, qui civitatem amplectitur, juxta portâ Neckerspouliam turris rotunda, veteri more, è quadrato albo lapide vivo ædificata. Altissimo ejus fundamento opus concameratum erat superstructum. Inhujus fundo ad septingenta dolia pulvere tormentario plena, in belli usum custodiebantur. Turris verò aliquot locis vetustate rimas agebat. Conquesta fuerat hac de re Magistratui nō semel vetula paupercula, in eâ gratis habitans. Cumque pomeridiano tempore tonitrua ac fulgura vehementia excitari cerneret, formidine correpta, circa Vesperam cum rebus pretiosioribus aliò concessit. Nocte hora undecima redeunt tonitrua, fulgura & fulmina, intransiaque per Rimas pulverem incendunt. Turris ingentis altitudinis è fundamentis in alum integra sublata, antequam vis pulveris, quæ eam elevarat, evanesceret, in fræ disrumpitur, quadratique ingentes lapides per universam disjecti urbem evertunt in urbe ultra ducas civium domos, ac totidem in ampliissimo suburbio sedes, quarum lateres, vivique lapides non minus detrimenti, quàm turris intulere. Vitreæ ferè omnes Mechliniæ fenestræ, lapidum tegularum, laterumque solatu, ac immenso dissiliantis turris fragore sunt con-

fractæ: fenestræ lignæ, januæ ad ostia, seris pessulis-
 que dissiliantibus ubique patuere, omnibus subitæ
 cladis causam non parum admirantibus. Homines
 utriusque sexûs variæ ætatis ultra quingentos oppressi,
 bis mille vulnerati. Nulla enim in civitate universa
 fuit domus, quæ non cladem, damnum, aut utrunique
 pertulerit. Variis in locis homines è lectis surgentes,
 capitaque fenestris, ut tumultûs causam discerent, exe-
 rentes, ea transvolantium lapidum violentiâ perdidê-
 re. Multis locis vir uxorem, illa maritum, aut parvu-
 los liberos juxta se extinctos, luxere. Puer quidam in
 platea negotii causâ cum lumine incedens, in aërem à
 lapide abreptus, eidem incumbens, in terram illæsus,
 sed extra se repertus, rediit. Multi instar Æthiopum
 à prætervolante pulvere infecti ac fauciati, miserabile
 sanis spectaculum præbuerunt. Congerrones aliquor,
 qui potandi, tempusque lusoriis chartis fallendi causâ
 tabernam cerevisariam ingressi fuerant, hospita, quæ
 ad promendam cerevisiam in subterraneam descende-
 rat cellam, reversa, eodem, ut reliquerat, ad mensam se-
 dentes omnes, chartasque lusorias manibus tenentes,
 sed mortuos reperit. Per octo dies cives rudera per-
 scrutantes, faucios ac mortuos detexere. Repertus
 est post triduum inter alios vir nudus, inter duas mace-
 rias conjectus, rogans, num mutato universitatis statu,
 Christum an generale totius humani generis iudicium
 venisset. Concursum est Mechliniam ex omnibus
 Brabantia oppidis ac urbibus, imò & vicinis Provin-
 ciis, ad tantæ cladis inspectionem. Reperta fuere mor-
 tua mutilaque corpora ad sesquimilliare extra civita-
 tem variis locis disjecta; quorum nonnulla scdum in-
 modum ex arboribus dependebant: Ut Concubina
 Prætoris cujusdam, quæ flavescente capillitio ex arbo-
 ris ramo nuda dependens, aperto ventre intestina in
 terram

terram defluentia, omnibus cum horrore ostentabat. Civitatis fossa ab utraque dirutæ turris parte ad passus ducentos sicca cernebatur, cum tamen aqua fossæ illius antea pedestris lanceæ altitudinem æquaverit. Pisces quoque magno numero per agros dispersi extinctique, & multi eorum in arborum ramis hærentes concipiebantur. *Ex Annalibus Belgicis.*

ARTICULUS IX.

Fures & prædones prudenter delusi, opesque conservata.

Hannibal ab Antiocho fugiens pervenit ad Cretenses. Providens autem se suosque thesauros magno fore in periculo, propter avaritiam rapacitatemque Cretensium, apud quos jam aliqua de suis opibus fama percrebuerat: *Consilio & Industria* utendum ratus, amphoras complures implet plumbo, summa duntaxat superficie auro & argento contactâ. Has præsentibus Cretensibus deponit in templo Dianæ, simulans se suas fortunas illorum fidei committere. His in errorem ductis, statuas æneas, quas secum adduxerat, omnes auro complet, easque in propatulo domi abjicit. Cretenses magnâ curâ templum custodiunt, non tam ad arcendos prædones, quam ad impediendum, ne Hannibal ipsis ignâris depositos thesauros reciperet, secumque discedens asportaret. Sic Hannibal delusis Cretensibus, cum statuas æneis auro repletis, ad Prusiam perfugit. *Probus in Hannibal.*

Alphonſi Arragonii temporibus, Agrigenti (quæ Siciliæ civitas est) degebat vir quidam cæcus astutissimus; qui per Insulam proficiscens sine ullo ductore, etiam videntes interdum anteibat. Hic cum haberet 500. aureos nummos, veritus, ne sibi furto adimerentur, in agro eos defodit. Quod cum fortè quidam vidisset, qui ei per baptismi sacra conjunctus erat, & haud

longè ab eo loco habitabat, sequenti die effossam inde pecuniam abstulit. Cæcus post aliquot dies ad locum rediit, ut pecuniam quæreret. Quam cum non invenisset, Conjecturâ assécutus est, propter vicinitatem nullum aliud quàm vicinum, de quo mentio facta est, eam surripuisse. Itaque rem dissimular, atque post aliquot dies vicinum conveniens, sub jurisjurandi fide, ut melius tegeretur astus, velut amico communicat, se aliàs pecuniam defodisse: & cum tantundem nunc etiam haberet, petere se ab amico consilium, deberetne simul cum aliâ defodere, aut seorsim eam apud se retinere? Amicus, qui hanc quoque cæci pecuniam, ut aliam, auferre cuperet, suavit, ut cum aliâ defoderet: & ne cæcus, si primam abesse pecuniam deprehendisset, hanc, quam se habere nunc dicebat, illic deponere abstineret, primam illic ut antè erat, reposuit. Cæcus illuc profectus, cum pecuniam invenisset, arbitrareturque id quod erat, scilicet amicum suum haud longè ab eo loco abesse, exclamavit: Hac in re, amice, oculatio vidente cæcus fuit. *Fulgos. lib. 7. c. 3.*

ARTICULUS X.

Amicitia conciliata per pomum.

In Vitis Patrum refertur, sapienti cuidam mulieri fuisse filium unicum, cujus in Mercimoniis societatem expetebant plurimi. Huic Mater dedit poma tria: adjecto mandato, ut in via esur:ens, ea amicis scindenda & distribuenda offerret. Filius imperio Matris obtemperans, poma offert amicis: quorum primus partitur pomum in duas partes inæquales, & minorem præbet filio illius mulieris, majore sibi reservatâ, juxta illud asini:

Si fueris quarum divisor particularum,

Hanc discas artem, majorem suscipe partem.

Alter similiter dividit pomum alterum in partes inæqua-

æquales, & filio illi dat partem majorem. Tertius tertium pomum scindit in partes æquales. Quibusdam matrem relatis, monet ipsa, ut tertium eligat: quia, inquit, primus fuit injustus alteri, secundus sibi ipsi, tertius æqualiter egit.

ARTICULUS XI.

Memorable factum Judicis, rei aliena inventori subvenientis.

Cum quidam amisâ bursâ, cui quadraginta aurei inerant, promississet se duos aureos præmii loco inventori daturum: at postea rustico bursam inventam afferenti quidquam se daturum negavisset, propterea quòd duo coronati de summâ deessent (ajebat enim in bursâ fuisse aureos quadraginta duos, nunc autem quadraginta duntaxat reperiiri) Alexander Medices, ad quem res delata erat, improbitate hominis cognita, bursam cum 40. aureis rustico restitui jussit; & alterum, qui se amisisse dicebat bursam cum 42. aureis, expectare, donec veniret, qui bursam ejusmodi ipsi offerret: hanc enim, quæ 40. tantum contineret, ex propria confessione illius non esse.

ARTICULUS XII.

Memorabilis Lex de Furibus.

Lex de Furibus apud solos Ægyptios hæc erat. Jubebat eos, qui furari volebant, nomen suum apud Principem furum profiteri, libroque ad id deputato inscribere; & sine mora rem furto ablatam ad eum deferre. Similiter ii, quibus res furto erepta erat, apud eundem rei sublata tempus, diem & horam scribere tenebantur. Hoc modo facile detecto furto, qui rem amiserat, quartâ ejus parte mulctabatur, quæ daretur furi. Nimirum satius esse existimavit Legislatores (cum impossibile sit furta penitus prohibere) homines unius

partis, quàm totius rei amissæ jacturam pati. *Diod. lib. i. cap. 6.*

ARTICULUS XIII.

Crudelis & impudens Creditoris petitio memorabili prudentia Judicis rejecta.

Constantinopoli Judæus quispiam Christiano egeni certam pecuniæ summam mutuò dederat, eo pacto & conditione, ut constituto tempore Creditor Judæus & sortem, & insuper duas uncias carnis ex corpore Christiani debitoris exscindas, usuræ loco reciperet. Christianus sortem reddit, usuram negat. Solymanus Imperator ad cujus tribunal impius Judæus hanc causam detulerat, animadversâ tum Christiani necessitate, tum nefarii Apellæ crudelitate, novaculam afferri præcipit, & ad Judæum conversus: Age, inquit, jus tuum prosequere, quacunque voles corporis parte exscinde carnem, sed cave, ne plus minusve, quàm duas uncias reseces: si erraveris, errorem pœnâ capitali lues. Judæus periculo territus, usuram sponte remisit. *Corrozetus de dictis & factis memorab.*

ARTICULUS XIV.

An Rebus publicis fatales sint anni quingentesimus & septingentesimus.

Conversiones & everfiones Rerum publicarum non sunt fortuitæ, sed fatales. Intellige hic fatum Christianum, id est, providentiam Dei, quæ non adfert necessitatem coactionis, sed infallibilitatis non fatum illud fatuum, quod est vel Chaldaicum seu Astrologicum, & Deum subjicit astris; vel Stoicum, quod Deum subjicit connexioni causarum secundarum. Tale fatum meritò explodimus, & cum sanioribus Ethnicis omnibusque Christianis asserimus, ab æterna Sapientia justè decretum esse, ut omnia, quæ or-
tum

tum, incrementum, progressum, maturitatem & senectutem habent, interitum etiam aliquem habeant. Cujus rei causæ nobis quidem ignotæ esse possunt, injustæ esse non possunt. Atque hoc pacto Deus etiam Regnis & Rebus publicis tempora certa præfixit, quibus inchoentur, crescant, floreant, mutentur, & denique intereant. Et hæc appellatur periodus Imperiorum: quæ, ut magno exemplorum consensu comprobatum est, 500. & 700. annorum spatio ferè comprehenditur. Ita fermè quingenti anni numerantur à Ducatu Moïsis usque ad Regnum Saulis: à soluta captivitate usque ad mortem Christi: ab Esdra, qui Judaicam instauravit politiam, usque ad Vespasianum, qui totam destruxit. Totidem ferè annis Regnum Atheniensium & Lacædæmonum duravit. Annis 500. Consules rexerunt Rempublicam Romanam. Carthago steterat annis 700. quando à Scipione deleta est. Civile bellum Pompeji & Cæsaris, quod Rempublicam Romanam evertit, incidit in annum ab Urbe condita septingentesimum quintum. Exactus est nunc quoque ab instaurato per Carolum M. Imperio Occidentis annus 700. & ultra: & à Collegio Electorum Imperii Othonis Tertii sapientiâ constituto 600. & quod excurrit: ob quem duarum periodorum concursus impendere mutationes maximas.

ARTICULUS XV.

Narratio de quadam classe, non minùs miserabili, quàm formidabili.

Verè formidabilis fuit illa classis, quam Anno Christi 1588. Philippus II. Rex Hispaniæ per triennium ferè edificandam curavit, tantâ hominum rerumque omnium abundantia fartam, ut vix similis legatur. Constabat illa universim navibus 101. admirandæ magnitudinis & roboris. His vehebantur nautarum millia

millia septem, & classiariorum militum supra 20. millia; præter nobiles & voluntarios, qui suis sumptibus operam & fidem insigni aliquo facinore Regi probare volebant. Tormentorum ex ære fusili erant mille sexcenta; è ferro mille plus minus: globorum centum viginti millia: reliqui apparatus bellici infiniti. Et Rex ipse æstimabat classẽ continere hominum millia triginta duo, & singulis diebus constare ducatorũ millibus XXX. Bernardinus Mendoza Philippi Regis in Gallia Orator, habito cum Galliæ Rege colloquio narravit, in ita diligenter ratione omnium expensarum in classẽ istã, eam minimũ centies vicies centenũ millibus aureorum constitisse. Trepidabatur undique in Belgio & Anglia ad rumorem tantæ classis. Sed quid actum? Angli Duce Francisco Dracke navibus paucis & parvis aggressi sunt naves Hispanorum multas & magnas, easq; per dies multos, & in diversis locis ad Calcutum usq; ita exceperunt, vexarunt, conquassarunt, ut alias cum magno dedititiorum numero, magnaq; pecuniarum, vasorum, argenteorum, cimeliorum & variæ nauticæ suppellectilis multitudine in potestatem redegerint, alias submerferint, reliquas dissipaverint ejusmodi stratagemate. Octo naves viliores exinanitas, pulvere, sulphure, pice, repleverunt, easq; tormentis instructas & incensas 7. Aug. hora 2. post medium noctis, vento & æstu secundis, contra classẽ Hispanicam emiservunt: ad quarum conspectum tanta inter Hispanos trepidatio orta est, ut amputatis rudentibus & expansis velis in apertum Oceanum sese proripuerint. Ita classis illa formidabilis longè Norwegiam versùs excurrrens, & totam Britanniam, Hiberniamq; circumvecta, demum rediit in Hispaniam, cadaveri simillima. Magnum ista clades dolorem plerisq; omnibus in Hispania familiis nobilissimis attulit, è quibus pauca erant, quæ non cognatum aliquem

quem vel affinem, aut in pugna cæsum, aut naufragio
amissum, aut ab hostibus captum luxerint.

ARTICULUS XVI.

*Libertas memorabili Industriæ recupera-
ta.*

Hugo Grotius Batavus vir politioris litteraturæ,
quamvis educatus inter Calvinianæ factionis sectæque
Magistros; & variis officiis cum laude perfunctus apud
suos; ob sinistram tamen suspensionem perduellionis
anno 1620. ab iisdem, quos longo, & nimis fido obse-
quio sibi devinxerat; vinculis, quæ non nisi cum vita
solverentur, traditus, & ad arcem in finibus Hollan-
diæ sitam perductus fuit. Milites, quorum custodiæ
commisus erat, licet Argi instar in omnes, qui etiam
indulto Ordinum accedebant, circumspicerent;
fessellit tamen eorum vigilantiam Grotii industria &
solertia. Quippe in molesto illo otio Musas suas sub-
inde repetebat, eumque in finem frequentius arculam,
quam ex composito uxor ad corporis maritalis men-
suram fabricari jusserat, libris repletam ultro citroque
deferri curabat: sic ut milites ipsius custodiæ depu-
tati, & crebriore ejus darculæ, quam librariam esse didi-
cerant, elatione assuefacti, nullâ indagine præviâ eam
facile admitterent, & remitterent. Quam oportuni-
tatem nactus Grotius, uxore & famula consciis, & sce-
nam hanc dextrè atque ex fide adornantibus, simulatâ
ægritudine in prædictam arculam se immittit, membra
componit, & per vigiles famula bajula elabitur, dela-
tus ad navem, Gorcomium transfertur; ubi in domo
notâ & si dâ laxato arcæ claustro jam liber, & munere
faventis fortunæ latus Grotius, personato habitu in
Brabantinam Campaniam primum, deinde Antverpi-
am proficiscitur.

Recu-

Recuperatam libertatem eidem reduci gratulatus fuit hoc epigrammate Franciscus de Montmorancii è Societate Jesu.

Jure tua libros colis instrumenta salutis,

Et tibi præcipuo sunt in amore loco.

Fecit enim Groti, creber dum fertur in arca

Efferturque liber, liber ut esse queas.

ARTICULUS XVII.

Detrimenta Ludentium.

Medici cujusdam in Gallia filius in publica aleæ Academia (hoc nomine corruptionis officinæ indignantur) sexaginta coronatorum millia, teste Lantio in Consulto. perdidit.

Qui libenter ludit sibi ipsi infortunium cudit.

Subjungo memorabilem monomachiam, ex lusu aleæ ortam.

Anno 1522. duo Nobiles Valledoleti, præsentibus Cæsare & Castellæ Conestabili, in foro armati singulari pugna ob controversiam exigui momenti ex lusu aleæ ortam, certavêre. Quam historiam referre libet, prout eam commemorat Pontus Heuterus Delfius nobilis Belga, qui eo tempore cum Cæsare in Hispaniam profectus, certamini interfuit.

Duo nobiles adolescentes, vigesimum quintum ætatis annum singuli nondum egressi, nati Cæsar augustæ, clarisque Hispaniæ familiis majorum nuptiis inserti, diu inter se animorum studiorumque conjunctione amici, tandem controversiâ ex aleæ lusu ortâ, eò devenêre, ut de vita singulari certaminè pugnaturi, horam locumque extra urbem, nemine conscio, constituerent. Uni nomen erat Petrus Torellius, alteri Hieronymus Anca. Prodeunt ad constitutum locum gladio tantum & cappâ (togæ Hispanicæ brevioris species est) ut erat conventum instructi, Congrediuntur

diuntur, ac post aliquothinc inde acceptos illatosque punctim cæsumque sine vulnere ictus, Torellio gladius manu excutitur. Quid faceret inermis, armatum adversarium contra se insurgentem, mortemque intentam cernens? Concedit Ancæ hac lege victoriam, victumque se fatetur, ne ulli mortalium quæ gesta essent, referret, sed res perpetuo silentio sepulta maneret: malle enim se mori, quàm cum ignominia vivere. Promittit persanctè silentium Ancæ, repositisque in vaginas gladiis, seque mutuo amplexati, revertuntur ad urbem amici. Post aliquot dies actæ rei historia in omnium versatur ore; nil aliud in urbe garuli garrulæque narrabant. Accusat Torellius Ancam violatæ fidei. Negat hic se auctore rem in publicum emanasse, sed proximi pagi Parochum in propinquo deambulantem, pascentiaque pecora sua inspicientem, pugnam ejusque eventum conspexisse, & hominibus narrasse. Examinatus Sacerdos ruralis non satis sibi constar, ac plus quàm decebat, Ancæ se additum, faventemque demonstrat. Rejicit hac de causa ejus testimonium Torellius, persistitque in accusando Ancam, ei que datæ fidei transgressionem viro nobili indignam exprobrat. Ille aliter rem se habere asserens, in eo obstinatè persistit. Cumque aliter veritatem probare non possent, singularis certaminis iudicio rem committunt, oblatoque Cæsari libello supplicii petunt, ut pro Regni Arragonici & Castellani more, utriusque petitioni subscribere, & locum, diemque certamini statuere dignetur. Cæsar eos ad Castellæ Conestabilem rejicit, quòd ad eum hujusmodi rerum spectet iudicium. Conestabilis omni ratione eos à pugna detertere conatus, cum nil proficeret, petitioni tandem consentit, diemque se sistendi in foro Valledoletano vigesimum nonum Decembris statuit. Præ-

para-

paratur in foro prædicto locus quinquaginta in longitudine, ac triginta sex in latitudine passuum, perticis acuminatis duplici ordine in terram defixis, ac trabalibus transversis munitionibus inter se conjunctis. Primæ interioris ordinis perticæ quinque pedibus terrâ extabant, exterioris ordinis sex, eratque inter hos ordines intervallum octodecim pedum, in cujus medio (longitudinem areæ æstimando) invicem oppositæ duæ erant è ligno erectæ scenæ. Silatitudine in areæ spectes, una ab ejus dextra, altera à sinistra parte posita conspiciebatur. In medio utriusque scenæ sublimis stabat sedes, aureo instrata panno, ac umbellâ aureâ protecta; scenæ sericis tapetibus superbe erant rectæ. Una enim Cæsari, altera Conestabili erat parata. Ab altera areæ parte minores scenæ modestius instructæ, paratæque propinquis ac affinibus eorum, qui erant congressuri, stabant. Ad latera minorum scenarum duæ erant erectæ tentoria, in quibus pugiles se erant armaturi. Areæ silices arenâ ac sabulo contra lapsum erant tecti. Hora diei undecima erat pro certamine constituta.

Primus omnium Cæsar adveniens suam ascendit scenam, dataque est ei virgula deaurata, quâ in terram projectâ pugna dirimeretur. Præcedebant advenientem Cæsarem Viri Nobiles, tum Legati ejus Castrenses. Latera cingebant corporis custodes; ponè sequebantur tubicines ac tympanistæ. Paulò post venit & Conestabilis, vir sexagenario major, sed corpore animoque vegetus, oris vultusque gravitate dignitatem, quam sustinebat, referens. Indutus erat togâ talari aureâ, infidebatque equo Hispanico, qui sumptuosissimè ex auro sericoque erat instratus: similique ratione exornati erant quadraginta Viri Nobiles, ejus equum pedibus præcedentes. Sequebantur Amanuen-

ses sex in equis, vestiti holoserico lutei coloris, equis quoque panno serico instratis. Præferebatur ei ut Regis Legato, gladius vagina conditus ob Regis præsentiam. Sequebatur Enliferum armiger, indutus veste, gentilitia ejus arma repræsentante.

Cum in aream Conestabilis venisset, ad Cæsaris scenam accedens, eum inclinato corpore salutat, tum scenam suam conscendit, ac in sede consideret. Pedestres equestresque Cæsarei corporis custodes aream circumdantes, intra perticarum ordines stabant, neminique præterea hic aditus patebat.

Tum prodit Torellius pugnae provocator, comitatus Legato Castrensi, aliisque Viris Illustribus. Indutus erat veste breviori, texta ex auro & serico, Martiumque pellibus suffulta. Præferebatur illi bipennis ex eo genere, quas Franci Hachas vocant, gladius Hispanicus lateralis, quo punctim uruntur, tabula referens gentilitia signa, ac vestis militaris. Cum hac tabula ac aliquot aliis, quæ pugnae leges continebant, ad Cæsare veniens, summo exhibito honore eum veneratur; idemque ad Conestabilem conversus faciens, tentorium suum ingreditur.

Tum prodit in aream Anca, ad certamen à Torellio provocatus, qui simili modo vestitus erat, comitatus, ut Provocator multis Viris Illustribus, Marchionibus, Ducibus, Comitibus &c. præferebaturque illi omnia, quæ Torellio. Exhibita Cæsari & Conestabili reverentia tentorium suum ingreditur. Appensa è utriusque tabula, cum gentilitiis insignibus, ac este militari ante Conestabilis scenam. Dehinc Conestabilis utrumque ad se vocat, ac manum præsentantes Sacerdotes, jubet impositis libro Evangelicorum & crucifixi digitis, jurare, quod in pugnam ascendant opinione defendendæ justæ causæ, neque

nullo dolimali, præstigiarum ac beneficii genere, sed corporis tantum ingenique viribus uti velint: Dei, Divi Georgii, Divæ Virginis Mariæ, ac instructorum suorum auxilio nixi.

Mox instructores utriusque pugilis arma in lignea arca ad Conestabilem deferunt. Inspicit ille tam ea, quibus erant dimicaturi, quam ea quæ corpora erant tectura. Deinde arma in statera collocantur, ad pondus eorum explorandum. Non enim minus quam 90. pondo simul pendere debebant, superare poterant. Reportatis ad tentoria armis, missi fuere viri nobiles, ut arma induentibus essent præsentēs, dolumque prohiberent. Tum facto tubis silentio Cæsaris Legatus Castrensis in singulis aræ angulis altâ voce edicit, ne quis pugnæ tempore sub pœna capitis tumultum excitet, aut pugnantes verbo, voce, sternutatione, sibilo, nutu, manu, aut alio corporis motu signoque juvet, aut terreat, animum addat, aut minuat, arma sumere, aut ponere faciat, præter eos qui ad hoc sunt destinati.

Exinde Provocator Torellius ferro ex omni parte tectus, suoque comitatus instructore in aream prodit, manu bipennem antiquam tenens, & appensum lateri sinistro gerens gladium. Rogat Conestabilis, quis esset, & qua de causa armatus intrasset; prodit nomen Torellius, causamque adventus. Conestabilis faciem ejus detegit, agnitumque admittit, reponit cassidem, ac ire jubet in alterum aræ angulum, ubi à tribus viris nobilibus medius recipitur. Tum Conestabilis ad oppositum vadit angulum, ac inter duodecim nobiles confidet; recipitque hinc eadem ratione, iisdemque ceremoniis provocatum Ancam, ac in altero angulo inter tres nobiles stare jubet, scenamque suam iterum ascendit, & confidet,

Cum paulò post tuba iterum sonuisset, pugiles cum instructoribus in genua procidunt, precibusque ad Deum fulis, posteaquam Instructores eos essent amplexi, & ad fortiter agendum animassent, vale dicto ad tentoria redeunt.

Audito tertio tubæ signo, progreditur Torellius provocator animosè, & ut è gressu apparebat, magno animi ardore. Contra prodit temperato gradu provocatus Anca. Cum invicem appropinquassent, tam valido ictu Torellius Ancæ caput ferit, ut eum paululum retrocedere cogeret. Sed statim Anca recepto animo par refert. Cumque aliquamdiu ingentibus ictibus se invicem egregiè contudissent, bipennibusque ruptis ad luctam ferè convolassent, Cæsar fortium juvenum corpora bello inutilia reddi ejusmodi nugis, uniusque concessa victoria, alterum per omnem vitam inglorium cum ignominia vivere nolens, cum utrumque satis pro honore fecisse judicaret, conjecta in aream deaurata virgula quam dirimit; convolantesque statim triginta Nobiles, areæ custodes, invitos, renitentesque pugiles in eos, unde in pugnam descenderant, areæ angulos reducant. Cumque de victoria ac honore inter eos orta esset controversia, Cæsar eam sua auctoritate diremit: utrumque honori satisfecisse, neutro victore pronuntiato, affirmans.

Exinde Conestabilis in aream descendit, ac deauratam virgulam summa cum reverentia è terra elevatam Cæsari restituit: qui mandat, ut pugiles invicem conciliet, inque veterem amicitiam reducat, atque suo nomine significet, se eâ de causâ pugnam diremisse, quòd uterque rem generosissimè gessisset. Habere se utrumque pro forti, honorato, ac nobili Viro. Proinde cupere se, ac jubere, ut abjecta omni inimiciâ, animique rancore, posthac amicè inter se vivant. Possè enim eos,

qui vires experiri volunt, pugnisque honorem quæ-
re, contra Turcas Christiani nominis hostes majori cum
honore certa que animæ salute id præstare.

Conatus est Conestabilis omni ratione mandatum
Cæsaris exequi; sed cum eos nullam admittere ratio-
nem, nec Cæsari hac in re obedire velle videret, utrum-
que arcem expelli jubet: magnâ constitutâ pœnâ, si post-
hac armis congredierentur. Tentatum est postea sæpius
à magnis Viris, ut in gratiam redirent, sed frustra. Ob
quam pertinaciam iratus Cæsar, utrumque in vin-
cula conjici jubet: mansereque vincti, donec datis
invicem dexteris, inimicitiam se deponere testati essent.
Sed eam reconciliationem ex animo non processisse,
docuit simulas, quæ ad alterius usque mortem per-
duravit.

ARTICULUS XVIII.

*Memorabilis Historia de prandio Angelicis
manibus apparato.*

Libet hîc divinæ liberalitatis factum memorabile
exponere, quod multis probatisque testibus, & ab iis
quibus accidit, juratâ fide, ex *Processu Canonizationis*
P. Bernardini Realini habetur; atque à Patre Lancicio
opuscul. spirit. 12. cap. 3. num. 35. narratur.

Vincam Collegii Aletini Soc. Jesu P. Realinus vir san-
ctus, cum Fratribus Laicis quatuor, Antonio, Petro,
Amaro, Ascanio Clerico, Augustino Glorioso subierat.
Cumque tempus appeteret prandii, & ad hoc necessa-
ria deficerent, P. Realinus, singulari, quo erga D. Virgi-
nem flagrabat affectu, oravit ab illa sibi suisque resecti-
onem suppeditari. Et verò exauditus est, prandio, tam
magnificis exquisitisque ciborum lautitiis instructo, ut
Regum epulas opulentissimè conditas exæquaret.
Etenim quinque formosi (quos è cælo Angelos crede-
res)

res) ad portam adstiterè juvenes, suis singuliferculis gravati. Assatura inferebatur ex genere duplex, hæduli selecti duo, & tres porcelli igne assi. Deinde columbæ aliquot delicato jusculo præparatæ. Dulciarii sub hæc panis tortæ geminæ, atque exdensato lacte, butyroque & saccharo confectæ placentæ; Regiæ etiam, ut vocant, pastæ frusta longè lapidissima. Quibus scitamenta alia, variè saccharo globuli, qui coriandri perquam odoriferum semen clauderant, adjuncti erant. Præter hæc allatus est panis triticeus candidissimus: tum verò tria genera vini delicati, nunquam eâ in urbe cogniti; postremò olla grandis pultis seu menestræ, ut appellant, lacti similis, & saporis plane divini. Talem apparatus hi cælestes ephebi quinque, singulis convivarum singuli ministri instruxêre. Quæ mensa, inter quas delicias corporis animique refecti, transacta fuerit, facilius erit cogitatu assequi, quàm verbis exprimere. Sive enim ministrantium vultus hospitem, sive ciborum apparatus, sive invitantium verba, sive manus porrigentium, sive illius, à quo hæc cælitus missa erant, Domini Matrisque liberalitatem spectes; nihil erat, quod mens posset humana satis capere, nihil quod suâ dignitate æstimare, aut Tulliana etiam eloquentiâ satis exponere.

Neque hic sterit inexhausta Superum liberalitas: luxerunt horæ aliquot, & dies ad vesperum evolutus tempus cœnæ advexit. Jam fortè parabant abitum, ut reversi domum cœnarent, quando cælestium Geniorum non nemo adstitit, ac persistere iussit, nec incœnatos Vineâ abire. Paruerunt, jam matutinis epulis inecati hospites. Igitur appetente mox horâ, quinque liq in habitu cultuque Angelici Juvenes apparuêre, qui præter panes cælesti manu coctos, tria diversi à superioribus vini genera apposuêre, pretio ac raritate

certantia. In ferculis lactuca fuit, cum malis citreis, atque uvæ botris, quæ saccharo in globulos formato erat respersa, limoniisque ac rotarum boraginumque foliis. Agnosceres plusquam humanis manibus instructum delictum. Tres deinde, nec modicæ aves, Phasianorum præferentes speciem, tamquam ab igne assæ proponebantur. Accessit tenerissimi saporis assa quoque ad ignem vitulina.

Atque hoc exemplo instructi mortales discimus, qualem cœlestes Architrilini Suis mensam, quamque basilicas epulas apparare norint, si illorum magis favore, quàm nostra subnixi industria, cum Apostolo & abundare noverimus & penuriam pati.

ARTICULUS XIX.

Utrum antiquitas familiae in plurium concursu præcedentiam tribuat?

Responsio est affirmativa, si cætera sint paria: per L. 6. §. 9. *Vers. sed & Anatolium, C. de Vet. jur. enucl. L. 3. C. de commerc. 2. Feud. 27. §. frusticus. V. si mules de pace tenend.* Solet enim Nobilitas à Nobilitato incipere & generari, in filiis pubescere, in nepotibus adolescere, in pronepotibus perfectam ætatem consequi. Unde etiam dici solet quod instar fluminis nobilitas quò longius procedit, eò magis augeatur. *Nolden. de statu Nobil. c. 10. §. 1.* (ita tamen ut consuetudo non excludatur, *Geil. observ. 1. observ. 21. fin.*) & ideo Arcades gloriabantur se esse sole & luna vetustiores. Hac ratione Rex Galliæ adversus reliquos Reges prætendit præcedentiam, eò quòd jam inde ab Anno Domini 409. jacta fuerint Regni Franco-Gallici fundamenta. Simili fundamento nituntur complures Scriptores, qui affirmant titulo antiquitatis Ducem Venetorum aliis Ducibus præferendum esse. Interim ridendi sunt,

qui

qui nimio antiquitatis studio abrepti, genealogias suas ex ipsa Arca Noëtica deducere conantur; cum tamen ipsis nulla solida fundamenta, sed tantum quædam inanes, & fabulis non abfimiles conjecturæ patrocinentur.

ARTICULUS XX.

Memorabiles Narrationes de notabili defectu hospitalitatis in quibusdam regionibus.

Justus Lipsius alique nonnulli Westphalicorum hospitiorum sordes describentes, non dubitarunt Westphaliam appellare provinciam, gregibus quam Regibus pascendis aptiorem, Scytharum eremiam, barbariam supra omnem barbariam barbaram. Ipsos autem Westphalos cognominarunt (non sine aliquâ charitatis Christianæ latione) Suillos, Scrofas, Porcos, Pultiphagos, homines semi-homines, & eorum hospitia, haras.

In diversoriis Italicis (inquit *David Frælichius in sua Historiographia Apodemica* num. 78.) peregrini Germani plerumque egestatem non sine tristi sensu & mirantur & oderunt: quos subinde jejunis squalentibusque epulis inter aviditatē & fastidium divisos, tum tricliniorum situs, tum culicum cimicumque omni genere infesta cubilia, acer demum, diversitor, & inclementis hospitii gravis merces multo cordolio & punctationibus divexare solent. Hæc ille.

Sed juvat audire quæ ille idem Author de tenuitate & incommoditate hospitiorum Hispanicorum commemorat. Qui de sterilitate Hispaniæ dubius est (libet ipsissima Authoris verba recitare) is utinam voti obligaretur eò proficiscendi, & hospitiorum degustandi delicias, si non aliud, saltem disceret ibi splendide esurire,

disceret ventri importunè obstrepenti aurem obturare, famem speciosè dissimulare, & à prandio deambulans mantili fauces mundando, calamoque dentes carnis non visæ pridem reliquiis exonerando, saturitatem sobriè mentiri. Longè alia ibi hospitiorum est facies, quàm in nostra Germania, quæ tamen à multis hoc nomine inhumaniter vapulat. Quanquam optandum sit alicubi in Germania diversoria esse plura, & interdum magis munda, & ad mores peregrinantium magis accommodata; quæ in te Galli omnibus aliis nationibus sine controversia præripiunt palmam. At in Hispania, ipsum regionis exsuccum & aridum solum cum incolarum inhospitalitate certat. In Gallia, velis nolis, pecuniam profundes, in Hispania si velis maximè, non poteris. Magnæ passim solitudines, magna passim armentorum, pabulorum, herbarum, lignorum & aliarum rerum necessarium inopia: ut viatores sæpe pro recto cælum, pro cibo famem, pro potu sitim inveniant; aut si bona fortuna offendant diversorium, sæpe numero in illo nec comedendi, nec dormiendi habeant copiam, & ita plerumque reperiant prandium, cœnamve dubiam, dubii incertique an jejunare cogantur; & tamen umbra cœnæ lective tanti constat, quanti in Germania magnificum epulum: ita ut terra, vel flumina in Hispaniis ideo aurifera nominari possint, non quia ferant, sed quia auferant aurum. Quælibet autem Hispanica Civitas unum saltem habet diversorium: in quod dum divertis, invenis arietis cornu parietan-nexum, ad quod jumentum tuum, si quod habes, alliges: deinde tibi dicitur, si aliud quid petas: *Vade ad forum*. Quod si roges, ut famulus aut famula tibi commoderetur, te operam remuneraturum: mox audies: *Vade tu ipse, opus habeo famulitio meo*. Neque est quòd avenam, paleas, aut fœnum petas: istis caret Hispania.

Hispania. Hordeum emere poteris in pabulum equi tui. Terram pro strato boni consules: pro lecto vel culcitra mattam à vicino forsan emendicabis pretio: tibi coquus, tibi famulus eris, vix oleum & acetum, prætereaque nihil habebis in hospitio. Et audite amplius, audite inauditam alibi inhospitalitatem & egestatem.

Cùm Fridericus II. Elector Palatinus cum aulico viginti tantum hominum comitatu ad Imperatorem Carolum V. proficisceretur in Hispaniam, etiam Cerveram (oppidum est) venit; ubi festo Corporis Christi quiescere constituerat, ut equi æstu nimio defatigati reficerentur: sed loci Magistratus illico Principem accessit, rogavitque ut maturè discederet cum suis, ne panis, vini & reliquarum rerum annonam longiori morâ redderet cariorem. Promoto itaque itinere venit Elector Gomorram, urbem non inelegantem; cumque edendi appetitum, diurni caloris vehementiâ corruptum, patrio aliquo & familiari cibo reparare cuperet, interrogat in hospitio, num venale reperiat butyrum: & annuente caupone, conversus Princeps ad dispensatorem, ait; vade & eme butyrum, quantum uni mulæ onerandæ sufficit, & ut quotidie ova fixa habeam, cura. Discedens Oeconomus & butyrum inquirens in foro, ducitur a nonnemine ad domum Pharmacopola seu Aromatarii, ubi poscit ducentas vel trecentas butyri libras; cui Pharmacopola admirabundus: *Atqui, inquit, tota Castilia non suppedicaret tantum butyri: in Estremaduram tibi foret eundum, ubi sunt boum armenta: in his terris nihil herbarum crescit: & nos alibi butyrum emimus, pro emplastris ad ulcera conficiendis: aliàs nobis nullus est butyri locus: & sinul attulit capellæ vesicam, axungia potius quam butyro plenam & ibi contineri omne suum butyrum asseruit. Quod cùm Oeconomus retulisset Principi, fuit id dein-*

ceps solutioris cachinni argumentum. Eadem verò hospitiorum difficultas toto itinere Principem comitabatur: qui cum Mareschallum suum præmisisset Granatam, illic de hospitio prospecturum; reversus ille narravit, non aliter hospitium obtineri posse (in quo tamen nec lectus nec stramen reperiendum esset) nisi ipse Imperator suam apud civem aliquem auctoritatem interponere. Et quia Imperator Electori extra urbem Granatensem honoris causâ obviam ire constituerat, ideo Elector in pagum Allabalath dimidio milliari ab urbe distantem, & ibidem in domum per metatorem Cæsareos ejus mansioni destinatam concessit. Sed ecce tibi sub tempus cœnæ Dominus domûs illius ex urbe Granatensi cum tribus famulis armatus & hastatus, Principem cum suis Germanis inde exturbaturus, advenit, vociferans, *ades ad se non ad Imperatorem pertinere*; neque ab homine importuno quidquam impetrari potuit, donec ipse Princeps Elector prodiiit, cujus augustam faciem ille intuitus, tandem conticuit & acquievit. *Hactenus Frælichius ex Thoma Lansio in orat. contr. Hispan.*

ARTICULUS XXI.

An, & quæ privilegia Augusti competant Augustæ?

Tametsi vinculum Matrimonii inter copulatos cuncta communia facere videatur, Majestatis tamen ea est natura, ut cum nullo communicari possit. Unde communicatio Majestatis plerumque in pactis nuptialibus excipi solet. Sic actum inter Mariam Angliæ, & Philippum II. Hispaniarum Regem: inter Sigismundum Imperatorem, & Mariam Hungariæ Reginam; ita ut non Reges illi, sed mariti Reginæ appellarentur. Ea scilicet imperandi est conditio, ut non aliter constet, quam

quàm si uni reddatur. *Tacitus lib. 1. Annalium.* Unde existimant Juris publici Professores, non Augustæ, sed soli Augusto jus nobilitandi competere. Licet enim Augustus eadem Augustæ privilegia tribuat quæ ipse habet, *l. Princeps. ff. de ll. & aliàs uxor mariti sui radiis coruscet, & ipsius immunitatibus ac prærogativis gaudeat. l. 8. de senator. l. 14. C. de dignit. N. 150. c. 2. l. fin. C. de nupt.* Licet item sicut Imperator Augustus, ita & Conjux ejus Venerabilis Augusta vocetur. *§. fin. l. de usucap.* Et Justinianus Imperator suam Conjugem Theodoram Reverendissimam appellet *in Nov. 8. c. 1.* Non est tamen per omnia idem jus Augusti & Augustæ, per *d. l. Princeps.* cum Augusta iis tantum gaudeat Imperialis Celsitudinis privilegiis, quæ nullum aut modicum parant præjudicium, & mulieri conveniunt. Hinc Augustæ non possunt legem condere, imò ne quidem legibus solutæ sunt. Et plerique sentiunt, in Augustam Crimen Laesæ Majestatis minimè committi. Videatur Arumæus *de Jure Publ. tit. 4.*

ARTICULUS XXII.

Memorabilis Historia de insidiis Doctori cuidam ex invidia structis, & feliciter demum detectis.

Bassiano Lando Placentino Medico excellentissimo, Theoricam Medicinam in Academia Pataviensi proficenti, cum multi inviderent, inventi sunt etiam inter eos quidam nefarii homines, qui vitæ illius insidiarentur. Urnulam pulvere incendiario illi Anno 1561. replevere, eamque sub Cathedra, è qua Bassianus singulis diebus declamare solebat, clam reposuere, fune longo, qui extra Auditorium per occultas quasdam rimas protendebatur, urnulæ adaptato, eo consilio, ut fune extra auditorium accenso, ignis sensim properens,

repens, pulverem in urna contentum accenderet, & Bassianum cum summo Auditorum suorum, atque Collegæ sui Junii Pauli Crassi, qui eadem hora in superioris contignationis aula profitebatur, periculo, è medio tolleret. Et sanè voto suo potiti fuisset, nisi Bassianus, non emuncta tantùm naribus, sed exquisiti etiam odoratus homo, cùm Cathedram conscenderet, fumosum quendam halitum persensisset. Eum primò ex vicinis ædibus emergere suspicatus, cùm nihil remitteret, famulo imperat, ut quid hoc rei esset, investigaret. Repertur igitur funis accensus, cujus ductum secuti indagatores, urnulam sub Cathedra positam vident, quæ nisi detecta fuisset, post sextantem horæ accenso, vitam Bassiani extinxisset. Ille atrocitate periculi permotus Venerias proficiscitur, deque insidiis sibi structis apud Senatum conqueritur; qui hominem bono animo esse jubet, & ut ad professionem suam revertatur, obsecrat, simulque indici duo millia librarum, & unius exulis revocandi potestatem decernit. Nec tamen, quamvis amplissimis propositis præmiis, Author indagari potuit.

Ex Academia Peregrinantium Frælichii.

ARTICULUS XXIII.

Memorable somnium Gunthrami Regis Francorum.

Gunthramus Rex Francorum, cùm aliquando ventioni intentus per nemus vagaretur, à suis avulsus uno tantùm Comite, cujus fidem præ reliquis perspectam habebat, ad aquæ gelidæ rivulum delatus est. Ubi cùm sopor gravis eum opprimeret, reclinato in servi sinum capite, obdormivit. Quo tempore famulus rem admirandum observavit. Ex dormientis siquidem ore bestiolam vidit prorepere, & rectà ad rivulum tendere; quem cùm transire non posset, famulus evagina-

tum

tum gladium rivo imposuit, per quem cùm bestiola rivum facillè transiisset, in foramen proximi montis irrep-
psit, & post horam inde regrediens, eâdem viâ in os Re-
gis reversa est. Experrectus deinde Rex famulo narra-
vit quòd sibi per somnium visus esset ad ripam fluminis
deserri, perque ferreum pontem transire, atq; inde ad
montem pervenire, in quo grande auri pondus lateret.
Quòd cùm servo suo exposuisset Rex, & vicissim ab illo
intellexisset, quid dormienti Regi acciderit, ambo ad
montem illum accesserunt, ibique defossam ingentem
auri vim invenerunt. Ita testatur Sigebertus in Chro-
nico Anno 585.

ARTICULUS XXIV.

De multiplici Conjugio duorum conjugum.

D. Hieronymus Epist. II. scribit se vidisse duos con-
juges; virum quidem, qui viginti sepe vivisset uxores:
feminam verò, quæ viginti duobus viris superstes fuis-
set; & hos matrimonium denique secum inivisse; ex-
pectantibus verò hominibus avidissimè, quis horum
priùs moreretur, mortuâ esse primò feminam, & mari-
tum à populo totius urbis coronatum esse, palmamque
ferentem manu, ante feretrum & universum populum
incessisse laureatum, dum uxorem terræ commendaret.

ARTICULUS XXV.

Sponsus à Sponsa deceptus.

Minimè fabulosum est, quod à viro fide dignissimo,
qui diu Madriti in Hispania habitaverat, accepisse se
testatur *Auctor Joco-seriorum Natura & Artis Cén-
tur.* I. Erat Madriti quidam Doctor Juris famosissi-
mus, ætatis florentis, & opulentus. Is uxorem quærebat
nobilitate ac forma præcellentem, tamen si pauperem.
Hanc quia Madriti non inveniebat, nec in Castella utra-
que, aliisque vicinis Regnis ac Provinciis; misit in Lu-
sitaniâ,

sitaniam, qui inde inventam qualem petebat, adduceret. Adducta fuit comptissima, & juvencula in specie, exceptaque à Sponso cum copiosa nobilitate, & virorum honestorum manipulo, obviam sponsæ eunte; celebratum convivium; itum ad thalami locum. Hic sponsa cum ornatu reliquo deposuit & crines, & dentes, apparuitque calva & edentula. Quod adeo pupugit sponsum, ut præ mærore paucos intra dies extinctus fuerit. Ite nunc, & fidite formæ fallaci.

ARTICULUS XXVI.

Qua industria possit deprehendi, an mulier aliqua sit fucata.

Si quis cognoscere cupiat, num facies mulieris sit Mangonizata, seu fucata (inquit *Portalib. II. Magia natural. cap. 30.*) id assequetur, si crocum dentibus commanducet, & os propius ad faciem mulieris inter loquendum admoveat; tunc enim flatus seu halitus, qui ex ore prodit, deturpabit faciem, eamque subcroceam reddet; si autem mulier fucata non fuerit, nullam in facie mutationem subibit.

Idem Auctor loco citato ait, si sulphur in conclavi, in quo mulier commoratur, combustum fuerit, fore ut ipsa reddatur fusca & subnigra.

Licebit quoque cerussatam mulieris faciem dignoscere, si cumini grana commanduces, & alii nucleolum demordeas, propiusq; mulierem alloquaris; si enim nativus est color, permanebit: si cerussatus, statim obsolescet.

ARTICULUS XXVII.

Quomodo effici possit, ut quis manus lavans ac tergens, tantò magis eas denigret, quantò magis terferit.

Si ad convivii initium hospiti benè noto ac familiati,
aut

aut parasito jocum facere, reliquis risum movere cupis, hoc utere ludicro. Chalcantum seu vitriolum dissolve in aqua, quâ manus lavandæ sunt ad mensæ initium: mantili verò, quò detergendæ sunt insperge gal-
 las in pulverem comminutas, & fursure mistas. Cui jocus facturus es, præbe ad lavandas manus prædictam aquam, & ad tergendas mantile. Quæ quo magis absterisæ fuerint, eò apparebunt nigriores, non sine tergentis admiratione & indignatione, astantiumque risu.
Ita Auctor præced. art. citat.

Hoc idem ludicrum præscribit Porta lib. 14. *Magia natural. cap. 13.* ad arcendos à Mensis Magnatum parasitos; jubet enim chalcantum & gallæ pilas conteri, arctiori cribro excerni, quò faciliùs tenuissimus pulvis excidat; inspergi eo pulvere mantile, ac deinde agitari, seu leniter ventilari, quò faciliùs quod hæsit, excidat; ac demum manibus teri, & fricari, usq; dum optimè putetur adhæsisse; deterfo demum atque excusso, quod non infedit, cum cœnipeta seu parasitus manus jam madesactas habet, mantile, quo se abstergat, ei projice. Quod ubi aquam senserit, manus nigerrimo inficiet colore, qui ægrè, multis etiam lotionibus, elui poterit.

ARTICULUS XXVIII.

Mira natura, defectum oculorum in cæcis aliunde compensantis, providentia.

Refert Kenelmus Digbæus in *Tract. de natura corporum cap. 28. num. 7.* se cæcum quendam filiorum suorum pædagogum domi aluisse, in quo mira solertis naturæ providentia, unius sensûs defectum alterius sagacitate compensantis, eluxerit. Erat ille oculis adeò captus, ut ne solis quidem claritate moveretur; humor quippe crystallinus in utroque oculo deperierat; perfectè nihilominus à reliquis sensibus erat instructus circa

ea , quæ cum oculorum officio connexionem habent. Chartis pictis & latrunculis tam peritè ludebat , ut à paucis vinceretur . Illud ludi genus , in quo rotunda metalli laminæ supra mensam propelluntur , aut in quo ferienda vel attingenda meta proponitur , perfectè callebat : tamen si eorum peritia in aliis hominibus vividam oculorum aciem , exactamque manus librationem requirat. De Hospitis jam primùm adventantis statura , totiusque corporis habitu , post primùm cum eo colloquium , sine errore judicabat. Cùm discipulos suos domesticos audiret declamantes , ac dirigeret , gestum eorum situmque corporum ex voce dignoscebat : adeò ut ubi loqui cœpissent , protinus adverteret , starentne , an sederent , aut aliam corporis positionem haberent. Luminis insuper præsentiam & absentiā admirabili modo persentiscebatur ; toto enim corpore , præsertim in cerebro , mutationem quandam experiebatur ad luminis præsentiam . Inde solis ortum & occasum internoscebat , & nubilum à sereno die discernebat.

Huic recenti exemplo alia vetera adjungo. Diodorus Stoeicus cæcus , Philosophiam , Musicam & Geometriam didicit. Dydimus Alexandrinus cæcus , Dialecticam cum Geometria & didicit , & docuit , & Commentaria in Psalmos scripta reliquit. Juvenis arcularius Ingolstadiensis cæcus , duo minutiora molendina piperi molendo idonea , cum scalis , arca , rotis , radiis , dentibus , axibus , omnibus denique rebus necessariis exsculpsit. Joannes Ferdinandus cæcus , evasit Poëta , Philosophus & Musicus insignis. Nicæus de Werdæ cæcus , Magisterii Philosophici Gradum , Theologiæ Licentiam , Juris utriusque Doctoratum obtinuit , & Colonix publicè docuit. Alius quidam cæcus statuas effinxit , tactos à se vultus ad vivum referentes.

ARTICULUS XXIX.

Lucrum prudentis responsi.

Ludovicus II. Galliae Rex, aliquando dissimulata persona culinam intravit, in qua puerum assaturam veru ad ignem vertentem conspicatus, interrogavit, ecquidnam hoc suo labore lucraretur? Tantundem, inquit puer, inde lucri reperto; quantum ipse Rex. Cui Ludovicus: quid ergo Rex lucratur? Respondit puer: nil nisi victum & amictum; hunc Rex à Deo: ego vero à Rege, dum ei servio, accipio. Hac pueri prudenti responsione delectatus Rex, ad altiora eum evexit.

ARTICULUS XXX.

Pro Pomo accepta Corona.

Theophilus Imperator Constantinopolitanus ducturus uxorem, duodecim selectissimas virgines in Regiam ex diversis Imperii regionibus adduci curavit: quas inter & Theodora fuit, ceteris nec genere nec opibus, virtute tamen & venustate superior. In palatium adductæ, omnibus nuptialibus se vestibus splendidissime exornarunt, sola Theodora quotidiano cultu contenta adfuit: derisa ab aliis, quod tantæ rei spem esset aula concipere. Illa dissimulat omnia, cumq; aliæ oculos in Imperatoris Procerumque conspectu curiosè circumferrent, illa suos solo verecundè defixos tenebat. Singulis domum abeuntibus pomum donat Imperator, quod reliquæ in hospitia ferveris comederunt: sola Theodora pomum ab Imperatore acceptum, tanquam pignus amoris sollicitè custodivit. Revocatæ altero die, cum à proco Imperatore juvene pomum reposceretur, omnes vacuas intulêre manus præter Theodoram, quæ sola eodîe in nuptiali habitu, quem reliquæ deposuerant, con-

spicua, è sinu virginali duo protulit poma; & ex
inquit, *Domine, reddo quod mihi donasti pomum, illicque
adjungo alterum, quod in stabilis amicitia, & fidei con-
jugalis pignus offero.* Imperator Theodoram sua-
vissimè complexus, illicò ei dedit annulum pronu-
bum, coronamque capiti imposuit, subsequente nu-
ptiali apparatu. *Crusius ad Heliodori Æthiopico
cant. 7. vers. 13.*

ARTICULUS XXXI.

Convivium Alphabeticum.

Geta Imperator per literarum notas eduliorum
classes digerebat. Suspensam quippe non procul à
triclinio Alphabeticam habebat tabulam, quam li-
teris prægrandibus ordine dispositis inscripserat, eo
pacto, & convento cum servis, ut, cum virgula qua-
dam argentea literarum aliquam designasset, statim
cibi, quorum nomen ab ea litera initium duceret,
inferrentur. Atque adedò si quintam decimam li-
teram fortassis designasset, ecce tibi pruna, pisa, pasti-
nacas, palumbes, porcellos, pernas &c. Abecedarii
servi inferebant: unâ sæpe literâ magnam facientes
periodum epularem; ut nescio quis dixerit, sine ea
literatura nihil sapere sapientiam, & pro una Cæsaris
litera dare se Varronis Grammaticam universam.

ARTICULUS XXXII.

De barba, non arte, sed naturâ viridi.

Varios capillorum, barbarumque colores vide-
mus quotidie, præsertim in Regionibus Septentrio-
nalibus, ubi major varietas ob climatis temperiem,
quàm in calidis. Virides tamen capillos, non arte,
sed natura pictos, vix credo esse qui viderit. Ego
verò novi Romæ (verba sunt Auctoris Joco-serio-
rum Naturæ & Artis. *Centur. 1.*) & quotidie ferè al-
locu-

locutus sum Senem Germanum, cujus barba primo quidem anno, quo illuc appuli, virescere incipiebat, sequenti verò ac tertio adeò notabiliter in eundem degenerabat colorem, ut tandem planè ferè viridis evaderet.

ARTICULUS XXXIII.

Placere omnibus nemo potest.

Senex quidam, ejusque filius ætate minùs firmus asinum ad proximam urbem agebant. Quibus obvians non nemo: Nonne fatui, inquiebat, estis, quòd hoc animal robustum sine onere sequamini, cum tamen decrepita unius senectus, alteriusque tennella ætas, vectura indigeret. Ad hæc parens filium asino imposuit, & ipse pedes secutus est. Vix lapidis jactu progressis obviat alius, qui ad filium conversus: ô petulcum nebulonem! inquit, tu asino fortis infides, & parens vix spiritum trahens, per viarum lubrica incedit. Has audiens calumnias filius, parenti asinum cessit, qui illum conscendit, filio pedestri itinere subsequente. Mox alius occursum dicebat: prò barbarum & immitericordem in filium parentem! Tu ætate provectus, asino veheris, & filius tuus teneræ ætatis flosculus, vacillante pede insequitur? Quid hic faceret parens, ubi omni studio adhibito culpabiliter tamen ageret. Supererat itaque ut ambo simul asino infiderent; quo factò repente novas incurrerunt increpationes. Vili certè pretio, inquiebant obviantes, hunc asinum pendas necesse est, quòd tanto oneri ferendo imparem graves: non est quòd mireris, si ex animis concidat. His auditis, Parens ad filium conversus: Si nec me solum, inquit, nec te solum, nec ambo nos ab asino portari convenit, quid superest, nisi ut nos asinum portemus? Ita-

que palo alligatum suspensumque asinum super humeros suos, servato æquilibrio, portarunt. Hac scena exhibita, omnes obvii in risum, effusissimum proruperunt. Delusis hoc modo nullum amplius suppetebat consilium: quare indignati, quod nemini satisfacerent, asinum è proximo monte præcipitem egerunt.

Quod Agasionibus illis, id mihi quoque, cæterisque librorum scriptoribus accidit. Satispati ab omnibus possumus: satisfacere omnibus non possumus. Verissimè enim dixit Clemens Alexandrinus lib. 1. Stromat. *Nullam scripturam ita fortunatam prodire, cui nullus omnino contradicat.* Suspendo itaque calamum meum, atque interim Aristarchis illis velut scutum quoddam tutelare oppono dictum illud Sæduli in epistola ad Macedonium: *Proferant sua, qui carpere nituntur aliena. Promptius est judicare, quàm facere.*



INDEX RERUM

PRÆCIPUARUM.

A.

ABSINTHIUM.

Mira virtus absynthii contra frigus & æstum.
pag. 126.

ACETUM.

Acetum microscopio inspectum exhibet vermes
serpentiformes. pag. 149.

ACETUM SCYLLITICUM.

Admiranda vis hujus aceti ad sanitatem conservan-
dam, vitamque prolongandam. pag. 507.

ACHATES.

De quodam Achate, cui nomen Christi non alio
quàm naturæ stylo inscriptum. pag. 103.

ACCIPITER.

Natura & proprietates accipitris. pag. 205. Accipi-
tres in Norwægia celerrimè ad prædam involant,
eò quòd tantùm tres lucis sive diei horas habeant,
quibus volare & prædari possint; ita ut brevis
diei sit causa festinationis. p. 805.

ADAM.

Adam, secundùm Catharinum nec plures habuit co-
stas ante productionem Eyæ, nec plures postea;
quia, inquit, Deus illi unam abstulit; & alte-
ram restituit: At juxta D. Thomam, habuit
unam costam ampliùs quàm cæteri homines, &

Mmm;

ex

INDEX.

ex illa producta est Eva. pag. 53. Adam productus est extra Paradisum. pag. 54.

ADAMAS.

De adamante multa falsò tradita, & credita, pag. 813.

ADULTERIUM.

Memorabilis historia de adulterio uxoris à marito vindicato. pag. 458. Adulterii consuetudo in Augusto Cæsare per Athenodorum Philosophum correctà. p. 442.

ÆDIFICIUM.

Ædificiorum fundamentum humana corpora, pag. 884.

AER.

Utrum aër ponderari possit? 77. Tres aëris regiones, earumque profunditas. pag. 78. Mirifica in aëre spectacula. pag. 80.

ÆS.

Modus æs dealbandi. p. 115. Modus æs à putrefactione præservandi. 116.

AFRICA ET ASIA.

Dividuntur in partes suas. p. 320. & 321.

AGRICULTURA.

Variæ regulæ ad agriculturam spectantes. p. 242. & seqq.

ALCE.

Ungula alcis medetur morbo comitali. p. 220.

ALEMBICUS.

De quodam artificioso alembico. p. 845.

ALLIUM.

Allium habet sympathiam cum luna. p. 65. Allium assis & raucedinis præsentaneum remedium. pag. 133. Modus efficiendi, ut allium tetro odore careat. p. 255.

A ME-

INDEX.

AMERICA.

A quibus inventa sit. 324. De translatione posterorum Noë in Americam. 336.

AMOR CONJUGALIS.

Memorabilia de eo exempla. pag. 444. & seqq.

ANGUILLA.

Anguillarum natura describitur. pag. 195.

ANNOA.

Varia praxes & cautele in annoa caritate observandæ. pag. 593. & seqq.

ANSER.

Anser amator Philosophi. pag. 206. Ex anseri medicina apostematum. pag. 207.

ANTICHRISTUS.

Quidam imperitè Neronem, alii ridiculè Papam ajunt esse Antichristum. p. 791. & 792. Antichristus non veniet, nisi postquam Romanum Imperium à decem Regibus omnino eversum fuerit. p. 792. Antichristus abrogabit sacrificium Misa. ibid. Antichristus tantum regnabit dies mille ducentos nonaginta. ibid. Antichristus non regnabit Romæ (Hæc enim ante Antichristum evertetur & concremabitur à decem Regibus) sed Hierosolymis. p. 793. Antichristus erit Judæus, ex Tribu Dan oriundus. ibid. Diabolus humores Antichristi in utero matris ejus sic attemperabit, ut ipsius complexio fiat propensissima ad omne genus vitiorum. pag. 795. Antichristo tradet Diabolus omnem pecuniam, quæ in mari, & terræ visceribus delitescit. p. 796. Antichristum decem Reges præcedent, quorum ille tres prælio vincet & occidet; cæteri verò se ei sponte subicient. p. 798. Aliqui putant Antichristum in exercitu suo habiturum ducentos

INDEX.

milliones equitum. p. 803. Exercitus Antichristi
stigne de cœlo delapso totus assabitur & concre-
mabitur. p. 808.

APER.

Exotici apri in montibus Indiæ. p. 217.

AQUA.

Aquæ elementares sunt super firmamentum. p. 43.

An aqua sit altior terra. pag. 87. Miræ pro-
prietates quarundam aquarum. p. 88. Ingentes
aquarum inundationes. pag. 89.

AQUA VITÆ.

Aqua nobile medicamentum. pag. 149. seq.

AQUILA.

Notabiles aquilæ proprietates. p. 204. seq.

ARANEUS.

Inusitata quorundam araneorum magnitudo atque
textura. p. 176. Araneus bufonis victor, & homi-
nis liberator. pag. 820.

ARBOR.

Duæ arbores, quarum altera mellis, altera farinæ
ferax. pag. 155. Arbor ferrea. ibid. Arbor la-
pidescens. ibid. Arbor lanigera. 156. Arbor
metallorum attractiva. ibid. Arbores miræ fœ-
cunditatis. ibid. Arbor miræ magnitudinis. 157.
Duæ arbores, quarum altera à sole, altera ab ho-
mine tacta marcescit. 158. Arbor venenum
simul & veneni antidotum in se continens. ibid.
Arbores vi sensitiva & motu progressivo prædi-
tæ. 159. Mira arbor, quæ sola res plurimas ho-
mini necessarias profert. ibid. Mira vis propa-
gatrix cujusdam arboris. 160. Arbor unicum,
sed valde magnum proferens fructum. 162. Ar-
bor solarium radiorum impatiens. ibid. Arbor
Chymica ad oculum sensibilibiter crescens. 165.
Arbo-

I N D E X.

Arbores quædam exoticæ. 165. Præxes in plantandis & transplantandis arboribus observandæ. 257. & seqq. De arcenda ab arboribus pruina & rubigine. 260. Modus promovendi arborum crescentiam & fecunditatem. 261. Medicina arboris ægrotantis. ibid. Variæ medicinæ arborum morbidarum. pag. 262. & seqq. Variæ artes hortenses, varias arbores, arboreosque fructus concernentes. 265. & seqq. Laudabilis consuetudo, ut à novo subdito nova arbor plantetur. 819.

ARCHITECTUS.

Variæ regulæ ab Architecto in construendis ædificiis considerandæ. 284. & seqq.

ARGENTUM VIVUM.

Natura argenti vivi describitur. III.

ARIES.

Arietes probè caudati. 221.

ARTERIA.

Quot pulsus seu micationes arteriæ unius horæ spatio in homine peragantur ? 233.

ARUNDO.

Sympathia inter arundinem & asparagos. 150.

ASINUS.

Mirus in eo aquæ horror. 219. Stupendus asini somnus. ibid.

ASTRA.

Omnia astra ex natura sua sunt lucida exceptâ lunâ, quæ suapte natura non est lucida, sed illuminatur à sole. 63. Astrorum magnitudo. 74.

ATRIUM.

De quodam memorabili Atrio. 847.

Mmm 5

AU-

I N D E X.

AUCUPIUM.

Ad quos pertineat hodie jus aucupii. 199. Varia monita ad aucupium spectantia. 200. & seqq.

AUGUSTUS ET AUGUSTA.

An, & quæ privilegia Augusti competant Augustæ. p. 906.

AVIS.

Avicula corpore minima, sed cantu suavissima. p. 208. Avicula, quæ ad ignem seipsam cum veru vertit. ibid. Virtutes & vitia in avibus symbolicè representata. 213. Quomodo possis asfuefacere avem, ut quoties avolaverit, ad te redeat. 883.

AURIS.

Cur hominibus facinorosis aures abscindantur. pag. 831.

AURUM.

Natura auri describitur. 110.

B.

BALSAMUM.

Natura balsami declaratur. pag. 146.

BARBA.

Barba non arte, sed natura viridis. 914.

BARBO.

Ova barbonis piscis mense Majo venenata. 196.

BARO.

Barones, qui insuper etiam sunt Comites, in sessione Comites simplices præcedunt. 576.

BEHEMOTH.

Per Behemoth *Job.* 40. aliqui Diabolum, alii Elephantem intelligunt. 39.

BEL-

I N D E X.

BELLARIA.

Bellariorum usus sanitati non congruit. 301.

BELLUM.

Bella prudenter & laudabiliter impedita, paxque procurata. pag. 647. 658. 661. 662. 663. 671. 673.
Prudentia & solertia singularis in bello gerendo, variis exemplis declarata. pag. 648. 658. 664.
Variæ regulæ de bello feliciter gerendo. 747. & seqq. usque ad pag. 738. Bellum in hostico gerendam. 777. Cædes Ducis, qui belli injusti auctor fuit, 780.

BESTIA.

Omnis bestia, quæ venenum in aliqua tantum sui corporis parte habet, continet in se balsamum, quod sit veneni antidotum. 515.

BOMBARDA.

De ejus inventore primo. p. 846.

BOS.

Corruptio bovis est generatio apum. 183.

BUCOLICA.

Variæ, eæque non injucundæ considerationes bucolicæ de ovibus, capris, suis, bobus, vaccis, asinis, equis, canibus, gallinis, anseribus, piscibus & piscinis. pag. 274. & seqq.

BUFO.

Bufo manantem e corpore sanguinem sistit. 821.

BUXUS.

Oleum buxi doloris dentium sanativum. 162.

C.

CÆCUS.

Insignis astutia cujusdam cæci. 887. sub finem.

CÆLUM.

Cæli (iam Emphyrei) magnitudo. 56. & 57.

CA-

I N D E X.

CAMELUS.

Camelus animal valde vindicativum. p. 218.

CAMPHORA.

Camphora Veneri & genituræ inimica. 121. Plura de ejus natura. 122.

CANIS.

Canis alicubi Rex. p. 223. Historia de cane vetulæ parcente. ibid. Canis Domini sui monitor. ibid. An effici possit, ut canis herum suum non deserat? 224. Quomodo efficiendum, ut canes celeriter sese accommodent venationi. ibid. Quomodo cavendum, ne canis rabie corripatur. 225. Canis à carne canina abstinens. ibid. Canes furum investigatores. ibid. Mira canum docilitas ac solertia. ibid. Canes officio militum fungentes. 823. Mira canis erga captivum hominem beneficentia. 824.

CAPRA.

Memorabiles captarum proprietates. 824.

CARCER.

Liberatio è carcere memorabili industriâ procurata. pag. 893.

CARDINALIS.

Cardinales esse non possunt, qui filium utriusque sexus, etiam ex legitimo matrimonio, vel ex eo nepotem habent. p. 529. Eodem tempore duo fratres Germani non possunt esse Cardinales. ibid. Cardinales non possunt esse plures quàm 70. pag. 531. Reges toti Cardinalium Collegio locum cedunt. ibid. Cardinales obviantes ei, qui ad supplicium ducitur, possunt illum veste, aut pileo tegendo liberare. pag. 534.

CARDUUS BENEDICTUS.

Ejus vis medica ad curandas Febres. p. 126.

I N D E X.

CASEUS.

Caseus ex lacte hirci confectus. 824.

CASTOR.

Mira Castorum solertia & industria. 166.

CATTUS.

Cattorum oculi ad mutationem lunæ mutabiles.
pag. 66.

CEDRUS.

Natura & proprietates Cedri. 161.

CEREBRUM.

An cerebrum hominis ad generationem seminis concurrat? 228. Ex quibus signis cognoscatur temperamentum cerebri. 239.

CERVUS.

Fel cervi in ejus cauda reperitur. 221.

CHALYBS.

Modus indurandi & emolliendi chalybem. 115.

CHARACTER.

Quomodo efficiendum, ut characteres in charta primum scripti, deinde combusti, in manu scribe-
tis appareant. 851.

CICONIA.

Notabilia quædam de ciconia. 210.

CICUTA.

Cicuta, herba petroselino similis comedentem fa-
cir amentem. 135.

CINNAMOMUM.

De natura & proprietatibus cinnamomi. pag. 146.

CIVITAS.

Ne sit nimis magna. 679. De bono situ civitatis. 678.

Memorabilia de variis civitatibus. 851. & seqq.

CLASSIS.

De quadam classe non minùs miserabili, quàm for-
midabili. 891. & seqq.

CO-

I N D E X.

COMES IMPERII.

Ille propriè Comes Imperii dicitur, qui Comitatus cum sublimi Territorii jure ab Imperatore, vel alio superiorem non recognoscente, in feudum vel allodium accepit, vel certè tempore immemoriali, illud jus acquisivit. 575.

COMETA.

De variis cometis, & funestis eventibus, qui eos secuti sunt. 91. & seqq.

COMITATUS.

Quis censeatur optimus Comitatus. 337.

CONJUGES ET CONJUGIUM.

Varia monita ad conjuges pertinentia. 434. & seqq.
Dispar conjugium inter Regem & filiam Lictoris. 439. Duorum conjugum multiplex conjugium. 909.

CONVIVIUM.

Convivium Alphabeticum. 914.

CORALLIUM.

Corallium in viro rubescens, in muliere pallefcens. 122. Modus faciendi corallium fictitium. 123. Modus corallium liquefaciendi. ibid.

CORONA.

De duabus pretiosissimis coronis, altera Imperiali Rudolphi II. altera Regia, Regis Gallia. p. 843.

CORPUS.

Principia corporis Physici tam secundum Peripateticos, quàm secundum Chymicos. 295. Quidquid ex corpore aliquo naturam alienam extrudit, idem quoque ex corpore humano naturam alienam expellit. 514.

CROCUS.

us natura & proprietates. 134.

I N D E X.

CUCURBITA.

Succus ejus defendit equos contra muscas & culices. pag. 817.

CULEX.

Mirum in culice naturæ opificium. 176. Omnes cives cujusdam urbis à culicibus fugati. 177.

CUPRUM.

Natura cupri describitur. 116.

CURIOSITAS.

Curiositatem esse vitandam probatur nonnullis historiis. p. 369. & seqq.

CURRUS.

De quodam memorabili curru. 843.

D.

DIABOLUS.

Diabolus uxorem ducens, & in uxorem ductus. p. 386. & seq. De Diabolo pacis osore & bellorum incentore memorabilis historia. 744.

DIES.

Exotica dierum longitudo. 65.

DELPHINUS.

Inusitata Delphini perspicacia & celeritas. p. 192.

DOCILITAS.

Mira docilitas & solertia cornicis, corvi, sciuri, gruis, columbæ & galandræ. 172.

DOLUS.

Memorabiles historiæ de variis, iisque callidis dolositatibus. 389. & seqq.

DOMUS.

Domus ex sale constructæ. 847.

DRACO.

Duo dracones viatoribus exitiales. 79.

DUCATUS.

Quis censeatur optimus Ducatus. 337.

D U -

I N D E X.

D U E L L U M.

Duellum celebre & memorabile ex lusu aleæ ortum.
pag. 894. & seqq.

E.

ECLIPSIS.

Variae eclipses solis & lunæ cum subsequis calamitatibus. 67. & seqq.

ELEPHAS.

Elephas cunas movens, & infantis sibi commissi curam gerens. 167. Quædam in elephante intelligentiæ imitamenta. 214.

EPISTOLA.

Varii modi epistolas belli pacisque temporibus occultè transmittendi. 652. & seqq. Periculum ab epistolis hostium imminens memorabili calliditate depulsum. 670.

EQUUS.

Equorum mira docilitas & solertia. p. 169. Equus stultè amatus & honoratus. 215. Modus efficiendi, ut equi acquirant caput parvum & jubam pulchram. 216. Varii modi iter equo celeriter conficiendi. 217.

ERYNGIUM.

Est herba, quæ integrum caprarum gregem sustit.
pag. 136.

ETHICA.

Totius Christianæ Ethicæ brevis synopsis, variis pronuntiatis comprehensa. p. 415. & seqq.

EVA.

Ad productionem Evæ non suffecit utra costâ Adam cum adjuncta carne, sed fuit alia insuper nova materia necessaria, quæ vel de novo est creata, ut docet D. Thomas, vel sumpta ex aëre circumstante,

INDEX.

stante , ut alii censent. 55. Eva producta est in
Paradiso. ibid.

EUROPA.

Europæ in partes suas divisio. 319. Olim Asia fuit,
nunc Europa est pars orbis præstantissima. 325.

EXERCITIUM.

Varia Regula de exercitio corporis. p. 482. & seq.

EXERCITUS.

Prudenti consilio cladi subductus. 651. De anno-
na aliisque necessariis ipsi prudenter prospere-
tum. 667.

EXTERI.

Exteriorum dominatum raro esse gratum , probatur
historiis. 732.

F.

FACETIÆ.

Commemorantur varia faceræ , joci , salès &c.
pag. 862. & sequent. usque ad pag. 874.

FACTA MEMORABILIA.

Factum memorabile Sigismundi Cæsaris. pag. 614.
Pulcheriæ. 615. Rudolphi I. Cæsaris. ibid. Ge-
deonis Cracoviensis Episcopi. 617. Cujusdam
Dispensatoris Regii. 618. Laurentii Medicæi.
619. Mecænatis. ibid. Cujusdam Reginae Æ-
gypti. 620. Motionum quorundam. ibid. &
seq. Canuti Regis Angliæ. 622. Hugonis Mar-
chionis Brandeburgici. 623. Augusti Cæsaris.
625. Erici Danorum , & Agesilai Spartanorum
Regis. 627. 628. Philippi II. Regis Hispan. 631. 634.
637. Ludovici XI. Galliæ Regis. pag. 631. Ale-
xandri Regis Hierosolym. 633. Hulderici Ducis
Wirtenbergici. 637. Henrici Regis Castellæ. 638.

Nnn

Han-

I N D E X.

Hannibalis. 655. Hollandorum. 659. Ducis Mur-
tinæ. 668. Friderici Comitis Palatini. 669. Fri-
derici Saxonix Ducis. 670. Sanctii Regis Na-
varræ. p. 774. Judicis cujusdam. pag. 889. &
alius. ibid.

FALCO.

Natura & proprietates falconis. 205.

FAMES.

Unde & quomodo oriatur fames? 234.

FAMILIA.

Utrum familiæ antiquitas in plurium concursu præ-
cedentiam tribuat. 908.

FERRUM.

Ferri in æs & chalybem conversio. pag. 113. Modus
ferrum indurandi & emolliendi. 114. Quomodo
rubigo ferro eximi possit. 115.

FERULA.

Ferula murænis, imo & jumentis nocentissima. 150.
Solis asinis gratissima. 151.

FICUS.

Ficus Carthaginis excidio & exitio nobilitata. 164.

FIDELITAS.

Memorabilis fidelitas cujusdam Præfecti erga suum
Regem. p. 713. & seq.

FIDICINES.

Memorabilis historia de quatuor fidicinibus. p. 448.
& seq.

FIRMAMENTUM.

Firmamenti à terra distantia. 56.

FLAMMA.

An flamma solo sputo accendi possit. 107.

FLOS.

Flores nigri & virides rari. 137. Succis metallicis
color floribus induci non potest, 138. Secus arte
em-

INDEX.

emphyteutica. 138. Flores albi in rubros facile mutari possunt. 139. Flores cujusdam herbæ in-usitatâ virtute præditi. 142.

FLUVIUS.

Quenam Regio abundet plurimis & maximis flu-viis. 327.

FOEDUS.

Optima ratio conservandi fœdera illibata. 697. Fœ-dera inter Principem & subditos armatos pericu-losa & infausa esse, notabiles historiæ decla-rant, p. 726. De confœderatione Gallorum cum Helvetiis. 727. & seq.

FORMICA.

Mira formicarum solertia & industria. 180.

FORTUNA.

Ejus instabilitati non esse fidendum, variis docetur historiis. 379. & seqq.

FORUM.

Duplex sit alicujus urbis forum. 678.

FRAXINUS.

Miræ virtutes hujus arboris. 162.

FRUCTUS.

Modus efficiendi ut fructus sint præcoces, suaviore, exosses, & enucleati. 256. 257.

FUCUS.

Quâ industriâ fucus in fucata mulieris facie depre-hendi possit. 910.

FULGUR.

Fulgura in Brasilia tanta sunt, ut solem superare vi-deantur. 812.

G.

GALLIA.

In Gallia ars vitriaria absque ignominia & nobilita-tis imminutione à nobilibus exercetur. Itaque

Nnn 2

exerc-

I N D E X.

exercitium artis mechanicæ non ubique derogat nobilitati. 570.

GEMMA.

Variæ gemmæ sive lapides pretiosi motum & mutationem solis ac lunæ exprimentes. 101. 102.

GENERATIO.

Ad generationem foetus non est necessarium semen feminæ. pag. 786.

GENTIANA.

Gentiana pestis antidotum. 130.

GENUIENSES.

Regi Hispan. ex mutuata pecunia obstricti. 585.

GESTA MEMORABILIA.

Variæ quæstiones & observationes Chronologicæ de gestis memorabilibus. 344. & seqq. usque ad 369.

GLACIES.

De lorica ex glacie confecta. 846.

GLADIUS.

Qua arte gladii & cultri ita acui possint, ut ferrum instar plumbi incidant. 834.

GRANADILLA.

Est flos Indicus, referens instrumenta Dominicæ passionis. 143.

GRANDO.

Grando inusitata & exotica Anno 1395. decidit. 812.

GUVERNATORES.

Gubernatorum immodicam severitatem Provinciis exitialem esse, probatur exemplo Albani Ducis. pag. 721.

GULA.

Gula vitam abbreviat, quam abstinencia prolongat. pag. 375.

H. HA-

INDEX

H.

HALEX.

Ingens halecum copia. 198. Copiosissima halecuni
captura capto earum duce. ibid.

HANSA TEUTONICA.

Quid sit Hanta Teutonica, unde, & quando orta.
pag. 562. & seq. Dividitur Hansa Teutonica in
4. regiones: Lubedensem, Coloniensem, Brun-
swicensensem, & Borussicam. 563. Hansa Teuto-
nica primiscentum annis celeberrima, Anno 1550.
cœpit deficere. 565.

HERBA.

Herbæ odore inebriantes. 134. Herba, in qua feri-
cum nascitur. 819.

HISPANI.

A fœdere Helvetico primùm exclusi, deinde rece-
pti. 729. & 730.

HISTORIA ET HISTORICUS.

Varia monita Historiam & Historicum concernen-
tia. 337. & seqq.

HOMO.

Corpus humanum ex duobus præcipuè elementis;
terra scilicet & aqua componitur; quia omne
corpus mixtum ex iis præcipuè elementis com-
ponitur, in quæ per corruptionem primò resol-
vitur: constat autem corpus humanum primò
resolvi in terram & aquam. 53. Cur homo osci-
tando, vel digitum in aures inferendo, crepi-
tum quandam percipiat? 230. Locus, in quo
nulli hominum aut nasci, aut mori vas est. 829.
Cur hominibus circa intestina plurimus, circa je-
cur nullus adeps concreascit. ibid. An possit natu-
raliter effici, ut homo putet se in anserem conver-
sum esse. 832. Quâ arte fieri possit, ut duo ho-

Nnn 3

mines

INDEX.

mines aliquot milliaribus à se distantes, nullis intervenientibus epistolis aut internunciis occultos animi conceptus sibi mutuò manifestare possint? pag. 833.

HOROLOGIUM ACHAZ.

Quot millaria sol recedendo in horologio Achaz confecerit? 75.

HORTUS.

Qualitates terræ ad hortum idoneæ. 308. De simo ad hortum necessario. 249. De fossione horti. 251. De sepe horti. ibid. Modus efficiendi ut hortus virescat & florescat. 252. De seminatione horti. ibid. De irrigatione horti. 254. Plura de re hortenfi. loc. citatis & seqq.

HOSPITALITAS.

Memorabiles narrationes de notabili defectu hospitalitatis in quibusdam regionibus. 903.

HOSTIS.

Hostis in bello periculosè contemnitur. 779.

HUSO.

Natura hujus piscis exponitur. 196.

HYOSCIAMUS.

Memorabilis historiola de lethifera qualitate hyosciami. 125.

I.

IGNIS.

An dari possit ignis, qui nec pluvia, nec vento extinguatur? 84. An arte Chymica ignis jugiter ardens confici possit? ibid. De igne, manum admotam non adurentem. 85. De rebus quæ igne non læduntur. 86. Miræ proprietates ignis Puteolani. 87. De repentino ortu ignis in ædificiis. ib.

IMAGO.

Modus faciendi imagines quæ semper oculos suos
ad

I N D E X.

ad aspicientem eas, quocunque se verterit, convertunt. pag. 835. Novum artificium imagines æriincisas omni colorum genere tingendi. 836.

IMPERATOR.

Imperator debet esse natione Germanus, hoc est, a Patre Germano, licet in Germania non sit natus. p. 537. Fundamentalibus Imperii legibus, v. g. Capitulationi, Aureæ Bullæ &c. solus Imperator derogare nequit. p. 538. Imperator potest aliquem famæ restituere, ita ut prior macula moraliter & politicè evanescat quasi nunquam fuisset. p. 540. Imperator Doctores & Licentiatos creare potest. 542.

IMPERIUM ROMANUM.

De decem circulis, in quos Imperium Romanum dividitur. p. 534. & seqq.

IMPOSTOR.

Memorabilis historia de quodam Impostore, alienum thorum occupante. p. 389. & seqq.

INCENDIUM.

Memorable incendium turris pulverariæ. p. 885.

INJUSTITIA.

Memorabilis historia de damnis Reipublicæ propter injustitiam illatis. 736.

INSECTUM.

Magna insectorum varietas. p. 173. Insectum unico tantum vivens die. 182.

INSIDIÆ.

Memorabilis historia de insidiis cuidam Doctori structis. p. 907.

INSULA.

Quænam Insula sit omnium maxima. pag. 327.

ITER ET ITINERANTES.

Varia monita ad itinerantes pertinentia. p. 857. & seqq.

I N D E X.

JUNIPER US.

Natura & proprietates hujus arboris. 161.

L.

LAC.

Modus efficiendi , ut lac non possit coagulari. 838.

LACRYMÆ.

Cur lacrymæ ridentium frigida , lugentium calida sint? 235. Quo pacto fiat , ut lacrymæ ex causis contrariis , lætitiæ scilicet & mœstitiæ generentur. 236.

LAPIS.

De lapide , qui vocatur lacryma cervi. 104. De lapide , morienti Domino quasi commoriente. 105. De lapide consumente aquam. ibid. De lapide mirram habente vim sistendi sanguinem. p. 106. De variis lapidibus , in quibus variarum rerum figuræ penicillo naturæ cernuntur depictæ. ibid. De homine lapides devorante. 107. Quomodo effici possit, ut lapides quivis mollescant. p. 839. Quomodo lapis bufonius comparari : & quomodo item sciri possit an sit legitimus. 840.

LECTUS.

Qua arte possit confici lectus pneumaticus. 837.

LEGATUS.

De legatis , tempore & prætextu legationis excedentibus. 682. Quomodo tractandi Legati. 702.

LEO.

Generositas hominis terror leonis. p. 215. Asinus leonis victor. p. 219.

LEPUS.

Immensa leporum copia. 226.

LEX.

Memorabilis lex de furibus. 889.

LIEN.

INDEX.

LIEN.

Cui lienem habentes magnum sint ad risum procliviores. 236.

LIGNUM.

Qua arte effici possit, ne ligna igne comburantur. p. 838. Quomodo omnis generis lignis forma ebeni induci possit. 839.

LILIUM.

Modus conservandi lilia recentia per totum annum. p. 142.

LITERÆ.

Quomodo literæ albae & chartæ concolores legi possint? 848. Quomodo literæ obliterari & penitus deleri possint. ibid. & 849. Quomodo literæ à muribus tuenda. 849. Ne literæ comburi possint. 850. Quomodo scribendum literis aureis sine auro, & argenteis sine argento. ibid.

LOCUSTA.

Locustarum igitur copia, & inde nocumenta. 182.

LOGICA.

Affertiones paradoxæ ex Logica. 293. & seqq.

MULUBECA.

Est caput Hantæ Teutonicæ, in qua asservatur Archivum totius Societatis Hanseaticæ, cum Jure evocandi, & convocandi vicinas urbes. p. 563.

LUCIUS.

Natura Lucii piscis describitur. 194.

LUDENTES.

Ludentium detrimenta. 894.

LUNA.

Lunæ à terra distantia. 57. Descriptio corporis lunaris. 63. Lunæ influxus in res inferiores. 65.

LUPUS.

Astutia & industria cujusdam lupi. 170.

Nnn 5

LU-

I N D E X.

LUSCIOSI.

Cur lusciosis proſit, ſi averſi curru vehantur, obſit
verò, ſi vehantur adverſi. 317.

LUSITANIA.

Potentia Luſitanica *conſilio & induſtria* in Indiis præ-
clare ſtabilita. 586.

M.

MACULA.

Quomodo omnis generis maculæ ex variis pannis
tollī poſſint. p. 840. & ſeq.

MALUM PUNICUM.

Quomodo ſciri poſſit quot grana habeat malum pu-
nicum. 819.

MANDRAGORA.

Eſt herba ſomni conciliativa, quod hiſtoriolâ com-
probatur. 136.

MANUS.

Quomodo effici poſſit, ut quis manus lavans ac ter-
gens, tantò magis eas denigret, quantò magis ter-
ferit. 910.

MEDICAMENTUM.

Quædam peculiariâ medicamenta omnibus Patribus
familias commendantur. pag. 508. ſeqq.

MELONES.

Qua arte poſſint produci melones dulces & odora-
ti. p. 257.

MERGUS.

Mergus avis fungitur officio piſcatoris. 211.

METALLUM.

Metalla etiam in nubibus generantur. pag. 109. An
metalla ex ſeminali principio generentur. ibid.

MILVUS.

De natura & proprietatibus milvi. 211.

I N D E X.

MULIER.

Malarum mulierum qualitates. 384. & seqq. Aqua ore contenta est optimum remedium adversus rixas & jurgia mulierum. 457.

MULLUS.

Natura mulli piscis, ejusque ingens pretium. 194.

MUNDUS.

Non fuit totus simul, sed successivè spatio sex dierum productus. p. 36. Primo die mundi Deus produxit cælum empyreum, terram, aquam, lucem. 39. Lux verò illa non fuit lux solis. 40. Secundo die mundi Deus ex aqua produxit firmamentum, quò nomine debent intelligi aër, ignis, & omnes cæli mobiles. p. 42. Tertio die mundi Deus congregavit aquas in unum locum, & produxit plantas. 44. Inter quas etiam comprehenduntur spinæ & tribuli. p. 45. &c. aliæ quæ plantæ humano generi nocivæ. ibidem. Quarto die mundi Deus produxit solem, lunam & stellas. pag. 47. Quinto die mundi Deus produxit volatilia & aquatilia. 48. Sexto die mundi Deus produxit hominem & omnia animalia terrestria. 52. Multi tamen negant hoc die producta esse animalia adulterina: cujusmodi est species muli ex equo & asina, leopardi ex leone & pardo, lycis ex lupo & cerva. ibid. Mundi figura. 57. Quàm diu mundus duraverit, & duraturus sit? 59. Septem mundi ætates. 60.

MUS.

Natura & proprietates murium. 227. Memorabilis historia de muribus. 733. & seq. Mures & forices vim habent partes corporis pilosas depilandi. 821.

M U-

I N D E X.

MUSCA.

Magna Muscarum varietas. p. 174. Muscæ alicubi nullæ, alicubi raræ, alicubi innoxie, ibid. Ridicula de musca & aranea commentum. 175.

MUSICA.

An musica moderna sit nobilioꝝ prisca. 300. Quenam inter instrumenta musicalia principatum obtineant. 303. An etiam bestię musicam addiscant. 304.

N.

NAPELLUS.

Memorable exemplum de exitiali qualitate hujus plantæ. 131. & seq. Item pag. 157. aliud de eodem exemplum.

NAPHTHA.

Mira naphthæ cum igne cognatio. 121.

NAVIGATIO.

An per Septentrionem in utramque Indiam navigari possit. pag. 335.

NIGREDO.

Plantæ & animalia nigri coloris sunt malæ notæ, secus aromata. p. 815. Judicium Physiognomicum de iis hominibus, qui colore sunt nigri. pag. 817.

NITRUM.

Natura nitri declaratur. 119.

NOBILIS ET NOBILITAS.

Nobilis exercens officium tabellionatus, vel mercaturam, privilegia nobilitatis amittit. p. 566. Nobiles sunt immunes à muneribus publicis. ibid. Nobilis non est detinendus in carceribus propter debita. ibid. Nobilibus pœna triemium infligi non potest. ibid. Si Pater sit ignobilis & Mater nobilis, filius sequitur qualitatem Patris. 567.

No-

I N D E X.

Nobilis potest renunciare privilegiis nobilitatis. ibid. Habens filium Episcopum gaudet ob filii dignitatem prærogativa nobilitatis, ut non reputetur plebejus. ibid.

NOCTUA.

Novem dierum abstinencia non læditur. 212.

NOX

Exotica noctium longitudo. 65.

NUPTIÆ.

Nuptiæ Parisienses atrocissima cæde funestatæ. p. 740. & seq.

NUTRIX.

Illaudabiliter & imprudenter matres nonnullæ filios suos alienis nutricibus lactandos committunt. p. 874. & seqq. De quo memorabilia exempla. pag. 876. & seqq.

O.

OBSIDIO.

Urbis obsidio stratagemate sublata. p. 665.

OCREA.

Quomodo parandæ sunt ocreæ, ne aquam transmittant. p. 842.

OCULUS.

Ad quantum spatium oculus hominis visionem suam extendere possit. p. 305. & seq. An oculis dormire apertis sit magni mali indicium. p. 316. An sit signum mortis, si pupillæ oculorum in ægro non reddant imagines. p. 317. An oculus sit temperamenti aquei vel ignei? ibid. Oculus hominis erutus seu destructus naturaliter restitui potest. p. 830. Mira Naturæ, defectum oculorum aliunde compensantis, providentia. p. 91.

ODORATUS.

An vis odorandi sit major in bestiis, quam in homine?

I N D E X.

ne? p. 231. Cur tempore hiberno minùs bene odoretur homo? p. 232. An solus homo odore recreetur & affligatur? p. 231. An quorum animalium præstantior est odoratus, eorum visus sit præstantior. p. 313.

OECONOMIA.

Varia observationes ad Oeconomiam, sive administrationem rei familiaris pertinentes. p. 463. & seqq. Varia præcepta practica de eodem argumento. 469. & seqq.

OECONOMUS.

Canis & Cercopithecus officio Oeconomi fungentes. p. 168.

OFFICIALES.

Eorum frequens mutatio dissuadetur. p. 612.

OTUS.

Otus avis humanarum actionum imitatrix. p. 207.

OVIS.

Modus cognoscendi colorem fœtus in ove prægnante. p. 222. Oves exoticæ. ibid.

OVUM.

Memorabiles historię de quibusdam ovis. p. 682.

P.

PAPA.

Non potest ante mortem suam sibi successorem designare. p. 518. Eo superstire non licet de ipsius successore tractare, sub pœna anathematis & privationis dignitatum. ibid. Ille in Papam canonicè electus censetur, in quem duæ ex tribus Collegii Cardinalium, qui electioni interfunt, partibus consenserunt: & contra taliter electum nulla potest opponi exceptio, præter hæresim, aut aliam exceptionem in Jure divino consistentem. p. 520. Laicus, si Christianus sit, in Papam eligi potest.

I N D E X.

potest. p. 520. Si ante factam Papæ electionem omnes Cardinales, præter unum, fuerint mortui, poterit ille unus, ac debebit Papam eligere. p. 522. Si omnes Cardinales ante electionem Papæ mortui fuerint, tunc electio Papæ probabilius spectabit ad Canonicos Lateranenses, quorum Ecclesia est propria Sedes Pontificis, super omnes Orbis & Urbis Ecclesias. ibid. Uxoratus potest validè in Papam eligi. ibid. Papa non debet esse minor 30. annis; valida tamen esset electio in ætate minori, ibid.

PELLIS.

Modus pelles & coria conservandi. p. 841.

PERDIX.

Modus cicurandi perdices. p. 207.

PETROLEUM.

Facillima Petrolei inflammatio & inflammati vehementia. p. 121.

PICTURÆ.

Modus picturas veteres renovandi. p. 842.

PISCATIO.

Piscatio in mari & fluminibus an cuilibet permissa?
p. 187. Varia monita ad piscationem deservientia. p. 188. & seqq.

PISCIS.

In eo conveniunt pisces & aves, sive aquatilia & volatilia, quòd utraque sint producta ex aqua, & careant lacte, vesica, atque auribus eminentibus p. 49. Non omnes pisces sunt ovipari, sed nonnulli etiam vivipari, ut pristis, balæna, vitulus marinus, delphinus. p. 50. Deus ante omnia alia animalia produxit pisces. p. 49. Pisces in Genesi vocantur reptilia, quia simili ferè modo moventur in aquis, quo reptilia in terris, nempe supra pectus

I N D E X.

pectus & ventrem. p. 50. In Scriptura sacra omnes pisces magni vocantur cere grandia atque dracones. p. 51. In nullo genere animalium reperiuntur tam magna sicut in genere piscium. Nam balæ-næ maris Indici sunt quater norum iugerum, pristres ducentorum cubitorum, anguilla in Gange trecentorum pedum. ibid. An pisces vivarii sint numerandi inter res mobiles, vel immobiles? p. 184. Quæstus ingens ex piscibus & piscinis. p. 186. Mira docilitas, & injuriarum reminiscencia cujusdam piscis. p. 191. Piscis exoticus. p. 196.

P L A N T A.

Modus efficiendi ut semen intra paucas horas excre-scat in plantam esui aptam. p. 129.

P L U M B U M.

Experientia de plumbo in ædibus crescente. p. 116. Plumbum liquatum manu nuda innoxie contrectatum. p. 117. Plumbum est vocis conservativum. ibid. Qua arte ex plumbo confici possit argentum vivum? p. 839.

P O D A G R A.

Podagræ remedium duplex. p. 212.

P O M U M.

Amicitia conciliata per pomum. p. 883. Pro pomo accepta corona. p. 913.

P O M U S E T P Y R U S.

Modus cavendi, ne pomus poma caduca, & Pyrus lapidosos fructus progignat. p. 264. Modus efficiendi, ut Pyrus copiosum & dulcem proferat fructum. ibid. Item, ut pomus poma dulcia, & non caduca producat. p. 267. Item, ut pomus & pyrus progignant fructus rubicundos. ibid.

P R A N D I U M.

An debeat esse largius vel parcius cernâ. pag. 503.

Prand.

INDEX.

Prandium opiparum Angelicis manibus præparatum. p. 900.

PRÆTENSIO.

De quibusdam illustribus Europæorum Principum ac Statuum prætensionibus. p. 544. & seqq.

PRINCEPS.

Quomodo Principes nimiam suorum Procerum potentiam comprimere soleant. p. 607. 609. 610. 611. Congressus publici inter viros Principes non facile suadendi. 629. Princeps imprudenter agit si simul omnes subditos irriteret. p. 683. Quæ populo grata sunt, non vituperanda à Principe. ibid. Princeps quantumvis offensus, prius securitati, quàm vindictæ consulat. 688. Prognosticon futuri Principis. ibid. Metui velle à Principe, periculosum. p. 689. Artes Principem dedecentes. 690. Provincias limitaneas non esse à Principe onerandas. pag. 694. Memorabilis clades Principis salutaribus consiliis non acquiescentis. p. 715. Variæ variorum Principum occupationes & recreationes. p. 716. & seqq.

PRINCIPATUS.

Selectæ historiæ de iis, qui mirâ dexteritate & solertia sibi aditum ad principatum paraverunt, eumque novis ditionibus auxerunt. p. 579. & seqq.

PSITTACUS.

Mira psittacorum docilitas ac solertia. p. 169.

PTISANA.

Escarum omnium sanissima ptisana. p. 326.

PULEX.

Pulex aurea vinctus catenula. p. 177.

R.

RACEMUS.

Quâ arte effici possit, ut unus idemque racemus
Ooo diver-

I N D E X.

diversorum colorum acinos producat. p. 272.

RANA.

Ranæ Egyptiacæ astutum stratagema. p. 171.

RAPA.

Monstrôsæ & memorabiles rapæ. p. 131.

RAPHANUS.

Est antidotum adversus scorpionum ictus. p. 179.

Modus efficiendi, ut raphani dulcescant. p. 255.

Mâhus succo raphani perunctæ serpentes innoxii
contrectare possunt. p. 822.

RATIONES.

Solertia quorundam in rationum computu facien-
do. p. 601.

REGNUM.

Quodnam censeatur optimum Regnum. p. 337.

RESPIRATIO.

Quæ sint respirationis causæ, instrumenta finis &c.
p. 232.

RESPONSUM.

Lucrum prudentis responsi. p. 913.

RESPUBLICA.

Variæ Regulæ ad gubernandam benè Rempublicam
accomodatæ. p. 674. & seqq. In Republica sit
duplex ærarium. p. 697. Causæ Rempublicam
evertentēs. p. 705. & seq. Rebus publicis fatales
sunt anni quingentesimus & septingentesimus.
p. 890.

RISUS.

Quid sit risus, & quæ illius causæ? p. 234. Cur ho-
mo ante 40. a nativitate diem non faciliè rideat?
p. 635. Cur in risu interdum cachinnus, inter-
dum lacrymæ concurrant. ibid. Cur calidiores
sint ad risum procliviores. ibid.

ROMA.

Roma sub finem mundi ad præstinam Imperij digni-
tatem

I N D E X.

ratem, atque etiam ad vetera crimina, & à Christianismo ad Ethnicismum redibit, Pontificemque suum expellet, & fideles persequetur. pag. 806.

ROMANUM IMPERIUM.

Sub finem mundi destruetur. p. 806.

ROSA.

Rosæ hiberno tempore provenientes. p. 140. Modus rosas recentes anno integro servandi. p. 141.

Rosa per artem ex cineribus suis rediviva. *ibid.*

S.

SAL.

Natura salis describitur. 119.

SALMO.

Usitata Salmonis piscis vivacitas. 192.

SATISFACERE.

Satisfacere omnibus esse impossibile, lepidâ narratione de asino ostenditur. 915. & seq.

SCORPIO.

Usitata scorpionum magnitudo. p. 177. Scorpionum Persicarum qualitates. p. 178. Generatio

scorpionis in cerebro humano ex frequenti odoratu herbæ basilicæ. 179.

SEDITION.

actiones & seditiones in Republica quomodo sint compescendæ. p. 640. & seq. usque ad p. 647.

SEMEN.

Admiranda vis feminis. 881.

SEPTENTRIO.

Cur Septentrio appelletur vagina gentium. p. 327.

SERPENS.

Serpentes in vino adusto incorrupti. 184. Serpentes vino capiuntur, & certis herbis fugantur. 823.

Serpentem regeneratio. *ibid.*

I N D E X.

S I G N A T U R A.

Quidquid habet signaturam partium hominis, illud confortationi earum intervrit, earumque partium morbos sanat. pag. 511. Quidquid habet signaturam morborum, illud ad eosdem morbos pellendos conducit. 512.

S I L E X.

Modus filices instar ceræ emolliendi. 108. Qua arte possint filices instar ceræ emolliiri. 838.

S I M I A.

Mira astutia & docilitas simiarum. 170. Simia infelix cujusdam sutoris imitatrix. 226.

S O L.

Solis altitudo. 56. Sol est corpus asperum & inæquale, partes habens scabiosas & contragofas. 62. Corpus solare est summè dēsum. 64. Solis immodicus & exoticus æstus. ibid. Ingens solis & aliorum siderum velocitas. 74.

S O L A N U M.

Memorabilis historia de soporifera virtute solani. pag. 125.

S O M N I U M.

Memorable Regis cujusdam somnium. 908.

S P O N S U S E T S P O N S A.

Memorabilis historia de sponso à sponsa deluso. 436.

S T E R N U T A T I O.

Cur homo sæpius sternutet quàm alia animalia, & an nimia sternutatio sit periculosa. 491. Pistor quidam, cum ter ac vicies continenti spiritu sternutasset, vigesimo quarto sternutamento mortuus concidit. ibid.

S T R A T A G E M A.

Aliquot stratagemata militaria. p. 165. & seq.

STU.

INDEX.

STURIO.

Inusitata sturionis pilcis fortitudo. 192.

SUCCINUM.

Succinum trahit paleas, pilos, festucas: & unde hæc tractio proveniat. 122.

SUFFRUTEX.

Varia variorum suffruticum, ut rutæ, salviæ, rorismarini, helenii, majoranæ, lavendulæ &c. virtutes. 151. & seqq.

SULPHUR.

Quomodo bonitas sulphuris explorari possit. 123.
Balsamum sulphuris præservat corpora à putrefactione. 124.

SYMBOLUM.

Symbolum Augustiss. Cæsaris LEOPOLDI PRIMI, *Consilio & Industria*, inter Regulas Archonticas, si-
ve ad gubernationem populorum deservientes,
principatum obtinet. p. 577. & seq.
T.

TABACUM.

Curat vulnera, prodest, oculis, dolores dentium sanat.
p. 127. 128.

TEMPERAMENTUM.

Quale temperamentum requirat bona memoria.
p. 237. Signa temperamenti sanguinei, phlegmatici,
melancholici, cholericici. ibid. & seqq. Quæ-
nam sint signa physiognomica temperamenti cor-
dis. 240.

TEMPLUM.

Templum magnificentissimum Simio dedicatum.
pag. 226.

TERRA.

Magnitudo terræ, ejusque à cælo distantia. p. 90.
Ejus in partes divisio. 318.

O o o 3

TER.

I N D E X.

TERRA LEMNIA SIVE SIGILLATA.

Quomodo hæc terra effodiatur. 118.

**TERRA SUBAUSTRALIS ET SUB-
BOREALIS.**

In quas regiones hæc terræ dividantur. 322. & seqq.

THESAURUS.

Præter ærarium publicum Princeps habeat thesau-
rum occultum. 746.

TRIBUTA.

Varii modi ea colligendi. p. 591. seq.

TULIPA.

Ingens pretium cujusdam tulipæ. 143.

TYPOGRAPHIA.

Quando, & à quo inventa. pag. 847.

V.

VACCA.

De vaccis quæ mulgeri non possunt nisi eorum vi-
tulis præsentibus. 221.

VALETUDO.

Varia præcepta de conservanda bona valetudine.
pag. 477. & seqq.

VENATIO.

Venationibus exercendi (præsertim filii nobilium)
qui ad bellum destinantur. 748.

VENENUM.

Quomodo Principibus adversus venena prospicien-
dum. p. 624.

VENETI.

Venetorum prudentia in gubernanda sua Republica.
pag. 581. 606. 622. 628. 635. 636. 672.

VENTUS.

Ventus ferrum afflatu suo consumens. 811. Ventus
absque sensu doloris perimens homines, & omnia
corpora à corruptione præservans. ibid.

VER-

I N D E X.

VERMIS.

Vermis, ex quo miræ virtutis oleum destillat. 181.

VESTIS.

Rara vestis ex pilis Salamandræ confecta. 845.

VIDUA.

Duplex memorabilis historia de duabus viduis, alterâ procos deludente. 460. alterâ testamentum mariti nequiter exequente. 461.

VILLA.

Quomodo villa in re rustica debeat esse comparata. pag. 244.

VINEA.

Varia monita ad culturam vineæ pertinentia. p. 269. & seqq.

VINUM.

Inusitatus modus probandi vina. 148.

VIOLA.

Unica violæ planta omnes omnium plantarum colores referens. 140.

VISIO.

Cur obtusè videntes, ut videant clariùs, palpebras contrahant? 307. Cur sonus vehemens officiat visui 309. An aliquis possit per nasum videre. 310. An quis possit oculo altero amisso, altero manu recto, exercere visionem. 312. Cur potiores aquæ acutiùs videant, quàm potiores vini. pag. 314.

VITIS.

Vites ter quotannis fructiferæ. 147. Variæ medicinarum variorum morborum, quibus vites affici solent. 270. & seqq.

VITRIOLUM.

Mira acrimonia spiritûs vitrioli. 120. Mira antipathia inter spiritum vitrioli & succinum. ibid.

UL.

I N D E X.

ULCUS.

Ulcus pessimum solo afflatu pueri duodennis curatum. 884.

UMBRA.

Umbrarum alia noxia, alia salutifera. pag. 879. & seq.

URANOSCOPIUS.

Inusitata uranoscopi piscis vivacitas & voracitas. pag. 193.

URBS.

Recensentur celebriores urbes in orbe terrarum. 328. & seqq. Item p. 336.

VULPES.

Vulpis pulices excutientis astutia. 167.

UXOR.

Quomodo ducenda sit uxor. 434. Ridicula historia de uxore dominatum exercente in virum. p. 452. Uxoris suae pulchritudinem ne in pictura quidem aliis ostendat & ostendet maritus. p. 454.

Z.


ZELOTYPYIA.

Memorabilis historia de viro zelotypo, injustè persequente uxorem suam. 442.

ZODIACUS.

Sub quibus signis Zodiaci praecepta mundi regiones & urbes sitae sint? 71.

F I N I S.



87-36

F. M. 1

20.

one

J670

W 374d

8:28 A-Hun, 0009

